





12
1
e
9-10



J O S E P H I
L A N Z O N I,

FERRARIENSIS.

OPERA OMNIA,

MEDICO-PHISICA & PHILOLOGICA.

IN TRES TOMOS DISTRIBUTA.



THE
LIBRARY
OF THE
MUSEUM OF
ART AND HISTORY
OF THE
CITY OF BOSTON

JOSEPHI LANZONI,

FERRARIENSIS

PHILOSOPHIÆ AC MEDICINÆ DOCTORIS
IN PATRIA UNIVERSITATE LECTORIS PRIMARIJ;

S. R. I. Academiæ Cæsareo - Leopoldino - Carolinæ
Naturæ Curioforum Socii &c.

OPERA OMNIA,

MEDICO-PHYSICA ET PHILOLOGICA

CUM EDITA HACTENUS, TUM INEDITA
Accedit

VITA AUCTORIS HIERONYMO BARUFFALDO
Ph. D. Ferrariensi, Scriptore.

CUM INDICIBUS RERUM CUIQUE VOLUMINI NECESSARIIS.

TOMUS PRIMUS.



LAUSANNE,

Sumptibus MARCI-MICHAELIS BOUSQUET & SOCIOR.

M. DCCXXXVIII.

THE UNIVERSITY OF CHICAGO
LIBRARY





BIBLIOPOLÆ LECTORI.



UNC tandem prodit Collectio
 Operum omnium Viri Celeber-
 rimi JOSEPHI LANZONI; hæc
 ab iis omnibus quibus placent
 tum Medicinæ, tum Philologiæ
 anxie expectabatur: hanc promi-
 serant olim vivente Authore Bi-
 bliopolæ Genevenses, & post
 ejus obitum Bibliopola Ferrariensis; quanto in pretio
 habita, quantam Authori conciliarint famam nemo
 est in Medicinæ vel Philologiæ studiis tantisper ver-
 fatus, qui ignoret; sciunt Bibliopolæ ex iteratis quo-
 rundam ejus Operum editionibus. Nihil itaque ju-
 cundius atque utilius nos facturos esse arbitrati sumus,
 quam si tanti Viri Scripta, tum olim edita, tum in-
 edita, in unum conjecta, tibi, B. L., offerremus; sic-
 que desiderio Celebrissimi Authoris satisfacimus, ut
 paruit ex ejus Testamento. De ejus vita nihil dicturi ne
 tanti Viri laudes culpa deteramus ingenii, B. L. remit-

timus

timus ad ea quæ eruditè scripsit Vir Celeberrimus Authoris amicissimus HIERONYMUS BARUFFALDUS.

Inter Opera Manuscripta eminent *Tractatus de Venenis* in quo omnia Venenorum genera ad examen revocat; huic addidimus quædam de Veneno ante paucos annos detecto excerpta ex Transactionibus Philosophicis Anglicanis & Latinè reddita. Nondum etiam editæ fuerant *Consultationes Medicinales* ferè omnes; *Dissertationes varia*, ut & *Adversariorum Liber V. & VI.*; quæ omnia nobis suppeditarunt Viri Docti Ferrarienses qui Italica Latina fecerunt; inedita etiam dici potest *Dissertatio de Zatrophyis Ferrariensibus*, tantum mutata ab illa est quæ anno 1691. lucem vidit.

Præter hæc excerpimus ex Miscellaneis Academiæ Naturæ Curiosorum, ex Clar. MANGETI Bibliothecis, ea quæ in vastis illis collectionibus ad Authorem nostrum pertinebant.

In eo etiam toti fuimus ut, quoad chartæ nitorem, typorumve elegantiam nihil posset desiderari; ut & etiam Opera ab erratis, quantum fieri potest, immunia prodirent.

Ut volumina æqualia forent, unicuique addidimus Indicem materiarum in eo Volumine contentarum.

In initio primi Voluminis invenies Autoris vitam, & Tractatum in toto Opere contentorum Argumenta: denique te monitum volumus, B. L. Indicem Capitum post unumquemque Tractatum inveniri; si Volumen secundum excipias, in quo post Titulum generalem invenitur.

Vale, Amice Lector, nobisque semper fave.

D E







Augustus Schöner

JOSEPHI LANZONUS FERRARIENSIS

*Phil. & Med. Doctor,
In Patria Universitate Primarius Lector,
Ac S. R. I. Academiae
Caes. Leopoldino Carolin.
Naturae Historiarum Societ. &c.*



DE VITA, ET MORIBUS
JOSEPHI LANZONI

M. D. FERRARIENSIS,

Ex Bibliotheca MS. Scriptorum Ferrariensium

HIERONYMI
BARUFFALDI.



ORUM probitate atque Scientiarum doctrina dignus omnino fuit JOSEPHUS LANZONUS, cujus memoria nullo unquam tempore sit resicenda. Natus est in Civitate Ferrariæ VII. Kal. Novembris Anni MDCLXIII. honestis parentibus JACOBO LANZONO, & MARGARITA SERENA. Quod in prima ætate non ita frequens est, Libros semper maluit quàm jocularia: cùmque Grammaticum & Rhetoricum studium in Patria sub publicis Magistris celerrime absolvisset, ad Magistros eminentiores, & verè Cathedricos accessit.

Jos. Lanzoni Opera Tom. I.

† †

fit.

sis, ut Philosophia operam daret. Praeceptorem itaque habuit SIGISMUNDUM NIGRISOLIUM, publicum Philosophia Professore, non tamen Humaniores Litteras deferens, ad quas potissimum factus videbatur. Tum se Medicina dedit, nec interim Anatomicum studium, qua erat ingenii abundantia, pratermissit, docentibus JOH. BAPTISTA JUSTINO, & HIERONYMO NIGRISOLIO, clarissimis Medica, & Anatomica Facultatis Professoribus. Annos natus ferè viginti publicum Philosophia & Medicina examen subiit, probatusque suffragiis omnibus, Laurea decoratus fuit in Patria Universitate: quo facto ab inchoatis studiis non cessavit, imò praxim rei Medicae superaddidit, sub HYPPOLITO à MONETIS, Physico sua aetate non obscuro. Praecipuè Anatomicis demonstrationibus sese dedit, privato quidem studio, sed satis sibi, & amicis suis proficuo. Hinc in Patria clavis factus, ad agros, & per totam Civitatem ad domos, & Nosocomia adscitus pro consilio & juvamine, adhiberi cepit. Matrimonio junctus anno 1687. cum honestissima Virgine CLARA DE MONARIIS, quam in toto vita sua curriculo enixè dilexit. Decem & septem Liberos ex illa suscepit; unico tamen post Patris mortem superstiti ALOYSIO, quem tamen ad Scientiarum studia allicere ullo pacto nequivit, nimium fortasse eum peramando. Ad Bibliothecam satis amplam & optimorum Librorum copia instructissimam sibi comparandam animum inflexit, totum penè domesticum patrimonium, & adventitia emolumenta in illà acquirendà insumendo. Philologia studia pro deliciis habuit quoscumque antiquarum rerum Libros parando, & ex illis quacumque pro rebus Philologicis disceptandis, & conscribendis utilia sibi viderentur decerpendo, & reponendo ad usum Dissertationum suarum, qua in dies praelo committebantur. Litterarum Sectatores quaritabat, amore prosequeretur, adjuvabat, fovebat, illisque Librorum totam suppellectilem commodabat, ad hoc ut quandoque inter alios eminere, & sic in alumnos suos adopraret.

Anno 1694. Philosophicam Cathedram primò conscendit in patria Universitate, nec ad pompam vel inutiliter illam occupare studuit, sed quotidie novas doctrinas, novae rei Philosophicae & Medicae documenta confluentibus auditoribus, enucleabat, placitas suas sæpè sapius (quod sui moris erat) Philologicas animadversiones intermiscendo. Quaestiones litterarias studiosè promovere amabat, ut hoc pacto

paſſo adoleſcentium , Diſcipulorumque ſuorum animos teneret atque promoveret exercitia , & hoc paſſo , ab inertia , & otio , omnium vitiorum fonte , declinarent . Nec in tota Italia , & extra etiam quaſi nulla , ſive rei medica , ſive Philoſophica , ſive tandem poli-
tioris Litteratura promovebatur , ad quas LANZONUS , quaſi Ju-
dex & arbiter , ſeu partis verioris fautor , non adſciſceretur .

Hinc ortum habuit arctiſſima familiaritas & conſuetudo cum qui-
buſcumque eruditis Viris , tum Patria , tum exterarum Regionum
per epiſtolas , quos amanter percolebat , illis ſollicitè reſponſum fa-
ciens , adeò ut apud quaſcumque nationes , brevi tempore emergere
nomen ejus cæperit , notumque pluribus fieri , qui Ferrariâ tranſ-
euntes , Lanzonum tamquam doctrina , & politioris litteratura Vi-
rum eximum adibant , ac ſapiùs apud eundem hoſpitabantur , ſplen-
didiffimè excepti ; licet ipſe tenui victu uteretur .

Erat quidem à natura propenſus ad Poëſim , tum Latinam , tum
Italicam , ſed ejus Carmina præcipuè vulgaria , quadam dicendi me-
diocritate redolebant , ex quo ſui ævi ſtylus tamquam turgidus , &
pingue quid reſonans , jam in malam exiſtimationem abierat ; ſicuti
& ejuſdem numeris ſoluta Oratio , quamvis erudiſa , & docta , com-
muni tamen ſcribendi conſuetudine ætatis ſue redundabat . Neque
tamen id illi quidquam de communi exiſtimatione detraxit , qua in
hominum opinione vigeſcit , & illorum præcipuè , quibus ætas illa abun-
dat . Academia plures tum Italia , tum extra , Socium Lanzonum
adſcribere amulabantur . Inter ceteras , Leopoldino - Imperialis
Curioſorum illi ſub nomine Epicharmi titulum dedit , pro qua tali
amore ſagrabat , ut quotannis innumeras obſervationes Medicas
transmittere non retardaret , qua omnes ſi in unum congeſta forent ,
pro unius , & quidem longævæ ætatis Viri ſtudio , ſufficerent . Intre-
pidorum politioris Litteraturæ Academia , qua Ferrariæ florentiſſimè ,
ab uſque ſæculi prope elapſi exordio ſtat , atque augetur , Lanzo-
num habuit reſtauratorem , & athletam , qui collato ſibi Secretarii
honore , nunquam à Conventu publico ſe abſtinuit . Inter Arcades
Colonia Ferrarienſis Alzindi Epiziani nomine decoratus , paſtorali
ſiſtula perſonare non dedignatus , quod illi maximum ornamentum re-
tulit : atque iſa factum eſt , ut ſerè nullum in Patria clariùs nomen
de litteris benemeritum reſonaret .

ſpectata Vir fuit probitatis , in pauperes clementiſſimus , & præ-
ſerim

sertim infirmos, quibus expensis propriis alimenta prestabat. Discipulos suos enixè deperiens, quotquot ad Scientiarum, & vita probitatis institutum trahere poterat, amore prosequabatur, illis semper affabilis nunquamve supercilio gravis. Nec labori finem imponebat nisi post completa eorum studia, & Laurea Doctorali jam ab illis adepti: qua humanitate impulsus, catervatim illum honoris causa comitabantur quocumque tenderet. Eos qui ab exteris Regionibus procedebant sibi que committebantur, ut ad studia Medica manuduceret, maximà comitate excipiebat, usque dum ad stadium pervenissent: illos multo cum honore prosequabatur, ut cum ad patrios lares remeassent, de Ferrariensi Universitate honorificè loquerentur.

Hac vivendi ratione ductus, quidquid supererat otii, id totum in antiquitatis studium conferebat, res præcipuè Romanas, & Græcas apud optimos Scriptores perscrutando, & quæ ad rem suam faciebant reponendo, cum quibus tot deinde Dissertationes Philologicas instruebat, quæ in dies prodire. Veruntamen Medica studia non deferens illud observatum est in Librorum suorum promulgatione, quod publici Juris facta una Dissertatione seu Tractatu in via Medica, identidem Philologica Dissertationi, seu Tractatui locum dabat, interférendo hoc pacto Jatrophysica cum Philologicis studiis, ne à Medicinâ subdûctus videretur.

Ceterùm, licet de Re Medica optimè sentiret, in Remediis tamen præstandis satis sobrius, & natura indulgens videbatur, quod & in accedendo ad Infirmos, & in consiliis per litteras præstandis maximè effulgebat, prout in Scriptis jam evulgatis, & posthumis videre est. Nec sui panitebat si in hac sententiâ persisteret, cum rationi, & optimorum Doctorum authoritati inniteretur. Ex quo illud evenit, quod contradictiones, & maledicta pro nihilo habere studuit, imò illa lato vultu excipiebat, nusquam quacumque de causa iracundia stimulis invasus, adeo ut locum in illo iracundiam non habere, invaleret opinio. Quod & maximè illi profuit, nam cum humana conditio hoc peculiare habeat, ut non equali animo quisque hominum prosequatur, ii qui Lanzono invidabant, à detractionibus contra illum potius se abstinere maluerint, quàm incassum jacula contorquere.

Ad ordinariam Cathedram tum Philosophiæ, & successivè Medicinæ eveltus anno 1694. cum honorarii stipendii augmento, Bibliothecam

thecam suam in eruditionis, & Philosophicarum meditationum officinam convertit: sua sorte contentus, nec majora, nec utiliora quarisabat. Hac duo tantummodo in studiorum suorum cursu pro deliciis habebat, qua animum illi mirificè serenabant, nempe absentium Litteratorum amicitia^s, quas studiosissimè colebat: quicumque enim aliquo insigni Litteratura genere prastaret, illum amicitia sibi vinculo confirmabat, inter quos eminebant Schroeckius, Mangetus, Reditus, Patinus, Mandosius, Ramazzinus, Bonannus; Tozzius, Lancisius, Muratorius, Zenus, Vallisnerius, Morgagnus, Bacchinus, Malpighius, aliique plurimi, atque innumeri, quorum nomina, Scripta & Epistolas summa animi alacritate percurrere laetabatur. Alterum eras quadam animi proclivitas ad Theatralia spectacula, ad qua invisenda, sive Tragico, sive Comico stilo agerentur, quolibet anno, nocturno tempore se conferebat, tamquam (inquiebat ipse) pro animi medicamento. Caterum nec ludis, nec cupediis, nec choreis, neque potationibus, aut commessionibus capiebatur: sobrietatem victus apprimè dilexit, pane modico, modicis cibis, semper tamen dulcedine jucundis, parisque saporis, vino modicè parato contentus.

Sed & Patria in sui prudentia confidens, patriis honoribus illum cumulare non desit; pluries enim inter Decemviros municipales enumeratus, Reipublica mirà cum suavitate, & solertia, negotia pertraxit nulli nocendo, & omnes vel opere, vel consilio juvando: adeo ut maximi haberi ceperit in hoc munere, ad quod per magnum Centumvirale consilium sapius adoptatus, electorum desiderio, & spei rectissimè satisfecit.

Interim, demortuo Francisco Maria Nigrifolio in patria Universitate prima sedis Philosopho, anno 1727. nusquam melius publica utilitati consulum fuit, quàm tunc, cum omnes electores in voto fuerè, ut Lanzonum in Nigrifolii sedem sufficerent. Ne tanto munere abuti videretur, Cathedram primò ascendit, implevitque multa cum solemnitate, ab amicis sibi comparata, die 4. Martii anni subsequentiis. Deinde ut novo ornamento sibi collato perfectè satisficeret, eo magis quia prima publica sedi illud applicatum fuerat, ut non solum in publicis Scholis, sed privatim etiam praxim Medicam Discipulos edoceret: quod non exigui momenti, & laboris onus in provec̃ta atatis viro haberi debuerat. Nihilominus Vir spectata pro-

bitatis, & imperterriti animi, hoc subire pondus non renuens, publica & privata lectura se totum dedit, in quo obeundo munere nondum secundo elapso anno decessit; nam assiduus laboribus vigorem hebetantibus, & pramaturam senectutem inducentibus, infirma valetudinis esse capit usque de mense Aprilis ejusdem anni 1728. Tunc quadam capitis gravedine affectus, acrem humorem ad pectus distillantem, asthma, licet tenui, laborare cepit, cujus morbi exordio minimè se opponens, utpote qui Medicina parum fidens erat, factum est, ut hyemali ingravescente tempore, omnem curationem Medicam prorsus spernens, tanquam si mortem facilius inducerent, non sanitatem repararent, à consuetis laboribus nihil abstinens, imò novos identidem, novi oneris ratione, antiquis superaddens, irreparabiliter decubneris.

Cui decubitus novum imposuit gravamen amor eximius, & tenacissimus quo Amicos suos prosequabatur, vel tunc precipuè cum in maximas, vel in omnium pejorem calamitatem inciderent, scilicet mortem. Acciderat usque ab initio anni 1726. Amici, & Compatrii sui inter omnes maximus, nempe M. Antonii Fregulei clarissimi legum interpretis, & causarum advocati mors; ex qua maximam animi jacturam passus, pra dolore penè defecit, diuque stupore plenus, & socors fuit. Ad respiciensiam superspites Amici, & familiares, Amicum verbis & rationibus perduxere; sed nova superaddita mororis occasione ex annunciato sibi interitu Clarissimi Ant. Vallisnerii in Patavino Lyceo primarii Lectoris, quem summè diligebat, iterum repenti, animo defecit. sibi quoque proximum interitum edixit, nec inaniter, nam rem probavit eventus. Obiit Vallisnerius mense Januarii 1730. & eodem mense de Lanzono quoque conclamatum est. In momento allati nuntii, morbus in pectus ruit: tussi correptus, sputa sanguine mixta excernere, & noctes insomnes ducere, anhelitu difficiliore gravescere, & molesta febricula cruciari capis: cavuit tamen, à Laribus domesticis rumor de hoc sui periculo erumperet, ne contristarentur amici, ac ad eum properantes, animi sui constantiam defluerent. Hoc pacto Deo se commendans, animamque suam divina bonitati, ac B. Maria Virgini, quam sibi ab ineunte aetate, patronam adoptaverat, committens, disrupta vomica in pectore, sanguine suffocatus interiit nocte prima mensis Februarii MDCCXXX. sexagesimo sexto aetatis suae anno jam pleno.

Qua

Qua mortis celeritas omnes, quibus fuit in honore atque aestimatione, maximo dolore affecit. Ferraria solemnī funere, sibi per supremas tabulas praescripto, toto comitante Philosophorum, & Medicorum Collegio sepulchus fuit in Templo S. Mariae de Rosa Fratrum Congr. Heremit. B. P. de Pisis, ubi Fratres germanos duos, Cucullo Monastico professos habuerat, quorum alter superstes, & vehementi dolore confectus, ob fratris tam eximii iacturam, octavo die à fratris decubitu, illum sequutus est.

Opera LANZONI typis divulgata hic habebis, atque item multa quae paraveras publici juris facienda in unum collecta. Ad ejus sepulchrum hoc per Amicos designatum fuit Epitaphium.

D. O. M.

JOSEPHO LANZONO
FERRARIENSI PHILOSOPHO
ET MEDICO CELEBERRIMO
EARUMDEMQUE FACULTATUM IN PATRIO GYMNASIO INTERPRETI,
ET PROFESSORI PRIMARIO:
VIRO PLANE INGENUO, VITAE AC MORUM SUAVITATE,
ET CANDORE NULLI SECUNDO:
SUMMIS HONORIBUS IN PATRIA CUMULATO:
QUEM UNIVERSA ITALIA, QUEM GERMANIA IN
LEOPOLDINO-CAROLINO-CÆSAREA ACADEMIA
SOCIUM ERUDITISSIMUM OB EXIMIAS
ANIMI DOTES,
ET HUMANARUM LITTERARUM, OPTI-
MARUMQUE ARTIUM STUDIA TOT SCRIPTIS
ILLUSTRATA CONQUERUNTUR:
CLARA MONARI UXOR, ET ALOYSIUS FILIUS
HOC AMORIS, ET VERÆ FIDEI TESTIMONIUM
CUM LACHRYMIS PP.
VIXIT ANN. LXVI. M. III. D. V. OBIIT KAL. FEBRUARIJ
MDCCXXX.

INDEX

INDEX OPERUM

In primo Volumine contentorum.

D E Venenis Opus hætenus ineditum.	De Lachrymis.
Citrologia seu curiosa Citri descriptio.	De Febre Quartana.
Zoologia sive Tractatus de Animalibus.	De Saliva Humana.
De Clysteribus.	De Medici Officio.
	De Allio.
	De Dentibus.
	De Pericardio.

INDEX OPERUM

Secundi Voluminis.

C onsultationes Medicinales quarum XX. antea editæ, & CLIV. nunc primum prodeunt.	Observationes Medicæ ex Miscellaneis Nat. Curiosor. depromptæ.
------------------------------------------------------------------------------------------	----------------------------------------------------------------

INDEX OPERUM

Tertium Volumen componentium.

D E Balsamatione Cadaverum.	Additio in Dissertationem Olai Borrichii de Lapidum generatione.
De Coronis & Unguentis.	Scholia in Observationes Medico-Chirurgicas Henrici à Moynichen.
De Luctu Mortuali Veterum.	Animadversiones Variæ ad Medicinam, Anatomiam & Chirurgiam facientes.
Adversaria edita & inedita.	
De Jatro-Physicis Ferrariensibus.	
Prolusio ad Philosophiam Naturalem.	
Dissertationes Variæ hætenus ineditæ.	

JOSE.

JOSEPHI
LANZONI,

PHILOSOPHIÆ AC MEDECINÆ DOCTORIS
FERRARIENSIS,

Nec non S. R. I. Academiæ Leopoldino-Carolinæ Naturæ
Curioforum Socii &c.

TRACTATUS ABSOLUTISSIMUS
DE
VENENIS.

OPUS
HACTENUS INEDITUM.



LAUSANNÆ,
Sumptibus MARCI-MICHAELIS BOUSQUET ET SOCIOR.

MDCCXXXVIII.



I N D E X

C A P I T U M

TRACTATUS, ABSOLUTISSIMUS
DE VENENIS.

CAPUT I.	<i>Medicum decet tractare de Venenis.</i>	Pag. 1.
CAPUT II.	<i>De Etymologia, Nomine, & Definitione Veneni.</i>	4.
CAPUT III.	<i>De natura Veneni in genere.</i>	10.
CAPUT IV.	<i>De Venenorum differentiis.</i>	17
CAPUT V.	<i>De signis Diagnosticiis Veneni in genere.</i>	24
CAPUT VI.	<i>De Prognosi Venenorum in Genere, ac de Præcautione.</i>	29
CAPUT VII.	<i>De Curatione Venenorum in Genere.</i>	32
CAPUT VIII.	<i>De variis Classibus Venenorum, ac primò de Minerali, & in specie de Calce Vrra.</i>	37
CAPUT IX.	<i>De Vitriolo.</i>	40
CAPUT X.	<i>De Gypso.</i>	41
CAPUT XI.	<i>De Magnete.</i>	42
CAPUT XII.	<i>De Adamante.</i>	43
CAPUT XIII.	<i>De Antimonio.</i>	47
CAPUT XIV.	<i>De Vitro.</i>	48

CAPUT XV.	<i>De Lapide Lazuli.</i>	Pag. 50
CAPUT XVI.	<i>De Sale Ammoniac.</i>	51
CAPUT XVII.	<i>De Borace.</i>	53
CAPUT XVIII.	<i>De Sulphure.</i>	54
CAPUT XIX.	<i>De Tutia & Spodio.</i>	56
CAPUT XX.	<i>De Minio</i>	57
CAPUT XXI.	<i>De Alumine.</i>	58
CAPUT XXII.	<i>De Cerussa.</i>	59
CAPUT XXIII.	<i>De Cinnabari.</i>	60
CAPUT XXIV.	<i>De Lithargyrio.</i>	61
CAPUT XXV.	<i>De Lapide Armeno.</i>	63
CAPUT XXVI.	<i>De Cadmia, Aurichalco, ac de Scobina Campanarum.</i>	64
CAPUT XXVII.	<i>De Arsenico, Auripigmento, Sandaracha, & Realgare.</i>	65
CAPUT XXVIII.	<i>De Marcasita.</i>	69
CAPUT XXIX.	<i>De Argento Vivo, tum crudo, tum Sublimato, tum Præcipitato.</i>	70
CAPUT XXX.	<i>De Ferro, Scoria Ferri, & Ferrugine.</i>	75
CAPUT XXXI.	<i>De Ære, ejusque squamma, flore, Æreusto, & viride Æris.</i>	77
CAPUT XXXII.	<i>De Plumbo.</i>	79
CAPUT XXXIII.	<i>De Venenis ab Animalibus in genere</i>	81
CAPUT XXXIV.	<i>De Serpentibus in Genere.</i>	83
CAPUT XXXV.	<i>De Aspide.</i>	85
CAPUT XXXVI.	<i>De Cerasse.</i>	87
CAPUT XXXVII.	<i>De Hamorrhos.</i>	89
CAPUT XXXVIII.	<i>De Sepedone.</i>	91
CAPUT XXXIX.	<i>De Dipsace.</i>	93
CAPUT XL.	<i>De Natrice.</i>	95
CAPUT XLI.	<i>De Amphibæna, & Scytale.</i>	97
CAPUT XLII.	<i>De Cenchri.</i>	99
CAPUT XLIII.	<i>De Dryino.</i>	100
CAPUT XLIV.	<i>De Basilisco, & Harmene</i>	103
CAPUT XLV.	<i>De Vipera.</i>	105

CAPUT XLVI.	<i>De Scorpione.</i>	Pag. 111
CAPUT XLVII.	<i>De Dracone Terrestri, & Marino.</i>	115
CAPUT XLVIII.	<i>De Crocodilo.</i>	119
CAPUT XLIX.	<i>De Lacerta.</i>	121
CAPUT L.	<i>De Stellione.</i>	122
CAPUT LI.	<i>De Salamandra.</i>	124
CAPUT LII.	<i>De Hirudine.</i>	126
CAPUT LIII.	<i>De Scolopendra.</i>	129
CAPUT LIV.	<i>De Bufone.</i>	130
CAPUT LV.	<i>De Mure Araneo.</i>	136
CAPUT. LVI.	<i>De Araneo.</i>	138
CAPUT LVII.	<i>De Tarantula.</i>	140
CAPUT LVIII.	<i>De Cantharidibus.</i>	146
CAPUT LIX.	<i>De Bupreste.</i>	150
CAPUT LX.	<i>De Pini. Erucis.</i>	151
CAPUT LXI.	<i>De Muscis, Apibus, & Vespi.</i>	ibid.
CAPUT LXII.	<i>De Veneno Canis Rabidi.</i>	153
CAPUT LXIII.	<i>De Cerebro, & sanguine Felis.</i>	163
CAPUT LXIV.	<i>De Sanguine Menstruo &c.</i>	164
CAPUT LXV.	<i>De Torpedine</i>	166
CAPUT LXVI.	<i>De Muræna.</i>	167
CAPUT LXVII.	<i>De Marino Lepore, & Barbo.</i>	168
CAPUT LXVIII.	<i>De Pastinaca Marina, Scorpione Marino, Dracone Marino, & Pelle Piscis Canis.</i>	171
CAPUT LXIX.	<i>De Venenis Plantarum, & primo de Opio.</i>	174
CAPUT LXX.	<i>De Fungis.</i>	179
CAPUT LXXI.	<i>De Napello, Aconito, & Doronico.</i>	181
CAPUT LXXII.	<i>De Toxicis, & Pharico.</i>	185
CAPUT LXXIII.	<i>De Cicuta.</i>	188
CAPUT LXXIV.	<i>De Ephemero.</i>	194
CAPUT LXXV.	<i>De Hyosciamo.</i>	196
CAPUT LXXVI.	<i>De Solano furioso.</i>	199
CAPUT LXXVII.	<i>De Mandragora.</i>	200
CAPUT LXXVIII.	<i>De Apio, seu herba Sardonis.</i>	202

CAPUT LXXIX. <i>De Coriandro.</i>	Pag. 203
CAPUT LXXX. <i>De Ixia, & Chamæleona.</i>	205
CAPUT LXXXI. <i>De Taxo.</i>	208
CAPUT LXXXII. <i>De Euphorbio.</i>	209
CAPUT LXXXIII. <i>De Nuce Metella.</i>	211
CAPUT LXXXIV. <i>De Nerio, sive Oleandro.</i>	212
CAPUT LXXXV. <i>De Juglande Arbore.</i>	213
CAPUT LXXXVI. <i>De Esula.</i>	214
CAPUT LXXXVII. <i>De Nuce Vomica.</i>	215
CAPUT LXXXVIII. <i>De Helleboro.</i>	217
CAPUT LXXXIX. <i>De Grano Nubia.</i>	219
CAPUT XC. <i>De Erica Baccifera, Herba Hematogoga, Datura, & Flore Africano.</i>	ibid.
CAPUT XCI. <i>De Lolio.</i>	222
CAPUT. XCII. <i>De Mangas, Ahevai, Hiucæ Succo, & Melle Venenato.</i>	224
CAPUT XCIII. <i>De Cornu Spica.</i>	227
CAPUT XCIV. <i>De Cynoglossa.</i>	ibid.
CAPUT XCV. <i>De Nigella.</i>	228
CAPUT XCVI. <i>De Visco.</i>	229
CAPUT XCVII. <i>De Ruta Sylvestri.</i>	231
CAPUT XCVIII. <i>De Scylla, præcipuè Agrestis, & de Cor-tice Oryza.</i>	232
CAPUT XCIX. <i>De Mezerao.</i>	233
CAPUT C. <i>De Semine Urice, & Herba Chimani-des, at-que Croco.</i>	234
CAPUT CI. <i>De Cucumere Asinino, & Staphisagria.</i>	236
CAPUT CII. <i>De Anacardio.</i>	238
CAPUT CIII. <i>De Cyclamine.</i>	239
CAPUT CIV. <i>De Murckione.</i>	240
CAPUT CV. <i>De Pomo Mortis, Persea, Braxera, Cohobba, Affera.</i>	241
CAPUT CVI. <i>De Taxo, & Agarico malo.</i>	242
CAPUT CVII. <i>De Colocynthide.</i>	244
CAPUT CVIII. <i>De Scammonio.</i>	245

CAPUT CIX.	De Tithymalis, & Ricino.	Pag. 246
CAPUT CX.	De Cornu Cynosbati.	248
CAPUT CXI.	De Ficu Pharaonis, & Dragontea.	ibid.
CAPUT CXII.	De Venenosa Japonensium Planta.	250
CAPUT CXIII.	De Venenatis Herbis, ut Feniculo, Salvia, Cichoreo.	251
CAPUT CXIV.	De Gummi Gutta, seu Gutta de Jemou.	254
CAPUT CXV.	De Staphisagria.	255
CAPUT CXVI.	De Radice Vingafanæ.	256
CAPUT CXVII.	De Arboribus quibusdam Venenatis.	257
CAPUT CXVIII.	De Venenis mixtis, & arte facili.	261
CAPUT CXIX.	De Amuletis contra Venena.	277
APPENDIX I.		281
APPENDIX II.		286



JOSEPHI



JOSEPHI LANZONI,

PHILOSOPHIÆ AC MEDICINÆ DOCTORIS
FERRARIENSIS,
TRACTATUS DE VENENIS.

CAPUT PRIMUM.

Medicum decet tractare de Venenis.



QUÆSTIONEM agant nonnulli , an
scilicet Medico liceat de Venenis scri-
bere ? Quocirca in præsentî capite ali-
quid circa hoc disserere , non incon-
gruum putavi , ut nihil intactum , etiam
extrinsecum , & accidentale circa Ve-
nenorum tractatum relinquam , præ-
sertim in gratiam eorum , qui in libris
legendis , semper quærunt id , quod
non facit ad rem . Fulcimenta igitur
illorum , qui Medico negant de Venenis disserere , præcipua
Jos. Lanzoni Opera. Tom. I. A sunt

sunt. I. Nullum Medicum debere id, quod proximo nocet, omnibus, & singulis indifferenter aperire, ne fortè aliquis scelestus ad malè patrandum eo utatur. II. Scire, docere, & scribere diversa sunt, multa enim fas est scire, nefas scribere; aliqua docere amicum sapientem, & probum convenit, quæ scribere omninò esset nefarium; imò nemo tam certus de alio esse potest, quàm de se ipso: multos enim docuisse, ac revelasse, nullos tacuisse pœnituit: sed hujusmodi sunt Venena, ergo non publicanda. III. Medicum non debere cognoscere Venena exotica, nisi solo nomine, & viribus: nam, si distinctè cognoverit, poterit ex animi perturbatione illa propinare, aut excogitare aliquid subtilius in eis ad alicujus interitum, utpotè quia natura humana semper ad mala proclivis, & potius ad nocendum, quàm ad juvandum parata. Undè *Galenus Lib. de Med. purg.* scribit, non licere Medicamina ulla, quæ interficiant, docere, & narrat illum fontem ductum ad supplicium vinctis oculis; imò *lib. de caus. procatarēt.* ait, quod Noverca accepit à Medico Venenum, & dedit servo, qui propinavit privigno: at mortuo eo, & detecto scelere, omnes debere pœnas, Noverca nempè, Medicus, & servus ipse, quare ex *Galen*i autoritate à Medico tractatio Venenorum est ableganda. Istis autem difficultatibus respondent Saniores Medici; Medico licere, imò, Medicum debere, non tantum Venena cognoscere, sed etiam docere; quia, nisi cognosceret, non posset ea devitare, imò ipsis Venenosis non posset uti ad compositiones præcipuas, salutares, & in re pharmaceutica insignes, ut sunt Vipera ad Theriacam, Opium ad Philonium, Scorpius ad nostrum egregium Oleum contra-pestem nuncupatum, & alia hujusmodi; Hinc *Galenus* ipse ab adversariis allegatus in *lib. de Antidotis* approbat in Medico Venenorum cognitionem, & in VI. *Epidemiorum* passim nominat plura Venena, mentionem faciendo Hydrargyri, Spumæ Argenti, Aconiti, Leporis Marini. &c. Imò *Galenus* ipse testatur, monente *Mercuriali*, se librum composuisse de Medicamentis à proprietate Operantibus, ubi edocuit multa Venena. Ulterius, Medicus debet tradere scientiam illorum, quæ lædunt, ut homines abstineant

ab eis quæ nocent ; sed talia sunt Venena : ergo Medicus ea scire debet : at si debet scire , oportet ut doceatur ; igitur Venena docenda sunt , eorumque doses , & symptomata , una cum antidotis propriis revelanda , quòd si non doceantur , nulla erit ratio recta medendi. Ad id verò , quod asserunt , non evulganda esse venena , ne quis perniciosus , atque malignus , vitæ proximi inimicus , ad alterius necem illis utatur ; Respondetur , eadem ratione , occultanda , & prohibenda esse omnia Armorum genera , funes , saxa , ligna , cæteraque instrumenta , quibus homo deperditus ad hominis interitum uti potest. Doceantur ergo Venena , ut homines sanentur , si pro Medicinis utantur , ut monet Cl. *Friccius in tract. de Venen. Virt.* ; ut præserventur , si edocti , ab eis arceantur ; atque ut succurrantur , dum vel casus , vel malitia eos venenaverit ; & si aliquis , quod Deus avertat , in humanam perniciem Venenis utatur , dignas à Lege impositas luat pœnas : sic in Perfide teste *Alexandro ab Alexandro Gen. Dier. lib. 3.* veneficos plecti ait , ut in amplo lapide caput impingerent , rursusque alio superinducto , illud effrangerent ; Sic Venenantes , ut proditores habent *Baldus , Zachias , & Farinacius*. Hinc *Ranchinus , & Caballus* , eos non gaudere immunitate Ecclesiastica dixere. Insuper , propter Veneni suspicionem conceditur *Thori separatio* inter conjuges , & adeò abhorrent Leges ad hoc delicto , ut in iustitiæ executione Veneno uti nolint : reus enim ad Venenum assumendum condemnari non potest ; neque , ut *Farinacio* placet , Bannitus potest Veneno interimì , licet contrarium teneat *Caballus* : undè *Ranchinus* dixit , neque flagitiosis hominibus , neque hostibus , neque ad ultimum supplicium damnatis licere Venenum propinare : & ut magis Jurisconsulti ostendant hujus delicti atrocitatem , in illo puniendo non distinguunt Nobilem ab Ignobili , sed utrumque pœna Furcarum mulctari jubent , quæ ignobilibus solis irrogari solet. Medico igitur licitum est tractare de Venenis , ut ea evitet non tantum , sed etiam ut innui supra , ut ille aliqua Medicamenta ex iis componat cum aliis cardiacis permixta salutis humanæ valdè proficua ; ut probant *Zacutus , & Cardanus* ; nam Viperae caro ingreditur Theriacam , Cantharides

Medicamenta peculiaria ad Hydropem, Napellus ad Lepram, & exteriùs ad pleraque utilia sunt Ærugo, Mercurius, & alia Metallica.

C A P U T II.

De Etymologia, Nomine, & Definitione Veneni.

VENENUM, græcè *Deleterium* vocatur, id est perniciosum, & *Phtharticon*, id est corruptivum, & *Phthoropion* id est tabificum, & *Cacurgon*, id est Maleficum. Dicitur autem Venenum, eo quòd citò per venas eat, infusa enim ejus pestilantia per venas, vegetatione aucta discurrit, & vitam extinguit, ut *Isidori* verbis utar; sic *Lucanus Lib. 9.*

Noxia serpentum est admixto sanguine pestis.

Ab aliis verò, referente *Ponsetto*, reputatur nomen compositum ex *vè*, & *neco*, qui sæpè necat cum *vè*, id est dolore prænunciante mortem; vel cum *Sir. Deyno* Venenum dicitur, quasi venas necans, ob ipsius namque principium formæ hominis corruptivum necit venas, & arterias, ut non deferant ad membra Spiritus, & Sanguinem congruentes; aut juxta *Galenum* venena dicuntur, quia vocem inferunt mortis; idcirco ab aliis Venenum Medicina mortifera dicitur, quasi mortem ferens. Hoc tamen aliqui nomine Pharmaci vocant, sive salubre, sive noxium, nam & Medicamenta etiam, venena esse scripsit *ROB. STEPHANUS in Thef. ling. lat.*, cum *CALVIN. Lex. Jurid.*, & *WEDEL. Aman. mat. Med.*; Sic *Caius de Verb. signifi.*, “qui Venenum, „ dicit, adjicere debet, utrum malum, an bonum; nam & Me- „ dicamenta venena sunt, quia eo nomine omne continetur, „ quod adhibitum, ejus naturam, cui adhibitum est, mutat; quin „ id, quod nos Venenum apellamus, Græci *Pharmacōn* dicunt, „ & apud illos quoque tam Medicamenta, quam quæ nocent, „ hoc nomine continentur; undè adjectione alterius nominis distinctione

, tinctio fit : hinc *Ulpianus* ait, *mala Medicamenta Venena veniunt* &c. appellant autem *Jurifconfulti* non *Venenum* simpliciter, sed *Venenum malum*, ut *supra* cum *Caio* dixi, in quam sententiam *Virgilius* cecinit.

Ille malum virus serpentibus addidit atris.

Proprie ergò, & in communi loquendi modo, cùm *Venenum* nominamus, pro malo accipi volumus cum *Zacchia*, *Alciato*, *Farinacio*, *Caballo*, & aliis, & sic simpliciter prolatum pro malo accipimus; proprie namque *Venena* dicuntur, quæ semper talia sunt, ut ex *Medicis* fatentur *Baccius*, & *Zachias*. Quamquam verò *Alciatus*, & *Farinacius* voluerint, *Venenum* simpliciter prolatum pro malo accipi, ut *suprà* innui, tamen apud multos *veneni* nomen, & pro *utili* *Medicamine*, & pro *veneficio* accipitur; de hac acceptione constat apud *Homerum* in *Odyss.*

Postquam mala venena dedit.

Et paulò post.

. *Commiscuit autem pani*
Venena nocentia, ut omnino obliviscerentur patriæ terræ.

Et apud *Virgilium* L. VII. *Æneid.* his *Carminibus*.

Picus equum domitor, quem capta cupidine conjux
Aurea percussus virga, versumque venenis,
Fecit avem Circe, Sparsetque coloribus alas.

De alia verò acceptione constat apud *Plautum* in *Pseud.* *Æt.* III. *Scen.* II.

. *Medea Peliam concoxit senem.*
Quem medicamento, & suis Venenis dicitur
Fecisse rursus ex sene adolescentulum.
Idem te ego faciam

Et *Lucan.* Lib. 3. de *Bell. Civil.*

. *& infuso facies solidata Veneno est.*

A Veneno porrò, cùm pro malo accipitur, deducitur nomen Venenarii. Sunt verò Venenarii propriè qui Venenis, malisque Pharmacis in hominum perniciem utuntur. Venefici autem, qui Incantationibus occidunt, aut Venena venalia habent.

At hodiè plerumque in bonam partem accipitur Pharmaci nomen, & veneni vocabulum semper in malam partem suscipitur. Quid verò Venenum sit, & quibus hoc nomen tribui debeat, non ita planum esse scribit *Sennertus*, ob varias de hoc Authorum sententias; nam sæpè hæc vox Veneni transfertur ad omnia ea, quæ nocere possunt, ita in *Sacris*, Aspidum Venenum in Calumniatorum linguis esse dicitur. Animadvertit autem optimè *Sylvius Deleboë*, omnia alimenta a mediocritate recedentia pro Medicamento, aut Veneno habenda esse, nam dicit, ipse, alimentum judicamus quidquid aptum est in corpore nostro ita mutari, ut aliqua sui parte in ipsius habeat restaurationem; uti Medicamentum quidquid aptum est corpus nostrum ita mutare, ut melius inde se habeat; Venenum verò quidquid ita mutat corpus nostrum, ut ejusdem intendat destructionem. Atque hâc distinctione positâ, non difficile erit explicare, quomodo Vinum esse queat homini, nunc alimentum, nunc Medicamentum, nunc Venenum. Vinum siquidem Venenum vocavit *Isidorus Orig. lib. 20. cap. 3.* & *D. Hieronym. in libro*, quem de *Virginitate conservanda* exaravit; Adolescentulas dixit, ita, Vinum debere fugere, ut Venenum, ne pro ætatis calore ferventi bibant, & pereant. Hinc est, quod apud veteres Romanos Fœminæ non utebantur Vino, nisi certis diebus Sacrorum causa; tali enim liquore impleto ventriculo, & hinc inde in omnes corporis partes disperso ejusdem acido Spiritu, multos morbos oriri docuit *Frider. Fornerus de Temulent. lib. 1. Cap. 9.* sic optimè cecinit. *Georg. Piætorius.*

*Vina nocent Cerebro, faciunt quoque pectora cæca.
Ingenium frangunt nitidum, mentesque viriles,
Insanos faciunt homines, sine lege, modoque.*

Quod confirmat *S. Blasius hom. contr. Ebriet.* his verbis.

Vinum

„ Vinum quasi Tyrannus quidam arcem petit , & à summo
 „ vertice ingentes tumultus animo præbet , nulli rei , nec Prin-
 „ cipi quidem parcens , sed ipsam primùm rationem in servitu-
 „ tem adducit. Et *Cornel. à Lapid. Comm. in Salomon. Proverb.* ait.
 „ Fel Capiti venenosum Vinum esse , sapit enim in ore , ardet in
 „ ventre , fumat in capite , contundit sensus , vigorem confun-
 „ dit , imaginationem destruit , tollit mentem , visum obnubi-
 „ lat , nervos laxat , manus mobilitat , pectus inflammat.

Sed talia symptomata effectus Veneni sunt , ideò benè cùm
Dionys. lib. IV. Proverbior. , & aliis multis Doctõribus. Vinum
 tamquàm Venenum est salutandum. A Poëtis etiam accipitur
 Veneni nomen pro amore , sic *Virgilius Æneid. lib. 1.*

Occultum inspires ignem , fallasque veneno.

in quem Poëtæ locum , sic ait *Lambert. Hortensius* , metaphoricè
 amorem dicit *Virgilius* , quem & Venenum vocat , quo animus
 inficitur , perindè ut corpus aconito , & *Ascensius* super eodem
 carmine intelligit pro veneno amoris incendium , quod Vene-
 num per venas ut venenum diffuit , undè est in IV. *Æneid.*

Vulnus alit venis , & cæco carpitur igni.

Imò deteriora mala ab amore , quàm à Veneno progigni ait
Joh. Bapt. Sironus in Miscellan. ; hoc enim corpus lædit , at ille
 ex *Ovidio* animam ostendit auratis , plumbatisve sagittis , ejusque
 omnes facultates , & operationes pervertit , & prohibet ; imò
 nec corpori quoque parcat amor. Domina enim corporis A-
 nima est , & ipsa malè ab amore affecta membrorum omnium ,
 tum principalium , tum subservientium , naturales dispositiones
 agit , & commutat. Veneni nomen insuper pro morbo , vel
 affectu videtur usurpare *Z. Serenus Sammonicus* , ut advertit in
 suis notis *Keuchenius* super hoc carmine.

*Noxia , si penitus cholerum sævire venena
 Perspicias.*

Hugo

Hugo Cardinal. de S. Caro super Psalm. 57. & præsertim super illa verba, & veneficii incantantis sapienter; primò idem est quod virus, secundò idem est quod tinctura juxta illud.

. . . Assyrio saturata veneno.

Christus ergo, ait ille, dicitur Veneficus, id est Tinctor, qui vestes suas tinxit proprio sanguine; undè Esaias ait: *Quis est iste, qui venit de Edom tinctis vestibus de Bosra?* Prædicatores etiam, & Prælati isto modo dicuntur venefici, quia vestes Domini, id est, Populos tingunt Baptismo, undè Baptismus interpretatur Tinctura. Alio autem modo dicitur Christus, & Prælati, & Prædicatores venefici à virus, quia malos intoxicant secundum illud II. *Corinth.* Aliis sumus odor mortis in mortem: item, Dominus facit quandoque de veneno Theriacam, ut de peccatis perpetratis sit homo cautior, & fortior post lapsum, & in amore Dei ferventior. *Ecclesiast. 21.* Fili, peccasti, ne adjicias iterum. Cæterum sumitur aliquandò nomen Veneni metaphoricè, quomodo, unum homini alteri Venenum & pestem dicimus.

Viso Veneni nomine, ad ejusdem definitionem nunc deveniendum, quocircà Doctores datas Veneni definitiones varias videamus oportet, ut tandem meliorem secernamus. *Avicenna* igitur primò definit Venenum per id, quod corrumpit complexionem Spiritûs, per contrarietatem substantiæ speciei suæ ad substantiam, & speciem Spiritûs. *Galenus* Venenum dicit id, quod adversissimum est Corpori, & à tota substantia illud corrumpit, ac naturam superat, & vincit. *Mercurialis* ait, esse mixtum non naturale cordi inimicum, & naturæ humanæ corruptivum. *Caprivaccius* definit Venenum per qualitatem corruptivam confertim cordis hominis. *Cardanus*, & *Zacchias* Venenum vocant Medicinam, quæ corrumpit temperaturam, non solâ qualitate, sed naturæ occultâ proprietate. *Gordonius* materiam subtilem, aquosam horribilissimæ qualitatis, à tota substantia permutantem humanum Corpus. *Ardoinus* vult, venenum esse id, quod sua qualitate solum principaliter per ejus proprietatem, seu specifi-

cam

cam formam corrumpit complexionem & substantiam Corporis. *Ferdinandus Cardinalis Ponzettus* illud dicit esse Venenum, quod suâ qualitate interimit eum, cui est contrarium, ex modo suæ mixtionis. Venena definivit *Forellus* per ea, quæ prorsus humanæ naturæ sunt contraria ex tota suâ substantia. *Ambrosius Pareus* inquit. Venenum esse id, quod vel admotum, impulsum ve, vel assumptum in humanum Corpus vim habet ipsum interficiendi; hinc cum *Galeno*, & *Avicenna Zacutus*, *Conciliator*, *Cæsalpinus*, *Joubertus*, *Valeriola*, *Nicolas*, *Baccius*, & alii multi, definientes Venenum in genere, aiunt esse illud, quod humani Corporis temperamentum destruit, vincit, atque permutat. *Paracelsus* omne id, quod naturæ nostræ quodammodo adversum est, Venenum appellavit. Illud, quod alimenti, & Medicamenti naturas prætergressum viventis calorem nativum corrumpit Venenum vocavit *Severinus*. Excrementa naturæ vocat Venena *Petr. Joh. Faber*; *Sennertus* illud esse dicit Venenum, quod occulto modo, & per se insigniter, ac vehementer corpus humanum lædit, & hominem in vitæ periculum conjicit. *Mathiolus Dioscoridis* vestigia sequens, id quod intra Corpus nostrum assumptum, omnibus suis facultatibus prorsus oponitur cibo, quo nutrimur, Venenum esse ait. *Wedelius* autem exhibet talem Veneni definitionem, est id quod substantiam, & qualitatem Calidi nativi corrumpit, eumque subjugat, & destruit magis, vel minus, ut compages principiorum vitalium fatiscat, & machina moveri desinat. *Caspar à Reies* asserit, Venena esse, quæ verè deleteria, & à tota substantia nobis adversa sunt. *Petr. Gassendus* Venenum dicit id, quod Corpori humano communicatur transfusione substantiæ ob subtilitatem, & mobilitatem corpusculorum, ex quibus constat, vigorem spirituum hæbetans, & partium dispositionem commutans. *Jacob Lemort* Venena definit Corpora, quæ contrariâ figurâ pororum, & meatuum instructa, succum nostrum fermentativum adeò corrumpunt, ut cæteræ sanguinis massæ, & nervi succus ille occurrens, eos vehementius vellicent, & malignè afficiant. *Cospius* substantiam vocat cordi inimicam, & corruptivam humani corporis. *Wechlerus*, qualitatem, seu vim

Jos. Lanzoni Opera. Tom. I. B quan-

quandam cordi, & membris inimicam, ac vitæ corruptivam. *Ursinus* corpus quod violenter destruit. *König*, quod sui generis sale volatili aëri fermentationem excitat in corpore, & subito noxam insignem, aut necem infert, cum gravissimis symptomatibus. *Joubertus* Venenum dicit quidquid intrà Corpus assumptum ita corporis naturæ repugnat, ut vinci ab ea, & assimilari non possit, sed è contrariò corpus immutet. *Cappivacius* qualitatem corruptivam cordis hominis. *Locatellus* impurum naturæ excrementum contrarium alimento; si enim alimentum conservat, venenum destruit. *Monavius* vim quandam vénéficam in aliquo corpore positam. *Rinaldinus* rem præternaturam, quæ viventi corpori admota naturam corrumpit. *Georg. à Turre*, rem non naturalem calori cordis inimicam. *Friccius* Venenum esse ait, omne id, quod in parva quantitate magnas obtinet nocendi vires, vel quod spiritus, humores, & partes solidas corporis nostri insigniter lædit, corrumpit, & profligat. Tandemque nos cum *Jacob Pancrat. Brunone*. Venenum definimus per id, quod Corpori nostro quomodocumque communicatum illius universas, aut particulares quasdam, easque principes, ac vitæ summè necessarias functiones, incomprehensò modo, atque ferocia indomita adoritur, & lædit spiritus, humoresque, præsertim sanguinem, & balsamum nervorum corrumpit, coagulat, profligat, pervertit, & deindè partium quoque solidarum substantiæ corruptelam occlusus, tardiùsque inducit, & ita in summum vitæ discrimen conjicit. Hæc autem circa nomen, & definitiones Veneni dicta sufficiant.

C A P U T I I I.

De natura Veneni in genere.

VENENI naturam investigaturi *Platonem in Sophist.* & *Aristotelem in Rethor.* imitemur, id est, resolvendo, & dividendo,

dendo, genus, & specificam differentiam inveniamus. Cùm ergò Venenum omnes Medici, cum alimento è diametro pugrare assèrant, & medicamentum & alimentum apud Medicos idem habebunt genus, ni mirùm, ut inter res non naturales ponantur, quemadmodùm eruditè docet *Theodor. Zwingerus*; res enim non naturales dicuntur, quòd nec secundùm naturam, nec præter naturam simpliciter existant, sed tales evadere possint, alimentum quidem augendo, medicamenta verò corrigendo, Venena deniquè corrumpendo; ut enim alimentum dicitur, quia alere potest, & Medicamentum quia mederi; ita etiam Venenum, quia corrumpere ex sua natura aptum est. Hinc natura Veneni est subruere principia vitalia, quorum nexu indissolubili vita propagatur, violenter verò destructo sufflaminatur. Pollet autem Venenum, Sale, Sulphure, & Mercurio, machinæ humanæ peregrinis, ac destructoriis; Sicuti enim particulæ alimentorum sunt benignæ, familiares, & subjugabiles, similes saltem à posteriori: Medicamentorum diversæ, ut alium statum, alterando, vel purgando, inducere queant. Ità Venenorum adversæ, & internecionem partium spirantes.

Omnia verò Venena sunt vel corrosiva, vel fermentativa, vel vaporosa, vel mixta. In his quippe effectibus, vel qualitatibus vis Venenorum in genere consistit. Corrosiva si fuerint, ventriculo, aliisque partibus ulcerationem, & escharam inducunt, undè parte ad vitam absolutè necessariâ destructa, necessum est machinam ipsam subrui, & principia vitalia destrui. Fermentativa quæ sunt, motum præter naturalem, cumque vel absolutè lethalem, vel summè periculosum inducunt. Vaporosa spiritus obnubilant, fixant, suffocant, destruunt; adeoque corrosiva solidis, fermentativa humidis, vaporosa spirituosiss, mixta universis sunt hostica. Quæ verò lædunt, licet de his non participant, venena, impropria, & per accidens tantùm dicuntur, ut ait *Joh. Christian. Urfinus in Dissertat. de Venenis*, quæ extat in *Tom. 4. Biblioth. Medicæ Clariss. Dom. Mangeti pag. mihi 775. lib. 18.* Vis igitur, seu nocendi facultas in Veneno consistit in spirituosâ, ut ait *W. indig. lib. 2. Cap. 5.* & ignea indole, vivida activitate, & præsentissima nocendi promptitu-

dine, ac malignitate : Exaltatur autem natura, & vis veneni secundum *Serapium Cap. 9.* Si particulis Salinis etiam Sulphureæ impuriore admiſceantur ; unde non excludendum sulphur narcoticum, nimirum, quia ſalia variis figuris donantur, teſte *Willyſio*, & *Boyleo*, aliter, atque aliter ob conubium particularum ſulphurearum efformantur, & à reliquorum principiorum admixtione ſapor nunc dulcis, amarus, acerbus, auſterus, acidus, acris emerget. In primis autem acredo in iis eſt conſpicua, unde aculeata ſunt, ac ſpicula habent, quibus in partes ſenſu præditas exquisito agunt, eas vellicant, irritant, mordent, erodunt, exulcerant, ſpiritus proſternunt, fugant, diſſipant, humores turbant, incendunt, exagitant ; unde vomitus, tormina, alui dejectiones, convulſiones, rabies, extremorum frigus, & alia dira ſymptomata exoriuntur.

Quærit *Zacutus de Medic. Princ. Hiſtor. lib. 5.* cur Deus, qui ſapientiſſimus rerum omnium Prens, Opifexque, poſtremum omnium, quæ ſub aſpectu cadunt, hominem condidit, ut Dominus eſſet eorum, quæ ſuper terram ſunt, & cæteris animalibus dominaretur, creaverit in ejus damnum, et perniciem Venena. Primum probat *Philo de Opif. mundi*, unde *Ovidius*.

*Sanctius hic animal, mentisque capacius altæ
Deerat adhuc, & quod dominari in cætera poſſet
Natus homo eſt*

Hinc apud *Genef. 1.* *Replete terram, & dominamini Piſcibus.* Quid aliud eſt hoc, niſi utimini Plantis, Metallis, Lapidibus, & ſub jugo ſervitutis omnes redigite animantes, & eſſote Domini eorum, quæ in agris vivunt, & quæ per aëra volant, & in mari verſantur. Si ergo ſummus Architectus hominem creavit Dominum, cur captivum, & veluti ſervum illum eſfecit, & tot Venenorum inſidiis obnoxium ? Verum enim verò ego tres eſſe utilitates aſſero ob quas Dominus creavit Venena. Prima eſt, ut eſſent adjumento artibus multis, Tinctoriæ, Piſtoriæ, Sutoriæ, Argentariorum, quæ omnes Venenis utuntur. Secunda, quoniam Animalia plura Venenis aluntur,

tur, nam Sturni, & Capræ vescuntur Cicutæ, sives Hyoscyamo, Hirundines Cantharidibus, Coturnices Helleboro. Tertia, quia misericors Deus non solum utilia, sed quæ inutilia videntur, & à natura humana longè diversa, ea in hominum salutem sapienter procreavit. Helleborus enim currat insaniam, Acomitum Scorpionis morsus; Mercurius & Arsenicum scabiem ferinam, & morbum Gallicum; Imo Galenus utitur pastillis Andronis, & Passionis, adversus sputum sanguinis, qui parantur ex Arsenico, & Chalcantho, quibus, & aliis Causticis, tum per os oblatis, tum per sedem infusis sæpè feliciter utimur; Denique fatentur Medici Venenum Veneno depelli, ut docet Zacutus; audiamus PLINIIUM lib. 2. cap. 63. *Histor. Nat. Quin & Venena*, inquit, terram nostri miserant instituisse, „ credi potest; ne ita tædio vita diuæ famis mors terræ meritis alienissima, lenta nos consumeret rabe, ne lacerum corpus abrupta dispergerent, ne laquei torqueret pœna præpostera, incluso spiritu, cui „ quæreretur exitus; ne in profundo quæsitæ morte sepultura pabulo fieret, ne ferri cruciatus scinderet corpus; ita est, misera genuit „ id, cujus facillimo hausu, illibato corpore, & cum toto sanguine „ extingueremur, nullo labore, sitientibus similes: qualiter defunctos, „ non volueris, non fera attingeret, terræque servaretur, qui sibi ipsi „ periisset. At PET. JOH. FABER diversam tenet sententiam, ut enim vita, ait ipse, ortum habet ex Deo, qui omnium Vita est, sic mors, & Venenum ortum habuit ex peccato in Creatorem ipsum commissio, quod quidem peccatum maledictionem fecit in natura, & ex hac maledictione orta sunt extrema in natura, quæ alioquin pura semper mansisset, & nulla extrema fecisset, & perinde nullis Venenis, & morbis fuisset contaminata Sic pariter à tempore peccati orta esse noxia, & præsertim Venena tradit Simon. Majolus Canicul., quæ non inutiliter fuisse creata, imò potius utiliter constat, quandoquidem multa ab iis bona consequi possumus; unde D. BLASIUS ait, nihil inutiliter genitum, nam, aut alicui brutorum generi alimentum exhibent, aut etiam nobis ipsi à Medica arte in aliquod malorum solatium inventa sunt; Nam ex Vipera Carnibus Theriaca homini salutaris fit. Unde Ensebius de Præpar. Evang. ait serpentes, & Venenata Animalia mul-

tos ad morbos remedia conferre; & sicut bona, inquit LACTANTIUS *de ira Dei*, innumerabilia data sunt homini, quibus frui posset, sic etiam mala, quæ caveret; nam si malum nulum sit, periculumque, nihil denique, quod lædere hominem possit, tolletur omnis sapientiæ materia, nec erit homini necessaria; Cæterum Venena non fecit Deus tanquam exterminii Medicamentum, sed potius, ut nostro studio mutarentur in grania suis amoris pignora in usuram Mortalium, contrà morborum sævitiam; in illis nempe latitat subsidium, quod benigniora, & familiariora simplicia recusant aliàs; ad majores, & heroïcos medentium usus venena tam horrida servantur. Asarum enim crudum, quanta cum anxietate vomitum ciet; at quàm facilè ebullitione id recedit, mutaturque virus in deoppilans, diureticum, tardarum febrium remedium, quod occultatum in eo acoma vis ignis prodit. Sic Aron, quod in aceto ebullit, mitescit, magnorumque casuum medela fit. Arsenicum medicamen egregium ad Cancrum, item febrifugum de quo videatur. *Regn. Miner. König.* Ex Napello contrà Apoplexiam remedium parat *Hannemannus*. Mirum etiam eundem Napellum, ut & Mandragoram, venenata cum sint, salutaria esse antispasmodica specifica remedia, referente *Hoffmanno Maj. Med. lib. 1.*

Aliam quæstionem agit *Ferd. Ponzetus de Venen. cap. 8. lib. 1.* an scilicet homo nutrirî possit Veneno? Nonnulli negant, imò *Averroës*, ea quæ de hac re vulgò referuntur penè deridet, utiturque hac ratione; si homo nutriretur Veneno tota substantia, sibi contrario; sequeretur, hominem non ampliùs esse hominem, nam quidquid nutritur, suo simili nutritur; quod si homo nutriretur Veneno, necessum esset, ut sit similis Veneno; at si Venenum humanæ naturæ contrarium esset, sequeretur hominem cum veneni naturam induerit, non ampliùs esse hominem; verùm hominem in aliquod vitium, naturæ suæ contrarium degenerare posse absolum. Contrarium tamen testari experientiam ait *Sennertus*. Hinc *Ambrosius Pareus lib. 20. cap. 4.* inquit, Venenum inficere corpora Animalium taliter, quod sanguis animantium scammonium, Hel-leborum,

leborum, Tithymalum depascentium haustus purget mirum in modum; Itaque Medici lactantem puerulum purgaturi, cathartica Nutricibus exhibent, quo sic earum lac purgandi vires nactum, pueris in Medicamentum cedat. Turdorum Juniperi baccas depascentium carnes, Juniperum redolent. Volatilia, quæ Absinthio, aut Allio nutriuntur, amarorem, aut Allii virosum odorem, saporemque esitata proferunt. Aselli cum Allis capti, sic Allium redolent, ut odorem illum, aut saporem, nulla salitura, nulla elixatione deponant. Cuniculorum Pulegio & Junipero nutritorum carnes, Pulegium, & Juniperum sapiunt; contra, brassica & sanguine bubulo altorum, ingratum illum saporem, & odorem proferunt. Jubent Medici Capras, Vaccas, & asinas, quarum lac Hæcticis exhibere volunt, his, & illis herbis, quas ad hujus, aut illius morbi expurgationem valere autumant, multò ante, & quotidie enutrirì, non enim dubitare *Galenus* fatetur, quin successu temporis animalium carnes immutentur à cibis, quibus vescuntur. Itaque videtur Venena non posse mutari in substantiam Corporis humani, atque nutrire, sed potius in suam venenatam naturam convertere hominem, qui Venena assumpserit. Ad difficultates dirimendas *Mercurialis* dicit, hominem posse nutriri dupliciter, vel verè, & propriè, vel non verè, & impropriè. Nutriri propriè est, cum nutrimentum mutatur in substantiam nutriti; Non verè autem nutriri dicitur, quando aliquid sumitur, quod, tametsi in substantiam minimè convertatur, non lædit tamen; sic dicitur Struthio-camelus nutriri ferro, non quia ferrum permutatur in sui substantiam, sed quia devorat ferrum, nec ab eo læditur. Si itaque nutritio impropriè accipiatur dici potest Venena nutrire, quandoquidem multa sunt, quæ intus accepta, minimè lædunt. *Senner-tus* autem aliam circa hanc quæstionem exhibet animadversionem, ait enim diversam Venenarum esse naturam, quædam nempe ut Arsenicum, nihil in se alimentosum continent, sed omnium substantia aliena est à nostra natura, & talia nullo modo nutrire queunt; Deindè sunt alia, quæ quidem venenata sunt, partes tamen aliquas, quæ alere possunt, obtinent; Tales sunt.

Piantæ,

Plantæ, & Animalia, quorum succus, vel pars aliqua tantum venenata est, & tale Venenum nutrire posse non est impossibile. Hinc *Brafavolus* noster *Comm. in aphor. 2 lib.* ait, Venena frigida nutrire posse, calida verò non. Certum tamen est consuetudinem esse veluti quandam adscititiam naturam; fit enim, ut pleraque medicamenta continuatione, atque assuetudine, naturam suam, vimque amittant; ideoque amplius non sunt medicamina, cum enim à natura acceptantur, debellantur, & conficiuntur, atque vertuntur in nutrimentum; ità etiam dicendum de Venenis, consuetudine non potest eorum vis cicurari, adeò ut assumentem lædere nequeant, quemadmodum *Historiæ* passim testantur, & *Opii* usum assiduum apud *Turcas* quis non novit? *Mithridates* maximus Rex suæ ætatis quotidie bibere Venenum excogitavit, ut consuetudine impenetrabilis à Venenorum malitia fieret, clandestinasque epularum insidias vitaret, eoque pacto tutum Corpus adversus Venenorum pericula reddidit, sic enim de eo *Martialis lib. V.*

*Profecit poto Mithridates sæpè Veneno,
Toxica ne possent, sæva nocere sibi.*

Hujus etiam *Galenus* noster meminit. *Aristoteles* referente *Lanzio in Epist. Medic.*, hortatus est *Alexandrum* Regem, ut à coitu Puellæ omni Veneris decore venustæ, sed *Napello* nutritæ, caveret, quam Rex *Indorum*, ut illius contagione inficeretur *Alexandro* dono miserat; Nec enim falsò ista ex scintillantibus, & serpentium more nictabundis Puellæ oculis *Aristoteles* prævidit; nec omninò defuit eventus, nam quicumque cum puella ab *Alexandro* repudiata, concubuerant, ejus contagione infecti periere. De *Tharsia Pharmacopola* mentionem facit *Salmuth in notis ad Pancirol. rer. deperdit.* qui integros *Hellebori* manipulos citrà noxam devoravit, & concoxit, cujus frequentes potiones ob pharmaci assuetudinem *Eudemum* illum *Chium*, nec vomitu, nec alvi dejectione purgare poterant, ut est apud *Theophrastum lib. 9. Hist. Plantar. D. Augustinus lib. 2. de morib. Manich.* meminit de muliere, quæ
vel

vel laevi, vel sine ullo valetudinis incommodo venenum hauriebat. *Albertus Magnus de Animalib. lib. 7.* Historiam recitat Coloniensis puella: trium annorum, quæ comedeat innoxie araneas in angulis domorum repertas. Et de Thracia muliere refert *Casp. Schottus in Physic. lib. 3.* quæ ex manipulis Veratri gratissimum habebat obsonium, Porus Indorum Rex, quotidiano serpentum, & Venenorum esu adeo venenosus evasit, ut cæteros homines, vel halitu, vel tactu, vel screatu interficeret, ita scribente *Frommanno de Fascinat. lib. 2. cap. 3.* Hispanos quoque aliquos, teste *Petr. Martyr. lib. 10.* fuisse perhibetur in Pedagua Insula novi Orbis, urgente victus penuria, qui Buffones coctos comederunt. Patere igitur videtur ex adductis exemplis, Venena non solum qualitatis excessu, sed & verè talia, tam quæ ex Plantis, quàm quæ ex Animalibus venenatis exiti alia habentur non solum aliquando non nocere, sed in corporis alimoniam posse cedere, quemadmodum nobiscum sentit, quoque *Caspar a Reies Camp. Elys. Jucun. quæstion. n. 63.*

CAPUT IV.

De Venenorum differentiis.

NONNULLI Medicinæ Magistri, triplicem in Venenorum materiam differentiam assignant. Primam dicunt esse illorum, quæ naturâ venena sunt, ut Napellus, Cicutâ, & similia, ad differentiam eorum, quæ suâ naturâ talia non sunt, sed fiunt cum corrumpuntur à natura, ut Carnes, & Pisces putrefacti, vel parantur ab Arte, ut Aqua Stygia, Mercurius sublimatus &c. Secunda differentia desumitur ab origine Venenorum, alia enim à Metallis, & Mineralibus, alia à Plantis, aliaque ab Animalibus proveniunt. Tertia vulgarissima illa est Venenorum differentia, quæ dividit Venena in agentia qualitatibus primis, & manifestis, in operantia à tota

Jos. Lanzoni Opera. Tom. I. C substan-

substantia ut dicunt, & ab occultis qualitatibus, & in illa, quæ agunt occultis, & manifestis qualitatibus simul. Varia autem Venenorum genera ad duas tantum Classes revocat Clariss. D. *Lucas Tozzi* amicus meus semper recolendus, *Comm. in Aphor. Hippocr. lib. 1. Aphor. 24.* aut enim, ait ipse, partibus solidis corporis sunt infensa, illasque vel ulcerant, vel mortificant, aut liquidis, hoc est, humoribus adversantur, & potissimum sanguini vitæ fomiti. Prioris generis multa sunt, prout diversæ sunt partes, quæ speciatim ab eis lædi solent, & quidem in hominibus, stupefcit cerebrum ab Opio, coarctantur Fauces; & Guttur à solano, læduntur Pulmones à Marino Lepore. Colocynthis nocua est Intestinis, & veratrum nervis. Cantharides speciatim cruciant Vesicam, & miſtum cruentum provocant; atque id genus alia plurima sunt, quæ aliquibus partibus iisque solidis potissimum adversantur. Ad hanc quoque Classẽ sunt referenda Arsenicum, sublimatum, Sandaracha, Ærugo, & alia quæcunque caustica, quibus fauces, & Ventriculum contingit ulcerari, ac inflammari, & quod pejus est Grangrænam incurrere. Posterioris autem generis sunt, quæ sanguinem contagione labefaciunt, illumque vel dissolvunt, & in halitus extenuant, vel coagulant, & in grumos vertunt, sed utraque motui ineptum, & vitæ inutilem reddunt. Ejusmodi planè sunt morsus ab Animalibus venenatis inflicti, Vipera, Scorpio, Phalangio, Cane rabido, plerique infusi liquores per venas, aut arterias id ipsum efficiunt, ut de aqua Stygia, & de Oleo Tartari, de Spiritu Vitrioli, cæterisque periculum fecere viri Celeberrimi, ut Clariss. D. *Georgius Baglivus* in Romano Lyceo Lector, & amicus meus dum viveret, humanissimus, alique de re medica optimè meriti. *Pannarolus* verò triplex esse ait Venenum, scilicet, quod nocet Spiritibus, humoribus, & partibus solidis, juxta cujus differentias diligens, cautusque debet esse Medicus; nec credat Theriaca, Mithridatio, aut aqua Theriacali morbos omnes venenatos posse superari; Inter Venena tamen, pessima sunt, quæ spiritibus adversantur, tum quia nobiliora Corporis occupant, tum etiam quia difficulter cognoscuntur; cum enim non sint visibi-

visibilia, sed ut plurimum aërea, per olfactum, vel respirationem Corpus ingrediuntur, non per cibum, aut potum. Hinc oritur, quod sæpius nulla suspicio Veneni adesse poterit, eoque magis, quoniam, dum Venenum nondum radices fixit, aliqua accidentia cum aliis morbis communia apparent, quæ Medicum decipiunt. Distinguit insuper Venenum *Clar. Friccus* in naturale, & præter naturale, in qua Veneni distinctione, non ad naturam Hominis, & animalis respicit; ita enim omne Venenum est præternaturale, sed causam, & originem cujuscumque Veneni: Nam aliud est Venenum morbosum, & ex putredine, & corruptione humorum pronatum, quale est Venenum Pestilentielle, Februm malignarum, Dysenteriae, variolarum, Luis Venereæ &c. Aliud quod à rebus naturalibus sanis, incorruptis, in se perfectis, sive sint mineralia, sive sint vegetabilia, sive Animalia, ut Arsenicum, Opium, Cicuta, Napellus, Cantharides &c. Differunt etiam hæc Venena non tantum origine, sed etiam agendi modo, nam Venena præternaturalia in modum fermenti, humores in corpore nostro corrumpunt, ac vitiant. At Venena naturalia præcipue in partes solidas, & nervosas, vim suam convertunt, atque eas corrodendo, irritando, vel sulphur narcoticum iis insinuando, sopores, deliria, tormina, convulsionem, vomitum, singultum progignunt. Duas summas esse differentias omnium Venenorum ait *Joubertus*; quippe, vel qualitate manifesta naturæ hominum inimica sunt; aut à tota substantia eidem adversantur. Duplex esse Venenorum genus ait *Craanen*, quorum primum corrosivum vocatur, alterum coagulans dicitur, super quam *Craanenii* divisionem scribit *GREBNERUS* verba sequentia. *Venena, quæ nostram corrumpunt substantiam, alia quidem intra sumuntur, alia extra veniunt, sicut morsus est, & punctura, & ex primis, quædam incidendo, & corrodendo nostram substantiam interficiunt, quædam verò resolvendo spiritus Corporis nostri, quædam Spiritus congelando.* Venena insuper, vel sunt in se talia, vel talia per accidens fiunt, & hæc Venenorum divisio desumpta est a *Frommanno de Fascinat. lib. 3. par. 5. cap. 1.* In se talia sunt, ait ipse, quæ malignitatis characterem in ipsis generationis principiis accepere, & desumuntur

è Regno minerali ut Arsenicum &c. vel vegetabili, ut Aconitum &c. vel Animali, ut Bufones &c. per accidens talia evadunt, quæ non a primordio generationis, sed postea ab alio extrinsecus accedente venenatam naturam acquirunt; Ita apud Cavernas Serpentum, & Bufonum herbas cordiales, ut Buglossum, Borraginem, Melissam, Violam, qualitatem induere venenatam testatur *Sylvest. Ratray de Sympath. & Antipath.* aut cum res salubres horrendis imprecationibus à Lamia adhibitis, vim venenatam, aut lethiferam, Deo permittente, à Diabolo accipiunt. Præter allatas Venenorum differentias alias addit *Zacchias Quæst. Med. Legal. lib. 2. de Venen.* nempe esse Venena quædam, quæ illitu, vel tactu, quædam olfactu, quædam simplici visu, & auditu; de quibus tamen Venenis hesitare nonnulli videntur; minus autem dubitatur de Veneno, quod tactu inficiat; *Odoard. Barbosa* ait, in Delli Regno arborem esse *Bananas* nomine, quæ radices tam venenatas habet, ut tangentes, statim perimant: Fructus verò pro antidoto sunt; imò legitur aliquandò Venetiis pestem fuisse concitatam, ex eo quod venefici quidam illitis ostiorum annulis, ac pessulis veneno lethaliissimo, omnes penè ex contactu dictorum annullorum Veneno pestilenti sint infecti. Mirabilius etiam est, quod refert *Cardanus de Venen.* Turcas veneficia adeò præsentanea habere, ut eodem die solo contactu interimant. Prò Venenis solo olfactu interimentibus facit id, quod refert *Pareus lib. de Venen. cap. 7. de Clemente septimo Pontifice*, qui extinctus est præeuntis facis toxico, per fumum in Corpus admissò. Alia exempla habentur in quibusdam animalibus, quæ solo olfactu inficiunt, ut de Bufone testantur multi, quod vaporibus, ab eo expirantibus obvios homines stupefaciat; Quocirca legitur apud *Ovidium metamorph. lib. 3.*

*Occupat hos morsu, longis amplexibus illos,
Hos necat afflatu, Funesta hos sabet peremit.*

Si ergò Venena, per olfactum suam exerere vim possunt, etiam per visum lædere poterunt, ut etiam visâ terrorem incutiant

cutiant , Syncopem excitent , & alia symptomata. De se adhuc adolescente narrat *Zacchias* , qui ex visu Tarantularum , statim pallidus evadens vomitu multa rejecerit , atque nauseabundus diem illam transegerit ; Historias periculi ex visione animalium Lector curiosus habere poterit in *Miscell. Acad. Curios.* Pariter Animalia inveniuntur , quæ sola voce , & expiratu inficere possunt ; ex quo multi Antiqui Medici dixere , Hominem posse per omnes sensus venenari , ut *Lucretius* demonstravit canendo *lib. 6.*

*Multa meant inimica per aures , multa per ipsas
Insinuant nares infesta , atque aspera odore
Nec sunt multa parum tactu vitanda , nec autem
Aspectu fugienda , saporeque tristitia , quæ sint.*

Componi quoque Venena penetrantia in Corpus humanum ; ait *Casalpini* , etiam illitis sellis , equorum stapedibus , vulgò *Staffe* ; non ergò mirum , quod traditur Herculem interuisse indutum linea veste quæ sanguine imbuta fuerat ejus , qui vulnus acceperat ex venenata Sagitta Hydræ Lerneæ. Servari enim venenum potuit in veste , exsiccato sanguine , quod à corporis calore excitatum vehementes cruciatus induxit. *Plinius* testatur in Triballis & Illiriis fuisse , qui interimebant illos , quos diutius intuebantur , præcipue iratis oculis. Dividit præterea Venena *Zacutus Lusitanus* in præsentanea , & temporanea ; illa sunt , quæ citissime interficiunt , & velocissime ; hæc ad tempus , id est , post aliquot dies , menses , vel annos. Nos verò postquam viderimus aliorum divisiones , plures esse Venenorum differentias asserimus , quæ omnes ad majorem Tractatus nostri dilucidationem singillatim percurremus. Primò igitur , Venena alia sunt Corpori humano peregrina , seu illata : alia in eodem corpore humano producta ; prima dicuntur propriè Venena , secunda maligna , pestilentialia , ac Veneno analoga ; undè differunt potissimum quoad modum inficiendi ; sic alia inspiratu lædunt , ut Pestis semina-ria , & morborum malignorum , quatenus effluvia , ait *Ursi-*



nus in Biblioth. Med. Clariss. Mangeti Amici mei eruditissimi, Tom. IV. vel exalationes ex infectis corporibus Spirantes communicantur; Alia haustu, ut quæ ore assumuntur, alia solo contactu, ut illa, quæ foris nos contingunt, alia denique ex ictu, & morsu, cujus generis sunt Animalia, quæ vel dentibus nos mordent; vel aculeo pungunt. Dicimus ulterius alia esse Venena externa, alia interna, quod ex dictis satis patet. Externa iterum, vel vi illata, ut morsus animalium, vel inadvertenter, ut pestis per poros irrepsit; Interna verò, vel ore hausta in Pulmones, vel deglutita in ventriculum, vel generata in massa sanguinea, etiam citrà ullam extraneam, saltem immediatam communicationem, seu contagium; Alia esse magis cita, & activa, quæ præsentaneâ vi exiguo temporis spatio necant; alia lenta, temporaria, remissioris efficacis, quæ post multos demùm dies interimunt; priora tenuia erodentia &c. posteriora crassa, quæ minus vasa subeunt. Alia esse Homini, alia Brutis inimica, multa siquidem Homini sunt Venena, quæ tamen aliis animantibus in alimentum cedunt, ob diversum nexum principiorum vitalium, sanguinis, & feri, aliorumque fluidorum. Sic Cicutâ Sturni vesci scribuntur; Hyosciamo, & Mandragora fues, Cantharidibus Hirundines, Serpentibus Cervi &c. Contrà verò Aloë medicamentum est hominibus utilissimum; non minùs, ac amygdala amara, Lupis, Vulpibus, ac Canibus verò Venenum; ut *Moebius Fund. Med.* docet. Alia Venena esse universalia, alia particularia, quæ distinctio, tùm in specie humana, tùm generalis quoque de aliis valet. Universalia omnibus, atque singulis animalibus Venena sunt, ut Arsenicum Mercurius sublimatus &c. Specialia Venena in specie humana, alia sunt nervis, & Spiritibus inimica, ut solanum furiosum; alia Pulmoni, ut lepus marinus; alia ventriculo, ut corrosiva alia Vesicæ, ut Cantharides, ardore, & mictu cruento infames. Alia partes spirituosas, alia humidas, alia solidas magis afficere, imprimis verò cùm humida mediæ sint inter reliquas, & quasi vinculum quoddam, præcipuè etiam easdem pati certum est. Alia tandem esse vegetabilia, ut Aconitum, Napellus, Cicutâ &c. Alia Animalia sive toto, sive parti-

partibus saltem, ut Scorpium, Vipera &c. Alia mineralia, ut Arsenicum, sublimatus Mercurius &c. Nondum innotuit Venenum inquit citatus *Ursinus*, quo in Gallia haecenus tot caedes patratae sunt in pulveris forma exhibitum, licet sint aliqui, qui carnes Infantum, ex utero materno excisorum (horrendum dictum) cum aspidibus, aliisque confermentatas nominent. Ex istis differentiis Venenorum, insurgit Quaestio, an scilicet, quod extra adhibitum Venenum est, etiam intus sumptum Venenum pariter sit, & e contra? Unde *Celsus* ait, esse Venena quaedam, quibus praecipue Venatores utuntur, quae non gustu, sed in vulnere nocent; idem docet *Galenus* 3. de temper. dum ait, quemadmodum, quae intus assumpta perimunt, foris administrata non nocent. Idem asserit *Plinius* lib. 29. cap. 4. Scribendo; Sed, & Venenum Aspidum, si sanguinem attingit, aut recens vulnus, statim interimit; inveteratum ulcus tardius; de cetero potum quantalibet copia non nocet. Et hoc in suis experimentis circa Viperas clarissime ostendit *Illustriss. Redi*. Hinc *Sennertus*, & *Fabius Columna* inquiunt, quaedam esse Venena, quae, nisi sanguinem attingant, non nocent; quaedam vero intro quomodolibet accepta in dosi quoque parva, non vacent periculo, ut *Helleborum album*, *Aconitum*, *Napellus* &c. *Sesquipedum* vero Venenum, nisi sanguinem attingat non nocere, jam satis esse exploratum, etiam intro sumptum, nisi ulcere sint intestina affecta. Verum posteriorem sententiae hujus partem impugnat *Cardanus de Venenis* lib. 1. quod enim quae assumuntur, non semper admota perimunt, praeter experimentum, etiam rationem suadere scribit, quoniam minorem vim habeant; Quod vero Venenorum, quae exterius admota perimunt, ulum interius assumptum non occidat, se nondum novisse ait; & neque nunc inventum esse, neque in posterum usque in aeternum inveniri posse, quae interius assumpta non perimant, vulnere vero admota perimant tanquam Venena. Scillam equidem, Cepas, Allium, & similia, vulnera efficere saeviora, horum tamen nihil Venenum esse, & omnino ratio *Cardano* favere videtur; an vero contrarium experientia testetur, observare periculosum.

CAPUT V.

De signis Diagnosticis Veneni in genere.

TRIPLEX signorum Diagnosticorum in Venenis ordo assignatur à *Cardano* : primò nempe signa illa exponit quæ rem Venenatam esse patefaciunt ; Secundò, quæ Venenum, dum sumitur ; indicant ; Tertio, quæ Venenum jam sumptum detegunt. Videamus igitur in præsentì Capite singillatim omnia hæc signa, omniaque alia ab aliis Doctoribus, quoque tradita, ut nihil sicco pede transeamus in hac Venenorum materia.

Primi ordinis ergo signa sumi docet cum *Sennerto* citatus Auctor, à sapore, odore, colore, tactu &c. & effectu ; Saporem quod attinet, dicit omnia Venena ferè esse acria, & amara, & saporis abominabilis ; hoc tamen de omnibus verum non est ; Saporis enim expertia Venena aliqua esse, docet pulvis, quo interfectus est *Alexander Sextus*, ut tradit *Jovius* ; Inter simplicia de Colchico Ephemero scribit *Dioscorides*, quod saporis suavitate, & dulcedine imperitos alliciat ; & de Aconito *Aëtius* refert, quod sit gustu dulce, & adstringens. Secundò pravi esse odoris Venena ait *Cardanus* ; attamen de omnibus hoc est falsum, nam Arsenicum nullum habet odorem gravem ; tamen Venenum est ; ita nec color quidquam certi docet, cum certum sit, inter res eodem colore præditas, alias esse Venenatas, alias non. Itaque vix aliud signum certius datur, quam ipse effectus, nimirum experientia docuit, serpentes, Scorpiones, Araneas, Aconitum, Cicutam, & hujusmodi alia, Venenata esse, si quis tamen aliquâ re Gallinas, Canesque interire videat, & id de Venenum homini deleterium esse posse non levis suspicio est. Eodem modo, nec Venenum, dum sumitur certis patet notis ; equidem si talia adsint signa, & homo in ore aliquam insignem mutationem, & saporem abominabilem percipiat, & in faucibus ardorem sentiat,

id

id omninò suspectum est ; ac proindè , si quis insigniter malè habere incipiat , dicatque se in Cœna , vel Prandio præcedente abominabilem saporem , faucium ardorem , vel aliam in ore insignem mutationem percepisse , id non leve in Cibo , vel potu propinati Veneni indicium est ; si tamen hæc signa absint , non licet inde concludere , hominem Venenum non hausisse : fieri enim potest , ut nullo modo se se sapore Venenum prodatur.

His habitis de signis Veneni , seu hausti , seu extrà in Corpore immissi dicemus ; Et quidem Veneni præsentanei hoc commune signum est , ait *Sennerius* , quod statim maximam in corpore mutationem efficit & hominem in vitæ periculum conjicit ; Etsi enim , & ex Veneno intus genito , varia , & gravia symptomata excitari , imo homo mori possit , tamen multa signa sunt , quibus discerni potest , an Venenum intus genitum , an verò extrà assumptum sit ; Primò enim intus genita Venena , antequam extremum periculum inferant , se se signis quibusdam priùs produnt , cum pravas humoribus dispositiones imprimant ; quas planè latere impossibile est ; si verò extrà Venena sint admissa , nullo tali signo præcedente , homo aliàs sanus in periculum mortis statim conjicitur ; non tamen ex eo quod symptomata tardè , vel longè ab assumpto cibo , aut potu se se produnt , concludere licet , Venenum extrà fuisse assumptum. Si tamen id accadat , Veneni sumpti certum indicium est ; etenim Venena variant , & alia citius , alia tardius se se produnt , sicut id è Veneno Canis rabidi manifestum est & Venena temporanea esse antea dictum est ; Modus autem invadendi diversus est in Veneno intus genito , & extrà assumpto ; nam in Veneno intus genito , paulatim symptomata superveniunt , neque omnia simul , sed unum post aliud ; In Veneno autem extrà assumpto , multa simul apparent , & natura à Veneno stimulata , turbulenta vomitiones instituit , & omnia fursùm , deorsùmque inordinato motu feruntur natura omnibus viribus nitente , ut subito hostem improvisum vincat , & à se repellat ; Ulterius Venena assumpta , non solum multitudine symptomatum se produnt ;

Jos. Lanzoni Opera. Tom. I.

D

sed

sed plerumque talia symptomata habent , quæ ab intus genito Veneno provenire non possunt ; & non leve Veneni extrâ assumpti indicium est , ait *Galenus de loc. affect. 6.* si is , cui talia symptomata accidunt , corpore sano , & bonis humoribus scattente præditus , cibisque bonis fuerit enutritus ; non enim credibile est , hominem talis corporis constitutione donatum , tam subitò , in tam seivum morbum , tantis comitatum symptomatibus incidere posse ; Præterea Venenum intus genitum plerumque cum febre se prodit ; & morbus periodos certas , & quasdam remissiones habet ; At Venena extrâ assumpta semper & hominem affligunt , nec ullam quietem concedunt ; donec , vel à natura vincantur , vel ipsam naturam vincant , & hominem interimant ; Pariter agnoscitur Venenum alicui exhibitum esse , si id , quod vomitu rejicitur , cibo mixtum Cani devorandum exhibeatur , si enim indè vel lædatur , vel moriatur , certum id Veneni est indicium ; Insuper Veneno sumpto Ructus accidi , foetidi , & saporis mali accidunt , Vomitus , & alvi profluvia , vires labuntur , pulsus depravatur , ac deficit ; accedit Cordis palpitatio , Lipothymia , Syncope , ac tandem Mors ; Accidunt præterea Vertigo , Tremor , Convulsio , mordicatio Ventrìculi , sudores frigidi , lingua intumescit , extrema refrigerantur , venter interdum intumescit quoque , maculæ passim in corpore erumpunt ; & quidem ista symptomata omnia sunt atrociora , quam ea , quæ à Veneno intus genito accidere solent : Verum non eadem semper symptomata in omnibus , qui Venenum sumpsere , accidunt ; ex varietate enim Venenorum , varia pariter emergunt signa , ut in specialibus cujusque Veneni capitibus ostendemus ; Venena verò , quæ vel morfu , vel contactu , vel aculeo Animalium inferuntur , his signis imprimis se produnt ; quod scilicet dolor partem statim afficit , pars ipsa inflammatur , & tandem mortificatur. *Fortunatus Fidelis de relat. Medicor.* loquendo de signis communibus Venenorum ante obitum hæc habet ; Veneno hausto observant Præctici , siquidem cum cibo assumptum sit , statim toto corpore onus præsentiri , & evomunt quæ horribilem saporem præbent , insolitas oscitationes patiuntur , modò livescunt ,

vescunt, modò pallefcunt, quæ mutatio magis confpicua eft in labiis, in Unguibus, idem arguunt magnæ jaftationes, nulla quies, oculi fanguinei, pulfus turbatus; ac frigus partium extremarum, cum repentina coloris in vultu mutatione; fcien- dum etiam eft non ore tantum affumpta Venena enecare ho- mines poffe, fed etiam in enemate fupponi folent, fapè fub fpecie remedii vulneribus, ulceribusque admoventur; tela Ve- neno illinuntur, atque incendiario etiam pulveri commifcen- tur, horum autem fignum eft, quod fempè pars affecta, dolore, inflammatione &c. infeftatur. Notandum tamen, fo- lem nem effe intumefcentiam Corporis poft Venena aliqua af- fumpta, & præfertim cauftica, quæ fpafmodica conftriktione, & corrofione tragædias fuas ludunt; Conftriktis enim poris humores fubjecti in fermentationem addacti vapores emittunt, quibus cum liber tranfitus denegetur, non mirum, fi attolunt, & extendunt circumjacentes partes.

Quæftionem movent aliqui, an fcilicet poffet cognofci humanum Cadaver Veneno necatum? Negant; equidem id multi; & experientiâ id probare conantur, atque ejus rei exemplum ex Tacito afferunt, qui lib. 3. *Annal.* ait; *Vulgarum erat miffam à Cn. Sentio famofam Veneficiis Martinam fubita morte Brundifii exftinctam, Venenumque nodo crinium ejus occultatum, nec ulla in corpore figna fumpti exitii reperta.* Idem de Cleopatra, & Antonio dicunt, in quorum Corporibus, quamvis Veneno exftinctis, nullum penitus indicium Veneni extitit. Verum enim verò plerumque etiam in mortuis Venena fe fe fatis pro- dunt; Hinc GALENUS 6. de *Loc. affect.* inquit, *cum homo fuapte naturâ humoribus probis abundans, ac fanorum more educatus, de repente moritur, ut lethali Veneno affumpto fieri folet, deinde cor- pus, aut livens, aut nigricans, aut varium, aut diffuens, aut pu- tre dinem moleftam olet, hunc Venenum fumpfiffe aiunt.* Et omninò fieri folet, ait Sennertus, ut ii, qui Veneno funt mortui, pau- lò poft mortem toto corpore colorem, primò citrinum, aut fubviridem, & poft unam, vel duas horas lividum, aut ni- grum acquirant, quod ab humorum vitio accidit, cujus rei exemplum habet Galenus 5. de *loc. affect.* de quodam fervorum

Imperialium, qui cùm à Vipera morfus esset, ei totius corporis color ita mutatus est, ut porri colorem referret; Ego pariter anno 1701. Rusticam observavi ex esu fungorum Venenatam, cui corporis color de repente citrinus evasit ad instar ictericorum.

Nonnulli alia signa addunt, nempè, quod ungues post obitum nigri appareant; ast hoc in aliis Cadaveribus naturali morte denatis passim ego notavi; Ulteriùs Capilli defluunt, ita ut interdùm absque ulla violentia integri manipuli possint evelli; *Plinius* Cadavera Veneno mortuorum, neque à feris, neque ab avibus degultari scribit lib. 2. quod etiam signum competit corporibus peste infectis, undè *Lucretius* cecinit lib. 6.

*Multaque humi cum inhumata jacerent Corpora supra
Corporibus, tamen alitum genus, atque ferarum,
Aut procul absiliebat, ut acrem exciret odorem,
Aut ubi gustarat, languebat morte propinqua.*

Alii inter signa hausti Veneni hoc habent, nimirum, quod Cor Veneno interemptorum igne consumi nequeat; Quocircà *Suetonius* in *Caligula*; ubi de Obitu Germanici scribit, ait, *Antiochia* obiit non sine Veneni suspitione, nam præter livores, qui in toto corpore erant, & spumas quæ per os fluebant, cremati cor inter ossa incorruptum repertum est, cujus ea natura esse existimatur, ut tinctum Veneno igne confici nequeat; Et *Plinius* de Corde ipso scribit; Negatur cremari posse in iis qui cardiaco morbo interiere; negatur & Veneno interemptis, Certè extat *Oratius Vitellii*, quæ reum Pisonem ejus Sceleris arguit, hoc usus argumento: palamque testatus, non potuisse ob Venenum cor Germaniæ *Cæsaris* cremari; & *Avicenna* de *Vir. Cord.* scribit, Cor à Venenis impensè congelari, & exsiccari. Sunt tamen aliqui, qui in Sectione Cadaverum certa indicia Veneni ponant; ideoque si aliquandò ambigua res est, Thoracem, imum Ventrem aperiunt, ductusque omnes, ac viscera perscrutantur; nam si erosiones, putredines, pessimi succi collectiones, maligni tumores, & alia hujusmodi apparuerint, de Veneno certiores se factos

factos esse existimant. Ego verò cum *Fortun. Fidel. de Relat. Med. lib. 4.* nequaquam ignoro cæteris etiam quos interni affectus, aliis verò quæ Venena, sultulerunt, viscera multis modis inquinata, foetidaque sæpè numero apparere, ut jam in hujusmodi Corporum inspectione nequaquam perpetua esse possit Veneni conjectura. Attamen quemadmodum, si quispiam salubriter agens, repentè concidat, atque insolitam putredinem exterius præ se ferat, hunc Venenum sumpsisse verisimile est, non dissimilis ratio in internis partibus esse mihi videtur; nam si quis integra usus valetudine, repentinò intereat, postea autem dissecto corpore certa aliqua vitia in visceribus dispicias, quæ non vulgarem arguant malignitatem, non equidem errabis, si quidpiam de Veneno asseras, Notandum denique Clariss. *D. Casp. à Reies in Camp. Elys. Jucund. Quæst. N. 64.* pro conclusione defendere, Veneni externi ab interno dignotionem, difficillimam, aut fermè impossibilem esse, quia signa omnia, quæ Venena assumpta sequuntur, etiam pendere possunt ex Venenoso humore intrà Corpus genito, atque ideò nullo modo Medico licere certam proferre sententiam, cum certa demonstratione omninò careat: aliundè verò, quam à medicina jus dicendum, & tanti facinoris cognitio inquirenda; non enim, ut prodesse potest, assumpti Veneni suspicio ad vitam defendendam, adhibitis auxiliis, quæ Venenis adversantur, ita ad Capitis poenam insigendam eadem sufficere putanda est; *Victoriis* enim ait, plures vidisse homines emortuos, virides in facie, nigros & tumentes, qui tamen à Veneno assumpto non obierant. Plura de signis generalibus diagnosticis Venenorum cupienti dabunt *Mercurialis, Zacchias, Cospius, Pareus, & Ant. Le Grand in Curios &c.*

CAPUT VI.

De Prognosi Venenorum in Genere, ac de Præcautione.

VISIS Veneni signis diagnosticis, nunc ad prognostica pergamus, ut sic inceptam sequamur telam, & nihil
D 3 intac-

intactum, quod spectet ad Venenorum Tractatum relinquamus. Morbi ergo omnes à materia Venenosa illati periculosi sunt, & nisi idonea remedia statim adhibeantur, homini mortem afferunt, & omnino longè pauciores ex iis, qui Venenum sumpsere, servantur, quàm qui pereunt. Quò major copia Veneni sumpta est, eò hominem faciliùs interimit. Si verò prorsus exiguà quantitate sumptum sit, interficere non posse, ait *Sennertus*. Mediocriter verò si sumatur, hominem quidem non statim, sed sensim, & lentè perimit. Si prava symptomata minuantur, salus speranda. Lethalis morbi signum est; si Venenum neque per Vomitus; neque per alvum ejiciatur; si verò in locum aliquem corporis ignobilem propellatur, spes est salutis; si ex usu remediorum æger meliùs se habet, bonum, non tamen extrà omne periculum se constitutum putet, sæpè enim à Veneno maligna diathesis corpori imprimitur, quæ pertinaciter hæret, & post longum tempus se prodit. Venena, quæ præsentanea sunt, & temporanea evadunt, partemque aliquam erodunt, vel vitiant, V. G. Pulmonem &c. tardius occidunt, pro morbi, quem inducunt ratione. Venena temporanea, quæ nullam partem primariò lædunt, sed latentia se se exerunt, vix possunt expugnari, sed patientem interficiunt, ità quæ diù in corpore subtitentur, & longo inquinavere tempore; undè etsi Venenum Canis rabidi diù satis latere in corpore humano possit, tamen ubi se exerit, & hydrophobia accedit, non amplius homo vivere potest; sed de ejus vita actum est; Arte parata Venena magis difficulter curantur quàm quæ talia à natura producta sunt; De hac re plura cupienti dabunt *Georg. à Turre lib. 1. de Hist. Plantar. Cap. 31. Sennert. Ardoynis, Mercurialis &c.* Modum aperit *Clariss. MATTHIOLUS Comm. in 6. Dioscoridem* quo homines suspiciosi Venena præcavere possint, ait enim plerosque esse, qui putant, non parvam esse Principibus cautionem, mandare ministris, ut edulia, quæ proponuntur edenda, priùs degustent, quæ tamen res in suspitione Veneni tribus de causis nihil, aut parùm æstimanda videtur, siquidem si Pincerna, sive qui cibos suis Dominis apponunt, veneficium committere decreverint, se ipsos facile priùs præparare possunt valentissimis antidotis, Veneno illi acco-

*modatis , quod exhibere in animo est ; unde sibi ipsis præcavebunt , Dominum autem interficient. Ex quo satis liquet nihil prodesse ad præcavendum , quod Pocillator infervatæ fidei signum Domino præbibat , & eduliorum dissector præcomedat. Adde deindè , quod quamvis ille , qui edulia ministrat , mensæque apponit , à Coquo veneficium faciente deceptus , cibos Venenatos prægustando assumat , eorum tamen adeò modicam quantitatem prægustat , ut nullam , aut parvam , eo temporis momento possit molestiam percipere. Ultima accedit ratio , quod ferè omnia Venena , quæ ut interimant cibariis admiscuntur , eâ arte , eoque ingenio , parata sint , ab impiis Veneficis , ut non nisi temporis intervallo suum triste perficiant opus ; His igitur de causis , illud liberè proferre non dubitaverim cum citato *Matthiolo* , quod nullam meliorem , ac tutiorem præcautionem sibi comparare possunt Principes , quàm curare , ut vitam Christianam , & integram ducant , justitiamque regant , ita ut Populi eos pariter venerentur , & timeant : Curent deindè , ut habeant ministros , quorum manibus edulia administrantur , non ignobiles , nec obscuro loco natos , sed præclara è Stirpe genitos , fideles , nec avaros neque invidos , & qui diù antea moribus sint probati , in quos præterea debent , frequenter non parva conferre beneficia , ita enim semper gratos , & fideles ministros habebunt : quin , & Medicos sibi adjungant , qui Medicæ materiæ peritissimi habeantur , ut antidota , quæ contrà Venena parantur , ut sunt Theriaca , Mithridatium , Oleum nostrum Contra-pestem dictum , vulgò *del Castagna* , alia hujusmodi componere possint. Nam si talia remedia legitime parata fuerint haud dubiè poterit unus quisque faciliè Venena præcavere. Ulterius Vasa Auro , & Argento conflata , munda , nitidaque servantur , & hominum fidelibus manibus committantur , quandoquidem ; in ejusdem præciosi Vasculis Venena faciliùs abduntur , quàm in vitreis , aut siccilibus : Vasa præterea quibus Ciborum condimenta reponuntur , clausa , & cooperta servantur , ut ne aranei , neque Scorpii , nec aliud virulentum reptile , vel Insectum ingredi possit , imò caveatur , ne cibi coquantur in vasibus Ære*
confla-

confatis, dummodò stanno non sint ea tamen circumlinita; Diligenter quoque custodiantur Cubilia, & Vestes, Equorum Sellæ, habenæ, & alia hujusmodi, ex quorum Venenatorum, tactu, Veneno possunt Homines affici. Hinc notandum, varia esse, quæ peculiari naturæ dote præfens Venenum signis manifestant; Ita ferunt linguam serpentis, præfente Napello, aut Vipera, exsudare; Lapidem Præssium ad Veneni præsentiam splendorem amittere: Lapidem Bufonis commendant alii, Oculos serpentis in Insula Melita: Cornu Monocerotis, pocula è fraxino parata, lapidem Bezoar, Smaragdum, Saphirum, Adamantem, Hyacinthum, Corallium, Achatem, Succinum &c. de quibus videatur Jacob. WOLFII in suo *Scrutinio Amuletorum* pag. 401. Insuper circa custodiam à Venenis, audiri meretur CARDANUS lib. 3. de *Venen.* cap. 1. qui sic ait. Oportet, sunt ipsius verba, cum, qui se vult custodire à Venenis, Fidissimos habere famulos, ut etiam ego suprà innui, Vestes spargere Ruta, & Scordio, devitare Convivia omnia, abstinere a ferculis valdè mixtis, etiam a vehementer odoratis, dulcibus, atque acris, in hujusmodi enim rebus solent abscondi Venena. Vitare debet fungos, Anguillas, & Ranas, herbasque omnes sub quibus animalia Venenata latitant, ut Salvia, Helleborus, Hedera, Fœniculum &c.

CAPUT VII.

De Curatione Venenorum in Genere.

PRÆcipua indicatio affectionum ortarum à Venenis assumptis est, ut quanto citius possit, Venenum expellatur è Corpore, &, si possibile est per eandem viam, per quam habuit ingressum, habeat & regressum; Deindè, ut idoneis alexipharmacis expugnetur. Verùm, cùm alia ore assumantur, alia extrà corpori adveniant, & immittantur, & quidem vario modo,

modo , de singulis ejusmodi modis in specie dicendum. Primò itaque Vomitus est excitandus , inde Cordialia , Alexipharmaca sunt exhibenda ; Hinc notandum , Cordialia ab Alexipharmacis differre per hoc , quod Cordialia cor roborent , ac Spiritus , ut Veneno faciliùs ager resistere possit ; Alexipharmaca verò Venenum propriè expugnant ; Cordialia ergo possunt esse v. g. radices Tormentillæ , Dictamni albi ; Folia Borriginis , Acetosæ , Melissæ , Flores Violarum , Rosarum , Tunicæ , Borriginis ; Semina Citri ; Cortices ejusdem Citri , & Succus , Crocus , Cinnamomum , Cornu Cervi , Margaritæ , Moschus , Corallia , Terra Sigillata , Bolus Armenus ; Syrupus de Succo Citri ; Acetosæ , Aurantiorum ; species Diamargaritæ ; Confectio Alchermes , Electuarium de Hyacintho , & similia ; Alexipharmaca verò possunt esse Theriaca , Mithridatium &c.

Advertendum tamen cum *Avicenna*, nè qui Venenum seu ore hausit , seu extrà in corpus recepit , dormiat ; quia referente *Sennerto*, in somno Venenum ad Cor , & interiora viscera faciliè penetrat ; Quod si Venenum à Ventriculo in Intestina descenderit , clysteribus emollientibus utendum , & levia purgantia usurpanda ; Abdomen inungendum Oleo Caravitæ Matthioli , cujus descriptio apud *Sennertum Pract. lib. 6. part. 5. Cap. 8.* & Oleo nostro Contra-pelstem vulgò *dél-Castagna*. Possunt etiam inungi Pulsus , Pedes , Tempora , & regio Cordis. Sunt qui suadent , ut Equi , vel Muli , aut asini recens aperti adhibeantur , & in calentem ejus ventrem corpora Venenata immittantur , ut calore eorum Venenum ad partes exteriores evoceatur , quo remedio sunt usi , ut narrant Historiæ , *Alexander VI. & Cesar Borgia* , sed primus mortuus est , alter convaleuit ; Venenum enim in Vino potavere ; Si verò Venenum supersit , & resistat , sudoriferis utendum , & alexipharmacis insistendum. Lac in cibo , ac potu exhibeatur , omniaque Oleosa , præsertim in curatione corrosivorum Venenorum , adhibeantur , ut Oleum , Butyrum &c. Si autem Venenum , per vulnus , aut per morsum extrà in Corpus immittatur , tunc curandum , ne ad interiora pertingat , aut si quid Veneni in arterias se se jam insinuavit , & extrahi non potuit id alexi-

dos Lanzoni Opera. Tom. I.

E phar-

pharmacis expugnetur. Ad extrahendum Venenum, medicamentis, & Chirurgia uti licet; medicamenta sunt, Pyrethrum, Aristolochia; Cyclaminus, Piper, Bryonia, Fel Tauri, Calx viva, Stercus Caprinum, Galbanum, Opoponax, Euphorbium, Sulphur, Fermentum, & similia; Possunt tamen, & quæ mitem habent calorem, utilia esse, ut Pulli, vel Hædi vivi, per medium dissecti, & calentes adhuc impositi; Prodest ulterius Oleum Scorpionum, Arenearum, & ipsa Animalia, quæ Venenum intulere, imposita, & similia; Dequo GALENUS de Theriaca. ad Pison. *Demorsus à Crocodile, Crocodilinum adipem summè contulisse novimus obritis membris impositum; Muris Aranei morsus, ab eodem Mure Araneo confuso, & imposito, sine dolore sanatur &c.* Sic Draco Marinus, momente Sennerto, dissectus, impositusque ictui proprio medelam affert, & Pastinaca, teste Plinio, contra Suum ictum valet, & de Scorpione res jam est nota, de quo D. Serenus cecinit.

*Et quum vulnus atrox incussit Scorpius ardens,
Continuò capitur, tunc digna cæde retusus
Vulneribusque aptus fertur revocare Venerum.*

Sic pariter Araneum mortuum, ictui aranei imponi jubet Cardanus, ut & Vesparum ictibus vespas contritas. Ulterius, ne Venenum liberè serpere possit prohibetur, si vasa, quæ in locum affectum tendunt, loco Superiore vinculo rectè constringantur; Interdum etiam partem læsam præscindere præstat, quàm de vita periclitari: Si nimirum talis pars sit ut, sine periculo vitæ, abscindi possit, ut digitus manûs, vel pedis, id, quod Pastor ille penès Galenum 3. de loc. affect. Cap 7. fecit qui à Vipera in digitum morsus illum abscindit. Denique si virus penetraverit in Corpus, illud Alexipharmacis expugnandum erit, eodem modo, quo in Venenis assumptis, ut iuprà dictum est. Advertendum tamen est, quod si morsum, vel ictum animalis Venenosi sequatur ulcus, id non statim consolidandum, sed diù apertum servandum. Mirificè Venenum averti ab intrinsicis partibus, ait Matthiolus, si patienti

tiens in balneo aquæ calidæ ex medicamentis accommodatis confecto imponatur. Reliqua verò spectantia ad curationem Venenorum, videantur in speciali de Venenis Doctrina, quam tradam in singulis capitibus singulorum Venenorum.

Cæterum, quia spectat etiam ad Venenorum curationem scire flagitiosorum in posterum fallacias, & dolosas merces, ne quis deceptus à Circumforaneorum malitiâ, falsò à Veneno assumpto, propriæ cum detrimento salutis, curaretur, operæ pretium duxi, in hoc sequendo *Matthiolum*, eorum fraudes prodere, ac omnibus patefacere, nam cum isti Circulatores suggestum ascendunt coram Populo in plateis, quem loco capere intendunt, ostensuri, quod Venenum, æquè, ac panem innoxie sumant, multis cavillationibus, atque insidiis utuntur, inter quas has duas habent fraudes, quàm modò omnibus aperiàm. Primus itaque dolus, quo nituntur isti Impostores est quod, cum sciant Venena non posse, nisi parum, nocere ubi Ventriculus fuerit cibis pinguibus valdè repletus, prius quàm suggestum ascendant, ad Saturitatem usque præsertim Æstate lactucas crudas devorant, sale, aceto, & Oleo conditas, verùm olei tantum imponunt, ut ferè in eo innatent lactucæ, & quia hyeme maximè urgente bruma, tenellæ lactucæ difficilè passim inveniri possunt, ideò earum vicem his præbent interanea Boum præpinguium, quorum tantam comedunt copiam, quoad Ventriculus, veluti tympanus, extendatur; Id autem eo consilio faciunt, ut hæc quidem jurium pinguedine, eorumque substantiæ crassitudine, illæ verò frigiditate sua, oleique multitudine, quàm illis adjiciunt, præterquam quod Veneni penetrationem inhibent, erodentes particulas Arcenici, ac Risigalli obtundunt, & hebetant. Cum igitur Venenum sumpserint, quod illis, ob præassumpti alimenti vim, nullam aut parvam noxam adfert, nempe quod Ventriculus sit pinguedine imbutus, mox suum adulteratum Antidotum, quod omninò legitimam Theriacam mentitur, assument; quo fit, ut facilè postea Populo adstanti persuadeant, illud esse Antidotum omnium præstantissimum adversus Venena, & hoc leves vulgi animi persuasi, majori

multitudine , ac stulto impetu feruntur , ut adulteratam Theriacam emant . Itaque cùm temporis momento Capsulam suam hac impostura exhauferint , statim è suggesto descendunt circumforanei , se se in hospitium recipiunt , ubi cùm primum fuerint , Arsenicum paulò antè sumptum , unà cum lactucis , aut bubulis interaneis , artè evomunt , neque aliud illa die assument , quam lac , quod tantùm sæpius alternatim potant , vomuntque & revomunt ; tantùm potest in improbis hominibus Auri cupiditas , ut spontè , consultoque in manifesta vitæ discrimina ferantur . Fraus altera , quam isti Facinorosi perpetrant , ità se habet ; li una , aut duabus horis antequàm suggestum ascendant in foro Pharmacopolium petunt , illudque in foro , in quo sermonem Populo habere volunt , propinquius eligunt , atque ubi jussèrint Pharmacopolæ sibi Arsenici capsulam adferri , ejus duo , aut tria frustula seligunt , proût sibi magis expediri videtur , quæ postea Charta involvi , & in eadem Capsula reponi mandant ; Quosactò Pharmacopolam rogant , ut cùm in suggestum ascenderint , Arsenicum illud repositum dare velint puero , quem ad eum miserint : Porro in forum abeunt , verba facturi , ubi eorum spuriam Theriacam ad Cœlum usque miris laudibus effèrunt admentientes : Ad hæc , ut rem magis verisimilem reddant , puerum è Circumstantibus quempiam mittunt ad Pharmacopolium , qui Venenum antè ab eis selectum deferat . Interea ingentem Capsulam in suggesto stantes aperiunt , quàm habent vasculis pravæ illius Theriacæ plenis refertam , cujus operculo intus adhærent , cera supposita varia cujusdam miscelæ frusta , ex saccharo , quod canditum vocant , amylo , aliisque innoxiiis medicamentis miro quodam artificio confecta , qui prorsus , & facie , ac magnitudine referunt illa veri Arsenici frusta , quæ priùs ii in Pharmacopolio selegerant : Levant autem isti hominum proditores operculum à Capsula , quo fraudem meliùs occultent in suggesto stantes , siquidem , summo cum artificio , internam opericuli partem , cui adhærent illius miscelæ frusta Arsenicum mentientia , versùs se trahunt , ne quis suam fraudem deprehendere possit ; deindè statim

statim in manu Socii, aut pueri, quos doli ministros habent capsulæ operculum collocant, quod eorum alter apertâ manu eleganter sustinet, parte Pseudo-Arsenicum continente Cœlum versis respiciente, idque, ne quis dolum intueri possit; Interea redit nuncius Arsenicum legitimum à Pharmacopolio deferens; atque istud accipiens artis captiosæ minister, statim illud Populo ostendit longâ, ac mendaci oratione, quâ absolutâ ad experimentum transit, perpetuò dolose procedens, quandoquidem simulans, sibi opus esse expeditis manibus, manica, ac murice, vel serico proditore, quo plerumque vestiuntur, ad cubitum usque convolvit, eâ tantum ratione, ut Arsenicum verum, dum hæc agit, super operculo prædicto Pseudo-Arsenicum continente reponat, abdatque; quod ob periculi altitudinem nullo pacto infernè a circumstantibus videri potest; Obvolutis itaque manicis, brachiisque denudatis, ac tenui linteolo humeris imposito, jubet aquæ, vel Vini poculum adferri, & relicto in operculo Arsenico vero, factitium innoxium fraudulenta manu capit, quod cultro minutim incidit, & Vino, vel aquæ commiscet, ac deniquè, tutissimè bibit, atque ita fraudem, coloribus exornatam istis, spectantibus persuadet, ut nullus dubitet, quin ille mortiferum Venenum hauserit, quod ex medica Officina delatum fuerat; De fraudibus autem Circulatorum usque adhuc dicta sufficiant, ad curiosorum eruditionem; & ad facilè credentium errorem auferendum.

CAPUT VIII.

*De variis Classibus Venenorum, ac primò de Minerali,
& in specie de Calce Viva.*

IN tres partes ordinariò Venenorum agmina distribuuntur à Medicinæ Doctoribus, in ordinem scilicet Mineralem, Animalem, ac Vegetabilem; Nos verò in quinque partes Ve-

nena cujuscunque generis dividimus, videlicet in Mineralem, Metallicam, Animalem, Vegetabilem, & Mixtam. Ac primò omnia, & singula Venena è Minerali Regno desumpta examinabimus. Secundò Metalla ut potè noxia videbimus. Tertiò Animalium Venena iustabimus. Quartò Toxica, quæ in vegetabilibus reperiuntur, exponemus. Et quintò demùm nonnulla Venena mixta, id est compositiones varias, ex variis ingredientibus paratas annuemus, ut nihil, quod ad nostram rem faciat relinquamus.

Nunc igitur primò Venenosa Mineralia, & semi mineralia scrutemur, & in præsentī capite de Calce sermonem faciamus. Saxum Calcarium albicans frustum est illud, quod dat materiam Calci ope suæ ustionis, & definitur materia, ut plurimùm candida, quæ paratur ex lapide calcario vi ignis in furno, vel clibano cremato, cæmentariis Opificibus notissima. In hac luxuriat acidum urinosum, quia momente *Entmullero* in lapide est sulphur copiosum, quod saturavit principium alcalinum; Sal non potest elici, quia pinguedo sulphurea adhuc adest, & sic Sal non potest coagulari. Alkali Calcis vivæ imbibit acidum, undè eis calx viva rarò in usu fit, sæpè tamen additur salibus alcalibus causticis pro scopo exurendi cutem, ut aperiantur abscessus. Calx verò ob alkali fixum fortissimum teste *Emanuel Kônig. Regn. miner.* acida quæque mox enervat, destruit, & absorbet, ceu patet ex affusione aquæ, cui Oleum Vitrioli admiscetur quæ calci superfusa, mox aciditate illa privatur; licet verò Calx varia utilia munera in rem medicam gerat, noxia evadit tamen Calx viva, utpotè ignea, mordax, adurens, cumque progressu temporis crustam gignens; Habet enim Calx viva, quod & *Scaliger ad Cardanum exercit.* 5. fatetur, & ipsa experientia probat, in se ignem, qui violentiorem inimicum, aquam putā fugiens, adeò se se exerit, ut tangentis manus adurat, & res vicinas accendere possit; quæ igneæ particulæ, ut cum *Sennerto* loquar, cum & Corpus nostrum intus adurere possint, ustione illa varia symptomata excitant; optimè igitur *Clar. Ardoynis* ait, Calcem adustivam esse, mordicativam, atque cauteris

terifantem, & non esse propriè Venenum, sed esse medicinam mortiferam; symptomata consequentia assumptionem Calcis sunt siccitas Oris & linguæ, dolor Stomachi, difficultas Urinæ, Symcope, & suffocatio, id quod probat historia ab *Amato Lusitano* descripta de puello, qui cum esset assuetus creatam edere, in calcem vivam incidit, eamque copiosè devoravit, unde intensissimè febricitabat, sitiebat, & multum bibebat, sed ejus sitis nunquam extinguebatur, & sexta die obiit; Ut autem Medicus curationem instituat; primò danda est opera, ut Calx viva vomitu rejiciatur, ejusque acrimonia, lenientibus, & lubricantibus obtundatur, partesque contrà ejus erosionem muniantur, particulas nempè ferientes obtundendo; itaque exhibendum Doccoctum Violarum, Altheæ, Malvæ &c. Butyrum, & Lac laudatur, ut & terra Lemnia, Fel Capreoli, Oleum Lini, amygdalarum dulcium; Oryza cum lacte cocta, hordeum; Clysteres præstereà emollientes commendabiliter possunt adhiberi. Ptisanam, & urinam Asini cum aqua calida valere asserit cum *Gulielmo de Placentia*, *Ardoynis de Venen. lib. 2. Cap. 12. pag. mihi 122.* Cum Calx autem recens è fornacibus educta igneam, uti suprà innui, vim rejectet, ac urat, ideò miratur cum *Paulo Zacchia* Clariss. D. *Bernard. Ramazzinus* Medicus Celeberrimus, ac omni Virtutum genere instructus, quomodò in quibusdam Civitatibus permittantur fornaces, in quibus Calx excoquitur, ob evaporationem, quam emittunt pectori infestam; Laus tamen Deo sit, in hac nostra Urbe tales fornaces vel extra Civitatem sunt, vel si in Urbe, apud ejus moenia in remotis locis insurgunt. Varia periculosissima symptomata orta ab inhabitatione Conclavis nuperrimè exstructi, & Concamerati, ac Calce noviter illiti observavit Clariss. Dn. D. *Eberhard. Goëlius Misc. Curios. Dec. 3. ann. 9. & 10.* Tres pulchrae Virgines Sorores, se novisse, refert *Caspar. à Reies Camp. Elvs. quæst. 50.* ex æsu Calcis intrà triennium sublatae, quarum ultimam, nec primæ nec secundæ Mors ab illius esu deterruit, sed ortis immedicabilibus affectionibus, & oculis obstructionibus Hepatitis, Ventriculi, & aliarum partium internarum cum aliis

ex

ex matricis complexu morbis, omnes interemptæ sunt, nec mediis ullis restitui potuerunt salutem. Hæc de Calcis Veneno sufficiant.

C A P U T IX.

De Vitriolo.

VITRIOLUM est Sal Minerale metallis proximum præcipue Cupro, cujus nomen derivare à vitro monet Hoffmannus, vel quod vitro colore respondeat, vel quod vitri instar clari grata pelluciditate superbiat; Latine Atramentum appellatur, quod eo futores coria nigredine inficiant. Plura circa Historiam Chalcanthi videantur apud *Mindererum* in *disquis. de Vitriolo*, quia tamen crudum Vitriolum sumptum, nausæam, & vomitum excitat primò; indè si copiosius assumatur, ac non statim vomitu rejiciatur, Ventriculum arrodit, intestina excruciat, dysenterias parit, sitimque magnam producit; ideo inter Venena refertur. Cum enim Vitriolum scateat particulis tum cupreis, tum ferreis, & acido spiritu sulphuris; teste *Estmullero*, hinc fit, ut à particulis vulnerantibus cupreis actuatis à Sulphure proprio, erosiones Ventriculi & Intestinorum oriantur, quibus fauciatis partibus, febres, cum doloribus, & siti magna infurgunt. Si igitur Vitriolo sumptoque prædicta sequantur mala, statim opera danda est, ut quam primum, si fieri possit, vomitu rejiciatur, quod fit Decoto anethi, vel aqua tepida, & Oleo anethi, & similibus. Sedato vomitu, Butyrum largius sumatur, aut Lac recens tepidum cum Saccharo, vel exhibeatur Decoctum hordei cum Syrupio Violalarum: Si autem erosio, & cruciatus in Intestinis percipiuntur, Clysteres lenientes injiciantur; *Sennertus* commendat Terram Lemniam, vel sigillatam cum mucilagine Seminis-Cydoniorum, ex aqua hordei, vel Corallium rubrum cum vino generoso.

CAPUT X.

De Gypſo.

GYPSUM ex lapide albo, molli, alabaſtri inſtar ſemicocto, vel leviter ſaltem uſto factum, calci affines habet partes nimirum particulas perfectè coctas, & alias crudiores, ſabulum æmulantes, undè fit, ut cum gypſo coagulationis promptior emergat, quatenus partes volatiliores, quæ in crudiore parte reſtant, ſimiles nonnihil ſunt illis, quæ ignis actione, coctione ſcilicet, deperditæ ſunt, promptiusque ſic perfectè coctis partibus communicantur, quam verò ſe habet cum ſabulo, quod non habet ejuſdem ſpeciei particulas, quales ſaxum calcarium in coctione deperdidit. Gypſum autem inter Venena recenſeri nemo non novit, epotum enim ſtrangulando mortem inferre ait *Ramazzinus* Primarius Medicinæ Profeſſor Patavinus Celeberrimus, & Amicus meus ſemper recolendus. Sic *L. Proculeius* Auguſti familiaris, cum ſtomachi dolorem perferre non poſſet Gypſo epoto, mortem ſibi conſcivit teſte *Plinio*. *Sabellicus* refert, quod *Conrado III.* Imperante, *Iconium* obſidente, *Emanuel*, qui tunc *Byſantii* imperabat, facinus impium, & deteſtabile commentus eſt; Gypſum contuſum, & in ſpeciem farinæ reductum triticeis commentibus immiſcuit, quos ex *Byſantio* mittebat in Caſtra, eoque cibatu, tanta vis militum brevi conſumpta eſt, ut negotio infecto obſidionem ſolvere coactus ſit Rex alioqui invictus, qui ſuorum clade conſternatus, relictâ *Aſiâ* in *Dorum* per *Trachiam* abiit.

De morte adolescentis à Gypſo ſumpto, obſervatio mea Legi poteſt in *Tom. 4. Biblioth. Medic. Clariſſ. Mangeti Domini* mei ſemper colendi pag. 863. ut & etiam in hac Operum noſtrorum editione.

Gypſum intrâ Corpus ſumptum excitat Tuſſim vehementem,
*Joſ. Lanzo*ni Opera. Tom. I. F aridi

ariditatem Linguae, & faucium, Stomachi dolorem, Singultum, delirium, Anxietatem, & syncopem, tandemque strangulando jugulat.

Ut autem curatio instituat, statim opera danda, ut Gypsum vomitu rejiciatur; ideòque exhibenda aqua tepida cum Butyro, vel Oleo liliorum alborum, & quia Gypsum tenacissimas habet particulas, ideo suadente *Sennerto* fortiora vomitoria usurpanda sunt, atque etiam ad Helleborismum veniendum, *Avicenna*, & *Rhazes* quoque purgationem a Scammonio excitatam commendant; Conveniunt etiam Vinum dulce, Succus Malvæ, Lac Caprinum, Juscula pingua, Decoctum Dactylorum, Cinis Sarmentorum Vitis, Origanum cum aceto propinatum, Stercus Muris, Dictamnus cum Oxymelite, Theriaca, & Mithiridatium cum vino generoso exhibitum. Curiosam Historiam de Gypso refert noster *Brasavolus*, lib. 4. aphor. 79. ait enim, verum Gypsum se vidisse exemptum à juncturis cujusdam Ægroti ad unciam ferè unam, & aqua subactum, parietique cum Lapide illinitum, lapidem tenacissimè sustinuisse, ipsumque mox in duritiem lapideam concrevisse.

C A P U T X I.

De Magnete.

MA GNETES est lapis fossilis, ponderosus, ferrugineus, qui in ferri fodinis plerumque invenitur, componiturque, ex terrestri copiosa, & sulphureo-martiali pauca materia, & iste lapis certa pororum sui corporis configuratione, transitum materiae subtili magis, minus copiosè permittit, atque ab ejus impetu partim ad polos mundi constanti naturæ ordine dirigitur, partim ferrum ad se allicit, vel à se propellit, partim tandem hanc adhaerendi virtutem cum ferro ipso communicat, quod fit ob particulas suas ferri porositatibus

tibus communicatas ; An autem hic lapis inter Venena sit referendus Authores discrepant , nonnulli non omnem , sed aliquam saltem ejus speciem Venenosam esse putant ; Alii non lotum Venenosum , lotum verò utilem esse aiunt. Hinc *Garcias ab Horto* , Magnetem pauca sumptum quantitate adolescentiam conservare dicit ; quod tamen fabulosum esse putat *Sennertus* ; Quidam verò Magnetem simpliciter , & nulla vel speciei ; vel loturæ mentione facta inter Venena referunt , eumque deleteriæ facultatis esse , atque intrà Corpus assumptum , mentem , & rationem turbare , & insaniam , melancholiam excitare , ut & lunaticum morbum , seu Epilepsiam inducere tradunt : Si diutius ergo Magnetis particula assumptæ in humano hæreant Corpore , eas sicuti cætera mineralia , molestiam Creaturas fore puto , quod accidit ob moleculas sulphureo martiales , quæ se se insinuando & in fluidas , & in solidas partes , earum texturam scindunt , & lacerant , non sine nausea , dolore , febris , alvi fluxu cruento &c. Quod si contingat , quomodo omnibus symptomatibus occurrendum sit , ex his , quæ hætenus dicta sunt in aliis capitibus superioribus patet , nimirum , si in ventriculo adhuc hæreat Magnes vomitu rejiciendus ; si verò ad intestina descenderit clysteribus lenientibus abluendus , aut si illi non sufficiant , purgantibus evacuandus. Deindè antidota exhibenda v. g. Smaragdus , Cornu Cervi , Corallium , Theriaca , Allium.

CAPUT XII.

De Adamante.

ADAMAS Gemmarum omnium Princeps , id est nobilissima simul & pretiosissima , ab indomita insuperabilive duritie nomen habet , eò quod duritiei sit inenarrabilis , omnesque respuat ictus ; contemptor item victorque sit ignis ,
 F 2 etiamsi

etiāsi multos dies in eo perseveret, uti Veteres, & præcipuè PLINIUS asseruerunt: *Inviēta illis (adamantis) vis*, inquit ille *Hist. Nat. Lib. XXXVII. Cap. 4. duarum violentissimæ, naturæ ferri ignisque contemprix. Et Adamanti tanta naturaliter duritia & soliditas inest, ut nulli violentiæ cedat, nec ferro nec incude possit infringi: quin imò ejus ictus ita respuit, ut ferum utrinque desulset, incudesque etiam ipsæ vulneribus acceptis, diffiliant: Quamvis ejusmodi duritiem multum mitigent Moderni, qui nullum hoc sæculo verum Adamantem repertum esse referunt, qui in pulverem malleo redigi non possit, ignisque ardoribus tandem liquari: Clarissimus BOYLE in Tractatu de Orig. & Virtut. Gemmar. Sect. I. notavit non adeò durum esse Adamantem quin in frustra dividi possit: observavit quippe in Adamantibus magnis & impolitis ope microscopii determinatam lamellarum, ex quibus coaluerunt, tendentiam bractearumque commissuras. Acies quidam illarum bractearum non erant ita exactè dispositæ in planum, quin quædam satis viderentur eminentes instar exiguum jugorum, sed latæ in vertice supra lineam horizontalem reliquarum. Has quoque bracteas parallelas cum suis commissuris in grandiore Adamante satis clarè nudis oculis poterat discernere. Periti etiam Gemmarii, & Sculptores Politoresve Gemmarum experiētiā edocti asserunt impossibile penitus esse (non quidem frangere, sed) findere Adamantes planè per transversum grani in modum crucis, sed non admodum difficulter illud perfici uno ictu ope instrumenti chalybe durati, cum jam repectum fuerit, ex qua parte lapidis, & quam partem versùs instrumentum fissorium sit impellendum, secundum lineas scilicet coalitionis bractearum. Vide etiam eundem BOYLE in Experiment. & Obs. Physf. Constat etiam experimentis Florentiæ factis annis 1694. & 1695. ope speculi ustorii, sumptus Regium in modum suppeditante Magno Etruriæ Duce, constat, inquam, Adamantes ignis vi etiam subjici: ex iis enim patet eos in omnibus suis partibus speculo ustorio expositos, non liquefieri, sed exhalare, in minutissima fragmenta dissilire & dispergi, sicque ad nihilum omninò redigi: antequam verò hoc*

hoc

hoc fiat pelluciditatem nativam amittunt, coloremque mutant in album, similem, si microscopium adhibeas, colori Matris perlarum; si nudis videatur oculis, similem colori Lixivii Cinerum: Qui plura de his cupit videat *Volumen octavum Diarii Litteratorum Venetiis impressi Ars IX. pag. 221.* ubi verè curiosa, raraque simul experimenta de hac gemma aliisque videbit.

Quoniam verò Adamas ex succo defæcatissimo concrevit, ejus partes in percolatione ita dividuntur, ut receptos radios undique reverberent aut refringant; sunt nimirum singulæ ejus particulæ veluti tot specula, quæ lucem retorquent, & visum, eo modo quo percutiuntur, referunt; Hujus ortum deducunt multi cum Clariss. Dom. Kônig Patrono ac Amico meo Colendissimo in suo *Regno Minerali* ex Spiritu Salis purissimo, ignis subterranei vi per intimas montium exaltato, & in rupem porosam delato, paranymphe spiritu coagulatorio concurrente; quia verò arctissima est particularum adamantinarum invicem connexio, porique & interstitia inter illas summè angusta, fit ut Adamas Magnetem liget, viribusque privet, effluviis magneticis in motu suo & penetratione ab ejus textura firma sic inhibitis.

Hinc Antiqui anxie quæsiere, an Adamas sit Venenum? Nonnulli pro affirmativa stabant parte, & ratione & experientia freti se defendere non dubitarunt; ex his sunt *Ardoy-nis*; PHILIPPUS CAMBRARIUS qui refert *Cent. 1. Hor. Succif. c. 7. ex Joh. Ant. Monavii hist. Turcica L. II. Cap. 22.* Bajazetem Patrem Selemi Turcarum Imperatoris Veneno ex Adamante contrito Medico quodam Judæo esse interfecit; in eandem eunt sententiam *Fernelius*, pluresque è Paracelsi discipulis; cum enim illi omnes desperatos morbos curandi peritiam tribuant, Adamantis pulvere, ut incurabili Veneno ab adversariis necatum narrant, uti habet *Sennertus Lib. III. Part. II. Sect. II. Cap. VII. Quæst. 2.* Multi contra Venenum non esse Adamantem volunt, ut sunt *Plinius*, *Boëtius*, *Garcias ab Hosto L. I. Hist. Arom. c. 47.*, *Hieronymus Cardanus Contradict. Medic. L. II. tr. 5. contrad. 9.* (et si sibi met ipsi non

constet,

constet, eundemque L. III. de Venenis. C. 23. inter Venena refert) *Zacutus*, *Wormius*, *Tilingius*, *Ettmullerus*, alique: Hinc Adamantem per se, & sua natura nihil maligni, vel Veneni in se condere, nemo forsitan Recentiorum, quibus tanta lux veritatis ubique Sole meridiano splendidior apparet, contradicit; quamvis *Sennertus* manifestam quidem virtutem, ac qualitatem, Venenum inducendi ipsi abdicat, sed quandam occultam, ac absconditam, quæ demum se se in ipsius resolutione prodat; si autem Adamantis natales, naturam &c. propius consideremus, certè cum nihil aliud esse patebit, quàm liquorem limpidissimum, tenuissimum, ac purissimum, qui in Cavernis Montium, vel aliis locis appropriatis collectus, in crystalliformem massam durissimam aquæ instar Diaphanam concresecat; Hanc veritatem probat Clariss. Dom. D. *Joh. Henric. Hottingerus* Acad. Curios. in *Dissert. de Crystallis*, & in *Miscell. Curios.* Dec. 3. *Ann. X. observ.* 97. Unde quæso, ait citatus Doctor; Adamantes crystallini tantam Venenositatem, ac deleteriam vim acquisiverunt, certè hi liquores purissimi, nihil secum tam absurdi, ac impuri vehunt; undè isti pretiosi lapides eodem modo, nitore, pondere substantia &c. egeruntur, ac antea erant deglutiti; sed non inficias eundem, Adamantem crassiusculè pulverisatum, acuminatum, ac plurimis spiculis rigidioribus armatum, ac intrò sumptum, plicis Ventriculi, ac Intestinorum se se insinuare, ac ab accedente continuo motu Intestinorum peristaltico, lincinationes, tormina &c. dolores, irritando, ac vellicando producere posse: Hinc quædam sinistra symptomata sunt expectanda; idem etiam à vitris assumptis, Crystallis grossò modo contusis evenire potest, quanquam nihil venefici in se gerant; optime autem contritus, & pulverisatus, acidum absorbendo Adamas contrarium edet effectum, & diarrhæas, dysenterias &c. sistet, ac inhibebit. Attamen, ne quid prætermissum videatur in præsentiarum, ea, quæ ab Authoribus de symptomatibus, & curatione eorum, qui Adamantis particulas sumpsere, tradita sunt, videamus.

Symptomata ergò consequentia assumptionem Adamantis
in

in pulverem redacti sunt, ex *Ardoyno* dolor Stomachi, & Intestinatorum, ex solutione continui à particulis ejusdem scindentibus factâ, cui postea syncope accedit, & Mors tandem; Curatio primò instituitur Vomitu excitato, ut ejus particulæ à corpore ejiciantur, & per portam quâ datâ ingressum habuere, habeant & exitum, si Fortuna volet; Si verò Vomitus non profit, ac ad Intestina descenderit hostis, tunc Clysteribus lubricantibus utendum; postea exhibeatur per os sanguis Hirci, cum jusculo Carnis pingui, Balsamum verum, Vinum Optimum, Decoctio radicum Altheæ, Seminum Lini aliaque hujus generis. Plura apud *Ardoynum de Venen. lib. 2. Cap. 23.*

CAPUT XIII.

De Antimonio.

ANTIMONIUM quod Stibium dicitur, est Minerale ad naturam metallicam accedens, constans ex sulphure, mercurio crudo, cum portione terrestri, & paucò sale, ex quo originem Mineralium petit *Junkenius*, cujus historiam videat *Leëtor* curiosus apud *Schroderum*, *Hoffmannum*, *König*, *Eismullerum*, *Mangetum*, aliosque tùm Antiquos, tùm Recentes Scriptores. Crudum in substantia rarissimi est usus, nisi aliquando in Decoctis antivenereis; sed a Doctoribus ponitur in numero Venenorum nam statim intra Corpus assumptum, tam supra, quàm infra purgando hominem fatigat; particulis enim mercurialibus actuatis à Sulphure, & Sale, ope caloris nativi, fibras Ventriculi, & Intestinatorum irritat, ex quo vomitus, dolores, & Alvi fluxus oriuntur cum magna lassitudine, & virium imbecillitate; quapropter *Sennertus*, ut his occurrat symptomatibus, primò Decocto hordei cum Syrupò Rosarum simplicis infusionis utitur ad Ventriculùm à particulis Antimonii abstergendum; postea ad eum roborandum Vinum pro-

propinat, ut & Cortices Citri, & Aurantiorum conditas, & Cydonia; tanquam antidota exhibet Theriacam, Bolum Armenum, quem laudat *Joubertus de Peste Cap. 19.* Extrà verò suadet applicandum Emplastrum de Crusta Panis, vel alia hujusmodi corroborantia remedia.

CAPUT XIV.

De Vitro.

VITRUM definitur materies dura, pellucida ex Sale Alkali, & arenis, sive materia sabulosa, vi fortissimi ignis, liquatis parata, quod Artificum dicitur vitrificatio, de qua optimè more suo solito scripsit *Willis de ferment cap. 12.* & hæc Chymica operatio dicitur ultima corporum mutatio cujus natura est capax, & à qua non datur regressus, ac à sale fusso, & materiæ terrestri secundum minimas particulas unito dependet; cum enim ab igne vehementissimo, utraque hæc materia funditur, ac per minima dividitur, utriusque corpuscula in fluore posita tam stricto connubio invicem junguntur, ut postea non divellantur; Pellucidum autem est, ac fragile Vitrum ob paucitatem sulphuris, quod de essentia esse Vitrorum docuit *Wedelius apud Mangetum Bibl. Pharmac. lib. 20.*

Hoc ponunt aliqui inter Venena, utpotè quia intus assumptum, (cum tamen in tenuissimum pulverem redactum non sit, tunc enim nocivum non est, cuspidibus suis incidentibus Oesophagum Ventriculum, ac Intestina lædit, & vulnerat non sine mortis periculo; Dixi ab aliquibus tantum, vitrum inter Venena poni, nam Vitrivorum historiæ Venenum illud non esse produnt; De Vitrivoro curiosa refert *Columbus de his, quæ raro in Anatome contingunt*, qui gustu carebat, nullamque in edendo voluptatem, nihil injucundum persentiebat; insipida, amara, dulcia, pingua, salsa, acria, non distinguebat :
Vitrum

Vitrum, saxa, lapides, ligna, Carbones, viva animalia, pisces è vivario extractos adhuc salientes vorabat; in hujus Cadavere secto, quarta nervorum conjugatio, quæ gustûs gratiâ in aliis hominibus à natura producta est, neque ad palatum, neque ad linguam reptabat, sed ad occipitium reflectebatur. De alio meminit *Per. Borellus Centur. 1. Obs. 52.* qui Vitrum, etsi satis spissum, avidissimè vorabat in Conviviis, Vinum superbibendo, sanguis autem ab illius ore fluebat, dùm hæc peragebat; Quod idem etiam ego observavi in quodam Circulatore Vitrivoros anno 1699. qui non solum Vitrum, sed quoque ignem impunè edebat. Alias similes curiosas historias de Vitrivoris dabunt cupienti lectori, *Boyle de Gemm. Virtut. Hildanus Centur. 6. observ. 35. & Miscell. Acad. Curios. Ann. 1.* Ast redeamus in viam: Symptomata ergò, quæ excitant vitri frustula assumpta sunt, dolores vehementes Stomachi, Oesophagi, & Intestinorum, orti ex solutione continui, à vitri particulis fauciantibus excitata, quibus syncopes accedunt, undè mors succedit; Indicationes curativæ sunt primò, quàm citissimè, si fieri potest, vitri particulas è corpore educere, interna vulnuscula sanare, ac partes læsas consolidare, & corroborare; primò ergo Vomitus est excitandus Oleo Olivarum, Butyro, & jure Gallinarum, ac similibus; inde exhibere oportet pinguiâ, & oleosa ad inviscandas, & contundendas vitri lacerantes particulas, & præsertim lac vaccinum, & pecorinum, & Butyrum recens, cum aqua decoctionis seminum lini, Oryzæ, hordei, aut similium, quæ intestinorum ulceribus conferunt. Succus Malvæ cum melle juvat potus, & valent Clysteres cum focnu-græco, aqua hordei, oleo violato, Ovi albumine &c.

CAPUT XV.

De Lapide Lazuli.

LAPIDEM Lazuli inter Venena non tantum *Ardoynis*, *Guainerius*, *Lusachus Rudius*, *Sennertus*, alique numerant; sed, & Græci vim crustam gignentem, detergentem, & exulcerantem tribuunt, quos secutus *Mesues*, ait habere vim adurendi, ulcerandi, & putrefaciendi; Hinc *Fuchsius* usum lapidis armeni, qui lapidi Lazuli cognatus, in purgando, concedit; Lapidem Lazuli verò non ita facile admittit, neque ullum ex Veteribus Græcis Autoribus Lapidem Lazuli atræ bilis purgandæ gratia exhibuisse opinatur, utpotè qui sine maxima noxa assumi nequeat; Ast non simpliciter inter Venena potest numerari sed ex purgantium saltem fortiorum, quæ omni malicia non carent, numero est, teste *Sennerto*; & ab Arabibus, & Recentioribus in curatione morborum ab atrabile, ut dicunt, ortorum non infeliciter usurpatur, ut ex Doctoribus allegandis patet; imò *Mesues* ei etiam tribuit vim confortandi, exhilarandi, & juventutem conservandi; quare eum proculdubio Arabes in confectioem Alchermes accepere; De quibus Lapidis Lazuli in medicina facultatibus videantur *Mesues*, *Avicenna*, *Alexander Trallianus*, *Guainerius*, *Brasavolus* noster, *Scaliger*, & alii plures; Hic autem lapis est opacus, Saphiri colore, aut Florum Cyani aureis punctulis, aut flammulis exornatus, Lapide armenio durior, ex quo conficitur color, quem ultra marinum dicunt; Scatet particulis salinis, sulphureis, cupreis, non sine exigua auri portione; quòd si non præparatus, vel in nimia quantitate sumatur, Ventriculi subversionem, Vomitus, dolorem ventris parit, & hoc ratione particularum salis volatilis naturam sulphuris, ac cupri habentis, quæ particule à calore nativo actuatæ, ac in motum actæ se se insinuando in porositates fibrarum ventriculi, suis cuspidibus eas irritant,

&

& sic Vomitus, Nauseam, & dolores excitant; Curatio igitur, ut reliquorum Venenorum erodentium consistit in eo, ut primò vomitu rejiciatur, & Clysteribus lenientibus, & abstergentibus per alvum educatur; deindè, ut exhibeantur ea, quæ vim corrodingi temperant, in primis, lac tepidum, asinum præcipuè, quod iis, qui hauserunt hunc lapidem, septem continuis diebus propinandum vult *Conciliator*. Bezoar verò esse pro hoc Veneno optimum, ait *Sennertus*.

CAPUT XVI.

De Sale Ammoniac.

DUPLEX cum sit Sal Ammoniacum, nativum scilicet & artificiale, hinc de primo tantum, tanquam Veneno, sermo sit: ab *Ardoyno* enim, & aliis Scriptoribus Medicis inter Venena numeratur: De secundo verò tanquam remedio legantur *Estmullerus*, *Schröderus*, *Hoffmannus*, *König*, *Mangetus*, *Lemery*, *Le Mort*, (*Boerhaave* in Elementis Chemiæ, *Muys* in dissertatione de Salis Ammoniaci ad febres intermittentes usu.)

De Sale Ammoniaco nativo sic **Dioscorides** *Lib. V. c. 126*. Inter salis genera efficacissimum fossile. Et in hoc ipso genere communiter quidem laudatur calculus vacans, candidum & pellucidum, densum & æquali compage: peculiariter verò natione Ammoniacum, quod quidem & findi facile potest, & rectis est scissuris. **Plinius** verò *Hist. Nat. Lib. XXXI. c. VII.* rem fusiùs exposuit: Invenit, inquit, & juxta Pelusium *Ptolemæus* Rex cum castra faceret. Quo exemplo postea inter Ægyptum & Arabiam etiam squalentibus locis captus est inveniri, detractis arenis: qualiter & per *Africæ* sitientia usque ad *Hammonis* oraculum, (unde *Jupiter Hammonius* ob templum, quod *Hercules* ipsi construxit, ob monstratum fontem in maxima siti.) Is quidem crescens cum Luna noctibus. Nam *Cyreniaci* tractus nobilitantur *Hammoniac* & ipso, quia sub harenis invenitur, appellato. Similis est colore alumini, quod *schiston* vo-

cant, longis glebis, neque perlucidis, ingratus sapore, sed medicina utilis. Probatur quam maxime perspicuus relictis scissuris. Insigne de eo proditur, quod levissimus intra specus suos in lucem universam prolatus, vix credibili pondere ingravescat. Causa evidens, cuniculorum spiritu madido sic adjuvante molientes ut adjuvant aqua. Adulteratur siculo, quem Cocanirum appellavimus, nec non & Cyprio; more simili.

Jam verò non aliud dari Sal Ammoniacum nisi artificiale, dum illud ad nos vehi desiit communis est opinio, verum & hodie ejusmodi Sal Ammoniacum nativum adhuc haberi persuadent CAROLLUS FRACASSATUS in *Dissertatione de lingua ad Borellum*, & KÖNIG in *Regno minerali*: Referunt enim isti Autores, in agro Neapolitano a Philosopho quodam illuciter faciente, nativum hoc Sal ad aulam Serenissimi Magni Ducis Hetruriæ fuisse prolatum, ibique coram Fracassato præfente ad experientiæ criterium fuisse revocatum, & planè omnibus, quæ exigebantur, satisfecisse; nam immisum in aqua, cui Spiritus Chalcanti admixtus erat, edito fumo tristi cunctos afflavit odore, & tam frigidam aquam reddidit ut manus læderet; atque hoc Sal Ammoniacum nativum idem mihi videtur esse cum illo, cujus mentionem facit Olaus Wormius *Musæi Secl. I. Cap. 7.* quodque simile alumini schisto, & velut in crustas compactum in faucibus hiatusum ubi ignes subterranei flammæ evomunt; idque in Regno Neapolitano prope Puteolos, in loco ob sulphureos quos eructat fumos solfatara dicto, ipse Johannes Mauricius Hoffmannus collegit, ut refert in *Act. Laborat. Chymic. Altos. Secl. II. Proc. 118. p. 199.* de ejusdem salis ibidem existentia & testatur Antonius Bulifon Guida de Forastieri *curiosi di vedere le cose piu notabili de Pozzoli p. 24.* (Non minus & in metallifodinis montis Tauri in Persia Orientali Sal, quod Ammoniacum vocant, inveniri, indicavit DELISLE, [vide *Mémoires de l'Académie Royale des Sciences* pro anno 1720 pag. 189. editionis Parisiensis vel pag. 245. editionis Amstelodamensis] formari quidem illud sed ex salinis vaporibus per montium fissuras exhalantibus, qui lateribus & integumento domicilii cujusdam ad colligendum hoc sal extracti

trusti adhæreant, viderique magnam habere similitudinem cum isto sale, quod in monte Vesuvio colligitur eodem modo atque eodem quoque loco ex quo vapores subterranei prodeant. Italos hoc sal nomine Ammoniaco insignire, *Geoffroy* verò asserit [in *Mémoires de l'Académie Royale des Sciences* modo citatis,] idem sal flores potius esse salis marini igne marino sublimatos.)

Salis Ammoniaci Nativi naturam calidam & siccam esse docet *Ardoynis*; nos verò ex particulis Salino - Sulphureis, & aluminosis constare arbitramur; ex quibus, si assumatur, varia prava symptomata nascentur, ut calor in Guttura, & Lingua, morsus in Stomacho, sitis vehemens, & dolores; Particulæ enim Salinæ suis spiculis penetrando fibras ventriculi, morsus in eodem pariunt, ac dolores; calorque in lingua, & Guttura, non tantum à sulphure actuato à naturali calore dependet, quantum ab iisdem salinis partibus, quæ se se insinuando in porositates Linguae, & Gutturis, papillas primæ, & glandulas alterius feriunt, quo fit, ut spiritus vitales cum sanguine in majori copia ad partem affectam concurrant, unde calor ferè inflammatorius succedit.

Præservatio ab Ammoniaci Salis assumptione perficitur diligentem adhibendo cautelam, ne de ipso ad suspectæ personæ manus aliquid pervenire possit; Cura autem ejus consimilis est curæ Arsenici, sublimati, & Calcis, & sulphuris; & ideo pro hac Curatione petenda sunt prædicta capita hujusce Tractatus.

CAPUT XVII.

. De Borace.

EXTRA dubium est, Boracem factitium esse, & nitri veluti speciem, undè, & nomine suo proximè accedit ad Arabicum *Baurac*, hoc est *nitrum*; Ex qua verò materia præparatur,

retur, & quomodo incertum adhuc habetur; Venetiis confici ex cremato quodam lapide candido, & filili, quem *Boracem Crudum* vocant, docet *Caspar Hoffmannus* in *paralipom. Officin. Cap. 55.* & in hoc consentit *Frideric, Hoffmannus* in *Clavi ad Schroderum lib. 2. c. 79.* quod ex minera quadam conficiatur sed modum nobis esse adhuc ignotum fatetur; *Paracelsus* verò in *Appendic. Chirurg. Oper. manuali 1. Chym.* *Boracem* optimum fieri vult ex *Aluminis*, *Salis Ammoniaci*, & *Tartari calcinati* æquis portionibus in aqua bullientibus, & in *Alcali coctis.* *Schroderus* autem prolixiorē formulam tradit, addendo dictis mineralibus *nitrum*, *Sal commune*, *Gummi Arabicum*, & *Masticem*, & aquæ loco substituit *urinam*; quam compositionem cū inutilem rejicit *Frider. Hoffmannus* loco cit. *Rulandus* nominat *Boracem Atinkar naturale.* Quoad vires verò, commendatur *Borax Venetus*, qui inter *Venena* salutatur ab *Ardoyno*, & ab aliis *Medicinæ Doctoribus*, utpotè, quod assumptus *Borax* pariat eadem ferè symptomata consequentia assumptionem *argenti vivi extincti*, seu *sublimati*, & etiam *Arsenici*; quod tamen ego difficiliter credo, *Boracis* enim pulvis tuto exhibetur à Medicis; Attamen, quid de hoc tanquam *Veneno* ferant *Authores* referendum puto, ne quid circà *Venenorum* materiam sicco pede transeamus; Ex hoc igitur assumpto, vel malitiosè propinato, vel accidentaliter ingurgitato, causantur torsiones *Intestinatorum*, teste *Ardoyno*, cum *Tussi sicca*, *ulceratione Ventriculi*, & alia hujusmodi mala, ex ejusdem enim particulis salinis penetrantibus porositates *Ventriculi*, & *Intestinatorum* fit solutio continui; undè inflammationes, & ulcuscula producuntur, quæ tandem ad necem ducunt *Ægrotum*. Istius curatio instituitur, ut præcedens.

CAPUT XVIII.

De Sulphure.

SULPHURE, sic vocatur, ut ait *Isidorus*, quia igne accenditur, undè illud corpus esse inflammabile docet *Estmullerus*, quæ

quæ inflammabilitas probatur ab oleo, seu pinguedine in sulphure contenta: compositumque est ex duplici substantia, pingui scilicet & bituminosa, & volatili acidâ; acidum enim volatile manifestum est ex spiritu per destillationem inde obtinendo; Probantur hæc ulterius ex sulphure artificiali, quod ita paratur; *℞.* olei destillati. Therebenthinæ, misce cum oleo destillato Vitrioli: Hæc duo invicem destilla per Retortam, & acquiritur sulphur vivum perfectum, cujus natales sunt ex pinguedine Olei Terebinthinæ, & acido Vitrioli; Duplex autem est sulphur, nativum scilicet, & factitium, & copiosum naturale invenitur penes mineras Cupri, & ferri. Licet autem sulphur inter remedia non infimum obtineat locum, attamen inter Venena numeratur, & præsertim ab *Ardoyno lib. 1.* qui Galenico more suo Sulphuris naturam, subtilem, calidam, & siccam in quarto gradu esse contendit; Quod si à corpore humano sumatur, oriuntur fortis calor, dolor Intestinorum, & Stomachi, atque solutio ventris; Istaque symptomata fiunt ex eo, quod in corpore humano particulæ acidæ volatiles, à calore nativo actuatæ, acuminibus suis perforantibus fibras partium internarum, excitant dolores, nec non inflammationes, ulcera, atque irritando Intestinorum fibrillas alvum sollicitant.

Præservatio verò ab ipsius assumptione perficitur, ut ait *Ardoynus*, diligentem habendo Cautelam ne ad suspectæ personæ manus sulphur pervenire queat. Curatio primò instituitur Vomitus sollicitatione, inde potu ex Syrupo acetoso simplici, succo Granatorum, & ptisana hordei; Lac Asinum commendatur à *Plinio*; Oleum Amygdalarum Dulcium, emulsionem ex Seminibus Cucurbitæ, pulverem Crystalli præparat. Ovi albumen &c. præscribit *Ardoynus de Venen. lib. 2. cap. 15.*

CAPUT XIX.

De Tutia & Spodio.

TUTIA dicitur *Pompholyx*, & est medicamentum metallicum, quod in coctura *Æris* sursum fertur, & in cameris, parietibusque fornacum, bullarum modo tumens, colligitur: idcirco definitur, & rectè à *Schrodere*, quod sit favilla tenuissima volatilis, quæ dum *Æs* in fornace perficitur, supernæ earum parti adhærescit, si verò ob suam gravitatem in pavementum decidat *Æris* favilla *spodium* fit. Quoniam verò hæc originem habent à *Cupro*, idè ejusdem particulas sulphureas, & mercuriales Venenatæ naturæ secum ducendo, si intus sumatur, prava producit symptomata, ut sunt Vomitus, Ventris, & Stomachi immanes cruciatus, cruenti alvi fluxus, & alia hujusmodi, mala, quæ oriuntur à particulis irritantibus, & exulcerantibus in actum deductis ope naturalis caloris, quæ substantiam tunicarum Ventriculi, & intestinorum lacerant; Quo circà optimè docebat *Etymologus*, cupreas particulas, quales sunt Spodii, & Tutia esse violentas, & Stomacho hostiles, crudasque non usurpandas; Tutia enim usus est externus in Chirugia pro ulcerum chronicorum cicatrizatione. Siquis ergo vel malitiosè propinatam, vel casu assumpserit Tutia vel spodii pulverem statim ac fieri possit vomitum excitabit, indè Lac propinandum, ut & succus Menthae, Terra sigillata in Viho & Corallus rubeus datus in potu ad pondus 3 ij. Usurpanda sunt utiliter Clysteria facta ex lacte asinino, & Oleo Amigdalorum dulcium & linimenta Stomacho, ac ventri olei Rosacei Calidi.

CAPUT XX.

De Minio.

EX Plumbo ope calcinationis fit Minium, in quo duo considerat *Etmullerus*, primò, quod Minium, augeatur pondere, secundò, quod Minio ut ut rubicundo, facillè rubelo demi possit; Ad secundum dicit citatus Author, miseri Minium cum sale Ammoniaco, & aliquoties sublimari cum eo, & sic tandem in forma Calcis griseæ in fundo vasis subsistere; ad primum verò acidum quoddam in flamma calcinante causam majoris ponderis accusat *Hoffmannus*, ita ut v. g. sumantur Libræ Centum Plumbi, & exurantur in Minium, quod confectum dabit pondus Centum, & decem librarum, & hoc corpus, quod plumbum auxit in flamma, esse acidi saporis probavit citatus *Hoffmannus Comm. in Schroderum*.

Minium autem assumptum Ventriculum & Intestina lædit, & hinc ructum, singultum, nauseam, vomitum, alvi fluxionem, & alia similia prava excitat symptomata, utpotè, quia particulæ Salinæ, Sulphuræ, & mercuriales Plumbum, & per consequens Minium componentes, cuspidibus suis penetrantibus, actuatis maximè vi caloris naturalis, non tantum irritant fibras, verum etiam continuum solvendo, ulcuscula inducunt in membranis, tum Intestinorum, tum Ventriculi, ex quo prædicta oriuntur symptomata; Ideoque statim, Vomitorium ex seminibus napi, vel Atriplicis cum butyro recenti, oleo communi, anethino, vel alio exhibendum, deinde injiciatur Clyster ex Decocto Radicum Althææ, Malvæ, cum Oleo liliorum alborum, vel anethi; Antidoti loco exhiberi potest Theriaca, & Mithridatium.

C A P U T X X I.

De Alumine.

ALUMINIS genera quinque numerat *Schroderus*, rupeum nempe, plumeum, Scissile, Saccharinum, & Catinum; Nos verò in prælentiis de primò tantùm Rupeo dicto loquimur, eo quia ex rupibus, seu faxis eruitur, ac conficitur, & monente *Hoffmanno* nihil aliud est, quam terræ salsug. Saturninæ naturæ constans ex acido spiritu, & sale terrestri, ob quod ad vitriolum nativum accedit, & propterea Venenorum Classem adauget; Symptomata verò consequentia assumptionem Aluminis sunt, teste *Ardoyno*, Tussis sicca, & aliquando Phthisis vera cum Pulmonis ulcere, & aliquando Phthisis non vera, scilicet extenuatio nimia, sive consumptio totius Corporis, quæ *Marasmus* dicitur; Cum enim se se infinent particulæ aluminis Salinæ acido spiritu saturatæ in cruoris massam, ejus naturalem crasim alterant & vitiant particulas nutrientes, quæ balsamicæ sunt naturæ; adeoque configuratione sua apta ad replendas partium porositates, quæ repletio pororum, est partium restauratio, atque nutritio; Sicque mutatâ istarum molecularum nutrientium figurâ, & per consequens introductâ acidâ sanguinis dyscrasiâ, ad nutriendum ineptâ, tussis sicca ferè continua oritur, & tandem Phthisis. Ad Curationem hujus Veneni, cum debeant adhiberi ea, quæ præscribuntur ad Guram Arsenici, & Calcis vivæ; ideo Lector remittendus ad propria Calcis, & Arsenici Capita.

CAPUT XXII.

De Cerussa.

CERUSA vel Cerussa est veluti Plumbi ærugo facta per Calcinationem vaporosam, & paratur suspendendo lamellas Saturni supra acetum, ut vapores ab aceto elevati circum-eant, & sic paulatim adhærescit Cerusa; quæ cum filia sit Plumbi, propterea eadem symptomata, quæ plumbum assumptum excitat, producit; sumpta enim Cerusa, mox ope particularum Salino-Sulphurearum, ac mercurialium summè penetrantium, ac scindentium, aculeisque suis lacerantium Palatum, Lingua, & Gingivæ afficiuntur, sequiturque singultus, vomendi desiderium, linguæ ariditas, Faucium asperitas, sanguinis per alvum egestio, tenesmus, Urinæ modo nigrae, modò cruentæ excernuntur, & tandem extrema frigescent, ægrique pereunt.

Primò itaque Vomitus est provocandus, ut & fit in aliis corrosivis Venenis; indè Clysteres parari debent ex Decocto Brassicæ, Caulium rubrorum, Parietariæ, Oleo Communi &c. postea exhibere oportet, ex suasione *Sennerti*, lac calidum, Decoctum Caricarum, radicum Malvæ, Althææ, mucilaginem Seminum Psyllii, Lini, Fœnu græci, aquam quæ est in foliis Ulmi, commendatur quoque lixivium è cinere Sarmentorum Vitis paratum cum aqua mulsâ; Succus absynthii monente, *Rhafi*, Decoctum Seminum Apii, Fœniculi, Anisi &c. Lac, Vinum, Theriaca, & similia sunt in usu. Hinc contrâ Cerussæ Venenum laudat *Friccius*, Vinum malvaticum, Oleum Terebenthinæ, Oleum Cinnamomi, Oleum Cerae; Venæ Sectionem autem nocentissimam esse scribit; & *Sennertus* ait, à somno, quantum fieri potest, ægrum esse prohibendum.

CAPUT XXIII.

De Cinnabari.

DUPLEX est Cinnabaris, nativa scilicet, & factitia, Prima est Terra mineralis lapidescens, constans ex sulphure, & Mercurio exquisitè secum mixtis in materia terrestri instar lapidis compactis, & hospitantibus, interdum purior, interdum impurior reperta; Quæstio est an Cinnabaris cruda adhiberi possit? Aliqui defendunt posse, sed fortassis encomium est hyberbolicum; Ex novissimis de Cinnabari nativa dissertationem ad normam Illustriss. nostræ Acad. Curiosor; scripsit erudito quidem calamo Excellentiss. D. Gabr. Clauderus, cujus mentio quoque fit in Actis Eruditor. Lipsiæ Anno 1684. Cinnabaris nativa quoque vocatur *Electrum minerale immaturum*, quod *Helmontio metallus primus*, sive *masculus* est, usumque illius suspectum reddidit ob sulphur nigrum arsenicale *Thom. Bartholinus Act. Med. Hafn. An. 1671. Vol. 1. Obs. 41. p. 77.*

Factitia autem Cinnabaris nihil aliud est, quàm novum compositum ex Sulphure, ac Mercurio; hæc duo, nempe Mercurii pars una, & Sulphuris partes duæ, trita probè, & Subacta ignis beneficio ascendunt ad altum, & constituunt novum concretum rubicundi coloris; Symptomata Cinnabarim sumptam consequentia sunt similia symptomatibus consequentibus Argentum vivum mortificatum, vel sublimatum; ope particularum sulphurearum, & Mercurialium; à calore nativo exaltatarum, suis aculeis irritantium, ac penetrantium fibras partium internarum, accident dolores, Gutturis corrosiones, & Ventriculi, & Intestinorum, Vomitus, & difficultas spirandi, cum alvi fluxu cruento; undè *Joh. Fernelius* ait, Pictorem gravissima symptomata passum fuisse à Cinnabari, dum ille scilicet non solum pernicillum digitis extingeret, sed etiam imprudens, & incautus ore exugeret; hinc factum; ut Cinnabaris in Corpus recepta, & Visceribus, nervisque

visque communicata ea infecerit , & pravorum symptomatum à *Fernelio* , ac à *Sennerto* longè ennaratorum causa extiterit ; Similiter apud *Schenckium* legitur de Juvene , qui cùm ulcus in pene ex impuro concubitu contractum haberet , nullisque aliis medicamentis curari posset , suffumigio ex Cinnabari tandem curatus est ; Ex eo autem tempore de gravissimis semper doloribus capitis , & fluxu sanguinis è naribus conquestus est ; Dolor nonnumquam per biduum , vel triduum remittebat , aliquando singulis diebus ter , quaterque recurrebat ; Dolore sæviante se se conjiciebat in lectum , & vocatis duobus , aut tribus famulis , jubebat caput manibus comprehendi , & quanta vi possent constringi , & comprimi , seque nulla re , majorem doloris levationem sentire affirmabat ; Post quadrantem , aut dimidiam horæ partem , nonnumquam quiescebat dolor , benè edebat , bibebat , dormiebat , & absente dolore optimè valebat , ut testatur *Sennertus* ; tandemque doloris magnitudine victus subito inter manus famulorum caput pro more suo comprimendum extinctus est.

Curatio illorum , qui Cinnabarim tùm nativam , tùm artificialem sumpserunt , eadem sit , cum ea , quæ iis , qui Argentum vivum sumpserunt debetur. Si materia adhuc hæret in ventriculo , vomitu statim rejicienda , deinde Clysteres ex hydro-melite , vel Oleo injiciendi , sorbeantur etiam jura pingua , bibatur Lac , Butyrum , & alia , quæ possunt contundere , & inviscare particulas lancinantes è Cinnabari prodeuntes ; Plura de hujus curatione videnda in *Ardoynis* , *Ponzeto* , & *Sennerto*.

CAPUT XXIV.

De Lithargyria.

LITHARGYRIUM Plumbum est , ut verbis utar Clariss. *Mangeti* Amici mei honoratissimi , atque doctissimi in Bi-

blith. Pharmac. Scoriis Cupri imprægnatum, & quasi in Spumæ metallicæ formam per calcinationem redactum; Paraturque hæc materia dum Cuprum purificatur, postquam è fodinis suis in Polonia, Suecia, & Dania exemptum est. Duæ Lithargyrii dantur species, quarum alia coloris est flavi subrubentis, quæ Lithargyrium Auri vocatur; Alia coloris est aliquatenus argentei, & propterea Lithargyrium Argenti dicitur; Varietas autem istius coloris non agnoscit aliam causam, quam magis, vel minus intensus gradus calcinationis; Conficitur etiam lithargyrium dum Aurum, ac argentum, per Cupellam, seu cineritium depurantur, sed parca quantitate; hoc autem à priori non differt; Cum autem ex Plumbo conficiatur, hinc est, quod sulphureas, ac mercuriales particulas teneat, quæ si intrâ humanum corpus assumantur, varia prava produciunt symptomata, nempe dolores Ventriculi, ac Intestinatorum, urinæ suppressionem, atque, si fides est habenda *Aëtio*, & *Avicennæ*, Intestinatorum ulcera, Fluxus alvi, & Recti Intestini egressum; nonnunquam alvus supprimitur, in superioribus apparet inflatio, lingua gravatur, sermo impeditur, spumescit os, respiratio intercipitur, totum corpus livido tingitur colore, tandemque invalescente malo, suffocatio sequitur; quæ omnia symptomata, non nisi à spiculis particularum sulphureo mercurialium oriuntur, quæ Stimulando cuspidibus suis partes, easque inflammando, ac lacerando, prædicta causant mala. Quoad curationem verò, primò danda est opera, ut lithargyrium sumptum vomitu rejiciatur, deinde curandum est, ne partes internæ erodantur; Ideò Clysteres alvum lenientes, & lubricantes sunt injiciendi, *Rhases*, & *Avicenna* purgantia, etiam & *Scammonium* adhibent; Exhibenda deinde Butyrum recens, Lac, & jurâ pingua è Carne bubula &c. Commendant multi Myrrham, Absynthium, Hyssopum, Hypericum, Stercus Columbi, Spicam Celticam, semen Ormini Sylvestris, aquam destillatam è baccis Juniperi, & Oleum Angelicæ; *Sennerius* Theriacam cum Vino generoso sumptam laudat, & *Petrus Aponensis* Bezoar Lithargyrii Semen Caputæ majoris esse scribit, tritum, & potum ad pondus 3. ij.

C A-

CAPUT XXV.

De Lapide Armeno.

CUM Lapis Armenus sit penè similis Lapidi Lazuli, & non non differant isti Lapides inter se, teste *Schrodero*, nisi sola maturitate; Lapis enim Lazuli invenitur in aurifodinis, Armenus autem in Argenteis; hinc est, quod ambo inter Venena reponantur; Dicitur verò Armenus quia olim ex Armenia solum ad nos translatus sit, hodiè tamen, & in Germania producitur; Ast cum hic reperiatur in argenteis fodinis, ideò de Luna participat; Lazuli autem Lapis, ut vidimus de sole; Lapis Armenus, si credendum *Poterio*, duplici constat sulphure, sale item duplici, volatili, & fixo; In sale ergò volatili stant partes Veneficæ, istæ enim magis actuatæ, ac in motum actæ à nativo calore, cuspidibus suis penetrantibus & incidentibus, irritando fibras Ventriculi, vomitum primò excitant, inde ulcerando, dolores, ac alvi fluxus cruentos pariunt, quæ propriè sunt symptomata consequentia assumptionem Lapidis Armeni; Optimè ergo *Avicennus lib. 2. tract. 2. cap. 57.* de hoc lapide ait, *huic inesse absterfionem cum acuitate.* Notandum hinc verò *Ardoynum* velle Lapidem Armenum esse similem Corallo, & esse Venenum propriè dictum, cujus proprietas adeò Venenosa sit, ut exhibitus in quantitate granorum decem interficiat; Verùm nos de tali Armeno lapide, Corallo simili, verba non facimus, quia apud Recentiores Authores talis lapidis mentio non fit. Curatio assumptionis Armeni Lapidis consistit in educendo, quantò citius possit, è corpore particulas suas corroderentes, partes internas pristino statui restituendo, easque corroborando, quæ Indicationes in omnibus ferè corrosivis Venenis habentur. Satisfiet igitur his, primò excitando Vomitum cum Oleo de Nucibus, & cum decoctione Seminis Napi, & Butyro, ut monet *Ardoynus*; post Vomitum,

confu-

confugiendum est ad Theriacam, Vinum generosum, species Diamargarit. Philonium Romanum, Bezoar, & Radicem Caparidis conferre in hoc valdè afferunt aliqui.

C A P U T X X V I.

De Cadmia, Aurichalco, ac de Scobina Campanarum.

CADMI^A, seu Cobaltum minerale terreum est colore ferè nigrum Antimonio haud ab simile, aris, vel argenti par-ticeps, & pollet vi caustica, & tam corrosiva, ut fossorum manus, & pedes exulceret, adeòque inter Venena meritò re-censetur, quippè intùs assumpta quæque Animalia perimit, exulcerando videlicet Ventriculum, & Intestina, ex quo do-lores, Vomitus, alvi fluxus cruenti, & denique mors succe-dit: Undè *Agricola lib. 2. de re metall.* ait, aquam Cadmia in-fectam, interiores corporis partes erodere, si tamen Cadmia argentum in se continebit, non adeò nocere. Curatio autem Cadmiæ assumptæ esse poterit eadem, ac illa, quæ habetur in capite de Ære.

Nunc pergamus ergò ad Aurichalcum, & Scobinam Cam-panarum; Aurichalcum enim, & Cadmia pro uno, eodemque subiecto sumere videtur in sua *Biblioth. Pharmaceutica* Doctissim. *Mangetus*, nam quando in hoc Libro quæritur Aurichalcum, ipse Actor Lectorem remittit ad Cadmiam, tanquam unum, & idem; Reverà tamen differt hoc ab ea: Aurichalcum enim vo-catur Æs illud factitium flavum colorem Auri præ se ferens, & paratur ex Cupro teste *Brunone in Lexic. Medic.* mixtura La-pidis Calaminaris fuso, quamvis colorem auro similem inten-sius acquirit, adjectâ Marcasitâ argenteâ, & parvâ quantitate Tu-tiæ cum Cupro fuis, Cùm igitur Aurichalcum in magna parte ex cupro constet, eandem in se retinet virulentiam, & cibis, potionibusque acidis in eo coctis communicat, & quo-cunque modò sumptum, ut æs nocet, eademque symptomata inducit,

inducit, ac eandem curationem postulat; Et cum Campanæ etiam ex ære, & aliis metallis consent, Scobina earum Veneni modo nocere potest, de qua re *Horstius Comm. ad Lemnium de occult. nat. mirac.* ita scribit, Nobilis Matrona in summo vitæ discrimine constituta erat, ut quæ imprudens, deliræ Anus consilium sequuta, Scobinam, vel rasuram Campanæ in Vino Rubro assumpsit; ex quo vomitu divexabatur, & alvus vehementer subducebatur, unde Corpus intumuit; Subsecuti immanes Capitis, & Ventriculi dolores, vertigines, & punctiones, tandem in phrenitidem incidit, quæ cum non-nihil mentem recepisset, semper sensit rosiones in Ventriculo, & lincinationes, quasi acubus transfixus esset; Ego adhibitis catapotiis, & hypagogis, Scobinam expurgavi, & dilucidè in chartam assumptam aliis visendam exhibui.

Hinc omninò, si quid tale sumptum sit, eadem curatio, quæ de ære proponetur, convenit.

CAPUT XXVII.

De Arsenico, Auripigmento, Sandaracha, & Realgare.

ARSENICUM à multis *Arrenicum* dicitur, perperam verò, & corruptè ab aliis *Archenicum* notante *Libavio*; *Defens. Syntagm. A. 2. Not. 53.* est Succus mineralis, pinguis inflammabilis, insignis corrosivus, deleteria conditione præditus; ideòque inter Venena meritò referendus. Aliqui Auripigmentum, & Arsenicum esse unum, & idem contendunt, certum verò est Arsenicum duplex esse, alterum nativum, alterum factitium. Nativum, quod spontè oritur è metallis; & hoc iterum duplex est. Auripigmentum, seu Arsenicum Aureum Citrinum, & Sandaracha, seu Arsenicum Rubrum; hæc ambo ejusdem sunt generis, & facultatis, nam in eisdem mineris, vel fodinis nascuntur, & reperiuntur, atque iisdem

Jos. Lanzoni Opera. Tom. I. I quali-

qualitatibus Venenatis prædita sunt. Factitium itidem duplex est, aliud album, & crystallinum, quod fit ex auripigmento, seu Arsenico citrino, & Sandaracha, seu Arsenico rubro, per sublimationem, & hoc ut plurimum absolute vocatur Arsenicum; Aliud Realgar, & Risigallum dictum, quod fit ex Auripigmento, & Sulphure, vel Solis, vel addita calce viva, aut sale simul mixtis, & combustis, seu calcinatis; Rectè ergo tria genera Arsenici esse ait *Schrodegerus*; album videlicet Arsenicum, in specie dictum, citrinum, seu flavum, quod dicitur Risigallum, & tertium Rubeum, quod Sandaracha nuncupatur; Certissimum autem est Arsenicum Crystallinum, ut supra dixi, factitium esse, & per sublimationem ex auripigmenti skobe, & sale anaticè mixtis confici; hinc non in fodinis, sed fornacibus reperitur, & scatet caustico acri, & corrosivo Sale, motui nostro inimico, propter quod inter Venena caustica, & Septica, validissima, meritò numeratur, dum non solum particulae ejus acres à Sale magis aculeantur, sed etiam in se Salia rigida angulis acutissimis, penetrantissimis donata, possidet. Intrà Corpus assumptæ verò omnes illæ Arsenici species, eadem ferè inferunt symptomata, eaque gravissima, ut sunt Ventris, & Intestinorum cruciatus vehemens, Vomitus, sitis magna, linguæ, & Faucium ariditas, spirandi difficultas, Tussis, singultus, sequitur aliquandò urinæ suppressio cum dysenteria, spasmus, & paralyti, quibus tandem mors omnium terribilium terribilior accedit. Notandum verò cum *Sennerto*, Sandaracham mitiorem esse, quam auripigmentum, hoc mitius esse, quàm Arsenicum Crystallinum quod omnium perniciosissimum est; Mitius quidem Arsenico albo, sed pejus Auripigmento esse Realgar; neque solum ore sumptum, sed etiam extrà adhibitum Arsenicum, & Realgar nocent; Sic de *Pictore* narrat *Sennertus*, qui cum Capsulam Realgare plenam diù conclusam, aperuisset in Lipothymiam incidit, & tota facie tumidus evasit, ac alexipharmacis curatus est. Et *Amatus Lusitanus* refert, Juvenem quendam Florentinum, qui cum Scabie, universum ejus Corpus occupante, fœdaretur, ungento, cui Arsenicum commixtum erat, præter Medicorum con-

silium

filium se illivisset, manè mortuum inventum fuisse; & alium quendam ob inunctionem similem in insaniam devenisse. Mors autem ex incauto Arsenici usu videri potest apud *Hist. Medic. Hagendornii* 80.; apud *Salmuth. Cent. 2. obs. 96. Sennertum in Pract. lib. 6. part. 6. cap. 9. Henr. Regium in lib. 3. prax. med., Grebnerum in Medec. vet. resit. cap. 13. Joh. Schenckium in obs. med. lib. 7. Henr. ab Heers in Observ. 16. Mangetum in Biblioth. Medic. tom. 4. & alios plures tam antiquos, quam recentes Authores.*

Nisi ergo statim præsentaneâ operâ succurratur; cùm assumptum sit à Corpore humano Arsenicum, de vita æger periclitatur; ex particularis enim illius Salis caustici, & Corrosivi in motum actis à calore nativo solvitur continuum in partibus internis, undè erosiones, ulcera pessima fiunt, ex quibus mors diris stipata malis succedit. Quidam tamen, non mox moriuntur, sed longiore tempore vitam trahunt, at miserrimam; Sic *Amatus Lusitanus Cent. 2. curat 65.* narrat, puel- lum, post Arsenicum sumptum, paulatim tabidum intra annum obiisse, & *Forestus observ. med. lib. 30.* refert se novisse varios, qui spatio multorum annorum supervixerunt, post assumptionem Arsenici, sed in magna miseria, & cruribus resolutis, ut vix incedere possent. Cùm ergo Arsenicum, Auripigmentum, Sandarachæ, & Realgar in activitate non differant, nisi secundum majorem, vel minorem vim juxta salium corrosivorum acutiorum, vel minus acutam cuspidem, à qua, vel promptius, vel tardius ulcus in parte interna insequitur; Idcirco eadem instituenda Curatio tam in Arsenici, quàm Realgaris, Auripigmenti, Sandarachæ assumptione, & ratio Curationis in hoc consistit, ut primò statim vomitus provocetur, in cujus provocatione, semper adhibenda sunt pinguia, & oleosa, ob retundendas, & inviscandas salium particulas septicas, & sic vim Veneni hebetare; Hoc autem faciendum cum aqua calida, Butyro, Decocto Seminis Napi, Atriplicis, Oleo Lini, vel quocunque alio liquore pingui copiosè sumpto; Deindè si cruciatus Intestina affligant, Clyteres injiciendi erunt ex Decocto florum Malvæ, Althææ, Verbasci,

Seminis Lini &c. confecti, quibus addenda sunt Oleum Violarum, & Pulpa Cassiæ; Quin possunt etiam parari ex lacte Asinino aliisque. Postea adhibeantur ea; ut *Sennertus* rectè suadet, quæ visciditate, & lubricitate sua viscera à vi Veneni erodente muniant, ubi plurimum confert lac bubulum epotum in copia, quo octo filios unius rustici, Psaltriam, & Meretricem quandam Veronensem, unà cum Patre, & Matre arsenico Venenatos sanasse scribit *Joh. Bapt. Montanus Consil.* 367. Butyrum ulteriùs commendatur, ut & Oleum Amygdalarum dulcium, Oryza cum lacte cocta, Succus Althææ & Malvæ, Decoctum Seminis Lini, Syrupus Violaceus, aqua copiosè sumpta teste *Mercuriali lib. 2. de Venenis*, exemplo Canum, & Murium, & Vulpium, de quibus *Plutarchus* ait, quod ubi degustaverint amygdalas amaras, intereant, nisi aquam bibant. *Forestus* autem Aquæ frigidæ potum improbat, quod hæc Venena non reprimat, sed ipsum potius retineat; tepida autem usque ad vomitum bibita utilis putatur à *Sennerto*; Theriacam laudat *Forestus*, Crytallum fossilem, Margaritas, Oleum è nucleis Pini, Lapidem Bezoar Oriental. teste *Claud. Richardo*; Serapinum laudat *Ponzettus*; & *Sennertus*; Emulsionem Seminum quatuor frigidorum majorum *Forestus*; Antequam autem Caput præsens de Arsenico claudamus, addenda sunt sequentia scripta in quadam Epistola Illustriss. D. Antonii Vallisnerii in Archi Lyceo, Patavino, Lectoris Famatissimi sup die 6. Octobris Anni 1707. ad Perillustrem D. *Joseph. Baciocum* Pharmacopolam nostrum honoratissimum, & Amicum meum integerrimum, quæ talia sunt, ex Italica tantum in Latinam linguam versa. Turcæ exhibent Arsenicum flavum, id est auripigmentum in quocunque morbo contumaci, ut Chronicæ febres, morbus Gallicus &c. & sua operatio non est sensibilis, & dosis est granum unum, sed sublimati non dant nisi tertiam partem grani; Præparant tamen priùs sublimatum miscendo tantum Mercurii crudi, quantum potest imbibere, quod ordinariò est æqualis pars, & postea miscent simul, donec amittatur cursus. & splendor ejus, id verò sine igne conficiunt, & absque ulla sublimatione, ut fit Mercurius dulcis & ita exhibent

hibent optimo eventu ; Præparant autem Auripigmentum alio modo , redactum enim in subtilissimum pulverem , ponunt in vase vitreo superponendo tantum spiritus Vini , & Terebenthinæ ut pulveri supernatet , & fit digestio in Balneo Mariæ per horas viginti quatuor lento igne , & dum fit digestio , os vasis optimè sit clausum , & post viginti quatuor horas aperiat Vas & lenta siccitate evaporet fluidum. Gallicos Medicos in Castris, ait etiam citatus D. *Vallisnerius* , curare febres chronicas exigua quantitate Arsenici in aqua cocti sine ulla præparatione , ut dicunt , sed hoc videtur potius esse , aqua illa celebris Venenata vulgo dicta , *aqua del Petesino* , si cocta esset in dose majore , & in vase æneo ; Aliqui dixerè , Arsenicum ab illis præparari spiritu Vini ; *Etmullerus* sanè in *Schroder. dilucid. cap. 27.* ait , veteres Medicos pro curando Asthmate Arsenicum commendavisse.

C A P U T XXVIII.

De Marcasita.

MARCASITA est materia metallica immatura producta à portione aliqua ad generationem metalli inepta , unde illam metalli excrementum dicit *Renaldinus* , varium pro varietate metallorum , ut v. g. Marcasita Aurea , quæ ex auro , Argentea ex Luna , Ferrea , quæ ex Marte & sic de cæteris Metallis. Verùm magis propriè trës tantum Marcasitas agnoscit Præclariss. D. *Maugetus* Amicus meus singularis , in *Biblioth. Pharmaceut. lib. 12.* quarum prima Aurea secunda Argentea , tertia verò Marcasita Cuprea dicitur. Hinc *Etmullerus* in radice sua Marcasitam vult esse minerale venereo - argenteum , nondum perfectè maturatum ; & Arsenicali substantiâ imprægnatum , quâ ratione validum Venenum existit , à Vitriolo , & Sulphure suam habens originem ; Idèoque Venenum existit

corrosivum , Arsenici naturam redolens. Symptomata , ab ejus assumptione derivantia sunt , monente *Renaldino* , viscerum corrosiones , tormina , Colicique dolores ; vel dolor Iliacus , & hæc mala proveniunt mediantibus particulis Salinis , corrodentibus , arsenicalibus , quæ se se insinuando in substantiam fibrarum tum Stomachi , tum Intestinatorum , illas aculeis suis irritant , feriunt , & lacerant , ex quo tormina , aliaque prava oriuntur symptomata ; Ad Curationem quod attinet , omnia ea convenire puto , quæ præscribuntur in Curatione Arsenici , Auripigmenti & similium.

C A P U T XXIX.

De Argento Vivo , tum crudo , tum Sublimato , tum Præcipitato.

IN Venenorum Classe reponitur Mercurius crudus , à Doctoribus , & Sublimatus , & Præcipitatus , ideò in capite præsentis de tribus hisce Mercuriis sermonem facere oportet , & primò de Argento vivo crudo ; quod an sit Venenum , dubitant multi , quia nullam cum Venenis habet affinitatem , ut innoxie etiam , teste experientiâ , per os assumi possit ; In hoc tamen Medicus debet esse cautus , & circumspectus , ne adulteratum porrigat , ne hypochondriacis , splenicis , & aliis Ventriculi fermento nimis acido præditis , & sanguinem salibus acidis sylvestribus , ac corrosivis abundantem , habentibus à quibus Mercurius naturam præcipitati induere potest , propinet ; Mercurium enim resolutum , sive præcipitatum , sive sublimatum , Venenum esse dira symptomata , & Venenis reliquis communia , quæ statim atque in corpus assumptus est , inducit , evincunt. Si ergò in notabili quantitate Mercurius Corpori immittatur , haud dubiè interitum animanti asserre ait.

ait. *P. Honor. Fabri*, non suo pondere, ut plerique existimant, nam potius pondere suo egestionem sollicitaret, sed quia purus ille humor sanguini admixtus, ignis particulas dividit, ac proinde calorem nativum extinguit: Observabis tamen eos, qui sæpè tractant Mercurium, vel ejus halitum excipiunt, paralyti obnoxios esse, imò fossilibus ipsis, qui Mercurium ex fodina educunt; dentes tremunt, laxat enim gingivas, vel potius cum omnibus plantis noxius sit, nempe facile permeat usque ad imam radicem, plexumque organi labefactat; quid mirum, si dentibus, carnibus, unguibus, & pilis noceat; Sunt enim Plantæ referente citato *Patre Fabri in sua Physic. tract. 7. lib. 2.* Labes etiam diras, quas referunt Aurifices, observavit *Clariss. Ramazzinus*, omni Virtutum genere instructus, Amicusque meus singularis, in aureo suo *de Morbo, Artificum Tractatu*; isti enim potissimum in deaurandis argenteis, & æneis operibus sunt occupati; cum enim non nisi per amalgamationem id peragi possit, dum postea Mercurium igne propellunt, non tam cauti esse possunt, licet faciem avertant, quin virosos halitus per os excipiant, quare hujusmodi artifices vertiginosi, Asthmatici, Paralytici, citissime evadunt, habitusque cadaverosos contrahunt, & perpauci ex istis Artificibus in tali opificio constanesunt, ac si non tam citò occumbant, ad tam calamitosum statum deveniunt, ut eis mors sit in votis; Venenum igitur Mercurius est, cujus particule sunt læves, & exiles cum multa soliditate; & Sphæricæ, aut ovaes, aliquatenus cylindricæ, & ita suadere illius fluiditatem, gravitatem, volatilitatemque docet *Franc. Bayle Physic. tom. 2.* Soliditas enim est causa gravitatis, levitas cum figura oblonga fluiditatis, parvitas volatilitatis, ad quam etiam confert specialis constitutio pororum minus congruentium cum poris aëris, aut particulæ ipsius; Quamvis Mercurii particule nequeant inter se coherere, & conjungi in molem duram, possunt tamen medio interjecto glutinari, & in corpus durum firmari, si, verbi gratia, particule sulphuris misceantur, Mercurii particule non solum adhærent Auro, sed etiam in illius poros penetrant, quia scilicet aër, cum quo minus congruunt, quam cum Auro,

Auro, illas trudit in Auri poros, ut trudit aquæ particulas in poros ligni, terræ &c. ex conformatione autem pororum Auri efficitur, ut Mercurii particulae in eos propulsa exerant vim cunei, & Auri particulas disjungant, unde post multiplicem Mercurii affusionem, metallum illud faciliter confringitur, dissolviturque in pulverem. Etsi ergo Argentum vivum, uti supra dicebam, haustum sæpè innoxium fuerit, atque ægrè Parturientibus, sicut & infantibus, ad Vermes necandos utiliter exhibitum fuerit à peritis Medicis, quandoque etiam casu, & incuria magna quantitate haustum legatur, tamen tùm solum id accidit, cùm iterùm statim per alvum pondere, volubilitate sua elabatur; si verò in aliqua cavitate partium diutius hæreat, vel si medicamento, quod vim habeat illud in corpore retinendi, admisceatur, aut alia de causa retineatur, gravia mala, imò mortem inferre potest, ut ipse testatur *Sennertus*; Eadem præstat fumus ex Argento Vivo ore haustus, nec innoxium est, si extrà inunctum per poros in Corpus penetret.

Perniciosus est Præcipitatum, maximè perniciosum sublimatum; Etenim Argentum Vivum, non extinctum, non præparatum, si in Corpore hæreat, Stomachum, & Intestina lædit, non quidem pondere suo, ut credit *Discorides*, sed erodentibus suis particulis, dolores Intestinorum, & Ventriculi cruciatus movet, quibus accedunt Corporis intumescencia, paralysis, Syncopes, Apoplexia, & Mors, quæ est ultima linea rerum; Symptomata verò, quæ ex Argenti vivi fumo concitantur, sunt nervorum contractio, membrorum tremor, debilitas articulorum, & alia quæ, ut supra dixi, accidere solent Aurifabris. Particulæ enim Mercurii volatiles, & pungentes se se insinuant in partes nervosas, & prædicta excitant mala, ut ex observationibus *Sennerti*, *Ponzeti*, *Fernelii*, *Foresii*, *Ramazzini*, & aliorum constat.

Mercurius sublimatus nihil aliud est, quam hydrargyrus ab acidis penetratus, & ab igne in vasis partem elevatus, cujus parandi modus videatur apud *Lemery*, aliosque Chemicos, ideòque Venenum est potentissimum, & inter corrosi-

va

va Venena non infimum tenet locum ; Pariterque Mercurius præcipitatus, qui referente *Ettmullero* fit, quando per digestionem in pulverem rubicundum mutatur, & licet a *Schrodero*, & ab aliis Authoribus exhibeatur ad febres tollendas, sudorem movendum, lumbricos necandos, atque luem Veneream extirpandam, attamen existimo ejus internum usum semper esse periculosum, edoctus ab *Helmontio* scribente, *Vix boni Viri remedium potest esse Mercurius, quandiu adhuc resuscitari potest*, ut in casu nostro, nam præcipitatum argentum vivum faciliter ad statum crudi Mercurii redit ; ope igitur particularum erodentium summè mobilium, ac penetrantium hydragryri, tam in Ventriculo si sublimentur ab acido, & calore nativo, quàm arte calcinatæ, & sublimatæ, antequam sumantur, producunt ulcerationes Oris, linguæ, Palati, Stomachi, & Intestinatorum cum doloribus, torsionibus, inflammatione, Vomitu, siti, aliisque hujuscemodi malis ; illæ enim particulæ suis mucronibus, fibras internarum partium adoriuntur, undè tristis sensatio, cum dolore, Vomitu &c. substantiam verò partium inflammando, & lacerando, ulcera, atque cruentas alvi egestiones suscitant, intolerabili cum incommodo ægri, undè fiunt syncopes, & tandem mors supervenit ; ideòque optimè ait *P. Fabri*, Mercurium, & præsertim sublimatum insigni sua acrimonia, ac mordacitate Ventriculum, & Intestina ulcerare ; non verò urere ut plerique volunt, licet deindè livida appareant, quia livor est à sanguine, qui sistitur ob vitiatam partis dispositionem, sic enim livefunt ulcera, præsertim in membrana ; Quæres cur accendat tantam sitim ? Respondeo cum citato *Fabri*, quia suis particulis Striatis fauces occupat, vetatque ne humor affluat obstructis scilicet poris, sic Sal, Piper, & quædam acria sitim conciliant ; Præcipitatus autem Mercurius, minore mordacitate pollet ; Refert verò *Andreas Baccius*, propinato cuidam juveni à Muliercula sublimati pollinè, prægressis eadem die crebris à ventre fluctuationibus, ac Vomitibus, mox cum præcordiis extenuante ventriculo, eum post triduum interiisse ; similemque Casum refert *Franc. Valleriola lib. 1. obs. 7.* Scabiosum unc-

tione Mercuriali usum mortuum, cor exhibentem, coagulato cruore turgidum, refert *Bonetus Sepulchreti Anatomic. lib. 4.* Hinc præclarissimus *Harderus* Mercurii vim clandestinam expertos esse multos ait, non sine magno damno; & Excellentiss. *Schmid* Prædicus Argentinensis, sublimato in venam jugularem Canis infuso, subitam sanguinis coagulationem cum necis periculo supervenisse notavit; Et *Conciliator in lib. de Venen.* narrat, Pharmacopolam æstate, cum sitiret noctu, hausisse urceolum hydrargyri; cum manè mortuus esset inventus, dissecto Corpore apparuit, quod erat, sanguinem in corde coagulatum, tum ipsum cor, Ideoquæ frigidum videtur, sunt ejusdem verba, imò addit ipse *Conciliator*, inventum esse in Ventriculo ferè libram unam Argenti vivi; De hac re legatur *Cardanus de Venenis*, *Palmaius de Hydrargyro*, & *Mangeti Bibliot. Med. tom. 4. lib. 18.* Hinc *Helvetius* 26. annorum ex militia rediens, planè extenuatus ac defessus Laufannam venit, ac quia de dolore juncturarum, & Lassitudine conquerebatur, Chirurgi hospitio est usus; qui referente *Fabricio Hildano Cent. 3. Obs. 92.* nulla neque morbi, neque virium ratione habita, statim juncturas omnes, corpore non purgato, unguento ex hydrargyro inunxit, quasi Lue Venerea graviter infectus fuisset; undè viribus omninò prostratis in gravissimam lienteriam incidens, paulò post obiit. Cadavere aperto, Pulmões lividos, & humoribus pituitosis instar spongiæ madefactæ repletos; Cor verò, flaccidum, & exangue, se invenisse fatetur citatus *Hildanus.*

Curationem quod attinet, & quidem primò argenti vivi crudi assumpti; in principio danda opera, ut id, quàm primum è corpore expellatur, quod vomitu excitato faciendum, verùm cum argentum vivum pondere suo deorsum vergat; ideo per alvum expellere illud oportet, quod Clysteribus commodè fiet, quòd si non sufficiat purgans aliquod medicamentum est exhibendum; Conveniunt præterea Lac, aurum, vel in folio, vel in pulvere, succus Pimpinellæ, quo quendam curatum esse à Mercurii Veneno scribit *Schenckius lib. 7.* Myrrha sumpta cum vino, Pulvis Rutæ, Theriaca, Salvia, Castoreum,

torem, Apii Decoctum, Origanum, Semen Hormini, Absinthium, Hyssopum, Semen Urticæ, Columbarum Sylvestrium Stercus, folia Rorismarini, Stœchas Arabica, Zedoaria, Salvia, atque teste *Conciliatore*, *Guainerio*, & *Sennerto* antidoti loco, Costum cum vino sumptum argenti vivi, quasi Bezoar esse, compertum est: Si verò Argentum vivum sublimatum, vel Præcipitatum sumptum fuerit, opem ferent ea remedia, quæ in Arsenici cura laudantur, vomitu tamen prius & quàm citissimè procurato; pulvis Crystalli subtilissimus sumptus ad pondus drachmæ unius cum Oleo Amygdalarum dulcium, est antidotum sublimati; Alii commendant Oleum Tartari, Sal Absinthii, Aquam mellis, species Diamargarit., & alia plura, quæ videat Lector curiosus simul, atque studiosus apud *Ardoynum*, *Sennertum*, & alios.

CAPUT XXX.

De Ferro, Scoria Ferri, & Ferrugine.

FERRUM, seu Mars, ignobilis illud metallum, quod copioso vitriolico, & terreo sale; ac sulphure constat, materiam præbet Venenis, eorumque phalangem augeat; Hoc verò Metallum teste *Etmullero*, Mercurii tantum habet, quantum sufficit, ut jungatur Sulphur cum Sale; hinc ergo est, ut propter Copiam principii salini, & paucitatem Mercurii, tardè fluat in igne, propter abundantiam verò sulphuris respectivam promptè ignescat, & candescat, propter autem paucitatem Mercurii minimè sit ductile; Levius est argento, sed durius, indèque deducitur illius particulas esse ramosas, & rigidas, istud Metallum, non secus ac reliqua, fit rigidius percussione, & valida compressione, sed potissimum obrigescit temperaturâ, ut aiunt, quando scilicet, postquam est calefactum, incanduitque per aërem frigidum, celeriter traducitur,

citur, aut in aquam immergitur, subitâ nempe refrigeratione, particulæ, quæ vi caloris expandebantur & variis agitabantur modis, ab his excursibus prohibentur, & aguntur in motus vorticosos, ut loquar verbis *Franc. Bayle Phys. tom. 2.* quibus singularum partium rami exterius volutatione, aut rotatione reflexi, aut compressi colliguntur in densiorem molem, undè gravitas oritur major, & per consequens major totius metalli rigiditas. De istius viribus medicis ad profigandas varias humani corporis ægritudines pleni sunt libri; Nos inpræsentiarum tantummodo de ferro, ejus scoria, ac ferrugine sermonem faciemus, tanquam Veneno, id est corpus humanum lædente; Aliquando enim accidit, ut vel nimia quantitate ferrum sumatur, vel diutius in Corpore hæreat, aut ferrugo, vel Scoria ejusdem ferri assumantur, & tunc in ventre dolor vehemens, siccitas oris, & corporis totius inflammatio sequi solet, & quandoque vomitus, ac Capitis vehemens dolor; quæ prava symptomata oriuntur à particulis Salino - Sulphureis, quæ à nativo calore actuatæ, non tantum fibras Ventriculi, & Intestinorum irritant, sed cruorem ipsum à motu suo naturali deflectunt, ac ejusdem crasim vitiant, atque conspurcant, ex quibus prædicta oriuntur symptomata.

Curatio eodem ferè modo perficitur, ut de ære dicendum in capite sequenti; Si enim ferrum, & ferrugo adhuc in Ventriculo hæreat, vomitu evacuandum, si in Intestina descenderit clysteribus lenientibus abstergendum, vel etiam lenientia, & Purgantia exhibenda, ut Manna & similia. Postea exhibendum Lac, Butyrum, & similia, Bezoar ejus Magnetem cum Succo Mercurialis, in Vino nonnulli esse scribunt; plura de hoc apud *Ardoynum*.

CAPUT XXXI.

De Ære, ejusque squamma, flore, Ære uslo, & viride Æris.

ÆS, sive Cuprum est metallum ex ignobilibus, durius Plumbo, mollius Ferro juxta Theophrastum, Schroderum, Estmulerum, & alios, ex Sulphure, Sale, ac mercurio, primò purpureo, altero rubro, tertio citrino, licet de Sale in Cupro altum habeat silentium Hoffmannus in Clav. ad Schroder., enimverò non video quid obstet, quo minus Salinas quoque concurrere portiones quis credat? præsertim si vera est hypothesis Willisii de Fermentat. quod, Sal, rebus & corporibus naturalibus compactionem, soliditatem, pondus, & durationem largiatur; Difficile liquatur Cuprum, undè deducit. Clar. Boyle, illius particulas esse cum quâdam rigiditate ramosas, ex his enim sequitur laxior metalli contextus, minorque gravitas, & nihilominus difficilis partium à se invicem secessus; particularum Cupri jam constitutionem demonstrat Ærugo, in quam Cuprum halitibus, aut vaporibus acidis solvitur; habet enim insignem vim pungendi, & rodendi, quæ sine aculeis iisque rigidis nequit consistere; Potest quidem augeri ea rigiditas particularum acidarum occasione, ut quando Cuprum ab igne cadens sulphuris inspersione calcinatur, hoc enim modo præparatum facile frangitur, partim quia absumptum est aliquid, quod partibus interjiciebatur, earumque nexum firmabat, sed maxime quia conjunctione acidì sulphuris partes Cupri obriegescunt, eo enim acido, & Cupro formari vitriola inflexilia, ait citatus, Boyle. Hoc ergo metallum venenata qualitate non caret, quæ & esculenta, & potulenta præsertim quæ acidis, aut vino condiuntur, si in vasis cupreis coquantur, aut diutius servantur, imbuuntur, quæ postea intrà Corpus assumpta Ventrículum turbant, nauseam, vomitus, ariditatem linguæ,

erosiones Ventriculi, doloremque, & fluxus ventris excitant; ipsius aëris assumptionem præter dicta symptomata, aliquando, & ulcera Intestinorum, anhelitûs difficultas, & suffocatio sequi solent; E Cupro verò conficiuntur Aëris ustum, flos Aëris, squamma Aëris, & Arugo, sive viride Aëris, quæ omnia eadem ferè symptomata, ac Cuprum excitant, & præsertim viride Aëris; *Sennerius* ait, perniciosissimum Venenum esse, & gravissima inferre symptomata ferè similia iis, quæ sequuntur assumptionem Arsenici, scribitque *Rhazes*, viridis Aëris aureum unum uno die interficere.

Symptomata verò enarrata à Cupro, vel ejus flore, squamma, viride Aëris, Aëre usto, emanant ope particularum ejus Salino-mercurialium actuatarum à Sulphure, & calore naturali, quæ à corpore humano assumptæ, primò se se insinuando in porositates partium internarum, puta Oesophagi, Ventriculi Intestinorum &c. earum partium fibras pungunt, ac torquent, ex quo dolores fortes, vomitus, alvi fluxus &c. indè substantiam partium ipsarum vulnerando, ulcera producant insanabilia; secundò subtiliores, ac volatiliores ejusdem Aëris particulæ, penetrando in humores ipsorum rectam vitiant crasim, ac motum, ita ut vitali balsamo coinquinato, ac cruore nimis liquato, & fuso, mortem accelerant; Exempla Necatorum ab Aëre passim leguntur, apud Medicinæ magistros solum hîc nos aliquas de Aëris malitia historias narrabimus, ut meritò Cuprum inter Venena reponatur. De Hortulano narrat *Joh. Rhodius*, qui cicera vase æneo cum Oleo, & Sale cocta, avidè voravit, & vomitû, alvi que defectionibus miserè conquestus, die sequenti *Joh. Veslingii* operam implorat; viribus omninò prostratis, cordialia imperantur, & epicrastica tenuiori fortunæ competentia, sed miser die tertio expiravit; Memini ego in *Miscellan. Acad. Curios. decur. 3. Ann. 7. & 8.* mulierem, post assumptionem Oryzæ coctæ in vase æneo, & suos filios pariter, nocte vomitum, dolores, ac alvi defectiones passos fuisse; Simileque accidisse tribus Rever. Monialibus anno 1658. post assumptionem

nem pastæ triticæ coctæ, cum Butyro, & caseo conditæ, ac recoctæ in vase Æneo.

Sivè quis autem esculenta, & potulenta Cupro infecta, sive squammam Æris, sive Æruginem ipsam assumpserit, communis, ut hætenùs de aliis Venenis sæpè dictum est, curandi ratio consistit, ut quidquid assumptum fuerit, evomatur, & vomitus aqua tepida, cum Oleo Olivarum, aut Butyro, ac similibus provocetur; alvus verò Clysteribus ex Decocto Malvæ, Althææ, Violarum, Hordei, Fœnugræci, Psyllii, addito melle, Oleo communi, vel Chamæmeli eluatur; Postea sumatur Lac asininum, Butyrum recens, juscula Carnium pinguis, Syrupus Violarum cum aqua frigida; Exhibeatur ulteriùs bolus Armenus, Terra sigillata, Lemnia, Melitensis cum vino; utilis est succus Apii, Menthæ, corallum rubrum, Pulvis Zedoariæ, oleum Anisi, & Theriaca Andromachi ad 3. ij. Notandum denique antidota Veneni Æris omnia ea esse, quæ ejus particulas, aculeatas, pungentes, visciditate, & mucilaginositate obtundunt, & oblinunt.

CAPUT XXXII.

De Plumbo.

PLUMBUM metallum est vilissimum constans ex sulphure indigesto, sale aluminoso, ac Mercurio crudo; undè præ reliquis metallis admodum ponderosum est, ac fluidum; Notandum tamen, cum *Frid. Hoffmanno*, Mercurium ex quo hoc metallum, esse Mercurium metallicum, qui diversus est à Mercurio vulgi, qui ex Antimonio, & Plumbo non diffi- culter extrahi potest, & faciliùs ex ejus mineris; Nihil ergò mirum, si hæc horrenda symptomata, spasmodica tor- mina, cum alvi obstructione, ac paralyfi excitat, teste *Hoffmanno in not. ad Poteris oper.*; Hinc fumum Saturni ore im- provi-

provide hautum vomitum , & sedes excitalle refert Boyle *hifl. fluidit. & firmit.* & hæc noxa deducenda est à terra Mercuriali , qua constat copiofa ; etenim hæc , & gravitate fua , & textura craffiori adhærefcit intimè tunicarum nervearum poris , & partim obftruendo , partim rodendo nocet , & animales fpiritus in motu fuo turbat ; quare Medicamenta ex Saturno parata parùm tuta effe judicat citatus *Hofmannus* ; Sic à Sacchari Saturni immodico ufu paralyfim ortam fuiffe fateatur *Rhodius* , & de eodem Sale notatu digna memorat *Borellus Centur. 4. obferv. 32.* & præfertim de Amico fuo , qui Saturni Salem haufit in nimia quantitate ; undè tanquàm Paralyticus , & penè mortuus factus eft ; Tandem revocatus ufu Theriacæ cum Vino , cautior in pofterum factus. *Fernelius* fcribit de Empyrico , qui Plumbi pulverem adversùs Arthritidem commendavit , quo ad fefquilibram affumpto , æger primùm dysenteria crudeli , deindè ventris graviffimis erofionibus , ac torfionibus , cum contumaciffima adftrictione , virium , & appetitus dejectione , vigiliis , internoque incendio correptus fuit. Saturnus enim (funt verba *Billichii*) licet aceto tectus , dulciter delineat palatum , non tamen fine noxa ingeritur , nequam eft , & mercuriale virus ori , ac faucibus afflat ; Ex his igitur clarum apparet , Medicamina ex Plumbo parata fati tuta non effe ; undè obfervavit non femel à magifterii , vel etiam Sacchari Saturni ufu , *Clariff. Hoffmannus* , ad cohibendum feminis fluxum , abortam fuiffe colicam convulfivam , cum alvi obftructione , iëtero &c. Imò quantum nocere poffit Plumbum , clariffimè monftrat hiftoria quàm refert *D. Alhard. Hermann. Cummenus* apud *Biblioth. Med. Mangeti tom. 4. ex Mifcell. Curiof. Dec. 1. Ann. 111. Obf. 131.* quæ talis eft ; Faber Stannarius Luchovii , multum in mifcenda cum Plumbo Marcafita laborabat , hinc vehementiffimos in dolores inteftinales incidit , cum Tuffi , anguftia Præcordiorum , respirandi difficultate , alvi obftructione , & membrorum totius corporis tremore , ac artuum debilitate ; *Plura de hac re lege in Biblioth. Med. Mangeti tom. 4. lib. 18. pag. 837... Mifc. Curiof. l. c. Bonet. in Med. Septentr. T. 12. p. 373.* Plerique cen-

consent, curationem Venenositatis Plumbi esse eandem, quæ Cerusâ, aut Lithargyrio sumpto solet adhiberi; Verum, de Vomitu monet *Sennertus*, eum non ita esse necessarium, si Plumbi rasura saltem assumpta sit, cum enim Plumbum nihil noceat, nisi in corpore resolvatur; ideo vix credibile in Ventriculo posse resolvi; Si autem Plumbum ustum sit exhibitum, vomitus tunc utilis videtur. Laudatur præterea Lac asinæ, Decoctum Malvæ, Oleum Amygdalarum dulcium, Mala Cydonia, Vinum optimum, Aqua Mellis, Theriaca, & Terebinthinata pro Curatione Venenositatis Saturninæ, commendat *Clariss. Melchior. Friccus de Vir. Venen. Cap. 14.* & nonnunquam potionem Vini malvatici juvare ait, ut & omnia, quæ spasmodicam constrictionem Intestinorum emendant, eaque relaxant, qualia sunt pinguis, & Anserina pinguedo, si modò talia sumere nausea Ventriculi permittat; commodius verò similia remedia in anum per Clysteres infundi possunt.

CAPUT XXXIII.

De Venenis ab Animalibus in genere.

POSTQUAM duas primas Venenorum Classes; id est Venena Metallorum, & Mineralium consideraverimus; nunc ad tertiam partem, id est ad Animalium Venena accedere oportet; Ex copioso enim Animalium regno, copiosa habetur Venenorum congeries; In hoc igitur capite, de Venenis ab Animalibus in genere, verba faciamus, ut facilius postea species Venenorum Animalium cognoscamus. Primò igitur advertendum multa Animalia esse, quæ morfu Venenum homini inferunt, ut Vipera, Serpentes omnes, Canes, Mus, Scolopendra, & alia Animalia Rabida; Alia lædere ictu, vel aculeo; ut Scorpius, Araneus, Phalangia, Vespa, Pastinaca Marina &c. alia Saliva, & sputo, ut Ptyas, alia u-

Jos. Lanzoni Opera. Tom. I.

L rina;

rina, quo modo glyres ulcera maligna inducere ait *Sennertus*; alia etiam per medium quoddam materiale Venenum communicant, quo modo Torpedo per tridentem piscatoris manum stupefacit, & Miles apud *Avicennam*, per hastam, qua Serpentem vulneravit, ut & Vinitor apud *Matthiolum* inrersus est; Porro nocua sunt Animalia quædam, si eorum Venenum in potu, aut Cibo, vel à malitioso quodam propinatum, vel fortuito, & incuriâ fuerit sumptum; Ità *Nicol. Florentinus* refert in Cœnobio quodam sumpto liquore aliquo, in quo Araneus fuerat extinctus, omnes Monachos interemptos esse; & meminit *Sennertus*, Civem quendam Wittebergensem varios habuisse Commensales, qui postquam pisces coctos comedisent, ægrotare cœperunt, & aliqui eorum mortui sunt; & repertum fuit, Pisces fuisse coctos in aqua, in qua Glis suffocatus erat; quod an possit accidere fides sit penes *Sennertum*; Sunt autem Animalia Venenata, vel ex se, ut Serpentes, Scorpii, Buffones &c. vel talia evadunt ex eorum victu venenato, qualis fuit Puella illa Napello enutrita, de qua passim Authores; Etenim varia sunt Animalia, quæ Cibus nobis Venenosis pascuntur, ut Sturnus Cicuta, Coturnices Vetrato, anates Bufones devorant, quæ tamen animalia homini in cibum veniunt; Cæterum Animalia Venenata longè deteriora, & Venenosiora evadunt, & Venenum ipsorum intenditur, si Venenatis victitent, ut docet *Plinius Lib. 10.* unde *Amatus Lusitanus* narrat, Famulum tabefactum fuisse ad mortem, quia gustavit carnem Gallinæ Arsenico enectæ; An verò Animalia, quæ toxicatis telis occiduntur tutò comedi possint; dubitant multi; Hinc *Galenus de Theriaca* ait, Pacos, & Dalmatas telorum cuspides Helenio fricare, & Cervos hoc modo occidere, ipsorumque Carnes comedentibus, nullam læsionem inferre; Hic tamen cum *Sennerto* notandum quale Venenum sit, quo tela inunguntur; si enim Venenum sit, quod etiam homini noxium est, non est tutum manducare Carnes Animalis necati tali infecto telo; *Cardanus* autem monet, partem Animalis vulneratam reselandam esse, antequàm Venenum in totum penetret Corpus; si verò Venenum, quo
telum

telum tinctum fuit Animali quidem illi sit Venenum non autem homini, tutò ejusmodi caro comedi potest.

Signa verò Diagnostica quod attinet, plerumque ex Ægri relatione innotescunt; si autem ignoretur, an morsus relictus venenatus fuerit, id ex eo patet, quod post morsum vel ictum, læsa pars statim valdè intumescit, inflammatur, dolore gravi corripitur, emoritur; & alia accedunt symptomata, quæ Venenis sumptis solent supervenire; quòd si morsus, vel ictus beltiæ Venenatæ arteriam, venamve læserit, tunc periculosissimum est, facilè enim ad cor penetrat, nec periculo caret, si nervosa pars sit læsa; per nervos enim Venenum cerebro facilliter communicatur; unde gravia excitantur symptomata; minimè verò periculosum est, si vas nullum sit læsum; Alexipharmaca autem, quæ cujusque Animalis Venenosi ictui, ac morsui propria sunt, postea in speciali capite talis animalis proponetur imposterum; sit igitur.

CAPUT XXXIV.

De Serpentibus in Genere.

SERPENTES primi sunt in numero Venenosorum Animalium, & sic dicuntur dupliciter; Primò generaliter pro omnibus Serpentibus, ita ut etiam Vipera sub eo comprehendatur; Deindè in specie, ut Viperis opponitur, quo modo serpentes dicuntur animalia illa repentia ovipara; Viperæ verò, quæ viva Animalia pariunt; Angues à multis dicuntur, notante *Vossio orig. Idololatr.* à verbis ango, stringo, premo, quoniam corpore Serpentes sunt itricto, pressoque, sive angusto, quod tamen nomen *Servius in Comm. in Virgil.* serpentibus aquaticis solummodo attribuit, qui nant, non serpunt. Colubra verò constat ab eo dictum, teste *Isidoro*, quod colat umbras;

vel quod in lubricos tractus , flexibus sinuosis labatur , nam lubricum dicitur , quidquid labitur , dum tenetur , ut Piscis , & Serpens ; potius repens dicendus , ut notat *Aldrovandus lib. 1. de Serp.* pluribus de talibus Etymologiis curiosus Lector videat *Feslum* , *Theophrastum* , *Gazam* , *Isidorum* , *Bochartum* , *Aldrovandum* , & *Kônig*.

De serpente autem illo primævo , qui tanta damna in nos serpere fecit judicant aliqui , eum in creatione quadrupedem fuisse , pertimereque ad pœnam , quod hodiè super ventrem suum eat , & pulverem comedat ; qua de re legatur *Kônig. in Regn. animali* , *Bochartus de Animal. Sacr. Script.* & videantur insuper interpretes Sacræ Scripturæ , tam Antiqui , quam Recentiores.

Quinque autem potissimum modis serpentes homini Venenum inferunt ; Primò enim morsu lethale vulnus infligunt ; Secundo sputo , & Saliva nocent ; Tertio effluviis suis hominem Veneno afficiunt , sine immediato tactu ; Sic *Matthiolus narrat* de Vinitore , qui cùm horrendi Serpentis Capiti hastam longam infixisset , ac Serpentem se fortiter contorquentem teneret , magno tremore correptus , & licet Theriacâ , aliisque remediis esset auxiliatus duobus attamen annis postea , universi Corporis stupore , in lecto semper decumbens ægrotavit , & eo præsertim brachio , quo perniciosum Animal hasta necaverat ; Similesque Casus narrant pariter *Amatus Lusitanus* , *Julius Cæsar Scaliger* , & *Sennertus* ; Quartò , Serpentes solo etiam contactu nocere possunt , cujus rei historiam refert *Gesnerus histor. Anim. lib. 4* ait enim , quod in agro Tigurino Serpens quidam baculi crassitudine in rusticum insilire conatus sit , quod cùm ille videret , & , Sacco quem ferebat relicto , fugeret ; Serpens proflavit spatio circiter sexdecim pedum , non tamen attigit Rusticum ; deindè cùm Sacci accipiendi gratia rediret , Serpens nuduè in eum proflivens , brachium ejus sinistrum totum spiris implicavit ; idque adeò arctè constrinxit , ut vestigia spirarum imprimeret , non tamen momordit ; nam Rusticus statim alterâ manu capite comprehensum abstraxit , reecitque , Brachium verò paulatim putridâ quædam sanie contabef-

tabescens carne nudatum est. Quintò demùm nocent etiam sanguine, si dum conscinduntur, eo crura, vel manus conspergantur; Præter hæc interdum incautis Serpentes in vepretis, vel circa muros, & collapsa ædificia latitantes hiant ore somnum capientibus per os in Corpus penetrare ait *Sennertus*, & sæva excitare symptomata, ut historiæ Medicorum testantur.

Morsum serpentis sequitur in parte affecta, tumor, dolor, in facie livor, biduo pars offensa dealbatur, totumque Corpus pallido colore. fœdatur, pili defluunt, ac moritur æger; idemque accidit in halitu venenato animalium, & eorum saliva, vel sanguine; Serpentem verò per os in hominem ingressum arguunt acerbis cruciatus ventriculi, ex vini, vel Lactis potu mitescentes, nec non Lipothymia crebro accedentes. Pro Curatione adhibent Practici, primò ligaturam tam supra, quàm infra Morsum, inde scarificationem partis affectæ, cucurbitula apposita, ut cum sanguine virus extrahatur; inde spiritum Vini, Theriacam, & Mithridatium superimponunt, vel scillam aceto coctam; nonnulli capita serpentum ipsorum trita, sal cum melle, hyssopum, Origanum, Rutam, Cæpas, sulphur, & alia imponunt. Propinant ulterius alexipharmaca, ut Theriacam, Decoctum Fragaria, Semen Agni casti, Radices Gentianæ, Castoreum, Crocum &c. Plura de talibus remediis scire cupienti consulendi sunt *Ardoyns*, *Sennertus*, & alii Medicinæ Magistri.

CAPUT XXXV.

De Aspidæ.

ASPIS, cujus tres species *Galenus* agnoscit, pro uno, & eodem habetur à *Brunone* in *Lexic. Med. Castell.* ac sit serpens, cujus prima species dicitur *Chersæa*, altera *Chelidonia*,

L 3

tertia

tertia *Ptyas*, quæ perniciosissima est; siquidem perindè ac si tunc ratione prædita foret æstimata intervalli distantia, colulum eousque extendit, & celeriter homini inspuat Venenum. Hac specie aspidis ferunt Cleopatram Reginam sibi mortem concivisse, cum Imperator Augustus eam vivam captam vellet Romæ in Triumphum ducere; De tali tanquàm Venenatissimo Angue tractat primò *Nicander* antiquissimus Venenorum scriptor, Aspis verò, ut ex scriptis *Isidori* colligere possumus, nomen proprium ab aspergendo sortita est; propterea quod Venenum quodammodò morfu aspergat, quamvis juxta *Arnaldum*, & alios ab asperitate cutis cognominetur, ut fatetur *Ardoyis lib. 6. Cap. 4.* Alii nixi autoritate Avicennæ ab aspiendo nomen Aspidis derivare volunt; aiunt enim Aspides acutissimo lumine inspicere; Alii verò hoc nomen ab Aspide nimirum à Clypeo derivant, quoniam hoc Animal instinctu quodam naturali, statim ac aliquem senserit strepitum, somno excusso, se se in orbem contrahit, atque ex mediis spiris terribile caput attollens, Aspidem, nempe rotundi formam Clypei exhibet; *Aldrovandus* tamen à voce græca derivat, à Sibilo nempe acuto; De istius differentiis plura vide in citato *Alarovando lib. 1. de Serpent. cap. 4.*

Aspis verò tam exiguum infligit vulnus, ut id omnem ferè oculorum aciem effugiat, & vix æquet puncturam acûs, ut verbis loquar *Sennerti*; Per illud autem tantæ malitiæ Venenum infundit, ut intrà paucas horas totum Corpus pervadit, & citissimè è medio tollit; Post morsum Aspidis supervenit gravitas Capitis, caligo Oculorum, hebetudo sensuum, somnolentia, Pallor, Refrigeratio, convulsio, tandemque Mors, tanquam finis malorum, Istaque mala provenire arbitror à particulis acidis summæ activitatis ipsum Venenum aspidis componentibus, quæ in massam sanguinis introductæ eum citissimè coagulare valent, unde gravitas, somnolentia, caligo, hebetudo sensuum, pallor, & refrigeratio, convulsio tandem ab iisdem acidis particulis habetur, illæ enim, cuspidibus suis pungendo fibras & nervos, convulsivos excitant motus; Obiter hic autem notandum est, quod vis Venenum

nenum agens in humorum massam, non tangendo solidas partes, vel coagulare, vel solvere, ac fundere cruorem, certam mortem inferendo; Sic pariter malignæ, & pestilentiales Febres à fermento, seu Veneno, vel acido, vel Salino fundente dependent; illæ enim omnes, vel à coagulatione, vel à dissolutione cruoris fiunt.

Ad Curationem quod attinet, animadvertere debet Medicus, primò-faciendas esse ligaturas, & scarificationes in læsa parte, ut suprà dictum est in capite superiori; indè alexipharmaca exhibenda, ut Mithridatium, Theriaca, Folia Caryophyllatæ, Rutæ, Pulvis Smaragdi, Semen Citri, Allium tritum, Semen apii cum mero, Corallum, Carpobalsamum, Pulvis Gentianæ, & similia. Plura verò de his dabunt *Ardoynis, Ponzetus, Sennertus, Aldrovandus, Pareus, Dioscorides, Grevinus, Aëtius, & alii.*

CAPUT XXXVI.

De Ceraſte.

CERASTES nomen est Serpentis, ita dicti ab eminentiis aliàs binis, alias quaternis, & juxtà *Solinum, Plinium, & Arabes*, quadrigeminis, quæ quidem in ipsius capite cornicula præ se ferunt; Est autem longitudinis cubitalis, & ad summum duorum cubitorum; Corpusque ejus coloris est arenosi juxtà caudam desquammati, squammæ duræ, ac siccæ sunt, quæ strident super terram cum strepitu, si fides habenda est *Ardoyno*, & dentes ejus sunt æquales, non recurvi, ac ut plurimum istæ Feræ habitant in locis arenosis Africæ, ut monent *Diodorus Siculus, & Joh. Boemus.* Locus à Ceraſte morsus in tumorem capiti clavi non absimilem attollitur, & vulnere sanies exit, modò pallida, modò nigra, pustulæ oriuntur lividæ, nonnunquàm totum Corpus livescit, intumescunt

cunt labia, caligant oculi, mens alienatur, convulsio accedit, ac Mors; Ex acido enim, sed non tam potenti liquore, ac Aspidis, Venenum Ceraſtis efficiente, contaminato cruore, prædicta oriuntur symptomata, fixato enim sanguine, caligant Oculi, tument labia, livescit totum Corpus, ac acidis particulis irritato nerveo genere, convulsiones habentur; Maxima curationis, teste *Sennerto*, spes est in membri læsi amputatione subita, si locus tamen membri, & ejus conditio id permittat, & patiatur; quòd si fieri nequeat, omnis saltem caro, circà affectum locum, sine pietate abscindatur, à celeri Chirurghi manu, vel saltem profundè scarificetur, cucurbitulaque appoſita unà cum sanguine virus eliciatur; locus postea affectus, Spiritu Vini, in quo Theriaca sit dissoluta, abluatur, & foveatur; Laudant nonnulli Emplaſtrum è Menthaſtro, Hyſſopo, melle, & Sale; Alii Ranas, & Alaudam avem contuſas vulnere imponunt; Pix ex arbore picea stillans ad mentem *Dioscoridis* Ceraſtum iſtibus cum ſale illinitur, Cedria cum Sale impoſita commendatur, ut & Caprinum Stercus cum aceto coctum & alia, quæ videat Curioſus Lector apud *Aldrovandi Hiſtoriam Serpentum lib. 1. Cap. 4.* & apud *Ardoynum de Venen. lib. 6. Cap. 5.* Mira de Pſyllis Lybiæ incolis in Curatione demorſorum à Ceraſte plures reſerunt Autores, & præcipuè *Sennertus*, quod ſcilicet, vel ſolâ ſalivâ ſuâ illitâ, vel aquâ, qua os colluerunt, exhibitâ, vel proprio corpore nudo accubitu cum ægrotis, eos curare potuerint, ut hac de Re *Ælianus Lib. 1. de Animal.* & alii ſcribunt; *Plutarchus in vita Catonis* ait, quod Cato, cùm exercitum Julii Cæſaris fugiens, per Lybiæ deſerta iter faceret, ſequè in ſummo periculo ob ſerpentes, qui ſingulis ferè horis milites interficiebant, conſtitutum videret, meliùs certè ſibi non potuerit conſulere, quàm ut auxilium à Pſyllis peteret, qui vulneratorum iſtus exugerent, & incantamentis quibuſdam ità ſerpentes fascinarent, ut nullum indè morſum poſſent inferre; Sic etiam *Lucanus* hujus rei mentionem faciendo cecinit *Pharſal. Lib. 9.*

. . . - - Gens unica terras

Incolit,

*Incolit , à ſævo ſerpentum innoxia morſu
Marmaridæ Pſylli : Par lingua potentibus herbis ;
Ipſe cruor tutus , nullumque admittere virus
Vel cantu ceſſante poteſt ; natura locorum
Juſſit , ut immunes miſi ſerpentibus eſſent.
Proſuit in mediis ſedem poſuiſſe Venenis.*

Maximè verò mirum eſt , quod de iſdem *Ælianus* ſcribit ;
Virum , cui ſua Uxor venerit in ſuſpicionem adulterii ; quique
ex ea ſuſpectos liberos adulterino natos ſanguine ſuſpicetur ,
experimenti cauſâ in dolium Ceraſtis plenum , infantem con-
jicere , ſicque ingenuitatem pueruli experiri ; Ceraſtas pro-
tinùs inſultare , acerbosque fieri , innatum malum puero mini-
tantes ; eos verò , ut puer attigit , remolleſcere , undè *Lybi-
cus* ille ſe legitimum Patrem agnoſcit , ſed ipſe *Ælianus* du-
bitat , an hæc vera ſint ; & licet varii Authores de vi *Pſyllo-*
rum contrâ ſerpentes mentionem faciant , tamen , an ea , quæ
præſtiterunt naturalem cauſam , an verò magicam habuerint ,
dubium eſt ; Plura de hac re curioſa quidem , ſed non credi-
bilia , legi poſſunt apud *Gellium* , *Herodotum* , *Plinium* , *Galenum* ,
Solinum , *Ælium* , *Aldrovandum* . *Sennertum* , *Casp. à Reies* ,
& alios.

CAPUT XXXVII.

De Hæmorrhoo.

HÆMORRHŌUS vel *Hæmorrhœis* Serpentis eſt ſpecies ita
dictus ab *hamate* quod ſanguis eſt ; *roos* , quod eſt ,
fluxus , quandoquidem faucii ab hac Fera , ſanguinem per os ,
nares , & tandem per omnes poros Corporis effundentes per-
eunt ; unde *Lucan. Pharſal. lib. 9.*

*At non ſtare ſuum miſeris paſſura cruorem
Squammiſeros ingens Hæmorrhœis explicat orbes.*
Jof. Lanzoni Opera. Tom. I.

M

Sic

Sic Reusnerus *Lucanum imitatus canit. Par. Poët.*

*Squammiferos ingens hæmorrhoids explicat Orbes
Læseris hæc toto corpore sanguis abit.*

Et *Lucanus paulò post eodem in libro.*

*Impressit dentes Hæmorrhoids aspera Tullo
Magnanimo Juveni, miratorique Catonis.
Utque solet pariter totis se effundere signis
Corycii pressura croci; sic omnia membra
Emisere simul rutilum pro sanguine virus.
Sanguis erant lachrymæ: quæcunque foramina novis.
Humor ab iis largus manat cruor; ora redundant,
Et patulæ naves; sudor rubet; omnia plenis
Membra fluunt venis: totus est pro vulnere corpus.*

Sic *Georg. Piëtorius Lucanum secutus cecinit de Tullo.*

*Impressit dentes Hæmorrhoids aspera Tullo
Magnanimo, fluxu sanguinis, & periit.*

Pathognomonicum ergò signum Veneni istius anguis, est sanguinis profluvium, non solum per inflictum vulnus, sed per Nares, Aures, Oculorum angulos, atque etiam Corporis porositates; unde deliquium, & Mors inevitabilis accidit; Cum enim tale Venenum, stabulans in vaginis dentium hæmorrhoidi, scateat septicis salinis particulis lixiviosis; hinc est, quòd per morsum in cruorem introductæ illum fundunt, & eliquant; ita ut subtilior factus, & propria figura orbatus, & per oscula Vasorum, & per Corporis poros sanguis exeat in certam hominis perniciem.

Licet verò ferè nulla appareat spes salutis, tamen tentanda est Curatio; Primò abscindendo membrum læsum, si absque vitæ dispendio id fieri possit, aut si id facere haud liceat, cucurbitulæ Scarificatæ adhibendæ, vel Cauterio actuali pars aduren-

adurenda; *Aëtius* imponit Cataplasma ex foliis vitis coctis cum melle, & foliis Portulacæ, cum Polenta vel è Porro, Urtica, Ruta coctis, addita farina hordei, & Ovi albumine; simul exhiberi possunt Medicamina sanguineum fluxum inhibentia; ut sunt Tormentilla, Bursâ Pastoris, Plantago, Bolus armena, Terra sigillata, lapis hæmatites quibus semper addatur aliquid Theriacæ; Conferre etiam albumen Ovi cum Vino, ait *Ardoyus*, ut & Uyam passam mponente *Plinio*; *Paulus Ægineta*, Caput ipsius Hæmorrhoi crematum in Vino potandum præbet; allium cum vino, Semen Raphani, Radicem Liliæ Cælestis, Cinnamomum, Trifolium, Menthastrum, Costum, Cassiam, Mustum, Flores, & Moram Rubi, Portulacam sylvestrem, & alia commendat *Aldrovandus lib. 1. de Serp. Cap. 5.*

CAPUT XXXVIII.

De Sepedone.

AD unum, idemque genus sepem, & sepedonem reduci, & nisi ratione coloris distingui, ait *Aldrovandus*, *Nicandri* Scholiasten secutus, quoniam ambo isti serpentes partem morsu læsam insigni putredine vitient, ita ut postea varii Auctores sepedonem à sepe minimè discrepare opinantur, Dicitur autem Sepedon à putredine, quam infert subitam, unde Latini hunc Serpentem ex *Scaligero*, non injuria, Putriam indigitarunt; Hujus descriptionem videat curiosus Lector apud *Ambros. Pareum*, & citatum *Aldrovandum lib. 1. de Serpenti. Cap. 6.*

Hunc Venenatissimum esse anguem, omnes consentiunt Auctores, atque ipsa experientia edocuit, tantæ malitiæ Venenum immittere, ut intra tertium diem hominem occidat; Sepedonis morsum dolor vehemens sequitur in parte affecta, sanguis è vulnere primò quidem purus, paulò post verò saniosus exit, pili desuunt, corpus colore albo tingitur, & caro partis læsæ putrescit.

Morsus seps effectus sic describit *Lucanus Pharsal. lib. 9.*

Miserique in crure Sabelli

*Seps stetit exiguus , quem flexo dente tenacem
 Avulsitque manu , piloque affixit arenis.
 Parva modo serpens , sed qua non ulla cruenta
 Tantum mortis habet : nam plagæ proxima circum
 Fugit rapta cutis , pallentiaque ossa retexit.
 Jamque sinu laxo nudum est sine corpore vulnus :
 Membra notant sanie , suræ fluxère , sine ullo
 Tegmine Poples erat , femorum quoque musculus omnis
 Liquitur , & nigra disillant inguina tæbe.
 Dissiluit stringens uterum membrana , fluuntque
 Viscera , nec quantum toto de corpore debet ,
 Effluit in terras , sævum sed membra venenum
 Decoquit ; in minimum mors contrahit omnia virus :
 Vincula nervorum , & laterum textum , cavumque
 Pectus , & abstrusum fibris vitalibus omne ,
 Quicquid homo est , aperit pestis : natura profana
 Morte patet : manant humeri , fortesque lacerti.
 Colla , capusque fluunt : calido non ocius Austro
 Nix resoluta cadit , nec solem cera sequetur.
 Parva loquor . corpus sanie stillasse perustum :
 Hoc & flamma potest : sed quis rogos abstulit ossa ;
 Hæc quoque discedunt , putresque secuta medullas ,
 Nulla manere sinunt rapidi vestigia fati.
 Cyniphias inter pestes tibi palma nocendi est :
 Eripiunt omnes animam , tu sola cadaver.*

Ex quibus symptomatibus colligitur , particulas Veneni istius anguis esse acido sepricas , ac corrumpentes , lacerantesque spiculis suis cruoris moleculas balsamicas , ita ut citò in saniem transiens per vulnus saniosus exstillet non sine foetore , ut monet *Sennertus Praef. lib. 6. part. 8. Cap. 6.* undè *Parvus causticum* , & putrefacientem humorem Venenosum sepedonis , esse dixit : Ut verò Curatio instituaturs , primò pars demor-

demorsa arctissimè liganda , & plaga profundè scarificanda , cum applicatione cucurbitulæ ; postea utendum est Emplastro è baccis Lauri , radice Aristolochiæ rotundæ , capis , allio , sinapi , nasturtio , pice , galbano , opoponace &c. Spongiam aceto calido imbutam morsui applicat *Ætius* , nec non Butyro cum melle mixto læsam partem illinit , & paleas unà cum terra eis adhærente exustas imponit ; Acetum mulsum cum *Dioscoride* , *Aldrovandus* approbat , ut & Oxymel ; omniaque illa antidota , quibus Venenum Viperarum superatur.

CAPUT XXXIX.

De Dipsade.

DIPSAS nomen suum ducit à Dipsa , id est siti , quoniam ab hujus serpentis læsione Ægri vehementer sitiunt ; unde *Isidorus* Dipsadem Situlam cognominavit , & *Avicenna* Viperam facientem sitim. Non immeritò ergo Dipsas nuncupata fuit serpens urens , nam percussorum viscera adeò exsiccantur , ut continua aquæ potio ab illis desideretur ; *Solinus in Polyhistor.* hunc serpentem inter speciem Aspidis connumeravit ; At *Discorides* , & alii scriptores Dipsadem ab Aspide distinguere , siquidem hæc Animalia adeò inter se diversa esse ait *Aldrovandus* , ut alterum aquatile , alterum Terrestre esse feratur , unde *Lucanus Pharf. lib. 9.*

- - - Strabant in margine sicæ
Aspides , in mediis sitiabant *Dipsades* undis.

Accidentia consequentia morsum Dipsadis , sunt inflammatio , & intolerabilis , atque inextinguibilis sitis , adeò ut licet ægri copiosissimum ingurgitent potum , nullum tamen inde sentiant levamen , sed more hydropicorum.

Quo plus sunt potæ, plus sitiantur aquæ.

Quia tamen inflammatur etiam Vesica, id eò ut largus ille potus per urinæ vias exire nequeat, ideò in totum distenditur corpus, unde tumet adeò, ut nonnunquam circa inguina disrumpatur, agerque sitibundus etiam moriatur.

Dipsadis morsum, qui sequantur effectus, & symptomata sic eleganter describit *Lucanus Pharsal. lib. 9.*

*Signiferum Juvenem Tyrrheni Sanguinis Aulum
Torta caput retrò Dipsas calcata momordit.
Vix dolor, aut sensus dentisque fuit, ipsaque lethi
Frons caret invidia; nec quicquam plaga minatur.
Ecce subit virus tacitum, carpitque medullas.
Ignis edax, calidaque incendit viscera tabe.
Ebibit humorem circum vitalia fusum
Pestis, & in sicco linguam torrere palato
Cæpit, defessos iret qui sudor in artus
Non fuit, atque oculos lachrymarum vena refugit,
Non decus imperii, non mæsti jura Catonis
Ardentem tenuere virum, quin spargere signa
Auderet: totisque furens exquireret agris
Quas poscebat aquas, sitiens in corde venenum.
Ille vel in Tanaim missus, Rhodanumque Padumque
Arderet, Nilumque bibens per rura vagantem:
Accessit morti Libyæ; fatigue minorem
Famam Dipsas habet terris adjuta perustis.
Scrutatur venas penitus squallentis arena:
Nunc redit ad Syrtes & fluctus accipit ore.
Æquoreusque placet, sed non & sufficit humor.
Nec sentit fatigue genus, mortemque veneni:
Sed putat esse sitim: ferroque aperire tumentes
Sustinuit venas, atque os implere eruo.*

Quæ mala oriri cogito, eo quia particulæ septicæ, &
Salinæ

Salinæ hujus potentissimi Veneni, sanguinem fundendo, ac dissolvendo, porrositatesque partium internarum suo continuo transitu irritando, & per consequens inflammationem, ac dolorem pariendo, & sitim inexplicabilem, & tumorem Corporis totius efficiunt, non sine vitæ discrimine; Dipsadis autem morsui, eadem, quæ reliquorum Serpentum, ac Viperarum ictui, conveniunt medicamenta tum externa, tum interna; Sic Theriaca cum vino est assumenda, caneros fluviatiles tritos, & bibitos cum lacte Caprino laudat *Ardoynis*; Vomitus proponit *Avicenna*, & Clysmata; Laurum *Plinius* extollit, Portulacæ folia ex aceto contrita *Paulus Aegineta* commendat & *Celsus* potionem asphodeli arefacti cum modico Rutæ admittit; & quia potus per urinæ vias non educitur, diuretica esse exhibenda monet *Sennertus*.

CAPUT XL.

De Natrice

NATRIX serpens est, & secundum loci, quem diversis temporibus inhabitat, diversitatem, diversa enim sortitur Nomina; amphibium enim cum sit hyeme, ac vere in paludibus, & stagnis degit, & tunc *Hydrus* dicitur; Autumno autem, & Æstate tellurem siccam habitat, & *Chersidros* appellatur, sub quo nomine à *Nicandro*, & *Actio* consideratur; Hinc *Ælianus*, & *Solinus*, marinos quoque serpentes *Hydros* nuncupaverunt, quemadmodum Poetæ nomine *Hydri* omnes angues accepere, sic *Ovidius* de Medusæ capillis cecinit

Gorgoneos crines turpes mutavit in Hydros.

Plura de nomine *Hydri*, sive *Natricis* vide apud *Aldrovandum Hist. Serp. & Dracon. lib. 1. Cap. 17.*

E vulnere à natrice inflictò, primò sanguis exit purus, paulò post tamen sanies multa, putrida, foedique coloris, ac odoris, circa locum affectum apparet intumescencia livida, Vomitus supervenit biliosus caligant Oculi, & dolor vehemens insurgit, tandemque viribus prostratis mors accedit, & hic notandum, *Ælium ex Apollodor* referre Cherfydri Venenum, ità esse perniciosum, ut qui mortuum tantum attigerit, statim intereat, quod tamen ego difficiliter credo; Fides ergò sit penès *Apollodorum*, & citatum *Atium*; Canit autem *Nicander in Theriaca* de Natrice loquendo, carmina sequentia

*Pessima, quas fecit plagas hæc signa sequuntur,
Arida tota cutis circumputret, horribilemque
Elevat aspectum, magni, ignitique dolores
Tandem hominem interimunt, mox plurima pustula surgit
Ac aliæ ex aliâ bullæ se parte refundunt,
Et miserum diris turbant affectibus ægrum.*

Talia autem symptomata prava originem habent à substantia Venenosa Natricis; cum enim hæc scateat particulis acidis; hinc est, quòd coagulando sanguinem intumescenciam, pustulas, inflammationes, aliaque dira mala efficiat, quæ tandem ægrum ad sepulchrum deportant, nisi statim ope medica succurratur; ad quam perragendam primò, quæ in aliis venenatis vulneribus serpentum, ad Veneni evacuationem & extractionem adhiberi solent auxilia, hîc locum habent. Propterea Origanum tritum, & aqua subactum, ac lixivium cum oleo permixtum commendat *Dioscorides*; Emplastrum ex Origano, Radice Aristolochiæ, farina hordei cum melle proponit *Sennertus*; Calcem vivam cum oleo permisceri, ac imponi jubent *Cornarius*, & *Atius*; Succum Marrubii *Ægineta* laudat, & Nasturtium Sylvestre, aut asphodeli fructum vel florem; & fœniculi semen; Ulterius utile est exhibitionem parare, Theriacæ, Vini mulsi, pulveris nucis cupressi, baccarum Myrthæ &c. Aquam vitæ proponit *Pareus*. Ast de Hydri-

driſ noſtris vulgaribus talia non ſunt dicenda; cùm raro aliquem lædant , & ſi aliquam ſaucient partem , nullum aliud ſymptomata , præter ſimplicem ſanguinis fluxum , aut levem inflammationem , patientem affligit , ut monet etiam *Aldrovandus* , quemadmodum noſtri Ranarum Venatores multoties retulère. Ex Hydri morſu mortuam Euridicen narrat *Virgilius Georg. Lib. 4.*

C A P U T X L I .

De Amphiſbœna , & Scytale.

QUONIAM Amphiſbœna ; & Scytales ſunt ſerpentes , adeò inter ſe ſimiles , ut vix diſcerni poſſint , idcirco tam unum , quàm aliud Venenum , tùm primæ , tùm alterius in præſenti Capite luſtrabimus , quemadmodum facit etiam *Seennertus* ; in hoc enim diſſerunt ſolum , quod Amphiſbœna in utramque partem , unde & nomen accepit , anteriorem nimirum , & poſteriorem , hæc , id eſt Scytales , ſaltem in anteriorem movetur , atque iſta illam aliquantulum craſſitie ſuperat ; Nonnulli Autores Scytalem Cæciliam dixerunt , de qua re *Aldrovandus lib. 1. hiſt. Serp. cap. 9.* Amphiſbœna verò , & Scytalæ , non abeunt in caudam tenuem ex craſſo ſuo capite , ſed adeò æqualis ſunt craſſitie , ut intuentes neſciant diſcernere in qua potiùs parte animalis Caput , & Cauda ſita ſit ; diſcrepant verò per hoc , quod Amphiſbœna in utramque partem progreditur Scytale verò in unam tantum ; unde crededre nonnulli Authores , ut *Plinius Galenus* , & alii amphiſbœnam duo capita à natura fortitam eſſe ; unde *Lucanus Pharſ. lib. 9.* Canit.

Eſt gravis ingeminum ſurgens caput Amphiſbœna.

Et *Baptiſta Mantuanus* idem confirmare videtur , dum Canit.

Jof. Lanzoni Opera. Tom. I.

N

Am-

Amphibæna biceps, & formidabilis iætu
Aspis - - - - -

Est *Albertus Magnus*, *Matthiolus*, & alii negant *Amphisbœnam* duplicis esse Capitis; de hac autem inter Authores curiosa quæstione legendus est *Aldrovandus*; Nos verò ad Venenum istorum serpentum redeamus; Ambo enim simili modo nocent, & exiguum, ac vix notabile vulnus morsu infligunt; De *Amphisbœna*, teste *Sennerto* post *Galenum* fertur, quod si mulier utero gerens eam transgrediatur; malè pariat, aut abortum faciat. Morsum *Amphisbœnæ*, & *Scytalæ* sequitur inflammatio, dolor, ac rubedo, nonnunquam etiam apostema in parte affecta excitatur; Ceterum symptomata, quæ istorum Serpentum morsum, sequuntur, similia esse iis, quæ in morsu *Viperæ* contingunt, ait *Aldrovandus Hist. Serp. lib. 1. Cap. 10.* cum autem acido-acris sit venenatus humor extillans à vaginis dentium *Scytalæ*, & *Amphisbœnæ*; hinc est, quod sanguini communicatus, cum coagulare vim habet; undè rubedo, inflammatioque oritur; ab acredine autem dolor, siquidem à particulis acris vellicantur, & punguntur fibrillæ nerveæ partis maximè affectæ.

Curatio verò instituitur ab Authoribus eodem penè modo, quo peragitur curatio Veneni *Viperæ*, quam videbimus suo proprio Capite; Prætereà nonnulli volunt Semen *Papaveris*, & *Castoreum* optima esse; *Plinius* *Coriandrum* exhibendum suadet; Imò vitis in Veneno *Amphisbœnæ* magni est usus; Unde *Cælius Rhodiginus Lect. antiq. lib. 26.* narrat, quoddam dignum scitu, & à Græcis observatum scilicet, *Amphisbænam* non temerè alio interimi, quam vite; quandoquidem à *Dyonisio* id præmonstratum esse creditur, qui à *Junone* in furorem versus, cum esset consopitus, & ab *Amphisbæna* excitatus, illi palmitem inculsit, & peremit.

CAPUT XLII.

De Cenchri.

PENURIA nominum coacti Latini ad indicandum hunc serpentem voce græca sunt usi, quæ significat milium, quoniam hic serpens, quibusdam notis ad instar Milii sit ornatus, vel quod tempore tantum Milii apareat, ut ait Etymologus referente *Aldrovando*, aut quia teste *Ætio* florente Milio, hic serpens sit magis perniciosus, vel quia plantæ Milii colorem referat; *Avicenna* enim, & *Olaus Magnus* scripsere, hunc Serpentem à citrino Milii colore denominari; undè à nonnullis Doctoribus Latinis miliaris dicitur anguis; Alii vocant hunc Leonem, alii Jaculum, proptereà quod alicui alaturus damnum instar jaculi vibrati feratur; notandum verò cum *Aldrovando*, hunc Serpentem à Jaculo angue valde discrepare; De variis autem Cenchri nominibus legantur *P. Belonius*, *Avicenna*, *Albertus Magnus*, *Gesnerus*, *Niclaus Leoniceus*, & alii, de hoc Serpente valdè longo canit *Nican-*
der.

*Prolixum inuenies inamabile Cenchrida monstrum,
Quem variis pictum squammis dixere Leonem
Non flata crassities, eadem spira videtur.*

Notandum hîc *Discoridem* ex *Erasistrato* referre, Serpentis hujus Venenum, Jecori, Intestino Jejuno, & Colo potissimum infensum esse; Accidentia porrò ictum Cenchris concomitantia similia sunt iis symptomatibus, quæ à moribus Viperinis prodire solent; Verùm inter alia signa, unum animadversione dignum esse videtur, quod *Nican-*
der. recensuit; & est collectio aquæ in inferiori ventre, ut in hydropo fieri solet; Ecce Carmina citati Authoris.

*Quam facit hæc plagam nulla medicabilis arte
 Tabes insequitur, quæ diro membra Veneno
 Exedit, ac turgens cruciatum suscitât hydrops
 Donec is effracta propè sumen parte residat.*

Uteriùs è vulnere sanies cruenta diffluit, quam vulnus putridum sequitur pars læsa tumet, capitis adest gravitas, in somnium propensio, ac animi deliquium; Particulæ siquidem hujus Veneni cum sint septicæ, atque sanguineam massam liquantes, atque fundentes, hinc est primò, ut irritatâ parte demorsâ, intumescencia, & dolor succedit; indè penetratis illis particulis in vasa, suis rescecanntibus cuspidibus, fibras cruoris incidunt, sicque sanguinem fundunt, ex quo extravasatio materiæ subtilioris habetur, undè corpus ad instar hydropis intumescit, non sine mortis periculo. Hinc præmissâ per ambitum vulneris profunda scarificatione, cucurbitularum appositione, partiumque superiorum arcta ligatura, & præterea Emplastrorum, ac Cataplasmatum attractoriorum applicatione, exhiberi possunt Satureia, Ruta Sylvestris, Radix Gentianæ, Aristolochiæ, Asphodeli, Mentha, Serpillum, Centaurium minus, Cassia lignea, Cardamomum, Castoreum, Succus Artemisiæ cum aqua mulsa; Uteriùs ex *Dioscoride*, demorsis à Cenchro auxiliatur lactuca contusa cum Semine lini illita; ex *Paulo Ægineta* Nasturtium, & ex *Æliano* membra Ciconiæ moribus hujus serpentis opitulantur.

C A P U T XLIII.

De Dryino.

DR Y I N U S dicitur à Latinis *Querculus*, eo quod ad Quercuum radices degat; & adeò foetidus est, ut etiamsi quis eum non videat, fœtore loci cognoscatur; Est duorum cubi-

cubitorum longitudinis, ac asperrimis squammis munitus, teste *Matthiolo in Discoridem lib. 6. Cap. 49.* De hoc Serpente cecinit *Nicander.*

Ille cavas habitat Quercus, alibi quoque fagos.

Ideoque nihilmirum, si *Querculus*, ut supra dixi, nuncupatur à *Scaligero*, & *Grevino*; plura circa hujus anguis nomen videantur apud *Aldrovandum Hist. Serp. lib. 1. Cap. 44.* Colorem tergi subatrum, & caput æquale *Hydro* esse ait *Edoardus Wottonus lib. 6. cap. 113.* quem ibi perbellè describit; solummodò hîc notari liceat, *Bellonium* asserere, hunc serpentem in tantam olim molem excrevisse, ut inventum, & in Sacco impositum *Rusticus* per duo milliaria ferre non potuerit, quin aliquam caperet quietem; Deinde mortuo *Dryino*, idem *Bellonius* hujus anguis spoliis fœno replevit, quod crassitudinem humani cruris adæquabat; Tantæ Venenositatis autem est *Dryinus*, ut non tantum morsu homines interficiat, aut hominis eum calcantis pedem lædat, sed etiam Medici ægroto medicamina applicantis manus excoriet, teste *Sennerio*, post *Æginetam* & *Galenum ad Pisonem*, Imò si quis eum interimat, illum pravè admodum olere, eoque suo fœtore, omnium aliorum odorum, quamvis præstantium sensum auferre fertur: E vulnere verò, morsu *Dryini* inflicto, sanguis effluit, nigricans & putridus sequitur partis læsæ tumor, scissura, & mortificatio, dolor vehemens, cutis fit sicca, dura, & aspera, nigræ pustulæ circa vulnus oriuntur, accedit caligo oculorum, delirium, sitis intolerabilis, singultus, vomitus biliosus; aut sanguinolentus, cardialgia, ventris tormina, urinae, alvique suppressio, vocis, & respirationis interceptio, odorque ex ægri corpore exiens foetidissimus, & molestissimus; undè *Nicander.*

*Quod si cui prehensum Dryinus talumque pedemque.
Læserit, à toto se spargens corpore fertur
Tristis odor, surguntque nigri, qua plaga tumores*

*Mæstaque tristitia , & lachrymabilis opprimit angor
Comprehensam morsu quadam caligine mentem ,
Et periens nimio flacceffit forma dolore ;
Usque adeò pascens absument membra Venenum
Quin etiam obfuscaus obducit lumina nubes &c.*

Addunt *Atcius* , & *Paulus Aegineta* , demorsos ab hoc angue , ritu *Caprarum* , vel *Ovium* balare , sic *Reusnerus* canit

- - - - quem dente momordit
Lethifero , *Capræ* balat , *Ovisque* modo.

Cùm ergò introductæ sint in cruoris massam , mediante vulnere , particulæ acido-acres , Venenum Dryini constituentes , statim illum vitiant sanguinem , qui in affecta parte reperitur ; undè fixatus fit tumor , & mortificatis , cum pustulis ; transeuntes autem in circulantem humorem illum pariter sensim ad coagulationem disponit ; unde Caligo oculorum , cutis dura , sitis , & urinæ suppressio , quatenus , fixato sanguine , serum nequit secerni ; acido-acres autem Veneni particulæ circulando , & penetrando cum cruore singulas corporis partes nerveas fibras aggrediuntur , & figurâ suâ acutâ vellicant , ac pungunt ; unde singultus , Vomitus , & ventris tormina habentur ; Odor verò foetidissimus dependet à sulphure vitioso , ac maligno istius Veneni , quod magis actuare videtur in malum Dryini Venenum , atque lethiferam hujus Serpentis pestem. Quod autem spectat ad hujus medelam ; commendant Doctores Origanum , Trifolium , & Marrubium , vel eorum Succum ; Radicem Aristolochiæ *Sennertus* laudat ; nec non Glandes cujuscunque Quercus concisas , & assumptas cum Vino generoso ; *Grevinus* Origanum in mortario contusum , & morsui impositum proponit ; Aristolochiam cum Vino potam commendat *Dioscorides* , tandemque glandes Quercûs contusas , & cum melle mixtas extrâ plagam imponere utile putatur , & dolorem lenire aiunt etiam Ilicis radices tutas , & aplicitas.

CA.

CAPUT XLIV.

De Basilisco, & Harmene.

A Vicenna, & Albertus nominantes Basiliscum, & Harmenem, duas hujus feræ species constituerunt, cum tamen in descriptione nullum discrimen, sed tantum in magnitudine collocent; Quapropter hæc nomina unius, & ejusdem Draconis Symonima esse arbitratur *Aldrovandus*; *Armene* enim, vel *Harmene*, sive *Karmene* nomina sunt apud *Sylvaticum*, quibus Basiliscus denotatur, cujus Animalis locum postremum facit in ordine Venenorum, *Dioscorides* quia cum in capite Coronam gestet, tanquam Rex Anguium saluari debet, unde *Regulus* à multis dicitur; De nomine autem Basilisci translato ad homines legi meretur *Suidas*, & *Eruditiss. Aldrovandus Histor. serp. & Dracon. lib. 2. cap. 2.* Nihil dicendum puto de fabula circa ortum huius feræ ex Ovo Galli; nam Basiliscus ex Ovo Basilisci nasci credo; quidquid enim oritur, à simili ortum ducit, & juxta propriam speciem; De tali verò fabula pleni sunt libri veterum Medicorum; Certum tamen est, & quod ad nos facit, Basiliscum esse Animal adeò exitiosum, ut intuitu, sibilo, halitu, & tactu etiam homines lædere valeat; quapropter *Plinius* naturam hujus Draconis, cum malignitate Catoblebæ penitus convenire, asseveravit; hinc Viri non vulgariter eruditi, Catoblebam à Basilisco haud quaquam discrepare docuerunt; Illustris autem *Matthiolus*, cui opinioni, libenter subscribo, ait fabulosum prorsus esse, quod visu, tactu, sibilo &c. hoc Animal Venenum emittat, sed solum ritu aliorum serpentum morfu Venenare credibile sit, fretus autoritate *Erasistrati*, qui non Veneni oculorum sed morsus tantum venenati in Basilisco, meminerit. Non est tamen negandum à spiritibus manantibus ab oculo animalis Venenati, malam impressionem in oculo hominis posse

posse fieri, quia ex malo aspectu spiritus afficiuntur; Præterquam quod meminit *Aldrovandus* in *Hist. Quadrup. digitat*; quandam Rubetæ speciem tanta redundare malignitate, ut eam intuentis facies insigni pallore suffundatur; his addit, citatus *Aldrovandus*, quod mulieres mensibus laborantes, spiritus habent inquinatos, & propterea, ex mente *Aristotelis*, in speculum intuentes illud vitiant; Pariter Infantes à quibusdam vetulis pertractati, faciliter in tabem incidunt, non solum ob foetentem oris halitum, qui in delicatos infantium Pulmiones penetrat, sed etiam ob inquinatos oculorum spiritus, qui in tenellis puerorum Carnibus facillimè imprimuntur; unde *Ficinus* ait, Pueros ab annosa muliere, aut menstruata contrectatos infici posse; & *Aldrovandus* in ophthalmia asserit hoc accidere, quod lippientes in aliquos sæpè intuentes, eundem morbum communicent, quare *Ovidius* sic canebat

*Cum spectant oculi Lippum, læduntur, & ipsi,
Multaque corporibus transiione nocent.*

Magna est enim vis oculorum, & spirituum excellentia, quæ alteri communicata, illico per totum corpus disseminatur; hinc *Marsilius Ficinus* *Comm. in Plat. sympos.* verba faciendo de fascinatione amatoria, scripsit; sanguinem Juvenum, clarum, subtilemque esse consequenter radios ejusdem naturæ producere, qui subtilissimi ab oculis egredientes, & hominis luminibus communicati, humoribus permixti, amorem accendunt, & id clarè expressit *Ovidius*, canens

Perque tuos oculos, qui rapuere meos.

Ast è diverticulo in viam; Basiliscus verò parva serpens est, teste *Wottono de differ. animal. lib. 6.* trium palmorum longitudine, colore flavo, fulvoque, capite acuminato, & candida in eo macula, ut quodam Diademate insignis, viribus reliquos Serpentes longè superat, nec flexu multiplici, ut cæteræ corpus impellit, sed cum movetur, media corporis parte serpit,

serpit, media celsus, & erectus incedit; Hujus serpentis morsum maxima sequitur Corporis totius inflammatio, pars affecta flavo colore tingitur, pili defluunt, & brevi mors advenit. Cum igitur tam subita mortis vis se exerat in Ægrum; hinc est fatendum particulas istius Veneni summè acidas, & volatiles esse; adeò ut statim totam cruoris massam coagulare valeat, unde mors evenit inevitabilis; ideoque *Aetius* supervacaneum existimat remedia adversus ipsum præscribere, cum vix ullis remediis tam repentinæ morti possit occurri; *Erassistratus* tamen, cui subscribit quoque *Dioscorides lib. 6.* Drachmam unam Castorei cum Vino; vel papaveris liquorem exhibendum censet, & ità pariter judicavit *Avicenna*. Cum autem priùs scripserit *Plinius*, Basiliscum mustela impugnari, ejus Cinerem adversus Venenum hujus feræ extollit; Quod idem *Carolus Clusius* confirmat; *Galenus* Centauream laudat; De herba quadam Basilisca optima contra Venenum Basiliscorum meminit cum *Oribasio Ardoinis de Venenis Lib. 6. Cap. 2.* Denique *Rudius* in expugnando Basilisci Veneno, proponit Medicamina, quæ aliàs ictibus aspidum utilia prædicavit.

CAPUT XLV.

De Vipera.

VIPERA mas Echis, foemina Echidna vocatur; ab *Aristotele* Vivipara dicitur, *Marassus* à *Marsis*; *Tyrus* à *Leoniceno*, *Serpens Theriacalis* à *Joh. Bapt. Spunthono* appellatur; Vipera verò communiter dicitur hic *Serpens*, eo quod vi pariat, nam cum Venter ejus, sunt præcisâ verba *Isidori*, ad partum intumuerit, catuli non expectantes naturæ maturam solutionem corrosam matrem lacerant, & vi erumpunt; De hac autem re fides penès Autorem, Ego quidem aliter credo; Puto enim cum *Aldrovando*, Viperam sic dici, quasi viviparam; hæc enim sola in toto Serpente genere Ova intrâ alvum

O concii-

Jos. Lanzoni Opera. Tom. I.

concipit , deindè foetum vivum enititur ; idcirco *Nicander in Theriac.* canit

Sola etenim vivo gravidatur Vipera foetu.

Mortua cùm reliquum passim genus ova reponat.

Non ergò ex sanguine Typhæi , Gorgonisve guttis stillantibus ex *Apollonio Rhodio* , vel ex spinali medulla hominis putrefacta , sed ex coitu cum mare oritur , absque quod sensus delibatio capitis plectendi poenam incurrere valeat , ut quidam credidere , dicebant enim , quod Masculus ore inserto Viperae semen expuat , illa autem ex voluptate libinis in rabiem versa , caput maris , ore receptum præcidit : sicque fieret ut parens uterque periret , masculus dum coit , foemina dùm pariturit : & hujus fabulae meminerunt *Isidorus* , *Herodotus* , *Albertus* , *Reusnerus* , *Nicander* , & alii ; Est autem Vipera animal coloris subflavi , pluribus maculis ornatus , rotundis longitudine cubitali . Caput gerit latiusculum , oculos subrufo , dentes autem gingivis conduntur , sed qui Canini vocantur dentes foeminis quaterni , masculis verò bini ; Hoc tamen Animal hyeme sub Saxis habitat , non in terræ cavernis , ut cæteri serpentes ; Definatur porò Vipera ab *Baldo. Angelo Abbatis* , Venenatus Serpens intus concipiens , pariens , & excludens , longus ad summum trium cubitorum mensura , velut in Asia esse testatur *Nicander* , qui torvo aspectu saltuatim irrepit in animantem , & testatur idem *Abbas* , dentes , tam marem , quàm foeminam quatuor habere , sed foeminas firmiores , stabiliioresque quippè qui pro tempore quatuor insint , duos verò deciduos habere mares , perennes alios ; Redi verò duos tantum in utroque ; Hujus Animalis Anatomies videatur penes *Baldum. Angelum Abbatum* , *Charas* , & *Mangerum in Biblioth. Pharmac.* Ad Venenum verò , quod attinet , notandum est ; Nonnullos Auctores antiquos credidisse in humore felleo Viperae Venenum consistere , alios in cauda , in sanguine multos ; undè *Horatius* cecinit

Quid

*Quid hoc Veneni scivit in Præcordiis
 Nam Viperinus his cruor
 Incoctus herbis me fefellit.*

Præter hos, alii putant cum *Charas*, quod imaginatio Viperæ; postquam irritata, fuerit ab idea vindictæ, quam sibi formavit, motum concitet spiritibus, qui non potest exprimi, & eos pellit cum violentia per nervos, & fibras versus cavitatem dentium, tanquam in infundibulum, qui deinde per vulnus sanguini importantur ad producendos Veneni effectus, Quidam autem dixere non habere Viperas aliud Venenum, quàm suos dentes, quos tali figura fabricatos esse asserbant, ut acumine cuspidis, aut aciei dentium, sauciarent fibras tenellas & subtilissimos nervos, ex quo acerbi dolores, & lethales convulsiones derivarent; Ego verò cum *Clariss. Redi*, aliisque *Neotericis* puto, Venenum Viperæ esse liquorem servatum in vesiculis propè dentes, ita ut, quando Vipera evaginat dentes, & morsum minatur, necessàriò effundat super vulnus humorem istum, ex quo prava oriuntur symptomata, quæ inferiùs referam. Iste autem liquor, licet sit venenatus si vulnere instilletur, tamen ore assumptus haud nocet, ut experimenta *D. Redi* clarissimè evincunt; Non itaque erit temerarium asserere, quod delusus sit *Albertus Magnus*, cum *Mercuriali*, *Zacuto*, *Capivaccio*; & aliis, quando dixere, Vinum, in quo Vipera sit suffocata, esse pessimum, ac lethale Venenum, quin imò tale Vinum remedium est Lepre &c. Notandum autem, talem liquorem Viperæ venenatum, separatum à vagina Viperæ, licet ore assumptus, non sit nocuus, instillatum subtilissimâ licet puncturâ tantum in humanas carnes, ejusdem esse potentiae, ac si per dentes ipsius anguis intruderetur; E vulnere autem, morsu Viperæ inflicto, sanguis primò exit purus, quem brevi sequitur sanies cruenta, spumosa, & ærugini similis; Non solum pars demorsa, sed nonnunquam totum Corpus in tumorem attollitur; Calor adest magnus, cum pustulis in parte læsa, accedunt singultus;

gultus, Vomitus, Febres, Urinæ difficultas, tremor, Lipothymia, sudores; & *Cælius Rhodiginus* narrat, aulicum quendam, cum demorsus esset à Vipera, statim in colorem porraceum incidisse. Plura de istis signis, ac symptomatibus legantur ab *Aldrovandum lib. 1. hist. Serp. cap. 2.* & *Nicandrum Ardoynum, Sennertum*, & alios; Cujus verò naturæ sit Viperae virus, tanquam arcanum sub silentio antiqui involvère Doctores; Ego tamen Viperae Venenum consistere puto in Sale volatili acri caustico, cujus particulæ licet exilissimæ, potentissimæ tamen, cuspidibus suis, massam cruoris citissimè penetrant, fibras scindunt, ac cruorem fundunt; unde sudores frigidi, tremores, syncopes, febres, aliaque modo enarrata insurgunt mala. Quodd si quis à Vipera morsus sanguinem per nares emittat, Mors in propinquo est, quatenus scilicet sanguis ad ultimam fusionem perventus à vasis effluit, & spontè stillat, ac manat; E contra verò si propinatis remediis non nihil quietis inveniat æger, tunc illum convalescentem judicat *Aldrovandus*; Tempore æstivo, & in regionibus calidioribus Viperae magis sunt nocuæ, & earum virus majoris est potentia; tunc enim ejus particulæ magis sunt actuatæ à calore, ideòque celerius penetrant, ac feriunt, & lacerant; *Sennertus* credit, Venenum Viperae maris esse potentius, quàm foeminae; Ego verò utrumque eandem vim habere puto. In hujus Veneni curatione *Pareus* vult, medicamenta ea omnia optima esse, quæ ad Canes rabidos commendantur; Verùm si lubet ad particularia præsidia descendere, in primis juxta Chirurgiæ præcepta pars læsa supra vulnus arctè est constringenda, non tamen adeò vehementer, ut torpeat, ac gangrænetur, & sphacelo vitietur; inde è parte scarificata, appositâ cucurbitulâ, Venenum est trahendum vel etiam opportunum erit præsidium fugere vulnus hominis labiis; nihil enim mali poterit sugenti ex hoc accidere; quia, ut supra dixi; Viperae Venenum ore sumptum haud nocere potest, quod testatus est etiam *Celsus* scribendo; *Venenum Serpentis non gustu, sed in vulnere nocere*; idemque clarè suis experimentis, & observationibus patefecit diligentiss. *D. Franc. Redi obs. de Viper.* Extrà vulnus appli-

applicat *Sennertus* scillam cum aceto coctam, atque contusam, & stercus Capræ cum aceto, pice, cera, & sulphure mixtum; *Galenus* sequens Emplastrum laudat.

✠. Sagapeni, Piperis, Liquoris Cyrenaici, opoponacis, ana. part. 1. Galbani, Sulphuris vivi, ana, part. ij. Arida pulverizentur, liquores in aceto solvantur, & aridis injiciantur, & F. S. A. Emplastrum.

Utile est etiam Emplastrum paratum ex allio, ficubus, & Theriaca. Internè verò exhibeatur Costum, cum Decocto Absinthii, Coagulum Leporinum, Allium, Porrum, Cæpa, Vinum, Tormentilla, Radix Asphodeli, Gentiana, Bryonia, Ruta, caro ipsius Viperæ; Anseres etiam, & anates vi peculiari viperino adversari Veneno scribit *Aldrovandus*; Cerebrum Galli cum Vino propinat *Erasistratus*, & *Avicenna* fel ejusdem Galli; Genitale Cervi maris *Dioscorides*, Ventrem salitum Mustelæ, Cancros fluviatiles, Ranas coctas, Urinam patientis ipsius, Butyrum, Bistortam, Succum Citri, & ejus Semen, Succum Brassicæ, Fraxinellam, Dictamnium album, Juniperi baccas, Nasturcium, Succum radices Rubiæ, Raphanum, Zedoariam, Acetum, Agaricum, aliaque simplicia varia, à variis Medicinæ Magistris adhibita non improbo, sed valdè commendo; sicuti varia quoque Medicamenta composita, ut possunt esse Mithridatium, Andromachi Theriaca, Oleum nostrum contrà pestem vulgò dictum del *Castagna*; aliaque pura, de quibus consulantur scriptores, & præsertim *Aldrovandus Hist. Serp. & Drac. lib. 1. cap. 2. Ardoynis de Venen. lib. 6. cap. 1. Sennert. Pract. lib. 6. part. 8. Cap. 13. Pareus lib. 20. cap. 16.* aliique tum antiqui, tum recentes, & speciatim *Miscellan. Academiæ Curiosor.* variis in locis; solummodò verba facere hîc volo, de morsu Viperæ in D. Paulo, & per consequens de præstantia Terræ Melitensis adversus Viperarum Venenum, & alia etiam Venena; Notandum ergo Sanctum Paulum post periculum Maris ad Melitam Insulam pervenisse, ubi cum accensa esset pyra; ut se calefaceret propter imbrem, & frigus, ut *D. Lucas in Act. Apostol. Cap. 28.* testatur, & cum Paulus congregasset multitudinem Sarmentorum, dum imponuntur su-

per ignem ab eo, Vipera ex virgultis excessit calore forsan
exasperata, Paulum agressa momordit, manum ejus, de qua
re sic canit *Arator* 2. lib. *hisor. Apostolic.*

. : cui Vipera fixit
Demonis arma ferens, surgentibus obvia flammis,
Antiqua feritate manum, gelidique Veneni
Vulnus in igne dedit.

Hinc *Prudentius* quoque hanc Pauli historiam referens e-
gregiè, & suo more solito cecinit, teste *Bocharto de Animal.*
Sacr. Script. lib. 3. cap. 2. part. 2. hæc Carmina.

Paulus dum fragiles cogere furculos,
Et densare foci congeriem studet,
Incautam cumulis inseruit manum,
Torpebat glacie pigra ubi Vipera
Sarmentis laqueos corporis implicans,
Quæ postquam intepuit fomite fumeo
Laxavitque ferox colla rigentia,
Jam flecti facilis retulit ad manum
Vibrato capite spicula dentium
Hærentem digiti vulnere mordicus
Pendentemque gerens Paulus inhorruit.

Ille autem excutiens bestiam in ignem nihil mali passus
est; licet Barbari illi existimarent, manum in tumorem con-
vertendam, ipsumque subito casurum, & mori; Diu autem
illis expectantibus, & videntibus nihil mali in eo fieri, con-
vertentes se, dicebant, eum esse Deum. Hæc de Vipera D.
Pauli, Barbaris admirantibus, adeo exactè, & distinctè Deus
à Luca describi voluit, ut virtus, Pauli gratia, Insulæ illi con-
cessa, magis magisque innotesceret, nec naturali ejus loci proprie-
tati adscriberetur, quod ex eo tempore fuisse loco illi divini-
tatis impertitum testatur *Baronius Annal. tom. 1. anno Christi. 53.*
nimirum ut Serpentes omnes Veneno carerent, & quantum-
libet

libet aliquem momorderint , nihil prorsùs inferant detrimenti ; si enim olim à natura , sicut aliis locis id datum fuisset , cur loci incolæ , tam certi erant de interitu Pauli ; sed & terra ibi ejusdem meritò contrà Venena parat Antidotum ; Terra enim Melitenfis , vulgò *Grazia di S. Paolo* , de qua egregiè locutus est in suo opusculo aureo de Terra Nucerina Clarissimus D. Aloysius à Fabra Medicus noster Ferrariensis sapientissimus , Lector Publicus , & Amicus meus suavissimus ; valet potissimùm contrà omnia Venena , & præcipuè adversùs Viperæ morsum. Hæc autem de Viperæ satis sint , plura dabunt cupienti Redi , Marcus Aurelianus Severinus , Schroderus , Baldus Angelus Abbatis , Woigtius , Johannes Baptista Spunthonus , Ardoynis , Sennertus , Matthiolus , aliique plures tam antiqui , quàm Recentes Autores.

C A P U T XLVI.

De Scorpione.

LATINUM *Nepæ* nomen prò Scorpione jam propè obsoletum fuit olim in usu , undè *Plautus* ait in *Cassia* Act. 2 :

Recessim cedam ad parietem , imitabor Nepam.

Et *Cicero de Finib. lib. 5.* Cornibus uti videas Boves , *Nepas aculeis* ; ità cum *Nonio* legendum censet *Bochartus* , non cum aliis *Vespas* ; *Q. Serenus Samonicus* etiam inter ea remedia , quæ oculorum dolorem mitigant , sic habet.

Viventifue Nepæ lumen gestatur amicum.

Scorpius autem animalculum est Corpore in Ovi formam obrotundo , pedibus octo , unde *Oëtopes* etiam vocatur , teste *Aldrovando* , & caudâ oblongâ , vertebris multis , tanquàm articularis

articulis coagmentata, & ad ultimam vertebram præfixus est aculeus perforatus, undè virus exit, brachia duo habet, quæ à multis forcipes nuncupantur. *Ælianus* novem Scorpionum genera numeravit, album, rufum, fumosum, nigrum, viride, ventricosum, flammeum, alatum, & alium, qui septem habet internodia; Verùm istæ colorum differentiæ nascuntur à diversitate regionum, virides enim Scorpiones apud *Valentinos* oriri dicunt &c. Nos in præsentiarum triplex esse Scorpionum genus asserimus Terrestre nimirum, Marinum, & alatum; de quibus diligenter egit *Ulysses Aldrovandus de Insect. lib. 5. cap. 11.* dubium verò est hodiè inter Doctores nùm scilicet Scorpions sit Venenatus? *Plinius lib. 11.* ait, *visuntur tamen in Italia, sed innocui*; Et innocuos esse Scorpiones in suis experimentis clarissimè demonstrat *D. Redi*, solummodò concedendo Venenatos esse Africanos, quemadmodum expertus fuit; similiter *Vidus Vidius*, plures se Pisces a Scorpionibus ictos observasse testatur, qui nullam ferè percipere in Corpore agitationem; ut etiam mihi hîc *Ferrariæ* narravit nuper diligentissimus *D. Joseph. Baccio* Pharmacopola egregius, & Botanicus præstantissimus, ipse enim amicus meus candidè se vidisse affirmavit, Rusticum in gutturi parte exteriori à Scorpione punctum, & nullo remedio Sanatum, & nullam passum molestiam. Cùm autem *Sennertus*, & alii Scriptores, Venenatos esse putent; idèò distinguendum judico in regionibus humidis, similibusque temporibus innocuos Scorpiones esse, in siccis verò, ac calidis, similibusque ætatibus, annique tempestatibus illos veneno suo lædere quidem posse statuo, ut observationes Medicorum passim testantur; sic *Rembertus Dodoenus*, famulum se habuisse testatur, qui à Scorpione ictus, tam subito, ac tam frigido sudore toto corpore erat perfusus, ut nive se velut opprimi quæreretur; *Matthiolus* plures tradit se vidisse in *Hetruria* ictos à Scorpione, qui graves molestias sunt passi; & meminit Illustrissimus *D. Lucas Schrockius* Academiæ Curioforum Præses dignissimus, ac Dominus meus semper recolendus in *Schol. ad obs. D. Wolckameri 224. ann. 6. Dec. 2. Miscell. curios. pag. mihi 470.* *D. Joh. Theod. Schenckium* retulisse, elegan-

elegantem se Tragædiam vidisse Scorpionis se ipsum interficientis, cum igne circulari Carbonum facto, positus in medio; is effugere tentans, & ob ignem sæpius retrogredi coactus, tandem furibundus caudam suam capiti adposuisset, seque ipsum puncturâ suâ interemisisset.

Symptomata autem, quæ ictum Scorpii sequuntur sunt Dolor, & inflammatio partis læsæ, tumor, & circa illam pustulæ, sudor frigidus, spuma oris, singultus, Vomitus, & interdum, notante *Marc. Donato Hist. Med. mirab.* maculæ nigræ per universum Corpus; quæ mala oriri arbitror ab acidofalinis volatilibus particulis, quæ liquorem Scorpii venenatum constituunt. Siquidem istæ summè mobiles, & penetrantes humores, nerveas partes mordendo, dolores, & sanguinem fixando frigidos sudores, pustulas, & tandem mortem producunt; ut etiam *ego in Miscellan. Acad. Curios. Dec. 3. An. 1.* referendo unam observationem *Clariss. D. Franc. Evangelisti Amici mei doctissimi*, demonstravi, *obs. 20. pag. 39.* Ad remedia verò quod attinet, primò notandum occurrit, Scorpium vivum contritum vulneri imponi à multis salutem sperando, quod, & innuit quoque *Petrus Gassendus in Philosophia Epicuri*; causam autem assignat ille, quod allisi animalis substantia rationem quandam Spongiæ habeat, dum distractæ contusione partes, se nervulorum ope retrahunt, & Venenum adhuc cohærens secum reducentes, id simul, quod fuerat effusum, abducunt; videtur nempe id fieri eadem ratione, quâ lixivium ex Sapone educere videtur oleum ex panno, quoniam ut particulæ olei, quæ in panno sunt, consociantur facilè particulis olei, quæ in sapone, istæque illas unâ abducunt, dum abducuntur ipsæ à sale, cui idividuè cohærent, & sal cum aqua exprimitur, cui est per minima commixtum; ita Veneni particulæ, quæ in plaga sunt, facilè consociantur iis, quæ in alliso animali: istæ verò dùm versùs Corpus animalis retrahuntur, illas simul retrahunt, & ex ipsa plaga educunt, ac veluti exugunt. Uteriùs membrum suprâ puncturam arctè ligandum, & cucurbitulæ parti affectæ imponendæ, ne Venenum intùs penetret; Aëtius Cochleam hortulanam præcipi-

Jos. Lanzoni Opera. Tom. I.

P

cum

cum testa tritam, & vulneri impositam confestim dolorem sedare ait; commendantur etiam Lumbrici, Calamintha aquatica, Allium, Ruta Sylvestris, herba Scorpioides, si quodlibet horum seorsim, vel plura ex his trita, & mixta imponantur. Lac ficulneum in vulnus instillatum percussis præsentī auxilio esse scribit *Dioscorides*, vel teste *Sennerto*, è radice Bryoniæ cocta, ruta trita, Semine urticæ, & pauco sulphure cum Oleo veteri fiat cataplasma plagæ imponendum; Antequam autem topica reiterentur, id quod sæpius fieri debet, abluatur locus affectus, aqua in qua sulphur, Ruta Sylvestris, Lauri folia, & alia supra enumerata sint cocta; dum autem hæc ita vulneri applicantur, statim simul Alexipharnaca sunt exhibenda, & præcipuè, quæ Veneno huic adversantur, ut sunt, Salvia, Scordium, Absinthium, Agrimonia, Serpillum, Ocyum, Aristolochia, Gentiana, Baccæ Lauri, Semina fœniculi, & Raphani, quæ vel in decoctione, vel in substantia exhibenda sunt; *Plinius* Abrotanum, in vino potum laudat; *Macer* quoque semper vivum adversus scorpiões celebrat his Carminibus.

*Taliter, & cunctis obstat potata Venenis;
Affirmant istam, quæ secum gesserit herbam
Hunc non affectat Lethali Scorpius ictu.*

Apud *Aldrovandum* commendatur Asa foetida, cum Semine Calthæ, Cæpa, Croco, Cumino, Cyano, Pulegio, Origano, Malva, Opio, Hordeo, Lactuca, Galbano, & aliis simplicibus medicamentis; quæ videri possunt penès citatum *Aldrovandum de Insect. lib. 5.* E compositis etiam utilia sunt Andromachi Theriaca, Mithridatium, Diatesaron; Oleum Scorpionum Matthioli, Oleum nostrum contra-pestem dictum; & *Aetius* antidotum sequens valdè commendat ad Scorpii ictum.

℞. Castorei, Succi Cyrenaici Piperis ana ʒ. β. Costi, Spicæ, Nardi, Croci, Succi Centaurii ana ʒ. ij. mellis despumati q. S. M. & detur Nucis Ponticæ magnitudine.

Sennert.

Sennertus verò sequens Electuarium proponit.

R. *Assæ foetidæ*, *Radiciſ Gentian.* ana. ꝯ. β. *Aristolochiæ longæ*, & *rotundæ* ana 3. ij. *Seminis Rutæ* 3. j. *Castorei* 3 β. & cum melle despumato fiat Electuarium, cujus dosiſ sit 3. j. vel 3. ij. cum vino, vel decocto *Anethi*.

Utile etiam est menthastrum, *Rutam*, *Aristolochiam*, *Gentianam*, *baccas lauri* æqualibus partibus in vino coquere, & Decoctum ægrotanti exhibere; *Lacertam* insuper dissectam, & appositam *Plagæ*, *Scorpii* dolorem sedare ait cum *Aldrovando Dioscorides*; *Cancris* fluviatiles etiam commendantur, ut *Cerebrum Gallinæ*, *Mumia*, *Sputum*, & *Urina humana*; *Mizaldus Cent. 6. memorab. ex Joviano Pontano* refert, hominem à *Scorpione* graviter percussum, statim liberatum fuisse exhibitio thure contrito, in quo cælatum fuerat *Scorpii* signum, de quo similiter alia extat historia apud *Joh. Heurnium Method. ad Praxim. lib. 3. de hoc autem remedio fides sit penes Authores.*

CAPUT XLVII.

De Dracone Terrestri, & Marino.

DE Draconis nomine egregiè, ac eruditè more suo solito egit *Samuel Bochartus in Hierozoico lib. 3. part. 2. cap. 14.* non tantum Arabicè, sed Græcè, Hebraicè, & Latinè nomenclaturam istius Animalis tradendo, quem consulere potest curiosus Lector; Nos inpræsentiarum solummodò aliquid de Dracone; tam Terrestri, quàm Marino trademus, ne quid intactum, quod spectet ad Venenorum historiam relinquamus; Draco ergò primò est Piscis Marinus, qui & *Araneus* à quibusdam vocatur; Secundò verò est serpens variæ formæ,

& magnitudinis monstruosæ , colore fulvo præditus , teste *Lucano lib. 9. Pharsal.*

Serpitis aurato nitidi fulgore Dracones.

Quem Poëtam imitatus postea *Georg. Piëtorius* cecinit.

*Serpunt aurato nitide fulgore dracones ,
Africa quos ardens parturit exitio.*

Unde *Philostratus de Vita Apollon* ; squammam fulvi coloris , & oculos igne scintillantes Draconibus attribuit ; acerrimi enim esse visus , inquit *Vossius de Idololatria lib. 4.* ex quo nomen à Græcis adeptus fuit Draco ipse , nempe à *Derco* , id est , *video* ; unde à Poëtis fingitur Custos Theſaurorum ; Hebraicè verò dicitur *Thannin* quia immanis , & monstruosus , teste *P. Nicol. du Mortier in suis Etymolog. lit. D.* Veris autem Draconibus ora parva esse scripsit *Edoard. Wottonus de differentiis animal. lib. 6. Cap. 118.* & ad morsus non dehiscencia , sed arctæ fistulæ , per quas , & trahunt spiritus , & linguas exerunt. Proinde neque Draconis morsus dolorem ullum , inquit citatus Autor , vehementem excitat , etiam si pro viribus maximè nitatur morsum infligere ; sed qualem mus mordendo efficiet , quippè non in dentibus vim , sed in caudis Dracones habent , & verbere potius , quàm rictu nocent ; unde *Sennertus* ait ; Autores celeberrimos fuisse , qui Terrestres Dracones parùm , vel nihil Veneni in se continere ; scripsere , imò è Corpore eorum quædam remedia adversus quosdam morbos petiverint ; Hinc est , ut in summo honore apud Ethnicos Draco haberetur , & *Æsculapio* consecrarent , veluti Medicinæ inventori , ac Numini ; Verùm enimverò , quia è Serpente numero sunt Dracones , proculdubio omni Veneno non carent , præcipuè in regionibus calidioribus ; unde *Lucanus loc. cit.*

- - - - - *Dracones*

Pestiferos ardens facit Africa. - - - -

Ex

Ex *Æliano* Dracones in sexu ob cristam discriminantur ; quâ Draco mas , non autem femina decoratur ; de Cavernis Carpathcorum Draconum à se visis , ossibusque ; ac Dentibus Draconum repertis , curiosam historiam refert *D. Joh. Paterfornius Hain in Miscell. Acad. Curios. Decur. 1. Ann. 3. Observ. 194.* Multi aligeros esse Dracones dixerunt ; unde *S. Augustinus in Genesim ad litteram* , ait in aërem susfolli ; & in *Psalm. 148. de speluncis procedunt , & feruntur in aëra* ; hinc *Scaliger* scripsit hæc verba , genera quadam Draconum alas habent ;

Valer. Flaccus lib. 7. cecinit

; . . . ut aligeri Circen rapuere Dracones.

Licet ergò *Plinius* , *Isidorus* , *Aetius* , aliique , Draconem Venenum habere negent , tamen cum *Heliodoro* asserendum , Venenum habere lethiferum : ecce sua verba è Græco in Latinum translata à *BOCHARTO in Hierozoico.* Illi autem parvas quidem sagittas , sed Veneno Draconum infectas , conjicientes , citam , & acerbam mortem inferebant ; Et *Leo Africanus Lib. 9. At Lantici Dracones sunt virulenti admodum & si casu quenquam , vel contingant vel mordeant , carnem emolliunt & debilitant , neque est qui mortem possit evadere.* *Vincentius Bellovacensis* morsum Draconis parvum quidem , sed pessimum esse adstruit , quoniam venenatos animantes , & herbas comedit , caudam quoque , si quem ligaverit , occidere. Undè *Gesnerus* scripsit propè Oppidum Nideburgum , vivos Dracones in fonte quodam se lavisse , & animalia hominesque deinceps illam bibentes aquam , alvo tumefacta mox concidisse & interiisse , quare ille fons tanquam pestifer , & exitiosus terra , & Lapidibus repletus est ; Hinc , Venenum Draconum vinum eorum legitur in *Deuteronomio* translato ex Hebræo *Sancti Pagini Cap. 22. vers. 33.* ; Concludendum igitur cum *Aldrovando* , Draconem , etiamsi suâ naturâ Venenosum non dicant aliqui , tamen ob naturam loci Venenosum evadere , quemadmodum multi serpentes. De Marino autem Dracone omnes ferè Authores consentiunt , ipsum Venenosum esse ,

esse cujus marini Draconis duo genera fecit *Salvianus*, magnitudine, corporis forma, colorisque diversitate invicem differentia; horumque Animalium imagines describit, atque delineat, qua de re egregiè egit *Aldrovand. Lib. 2. de Piscibus cap. 50.* Marini autem Draconis ictum, non verò morsum, ut *Albertus* ait, venenatum esse, *Oppianus*, *Dioscorides*, *Ælianus*, *Rondeletius*, *Matthioli*, *Aldrovandus*, & alii plures, docent; undè se vidisse refert *Rondeletius* partem à Marino Dracone punctam in tumorem erigi, & cum doloribus vehementissimis inflammari, quæ si negligatur faciliè gangræna corripitur; unde colligitur, Venenum hujus Animalis non solum pendere à figurâ spinæ, quâ ferit, ex quo dolor vehemens, sed ab humore quodam acido-sylvestri, [cujus particulæ coagulare valent cruorem, & primò in parte læsa, undè tumor, & gangræna postmodum oriuntur, non sine mortis metu. *Plinius* ergò ait, Draconem Marinum impositum ictui remedium suum esse, ut & Cerebrum ejus potum; *Aëtius* pariter locum percussus fricari jubet cum plumbo, ipsumque Draconem dissectum plagæ imponi. Præterea commendatur serpillum, & lenticula in cataplasmate imposita, vel sulphur cum aceto; *Avicenna* Allium proponit; *Dioscorides* Ocymum; *Serapio* Plumbum ustum; *Rondeletius* folia Lentisici; *Thlaspium Genuense* *Aldrovandus*; sin autem gangræna partem occupaverit læsam, locus affectus tunc scarificandus, & Spiritu Vini, aceto, & Emplastris appropriatis cum Theriaca utendum est; Draconis autem Terrestris Venenum insigi non sine dolore voluit *Avicenna*, imò notat mares in vulnerando, foeminis esse deteriores; symptomata hujus morsus examinans *Nicander in Theriac.* sic canit

*Nec tamen ille graves, ut cætera turba, dolores
Si velit, infixo cum fortè momorderit ore
Suscitat; exiguus non noxia vulnera punctus;
(Qui, cæu rodentis noctu quæque obvia muris)
Infligit, medicum tenuis dat plagæ cruorem.*

Carnem verò demorsam aliquem nancisci foctorem, dolorem, stuporem, & tandem interitum, cum *Aldrovando* asserunt multi Medicinæ antiqui Scriptores, & hoc Ego evenire cogito, ob partes virulentas humoris Draconis, quæ, cum acidæ sint, fixando cruorem, eumque corrumpendo foctorem gignunt, indè impedito motu, ob stagnationem factam in parte, stupor, & interitus oriuntur; *Avicenna* igitur embrocham ex aceto tepido suprà locum affectum faciendam esse probat; indè Emplastrum ex foliis Lauri, Oleum de Pyrethro, & Oleum costinum celebrat, per os verò succum foliorum Lauri cum aceto & Andromachi Theriacam præscribit; vel etiam Myrrhæ, Piperis & Rutæ partes æquales, cujus dosis sit, aureus unus in vino. *Plinius* graminis semen proponit, deindè piscem Mulum intrinsecè, & extrinsecè in tali Veneno non parum utilitatis esse allaturum promittit; *Aetius* à Draconibus percussis remedia aliorum animalium ictibus conferentia prodesse tradit; ideòque, quæ hætenus de reliquorum Venenatorum Animalium morsibus curandis dicta sunt huc etiam possunt referri

CAPUT XLVIII.

De Crocodilo.

MULTI scriptores Crocodilum ad Lacertorum genus retulère; hinc *Palladius* hanc Bestiam quasi generis vocabulo Lacertum appellavit, cujus etymologiam *Isidorus* à calore suo deducit, dum Crocodilum à croceo, quo refertus est colore nominat; Animal amphibium est partim in terra, partim in aqua vitam ducens, quadrupes oviparum, cujus Ovum non majus quàm anseris, & foetus indè exclusus proportionem est; crescit deindè & magnitudine excedit duodeviginti cubita teste *Plinio* & *Wottono de diff. animal. Lib. 6.* Sunt qui

qui eum tandiù , augeri quamdiù vivat confirmet ; vivit autem dici , & vitam , ut dixi , habet terræ , amnique communem visus in aqua hebes , extrà verò acerrimus ; Unum hoc animal superiori mobili maxillâ imprimit morsum , inferiore enim habet immobilem cujus dentes exerti , magnique pro corporis ratione , lingua inferiori annectitur maxillæ , quæ vix sentiri potest parva adeò , ut non linguam , sed locum tantummodò linguæ habere putaveris , crura habet à latere adjuncta , & in summa humo expansa , pedes parvos , cutis ejus in tergo corticea contrà ictus omnes invicta , in ventre verò mollis , tenuisque est ; Dies in terra agit , noctes in aqua ; quatuorque hyemis menses inedia semper transmittere dicitur in specu ; cujus animalis vita extenditur ad annos sexaginta . Terribilis hæc Bellua fugientes insequitur , insequentes fugit ; Plura de hujus animalis descriptione volens legat citatum *Wottonum lib. 6. Cap. 105.* Nonnulla curiosa circa Crocodilum refert *D. Stubbles apud Oldemburg. Act. Philosoph. Angl. ann. 1668. mens. Junii* ; & præsertim circa lapidem , qui reperitur in ventriculo Crocodilorum , qui non est nisi congeries plurium lapidum deglutitorum ab hoc Animali , quod cum os habeat valde amplum , & dentes fortissimos , hinc est , quod vulnus quoque morfu infligit sat magnum , per quod exitiale Venenum in Corpus infundit , hujus autem morsum acerbissimus insequitur dolor , sanguisque ob tam manifestam continui solutionem primò quidem purus excernitur , quem paulò post sanies virulenta , acris , & foetida sequitur ; In parte demorsa tumor , & inflammatio , nec non pustulæ adustæ , & nigricantes excitantur , & vomitus , febris ardens , sudor frigidus , Lipothymia , aliaque prava insurgunt symptomata ; & tandem mors brevi temporis spatio supervenit . Cùm enim hoc pessimum Venenum constet ex particulis acido-acribus penetrantissimis , hinc est , ut introductæ in massam Cruoris , partim dissolvendo , partim lacerando , partimque coagulando , symptomata prædicta producant ; aciditate enim suâ fluidos humores promptiores ad fixationem coagulant ; serositates fundunt acredine suâ incidenti : acuminibus enim istarum partium vellicantur fibræ , & continuum sol-

vitur,

vitur; unde dolores fortes fiunt; Notandum verò cum *Solino*, Crocodilum ob dentum seriem, quæ pectinatim stringit. horribilem inferre morsum, unde *Diodorus Siculus* asperitatem horum dentium contemplans, pronunciavit; partem dentibus Crocodili laceratam, nunquam sanari; At *Arnaldus Villanovanus* remedia mor sui Canis rabidi convenientia commendat; Alii humanum Stercus superimponunt vulneri salutem sperantes, aliter nitrum cum Melle lævigatur, & imponitur, donec ulcus repurgatum fuerit, postea cum Melle, Butyro, Medulla Cervina & Adipe Anserino adhibetur; *Aetius* lenticulam coctam cum melle contusam laudat; deinde *Ervi* farinam cum melle subactam, aut *Iridis* radicem cum melle pariter mixtam super ulcus ad instar Emplastri collocat. *Aegineta* demorsos a Crocodilo ejusdem Animalis adipe liberari ait; Nonnulli muriam imponunt sequenti *Dioscoridus* idem, qui Sal tritum commendat; Feles Sylvestres ob contrariam quandam affectionem demorsos a Crocodilo sanare scribit *Ulysses Aldrovandus de Quadrup. digitat. Ovir. lib. 1. cap. 15.* Notare autem oportet cum *Sennerto*, virus parti affectæ communicatum omnibus modis, de quibus hætenus sæpè est dictum, esse extrahendum, inde vulnus spiritu Vini in quo dissoluta sit Theriaca, abluendum; internè verò exhibenda sunt alexipharmaca jam satis nota cuicunque Medico Practico.

CAPUT XLIX.

De Lacerta.

ET SI Lacerta adeò Venenosa non sit, quia tamen à *Sennerto* ponitur in numero animalium Venenosorum, ideò & hujus Venenum breviter examinabimus, ne aliquo præsens Tractatus deficiat; Cum enim Lacerta dentes habeat admodum subtiles, parvos, nigros, iique post morsum plerumque in vulnere remaneant; hinc est, quod vulnuscule mor su ejus in

Jos. Lanzoni Opera. Tom. I.

Q

flicta

infecta curatu sunt difficilia, simul etiam omni Veneno eas non carere ait *Sennertus*; symptomata enim quæ inducunt, id etiam docent; nam demorfi à Lacertis, vehementem dolorem sentiunt in loco affecto, e vulnere primum sanguis excernitur, paulò post verò sanies graveolens, & caro circà puncturam pallescit, tumet, & putrescit; Ex quo apparet primò dentes Lacertæ, etsi exiguos, remanentes in vulnere, solventes continuum, dolorem excitare; indè particulas acidas humoris venenosi Lacertæ introductas in vulnus sanguinem fixare; unde tumor; inde fixatum cruorem putrescere, ex quo sanies graveolens effluit. Ut indicationibus igitur satisfiat, primò, dentes in vulnere relicti sunt, extrahendi, locum affectum oleo, & aqua calida fricando; postea sugendo, vel cucurbitulas ei applicando, postea vulnus, eo quo Viperæ morsum modo, tractare convenit; Juvare etiam tradunt, spongiam calido aceto imbutam imponere, partemque læsam, sale, Butyro, & melle mixtis simul inungere; Commendatur igitur Emplastrum confectum ex Allio, & foliis malvæ coctis, & contusis, fursuribusque cribratis, & Oleo Rosaceo; Cataplasma pariter parant alii ex Triticeï panis medulla cum decocto Rutæ, Calaminthæ, Allii, & Gentianæ, & secundùm artem confectum apponunt parti vulneratæ; interim sanè non inutile erit alexipharmaca proposita in anterioribus Capitis exhibere.

C A P U T L.

De Stellione.

A SCALABOTES dicitur Stellio, & est genus Lacertæ, vocatum, à *Ferrante Imperato* Lacerta Chalcidica antiquorum, quod Animal eo quia maculas parvas in dorso instar Stellarum habet ideò Stellio nuncupatur; hinc *Reusnerus* cecinit.

. . . . à Stellis Stellio nomen habet.

Poetæ hoc nomen à Puella, qui Stelles vocabatur educunt, de qua fabula legatur *Ovidii Metamorph. lib. 5.* hoc verò Animal non solum intrà Corpus, sed & morfu homini, & aliis etiam Animalibus nocet; morsusque ejus perniciosissimus est, & naturali astutiâ Stelliones præditos esse ait *Sennertus*, ut nobis damnum inferant teste *Plinio*, quoniam nullum Animal fraudulentius invidere homini tradunt, & pestiferos Stelliones in Græcia, & innocuos in Sicilia reperiri scribit *Wottonus lib. 6. de different. Animal. Cap. 110.* in Italiæ tamen quibusdam locis eorum morsus exitiales sunt, ut testantur Authores; Si ergò Stellionis caro sumatur, aut liquor in quem incidit bibatur, eadem in oesophago, Stomacho, & Intestinis symptomata qualia assumptis Cantharidibus in Vesica excitari solent; Nam in ventriculo, & potissimum ejus orificio superiore dolor vehemens deprehenditur, ardor Stomachi ægrotum affligit, vomitus excitatur, lingua inflammatur, caput dolet, & facies, *Plinio* teste, lentigine obducitur; Demorsi autem à Stellione, dolorem in parte affecta sentiunt contium, punctura livescit, & alia oriuntur mala, quæ accidunt demorsis ab aliis serpentibus, ut notat *Sennertus lib. 6. Prax.* Ex quibus patet, particulas istius Veneni acres esse, & volatiles, quatenus scilicet suis Salinis acuminibus irritando fibras Ventriculi, Vomitus excitant, & pungendo, dolorem, ac inflammationem pariunt; Si ergò vel Stellio sumptus, vel potus in quo Stellio fuerit suffocatus haustus sit, statim vomitus aqua tepida, & Oleo Violarum provocandus est, postea clyster injiciendus confectus ex Decocto Maluæ, & Althææ, aliisque lenientibus; pariter patienti exhibenda sunt juscula pingua, Butyrum recens, Cremor Ptisanæ, lac, emulsiones amygdalarum dulcium & similia. *Aetius* autem demorsos à Stellione juvari ait, si Cæpæ, & Allia cataplasmatibus modò vulneri imponantur, eademque comedant, & Vinum meracum post eorum assumptionem bibant; Sin verò Venenum Stellionis haustum,

& ore sumptum, sive morſu communicatum fuerit, alexipharmaca adhibenda ſunt, ſed ea; quæ contrà ſerpentum morſus propoſita ſunt in Capitibus antecedentibus.

C A P U T . L I .

De Salamandra.

SALAMANDRA ſic vocatur teſte *Iſidoro Orig. Lib. 12. Cap. 5.* quòd contrà incendia valeat, quæ etymologia propemodum jocofa reputatur a *Gefnero* & *Aldrovando*, qui Salamandram dicit, quaſi Selimandram, quia inter ſpatia inania caularum, & ſpeluncarum ſtabuletur, cujus Animalis inter omnia venenata viſ maxima eſt, ſi enim, ait *Iſidorus*, arbori irreperſerit, omnia Poma inſicit Veneno; & ſecundùm *Matthiolum* hoc inſitum habet à natura, ut cum aſpectu horribili præditum ſit, intuentibus naſeam pariat; igni autem reſiſtere dicunt multi, undè *Q. Serenus Sammonicus* cecinit

Seù Salamandra potens, nulliſque obnoxia flammis.

Verùm à Majoribus noſtris falſa, & fabuloſa afficta, & addicta eſſe Salamandris ait *J. P. Wurfſſbainus in Miſcellan. Curioſ. Dec. 2. ann. 2.* Quidam enim Salamandras non modò omninò impunè ignis fervorem ſuſtinere; ſed in eo, tanquàm in elemento proprio, vivere, & alimenti loco nutriri ſomniarunt; Alii rectiùs quidem ad tempus Salamandras in igne vivere; eumque lymphæ ſuæ extinguerè quidem, ſed noviter adjectis prunis, ſufflaminataque flamma concremari credidere; * Aliique tandem rectiſſimè ſtatuerunt, Salamandras ignem planè fugere, eique impoſitas ſtatim interire, & in cineres

omni-
* *Vide Tr. Phil. N. 21. 1667. Janv. p. 377. id. Albridg. T. 2. c. 6. p. 816. a 50.*

omnino redigi, id quod etiam experimentum *D. Matthiae Tilingii in observ. 60. Miscell. Curios. Dec. 2. an. 2.* satis comprobabat. At verò erroneam hanc inter Authores, sub solius fictæ autoritatis specie circumlatam inque posteros religiosè propagatam opinionem exinde potissimum enatam fuisse arbitratur citatus *D. Wurffbain*, quod primæ assertionis asseclis Salamandra non re ipsa, sed famâ tantum & nomine cognita fuerit; hinc eam adeò monstrosam, tam pictam, quam descriptam effinxere, mox capite ovillo, mox serpentino præditam, nunc cute lanuginea, nunc squammosa, nunc aspera, modò unctuosâ investitam; Rectè ergò sentiunt illi, qui asserunt Salamandram neque in igne, tanquam suo proprio elemento, vivere, neque vitam ad tempus in eo protrahere, neque singulari quadam proprietate flammam extinguere, sed in eis reliquorum animalium more interire, & comburi, non sine rationis, & experientiæ fundamento. Plura de hac re videantur in *Salamandrologia* citati *Wurffbaini* Eruditissimi Academici Curiosi. Salamandræ igitur Veneno infectis, nisi cita mors perveniat, membrum demorsum, calore nativo extincto nigrescit, putrescit, foetidissimam saniem excernit capilli desluunt, partes internæ Corporis inflammantur, sermo impeditur deficient sensus, corpus tumet, tremore concutitur, & tandem mors supervenit; Ex quo colligitur Salamandræ virus constare ex particulis septicis, Salino-lixiviosis nimirum, quæ non tantum eliquant humores, verum Carnem circa vulnus putrefaciunt, ac consumunt, undè foetidissima sanies exit, pili desluunt, & inflammantur, ait *Sennertus*, internæ partes, quatenus Salinae particulae Veneni acuminibus suis lacerando solutionem continui pariunt, undè inflammatio; & cum ista acumina etiam nervas partes adoriantur, hinc est, ut tremores, & convulsiones appareant. Ad Curationem verò quod attinet, locus demorsus quam primùm scarificandus est, venenumque vel cucurbitulis, vel aliis modis eliciendum, aut vulneri cataplasma ex Allio, Cæpa, Ruta, Sale, ac melle confectum, imponendum, vel Stercus Caprinum cum aceto; si verò humor Salamandræ venenatus intus sit assumptus, statim vomitus,

tus, Oleo, & aqua calida, aliisque medicinis vomitoriis, est provocandus, ut extra tale virus propellatur; In utroque vero casu sunt necessaria Alexipharmaca, & in specie *Dioscorides* laudat Resinam Pini, aut Galbanum ex melle linctum; utile etiam est Mithridatium, Chamæpytis, Grana pini, folia Cupressi, Semen - Urticæ; Nucleos Pini, commendant alii, ut & Cinnamomum, Lac Vaccinum, Vinum vetus &c. & *Sennertus* sequens Electuarium proponit.

℞. Baccarum Juniperi, Assæ fetidæ, Piperis nigri, ana. 3. ij. Castorei, foliorum Rutæ, Radicis Pyrethri ana 3. j. cum melle despumato fiat Electuarium a 3. j. ad 3. ij. cum haustu vini veteris exhibendum.

Therebinthinam insuper, & Styracem præscribit in suo libro de Venenis Cap. 20. *Ambrosius Pareus*; Carnem Testudinum Marinarum *Ardoynis*, & Rutam *Plinius*.

C A P U T L I I.

De Hirudine.

L I C E T Hirudines, quæ ab hauriendo dictæ sunt, juxta *Charletonum* in usum medicum veniant, & aliquando earum appositio venæ Sectionis vices supplere videatur, attamen si in aquis impuris vixerint, vel si avellantur, & dentes suos in carne delixos relinquant, non solum ulcera pessima; sed & mortem etiam inferre possunt, ut testatur *Sennertus*; undè *Messalinum* è Consularibus Patriciis, cum ad genua (alii *genis* legunt) admisisset hirudines, inde interemptum fuisse refert *Plinius*; *Hist. Natur. Lib. XXXII. Cap. X.* Sic ergò laudantur ab Anglis, & culpantur à Belgis; Et *Walaus* in *Method. Medendi* eorum usum necessarium non esse ait; si enim sanguinem libido est evacuare, commodè id per venæ Sectionem peragitur; præter-

præterquam quod tria incommoda ab earum usu provenire asserit, nempe quod ulcuscula relinquant sæpè maligna, id quod in primis diebus canicularibus, dum syrius ardet, facere soleant, inde quod pro vena nervum sæpè vicinum lædant; tertio quod non sufficientem copiam exsugant; Nonnunquam etiam hirudines cum aquis impuris bibentibus, per os ingrediuntur, vel statim faucibus adhærent, vel ad Ventriculum usque descendunt, & excitant fustionem in illo valdè molestant, sic de Hirudinibus Puellam necantibus historiam narrat *D. Samuel Ledelius in Misc. Curios. Decur. 2. ann. 2. Obs. 142.* quod etiam aliâ historiâ confirmat *Timæus Cas. Med. Lib. 7. cas. 9.* & de morfu hirudinis noxio sermonem habet *D. Gothofr. Schulzius Miscell. Curios. Decur. 2. anno 4. Observ. 24.* de hirudinibus deglutitis legatur *Ulysses Aldrovandus de Insect. lib. 7. cap. 11.*

Externæ Hirudines malæ conditionis, vel non rectè applicatæ non solum, ut suprà dictum est ulcera, sed gangrænâ quandoque excitant; & hujusmodi historias duas narrat *Schenckius Lib. 7.* primam ex *Gesnero* desumptam, alteram ex *Laurent. Scholzio*, cujus gangrænæ curatio pari modo procedit, ac curatio gangrænarum ex morfu Animalium venenosorum ortarum quam & in meo præsentî Tractatu, & penès alios Medicinæ Scriptores Lector habebit; Si autem faucibus adhæreat sanguisuga, oculis cum pateat manuum ope tollitur, sanguis adstringenti liquore cohibetur, ac facillè curatur; Quod si verò per os ingesta ad Ventriculum usque pervenerit, tunc interrogare ægrum oportet; nam, inquit *Galenus*, cum viderem hominem integra valetudine præditum, & sanguinem evomentem, interrogavi, quâ victus ratione antea fuisset usus; ille verò inter alia, quæ narravit, hoc quoque addidit; quod cum nocte quadam sitiret, missò puero, qui aquam afferret, ex immundo fonte bibisset; quibus auditis sciscitatus sum (sequitur citatus *Galenus*) apparuissent nè aliquandò sanguisuga in ipso fonte; qui cum id quoque fateretur, epoto subinde idoneo pharmaco, hirudinem vomitione rejecit; sed cum *Aëtius* cæteris plerisque Scriptoribus de signis epotarum sanguisugarum tradiderit melius, ejus verba primò placuit mihi subnectere, inde

indè curationem indicare ; hirudines ergò , inquit citatus *Aëtius* , cum aqua devoratæ faucibus adhærent , aut uxtà quempiam Stomachi locum , aut ipsi ori ventris : & primum quidem sensim exugunt sanguinem : expletæ autem , his quæ deglutimus viam obstruunt : super expletæ verò , etiam sanguinem quem exuxerunt foras profundunt , ut imaginationem inducant tantum sanguis ex internis locis rejectetur. Cæterum qui affectis contingit exsuctionis sensus , is signum est hirudinem esse deglutitam , quod idem *Aldrovandus* fatetur de *Insect.* quomodò autem hirudines appositæ remedii loco , sint evellendæ sine damno , docet *Sennercius Institut. lib. 5.* quod si vulnus , ut supra dixi , ab hirudine inflictum non benè cadat , imponantur folia Lauri , vel Centaurium contusum cum vino mixtum , vel fiat cataplasma ex Alho , Ruta , Galbano , Majorana , Castoreo , & Oleo veteri ; utilis etiam est Agrimonia contrita , illiniri quoque potest vulnus sanguine Testudinis Marinæ ; si autem ventriculo hirudo sit infixæ , æger muriam tepidam , vel acetum bibat , quibus aliquid Aloës admiscendum , indèque provocato Vomitu excludatur ; nivem , & aquam frigidam in hoc casu commendant aliqui , ut ex *Nicandro Jac. Grevinus* cecinit

*Tum fustum patera confestim potet acetum
Sive nivalis aquæ gelido se se irriget haustu ,
Sapè , & hyperboreo concretam flamine crustam
Porrigè.*

Oxycratum per se tantum non inutiliter dari ait *Aldrovandus* ; Rejecta per vomitum Hirudine , commendatur Absinthium , ut vulneri pravo & interno occurratur ; ut & Nasturtium , Salvia , Gentiana , Cæpa , Myrrha , & Pimpinella ; si autem sanguis rejiciatur , adstringentibus utendum est , ut verbi gratia , Conserva Rosarum Antiquarum , Bolo Armena , Terra Sigillata , Syrupo Cydoniorum , Myrtillorum , Aqua Plantaginis , Portulacæ , & Burræ Pastoris , similibusque.

CAPUT LIII.

De Scolopendra.

SCOLOPENDRA eruca hirsuta est, quatuor pedibus prædita adeò exiguis, ut iis propemodum carere videatur, teste *Aldrovando lib. 5. de Insect. Cap. 15.* Porcus lutosus dicitur à *Charlesono in Onomastic. Zoic.* quod Animal pari facilitate in partem anteriorem, & posteriorem progreditur, & sic quoque ex parte utraque morfu suo est noxia; ad cujus morsum, seu ictum, locus undique livescit, putrescit, & vini rubri foetibus similis videtur; hinc demorsi à Scolopendra pruritus sentiunt in toto corpore, ut quem urticæ puncturæ excitant, undè Oppianus cecinit.

. . . . Si quis modò cominus illum
Attigerit, fervet sæda prurigne Corpus,
Qualem urtica facit cognomine dicta doloris.

Hanc autem non ore mordere, sed tactu totius Corporis ait *Wottonus de different. Animal. lib. 9. Cap. 212.* Hujus itaque Animalis virus consistit in sale volatili acri, cujus particulæ insinuatæ in partem nostri Corporis suis spiculis continuum solvendo & lacerando, dolorem inflammationem, ac tandem putredinem excitant, dispersæ autem mediante humorum circulo per universum Corpus, pruritus universalem pariunt, ac tandem compagem cruoris dissolvendo, mortem inducunt; Ut autem succurratur ei, qui ictus Scolopendræ passus fuerit, primò plaga acidâ muriâ, vel oleo calido est fovenda ex suasionem *Sennerti*; Prodest indè ex *Aëtii* consilio Cedria cum melle & Allium cum foliis ficus, & vino; Commendatur ab *Aldrovando* Ruta Sylvestris, cum floribus asphodeli, foliis menthastri, Mentha, Serpillo, Pulegio; Urina Pueri, Cancrî Ma-

Jos. Lanzoni Opera. Tom. I.

R

rini

rini Cinere, farina hordei &c. Præferunt Antiquorum nonnulli denique cinerem aceto subactum, & vulneri illitum.

C A P U T L I V.

De Bufone.

EST Bufo animalculum gressile quadrupes è suo Ovo ortum, aspectu deterrimum, & Venenosum. Dicitur autem Bufo, teste *Charleto*, fortè quod in appropinquantibus maximo impetu spiritum efflat, vel quia visò hoste, spiritu suo intùs cohibito, se se inflat; *Rubeta* à multis dicitur, quia inter rubos frequenter versatur, *Veneri bursa* à *Kirchero*; *Geophagus* ab aliis nuncupatur, quia terra victitare creditur; magnitudine ranam superat, corpore est crasso, dorso lato, ventre turgido, & inflato, undè ob gravitatem saltare vix potest; Cute durissima, & tuberculis quibusdam veluti exasperata, colore lurido, & nigricante, ac in ventre maculoso; naturæ quodam instinctu horrorem aspicientibus incutit; ipsoque vultu, & incessu, & locis, in quibus stabulatur, opacis, concavis, squalidis, & putridis, malignum, & noxium se esse fatetur; Hinc puto naturam nobis venenatorum Animalium metum ingenerasse, ut ea fugiamus; quis enim ad Serpentis aspectum, non totus cohorrescit, & se subducit? Dentibus Bufo non habet, & tamen, aliquando faciem & alias hominis partes pertinaciter stringit, obsedit & fugit, ut indè mortem esse consequutam refert *Clariff. D. Christ. Franc. Paulinus in suo Bufone Sect. 1. cap. 3. §. 6. & Georg. Stengel. de Monstris Cap. 7. §. 5.* Vocem, seu sonum aliquandò edit, sed obscurum, & in Gallia Bufones cornutos esse ait citatus *Pauhnus*: Baculo verberatus, inflato corpore, virus seu liquorem primò è clunibus exprimit, indè sudat, cujus Sudoris Lactei guttæ admodum gravis, & putidi sunt odoris, & docuit *D. Simon. Paulli, hunc*

hunc liquorem virulentum , instar urinæ fluidum , peculiari capsula , seu vasculo esse contentum , vesicæ analogum , cui sententiæ inhæret citatus D. *Christ. Franc. Paullinus*. Gaudet Bufo stabulare cum Salvia ; undè ex istius incauto esu varios fuisse mortuos referunt Autores ; sic non longè à Tolosâ , teste Pareo *Lib. 20. Cap. 24.* bini Mercatores illotis Salviæ foliis in vinum coniectis , illicò atque id bibissent mortui sunt ; Et sponsus cum Amasia juxtâ Salviæ fruticem hilariter ludens , dentesque , & gingivas foliis ejus confricans subitò extinguitur ; Sponsa autem de veneficio suspecta innocentiam suam declaratura ex ipsâmet Salvia folia decerpit ostendens , amasium hoc modò , quo tunc ipsâ , deterfisse dentes , & gingivas , eodemque fato periit , ut ex *Mizaldo in Cent. 1. Memorabil. habetur* ; Caveamus ergò necesse est , ne illotam , & inexpressam Salviâ temerè olfaciamus , in sinu gestemus , ac manducemus , ut fusiùs advertit Clariss. D. *Paullinus in sua Salvia Sect. ultim.* *Kircherus de Pest.* narrat luctuosam catastrophem Monasterii cujusdam in Germania , qua Monachi intra unius diei naturalis spatium ad unum extincti sunt omnes , incuria Coqui , qui Carnes coxerat in lebetè immundo , in quem Bufo pinguedini inhians , noctu irreperat , suoque Veneno infecerat , Similemque historiam recitat *Munster in Cosmograph.* ; Juvenis Bufonem incautè occidens , ad tantum totius Corporis devenit Stuporem , ut biduò sterteret sinè pulsu , teste *Paullini de Bufone Sect. 1. Cap. 3. & Excellentiss. D. Hannemannus Collega plurimùm honorandus in Miscell. Cur. an. 1. Dec. 2.* historiam habet de Puero , Bufonem Lapide petente eundemque semper eadem manu reassumente , qui Veneno Bufonis adeò tandem infectus est , ut utraque manus intumuerit & totum Corpus tumidum , Asthmate præcordiali subsequente ; Notandum verò cum Clariss. D. *Schröckio in Miscell. Curios. Decur. 1. ann 9. & 10.* in America Bufones veneno carere , non ità tamen in Thuringia ; refert enim Eruditiss. D. *Paullini in Apend. Misc. Curios. ann. 5. Dec. 2.* historiam de quodam Thuringio , qui in Sylva excurrens , offendit in agro inusitatæ magnitudinis Bufonem , quem lapide petens , eundem à corpore bestiolæ

resilientem, & jam, ut falsus est, Veneno ejus madidum, eadem reasumpsit manu jactu repetito; succedit inflammatio dextræ valdè dolorifica, efflorescentibus in ea pustulis vesicisque viridibus lutei planè ichoris plenis; mox tota manus, cum dimidio brachio in immensum intumescens horrendos peperit cruciatus, adeo ut difficulter curatus sit; Ex quibus apparet, quanta sit vis Veneni Bufonis, undè *Cardanus* affirmat, si Sal quo Bufo extinctus est, in aqua dissolvatur, & in ea indusum layetur, hominem hoc indutum gravissimâ & incurabili scabie corripit. Hinc *Eustachius Rudius*, Bufonis morsum, & pulverem tanquam Venenum teterrimum detestatur, & licet morsus hujus Bestiæ dentibus carentis sit illegitimus teste *Aldrovando*, attamen particula gingivis compressa madescit Saliva, quæ per cutis spiracula ingrediens venenat, & præcipuè si Bufo ad iram prius inflammatus fuerit; Quapropter venefici hoc Animal suspendunt, & virga percutiunt; indeque spumam dimanantem, pestiferum virus esse testantur, undè *Juvenal. Sat. I.*

*Occurrit Matrōna potens, quæ molle Calenum
Porrectura viro, miscet sitiente rubetam.*

idemque Satyr. 3.

*Funus promittere Patris,
Nec volo, nec possum; ranarum, viscera nunquam
Inspexi*

Jecoris enim Bufonum fibra altera perniciofa esse fertur, altera veneno resistere.

Hujus Veneni signa sunt, referente *Dioscoride*, Tumor, Pallor, spirandi difficultas, singultus, & invita effusio genituræ, *Avicenna* prædictis signis addit gutturis inflammationem, singultum cum vomitu, vertiginem, dysenteriam, & animi deliquium; Et de hujus Veneni malitia loquens *Aldrovendus de Quadruped. digitat. ovip. Lib. 1. cap. 2.* ait, hoc esse Venenum, ex quo pauci evadunt, & qui fortè curantur, juxtà *Avicennam* ut plurimum fiunt edentuli; Istius autem Veneni energia consistit

consistit in Sale volatili actuosissimo ; particulæ enim istius facilimè moventur , ac penetrant , undè pertimescendæ sunt etiam exhalationes , ut historiæ prædictæ testantur , introductæ itaque vel in Chylosam , vel in sanguineam Massam salinæ illius Veneni particulæ spiculis primò suis partes internas pungunt , ac inflammationem excitant , & irritando fibras ventriculi singulum , ac Vomitus concitant , & spiritus animales fugando , vertigines pariunt , ac tandem cruorem fundendo , mortem inducunt ; Quare autem Bufo combustus non lædat , ratio in promptu est , siquidem per exsiccationem , & vstionem , omnes , vel saltem majori ex parte particulæ illæ salinæ volatiles virulentæ evanescunt , & sic absque vitæ discrimine in cibum venire possunt Bufones ; De hac re plura legantur eruditè scripta ab Illustriſſ. Domino *Luc. Schrockio* Patrono meo Colendissimo in *Miscell. Curios. Decur. 1. ann. 9. & 40. Observ. 165. pag. mihi 364.* ubi de Bufone per alvum excreto curiosam observationem habet ; Quod autem attinet ad curationem , notandum est , Cancros fluviatiles tritos , & potos adversus Rubetæ Venenum laudare *Plinium* ; Cinerem Bufonis commendat *Albertus* ; Salivam hominis *Mizaldus* , Vomitus , ac Vini potionem laudat *Dioscorides* , Terram sigillatam , extollunt alii ; multà Melitensem , quam vulgus *gratiam S. Pauli* appellat , hanc enim cum Saliva subactam ex *Paracelso* Rubetæ veneno utiliter imponi ait *Aldrovandus* ; Insuper commendatur *Smaragdus* , lapis in Capite Bufonis repertus , *Theriaca* , *Mithridatium* , *Quinta Essentia Theriacalis Matthioli* , *Oleum Scorpionis Matthioli* , ac nostrum contra pestem dictum . Nec prætereundum , *Conciliatorem* jubere ægrum in mulum recentem exenteratum ingredi , ibique morari donec Cadaver frigidum fiat , totiesque exenteratum mulum . vel equum , vel Bovem , si Mulus desit , intrare , donec effuso copioso sudore ægrotus liberetur ; *Aëtius* verò mulis , aliisque animalibus postpositis patientem in clibanum , vel alium calidissimum locum ingredi præcipit , ut evocato sudore , nocumentum cesset . Antequàm verò præsens de Bufone Caput claudam , nonnulla curiosà circa Venenum Rubetæ virulentæ , ex variis auctoribus collecta tradam ,

tradam, ne aliquid, quod ad nostram faciat materiam, prætermittere videar. Bufonum igitur olfactum, tanquam nocentissimum cavendum esse ait *Cass. à Reies Campus Elys. Juc. Quæst. num. 96.* cum vaporibus ab illo expirantibus homines stupefaciat, intoxicet, enecet, ut *Ardoynis*, & *Ponzetus* asserunt; execrabilem quippè esse illorum halitum, ac summè venenosum docent etiam *Porta*, *Libavius*, *Zacchias* & *Philip. Salmuth.*, qui scribit de Bufone, qui hospitium pestilenti adeò halitu insecerat, ut quamplurimi ibi pernoctantes, sequentem solem non viderint, quousque tandem conspectâ, atque interemptâ truculentissimâ bestiâ, hospitium ab infectione liberum evasis; quare audiendus non est *Pigræus Chirurg. lib. 7.* qui negat dari posse Venenum, quod ad distans olfactu, aut odore offendant, cum tamen hoc sæpius visum fuerit, ut Medicorum historiæ passim demonstrant. Tale autem est Bufonis Venenum, tantæque malitiæ, ut Mustelam à longe etiam ad se trahat, ac occidat. Bufo enim, teste *Petr. Gassendo in Physiol. Epicur.*, emit tit quasi hamulos, cordulasque, quibus mustelam corripit, & in os suum pertrahit, tametsi invitam, resistentem, & qui-ritantem.

Renarum rubetarum jecoris alteram fibram à formicis non attingi propter Venenum, inquit *Wottonus de Animal. different. lib. 6. Cap. 108.* hinc *Timæus*, & *Neocles Medici*, Rubetas dicunt bina jecora habere, & alterum quidem occidere, alterum alteri adversantem salutem afferre; de hac autem re fides sit penes citatos Autores; Maxima foveri anthipathia inter Bufones, & Araneos ait *Schroderus lib. 5. Pharmac.* adeò ut, si Bufo subter Araneam ponatur cum impetu illum interemptum hæc descendat; Notat autem *Frider. Hoffmannus*, (& jam olim *Erasmus in Colloquiis*) ab araneis ictos Bufones Plantagine admorsa sibi mederi; sicuti lacerta à Vipera faucia subindè novas acquirit vires Galegæ herbæ esu. Veneno etiam Rubetæ antidotus est Aranea imposita de qua re audias fabulam Britannicam ex *Erasmo in Colloquiis*: Scis, inquit ille, illic conclavium solum consterni scirpis virentibus. Monachus quidam fasciculos aliquot scirporum in cubiculum congesserat, sparsurus cum esset commo-

commodum. Is quum à prandio supinus dormiret, Bufo ingens erepsit & os dormientis obsedit, infixis superno atque inferno labro quatuor pedibus. Detrahare certa mors erat, non amoveri quiddam erat morte crudelius. Quidam suaserunt, ut Monachus ad fenestram deferretur supinus, in qua ingens araneus habebat telam. Factum est. Mox araneus hoste conspecto filo se librat, & Bufoni spiculum infigit, ac filo se recipit in telam. Intumuit Bufo, sed non est avulsus. Repetitur ab araneo magis iutumuit, sed vixit. Tertio ictus, abduxit pedes ac mortuus decidit. Hanc gratiam araneus, retulit hosti suo. Sunt qui putant, lapidem Bufonis præsentem poculo venenato colorem mutare, ac sudare; verum de hoc fides penes experimentum servatur. De hoc autem Bufonis lapide, licet *Brasavolus* scribat, se in capite hujus Animalis Lapidem invenisse, credo potius fuisse frontis os in lapideam duritiem concretam, cum Animal terrâ sæpè alatur; quo circa *Gesnerus* sibi persuadere nunquam potuit, solidissimum lapidem in Bufone generari posse, quia summa durities à summis causis efficientibus dimanare debet. *Porta* quoque fatetur, se dilaniasse multas Rubetas, nec unquam lapidem ullum invenisse, propterea illum, qui pro lapide Bufonis passim ostenditur, mineralem esse existimat; *Aldrovandus* verò lapidem, quem sub hoc nomine venire volunt ossæ potius substantiæ ad mentem *Brasavoli* & *Gesneri* esse opinatur. Alii verò dixere talem lapillum nasci ex illa spuma viscosa, quam Bufones hyberno tempore in cavo congregati in caput magni Bufonis afflant; Hinc *Christophorus Salveldensis* hunc lapidem in quadam specie Rubetæ, apud Gallos, & Hispanos tantummodo oriri dicit; quæ Rubeta cornuta est, maculis croceis, & nigris liventibus insignita, nomine *Borax*; Lapillus verò ejusdem nominis, magnitudine mediocris fabæ, annulis includi potest. De hac re plura apud *Mizaldum*; & *Aldrovandum*.

CAPUT LV.

De Mure Araneo.

DICITUR hoc Animal Mus, ob magnam muris similitudinem, & Araneus, quia edita petit instar Aranei, quocirca *Spuntonus* ait sic dici Murem propter figuram, & ob agilitatem Araneum, cum super tensum filum vel gladii aciem impunè ambulare possit. *Gesnerus* verò putat Araneum vocari, ob veneficam potestatem, quam habet. Mus ergò Araneus, *Mustela* multò minor est, cinerei coloris, dentes habens, tenues, brevem ac gracilem caudam, rostrum verò longum, & acutum, os illi oblongum, & dentes in utraque maxilla duplici ordine sunt digesti, indeque fit, ut à mure Araneo morfi facillimè dignoscantur, nam quadruplici ordine morsus impressio cernitur; & notat *Wottonus de different. Animal. Lib. 5.* hoc Animal plerumque testes impetere, non hominis modò, sed etiam aliorum animalium. Venter hujus albicat, pedes posteriores planè in postrema corporis parte hærent. Totum hoc animal graviter olet, & vel odore Venenum suum prodit; & habet oculos nigros, & minimos, paulò majores, quàm talparum, ità ut ab aliquibus cœcum esse sit judicatum Cœco Intestino caret; aliaque plura de hujus Animalis descriptione legantur apud *Gesnerum*; Solummodò notandum cum *Willughbeo*, murem Araneum à mure domestico differre per multa, id est, quia minor, quia rostro porrectiore sit porci instar, quod quinque digitos in pedibus habeat, oculos minores, aurículas breviores, ungues albos, longiores, & dentes incisores à molaribus non differentes; & notat *Sapientiss. D. Mangetus in Biblioth. Pharmac. lib. 12.* post *Gesnerum*. Murem Araneum feles quidem capere, & occidere, sed non edere tanquam Venenosum, sic fortè à natura edocti. Morsum ergò infert

infert periculofum, & mediante illo introducendo liquorem Salivalem exitialem corpori humano Venenum communicat; & non folum venenofa iftius animalis qualitas in eo vivo invenitur, fed etiam in ejus mortui partibus venenum effe dicendum eft; Siquidem fanguinem Muris Aranci defecatum & ficcatum, atque in pulverem nefarie propinatum Pthifim inducere volunt aliqui. Vulnus autem, quod Mus araneus infligit, ob dictam dentium multitudinem fat manifestum eft, & ab eo fanguis primò purus effluit, paulò post verò faniofus, & putridus, dolor adest vehemens, inflammatio, & ulcus; Circà plagam emergunt pustulæ plenæ pure virulento, quo excreto, caro subjacens livida, qualis in Cancro confpicitur; fudores frigidi fuperveniunt cum torminibus Intestinatorum, & difficultate Urinæ; ex quibus liquet, hujus Veneni particulas acido-acres effe, irritando enim fuis acuminibus fibras affectæ partis, dolores & inflammationem pariunt, & vitiando fanguinem in parte læfa faniem efficiunt, indè penetrando in maffam cruoris, eum coagulando, difficultatem Urinæ, & ad fibras Intestinatorum proreptantes eorum dolores excitant; ad quæ fymptomata tollenda, ut curatio instituat, primò danda opera, ut Venenum Corpori communicatum foras eliciatur illis modis, quæ fuprà fuere propofiti; indè imponatur vulneri Emplastrum è Galbano in aceto diffoluto; vel ex Allio, foliis Ficûs, & Cumino contufis, ac cum oleo mixtis; ulcera verò è pustulis ruptis oborta, acida muria eluere Acrius jubet, arenam, feu terram ex rotarum tranfitu, feu orbita fumptam, & vulneri impositam, optimam effe fcribit cum Æliano Sennertus, undè Q. Serenus Samonicus cecinit

*Sin autem Muris nocuit violentia caci;
Quæ sola signavit volvendis orbita plaustris,
Illine; mira datur vili de pulvere cura.*

De hoc remedio etiam lege Plinium, Ælianum Philan, & Robert. Keuchenium in notis ad Samonicum pag. mihi 267. nec non Aldrovandus de Quadruped. Digitat. lib. 2. Cap. 33. Decodium
Jof. Lanzoni Opera. Tom. I. S in-

insuper cùm vino Absynthii, Abrotani, & Serpilli laudatur à Sennerto; Multi coagulum Leporis cum aceto vulnere imponendum exhibent; Cineres ungulæ arietinæ; Allium, Sisymbrium, Cyclamen, Braslicam, Salviam, Erucam, Semen Apii & alia, ab aliis laudantur, ut videre est penès Aldrovandum loc. cit.

CAPUT LVI.

De Araneo.

ARANEUS, notissimum est Animal, ab aëris nutrimento cognominatum, quod exiguo corpore, longa fila deducit, & telæ semper intentum, nunquam desinit laborare perpetuum sustinens in suo labore suspendium, ut verbis utar Isidor. Origin. lib. 12. Cap. 5. crusculis, ut plurimum incedit Octonis, quibus omnibus inter nodia terna; cum coire volunt, femina deductam Araneam trahit, mas eandem mutuo trahit, quod ubi sæpius fecerint coeunt, & averfis clunibus copulantur, qui modus iis propter alvum orbiculatam convenit; Generatim dividuntur Aranei in noxios, seu Phalangia, & innoxios, qui subdividuntur in domesticos, & subdiales, & utrique rursùm in retiarios, telarios, & varios; De Aranearum nutrimento aëreo ita scribit D. Christ. Frider. Garmannus Miscell. Curios. Decur. 1. Ann. 1. Obs. 120. Inclusi vitrò Araneas, ait ille clausdque exactè foramine, omnem ferè aëris usuram, iisdem abstuli; Decreverunt de die in diem, adeò ut grandiores quamvis antea, vix pisum æquarent minimum; ad incitas cùm easdem putarem redactas, acu foramina quædam operculo induxi, & illicò tanquàm famelicæ foraminibus istis se applicabant, & post unum, & alterum diem notabilem sumebant incrementum, ut etiam modò locus fuisset commodus à textura non abstinuissent; signum evidens araneum ex aëre materiam nutritionis haurire; de hoc animali sic canit Poeta apud Wottonum.

Estque

*Esque caput minimum toto quoque corpore parvo est.
In latere exiles digiti pro cruribus habent ,
Cætera venter habet , de quo tamen illa remittit ,
Sramina*

Dicitur ab *Hannemanno* bursa magnetica Veneni aërei ictu enim per exiguum vulnusculum, Venenum in corpus infundit, vel in esculenta, & potulenta illapsus, & ingestus homini nocet; undè *Mercurialis* è *Nicolao Florentino* refert, in Monasterio quodam Heremitanorum multos Monachos fuisse peremptos potu Vini, in quo fuerat extinctus; Araneus pestifer vel etiam combustus suo fumo nocet; ità legitur apud *Sennertum*, quendam Lombardum Florentiæ in hospitio Coronæ, quendam Araneam nigerrimam, & magnam combustisse flamma Candelæ, & cum fumum illius naribus excepisset, statim incepisse debilitari, & incidisse in Lipothymiam, & tota nocte passum esse pulsuum cordis, & pulsuum ejus ità minutum esse, ut vix perciperetur; Curatum verò fuisse Theriaca, Diamoscho, & Pulvere Zedoariæ mixtis. Si autem Araneus intrà Corpus sumptus sit, sive Venenum suum ictu corporis immiserit, accidunt stupor in parte læsa, horror, Ventris tumor, flatus Intestinales, pallor in facie, involuntaria lachrymatio, tremor partium extremarum, convulsio, sudor frigidus &c. Cum enim particule hujus Veneni sint Salino-nitrosæ, hinc est, quod istæ tùm extrà, tùm intrà corpori communicatæ pungendo fibras dolorem, stuporem, tremorem, spasnum, involuntarias lachrymas, & sudores efficiunt, & fundendo humores pallorem, ac tandem mortem accelerant; Quòd si Araneus intrà Corpus sumptus fuerit, curatio à vomitu auspicanda erit, qui emeticis remediis est excitandus; post vomitum offerenda Alexipharmaca, quibus sumptis ægrum ad sudorem se debere in cubile componi ait *Sennertus*; utilis est in hoc casu Theriaca, cum aqua Cardui Benedicti, Scordii, aut Vino generoso; Item Bolus Armena qua cum aceto exhibita *Fracastrorius*, quendam, ab Aranei ve-

veno penè strangulatum , sanavit ; *Dioscorides* commendat fermen Abrotani ; *Aristolochiam* , Anisum , Cicer Sylvestre , & Cuminum Æthiopicum , cujuslibet seorsim sumpti 3. ij. cum vino ; Utilis est & resina sicca Abietis , cujus usu Mulierem araneo venenatam , ab omni malo , liberatam fuisse , refert *Gesnerus* , Commendantur etiam *Serpillum* , Baccæ Lauri , Calamintha , Gentiana , Melissa , Asa foetida , Myrrha , Allium , Castoreum , Trifolium , Ruta , Centaurea , Sanguis Testudinum , Cerebrum Gallinæ . Si verò morsu Araneus nocuerit , locus demorsus sæpè aqua salsa est abluendus , aut sponsia aceto calido , vel Malvæ decocto , plena fovendus ; optimum est lac manans è foliis ficus instillare ; Cataplasma quoque ictui imponendum potest parari ex Lauri foliis , Ruta , Porro , Farina hordei , cum aceto coctis ; prodest etiam Allium ; & Cæpas contusas , Stercus item Caprinum cum vino , ut & ficus pingues imponere ; Addit *Sennertus* ægrum in balneo sæpius sudare bonum esse , & allium frequenter comedere , vinumque liberaliter bibere . Plura de hujus Veneni curatione vide apud *Aldrovandum Sennertum* , *Adroynum* , *Matthiolum* , & alios Autores .

CAPUT LVII.

De Tarantula.

HOc Animal Tarantula nuncupatur , non quia Tarenti hoc Animal virulentius sit , quàm in reliquis Apuliæ regionibus , sed forsàn , teste Clariss. D. *Baglivo* Amico meo plurimum colendo , quia Græcorum , & Romanorum temporibus civitas illa cæteris erat , aut frequentior , aut nobilior , & ideo existentibus ibidem majori numero ægotis hoc veneno laborantibus , nomen exinde Animalculum desumpsisse credo ; est autem Tarantula de genere Araneorum octo pedes habens , & in singulis pedibus terna sunt internodia ; Corpus ejus in duas

duas partes dividitur principaliores, Thoracem scilicet, & ventrem, quæ quamvis ab invicem sejuncta videantur, tenui tamen ligamentò, seu nodulò Thorax Ventri unitur; Caput à Thorace, & Humeris nullo distinguitur segmento. In Capite occurrit os, à quo prodeunt duo tela similia forcipi, quorum apex acutissimus est & hac de causâ facillimè cutim penetrant, suntque quasi duo veneni emissaria; Hos forcipes egregiè delineatos habebit Lector in *Micrographia* viri Celeberrimi *P. Philippi Bonanni* S. S. octo oculos habet, & in ano nonnullas prominentias, quæ sunt veluti emissaria filorum ad retes texendas; Pilosum est Animal Tarantula coloris varii; fusam verò descriptionem, & anatomen partium internarum, ut & ejus delineationem dabit curiosis Illustriss. & Sapientiss. *D. Georg. Baglivus* omni virtutum genere instructus, & nostrum amicissimus in sua *Dissertatione de Tarantula*; Nos, de ejus Veneno, prout ad nostrum spectat institutum, gradum faciamus; & in primis audiendus est *Thom. Willis* *Patholog. Cerebr. Cap. 7.* qui ait; Animalculum hoc in æstate valdè frequens incolas incautos sæpè mordere, atque ictû venenato afficere; undè statim dolor in parte læsa, cum pruritu, dolore, tumore, convulsione, ac tremore accidit; Succedit etiam, teste *Ardoyno*, Vomitus, Melancholia, Urinæ difficultas, & aliquandò mors festina; Diligentissimus verò *Baglivus* sequentia signa proponit; Dormientes ait ille, & incautos ut plurimum, mordent Tarantulæ; Demorfi, si vigilant, sentiunt ictum, veluti a formica, aut ape inflatum; demorsa pars quandòque dolore, quandoque stupore insigni prehenditur, circulo livido, nigro, aut subflavo, statim coloratur, paulò post in dolorem, & tumorem cedit, qui post institutam musicam, & usum remediorum spontè cum aliis recedit symptomatibus, Paucis elapsis horis à morsu, patientes ingenti cordis angore, grandi mœlittia, & spirandi difficultate primò corripiuntur, mœlita voce conqueruntur, oculis turbatis inspiciunt, & si Adstantes incedant vestibus eo colore diffusis, qui Tarantatis ingratus est, necesse est, ut ab eorum aspectu recedant, nam ad intuitum molesti coloris, angore cordis corripiuntur. Ægri tandem

definunt in Melancholiam sui generis, donec vel saltatione, vel Musicâ, vel ætatis mutatione virulenti caractères, è sanguine, & fluido nervorum penitus eliminentur, quæ felicitas de raro contingit; nam Semel demorſi, in poſterum non ſanantur ampliùs, ut certò conſtat, & innumera confirmant ſymptomata depravatæ phantaſiæ naturam redolentia, multi enim Tarantati, ſepulchra & ſolitaria loca deſiderant, in feretris mortuorum ſe extendunt tanquàm mortui; In puteum aliquandò ſe projiciunt; Virgines & Mulieres, cætero quin honeſtæ ſolutis verecundiæ habenis, vehementer ſuſpirant, ululant, indecorè moventur, partes obſcœnas patefaciunt, motum penſilem amant &c. Nonnulli volutantur in limo tanquàm ſues; alii verberibus cœdi optant, alii curſû delectantur, generalitèr verò loquendo ſymptomata Tarantatorum primo Veneni inſultu ſimilia ſunt iis, quæ in febris maligna ex coagulatione obſervari ſolent, qualia ſunt angor cordis, ſpirandi difficultas, omnimoda ferè pulſus oppreſſio, & animalium, atquè vitalium actionum jactura, Hoc autem Venenum conſiſtere puto in particulis acidis volatilibus, quæ præcipuam ſuam ſedem in liquido nervorum ſivè in ſpiritibus animalibus figunt, non excluſa etiam ipſius ſanguinis virulentâ & acidâ indiſpoſitione; hinc eſt, quod *Willis* putat, ab Animalculi hujus morſu miſcsmata quædam venenata Corpori humano inſigi, quæ tamen ſanguini, & Spiritui vitali minùs infeſta, quamprimùm ex ipſo in liquorem nervoſum tranſierint, per totam ejus maſſam fermenti inſtar ſtatim ſe explicant, atque ſpiritus Animales ubi-
vis in ea ſcatentes inſiciunt; ità quidam, ut ipſi ab invicem diſtracti; & huc illuc inordinatè agitati, affectiones ſpaſmodicas inducant, quas partium continentium modò contractura, modò languor, & reſolutio, comitantur; Cur autem, quæ à Tarantulæ morſu convulſiones dolorificæ ſuſcitantur, ſtatim à Muſica ſedatæ in ſaltationem commutari ſolent, non ità planè conſtat; Quod nonnulli aſſerunt, Animalculum hoc ſiquidem teſte *Ariſtotele* Muſica delectari; atque ea propter Venenum ejus homini inditum humores fermentando, partim Muſicæ amorem inducere, hæc conjectura animo veritatis avido minus

minùs satisfacit, utpotè, quæ, ait *Willis*, in Araneo naturam philomusicam, eandemque postea cum homine per metastasim communicatam supponit; quæ quidem utraque & gratis dicta sunt, & minùs arident, quin potius dicendum videtur, Venenum à morfu Tarantulæ liquori nervoso inflictum, mitius esse, quàm, ut spiritus animales penitùs extinguere valeat, aut distractos prorsùs dissipare & in explosiones immaniores cogere, sed eos tantùm in fugam conjicere, fugatosque hinc in spasmos leviores, ac ferè tantùm dolorificos incitare; At verò Musicam blanda mulcedine sua spiritus ità dissipatos facillè una congregare; ac mutuò associare; Quapropter cum iidem spiritus, ob miasmata virulenta ipsis adhærentia, usque in motus involuntarios, & convulsivos apti fuerint, melodia eos simul allectos in tales spasmos disponit, ac dirigit, ut seriè ac ordine quodam nervorum: corpora subeuntes certis velut in cancellis, ac orbitis ferantur, donec tandem Veneni particulis penitùs evaporatis, atque spirituum furore, ut phrasi utar citati *Willisii*, ac impetu delassato cœstrum illud omninò excusserint; enim verò Musica homines sanos & sobrios etiam invitos, aut aliud cogitantes in actiones modulaminis auditu æmulas facillè rapit, ut primò statim Tubicinis inflatu adstantes manus, & pedes agitare incipiant, & vix à saltando se contineant; ne quis ergò miretur, sequitur ipse *Willisius*, in hominibus à Tarantula demorsis, ubi spiritus Animales, velut stimulis agitati hùc illùc sponte exilire, & divagari coguntur, si citharæ impulsu in saltationes, & motus compositis excitentur, adeò ut in hisce affectibus Musica spiritus debacchantes, velut incantans, eorum motus convulsivos quodammodò regens, atque commutans antidoti loco habeatur; in quantum scilicet Animales spiritus ad hunc modum diu, ac multùm exerciti, copulam elasticam à Veneno, aut alias contractam penitùs excutiant, ipsique plurimum defatigati demùm ab cœstro, seu incitatione sua conquiescunt; Hinc *Cardanus de subtili.* ait remedium palàm esse ex Musica, quòd ad saltandum incitatur, nam saltando veternus discutitur, ac cum eo simul Venenum quod naturà frigidissimum est; non igitur musica, ait,

ait ipse, sed labore Tarantulae Venenum discutitur; Notandum verò cum *Jul. Cesare Scaligero de subtilit. ad Cardan. Exerc. 185.* Laesos à Tarantula omnes simili ter non affici, non omnes enim oblivione, vel somno premuntur; Alii autem Vigiliâ perpetuâ corripuntur, alii fient, alii ridet, quidam currunt, nonnulli sedent, sunt qui sudant, qui vomunt, qui insanunt, quare non defuere Philosophi, qui putarunt Tarantularum tot esse species, quot hæc agnoscerentur accidentia. Ast aliter videtur citato *Scaligero*, quemadmodum ebrietas non unius est modi, sed sua cuique pro natura, nam quis flet, quis ridet, blaterat alius, alter dormit &c. Ità ex hujus Animalis morsû evenire ille putat; Hoc autem Venenum singulis annis, & potissimum circa illud tempus, quo patienti illatum fuit, infallibiliter recrudesce re inquit *Clariss. D. Baglivus* Amicus meus singularis, & eruditissimus, quod si paroxysmus inopinato ægrum invadit, tunc ille, veluti fulmine tactus, humi concidit semimortuus, manus, facies, aliæque extremitates denigrantur, suffocatione, & spirandi difficultate corripitur, & ità jacet donec veniant Citharedi, quorum consueto modulamine audito, sensim in vitam restituitur, ad choream disponitur, atque artus primò, mox verò universum Corpus movet; Si debito tempore æger non saltaverit, toto illo anno gravissimis eum urgeri symptomatibus ait *Clariss. D. Baglivus* supra citatus, icteritiò scilicet cutis colore, cordis anxietate, inappetentia, & febricula, imò si Tarantati vervecina carne, cucumere, aut citrullo utantur, statim dolore Ventriculi molestissimo aggrediuntur; At si singulis annis consueto tempore saltaverit, sudaverit, & musices sono Veneni seminia foras eliminaverit, toto illo anno optima fruitur valetudine, nec ullis subjacet symptomatibus modò recensitis. Curiosam refert historiam *Epiphanius Ferdinandus* de sene Octuagenario majore adeò debili, qui non nisi ligno innixus ambulare potest, & postquàm demorsus fuerit à Tarantula, audita Musica, velut Cappareolus statim saltare incepit; Malum autem hoc periculo non vacat, & nisi medicamentis curetur idoneis potest esse lethale: At licet Tarantulae morsus periculosus sit, non est tamen

tamen morbus acutus, ut ictus Aspidum, Viperæ, sed tardi motus esse hoc Venenum asserit *Sennertus Prax. lib. 1. part. 2. Cap. 13.* Rarò talis affectio lethalis est, ut ex centum Tarantatis, si convenientia remedia adhibeantur vix duo emoriantur; pro ratione tamen loci; qui pungitur, malum nunc mitius, nunc periculosus est; Periculosum quoque est, si Tarantula jejuna hominem jejunum mordeat, notante citato *Sennerto.* Cùm autem ad Musicam Tarantati velut ad sacram anchoram confugiant, non secus faciant, ac Saul, qui Citharam dum David pulsabat, melius habebat, recedebat enim ab eo spiritus, de quo in 2. *Lib. Regum.* Cùm verò ad duo communiter genera reducant Autores Venenorum effectus, ad coagulantes scilicet, & dissolventes massam sanguineam; Ex symptomatibus suprà dictis colligo, Venenum Tarantulæ acidum esse, atque disponere humores ad coagulum; idque indicant, oppressio pulsus, spirandi difficultas, rigor, horrorque universalis, sopor gravis aliaque. Indicationes ergò curativæ sunt dissolvendi humores per medicamenta Theriacalia, alexipharmaca, Bezoardica, & reliqua parùm diversa ab iis, quibus utimur in demorsis à Viperâ. Primò igitur locus affectus scarificandus est lanceola, & quoniam magnus stupor affectam partem interdum occupat, patientes dolorem scarificationis non sentiunt; Facta scarificatione; Cucurbitulam applicant ad extractionem multi Medici, exinde Theriacâ, & Allio contuso foveant, ad debilitandum, ut verbis utar *D. Baglivi*, Venenum; qui Doctor demorsum locum candenti ferro statim aduri jubet, ignis namque cùm sit de genere stimulatorum, isque stimulus vehementissimus, excitat in fibris loci affecti, & successivè in toto systemate fibrarum corporis humani oscillationem quandam, sive motum vividum continuatum, & vehementem, quâ ratione humores, qui sunt ad contactum solidorum ita oscillantium, solvuntur, & attenuantur, & à Veneno coagulante vix unquam figi poterunt, præsertim in affecto loco, ubi stimulus ignis est potentior, & humorum ad coagulationem major inclinatio; Quoniam verò felices hos ignis effectus citatus *Baglivus*, non est expertus, idè super sedet à majore

jori illorum præconio, Idcirco Medici postquam demorsum à Tarantula locum, & Scarificaverint, & alexipharmacis inunxerint, ad interna demum remedia se convertunt; inter hæc locum habent potissimum sequentia, Aquam Reginæ-Hungariæ, Cancer fluviatilis tritus, & bibitus cum lacte Asinino, Decoctio baccarum Lauri, Radix Croci; Agaricum, & aliâ, quæ videri possunt apud *Ardoyum de Venen. lib. 8. cap. 5. pag. mihi 433. Epiphanius Ferdinandus sequens Elestuarium*, quod antiphalangium vocat, tanquam summopere utile proponit, quod sequens est.

R. Baccar. Myrt. Tamarisc. ana ʒ. j. Semin. Pastinac. Nigell. Agn. Cast. Dauci, Anisi, Cumini, & Origani ana ʒ. j. Terræ sigillat. Bol. Armen. Orient. ana ʒ. ij. cum Syr. totius Citri q. s. f. f. Elestuarium S. A. de quo sumat quotidie mané ʒ. ij. superbibendo brodium alteratum herbis, & Radicibus alexiteriis.

Cæterum frustranea propemodum sunt, tùm hæc; tùm alia remedia, quæ proponi possent, nisi præsto sit, & adhibeatur Musica, ut constans, & infallibilis evincit experientia; siquidem Musica, ut etiam innui supra præcipuum est Tarantatorum antidotum, quâ quidem auditâ, quamvis ad instar Apoplecticorum jaceant Patientes, sensim movere incipiunt manus, pedes, & exindè reliqua membra, donec tandem in pedes erigantur, erecti verò suspirant, & saltationes longo tempore absolvunt; Modum autem saltandi Apuliæ familiarem optimè describit Eruditiss. D. Georg. Baglivus *Dissert. de Tarant. cap. 9.* additque plures historias variorum Ægrorum tali Veneno affectorum exquisito stylo depictas more suo naturali: quas consulere poterit curiosus Lector.

C A P U T L V I I I.

De Cantharidibus.

CANTHARIDES, quas in plures species distinguit Schröderus in *Pharm. lib. 5.* à multis Muscæ Hispanicæ nuncupantur,

pantur , & sunt Animalia infecta , volatilia , aureum , & splendens colorem habentia , quorum descriptionem exhibet curiosius eleganter *Aldrovandus de Insect. lib. 4. Cap. 4.* Horum Animalium generum ex vermiculis , erucis similibus , haberi voluerunt multi , qui vermes originem traxerint ex humore foliis arborum nonnullarum , verbi gratiâ , Fraxini , Populi adhærente , sed perperam , nam Cantharides , ut & reliqua Animalia , ex proprio Ovo , id est , Semine oriuntur ; Ex apertis enim Cantharidibus innumera ovula oblonga , pellucida , subalbicantia observavit D. *Theodor. Caroli Miscell. Curios. Dec. 2. Ann. 5. Obs. 36.* quæ durius paulò tractata cum tantillo fragore defilière. Venenata esse , tum ex fectore imprimis , tum ex morbis excitatis , hæc animalia jam certum est ; undè Veneno Cantharidum plures obisse legimus. Caius Carbo accusante Lucio Crasso Cantharides sumpsisse dicitur , & hoc genus necis *Ovidius* inimico suo imprecatur in *Ibim* his Carminibus

*Utque nepos dicti nostro modo carmine Regis ,
Cantharidum succos , dante parente , bibas.*

Hinc Cossinum Equitem Romanum , narrante *Plinio lib. 29. cap. 4.* amicitia Neronis Principis notum , cum is lichene correptus esset , vocatus ex Ægypto Medicus ob hanc valetudinem ejus à Cæsare , cum Cantharidum & Pareus *lib. 5.* scribit. Scortum quendam Juvenem lauta Cœna excepsisse , additis etiam condimentis pulvere Cantharidum conspersis , qui cum postera die sanguinem , ano , & virga rigida redderet , & cum frustranea Medicamina exhibita essent , vehementia Veneni victus interiit. *Samuel Ledelius in Miscell. Curios. Decur. 1. Ann. IX. & X. Obs. 148.* de Pseudomedico quodam notat , qui ad 3. ij. Cantharides cum Scinco Marino , & Satyriosis radice , nobili cuidam pro medicamento aphrosidiaco , & Venereo exhibuit ; ast pro Veneris stimulis irritavit spicula mortis , præter enim insatiabile coeundi desiderium , accessit Scroti tumor , & deficiente semine , sanguis exibat , ægro undecimâ die mortuo : Cæterum Cantharides etiam foris applicatas ,

plicatas, mictum cruentum, & stranguriam excitare scribunt Autores multi.

Quibus datae sunt Cantharides signa eveniunt gravissima, ab ore enim, usque ad vesicam cuncta erodi sentiuntur, piceam, aut simile quidam cedriae resipiunt, inflammantur praecordia, urinam ægrè reddunt, & subindè cum lotio cruorem emittunt; Febris ardens excitatur cum nausea Dysenteria, Lithymia, Vertigine, aliisque pravis symptomatibus; Prout verò Cantharidum vis caustica in dubium revocari nequit, ita non immeritò dubitatur, utrum ea in sale aliquo alcalico lateat, an verò acido debeatur, quale acidum mordicans in Formicis, Apibus, Vespis reperitur, de qua re elegantèr differt Joh. Bohnius *Differt. Chym. Phys.* 1. §. 16. Certum tamen est particulis acuminatis scatere Cantharides, quarum acuminibus continuum solvunt, ac inflammationem causant, quòd verò istae particulæ acido sulphure saturentur, evincit odor picis, & cedriae, quem persentiunt ab hoc Veneno affecti, unè *Nicander in Alexipharm.* cecinit

*Nec tu frugi secam, piceum, quæ redolit odorem;
Cantharidem posa.*

Irritatis itaque fibris à cuspidibus istius Veneni, torquentur Intestina, unde tormina, ac dysenteria: vellicantur pariter Ventriculi tunicae, unè vomitiones, ac dolores: seriuntur, ac lacerantur partes Vesicae urinariae à septicis Cantharidum particulis, unè primò mictus cruentus, indè inflammatio, postea sphacelus, indè mors succedit, tanquam finis omnium malorum hujus Mundi. Cur verò Cantharides magis insensae Vesicae, quàm cæteris sint partibus quærit Clariss. *Ramazzinus Dominus meus*, & Amicus perpetuò colendus in suo egregio opere de *Morb. Artificum Capit.* 14. & id fieri ait, eò quòd falia volatilia Cantharidum serò sanguinis Sociata, sicque ad vesicam cum urina delata, eandem Vesicam denuadatam, nulloque mucore oblitam, pungunt, & excoriant, quod in cæteris partibus, non tam promptè efficiunt, dùm
non

non vehuntur in solo sero, sed unà cum sanguine, & pituita à quorum liquorum mixtura illarum particularum vis retunditur. Licet autem nos cum citatis Doctoribus Cantharidem Venenatam esse asseramus, nonnulli tamen sunt Practici, auctoritate Hippocratis freti, (qui hydropicis propinasse legitur in *W. de Ratione. victus in Morbis acutis*,) qui pro remedio in variis affectibus exhibent; Sic Galenus ad Urinam provocandam Cantharide utitur, in exigua tamen quantitate, ita ut centesimam Drachmæ partem in medicamentum urinam provocans imponat; Et quamvis aliqui asserant, Cantharides secum habere antidotum in alis, & pedibus, de hoc fides sit penes ipsos, nam ego & alas, & ventrem pro venenatis agnosco; ita ut de Vincentio Crema Chirurgo nostro refert *Ant. Musa Brasavola Comm. in Hippocratem de victus ratione in acutis*, qui Rhabbari pulverem deglutivit, quam quidam in mortariolo contuserat, in quo prius Cantharides in pulverem redegerat, hic vir egregius ab ore ad anum excoriatus est, & per plures menses sanguinem minxit, vesica enim, ut supra innui, à Cantharidibus ulceratur, si etiam extrinsecè applicentur, ut contigisse quondam Bonaventuræ Pistophilo refert supra citatus *Brasavola*, qui hujusmodi medicamentum exhibere nunquam ausum fuisse fatetur; De gravissimo effectu Cantharidum exterius adhibitarum pariter historiam notat *Gul. Fabricius Hildanus Cent. 6. Obs. Chir.* Sunt, & improba Scorta, quæ soctum tenellum iis perimunt, & exturbant, teste *Clariss. Mangero in Biblioth. Pharmac. Med. Lib. 3.*

Hujus Veneni Curatio consistit in educendo, quanto citius fieri possit, è corpore per Vomitus Veneno, ne ejus partes septicæ feriant fibras partium internarum, vel in hebetando, atque inviscando cuspides particularum Cantharidis, sicque suam actionem impediendo, quod sequentibus remediis fieri potest, nempe primò danda opera, ut Vomitus excite- tur Oleo Violarum, & aqua tepida, vel similibus Vomitoriis; post Vomitus Clysteres injiciantur ex lacte, decocto Hordel, Oryzæ, Parietariæ, Malvæ & similium: Interæ verò propi- andum lac, Decoctum Althææ, Juscula pingua, Butyrum

recens, aliaque pinguis, & oleosa; à *Sennerto* commendatur emulsio quatuor Seminum frigidorum majorum, cum aqua lactucæ parata, & mucilago Seminum *Ptyllii*, cum Terra Lemnia; Mustum Cantharidum naturæ adversari ait *Ardeynis*, ut & Sapa, id est, Vinum coctum & *Petr. Aponensis* decem grana alkekengi optima esse pro curando Cantharidum Veneno edoet.

CAPUT LIX.

De Bupreste.

BUPRESTIS (oleris etiam species, ut *Galenus* docuit; & *Theophrastus* innuit) definitur Animal Venenatum ex Cantharidum specie, quod in herbis latitans sæpè à brutis devoratur, & ipsum nomen indicio est; Bovum certè Venenum esse, quos dissilire degustata fatetur *Aldrovandus lib. 4. de Insect. Cap. 6.* Hoc Animal est rarum in Italia, & est simile Scabæo longipedi si *Plinio* credamus. Diligentiorẽ Buprestis descriptionem exhibet *Curiosis* citatus *Aldrovandus*; sive ab homine, sive à Bruto inter pascendum fuerit hæc Bestiola deglutita, sequitur, teste *Sennerto*, totius Corporis instar tympani inflatio, stomachi, Ventrisque dolor magnus; urina supprimitur, & in ore ægroti adest nitri sapor; ex quibus symptomatibus liquet; particulas hujus Veneni esse corrosivas, & inflammantes; spicula enim earum vellicant fibras primò partium internarum, indè inflammatione excitatâ necem inducunt; quia verò Buprestes magnam cum Cantharidibus habent cognationem, eandem quoque cum eis curationem postulant. In specie autem ad Buprestis Venenum fugandum, monente *Dioscoride lib. 6.* conferunt ficus aridæ comestæ, vel Decoctum illarum cum mero, Dactyli, lac bubulum, Caprinum, pyra omnia, si autem virus in totum Corpus jam se diffuderit, sudor in balneo est provocandus juxta *Sennertum*.

CA-

CAPUT LX.

De Pini Erucis.

PINI Erucæ tripliciter hominī nocent, videlicet morſu, attritu ad partes nudas, & denique intūs aſſumptæ; In parte, quam Erucæ momorderunt, aut alio modo attigerunt, excitatur pruritus magnus, rubor, dolor, ac tumor; Aſſumptæ verò, in lingua, Palato, & Ventriculo inflammationem, Vomitus & in toto Corpore vehementiſſimum excitant æſtum, ex quibus ſymptomatibus evincitur, iſta inſecta, Veneno acido-acri abundare, cujus moleculæ acres vellicando, & externas, & internas humani Corporis partes, dolores, inflammationes, atque pruritum excitant: Ad Curationem quòd attinet; Primò parti Erucæ morſu, aut attritu læſæ, remedio ſunt Cephæ aceto tritæ, item cum melle, & Sale. Erucæ autem intrā Corpus aſſumptæ, quam primū vomitus ſunt rejiciendæ, & ſi ad Inteftina deſcenderint Clyſteribus eſt utendum; Hinc ut Veneni iſtius acrimonia retundatur, propinandum Lac Caprinum, vel Emulſio quatuor Seminū frigidorum majorum, Amygdalarum dulcium, Seminū Papaveris albi cum aqua Hordei parata, Optima quoque eſt comeſtio Oryzæ cum lacte cocta; Pro Antidoto commendat Sennertus Terram Lemniam, Corallum rubrum præparatum, cum mucilagine Seminis Cydoniorum exhibitum.

CAPUT LXI.

De Muſcis, Apibus, & Veſpis.

NON omnes Muſcæ Venenatæ ſunt, ſed grandiores interdum virulentia non carere ſcribit Sennertus *Præſt. Lib. 6. part. 8. Cap. 29.* præſertim ſi antea ſteterint ſuper Cadavera
 Anima-

Animalium Venenatorum sicuti *Plinius* Vesparum ictus, periculosiores esse, si illæ antea victitarint serpentibus, asseruit *Lib. 11. Cap. 53.* Aculeus Apis sanè nocet, ut & Vesparum; ità ut istorum Animalium ictum consequatur in parte affecta dolor, rubor, tumor &c. De quo ictu, ejusque efficacia; sic olim cecinit suavissimus, & incomparabilis noster *Homærus Ludovicus Ariostus* in *Satyr.*

*Ma non se dire oltraggio, o l'apparechia
Cento udirne per uno, e che ti punghi
Più, che pinger non suol Vespa, ne Pecchia.*

Homines, & alios Animantes ictibus apum interiisse; ait *Erudit. Aldrovandus de Insect. Lib. 1. & Franciscus de Rosiers* refert, quendam in Gallia, dum ligna caderet, tam acriter à Vespis punctum esse, ut biennio insaniverit. In aliis regionibus Vespæ sunt Venenosiores, quam in nostris, ut quas in *Nicesia Insula* reperiri notat *Ortelius*, quarum punctio usque adeò est nocua, ut mortem afferat. Horum Animalculorum Veneni partes esse Salino-acidas puto; Ex acuto dolore enim spicula salium concipio, ex tumore, ac inflammatione verò, acidum cruorem stagnans agnosco. Si aculeus in vulnere sit relictus, ille antè omnia est extrahendus, quod si fieri nequeat, locus demorsus primò terrâ mundâ fricetur, & Emplastrum ex Cinere, Oleo, & fermento imponatur, vel istis nihil proficientibus, fortiter fugi suadet *Sennertus*. Plaga insuper abluitur aquâ salsâ; & uti debet Cataplasmate è farina hordeï, Malva, Plantagine, & aceto parato, vel stercore bubulo cum aceto mixto; Nasturtium Aquaticum, Lenticulam palustrem, Salivam humanam, Sulphur vivum, Rutam, atque ipsa Animalcula, quæ vulnus intulère trita, & imposita commendant nonnulli Practicæ Medicinæ Magistri; Theriacam laudat *Aldrovandus*, ut & Bufonis Lapidem, succum Rutæ Bolum Armenam, Calamintham, Camphoram, Asparagum cum melle illitum, & alia de quibus apud ipsum *Lib. 1. de Insect. Cap. 6.*

Quod si aliqua in toto Corpore sentiatur mutatio, statim
exhi-

exhibere oportet Cōriandrum cum Saccharo , quod *Ardoynis lib. 8. de Venenis* , ait Bezoar esse puncturæ Vespæ , & Apis ; At si calor aliquis morbosus in toto supervenerit Corpore , curatio tunc , ut in febribus malignis instituatur , monente *Sennerto Pract. lib. 6. part. 3. cap. 29.* nam tunc particula salino-acidæ in massam sanguinis sunt penetratæ , ejusdemque cruoris compagem in pravam fermentationem primò concitant , mox sanguinis moleculas coagulant , ex qua coagulatione maligna febris insurgit ; Ego enim , omnes febres malignas , nec non omnia Venena , vel à coagulatione , vel à dissolutione humorum dependere semper cogitavi.

CAPUT LXII.

De Veneno Canis Rabidi.

DARI Canes Rabidos ipsa rerum magistra experientia demonstrat , & de hydrophobia pleni sunt libri , & licet alia Animalia quoque in rabiem agantur , ut Lupi , (integrum enim libellum scripsit *Bauhinus* de hoc Animali Rabido) Sues Boves , Asini , Vulpes , Muli , Ursi & alia Bruta , ut & feles quemadmodum me observasse notavi apud *Tom. 4. Biblioth. Med. Clariss. Mangeti lib. 15. pag. 428.* ; attamen , ut magis commune , Venenum Canis rabidi in presentiarum tantum considerabimus , istius enim Curatio morsus aliorum curat Animalium rabidorum. Canis ergò rabidus toto Corporis habitu , & temperamento immutatur , gracilis , ac siccus evadit , sicutulosus est , & tamen non bibit , plerumque anhelat oculis rubentibus , ac inflammatis , horrendo , & torvo aspectu , cauda , & auribus demissis , ore aperto , ac spumante lingua exerta ac bilis colore infecta , contractis naribus , caput in alterutrum latus inclinat , tristis , ac solitarius oberrat , in obvios sine latratu irruit , eosque mordet , modoque tandem huc , atque illuc intempestivè , ac inordinatè vagatur ; An Veteres notitiam habuerint de hydrophobia quærent aliqui

Jos. Lanzoni Opera. Tom. L V

qui, & sunt qui negant; Ego verò Antiquos cognitionem de Cane rabido habuisse colligo ex eorum monumentis, *Hippocrates* enim, & *Asclepiades*, referentibus *Aureliano*, & *Plutarcho* hanc affectionem agnovère; Præterea juxta citatum *Aurelianium* Comicus *Menander* inducens senem irascentem istius passionis imaginem vinolentis adscripsit dicens, non posse bibere eos, qui Vinum usque ad vexationem potant. *Plinius* quoque ex *Epicharmo* Brassicam Sylvestrem laudat contrà morsum Canis Rabidi, atqui *Epicharmus* Hippocrate Senior fuit, utpotè *Pythagoræ* Auditor, ejusque meminere *Cicero*, & *Horatius* cum *Diogene Laërtio*; undè liquet tale Venenum cognitum fuisse Antiquis.

Variis modis hoc Venenum Homini communicatur, primò, & communiter morsu, aliquandò autem aliis modis, ut tangendo Canis rabidi Salivam; Ità legimus apud *Joh. Matth. de Gradibus*, quendam insectum fuisse ex sola impositione manus in os Canis Rabidi, licet eum Canis ipse non momorderit; *Matthiolum* se duos vidisse notavit, qui sputo Canis Rabidi perfuncti, nullo accepto vulnere, rabiem contraxere; *Schenckius Obs. lib. 7.* refert, Puellum apud Nobilem fortè fortuna invenisse gladium, quo ante non nullos annos, Canis Rabidus confossus fuerat, eumque ut sibi donaretur, petiisse, quo impetrato, cum ensen ferrugine obductum extergere vellet, improvidus digito infixit vulnusculem leve, ex quo tamen rabie percitus periit *Celsus Aurelianus*, quendam Hydrophobiâ affectum vidisse scribit, ex solo odore Rabidi Canis. At non tantum extrà Corpori communicatum, sed etiam ore admissum hoc Venenum nocet; Hinc *Cardanus* ait, quendam osculasse Canem Rabidum, & hinc rabiem contraxisse, ac mortuum esse; *Fernelius*, ait Venatores quosdam Lupum trucidatum in varia obsoniorum genera apparasse, & coxisse, & omnes, rabie correptos post esum, alios periisse, alios sanatos fuisse; In vestibus per plures annos fomes hujus pestis latitare potest; sic *Sennertus* de foemina narrat, quæ cum Vestem Sarcinendam sumpsisset, atque ore stamina componeret, & lingua futuras lamberet, tertiâ die in rabiem venit.

Vene-

Venenum hoc nunc tardiùs, nunc citiùs se exerit, prout dispositio, ac vires Corporis, & humorum patientis tolerant, in hoc enim affectu, ut & in aliis, agentis ad patiens varia aptitudo, vis, & energia varios effectus producere norunt, ita ut sæpè, si adsit partium robur validè Veneno resistens, nec humores in vicio sint, per plures menses, imò annos virus Latitet; Verumtamen sensim semper, & quasi clanculum se se insinuans cum totius substantiæ dissidio, oculaque perniciæ, & malignitate, humores vitiando, spiritus inficiendo, temperiemque nativam immutando, in humanum Corpus agit, donec tandem Victor salutis humanæ factus, suæ perniciæ profert indicia, quæ præsertim in facultatum principum læsione apparent; Nam dùm Rabies Canina altas egit radices, correptus iracundus evadit, nec stare, nec quiescere ullo modo potest, quin potiùs hùc & illuc jaçtatur, manibus ora dilacerat, nonnullos quandoque petit, & cùm ad hunc furoris gradum pervenerit, in Notos, atque Ignotos juxta fertur, ac debacchatur, oculos habet torvos, & horribiles, &, ut ait *Galenus de Theriac. ad Pison.* inarescit ejus Corpus, interdumque convellitur, feбри acri intùs exæstuat, imò animo delirante symptomata gravia patitur, quippè aquam timet, ac propter calorem adurentem, quamvis, humidi, refrigeriique teneatur desiderio à potu tamen abstinet, quia mente alienatus, id quod posset auxiliari non considerat & sic aquam fugiens, miserrimo mortis genere interire cogitur, ut ait Clariss. D. *Joh. de Muraltio in Miscellan. Curios. Decur. 2. Ann. 7. Obs. 118.* Hoc Venenum in multis post plures annos se se prodit, ut suprà dixi, ut *Fracastorius* post quinquennium observavit. *Albertus Magnus Lib. 3. hist. Animal.* scribit, se vidisse hominem morsum à Cane Rabido in brachio, & anno septimo post incepisse inflari cicatricis locum, & mortuum esse intrà duos dies; Post tertium annum Virum à Cane rabido morsum in rabiem agi se vidisse testatur *Amatus Lusitanus Cent. 7.* imò ad quadragesimum usque annum hujus Veneni seminarium latuisse notavit *Horstius*; Post tres menses effectum rabidi morsus vidit *Gnil. Fabricius Hildanus*, & historiam curiosam sequentem

tem retulit in *Centur. 1. Obser. 86.* quæ talis est. In via mulieri obviam venit Canis Rabiosus, qui, Vestem ejus dentibus arripiens, huc, & illuc trahebat, donec tandem veste lacerala, cute tamen mulieris illæsa, & intacta Canis aufugit; Illa verò nescia, Canem rabiosum fuisse, laceratam Vestem filo, prout Sarcinatrices facitare solent, dentibus abscisso, resarcire cepit; unde nullum quidem per tres menses sensit incommodum; Postea verò sensim melancholica facta, imaginatio-nibus, visionibus horribilibus, & pavoribus agitari cepit, & paulò post, aquam, & Vinum odisse, & quod pejus est, instar Canum latrare, domesticos non agnoscere, dentibus arripere, atque modò hunc, modò illum mordere tentans, donec tandem in ea miseria Animam efflavit.

Essentia istius Veneni talis est in sævitia, ac malignitate, ut hominis judicio comprehendere non possè ait citatus *Hildanus*; illam in proprietate occulta consistere volunt *Sennertus*, & alii plures; in calido, & sicco *Ardoynis*; In maligna, venenata, & inexplicabili qualitate *Martinus Lister*; In clandestina quâdam proprietate cordis substantiam appetente, & ad Cerebrum tendente, ubi rationem pessundat, docet *Anton. Men-jotius*; adeò ut *Joh. Fortis tom. 2. Conf. Cent. 4.* asserat hoc Venenum occulta vi agere, & nobis ignota. Clariss. autem *Christ. Franc. Paullini* Acad. Curios. Eruditissimus, occultas qualitates deferens, tanquam ignorantiaæ asylum, ad clariorem explanationem essentiaæ Veneni Canis Rabidi accedit, asserendo in sua *Cynograph. Curios.* veram, & genuinam essentiam hujus Veneni in putredine animata consistere, hoc est in vermiculis; Ex capite enim Canis Rabidi aperto, plurimos se observasse vermiculos ait, quod Vermes rabidos appellat. Nos verò in sale volatili acerrimo, ac urente, essentiam Veneni hujus consistere putamus; siquidem istius particulae summè mobiles, cuspidibus suis penetrantes nervosarum partium fibrillas, dolores, ac convulsiones excitant; fugando spiritus Animales, deliria; sanguinis fermentationem augendo, febrem; ac demùm ipsam sanguinis massam septicè spiculis suis incisivis liquando, ac dissolvendo, mortem inevitabilem causant. Quare autem

à Rabiosis Canibus demorſi , magnam cum aqua , ac fluidis omnibus antipathiam habeant , non tam facile explicatur ; Putabant aliqui , patientes tales aquam fugere , eo quia delirantes , Canum imaginem in aqua ; velut in ſpeculo vident , cujus adſpectu terrentur . At ſi , ut ſuprà dixi , eſſentia iſtius Veneni in urente igneo , ſale volatili , ad naturam ignis accedente conſiſtit , idèò aquas fugit , tanquam à contrario ; Aqua enim & ignis adverſæ ſunt naturæ , nec poſſunt manere ſimul , & ſic metum aquæ , ob contrarietatem particularum Veneni , cum particulis aquæ accidere cogito ; Cùm enim Canis incipit ad rabiem concitari , optimum remedium eſſe , Canem ipſum conſeſtim in aquas projicere , juxtà præceptum , *Contraria Contrariis curantur* ; Idèò aſſerendum puto Canis Rabioſi virus omninò contrarium eſſe Aquæ , utpotè accedens naturæ ignis , ratione particularum ejus ſummè volatilium , ac urentium , & quemadmodum in panificio fermenti nonnullæ particulæ inſciunt contagio ſuo acido , totam maſſam farinæ fermentandæ , & in ſuam naturam illam tranſmutant : Sic pariter etiam Saliva Canis Rabidi Sale volatili acerrimo copioſè prægnans in minima quoque quantitate , mutando humores , alterando ſpiritus , partes , & per conſequens actiones hominis , inducit hydrophobiam , nam ante morſum ſpiritus hominis erant pacati , adveniente verò fermento hydrophobico , in Saliva Canis gliſcente , deſtruuntur hominis fermenta , & in illorum vicem ſubintrat Canis fermentum prædictum , pro cujus natura , commorſus aſſumit Canis mores , geſtulationes , latrando &c,

Quæritur autem quare Venenum hoc nunc citiùs , nunc tardiùs aſtuetur , ut ſuprà innui ; Sed iſtud ego provenire cogito , reſpectu virium patientis , & potentiae Veneni , cùm enim in aliqua parte ſolida corporis hæreat , carceres ſuos adèò velociter frangere , in ſanguinem prorumpere , ibique novas fermentationes inſtituere nequit , ſecùs verò ſi maſſæ ſanguineæ ſtatim immergatur , ut , verbi gratia , Venenum Variolarum aliquandò in infantia , pueritia , adoleſcentia ; nonnunquam in ſenio , aut virili ætate prorumpit ; quia ſeminale

ejus principium in materia lenta, & tenaci quasi sopitum diù latet, tandemque solutum suas edit actiones; sanè docente, *Paullino loco citato* consistit causa diversitatis operationum in diversa Venenorum natura, in varia hominum, & climatum, sub quibus vivunt, constitutione, membrisque læsi nobilitate, ac præstantia, victusque ratione; cum enim alia Venena plus salis fixi, alia plus volatilis contineant, alia ex Venereis, alia ex Mercurialibus magis, vel minus constent principiis, hinc etiam diversæ videntur operationes; illa enim, quæ ex sale fixo, adjunctaque materia terrestri, & aquea sunt composita, minusque Veneris, vel Mercurii admixtum habent, tantis non pollent Viribus, quantis illa, quæ ex sale volatili, vel ex Venere, aut Mercurio magis sunt conflata. Ingeniosè Veneni Canis rabidi naturam effectus ejusque proprietatis exponit *D. Joh. Petr. D'Apples apud. Bonet. Medicin. Septentr. tom. 1. lib. 1. Sect. 20.* ejusque sistema tale est. Supponit igitur primò in Ventriculo duo esse fermenta, unum quod Cibos, resque solidiores, alterum potum, liquidaque omnia dissolvit; hoc posito, ait ipse, per universum Corpus Veneni Canis Rabidi perniciofa Lues, & præsertim in Ventriculum diffunditur, eò cum pervenerit Venenum, fermentum, quo liquida præparantur, pessundat, sua acrimonia Ventriculum vellicat, & continua præternaturali effervescentia, sitim, & anxietatem parit; hinc partes Veneni fermentativæ, liquida nimis exagitant, & justo volatiliora reddunt, undè infensa redduntur spiritibus Animalibus, qui sensum illum ad Cerebrum deferunt, undè fit, ut primò liquida, tanquam sibi noxia detrectent, non secus, ac illi, quibus Ventriculus humoribus pravis scatet; qui solitum, ac necessarium ciborum usum negligunt.

Suprà dixi; Doctiss. *D. Paullinum* Acad. Curios. essentiam istius Veneni ponere in Vermibus, quo circà recordor me legisse apud *Thom. Burnetum in Thesaur. Med. Pract. Lib. 3.* observationem de foxmina quadam honesta in forum eunte, cui Canis Rabidus obviam venit, illiusque pedes furenter petit, ipsa periculum hoc, ut evitet, se se inclinat, & genua paululùm

lulūm fleēit, undē Canis Vestem, & quidem hujus potissimūm fimbriam mordicū arripit; Mulier de rabie suspicatur, & domum reversā sub tecto vestem laceram suspendit ligno; Postquā verō eam quarto die repetit, ac refarcire cogitat; res mira, Vermes capite catulis prorsū similes, iis in fimbriæ locis, quibus Canis dentes inflexerat, enatos reperit, eosque, cū miraculum, vicinis convocatis conspiciendos præbet.

Sic in Urinis demorsorum à Canibus Rabidis effigies Canum percipi ait *Petr. Borellus Obs. 28. Centur. 1.* & hoc accidit, ait ipse, ob seminis æstuantis quandam portionem per Canis spumam morſu communicatam, quæ etiam Cerebrum inficiens; eos in Canum naturas mutat, latrant enim, & mordent, ut Canes; quin & etiā accedente Phantasie vitio, talis Canina verminatio urinæ communicatur referente *Paullino*; De Corpusculis autem Catuliformibus in lotio conspectis plura Curiosis dabunt, *Avicenna, Borellus, Ardoynis, Schenkius, à Reyes; Sennertus, Salmuthus*, & alii tam Antiqui, quā Recentiores observationum medicarum collectores. In Equis, Bobus, & Ovis rabie affectis vermes in capite deprehensos notat *Thom. Bartholinus*, & post eum *Bonetus in Sepulchret. Anatom. Tom. primo pag. mihi 211.*, nec est igitur, quod cum *Seneca Lib. 2. Quæst. natur. putes, Nullum Animal venenatum verminare, nisi fulmine prius sit tactum*; siquidem plura sunt Animalia, quæ Veneno pereunt, quorum Cadavera verminantia observantur.

In Cura istius Veneni duo tempora sunt observanda, primum morsus; & vulneris, secundum rabiei supervenientis; In priori Venenum illicò post morsum est extrahendum, in quem finem vulnus est ampliandum, ut cū sanguine saliva exeat; hinc alii scarificationem instituunt, & Cucurbitulas imponunt, ut virus extrahant; alii hepar Animalis imponunt, referente *Etymullero in Prax.* Multi Columbas vivas laceratas applicant, vel Theriacam cum Succo Rutæ; Quidam, ligaturas laudant, & Cauteria tūm potentialia, tūm actualia; si panis vulneri applicitus, & ejusdem sanie tinctus Cani offeratur, is Rabiosus evadit, monente *Marc. Marci in Philos. veter. part. 4. Sect. 3.* De Pilis mordentis Canis, Rabidi morsui illato

illato imponendis feliciter legantur *Baldunus Ronseus*, *Porta*, *Wolfius*, & alii. Nonnulli commendant admotam Clavem S. Bellini. Notandum autem non debere negligi talia vulnuscula, mortem enim sanè portendunt; undè *Baldus* eximius ille Jurisconsultus à Caniculo suo in labiis morsus, neglecto morfu, post quatuor menses rabidus periit.

Quoad alterum tempus verò, rabiei scilicèt, id unicè agendum, ut particulæ salino-volatiles Veneni edomentur, ac à corpore expellantur; quocircà varia à variis Doctoribus laudantur remedia; Oculi Cancrorum specifici sunt, undè *Bezoar* Rabidorum dicuntur ab *Etmullero*; Demersio in aquam frigidam optima est; ut & *Theriaca*, *Mithridatium*, hinc Oleum nostrum Contrà pestem; Cornu Cervi ustum, Rutam, Cepam acrem, Syrupum Citri, Abrotanum, Hypericum, Tincturam Bezoarticam, Terram Sigillatam, Stibium Diaphoreticum, Corium Hyænæ, ac Ursi, & Lupi, Radicem *Cynosbati*, & alia commendant Doctores varii; Porrò *Alyssum* gestatum, manibus detentum aut saltem visum, Canis Rabidi morsum sanare scribit *Wolfius*; Pulvis *Viperinus*, & Sal *Theriaca*le, exhibetur à *Joh. Petr. D'Apples* referente *Boneto in Medic. Septentr. tom. 1.* Orvietanum exhibendum suadet *Wedelius in Amanit. Med.*; *Cornelius Celsus* unicum Rabiosis remedium esse putat Balneum, dulcisque aquæ potum. Inter reliqua præsidia acidus *Rumex* primatum tenet, referente *Zacuto*, cujus semen epotum, aut Decoctum etiam à *Scorpione* commorsus opitulari affirmat *Dioscorides*; At cum *Rumicis* quatuor sint species, illam intelligere oportet, quæ cum hortensis sit cæteris altior est, Latioribus foliis constans, & radice crocea, qua, loco *Rhabarbari* aliqui utuntur, quæ valentissimè purgat, de cujus viribus adversus plures venenosas ægritudines eleganter scripsit *Ruellius lib. 2. de Natur. Stirp.* Apud *Julium Palmarium* *Pimpinella* commendatur, quâ, *Henrici Secundi Galliarum Regis Venator*, *Joh. Fernelio* præceptoris suo aman- tissimo narravit, hydrophobiam tolli; *Alyssum* mirificè prodest in curatione Veneni Canis rabidi, ut & *Scordium*, *Artemisia*, *Cinis Cancrorum*, *Gentiana*, & a'ia, quæ apud

Senner-

Sennertum Præcticum nostrum insignem leguntur ; Macer in Lib. de simplicip. Cap. de Urtica sic Canit.

*Cum sale de foliis ejus factum cataplasma
Ulceribus prodest, & sordida vulnera purgat ;
Et contrà morsus valet hoc cataplasma Caninos.*

Ad morsum Canis Rabidi folia Cucumeris longi, & folia Citrulli cum vino, nec non urinam hominis mixtam cum Nitro, & sparsam super locum demorsum summè commendat *Ardoynis lib. 7. de Venenis Cap. 2. pag. mihi 380.*

De usu Hellebori, lactis, ac Peponis in curatione istius Veneni meminit *Joh. Fortis Tom. 2. Consult. 94. Cent. 4.* An verò in Hydrophobia vena sit secanda, & quando quærunt nonnulli; aliqui enim in morsu Canis Rabidi venæ sectionem minimè convenire existimant, quippè quæ Venenum per totum Corpus trahat in venas. *Avicenna tamen lib. 4. fen. 6. tract. 4. cap. 9.* ait post quartum diem sanguinem mittendum esse, & non semel, sed bis, præsertim ubi à vulnere in initio non fuerit extractus, in eo maximè, qui sanguine abundat; Alii tamen Medici post *Avicennam* in demorso à Cane rabido, ut præcaveatur rabies, ità à sanguinis missione abhorrent, ut omninò vitandam esse affirmant, utque exinanitis venis, altius penetrare virus permittat; sed ii videntur existimare rabiosi morsus Venenum non esse per totum Corpus sparsum, nisi cum advenit metus aquæ, quod tamen falsum esse docent gravissimi Autores, *Avicenna, Celsus, & Dioscorides* quoque, dùm post primos dies scalprum, & unctionem in loco demorso perindè, ac inutilia rejicit; Sudores autem ante Cibos, ac post etiam imperat, hinc palàm ostendit Venenum per Corpus esse diffusum, quod confirmare videtur, dum Dropaces, & Sinapismos, alternatim per Corpus totum adjicit; Imò *Avicenna* inquit, non solum fieri posse, ut post quartum diem Venenum sparsum sit, sed etiam minori temporis spatio; idèò hac in re adèò necessaria distinguendum esse ait *Rubeus* referente *Boneto in Mercur. Comp. Lib. 8.* quia si in primis diebus si

X mus,

mus, cum adhuc in vulnere Venenum, aut indè non procul contineatur, tunc sanguinis missio nulla ratione adhibenda est, militantque rationes istorum, traheret enim à circumferentia ad Centrum, à venis Capillaribus citius ad majores; Si verò jam sparsum est, tunc mittendus est sanguis, ut monet *Celsus*, neque verò è loco viciniore ipsi morsui, quia tunc minimè convenit, uti docet *Avicenna*, Dioscoridem imitatus; Nulla enim tunc istius rei est occasio, aut utilitas, sed incassum Corpora doloribus sternerentur, sed è brachio, ut è majoribus venis virus jam diffusum detrahatur; Undè benè aiebat *Santacruz de Magnorum Auxiliorum Impedimento lib. 3.* sanguinis missionem in principio nullo modo convenire, prout convenit Veneno jam in humores propagato. In morsu Animalium non convenit Venæ sectio, nisi Venenum per univèrsum fuerit sparsum, aut plenitudo adsit, teste *Jacobo Pons*; sin autem acuta febris accedit, non intrà dies 40. educendum legitur apud *Bonetum loco citato* sed inferiorum partium scarificatione, etiam venarum apertione in partibus à morsu remotissimis. Eadem doctrina valet in purgatione de qua re videas *Sennertum*. Quia verò suprà diximus in Hydrophobia cauteria valere, idèò exacto morbi principio post duos vel quatuor dies non inurendum esse Cauterium aiebat olim *Heurnius*, quia altius se Venenum insinuavit. Hinc monet Chirurgos *Hildanus*, ut diligenter prospiciant, ne nimis leviter, & superficialitèr inurant hujusmodi morsus, sed ut potius in excessu, quàm in defectu peccent, cum enim morbus sit extremus, extremum quoque petit remedium; Unicum remedium in tali Veneno esse, non opinantèr in piscinam ægrum conjicere ait *Celsus*, quod auxilium tanti in hoc morbo fieri à suis scribit *Tulpius Lib. 1. Cap. 20.* ut eo solo contenti, vix aliud expectant, nec sanè injuria sanat quippè mare quoscumque, neque vidisse dixit quempiam, cui tempestivè in mare projecto, quidquam sinistri eveniret; sed hoc remedio, tardè, vel timidè adhibito, multj potnas incuriæ dederunt.

Sin autem demorsus ab Animali Rabido, antequam Venenum invalescat, & Cerebrum invadat, necessaria adhibeat reme-

remedia , fervari potest ; Si verò hydrophobia accesserit , vix quisquam servatur , & evadit ; *Avicenna* ait , quod si aliquis à Canis rabido morsus , aquam timens , in speculum intuens semetipsum agnoscat , huic spes non tollitur sanandi ; Contrarium tamen se vidisse fatetur *Eustachius Rudius* ; si singultus accedat , inquit *Sennertus* , mors in propinquo est ; adeò ut , vel eadem , vel postera die moriantur ægri.

Curiosam refert historiam *Borellus Centur.* 3. *Obs.* 68. de quodam viro , qui cum à Canis rabidi morfu petitus fuisset , ejus Veneno non solum Rabidus est factus , & Canis Venenum in eum non modò inseruit , sed etiam odoratum , & sagacitatem suam Venenaticam illi communicavit , adeò ut accedentes Amicosè longinquo , licet eos non videret , olfactu venire perciperet ; Quidam id Diabolo tribuebant , ut solent ignari omnia quæ non intelligunt , ad causas ocultas , ad magicam artem , ad Dei Omnipotentiam referre ; At hæc tantum ex sagacitate sua proveniebant ; Canis enim Domini sui odorem è longinquo percipit , odoremque perdicum , Leporum , aliorumque Animalium distinguunt , idque variis signis venatoribus indicant , si autem eorum odoratum haberemus non dubium est , quod odoratu , instar eorum , res detegeremus , & rerum emissiones , effluvia , spiritusque per aërem transpiratione ab individuis effusos , naso distinguere valeremus ; sed de Veneno Canis Rabidi usque adhuc dicta sufficiant.

CAPUT LXIII.

De Cerebro , & sanguine Felis.

CEREBRUM Felis inter Venena connumeratur à *Matthiolo* , *Ponzeto* , & *Sennerto* ; sumptum enim pro Cibo vertiginem excitat , stupiditatem , & aliquandò Amentiam ; De sanguine pariter scribit *Martin.* *Weindrichius de Monstr.* quod Puella quædam ; *Uratislaviensis* cum publicè spectaret lat-onem Capite truncari , spectaculo tristi territa in epilepsiam incidit ;

rit; Cùm verò multa adhibita fuerint remedia incassum, quis ex vulgò suavit, sanguinem felis utilem esse, suscipit infelix, sed infelici successu; paulò post enim felis naturam induit, voce, gestu, saltu, vestigiis, cùm mures in silentio venaretur; Anhelitu etiam feles noxias esse, & spiritus, humoresque inficere volunt *Avenzoar, Pareus, Matthiolus, & alii plures.*

In Appendice Ann. 6. Dec. 2. Miscell. Curios. D. Christ. Franc. Paullini refert, quendam nomine Ludolfum post alicujus partiunculæ cerebri Felis assumptionem, cepisse multa insolita contrà morem agere, & planè ineptire, cum tanta memoriæ amissione ut nec templum, nec panem, nec Scamnum amplius suo nomine vocare sciret. Causam istius Veneni in sulphure, & Sale volatili foetido ponit Illustriss. Dom. Lucas Schröckius Patronus meus semper colendus in Schol. ad Observ. 50. Miscellan. Curios. Ann. 2. Decur. 2.; Particulæ enim Salino-Sulphuræ, suis cuspidibus spiritus animales fugant, undè delirium, & Oleo suo glutinoso inviscando organorum memoriæ porositates internas impediunt functiones, quo minùs memoria exerceatur.

Pro curatione; primò si sciatur felis cerebrum adhuc in Ventriculo hære, statim Vomitus est concitandus; si verò à Ventriculo ad aliàs transiverit partes, solventem potionem exhibere laudant nonnulli; *Sennertus* Antidoti loco agnoscit Moschum; Terram Sigillatam commendat *Petrus Aponensis*, & Confectionem Diamoschi omni die summo manè assumendam *Ardoynis lib. 4. de Venenis Cap. 21.*

C A P U T L X I V.

De Sanguine Menstruo &c.

SI *Plinio Histor. Natural. Lib. VII. Cap. 15.* credendum est Mulierum Sanguis Menstruus est Venenatus, ab eo enim accescunt superventu musta, sterilesunt tactæ fruges, moriuntur insita, exuruntur hortorum germina, & fructus Arborum,

rum, quibus insedere, decidunt: Speculorum fulgor, aspectu ipso hebetatur, acies ferri præstingitur, eborisque nitor alvei apum emoriuntur: æs etiam ac ferrum rubigo protinus corripit odorque dirus aëra; & in rabiem aguntur gustato, Canes, atque insanabili veneno morsus inficitur, &c. Verum *Plinii* pace; quantitate tantum peccare posse, non qualitate catamenia puto. Si enim menstrualis sanguis venenosam induerat naturam, intrà venas, & arterias innoxie contineri non posset, imprimis ergò Mulieres enecaret; nam si extrà Corpus; suadente *Plinio*, tot prava induceret symptomata, cur non idem intrà Corpus præstaret? Similiter dicendum videtur de Taurino sanguine; ac de lacte coagulato, quæ omnia ex se, & propriè Venena non sunt, sed tantum nocere possunt, quatenus ex acido Ventriculi fermento concreta, ac coagulata concoctioni resistunt, & nocent, pravamque in ventriculo induunt naturam, quod si accidat, dissoluta reddantur, indè évomantur oportet; & hæc est ratio, propterquam Medicus, quando crudum lac propinat, tanquam remedium, illud semper cum pulvere Sacchari fini permiscet; hujus enim salis dulcis ope, lac in Ventriculo à coagulatione defendit, sicut autem acidum sanguinem fixat, ita sal eum dissolvit; Certum tamen est, prava symptomata ex lacte coagulato acidere posse, ut plures referunt Autores, & Ego notavi in *Ann. 8. Decur. 2. Miscell. Curios. Obs. 202.* de quodam Adolescente, cui regio Stomachi intumuit, cum forti cruciatu post maximam quantitatem lactis vaccini assumptam; Dubium verò movetur, an vomitoria, ad illud è Ventriculo ejiciendum convenient. Negat *Matthioli*, quia, si quis id sic excludere conetur, in gutture faciliter hære, & ægrum suffocare possit; Verum *Sennertus* vomitoria suadet, sed præmissis lac coagulatum dissolventibus, quemadmodum ego feci propinando Allium Adolescenti supradicto, quo Lac coagulatum dissolvi; cum enim allium multo sale volatili alcalico præditum sit, ut ipsa acredo ejus, oculos, naresque feriens edocet, hujus salis virtute lactis coagulatio emendatur,

quemadmodum docet Illustriss. D. Luc. Schröckius Acad. Curiosus Præses dignissimus in *Scholio Observ. mea nuper citatæ pag. 505.* Sennertus laudat Mumiam, Sperma Ceti. Ardeynis Vinum purum cum pipere commendat, idemque Petrus Aponensis, & Avicenna.

CAPUT LXV.

De Torpedine.

TORPEDO sic dicitur à torpore, quem in vicina sibi Corpora inducit, ut docent *Albertus Magnus, Gesnerus, Salviatus, Aristoteles, Jonstonus, Ælianus, & alii.* An verò hæc virtus in universo Torpedinis corpore, aut in una sola parte resideat, quæsierunt Doctores; Solertissimus autem *Steph. Lorenzinus* residere ait hanc Veneni speciem in musculis falcatis, in dorso, & pectore sibi correspondentibus; idque clarissimè ostendit in suis observationibus de Torpedine, cujus Anatomiam exactissimè delineavit, atque post eum fecit *Oliger. Jacobæus* in *Act. Phil. Bartholini. tom. 5.* Hoc Animal tanquam Venenosum, ne in foro piscario vendatur. Præfetti sanitatis autoritate cautum esse ait *Charletonus* in suo *Onomast.* Genus tamen, *Liburni Massiliæ, & alibi* à tenuioris fortunæ plebe esui expetitur: credere veteres Medici, etiam à longe Torpedinem suum emittere virus, ita ut hastam, & funem re-tis pertranseat, & manum Piscatoris invadat, ut legitur penes *Sennertum, Eustachium Rudium, & alios;* Ego verò, nisi immediatè tangatur, Torpedinem lædere haud posse cogito, edoctus ab experimentis *D. Lorenzini, Redi, & Jacobæi.* Si immediatè autem tangatur, tunc cruciatur manus adeò vehementer, ut dolor usque ad cubitum pertingat. Dolor verò à Torpedine productus, provenit à Corpusculis ex ipsa exeuntibus, & in manum tangentis intrantibus, quæ Corpuscula non spontè exeunt, sed impelluntur, & vibrantur à contrac-

contractione fibrarum componentium musculos falcatos istius piscis, de quibus antea mentionem feci. Cum enim particulae istius Veneni penetrant manus porositates, viarum istarum figurae mutantur, sicque vim faciendo, molestam quandam sensationem inducunt, quam primo stupefactionem, inde dolorem esse dico. Plura cupienti de Torpedine, praeter citat. *Lorenzinum*, dabunt *Miscellan. Curios. Annus ultimus primae Decuriae pag. 401.*

Ad Curationem hujus Veneni quod attinet, dico, si membrum stupidum, ac dolens fricetur pannis asperis, & foveatur Vino, in quo Salvia, Ruta, & Hypericum bullierint, curabitur. Illiniri etiam potest pars affecta, Oleo Rutaceo; & Costino; *Sennertus* interne propinat sequentem Pulverem.
 ꝛ. Semin. Urticae, Nasturtii, Dauci ana. 3. j β., & Semin. Piperis nigri, Castorei ana. 3. j. M. f. Pulvis, cujus 3. j. cum Vino generoso assumatur.

Alexander Aphrodisaeus, Carnem Triglae, quam Mulum vocant, Torpedinis Veneni remedium esse refert; Alii commendant Theriacam Andromachi, Vinum Absinthii, Gentianam, Folia Lauri, & Allium; *Ardoynis* denique, Salivam hominis Piscis hujus Venenum id est, Torporem sedare scribit *in lib. 6. de Venen. Cap. 34.*

CAPUT LXVI.

De Muræna.

SEMPER tanquam fabulam cogitavi id, quod de Murænis docuit *Simon Majolus in Dieb. Canicular. Colloq. 9.* nempe in Murænis nullum esse Masculum; Omnia enim Animalium genera, ex maribus, & foeminis constare puto. Hic piscis perlongus est, & serpentis potius, quam Piscis speciem refert: Pinnas nullas habet, sed flexuoso impulsu corporis ad natatum ita mari utitur, ut terra Serpentes ad gressum. Lam-petræ similitudinem habet, latior tamen, dentes habet longos,

gos, acutos, & introflexos, coloris est fusci, subalbis maculis distinctus, duorum longitudine Cubitorum. Murœnæ autem diligentiolem descriptionem curioso dabit Lectori *Edoardus Wottonus Lib. 8. de different. Animal.* Veteribus erat iste Piscis in deliciis, ut ex *Plinio, Atheneo, Rondeletio, & ex mea Epistola Italica de P'iro, Venetiis, impressa in Musæo Minerva.* Murœnæ morsus Venenosus est; eademque parit symptomata, quæ Viperæ morsus infert; Imò, ait *Rondeletius* partem à Muræna demorsam, nisi tota abscindatur, à morfu Liberari non posse, ob uncinatos dentes, maximèque in os recurvos; undè Piscatores Muræna maleficam vim reformidantes, vivam non nisi forcipe arripiunt, & vulnera ipsius non minus periculosa sunt, quàm ea Viperæ. Muræna morsum sequitur dolor, & tumor partis affectæ, atque symptomata; quæ Viperæ morsum sequi solent, accedunt; ex quo colligitur, Venenum hujus Piscis similis esse naturæ illius, Viperini superius descripti Cap. 45. Constat enim ex sale volatili, acri, caustico, cujus Corpuscula licet exilissima, potentissima tamen, cuspidibus suis massam sanguinis citissimè penetrant, fibras scindunt, ac Cruorem fundunt, undè prava oriuntur symptomata, quibus occurritur, adhibendo ipsissima remedia, quæ adversus Venenum Viperæ valent; Præterquam quod *Plinius* Muræna morsum, capitis ipsius cinere sanari posse scribit, Familiaritas autem Murœnæ cum Viperâ tanta est, suadente *Ambr. Parco*, ut illa relicto natali aquæ elemento in terras insiliat, Viperamque in sua usque latibula perquirat; de qua re videatur *Schottus in Physica Lib. 10.*

CAPUT LXVII.

De Marino Lepore, & Barbo.

PULCHERRIMAM descriptionem tradit de Marino Lepore *Rondeletus de Piscib. Lib. 12. Cap. 11.* quam videat Curiosus Lector. Nobis tantummodò in præsentiarum liceat, & sufficiat

sufficiat asserere, istum Piscem esse ex mollium genere, & Venenatum, ut ex *Nicanoro*, *Galeno*, *Dioscoride*, *Aegineta*, *Plinio*, *Aëtio*, & *Marthiolo* aliisque Authoribus didicimus; Imò Plinius cibo datum non solum, Leporem Marinum Venenosum esse tradit, sed etiam visum; quâ de re fatetur *Sennertus*, hunc Piscem captum, cum attentè nonnulli conspicerent, nauseam omnibus sensibilem movisse. Tetrum, ac pisculentum odorem spirat Lepus Marinus, nec alibi degit, quàm in limo, & sordibus, ex quo testimonium perhibet de sua prava, ac venenata qualitate. Qui verò hunc Leporis Venenum intrâ Corpus sumpsere, ut *Dioscorides*, & *Aëtius* testantur, Piscium virus olere videntur, & saporem in ore similem putrefactis Piscibus: Postea supervenit Ventris dolor cum icteritia primò flava, mox plumbea. Facies intumescit, atque pudendum pariter tumefactum urinæ cohibet exitum; Vomitus biliosus cruore permixtus adest, ac denique Mors accidere potest, quorum symptomatum causa refertur à vi Veneni hujus Marini Leporis, quod Venenum constare videtur ex acido sulphure, cujus particulæ foetidæ nauseam ex se pariunt, & ob aciditatem suam coagulantem, introductæ in cruoris massam circulantem, tumorem in internis, & externis corporis partibus generant; unde dolores, & urinæ suppressio habentur; tandemque toto coagulato cruore, sanguinis motus impeditur, undè Mors evenit; sunt nonnulli, qui asserunt hoc Venenum solummodò Pulmones exulcerare, ob peculiarem qualitatem, & ut aiunt proprietatem occultam; Ego verò cum *Aëtio*, qui omnia ferè sua ex *Galeno* transtulit, ac ab eo mutuavit, puto, non tantum Pulmones, sed omnes alias Corporis humani partes hujus Veneni perniciem lædere quemadmodum *Dioscorides*, *Rondeletius*, & alii Doctores existimant.

Quam primùm, si fuerit assumptus Lepus Marinus, vomitu est rejiciendus, vel si ad Intestina descenderit, purgante Medicamento est utendum, priusquam in massam cruoris perniciis Veneni permeet. Cedri resinam cum Vino assumptam pro remedio laudat *Sennertus*; *Athenæus* verò hujus Veneni

bezoarticum Triglum esse ait. Lac asinæ commendat Rondeletius. Alii commendant Mala Punica, Decoctum Malvæ, Sanguinem Anserinum, vel Gallinaceum, Cancros fluviatiles : Cæterum si ager Pisces coctos assumere incipiat, tunc spes salutis insurgit.

Nunc de Pisce Barbo, ejusque Ovis venenatis, aliquid dicere convenit, antequàm præsens caput ad umbilicum deducatur. *Hieronimus Cardanus*, Barbum vilem piscem esse tradit, & apud nos parvi æstimatur, imò me suadente à Magistratu à foro Piscario pluries tanquam nocuus Barbus projectus est. De hoc Adagium legitur apud *Aldrovandum lib. 5. de Piscibus Cap. 16.* quod neque frigidus, neque Calidus, neque elixus neque astatus sit bonus. Hujus Piscis Ova Venenata esse dicuntur, adeò ut si largiùs comedantur, eos qui hauserunt in magnum vitæ periculum adducant, ut notavit *Charletonus ex Rondelutio*; undè *Schroderus* ait, Ruricolæ aliquos hæc Ova Piscis Barbi assumere ad ciendum Vomitum, & alvum sollicitandam, quod sat violenter perficiunt. *Platina* docuit vim illam emeticam, & solutivam præsertim habere Maio. Atque *Anton. Gadius* apud *Aldrovandum* scribit, cùm experiundi gratia duos duntaxat de Ovis istis bolos comedisset, nihil indè aliquot horis postèa noxæ percepisse. Demùm sub horam Cænæ plurimam in ore Ventriculi sensisse inflammationem, quam ut dissolveret, anisum sumpsit, sed frustra. Post horam faciem apparuisse tanquàm in syncope, ita ut de salute valdè timendum haberet. Tum supervenisse passionem Cholericam cum magno vitæ periculo. *Rondelitus*, & *Salvianus* hæc aiunt Ova maleficia esse, cùm salicum, qui ad fluviorum ripas sunt, floribus in aquam decidentibus vescuntur; quod tamen an verum sit; dubito, potiùs enim putandum sua natura propria hæc Barbi Piscis Ova venenata esse, quia verò tale Venenum, Vomitum, & Alvum movet, dicendum erit, particulas talia componentes Ova, esse acres, & similes naturæ illarum Scammonii non præparati, ac Gutti Gumme: Spiculis enim propriis istæ particulæ ingestæ, & fibras Ventriculi, & Intestinorum lancinando, ac feriendo, nauseam, Vomitum, dolores, ac dysenterias, nec non Cardialgias ex-

citant, quæ mala nisi celeriter à valida ægri natura, & à Medica arte tollantur, de vita est dubitandum, quemadmodum Medicorum huiusmodi testantur. Ergò, quanto citius fieri possit, remedia erunt adhibenda, ut sunt Theriaca, Mithridatium, Philonium Romanum, omniaque demùm alia remedia, quæ præscripta sunt pro curatione veneficæ virtutis, & scammonii, & Seminum Ricini, similiaque.

CAPUT LXVIII.

*De Pastinaca Marina, Scorpione Marino, Dracone Marino,
& Pelle Piscis Canis.*

PASTINACÆ nomen æquivocum est, & vel Plantam significat, vel Animal aquatile Venenosum, de quo præcisè aliquid in præsentī capite dicendum. Pastinaca igitur sic dicitur ab eo, quod cauda istius Piscis, colore, ac rotunditate radici Pastinacæ sit similis; Cæterum Rariam æmulatur, de cuius Piscis descriptione legatur *Aldrovandus Lib. 3. de Piscib. cap. 46.* Habet aculeum; seu radicem in cauda tam mortiferum, ut brevi tempore animalia ictu perdere valeat; imò aiunt *Ælianus, Plinius & Nicander in Theriacis.* Arborem virentem emarcescere, cui radius iste sit prius infixus; & Autor antiquissimus *Diclys Cretensis* in fine sui Operis narrat, Telegonum Ulyssis filium, Patrem vulneravisse radio Pastinacæ Marinae ipsi a Circedato; ex quo vulnere triduo post, mortuus est; undè *Oppianus* cecinit.

Nil tam pestiferum, sævo nil vulnere majus.

Verùm Venenum hoc licet a multis Autoribus vehemens, & validissimum dicatur, attamen ex *Rondeletio* colligitur tantæ potentiae non esse, ut statim interimat; Feliciter enim Rusticum ab huius Piscis ictu Sanatum vidisse fatetur; signa, & symptomata istius Veneni sunt soluta unitas, & dolor in parte

læsa ; Carnem in læsa parte nigrescere ait *Sennertus* , & si digito compressa sit, saniem atram exire ; si nervi sint læsi, convulsio oritur &c. Cæterum quia talia symptomata etiam vulnera comitantur parùm Veneni judicare conjicio ; Attamen nonnulla addam remedia à Doctõribus decerpta ad hoc vulnus curandum ; licet ego solo spiritu vini sanandum posse sperem ; hepar Pastinacæ, vel radii cinis cum aceto , si vulneri imponantur , sunt multæ virtutis , referente *Sennerto* ; post *Rondeletium* : *Aetius* furfures aceto coctos , & pro cataplasmate impositos prodesse ait. Coagulum Leporis, vel Hadi, vel Agni ad 3. j. cum vino commendat *Plinius* ; Scordium laudat *Matthiolus* , & Mithridatis Antidotum ; Sulphur vivum urina veteri irrigatum, Marrubium , Lauri foliæ, Salviam , Stercus Columbinum , aliaque hujusmodi præscribit *Aldrovandus lib. 3. de Piscib. cap. 46.*

Scorpium Marinum unum , & idem Animal esse ait *Ardoynis lib. 6. de Venen. Cap. 38.* cum Scorpena, licet docuerit *Athenæus* diversos esse Pisces , attamen horum Piscium spinarum vulnera pro venenatis enunciant Doctores ; siquidem Scorpium multas spinas in capite, & dorso venenatas, unamque tantum in dorso Scorpenam gestare autumat *Sennertus*. Hinc non spinam tantum ex sua natura Venenatam agnoscit *Ardoynis* , sed propter humidum quoddam circa dictam spinam existentem in Salivæ formam , quam feriendo introducit in vulnus eodem penè pacto , quo Scorpio terrestris feriendo suum transfert in vulnera virus ; De istius Animalis historia legatur *Eruditiſſ. Aldrovandus lib. 2. de Piscib. cap. 24.* Nos in præsentiarum solummodò pauca de Veneno scribamus. Ex horum Piscium namque punctura graves insurgunt dolores , & ulcera depascentia ; atque si *Avicennæ* credamus ; ventris inflatio ad formam hydropis ; Accedunt convulsio, ac motus partis læsæ ablatio ; quæ prava symptomata ostendunt , naturam hujus Veneni , mediante punctum introducti , acidam esse , particulis enim suis irritando fibras, dolores ; continuum solvendo , ulcera ; ac humores coagulando , tumores excitat ;

ciat ; & si acidæ hujus Veneni particulæ nervosas partes tetigerint , tunc convulsiones excitabuntur , quatenus acidum nervis inimicum ; cuspidibus enim suis feriendo nervorum fibrillas , spiritus animales in præternaturalem motum concitant , unde spasmodicæ motiones oriuntur.

Prò curatione autem adhibenda primò sunt omnia ea , quæ in aliorum venenatorum Animalium moribus , & ictibus sunt à Doctoribus præscripta ; nimirum Venenum è vulnere , quanto citius fieri possit , est evocandum , indè Alexipharmacha sunt exhibenda. Simplex Plumbum tritum , & superunctum ictus Scorpîi Marini , & Draconis mitigare ait *Ardoyne Lib. 6. de Venen. Cap. 38.* Mentham laudant multi , Serpillum alii *Rondeletius* refert historiam de Puella ab hoc Pisce vulnerato , dum eum in sinum condere vellet , & eum curavisse ait mullo dissecto , & imposito , cum ejusdem Scorpionis hepate , adhibito ad vulneris ambitum Lenticis confuso ; Sulphur commendant *Galenus* , & *Sennertus* ; *Dioscorides* Absinthium , & Salviam ; Urinam Pueri , *Hali Abbas* , *Ægineta* , & *Aldrovandus*.

Duo genera Draconis Marini describit , & exhibet *Salvianus* de cujus nomine , ac differentiis videatur *Aldrovandus de Piscib. lib. 2. cap. 50.* istius ictum Venenatum esse *Oppianus* docet ejus enim puncturam sequuntur dolor tumor , inflammatio , Febris , tandemque gangræna , partis affectæ ; ex quibus symptomatibus facillè colligitur , Venenum hoc pollere acidis particulis , quæ continuum solvendo , primò dolorem excitant ; indè cruorem fixando , intumescuntiam , & inflammationem ; & cum particulæ illæ spiritibus vitalibus insensæ in massam cruoris ingressæ fuerint , fermentationem sanguinis præternaturalem , hoc est , febrem concitant. Ad Curationem quod attinet , primò pars affecta in aqua calida est immergenda , suadente *Sennerto* , indè Cucurbitulæ scarificatæ apponendæ ad virus extrahendum ; Ipse Marinus Draco impositus ictus suos sanat , monente *Plinio*. Lenticulam coctam præ cataplasmate imponit *Aldrovandus* ; Allium commendat *Avicenna* , & *Serapio*

secundùm *Dioscoridem* ; scribit *Rondeletius*. Patriæ suæ Piscatores in tali veneno ad Lenticæ folia, velut ad Sacram Anchoram, confugere, eisque partem affectam affricare.

Fel denique Canis Piscis tam Venenatum, ac lethiferum esse inquit *Ardoynis*, ut unius tantummodò grani pondere assumptum, intrà septem dies mortem afferat, nisi debitè, & citò Medicus opem ferat ; Assumptum enim hoc fel in sequitur fœtor oris gravissimus, flavus color Corporis, & Seminis involuntaria effusio, si *Sennerto* fides habenda ; ex quibus signis, ac symptomatibus colligi potest, particulas hujus fellis salino-sulphureas volatiles summæ efficacis esse, atque penetrantissimas ; ex oris enim fœtore sulphur prævum dignoscitur, quæ autem particulæ in sanguineam massam penetratæ, circumlando per universum Corpus illud proprio tingunt sulphure ; atque ad partes spermaticas delatæ salinis suis cuspidibus, eas feriendo, ac stimulando, involuntariam seminis excretionem inducunt, Ad hujus Veneni Curationem facit radix *Gentianæ* ; Butyrum vaccinum, Cinnamomum, & coagulum Leporis pro remedio feliciter usurpantur. Corpus inungi potest oleis odoriferis, & Aromaticis ; ægerque debet victu tenuissimo uti quemadmodum suadent *Ardoynis*, *Sennertus*, & *Matthiolus* *Avicennam* secuti : Vomitus cum aqua, oleo rosacco & butyro excitari debet juxta *Ferdinandum Ponzettum*.

C A P U T L X I X.

De Venenis Plantarum, & primò de Opio.

TENUI stylo, & pro viribus breviter consideratis Venenis desumptis ab Animalibus, proximum est, ut de Plantis agamus, quatenus à vegetabili regno copiosa Venena colliguntur ; De Opio itaque primò sit sermo tanquam veneno considerato.

Nonnulli putant Opium, & Meconium esse unum, & idem, sed perperam ; Meconium enim ab Opio differt, nam
Opium

Opium est succus elicitus ex capitibus Papaveris; Meconium verò est similis succus quidem, sed ex integra planta expressus. Multi lac, & Lachrymam Papaveris Opium dicunt, quatenus stillat ex capitibus Papaveris Albi leviter incisfis. Scatet Opium, notante *Ettmullero*, ex partibus Oleosis, sive sulphureis cum Sale volatili combinatis, undè rectè inter calefacientia, non verò inter frigida, ut tradunt multi, numeratur; illis ergò particulis sale volatili imbutis correctum, ac ritè præparatum & debita dosi, ac tempore propinatum Opium, quemcunque inordinatum spirituum motum coërcet; & præternaturales humorum agitationes compefcit, sicque dolores sistit, ac placidè somnum inducit; hinc & deliria, ex motu inordinato spirituum orta, sedare pluries in praxi medica exercenda notavi; Quocircà maximum esse remedium nemo negat; imò *Silvius* dixisse fertur, notante *Ettmullero*, se nolle Praxim medicam exercere, si careret Opio; licet verò innumera suggerat bona ad ægrorum beneficium; non est tamen per hoc, quod Opium nunc describam, ut plerique Autores, sed ut Venenum, nam meritò in serie Venenorum ordinis vegetabilium refertur & reverà non rectè præparatum Opium, atque non benè correctum, vel intempestivo tempore exhibitum, ac incongruè propinatum, aut inecedenti Dose, nimiaque quantitate sumptum, lethalia producit symptomata. Notandum tamen Opium ob admirandas operationes hæcenus non levis inter Medicos altercandi obtulit occasiones, dum alii, ut suprà innui, frigidum statuerunt cum *Dioscoride*, & *Scribonio Largo*. Alii calidum cum *Matthiolo*, *Libanio*, *Sala*, & *Doringio*; Alii nec à calida, nec à frigida qualitate vires suas habere, sed specifica totius substantiæ proprietate operari contendunt. Admiratione verò dignum esse, ait *Philipp. Jacob. Schas* in *Ann. 2. Mijceil. Curios. Obs.* 69. quod apud Europæos, si Opium assumatur, spiritus sopiat, figat, & soporem; somnumque, imò si dosi aliquatenus augeatur, mortem inferat. Apud Orientales verò Populos spiritus excitet, & ad Venerem stimulet; ideoque ad Martis, Venerisq; Castra comitatum præbeat familiarissimum. Ex Opio,

Opio, inquit *Joan. Jac. Saar.* Novennali Indiæ Orientalis peregrinatione celebris in suo *Itiner. Indiæ Orient.*, parant Indi in *Bantam* Electuarium, vocantque *Affion*, coloris Cinerei, dulco-amari Saporis, cujus usu feroces fiunt: Chinenſes verò in *Batavia* eo utuntur ad *Venerem* excitandam, cujus usu adeò *Veneris* æstro irritantur, ut per totam noctem *Veneri* litent, sæpè aufugientibus, nec ulteriorem vim ſuſtinentibus ſcortis; Apud *Perſas*, & *Indos* crebrò opium adhiberi oculatus eſt *Teſtis Olearius in itiner. Perſic.* & cùm Nobiliſſimus *Mandeslou* apud *Cham* in *Urbe Amadabat* convivio intereſſet, variæ oblatæ fuere præparaciones *Opii* in aurea ciſtula, de qua conviva ſumperunt ad *Venerem* excitandam. Mulieres *Perſæ* *Opio* utuntur, præſertim illæ, quæ cum Maritis non conveniunt, ut moriantur, inquit quidem *Olearius*, ſed quid ſi alia fuſeſſet cauſa, nimirum ſi fortè ad *Venerem* ineptiores hujus remedii ope excitatæ in Maritorum amplexus fervidiore raptu irruentes Maritorum amorem ſibimet arctiùs præ reliquis concilient, atque devinciant. Notiſſimum eſt *Turcas*; ut præliorum pericula eo magis eludant *Opium* frequenter devorare, ut teſtatur *Petr. Bellonius*, & eadem de cauſa pariter contingere, quod ante paucos annos obſervatum fuit poſt pugnam in *Hungaria* commiſſam, ubi *Chriſtiani Milites Turcas* occiſos ſpoliantes, pleroſque *Priapiſmo* ſædatos invenerunt; de hac re plura apud *Garmannum de Miracul. Mortuor. Lib. 1. Tit. 11. pag. 102.* Verùm, ut ad *Opium* tanquam *Venenum* redeamus ſciendum *Hannoviæ* *Dysenterico* injectum eſſe à quodam *Empyrico* *Enema*, teſte *Clariſſ. Doleo Miſcell. Curioſ. Decur. 2. Ann. 6.* in quo 3. j. *Opii Thebaici* fuerat diſſoluta, cui ægro ſtatim *Apoplexia*, & *Mors* ſubſequuta eſt De alio ſcribit *Schelhammerus Miſcell. Curioſ. Decur. 2. ann. 5.* qui ex errore *Pilularum Opiatarum* quarum compoſitio erat hæc: ex maſſa *Pilularum de ſtyrace* 3. iij. & *Opii* 3. β. ſingulæ verò *Pilulæ* ponderabant gr. 1. β. poſt novem aſſumptas *Pilulas*, ſonitus conſeſtim gravis, & turbulentus, mox motus lingue impeditus; cum magna oris ſiccitate inſurrexit, ut vix verba proferre poſſet; Supervenit vertigo, & delirium, exhibitò enim aceto,

aceto, nihil acredinis habere dicebat; tamen ope præsidiorum & dato tempore sanus evasit. Inter Venena ergò, & meritò, Opium refertur, quod non solum *Sennertus*, sed alii quoque Medicinæ Scriptores fecerunt, ut *Dioscorides*, *Galenus*, & *Plinius Lib. XX. Cap. 18.* qui *Licinii Cecinnæ Viri Prætorii Patrem in Hispania Bilibi* eo interemptum scribit, & apud *Galenum de Theriaca ad Pisonem legitur*, actionem Opium tam vehementem esse, ut si absque aliis medicinis propinetur, interficiat; nam Opium intrà Corpus assumptum sine eo, quod à corpore immutetur, illud immutat, & corrumpit; De Opium venenata potentia plura cupienti dabit *Tilingius de Laudano Opiato pag. 82.*

At quia suprà dixi, constare Opium ex sulphure, & fale volatili, nunc quærendum, an ejusdem vis narcotica, & venenata sulphuri primario, an verò fali volatili sit ad scribenda; argui posset pro fale volatili, primò activitas, agit enim in minima quantitate, & virtutem suam, quàm ocillimè in Corpus vibrat. Secundò quia figitur acidis, quæ ipsa in genere soporosis affectibus profunt. Tertiò, quia in distillatione non minùs, quàm sulphur apparet, & oculotenus se sistit: Verùm enimverò plurima sunt, ex quibus fal volatile copiosum educi potest, & quorum vires ab illo fale volatili dependere creduntur, quæ tamen longè diversos ab Opio effectus in corpora nostra edunt. Nunquam talis effectus à fale volatili antiscorbuticorum, quæ id eminenter possident, observatus est; nemo id à volatilibus Cephalicis unquam evenire notavit; quin contrarium potius visum est; observavimus in quam plurimis scorbuticis volatilia ejusmodi varia symptomata potius excitasse, nisi in quibus fixi humores volatilia indicant, & quod palmarium est observavit *Clariss. Mangetus in Bibliotheca Pharmaceut. Lib. 14.* in soporiferis affectibus longè præsentius se gerere urinosa volatilia, quàm ulla alia medicamenta. Verius ergò, & rectius narcoticum illud omne in sulphure principaliter quæritur, quod Opiatum sulphur in corpore humano resolutum, spiritus vaporosos, & sulphureos cum sanguine, & Cerebro communicat, qui Cerebri concep-

tacula oppilantes, ut loquitur *Kircherus de Pesse*, Cerebri ventriculos opplentes juxtà *Quercetanum*, seu poros potius secundum *Carresium*, soporem inducunt. Nunc autem ad Opium tanquam Venenum redeamus, & primò symptomata, quæ ab Opio sumpto producantur, videamus. Sumpto autem Opio, sequitur sopor gravis cum vertigine, & pruritus totius Corporis ita vehemens; ut hominem quandoque à sopore excitet; è toto Corpore gravis odor, Opium referens, exhalat; Labia intumescunt, singultus accidit, respiratio fit parva, Oculi obscurantur, convulsiones succedunt, tandemque Mors. Elevantur enim ab Opio particule sulphureæ, & salino-volatiles, illæ narcosim producant, & spiritus animales torpidos faciunt, ac ligant; Secundæ autem Corporis humani pruritus, singultus, vertiginem, & convulsiones pariunt; Tanta autem hujus Veneni vis est, ut statim, & intra paucas horas hominem, nisi idoneis remediis occurratur, jugulet.

Curatio primò consistit in Vomitu procurando, at si ad Intestina jam penetraverit Venenum, Clysteres etiam acres injiciantur; Postea Opii antidota exhibeantur; Assæ, & Castoreum laudantur à *Sennerto*; Utilia sunt Ruta, Origanum, Acetum, Mel, Theriaca cum Vino generoso nigro; De Artemisia sic *Macer Lib. de simplicib. Cecinit*

*Hæc Opium nimium, si quemquam laeserit, haustum;
Subvenit eximie, si vino juncta bibatur.*

Ad Comedendum exhibet *Ardoynis lib. 3. de Ven. nuces*, & Allium cum Butyro, & Hordeo, & pro potu Vinum purum in quo sit positum Cinnamomum; Plura apud citatum *Ardoynum*.

CAPUT LXX.

De Fungis.

NON sine ratione Fungos voluptuarium Venenum nominavit Seneca, ex horum enim comestione plures mortuos observaverunt Practici; sic Antistitem quendam cum duobus ex familia ex esu fungorum interiisse narrat Cardanus lib. 2. de Sanitate tuenda; extat apud Dempsterum Comm. ad Rosinum lib. V. Antiquitatum inscriptio, quæ fungorum Venenum assert, & talis est. P. Aetilio. Russo, & Aetilia. Beroni. ce. Vx. vixer. ann. 24. sed. Publi. mens. X. ante. natus. est., & eadem. hora. Fungorum esu. ambo. mortui. sunt. ille. acu., ista. Lanificio. vitam. agebant., nec. ex. eorum. Bonis. plus. inventum. est. quam. quod. sufficeret. ad. emendam. Pyram., & picem., quibus. Corpora. cremarentur. & Præfica. conductâ. & urna. emptâ. atque. Indulgentia. Pontificum. locus. datus. est. Unde fungus à funere derivatur juxta non nullos, quia Veneno suo vescentes ad funus deducit; Sic Athanasius Kircherus ait, fungum semper malignum esse, & semper exitium qualitatum apparatu instructum: Absint ergo perniciofa ista gulæ blandimenta; An utque adeo, exclamat Raius in Histor. Plantar. vitæ tædet, ut eam tam vili offa permutemus, mortemque semper in procinctu stantem ultrò sollicitemus. Ridendi ergo sunt Tranquillus, qui Deorum cibum fungos dicit, & Porphyrius qui, non cibum, sed filios Deorum fungos, & tubera vocat; Nam certum est, fungos aliquos lædere, & pro Veneno haberi, & præcipue, qui in locis putridis, foetidis fimosis, & Venenosis oriuntur, & maxime circa illas regiones, ubi varia animalium venenorum habitacula sunt, ubi sæpe, ex rerum vicinarum putredine, ex serpentum, Bufonum, & aliorum Animalium venenatorum afflatu, vel contactu, Venenum aliquod contrahere possunt. Valdè necessarium est scitu quinam fungi optimi, hi crescunt una nocte, in fimo equino, medicrriter

Z. 2

crassi

crassi castaneæ instar , carnosî , in parte superiore albi , in inferiore rubicundi , compacti , medullosi , fragiles , odoris & saporis grati ; Perniciosi verò sunt illi , qui in terra nimis diu manentes , sunt coloris nigricantis , cærulei aut rubri : ut & arboribus innati. Sic Mulierem ex esu Fungorum in gravem incidisse morbum , narrat *Forestus* , & ab eo insanam permanisse ; *Joh. Renodæus* quinque adolescentes litteris operam dantes , Lutetiæ ex esu fungorum mortuos notavit. Plura exempla eorum , qui ab esu fungorum ad Charontis Cymbam delati sunt inveniet curiosus Lector in *Observat. Medic. Jo. Schenckii Lib. 7.* Fungi igitur Venenati per se , seu nimia copia ingesti , suffocationem , & strangulationem inducunt , ventriculum inflant , singultum excitant , intestina exulcerant , dolores pariunt , Corpori pallidum inducunt colorem , urinam remorantur , præterea horrorem , ac sudorem frigidum , pulsum parvum , syncopem , interdum , & Epilepsiam excitant , nonnunquam somnum profundum inducunt , cujus rei exemplum habet *Vidus Vidius* in quodam Antistite , qui ex nimio fungorum esu somno oppressus , & adeò redditus est attonitus , ut neque excitaretur à candente ferro ad verticem admocto. De Fungorum pravis symptomatibus legantur *Forestus* , *Botallus* , *Epiphanius* , *Ferdinandus* , & *Sennertus* ; Causa istorum symptomatum , sunt particulæ salino-sulphuræ volatiles , quæ ingesta salinis suis cuspidibus irritando & feriendo fibras tum Intestinorum , tum Ventriculi , dolores , ac singultum , exulcerationes , & convulsiones excitant ; Sulphure verò suo narcotico ad Cerebrum delato somnum profundum , pariunt Fungi manducati ; Si verò cum tali sulphure sociatæ sint Salinæ particulæ , tunc Epilepticos insultus causant cum horrore , & sudore frigido.

Curationem , quod attinet , primò vomitu statim fungi rejiciendi sunt , vel si jam ad Intestina descenderint clystere utendum , postea specifica conveniunt ; qualia sunt Pulvis stercoris Gallinæ , vel Cinis Samentorum vitis , addito nitro , & aqua mulsa referente *Sennertio* ; Sinapi non inutilis est cibus contrà Venena fungorum notante *Ardoyno* ; Oleum commen-

dat

dat *Oribasius* ; *Galenus* Nitrum ; Absinthium , *Macer.* & Porrum , Lilium , Urinam humanam , Stercus hominis , Pyra Sylvestria , Rutam , Mel , Myrthum , Origanum , Allium , Hyssopum , Nasturtium , alii Medicinæ Magistri laudant : Vinum alii extollunt vel acetum cum paucò sale : qui ex fungorum virulentorum esu male habet , suadente *Tabernamontano Herbar. p. 4.* & experientia *Michaelis Not. in Schræd. Pharm. p. 607.* utatur succo absinthii cum aceto , & sanabitur.

CAPUT LXXI.

De Napello , Aconito , & Doronico.

IN hoc capite de Napello , & Aconito , utpotè duobus potentissimis Venenis tractabimus , maximè quia , tam Aconitum , quàm Napellum pro una , & eadem Planta sumunt aliqui , sed perperam ; differt enim Napellus ab Aconito , licet *Chabraeus* asserat Napellum *Avicenna* , & Arabum esse speciem Aconiti , & hoc apud omnes fermè in confesso esse ; Aconitum ergo multiplex est , cujus undecim species agnoscit *Chabraeus* , omnes venenatas : Duo tantùm verò juxtà *Dioscoridem* sunt istius Plantæ genera , primum *Pardalianches* dicitur , alterum *Leucoctonon* , cujus genera rursus tria esse contendit , quamvis alias Aconiti species depingat , atque describat *Matthiolus* ; De Aconito salutifero meminit *Schroderus in Pharmac. Lib. 4.* quod etiam nomine herbæ Paris insignitur. Oritur ut plurimùm Aconitum in nudis , & arduis Montium summitatibus , folia habet Cucumeris foliis similia , sed majora , ad summum quatuor , subhirsuta ; Caulem edit palmarem pariter hirsutum , Florem Doronici emulum , & Chrysanthemi similem , sed minorem. Radix ejus est splendens , Alabastri modo , dum recens est , crassitudinis digiti unius , ex lata origine in acutum deficiens , incurva , geniculata , & tota facie Scorpii caudam æmulans , & hæc est descriptio principalis Aconiti *Pardalianches* dicti ;

Z 3

Cæteras

Cæteras aliarum Aconiti specierum descriptiones Botanicis lubens relinquo, Aconitum enim ego solum tanquam Venenum considero ; scripsit de hac Planta diligenter *PLINIUS lib. 27. Cap. 1.* Sic inquit ; “*sed antiquorum curam diligentiamque quis possit satis venerari , cum censet omnium Venenorum occisissimum esse Aconitum : & taëlis quoque genitalibus faminei sexus Animalium , eodem die inferre mortem ? Hoc fuit Venenum , quo interemptas dormientes à Calphurnio Bestia uxores M. Cæcilius accusator objecit ; Hinc illa atrox peroratio , ejus in digito mortuas. Fabula narravere , à spumis Cerberi , canis , extrahente ab Inferis Hercule , ideoque apud Heracleam Ponticam ubi monstratur is ad Inferos aditus , gigni. Hoc quoque tamen in usus humanæ salutis vertere , scorpionum istibus adversari experiendo datum in vino calido. Ea est natura , ut hominem occidat , nisi invenerit quod in homine perimat. Cum eo solo colluctatur , velut pari intus invento. Sola hæc pugna est , cum Venenum in visceribus reperit , mirumque , exitialia per se ambo cum sint , duo Venena in homine commoriantur , ut homo supersit ; Imò verò etiam ferarum remedia antiqui prodiderunt , demonstrando quomodo vincta quoque ipsa sanarentur. Torpescunt Scorpiones Aconiti taëlu stupentque pallentes ; & vinci se consentunt.*

Nunc id , quod de Aconito scripsit Clariss. nostrumque Amicissimus *Mangerus* addamus , ut clariùs Aconiti brevem historiam in hoc capitulo tradamus ; Primò igitur Aconitum , sic dicitur , quia ut suprà memini crescit in nudis cautibus , quam Etymologiam probavit *Ovidius* , cum cecinit

*Quæ quia nascuntur durâ vivacia caute
Agrestes Aconita vocant.*

Alii nomen quidem à cautibus deducunt, sed diversam ejus rationem assignant, quoniam scilicet huic Plantæ eadem vis in morte esset quæ cotibus ad ferri aciem deterendam statimque admota velocitas sentiretur. Aconitum vulgò dividitur in Aconitum magnum purpureo flore , & Aconitum folio Platani , flore pallescente luteo; & datur etiam in hoc ipso genere aliud flore purpureo; hic autem

tem notandum, Aconitum magnum purpureo flore, vulgò esse Napellum; idcirco in hoc capite de Napello etiam sermonem habere decrevi, licet hæc plantas separaverit *Sennertus*. Dixi suprà, in jugis montium ortum, vires valdè noxias habere, quia delatum in hortos parùm operari suis venenis Napellum ait *Mart. Bernard.* & *Bernitz.* in *Ephemer. Germ. ann. 2.*, & *Petr. Joh. Faber.* in *Panchymici lib. 1.* Non ita tamen tutum erit experiri Napelli, seu Aconiti magni in hortis culti vires. Botanici aiunt, referente *Abbate Rousseau* in suo *Tractatu gallico*, cui titulus est *Remedia Secretiora* &c. quod si manu tractetur Napellus, id est Aconiti prædicta Planta, per aliquod temporis intervallum, mors indè pervenire potest. Aconitum autem platani folio, Napelli excedit malitiam, notante *Joh. Bauhino*; quodcumque enim Animal, vulneratum telo, vel alio instrumento ejus succo illito intrà horam moritur; negant tamen multi mortiferum esse hunc succum, si bibatur, aut devoretur, ut apparet etiam in *Viperæ Veneno*, tametsi absque noxa id non fiat. Hic autem notandum est, aliquos Doctores Aconitum, Napellum, & *Doronicum* confundere, & accipere unum pro alio, undè credidè Aconitum Venenatum non esse, quia *Doronicum* ingreditur aliquas compositiones insignium remedium in Pharmacia; alii è contrà, & Aconitum, & *Doronicum* pariter venenosas esse Plantas autumant; undè legitur apud *Casr. Hoffmannum de Medicament. officinab. Lib. 2. cap. 4.* quendam olim sumpsisse mixturam, in qua *Doronic* radix fuit mixta, & hic per octo quidem horas bene se habuit, verùm illis elapsis ventrem, & Stomachum inflari sensit. & circà os Ventriculi imbecillitatem quandam, & Corpus totum infirmius, ità ferè, ut aliàs semel, ac iterùm ex nimio frigida potu perceperat, quæ symptomata cum biduo durarent, & non viderentur spontè cessura; ingressus tamen hic æger aquæ calidæ solium, & curatus fuit. Simile exemplum narrat *Gesnerus*. De quæstione autem *Doronic*, & Aconiti legatur *Sim. Pauli Quadripart. Botanici. class. 2.* Licet verò concedatur *Doronicum* Canibus, Felibus, & Lupis

Lupis deleterium, ac funestum esse, tamen inde concludi nequit homini etiam deleterium, ac funestum esse, differt natura à natura, alimentum ab alimento, ut docet *Frider. Hoffmannus Clav. ad Pharm. Schroder. Lib. 4.* Aloe enim interficiuntur Vulpes, & homini medela est; Mures herbæ Heleni decocto necantur, & homini remedio est. Nux Vomica Felles, canes &c. necat, & tamen ingreditur Eleſtuarium de Ovo Maximiliani Primi Imperatoris. Certum tamen est hujus Doronici radicem in nimia doſi exhibitam etiam nocuisse. Ut autem omnes ſuſpiciones tollantur pro Doronico in compositionibus Pharmaceuticis Galangam cum corticum Citri parte nonnulli ſubſtituunt, eo quod, ut dixi, Autorum quorundam diverſa opinio Veneni ſuſpicionem id apud pleroſque infame reddiderit; id enim ab aliquibus inter Aconita repositum, ac Toxicis adnumeratum, & pro deleterio paſſim habitum, & proclamatum à medicamentorum compositionibus aliquantisper exulare coactum fuit, verumtamen Doctiſſimorum, & in remediis verſatiſſimorum Virorum gravia teſtimonia, quinimò, & uſus ipſe Doronici vulgaris innocentiam detexit, quo argumento Pharmacopœa Auguſtana, quæ prius pro eo Zedoariam ſubſtituebat, nunc Doronicum in medicum uſum reaſſumpſit. Nobis autem hoc in loco, nec de Arabum Doronico nec de Aconito *Pardalianches* ſermo eſt; ſed de vulgari tantum Doronico, de quo plura apud *Biblioth. Pharmvc. Med. Mangeti*, & apud *Heimannum in Mater. Medic.*

Nos verò ad Aconitum redeamus, & undè diſceſſimus, gradum faciamus. Succus ergò Aconiti, præſertim radicis, Venenum eſt validiſſimum, non ſolum aſſumptus, verum etiam telis, & ſagittis illitus læthalia inſigit vulnera teſte *Sennerto*. Imò *Pareus* ait, ſolo odoratu mures interficere. Aſſumptum itaque Aconiti Venenum, ſtatim in lingua inter ſumendum quodammodo dulceſcit, paulò poſt ſonticus ſapor oritur; Caput perturbat, cum gravitate; inſequitur vertigo, convuſſio Muſculorum Temporum, delirium, tremor, lachrymæ involuntariæ, ſpirandi difficultas, Ventriculi morſus,

&

& totius Corporis tumor sequuntur ac nisi quam citissime succurratur, Mors inevitabilis accidit; ex quibus symptomatibus colligitur, tale Venenum consistere in particulis acido salinis, sulphureo-volatilibus quæ ope caloris nativi exaltatæ, & ut ita dicam; in actum deductæ spiritus animales primò agitando, Vertiginem, Delirium, tremorem, & convulsionem pariunt; inde spiculis suis ferientibus Ventriculi tunicas, dolores fortes; atque aciditate sua fixando humores, atque fermentatione præternaturali in illis introducta; totius Corporis intumescantiam excitant,

Uti in omnibus aliis Venenis, ita & in hoc potissimum Medicus in primis agere debet, ut Venenum, si ore sit assumptum, vomitu statim ejiciatur, & si jam ad inferiora Intestina descenderit medicina purganti, vel clystere evacuetur; Postea exhibenda sunt Ruta, Abrotanum, Origanum, Marubium; Chamæpitys, Aristolochia longa, Leporis coagulum, Castoreum, Theriaca, Mithridatium, & Opobalsamum. Extrà Corpus utendum Oleo Scorpion., & nostro Contra-pestem. Prò potu exhibendum Vinum Absinthites, vel Vinum in quo Aurum candens, aut ferrum extinctum sit, suadente Sennerto. Lac Capræ Napelli antidotum esse ait Grunelius in Miscellan. Curios. Decur. 3. Ann. X.

CAPUT LXXII.

De Toxico, & Pharico.

Dioscorides Lib. 6. meminit de Pharico, & Toxico, Venenis scilicet, quibus Antiqui Barbari sagittas illinebant, ut hostes vulnerati perirent Veneno. Iisdem quoque venatores ad feras capiendas usos fuisse ait Sennertus. Pharicon quibuldā ab Insula Pharo: aliis ab Arcadicis Pharis: aliis à Phæris Thessaliæ: aliis à Phæride Lacedæmonia: interpreti Nicandri ab inventore Pharico, Cretenfi, venefico. Toxicum verò undè dicatur Plinius Lib. XVI. Cap. 10. his verbis ostendit. Jos. Lanzoni Opera. Tom. I. A a dit,

dit, *Similis his etiam nunc aspectu est, ne quid prætereatur, taxus minus virens gracilisque, & tristis, ac dira, nullo succo, ex omnibus sola baccifera. Mas noxio fructu. Lethale quippè baccis, in Hispania præcipuè Venenum est.*

Hanc *Sextius* similacem a Græcis vocari dixit, & esse in Arcadia tam præsentis veneni, ut qui obdormiant sub ea, cibumve capiant, moriantur. Sunt qui & *taxita* hinc appellata dicant, venena, quæ nunc toxica dicimus, quibus sagittæ tinguantur.

Unde Plautus in Mero. cecinit

. . . *Ibo ad Medicum, atque me ibi Toxicò morti dabo.*

Quæ autem præcisè fuerint hæc Venena non satis est explicatum, & plerique statuunt adhuc non satis cognitum esse, quæ antiquis hæc Venena fuerint. Equidem *Guilandinus de Papyro* acriter hac de re in *Matthiolum* invehitur, & ipsum ignorantæ arguit, quod non animadverterit; quod ipse *Dioscorides* Pharicum inter Plantas simpliciaque venena refert; verum etsi certum sit, quod & Toxicum, & Pharicum, Venenum è Plantis sit, quo tela Antiqui inungebant, hoc tamen incertum, nec à *Dioscoride* expressum, è quo Plantæ specie hoc Venenum petitum fuerit. Sunt enim tales Plantæ plures, *Napellus*, *Aconitum* *Pardalianches*, *Helleborus Albus*, & similes, & quædam etiam Indis hodie in usu, nobis nondum notæ. Dubium etiam est, ait *Sennertus*, an simplex, vel compositum fuerit. & quod tale fuerit, nempe compositum, aut quodammodo præparatum patet ex *Hesychio*, & *Scribonio Large*. *Foresius* autem Pharicum Plantam esse docet, ac toto gustu nardum repræsentare, idemque sentit *Bruno in Lexic. Med.* Hinc pariter Toxicum, Plantam fuisse credidère nonnulli; Sic *Manardus* noster ait, id Antiquis fuisse Toxicum, quod Arabes *Napellum* vocant, quæ quidem sententia, teste *Mattholo*, non omnino iis videtur refellenda, qui plura de Toxicò non investigaverunt, quandoquidem (ut *Avicenna* Author est) non defuère, qui sagittas *Napello* inficerent, constatque *Napellum* hauri-

haurientibus Linguae, & Labiorum inflammationem excitare.

Ex *Dioscoride* collegit *Zacutus*, Toxicum esse omne Venenum, quo jacula tinguntur ut *Aëtio* placet, & *Virgilio*, qui eleganti metaphora, ac duplici translatione, quàm notavit *Quintilianus Lib. 8. Cap. 16.*

: . . . quo non felicior alter
Ungere tela manu, Ferrumque armare veneno.

Et *Lucanus Lib. 8.*

: . . . Sed multo saturantur tela veneno.

Atque *Ovidius Lib. 4. Trist. Eleg. 1.* sic cecinit

Hostis habens arcus, imbutaque tela veneno.

Neque putandum est à Taxo animali fomiculoso deducendum esse hoc vocabulum Toxicum; licet Taxi morsum Venenosum esse scribat *Olaus Magnus Lib. 6.* quia reverà morsus hujus Animalis non ità est Venenatus; Toxicum autem ità est exitiale, ut vel contactu citissimè interficiat teste *Zacuto*. Alii ex Taxo Arbore cum *Plinio* Toxicum dicunt, illius enim plantæ succum esse exitiale volunt, de quo intelligendus est Poeta *Lucretius Lib. 6.*

*Est etiàm magnis Heliconis montibus arbor
 Floris odore homines tetro consuecta necare.*

De hac re plura apud *Calium Rhodoginum*, *Langium*, & alios.

Retuli usque adeo ea, quæ de Pharico, & Toxico sentiunt Doctores, verùm de re non satis cognita plura non addo, nisi hoc, quod ex *Athenæo Lib. 3.* affertur, & ab aliis etiam confirmatur, ut ad alia Venena, ità in primis contrà Toxica optimum esse remedium Malum Cydonium, ita ut ad quoque sua præsentia, & fragrantia Venenum hoc ignavum, & languidum

dum reddat; quod cùm accidat & veneno parari solito ab Hispanis, ex albo veratro, tingendis in venatu sagittis, *Guilandinus* Hispanicum id Venenum Pharicum esse suspicatur. Referunt nonnulli Milites Hispanos contra Afros pugnatos, mala Cydonia secum ferre, ut à venenatis telis fortè læsi, ea tanquam antidotum salubre comedendum in promptu habeant; fides autem de hoc penès *Sennertum*.

CAPUT LXXIII.

De Cicuta

Hic primò mihi liceat referre meam de Cicuta brevem Dissertationem impressam in *Tom. 3. Sepulchreti Anatomici Theophili Boneti Lib. 4. Sect. X. pag. mihi 491.* quæ talis est. Cicutam Venenum esse naturæ humanæ insensissimum, & Antiqui, & Recentes referunt Scriptores. Sic de Cicutæ malignitate plena sunt Historicorum volumina; Hinc ope Cicutæ occisi fuere Demostenes, & Seneca, teste *Sim. Paulli Class. 3. Quadrip. Botan. & Socrates*, cujus mortis historiam *Plato in Phæd.* exposuit, quàm non sine Lachrymis legebat *Jul. Caesar Scaliger*; nec non veneno Cicutæ præter alios multos, necatus est *Franciscus Trapolinus* Præceptor Pomponatii, ut monet *J. C. Scaliger de subtil. ad Cardan. exercit. 152.* Undè Athenienses maleficos homines Cicuta necare soliti erant, ut passim testantur historiæ; & *Plinius Lib. 25. Histor. Nat.* hanc invisam Atheniensium poenam fuisse ait Cicuta variè à variis appellatur; undè à multis *Ægynos*, aliis *Ethusa*, *Apolegusa*, *Dolia*, *Amacrofis*, *Aphro*, *Cæten*, *Abioton*, *Timoron* dicitur, aliæque plura etiam habet nomina, ut videre est apud *Tragum Lib. 1. Histor. Stirpium.*

Nascitur ipsa herba sponte incultis, atque umbrosis locis, caulis quandoque tricubitalis est, Forficulum imitatur, geniculatus, ac nodosus, è cujus sinubus furculi prædeunt, florem album facit, semen anisorespondet, infesto tamen odore,

&

& Myrrhidi admodum similis est Cicuta, & ab ea tantum differt viroso, ac maligno suo odore. Floret autem Julio, & Semen habet Augusto. Duplex est, nimirum Cicuta major, atque Cicutaria vulgaris; prima apud nos Ferrarienses haud nascitur, altera passim adinvenitur, eamque manducatam Afinos inebriare putat Vulgus noster; De hujus Plantæ descriptione, & differentiis plura tradunt *Bauhinus, Dioscorides, Matthiolus, Tragus, Hoffmannus, Fuchs, Ruellius, Chabræus*, alique Botanici. Frigidæ hanc herbam esse temperiei narrant multi; *Cardanus* autem eam calidâ esse imbutam temperaturâ ait l. 1. de *Venen.* 5. Primi ex ejus frigiditate Venenatam qualitatem deducunt; qui tamen refelluntur à *Sennerto*, nam aqua, & nix eâ longè frigidiora sunt, & tamen non sunt Venena; Ex eo verò, quod sit amara, deducit citatus *Cardanus* loc. citat. Cicutam esse calidam; *Sennertus Praef. Lib. 6. part. 7. cap. 6.* ait, totam illam actionem, quâ, ut Venenum agit, esse ab ejus occulta proprietate. Ego verò cum *Sim. Pauli*, in *Quadrupart. Botan. Wossio de Idololatr. lib. 3. & Frider. Hoffmanno, Clav. in Schröder.* assero, Cicutam meritò inter Venena referri à tota substantia agentia: De Cicutæ frigiditate tractarunt *Matthiolus in Dioscorid, Fuchs in Histor. Plantar. Casp. Hoffmannus de Medicam. Officinal* alique plures; De Cicutæ caliditate *Cardanus lib. de Venen. & Hermolaus Barbarus in Corollar. Cap. 694.* Cicutam aquaticam frigidam esse, Terrestrem verò calidam ait; Quidquid verò sit de ejus primis qualitibus, de quibus penès Autores, certum est, eam esse Venenum, & Corpori humano inimicum, & qui ab hac herba venenati moriuntur, incipiunt algere ab extremitatibus Corporis, quemadmodum accidit *Socrati* monente *Platone*, & hîc notandum, quod quando hæc Planta cum Vino est pota, irremediabilis putatur. Potentissimam eam esse Cicutam ait *Plinius* cum *Matthiolo*, quæ oritur in Partha, Laconia, Creta, Asia, Megara, & Athenis in Græcia; in Italia verò non apparet tam venenata, innocens tamen non est; haulta cicuta oculorum caliginem inducit, cum Vertigine, furore, ac amentia, difficultate respirationis,

strangulatione, singultu, corporis tumore, frigiditate, atque virium exsolutione, tandemque morte, tanquam *ultima Linea rerum*. Ob salvandum illum, qui fuisset venenatus à Cicutā, præmissō prius vomitorio, ut in omnibus sit Venenis, vel etiam purgante, aut clystere, statim alexipharmaca adhibenda sunt, verbi gratia Dictamnus, Ruta, Gentiana, Semen Urticæ, Absinthium, & Mithridatium, vel Theriaca ad 3. j.; Vinum generosum valdè commendo, debile enim tanquam vehiculum Veneni agnoscit *Sennertus*, unde Athenienses, dum aliquos Cicutæ Veneno volebant occidere, pauxillum Vinī debilis ei admiscebant, ut sua tenuitate, Venenum ad Cor citò deduceret. Totum Corpus venenati calefaciendum est, ægrotusque ad motum cogendus; idcirco *Scaliger exercit. 152. ad Cardan.* ait Athenienses monuisse Critonem, ne Socratem permetteret attentius disputare, propterea quod ex ea mentis agitatione caloris aliquid contrahi poterat, quī calor veneno Cicutæ obstaret: Sicuti verò homini Venenum est Cicutā, ita Cicutæ Vinum, de quo egregius ille eruditionis Thesaurarius *Calius Rhodiginus Lect. Antiq. Lib. 28. Cap. 25.* hinc valdè miratur *Joh. Bruerinus de re cibarij. Lib. 8.* Plinium alioquin gravem virum tradidisse *Lib. XXV. Cap. XIII.* caules Cicutæ, plerumque edi in patinis; cū certò constet noxiam esse Cicutam; quam maximè differre à Toxico scribit citat. *Calius Rhodiginus*; hanc servabant Athenienses ad publicam pœnam, quod, & *Juvenalis* notavit.

Nil præter gelidas ausa conferre Cicutas.

Quam pœnam subivit olim Socrates, ut suprà monui, cujus mortis historiam fusè describit *Eilard Lubinus Comm. in a. Pers. Satyr. 4. pag. mihi 757.* quidem digna est, ut legatur. Certò igitur constat, Cicutam Venenatam Plantam esse Notandum tamen cum *Luciano in Ermotimo*, Cicutam non in omni quantitate occidere, refert enim *Galenus* historiam de quadam Atheniensi, quæ à minima Cicutæ portione auspicata nullo de-

trimen-

trimento ad magnam progressâ est copiam, simileſque obſervationes notarunt *Fontanus in Reſp. Med.*, *Sextus Empiricus*, *Marcell. Donatus*, *Mercurialis*, & alii; Imò Anum quandam triginta Drachmas Cicutæ innoxie devoraſſe ſcripſit *Casp. à Reies Camp. Elyſ. quaſt.* 63. qui Autor concludit Cicutam quandoque nutrire poſſe. Externus autem Cicutæ uſus non rejiciendus eſt à Praxi Medica; ex hac enim, uti & ab aliis Venenis, morbi aliqui edomari queunt, ſic doctiſſimus *Estmullerus in Schroder. dilucid.* emplaſtrum de Cicutâ commendat prò ſplenis obſtructione, imò & in ſtrumis cum gummi Ammoniaco in aceto ſoluto adhibetur. Ad mammas induratas à Lactē coagulato feliciter emplaſtrizatur Cicutâ, quod bis Ego expertus fui; Hanc herbam *Dioſcorides* tritam, & teſtibus circumlitam applicari jubet ad Venerem exſtinguendam; hinc eſt poſtea, quod ſucco Cicutæ aliquo modo nobisadhuc incognito præparato ſacerdotes Athenis libidinem exſtinguebant, ut legitur apud *D. Hieronym. contrâ Jovian.* Alexander ab Alexandro 4. *Genial. dier.*, & *Casp. d. Reies loc. citat.* Ad omnes inflammationes & tumores externè Cicutam prodeſſe docet *Tragus Hiſt. Stirpium*; Succum Cicutæ, & ejus aquam deſtillatam juvare in Eryſipelate docent multi. Ex hac fieri ad refrigerandum malagma ait in *Hiſtor. Plantar. Leonard. Fuchſius* (poſt *Plinium*) multi uſus, ad cohibendas epiphoras æſtivas, oculorumque dolores ſedandos; undè optime poſtea *Plinius* ait, eam miſceri collyriis, & omnes rhumatismos cohibere; Podagram refrigerare Cicutam cum Lithargyrio aut axungia in primo ejus impetu tradit *Plinius Lib. XXVI. Cap. X.* imò membris luxatis apponit. *Lib. XXVI. Cap. VII.* In narium hæmorrhagia Cicutæ Semen tritum ex aqua, naribusque inditum efficacie multæ eſſe ait *Plinius, Lib. XXVI. Cap. XIII.* qui etiam ulcera curare vult Cicutam eum Siligine mixtam mero; Ego tandem expertus ſcribo, Cicutam noſtram contuſam; & appoſitam tumoribus valdè prodeſſe.

Si Afini Cicutam depaſcantur ſomno profundo corripuntur, ut ſæpè à Ruſticis tanquam mortui excoriati fuerint; ut monent *Ant. Mxzaldus*, & *Matthiolus Comm. in Dioſcorid.*

Satur-

Sturnos impunè vesci Cicutis quæ tamen homini sunt Venena asserit cum multis Auctoribus Clar. Dom. *Scaliger Comm. in Theophrast. Lib. IV. de Plantis*; ita pariter me legissè memini, Gallinas vesci Scorpiis, Anates domesticas Bufonibus, felles lacertis absque ulla noxa: Hic autem pro epilogo notandum, Cicutam Venenum esse acribus particulis præditum; linguam enim acrimonia quadam pungit, & vellicat, homini tam infensum, ut qui sumpserint brevi moriantur. Plura de Cicutæ Veneno cupienti dabit insignis ac nunquam satis laudatus Dom. *Theoph. Bonetus in suo Mercur. Compital. Lib. 18. Joh. Jacob. Wesserus Illustris Academiæ nostræ Curiosorum Socius* semper æstimandus atque colendus.

Et hæc sunt, quæ de Cicutâ dicta inveniuntur in Tom. 3. *Sepulchret. Anatomic. Theoph. Boneti* pag. 492. modò caput nostrum de Cicutâ sequamur. Hujus ergò Plantæ differentias legere poterit Curiosus Lector apud *Chabraum*, aliosque Botánicos; Notandum tantummodò in præsentiarum Cicutam in aliis regionibus magis, in aliis minus exitialem existere; sicut in Italia nostra minùs lethalem esse, si ei maturè præsidii occurratur. Symptomata verò, quæ ab assumpta Cicutâ oriuntur, sunt vertigines, mentis turbatio; adeò ut pro fanaticis ægros haberi ait *Ambros. Pareus*; insuper singultus, oculorum caligines, frigus extremarum partium, convulsiones, strangulatio, Corporis intumescencia, difficultas spirandi, color Labiorum Citrinus, & Corporis Plumbeus, pulsus durus, & gravitas motus partium Corporis ægri. Isti autem effectus produciuntur à particulis sulphureis, & Salino-volatilibus, ex quibus primis gravitas, ac tumor Corporis, colores Citrini, ac Plumbei insurgunt, quatenùs circulando per humores eos fixant, & tingunt; ex secundarum verò aculeis, motus inordinatus spirituum; unde vertigo, mentis turbatio, & oculorum caligines oriuntur, unâ cum singultu, convulsione &c. De istis symptomatibus plura vide apud *Wesserus de Cicutâ*. Curatio autem tali modo instituitur, nimirum præmissò vomitorio, vel etiam purgante medicamine, aut clystere, statim alexipharmaca sunt propinanda, ut sunt Ruta, Dictamnus, tenera

tenera folia Lauri , Daucus , Gentiana ; Amomum , Semen Urticæ , Absinthium , Castoreum cum Vino generoso ; Theriaca , Mithridatium , & Terra sigillata. *Petrus Aponensis* putat Antidotum Cicutæ esse Potionem ex Theriacæ 3. ij. cum Decocto Dictamni , aut Gentianæ in vino. Oportet autem , ut monet *Ardoynis* , alvum acerrimo deducere medicamine , ut extrâ supra ventrem imponere farinam hordeaceam coctam in vino calido ; *Macer. in suo Lib. de simpl. Cap. de Cicutâ* , sic cecinit

*Frigida lethiferæ vis dicitur esse Cicutæ ,
Unde necat gelidi potantes more veneni
Qui perit hac herba , cutis ejus fit maculosa
Inde genus mortis valet hæc per signa probari
Hæc sumpta , si quis morti sit proximus , herba
Forte merum tepidum bibat , evadetque periculum.*

Dioscorides lac bubulum , aut Asininum commendat cum pipere , Castoreo , Ruta ; *Mentha* , Semine Urticæ , Styrace &c. & historiam narrat *Roeslerus in Miscell. Curios. ann. 3. Dec. 1.* de Comitissâ ab Hanau , quæ cum virginibus , & famulis inter Pastinacæ elixas , etiam Cicutam , quæ illas forma , & sapore refert , comederat , & omnes indè vertigine correptæ sunt , ceu inebriatæ , secutum delirium , singultus , & alia gravia symptomata ; Mirum autem , quod nulla ex istis comedentibus mortua sit , puto verò illam non copiosam pastinacis admixtam fuisse , & illas parum saltem de ea degustasse. De incommodis verò ab esu Cicutæ videatur *Amat. Lusitanus Centur. 5. Curat. 98.*

Rusticus , quidam , referente *Matthiolo Magnifico Joh. à Turre Vinitor* , non longè à Goritiæ arce , suas colebat Vineas , ligone fortè fortuna enectis Cicutæ radicibus , secumque domum delatis , Pastinacæ radicis loco decoxit , comeditque in Cœna cum Uxore , mox statim ambo ivere cubitum ; media autem nocte à somno expergefacti , omni penitus amissâ ratione , huc , & illuc per domum in tenebris vagabantur , amentia ducti . unde Caput in parietes percusserunt ; attamen à *ci-*
Jos. Lanzoni Opera. Tom. I. B b *sato.*

rato. Mathiolo curati sunt, quemadmodum videre est in suo sexto Libro Comm. in Dioscorid. Cap. 11. Antequam verò Caput hoc ad umbilicum jam perductum claudam, Curiosorum in gratiam non incongruum erit narrare observationem Georg. Sebastian. Jungii publici juris factam in Miscellan. Curios. ann. 4- & 5. Decur. 1. de succo Cicutæ innoxie hausto, quæ talis est. Erat vir quidam apprimè litteratus, qui ad exstinguendam calidioris hepatis, ut vulgò vocant, seu potius sanguinis fervorem, ac inde enatam faciei rubedinem exstirpandam, per ostidium omni mane succi Cicutæ uncias tres circiter cum Saccharo delibavit, nullo alio symptomate, nisi virium debilitate; Mirandum sanè, imò obstupefendum est, nulla alia ex repetita hujus Cicutæ Succii sumptione emeruisse incommoda.

CAPUT LXXIV.

De Ephemero.

EPHMERON dicitur quoque Colchicum, eo quia ut plurimum in Colcho nascatur; magnitudine sua, & foliis latis liliaceis, vasculis seminalibus majoribus, à Croco, cui aliàs persimile est, distinguitur; Non convenit inter Botánicos, ait *Raius*, an Colchici radix sit *Hermodaetylus* officinarum, aliis id affirmantibus, aliis negantibus. Doctiores & peritiores diversam faciunt, inter quos *Bauhinus* *Hermodaetylum* non esse Colchici radicem probat: quia *Hermodaetylus* exsiccatu permanet albus, neutiquam rugosus, modicè durus, & pulverem dat candidum, quæ omnia Colchici radix siccata non habet: Addit *Joh. Bauhinus*, Colchici radicem esse venenosam; *Hermodaetylus* verò innoxie gustari potest. Cæterum Arthritide laborantibus Colchici radicem utilem esse, Arabes scripserunt, & aliqua ex parte expertus est citatus *Raius*, sed tum, cum forissecus imponitur. Notandum autem cum *Chabræo*, varias esse species Colchici, ideòque aliqui venenatum esse Colchicum dixerunt, alii non; quia unam pro alia specie sumpsere. Colchicas

chicas enim Plantas novemdecim enumerat citatus *Chabræus de Stirp.* Universaliter ergò loquendo dividitur dupliciter Colchicum, in Venenatum, de quo nos in præsentì Capite, & per consequens deterius, quod Radices habet longas, & est Ephemerum *Dioscoridis*, *Pauli*, *Galenì*, & *Aëtii*; & in non Venenatum, quod esse melius, ac perfectius ait *Mesues*, & quod Officinis propriè Hermodactylus est, & sic apparet, *Tragum* esse hallucinatum, quando hoc pro illo Colchico assumpsit; justè enim fateri possum sæpè me usum in praxi esse Hermodactyli pulvere, & semper felici successu; talemque Ephemerì differentiam ante me approbavit etiam *Sennertus*.

Talis igitur Planta est omnibus suis partibus inimica humanæ naturæ. Sumpta enim, statim Labia, & Ventriculum erodit, & exulcerat, nam cum scateat particulis acribus Salinovolatilibus summè penetrantibus, hinc est, quod aculeis suis incidentibus, & perforantibus, erosiones, & ulcera producat, & tandem strangulationem excitet, perindè, ac si quis fungos comedisset; Ubi pariter ad Intestina descendit ea corrodit, & ulcerat earundem particularum ministerio, adeò ut brevi temporis spatio, sanguis, & cum eo ramenta intestinorum per alvum exeant, neque solum alvi fluxum, sed etiam vomitum loturæ carnis similem concitat; & dispersis ipsis particulis acribus mediante sanguine per ambitum Corporis, insignem pruritus in toto Corpore ægri patiuntur. A vomitu Curatio inchoatur, & clysteribus cum ad Intestina virus descenderit; post hæc autem juvantur Ægroti potu lactis bubuli, vel etiam asinini; pinguedine enim hujus retunduntur spicula particularum salioarum acrium Ephemerì. Tanquam alexipharmaca commendant Doctores Serpillum, Origanum, Tormentillam, Plantaginem, Bursam Pastorum, Glandes Quercus, ac Fagi, Radices Polygoni, Rubi folia, Semen Myrthi, quod in vino, vel lacte coqui possunt. Bonum est quoque exhibere Emulsiones ex quatuor seminibus frigidis majoribus factæ in aqua Plantaginis, & Bursæ Pastoris; utile etiam erit Oleum nostrum Contra Pestem.

CAPUT LXXV.

De Hyosciam.

HYOSCIAMUS modò herba Apollinaris dicitur, modò herba Canicularis, Dens Caballinus, Altercum, symphoniaca, modoque Faba Suilla, quia notante *Bauhino*, ejus pastu resolvuntur Apri, ut *Ælianus* etiam prodidit, cum præsentî necis periculo, nisi copiosâ aquâ statim se foris, & intus polluerint; sed unde Alterci nomine Hyosciamus salutetur nonnulli quærunt; Altercum alterum habet *Dalechampi* editio Francofurtana 1603. forsân Typographi errore; verbum Arabicum esse ait *Plinius Lib. XXV. Cap. IV. ubi*, & Altercagenon vocari ipse retulit; Altercum nomen esse Arabicum ait *Lopiscus Fortunatus Plempius*; Verùm Latinum esse asserunt alii, quia qui comederint; caput grave, venasque distentas, habeant, menteque abalienantur cum quadam altercatione verborum. Alii autem Altercum, quasi Altericum dictum existimant, quia mentem alterare videtur. Variæ autem sunt hujus herbæ species apud Botanicos, quas penès eos videre poterit Curiosus Lector, omnesque noxias esse docet *Scnerius*; nonnulli tamen album Hyosciamum minùs noxium, imò variis pollere virtutibus contrà aliquos morbos testantur Neoterici, unde Aquam, oleum, aliaque Pharmaca ex eo componunt; Sic Semina Hyosciamî albi contra hæmorrhagias valere tradit *Bovle de util. Philos. Exper.* Olore foetido facilè se prodit Hyosciamus niger, nusquàm non obviùs, Acanthi vulgaris foliis lanuginosis, pinguibus, per margines altius incis, de cujus proluxa descriptione videatu *Niangetus in Biblioth. Pharmac. tom. 1. Lib. 3.* Quamvis autem, ut suprà dixi, prò variis remediis adhibeatur Hyosciamus, & licet ingrediatur laudanum Opiatum Quercetani, atque Clariss. *Clauderus Miscell. Curios. Decur. 2. ann. 6.* cum magni faciat in curatione Dy-

senterizæ

fenteriae epidemicae, tamen internus ejus usus ob pessima, quae
 infert symptomata, à venenata ejus vi narcotica dependentia,
 semper suspectus est, & hinc notandum citatum *Clauderum* in Hy-
 osciami usu prius eum coquere, & in coctione innatantem
 spumam crassam foetidam cochleari cautè separare, cum extrà
 dubium, maligna, ac venenata sulphurea Sylvestreitas prae-
 primis in ea resideat. Succus ergò Hyosciami talis est veneno-
 sitatis, ut etiam in clysteribus adhibitus ope sulphurum nar-
 cotico - malignorum, quibus scatet, sopores graves, & pe-
 riculosos inducere potest, ut patet ex experimento de quo
 Dom. *La Serre Miscellân. Curios. Decur. 2. ann. 6.* de Mon-
 speliensi Chirurgo, qui cum integram Libram Succi Hyosciami
 per anum ægro Dysenterico infundisset, hinc omnino Catalep-
 ticus evasit, ut vix remediis appropriatis intrà viginti quatuor
 horas ab affectione funesta liberari potuerit, imò per sex ad
 minimum septimanas quasi temulentus persistenter. Hyosciami
 meminit *Scribon.* *Largus* inquiens Altercum qui biberit capitis
 gravitate & Venarum distensione laborat, menteque abaliena-
 tur, & qui Semen hujus Plantæ comederit, ait *Matthiolus* adeò
 desipiens fit, ut Parentes, & vicini credant, eum à Cacodæ-
 mone vexatum. A quodam sulphure igitur narcotico, & par-
 ticulis salino - volatilibus, quibus Hiosciamus scatet, pendent
 omnia symptomata prava, quae ab illius assumptione excitan-
 tur, spiritus enim animalis à sulphureis, acidisque particulis
 ligatur, undè somnolentia, tremor &c. Cum ipsi sulphuri
 conjungantur salino - volatiles particulæ, hinc Epilepsiae, De-
 liria, Pruritus Corporis, & similia oriuntur symptomata.
 Sanctè, & justè fatetur, Clariss omniique laude dignissimus D.
Christ. Frider. Garmannus in Miscell. Curios. Decur. 3. ann. 8. quod
 si Semen in circulum Rusticorum Choreas agentium projecia-
 tur, stupore mentis Rusticos tentari, & irâ effervescente, in
 altercationes prolabi, pugnisque, & verberibus invicem cer-
 tare. Experimentum sequens retulit *Athanas Kircherus in Mund.*
subter. nempe, Fiat Canalis longus in formam tubæ, quem
 ità dispones, ut latius orificium per murum extrà conclave

alicubi firmetur , reliquo Canali intrâ cubiculum porrecto ; Si dicto Canali herbas deleteria qualitate præditas , uti Hyosciamum , Mandragoram , Solanum , Scammonium indideris , tunc venti vehiculo totum cubiculum nocivis vaporibus implebitur , & aliis ibi morantibus somnum ; aliis acutissimas Cephalæas aliis Cardialgias , similiaque symptomata ex noxiis & perniciosis particulis illarum herbarum accidere videbitur , & comperietur , ita citat *Kircherus*. De Hyosciami perniciæ Historiam curiosam narrat *Præstantiss. Grunewaldus Miscell. Curios. Ann. X. Decur. 3.* ait enim anno 1669. Dresdæ in Pharmacopolio Mulleriano Tyroni cuidam Seminis Hyosciami pulverisatio demandabatur ; quod propter oleositatem , hinc in mortario factam conglobationem , pro faciliiori per cribrum trajectione exsiccare putabat ; undè massam hanc conglobatam capsulæ chartacæ inclusam super capella arenaria calida posuerat ; horæ autem dimidio non adhuc elapso , charta per nimium arenæ calorem nigredine primum infecta , tandem scintillis igneis conceptis comburi incepit , & semen Hyosciami inferiori parte jam accensum , fumo exhalante , laboratorium implet suis effluviis , & tragicis altercationibus Juvenum in officina degentium , nec non ridiculis gesticulationibus occasionem præbuit. Plura de istis Curiositatibus legantur apud *Miscellan. Curios.* & præsertim in ann. 7. & 8. 9. , & 10. *Decur. 3.* Qui ergo de Hyosciami radice , foliis , semine , & succo aliquid assumpserunt , ii ebriorum more delirant , modò rixantur modò gemitus edunt , vertigine corripiuntur ; more Asinorum rudunt , modo Equorum hinnunt , toto tremunt corpore , & nonnunquam in Epilepsiam ruunt , animo deficient , & suffocari videntur. Cum autem tria , monente *Sennerto* , sint Hyosciami genera , nigrum nempe , album , & rubrum ; ideò album minùs est noxium , rubrum verò noxium aliquantisper , & Nigrum reliquis deterius putatur.

Quod attinet autem ad hujus Veneni curationem , primò vomitorio est utendum , quemadmodum in cæteris Venenis , inde clystere præmissio , hujus Veneni Bezoartica exhibere oportet ,

tet, qualia sunt Pistachia, Castoreum, Ruta, Absinthium, Baccæ Lauri, Urticæ Semen, Allium, Theriaca, Mithridatium, & similia. Cum cibo verò sumat æger Raphanum, Sinapi, Allium, Cepas, Nasturtium, Butyrum recens, Piper, Pistachia, Amygdalas dulces, Nucleos Persicorum. Pro potu autem sumatur Vinum Absinthites; & sudor quibuscumque modis utiliter provocari poterit.

CAPUT LXXVI.

De Solano furioso.

SOLANUM, vel Solatium dicitur, quasi Sulanum, quod suis conferat adversus febres ardentes Autore *Trago*. Ejus genericæ notæ sunt, flores monopetali, quinquesidi, aut Stellæ instar, expansi, apicibus in umbilico oblongis, erectis, & coitu suo umbonem quandam componentibus, semina parva, compressa; est autem duplex, vel fructu minore, ut solanum vulgare lignosum, vel fructu majore, quod genus pomiferum dicitur, ut Pomum amoris, vel Mala insana. Varias autem species solani legendæ sunt apud Botanicos, & maximè apud *Bauhinum*, qui viginti solani differentias enumerat; omnes verò solani species, teste *Sennerto*, somnum inducunt, & cerebro adversantur; etsi enim vulgare illud hortense in usus medicos veniat, tamen *Tragus* ait, duos Puellios, cum plures ejus baccas commederint, mortuos esse. Magis adhuc noxium est illud, quod *Belladonna* dicitur, de quo *Sennertus* refert, quod vir quidam, qui plures ejus baccas devoraverat, altero die in furorem inciderit, & *Fuchsius Hist. Stirp.* de duobus Pueris scribit, ex esu hujus Plantæ acinorum mortuis. Hinc *Wilrius*, *Petrus Pena*, ac *Lobelius* narrant, ex eorum esu quosdam somno profundo sopitos interiisse. Omnium perniciosissimum est solanum, quod furiosum dicitur, idè quod assumptum furorem inducat. Plura de hac Planta legantur apud *Biblioth. Pharmaceut.* Clarissimi *D. Mangeti Lib. 18.* Optimè

Optimè autem, ait *Etmullerus*, solanorum omnium usum internum nullum esse, Venenosam enim sapiunt naturam; Sumptum igitur, solanum, vel radix furiosi solani ad pondus ʒ. j. turbat imaginationem, & si in majore dosi exhibeatur, mentis alienationem, & postremò necern infert, nam cum scateat sulphureis, narcoticisque particulis, ac salino-volatilibus, hinc est, quod à sulphure ligatis spiritibus animalibus sopores oriantur, & à salinis fugatis insania succedat, donec tandem intercepto omnino influxu luminis animalis, machinam humanam cadere, ac dissolvi oportet.

Fit autem Curatio primò vomitu instituto, ut rejiciatur, si fieri possit, Venenum, ideòque aqua mulsà copiosè est exhibenda, vel lac vaccinum, postea veniendum est ad usum Boli Armenæ, Terræ sigillatæ, Rutæ, Theriacæ, & reliquorum remediorum, quæ opio sumpto utilia putantur.

Naribus externè admovet *Sennertus* Castoreum, & Rutam cum aceto; Ego Aquam Reginæ Hungariæ, & Balsamum Apoplepticum adhiberem; spirituosiora enim sunt. Acetum internè exhibitum laudat *Friccius*, succum Citri *Gesnerus*. Horum autem Auctorum primus ait Theriacam noxiam esse, acrimonia enim ejus solani vis augetur, ac ob fortem vim Opii, quod Theriacam ingreditur Veneni vis magis actuari videtur.

C A P U T L X X V I I.

De Mandragora.

MANDRAGORA sic dicitur, quòd solis fervidioribus radiis impatiens, ad *Mandras*, Pecorum antra, aliasque umbrosas speluncas proveniat, cujus Plantæ venenatæ Historiam egregiè more solito dat *Raius*. Circeam herbam Mandragoram appellant multi à Circe Venefica à illa, & procurandi amoris artifice; quod radix credatur ad amatoria facere. Naturalem verò Mandragoræ radicem describit *Francisc. Imperaius*

ratus in *Discurf. natur.* in Musæo Celeberrimi Parentis sui asseruatam, quæ radix brachia bina cum omnibus membris certa proportionem distinctis, & circumdatis plurimis parvis, & longis radicibus exhibuit effigiem humanam.

Ast redeamus ad Plantam Mandragoræ, quæ floret Junio, & Julio, ac Augusto quoque fructum suum perficit, quæ Planta dat occasionem quæstionis apud Medicos, an scilicet ad Venerem, ac imprægnationem promovendam valeat, quod dubium oritur ex eo, quod legitur in *Cap. XXX. Genesis* de Rachele, & Lia; quam quæstionem more solito eruditè tractat, *Cass. Reies Camp. Elys. quæst. 43.* Frustra verò sumpsiße Rachelem Mandragoram, ait *Cornel. à Lapide*, nam mansit adhuc tribus annis sterilis, post quos, non Mandragoræ, sed Dei virtute fecundata est, peperitque Joseph; Licet autem ex *Aetii* mente Mandragoræ radix non facile alicui per insidias exhiberi possit, cum gravem, & nauseabundum spiret odorem, & gustui amara sit; attamen quia malitia hominum est maxima, & semper crescit, idèò admixtione suavè olentium gustum, & olfactum fallere poterit, & sic Mandragoræ Venenum porrigere. Idèòque advertendum succum Mandragoræ sumptum, soporem gravem inducere, & hoc mediante sulphure narcotico, quo abundat hæc Planta, sulphurex enim particulæ elevatæ ligant spiritus animales, undè lethargus fit, cum tristitia, segnitie, ac languiditate. Pruritus aliquandò oritur cum totius Corporis ardore, ac oris siccitate, non tantum ob sulphureas moleculas humorum Massam inflammantes, atque accendentes, sed etiam ob salino-volatiles particulas, quæ hinc indè penetrando irritant, ac pungunt fibrillas partium humani Corporis ex quo pruritus, & dolores fiunt; Licet autem Mandragora molesta symptomata excitet, tardiùs verò interimit, si tamen ejus particulæ salino-sulphureæ impunè serpere sinantur, ac necessaria remedia maturè non adhibeantur, homo convulsione peribit. Mandragora igitur, ut alia Venena quamprimùm, vel per alvum, vel per vomitum est rejicienda; postèa exhibenda sunt Pulegium, Origanum, Absinthium, Scordium, Ruta, Castoreum, & Rapha-

nus, quem esse Bezoar Mandragoræ ait Sennertus. Acetum agnoscit *Friccius* pro antidoto Veneni Mandragoræ, ut & alia acida, verbi gratia, Syrupum Ribium, Berberis, Acetositatis Citri, Granatorum acidorum, Spiritum Vitrioli, Salis Nitri Plura apud *Ardoynum*, & *Sennertum*.

CAPUT LXXVIII.

De Apio, seu herba Sardonias.

RANUNCULUS quidam est, qui nomine *Apii risus*, herba sceleratæ, atque *Sardonias* venit. *Sardonias* dicitur, quia in *Sardonias* copiosè provenit; *Apium* verò, quod *Agrestis* *Apio* sit similis, additur risus, quia iis, qui illam sumpsere os contorquetur, ut ridere videantur undè risus *Sardonius* de risu morbofo asseritur; hæc Planta sub *Ranunculi* *Illyrici* nomine describitur à *Chabræo*, & hujus meminit *JUL. SOLINUS* in *Polyhist.* his verbis, *Herba Sardonias provenit in defluviis montanis, & ea si edulio fuerit vescentibus nervos contrahit, risu ora diducit, ut qui mortem appetunt velut ridendum facie intereant.* Bulbosus autem dicitur iste *Ranunculus* à *Clariss. Dom. Mango*; & *Hoffmannus*, mendicos hac Planta cutem exulcerare ait, ut miserabiles ulcerati videantur, & ità faciliùs ad misericordiam moveant animos *Lucri* causâ. Hâc vescentibus mentem adimit, teste *Dioscoride*, & quadam nervorum distensione labia contrahit, ut risus species oriatur; herba enim ista nervis est inimica, eosque contrahere docuit *Sennertus*, & de homine in calamitatibus ridente proverbium invaluit *Risus Sardonius*. Symptomata ergò, & signa diagnostica, quæ ab hujus herbæ assumptione oriuntur, sunt primò ardor in gutture, Ventriculo, & Intestinis, postea Corporis totius inflammatio, mentis alienatio, & risus, quæ accidunt ope particularum salis cujusdam volatilis, quo scatet talis Planta, acres enim ejusdem cuspides, fibras irritando, & pungendo, convulsionem excitant, ex qua risus præter-

præternaturalis, indè fuga, & inordinatus spirituum animalium motus, unde insania; & ob concursum cruoris, & vitalium spirituum in majori copia ad partes lasas ab illis particulis inflammatio, ardor, ac rubor. Hujus autem veneni Curatio sic instituitur. Apium risus citò vel per vomitum, vel per alvum rejiciendum, & propterea suadente *Sennerto* hydromel, Lac, Butyrum, & juscula pinguia copiosè exhibenda sunt. Utilis quoque videtur emulsio Amygdalarum dulcium, quatuor Seminum frigidorum majorum excorticatorum, & Seminis Papaveris albi cum aqua Hordei, Lactucæ, & Plantaginis parata. Antidoti autem loco adhiberi poterunt succus Mellissæ cum aceto datus, Bolus Armena cum sero Lactis, vel Castoreum cum vino. Curam esse refert *Ardoynus* provocare somnum cum potu Vini inebriantis, quod remedii genus sumpsisse videtur a *Petro de Abano* tract. de Venen. cap. de Apio &c. *Matthiolus* laudat hyssopum, Salviam, Betonicam, Rutam, Origanum, Amaracum, Pulegium, Satureiam, Nardum, Asarum, & id genus alia. Cervix inungatur Oleo Costino, Castorei, Vulpino; Hyperici, Lumbricorum terrestrium, & similibus, quæ in spasms adhiberi solent; æger autem comedat nucleos Pini, Amygdalas, & cætera hujusmodi.

CAPUT LXXIX.

De Coriandro.

QUÆSTIO est inter Medicos an scilicet Coriandrum sit Venenosum. *Dioscorides* enim epotum raucitatem facere, atque insaniam, qualis ex vinolentia proficiscitur scribit. Plerique etiam Arabes Coriandro narcoticam qualitatem, stuporem inducentem, atque sensûs turbationem excitantem tribuunt. His adstipulatur *Matthiolus*, qui proindè asserit Semen in Ciborum, aut Medicamentorum usum nunquam admitti debere, nisi priùs aceto fuerit triduo maceratum, cui subscribit

bit *Tragus*, monendo *Seplasiarios*, ne *Semen* cuiquam, nisi prius dicto modo præparatum, vel cum *Saccharo* vendant, nisi *Venenum* loco remedii exhiberi velint. Hinc *NICANDER* in *Alexipharmacis* de *Coriandro* cecinit

*Quod si noxia quis biberit Coriandra, repente
Ablato exagitur sensu, fridemeque voce
Edit acuta velut furiosa jubila Dacchi
Seu Stygiæ injecto quasi percitus angue Megære.*

Ex his enim *Carninibus* *Nicander* *Coriandri Venenum* describit. His autem *Doctoribus* adversantur *Amatus Lusitanus*, *Lobelius*, & *Alpinus*, qui ait herbæ etiam virentis usum in cibo esse apud omnes *Ægyptios* familiarissimum. Attamen hoc medicamento ob malignam vim, quæ ei à multis procul dubio non absque experientia tribuitur, præsertim non præparato, non temerè utendum censet *Bauhinus*. Malignitatem enim arguit fœtor *Plantæ* digitis comminutæ, & licet *Hispani*, Authore *Amato Lusitano*, frequenter ea utantur, & prò cordiali habeant; attamen experientia docuit, multos propter hunc usum esse fatuos, ob quorum curationem tam frequentia *Hispanorum* sint *Hospitalia*; ità, inquit *Casp. Hoffmannus*, in *Ægypto* esse potest, licet *Alpinus* non observarit. Reverà autem *Semen Coriandri* Optimi est odoris, & saporis, gratum *Stomacho*, ita ut inter medicamina ipse *Amatus* illud connumeret; undè in *Miscellan. Curios. Decur. 2. An. X.* Ego quoque prò remedio contra *Quartanam* febrem commendavi; Sic monente *Plinio*, tria *Coriandri* grana *Tertianas* excludunt, si ante accessionem devorentur. Iisdem quoque repellendis efficax esse *Coriandrum*, ut verbis utar *Illustriss. D. Præsidis nostri Luc. Schröckii*, ante solis ortum ignoranti cervicali viride subiectum, quod *ÆMILIUS MACER* de virt. herbar. sic expressit.

*A multis scriptum legitur febris ante tremorem
Si tria grana voret Coriandri Seminis æger*

Evadet

*Evadet febrem , cui dat Lux tertia nomen
Præstat idem Læſum Coriandrum mane , priuſquam
Sol ſurgat , Cervicali ſi ſubditur ægri.*

Sed trium iſtorum granorum uſus , quod tanta præſtare valeat nemo facilè ſibi perſuaderi patietur , & potiùs , ut & cætera ſuperſtitionem aliquam redolet. Magis ſuperſtitioſa ſunt, quæ de ejuſdem Coriandri vi antifebrili *Luc. Apuleius* protulit; *Joh. Bapt. Sitonius in Jatroſ. Miſcell.* Coriandro vim alexipharmacam conceſſit , & ut litem dirimeret *Amatus Luſitanus* dixit, Venenofum non eſſe quidem Coriandrum domesticum , cui ſubſcribunt *Bruyérinus* , & Autor Libri , cui titulus, *Remedi per le Malattie tradotto dal Franceſe , impreſſi. Patavii Anno 1709. Lib. 4. pag. 270.* ſed tantum venenofum eſſe Sylveſtre, de quo intelligendi ſunt antiqui ſcriptores. Aſt contra *Amati* ſententiam ſurrexit acriter , ac magna mordacitate, atque irriſione *Matthiolus in Apolog.* qui ſtatuit, Coriandrum eſſe Venenum , ſi ſumatur in magna quantitate, ſi autem moderatè ſumatur Medicamentum eſſe aromaticum , & noſtræ amicum naturæ. Cæterùm Sylveſtre Coriandrum etiam *Bauhinus* conceſſit; cùm ergo immodicè aſſumptum Veneni naturam redolet; ideò Coriandrum tanquam Venenum in præſentiarum enumerabimus. Coriandrum ſiquidem herba eſt gaudens cubitali caule , foliis variis initio latioribus , rotundis , lævibus , colore virente , in progreſſu , (liceat mihi verbis uti *Cæſalpini* in hac deſcriptione , utpotè diſtinctiſſima) eadem ſenſim tenuiùs dividuntur , ut tandem ſœniculo proxima reddantur , odore ingrato , ut mirari liceat in Hiſpania expeti in cibis tùm cruda , tùm cocta , quæ in Italia vehementer ſœtent; Eo cibo ſomnum conciliant , ſed capitis gravitas , & vertigines excitantur ; Umbellas in cacuminibus fert candidas , & ſemina rotunda cum quibuſdam apicibus in ſummo , quibus ſiccatis odor ineſt ſuavis. Talis igitur Planta in primis viridis , & ſuccus ejus aſſumptus fu-
rioſum inducit delirium , ut ægrotantes ebriorum nonnullorum more dicta turpia , & obſcæna loquantur. Vocem reddit aſpe-

ram, & raucam, vertiginem, & somnolentiam excitat, denique, monente *Sennerto*, Corpus foetidum odorem instar viridis Coriandri spirat. Hæc autem symptomata oriuntur à sulphureis, & salino-volatilibus particulis, quibus scatet Coriandrum; ex his enim elevatis Spiritus animales in motum inordinatum agitantur, unde delirium, & vertigo; somnolentia verò ab acido sulphuris habetur, quod ligat ipsos spiritus, atque odorem foetidum creat, à sulphure enim odores haberi puto.

Ut curetur *Æger*, ante omnia Vomitus provocandus est aqua tepida, vel Decocto Aneti cum oleo Irino, vel Liliorum alborum; Juscula pingua, cum pipere, & Vino Absinthiaco offerrantur. Prò antidoto usurpantur feliciter Radix Vincetoxici, Theriaca, species Diambrae, Diamoschi, Terra sigillata, Terra Nucerina. *Tragus* ait Muriam potam optimam esse contra Venenum Coriandri, cui Medicus poterit adjungere putamina Ovorum contrita; Ova sorbilia, cum pipere pro cibo usurpari posse, ait *Sennertus*. Prò potu Vinum sit generosum, vel Absinthites.

C A P U T LXXX.

De Ixia, & Chamæleone.

IXIAM, à Chamæleone nonnulli distinguunt; Verùm *Plinius*, *Matthiolus*, *Casalpinus*, & alii non distinguunt, asserentes, radicem utriusque Chamæleonis albi scilicet, & Nigri Ixiam dici, ac Venenosam esse; *Amatus Lusitanus* verò ad radices utriusque Chamæleonis conspici ait lentum humorem viscidum, quem viscum dicit, & hac de causâ Chamæleonis radix Ixia à nonnullis appellatur; est enim; inquit *citatus* Autor, succus ille ad radicem Chamæleonis nascens Veneni grave genus de quo *Dioscorides Lib. 6.* sermonem habuit. Appellatur hæc Planta Chamæleon ob foliorum varietatem, mutat enim cum terra colores

colores , nam reperiuntur , vel viridia , vel subalbida , vel cærulea , aut rubra juxta locorum differentias , scolymo similis est Chamæleon , teste *Casalpino* , minoribus tamen foliis , ac tenuioribus , iisque rubentibus , caulem fert crassitudine digiti , dodrantalem , subrubrum , in quo umbella , & flores spinosi , tenues , Hyacintho æmuli , & varii ; radix crassa , nigra , densa , & interdum corrosa , quæ dissecta flavescit , commanducata mordet , cujus maleficas qualitates describit *Bellonius Obs. lib. 1.* ubi refert , se in Leno cum sociis , & Turcis , radicem Chamæleonis nigri eruisse , & frustulatim secuisse , de filo trajecisse , ut facilius siccaretur , cum verò in summo æstu manibus non ablutis sudorem faciei abstergissent , omnes in iis locis , quos attigerant , tantam sensisse pruriginem , ardorem , & inflammationem , qualem nec Urticæ urentissimæ centesima parte excitare possent.

Ætius , & *Dioscorides* referunt saporem , & odorem hujus radicis esse similem Ocymo , & hoc ob sulphureas particulas , quibus scatet , quæ associatæ particulis salinis volatilibus , modò linguam inflammant juxta *Dioscoridem* , modò insaniam excitant , cum verminibus ventris , pruitu , & Lipothymia , monente *Sennerto* , nunc Intestinorum rugitus parit cum Vomitu spumoso , tremore , & convulsione juxta mentem *Matthioli* . Sales enim volatiles cuspidibus suis incidentibus septicis , atque perforantibus , lædentes nervos , convulsiones fugantes spiritus animales , insaniam ; vitales Lipothymiam ; fibras Ventriculi , & Intestinorum pungentes , vomitus , & dolores excitare valent . Curatio verò perficitur , primò more consueto vomitum excitando , inde injecto Clystere ad alvum tentandam ; datur & Thlaspius , & Succus Betæ , & triticea ptisana , cremor , & Lac , & nitrum cum aceto , docente *Matthiolo* . Castoreum , Rutam , Terebinthinam , & nuces juglandes commendat *Dioscorides* ; atque si fides habenda magno *Sennerto* , ægroto propinandum Decoctum Absinthii , vel Origani ex vino , aceto , vel hydromelite paratum . Semen Rutæ commendatur , & Nardus Indica , Castoreum , Theriaca , Mithridatium , omniaque remedia , quæ à Practicis proponuntur in Curatione Lipothymia.

CAPUT LXXXI.

De Taxo.

ARBOREM Taxum esse ; ait *Sennertus*, non solum foliis , succo , baccisque , Homini- bus , & Brutis lethalem ; ita ut quoque vasa etiam viatoria , ut *PLINIUS* Lib. XVI. Cap. 10. scribit , ex ea Vinis in Gallia facta mortifera fuisse compertum sit ; Hanc sescius smilacem a Græcis vocari dixit ; & esse in Arcadia tam præsentis veneni , ut qui obdormiant sub ea , cibumve capiant , moriantur.

Sunt qui & taxita hinc appellata dicant , venena , quæ nunc toxita dicimus , quibus sagittæ tingantur de ea arbore sic etiam *Victorius* c. 22. 18.

*Est etiam magnis Heliconis montibus arbor
Floris odore hominem tetra consueta necare.*

Petrus Pena in *Adversar.* tamen ait in Anglia innocuam prorsus esse , & Pueros ejus baccas absque noxa comedere , ut *Lo- belius* etiam confirmat. *Matthiæ* autem affirmat in Tridentinis Montibus Venenosam Arborem esse , & si Anima'ia ruminantia devoraverint ejus baccas , interire. Pastores etiam , & Lig- natores cum has edissent in febres ardentes , & alvi profluvia incidisse , non sine vitæ discrimine. Taxum etiam Apibus noxiam esse nos docuit *VRGILIUS* canendo.

Sic tua Cyrneas fugiunt examina Taxos.

Plura de hujus Arboris descriptione videri possunt apud *Raum de Plant.* & *Mangetum* in *Biblioth. Pharmac.* Taxi Veneno infecti frigus in toto Corpore percipiunt , strangulationis metum incurrunt , & alvi profluvium dysentericum patiuntur , tandemque moriuntur , ex quibus symptomatibus colligitur ,

gitur , tale Vinenum salinis è particulis esse conflatum ; ad nervosas enim partes delatæ rigorem excitant ; & ad viscera interiora concentratæ , ibique sanguinis , & spiritus facta evocatione frigus Corporis oritur ; Dysenteria verò fit ob erosionem à cuspidibus salium erodentium factam in Intestinatorum regione. Ad cujus Veneni evacuationem primò necessarius videtur Vomitus , & Alvi dejectio , quapropter , & emetica , & Clysmata sunt usurpanda : Dein copiosè exhibendum Vinum generosum. Theriacam , Radicem Iridis , & Gentianæ , Baccas juniperi præscribit *Sennertus Prax. lib. 6. part. 7. Cap. 14.* Terram sigillatam , Bezoar , Radicem Tormentillæ , Succum Granatorum , & similia commendant alii.

CAPUT LXXXII.

De Euphorbio.

EUPHORBIIUM Gummi Officinis est , Planta quam *Juba* Mauritaniæ Rex in Monte Atlante invenit ; & herbam areborecentem , undè efflavit , nomine sui Medici *Euphorbii* dicti & *Antonii Musæ* , fratris Euphorbiam appellavit , si *Plinio Lib. XXV. Cap. VII.* fides habenda. *Dioscorides* Euphorbium Lybicam Arborem esse ait ferulæ specie , *Plinius* foliis acantinis spectari scribit. *Galenus* spinosam Arborem dixit , & quam proponit *Dodonæus* potiùs herba , quàm Arbor esse videtur. Frutex est igitur , referente *Raio* , duorum hominum altitudine , nascens in arenosis , radice crassâ recta in terram descendente , fibras hinc indè emittente , intùs lignosa , cortice exterius sulco intùs candido , & lacteo tecta. Tota Planta lactiflua est , lacte acri , & linguam adurente. Semel in anno floret , & præsertim Januario , aut Februario , semper virescit , cujus integram descriptionem apud citatum *Raium* videre poterit curiosus Lector , & in *Bibliotheca Pharmaceutica Clariss. D. Mangeti* Amici mei humanissimi , atque Doctissimi. Euphorbium verò , de quo nos in præsentì Capite loquimur tanquam Venenum , *Jos. Lanzoni Opera. Tom. I.* D d est

est succus concretus Plantæ antedictæ arboreſcentis, acerrimæ, & causticæ facultatis, de quo meminit *Keuchenius in notis ad Serenum Sammonicum pag. 284.* Putat verò *Casp. Hoffmannus*, Euphorbium nostrum esse Tithymali succum.

Ex sauciata ergò Lybica ferula ejusdem nominis succum concretum acerrimum Euphorbium esse putamus; hujus enim Arbor acerrimo succo prægnans est, cujus eximium fervorem expavescentes incolæ, teste *Frider. Hoffmanno Clav. ad Schroderum*, villas pelles arbori circum ligant, & eminùs contrà ramos ejus vulnerant; ex plaga copiosus succus in pelles defluit, qui postea concretus colligitur. Assumptum homini damnum inferre docuit *Balthat. Timæus Lib. 7. de Morb. Venen.*, & *Alexand. Benedictus Pract. Lib. X.* scripsit de quodam, cui Empyricus Euphorbium exhibuit, dysenteria correpto, & eodem die mortuo. Euphorbium igitur assumptum fauces Ventriculum, & Intestina adurit, & erodit cum dolore intenso; Vomitus movet, singultum excitat, cum dysenteria, animi deliquio, ac demùm morte; nam cum iste succus acribus volatilibus particulis abundet referente *Joh. Schrödero*, ideò intra Corpus assumptæ, ac ad motum concitatæ, ope caloris nativi, ac fermentorum naturalium nostri microcosmi, statim porositates faucium penetrando corrodunt, & pungendo, ac vellicando, atque sauciando Ventriculum, & intestina, vomitum, singultum, & Dysenteriam pessimam mortis nunciam producant.

Ut reliquorum Venenorum verò intrà Corpus assumptorum, ita Euphorbii etiam cura à vomitûs excitatione, ac clystere est inchoanda suadente *Ardayno*; Vomitoria parat in hoc casu *Sennertus* ex aqua calida simplici, vel Decocto Violarum, aut Malvæ cum Oleo Violarum, Rosaceo, aut Amygdalarum dulcium; Clyster parari poterit è lenientibus, vel ex lacte, vel ex hordei decocto; Lac pariter pro potu exhibendum, & emulsio quatuor Seminum frigidorum majorum cum aqua Portulacæ facta. Proprium Euphorbii Antidotum est Semen Citri ex vino, teste *Sennerto*. Utilia etiam sunt Terra sigillata, Cristallus Montanus præparatus, Smaragdus, Theriaca, Butyrum, Coagulum Hædi, & Terra Nucérina, ac Melitenſis.

Cibus

Cibus poterit esse cremor ptisanæ, Lac, Oryza, Poma, & Pyra acida, Cydonia, Ribes, & Berberis.

CAPUT LXXXIII.

De Nuce Metella.

NUCEM Metel Arabum nonnulli cum Nuce Vomica confundunt, ac pro uno, & eodem sumunt; Nos verò dicimus differre, sed esse fructum similem Nuci Vomica. Pierique, notante *Sennerto* hanc esse fructum Stamonii, seu Solani spinosi contendunt; Certum tamen est, istam Nucem Venenum esse, & si *Cardano* fides habenda, medium tenere inter Opium, & Cicutam, ac aurei unius pondere sumptam una die interficere. Nux ergo Metella intra Corpus assumpta inducit somnum profundum; temulentiam, anhelitum, Labiorum intumescentiam pallorem, tandemque sudorem frigidum, quem paulò post omnium rerum maximè terribilis mors insequitur. Ista verò symptomata oriuntur à sulphure, & sale volatili, quibus scatet Nux Metella, sulphuris enim oleosæ particulæ ligando spiritus, ac humores, somnolentiam, anhelitum, intumescentiam, & pallorem excitant; Salino-volatiles autem molecule acutis suis stimulantibus cuspidibus irritantibus Animales spiritus ipsosque in fugam mox cientibus, vertiginem, ac temulentiam pariunt, ac tandem sudorem prodromum vicinæ mortis. Ut in aliis Venenitis pariter in isto Vomitus primò est excitandus, & hoc Decocto è corticibus radicis Juglandium cum vino parato, hinc alvus subducatur clystere è Centaurio minori, Ruta, Scordio Castoreo, & Hydromelite composito. Postea exhibeantur Absinthii Decoctum, cum Origano, Ruta, radice Gentianæ, Helenio &c. Commendantur etiam Baccæ Lauri, Pyretrum, Cinnamomum, Theriaca, Oleum nostrum contra Pestem, vulgò dictum *del Castagna*, & species Diagalangæ. Arte autem à somno excitandus est æger, errhinis scilicet, ligaturis dolo-

rosis, frictionibus, atque cucurbitulis evulsis, & si æger moveri posset, exercitium violentum, donec fudet, laudat *Sennertus*. In hoc Veneno vomere ope nitri *Avicenna*, & *Ardoynis* commendare videntur. Conferre etiam ponere extrema in aqua calida, & inungere Corpus Oleo de Costo, & Been aiunt Doctores. *Georgius* denique à Turre Decoctum Absinthii, Origani, & Rutæ Sylvestris in curatione hujus Veneni præscribit.

C A P U T LXXXIV.

De Nerio, sive Oleandro.

NERIUM à nonnullis *Oleander*, & *Rosa Laureæ*; ab aliis *Rhododendron* dicitur, & *Rhododaphne*. Est planta arboorea caudice recto, rectisque, ac firmis ramis brachiata, in quibus multa folia acuta, longa, ut plurimum terna simul orientia, interdum bina, ubi rami dividuntur, transversum ferè digitum invicem dissita, rigida, dura, crassa, superiore parte atrovirentia, ut Lauri folia, interna magis asperas hinc inde maculas habent. Supremi rami in furculos aliquos divaricantur, quibus insident flores multi simul juncti, odori, pulcherrimè rubentes, quali ferè colore Rosæ incarnatæ conspiciuntur, aut albi. Plura de istius Plantæ descriptione cupienti videatur *Raius*; nobis enim non est ignota, nam ob florum suorum elegantiam, & perpetuæ frondis honorem in hortis nostris Ferrariensibus studiosè colitur *Oleander*. *Dioscorides Lib. 4.* Nerii flores, & folia, Mulis, Asinis, Canibus, aliisque Quadrupedibus, Venenum esse. Hominibus verò cum vino exhibita contra Serpentum morsus præsidio ait *Sennertus*, Alii tamen ipsa experientia rerum humanarum magistra edocti, Nerium, vel in cibo, vel in potu assumptum, tum bruta, tum homines lædere volunt; idcirco in Venenorum catalogo ponunt. Assumptum enim magnam inducit circa præcordia angustiam,

gustiam, ventrem inflat; rugitum Intestinorum excitat; alvum movet, corpus inflammat, cum syncope, quibus tandem succedit mors; ex ejusdem enim salino-volatilibus particulis in corpore nostro exaltatis habetur irritatio fibrarum Ventriculi, & Intestinorum; ex qua rugitus, & alvi fluxus oriuntur; nam cuspides istorum salium feriunt illarum substantiam, ut & corporis totius porositates, unde universalis oritur inflammatio, quatenus vero ea salia introducuntur in sanguinem, illius texturam solvunt, atque compagem liquant; unde syncopes, & Mors succedit. Ut autem æger à Nerii assumptione curetur; primò danda opera, ut rejiciatur, quantociùs possit, mediante vomitu Oleander ingurgitatus; postea ægrotus sæpè bibat Decoctum Ficum, Dactylorum, foliorum Malvæ, radicem Althææ, Seminis Lini, aut Fœnugræci, vel assumat Electuarium Diacastorei, aut Roob Baccarum Juniperi. Multi Semen Rutæ, & Agni Casti cum aceto propinant, & proprietate quadam Nerio adversari dicunt. Sennertus pro victu præscribit Ptisanæ Cremorem, Butyrum recens, Lac Juscula pingua, & Ego omnia, quæ retundere, & inviscare valent cuspides Salium corrosivas commendo, ut omnia pingua, & mucilaginosa.

CAPUT LXXXV.

De Juglande Arbore.

HUJUS Arboris, tanquàm notissimæ Plantæ; descriptio relinquatur: cuilibet enim, & præsertim hîc in nostra Italia nota est, vel etiam Pueris, atque mulierculis, cupienti autem istius diffusam descriptionem dabunt Botanici, & præfer-Clariss. D. Mangetus Amicus meus semper recolendus in Biblioth. Pharmac. tom. 2. Lib. 9. Inter Venena locum habere videtur, quatenus si quis sub umbra hujus Arboris somnum capiat; læsionem sentit, refertque Grævinus de Venenis sibi, cum aliquandò media æstate sub Juglande obdormivisset, universum

versum Corpus refrigeratum fuisse cum maximo dolore capitis, qui per quinque dies duravit, & *Marcell. Donatus Histor. Med. mirab.* narrat, mulierem quandam, cum in meridie sub umbra Nucis Arboris dormivisset, in somnis à Dæmone oppressi sibi visam esse. Verum quia tale Venenum parum homini nocet, sufficiet, suadente *Sennerto*, lotio capitis cum lixivio, in quo Betonica, Hyssopus, Majorana, Lavendula, Salvia, vel Stochas cocta fuerint; Internè verò species Diambrae, Aromatic. rosat. & Aquæ Cephalicæ usurpari poterunt.

CAPUT LXXXVI.

De Esula.

TITHYMALORUM omne genus Pharmacopei indifferenter Esulam appellant, verum Esulam esse speciem Tithymali concedo, non autem per hoc dicendum Tithymalos omnes Esulas esse, de quorum differentiis legendi sunt *Matthioli*, *Chabræus*, *Rains*, & alii Botanici. Esulæ non reperitur Etymon probabile, nam quod *Joh. Bodæus* adfert non placet; hæc est herba Linariæ conformis, nisi quod ista lacteo succo caret, quo ea gravida est juxta illud Carmen.

Esula lactescit, sine lacte Linaria crescit.

Licet autem Esula non ex eorum Venenorum genere sit, quod simpliciter tale est, & nullum in Medicina habeat usum, sed quandoque præparata purgantis loco exhibeatur, unde Rusticorum purgatio nuncupatur à *SIM. PAULI Class. 3. Quadrupart. Botanic.* Tamen nisi præparata, vel nimia quantitate sumpta, gravia symptomata excitat, idcirco *Hoffmannus* hoc Pharmacum, magis Rusticis, quam Nobilibus, & aliis subtilis texture hominibus inservire ait ob summam ejus vehementiam, unde rarissimi usus esse Esulam monet *Schröderus*; acris est enim, & erodens adeo, ut impudentium mendicorum

rum fraudi inferviat , qui ejus succo cutem sibiimet exulcerant scabiei speciei , imò se vidisse Chrysopœum narrat *Sim. Pauli loco citato* qui ex cineribus , & favilla aureos sibi montes olim pollicebatur , & in inclyta quadam Republica Civem quandam extracto Esulæ impunè occidit. Venenum ergò Esulæ assumptum statim nauseam , singultum , & vomitum copiosum , cordisque anxietatem excitat , corpus totum inflammat , sitim infert magnam Ventris dolorem , & alvi fluxum parit , quem convulsio , & Mors consequitur , cum enim abundet hæc Planta particulis salino-volatilibus ; hinc est , quod istæ acuminibus suis penetrantibus , atque pungentibus , se se innuando in œsophagum , & Ventriculum , vomitum , singultum , ac nauseam excitant , cumque ad Intestina similiter descendant alvi fluxum , dolores , ac inflammationem pariunt ; tandemque ad fluidorum massam , & ad nervos penetrantes convulsionem , febrem tandemque mortem inferunt. Ut verò curatio rectè instituatur , notandum cum *Sennerto* , primò Vomitum non statim sistendum , sed potius promovendum esse , ut materia venenosa evacuetur , quod fieri poterit aqua tepida , & oleo communi , inde clystere utendum est ex decocto herbarum emollientium confecto. Antidoti loco possunt exhiberi Terra sigillata , Bolus Armena ; Corallia Rubra , Cornu Cervi , Theriaca , Butyrum resens , Emulsionem quatuor Seminum frigidorum majorum factæ in aqua hordei.

CAPUT LXXXVII.

De Nuce Vomica.

NUX Vomica fructus est Arboris in india Orientali nascentis , & inde à Batavis per Mare ad nos advectus ; juxta *Raium* est orbiculata , nummo aureo , quem scutatatum vocant æqualis , subindè minor , compressa , calamus scriptorium vix crassa , tenera , & tactu molli , superficie vilum holo-

holofericum imitata, coloris ex castio cinerei, & vario lucis objecto renidente, umbilico utrinque medium occupante, sed altera facie expressiore. Villus densus comminuto Adiantum similis quodammodo teste Cordo. Fissa in geminas abit crustas duritie ferè cornea, coloreque ex fulvo candicante, sapore insigniter amaro. Ipsa autem Nucis substantia contusu est contumax, & adeò solida, ut vix reddatur in pulverem, & non nisi magno labore, ac patientia. Nonnulli radicem esse nucem hanc putarunt, sed perperam; alii fungum, sed erroneè, nam verè fructus est; licet autem sint aliqui, qui Nuces Vomicas Canes, & aves quidem interficere, hominibus verò nullam noxam inferre putant, eas tamen intra Corpus sumptas hominibus quoque lethales esse experientia docet; ideòque nos cum Sennerto, & aliis Medicinæ Magistris inter Venena Nucem Vomicam numeramus, quia verò, ait citatus Sennertus, nonnulla adhuc dubia de ea occurrunt, & nonnulli etiam eandem alexipharmacis admiscunt, quadam adhuc addenda videntur; & in primis experientia teste, Canibus, felibus Venenum est Nux Vomica; An autem homini, dubitatur à multis; nam ingreditur Electuarium de Ovo; & Renodæus in Antidotario alexiteriam virtutem ei tribuit. Gesnerus vim narcoticam in Nuce Vomica cognoscit. Tabernamontanus scribit; hominem ferè ebrium facere; & proindè usurpari ad sedandos dolores, unde quadraret Carmen Lucretii.

Quodque aliis Cibus est, aliis fuit acre Venenum.

Plura de hac quæstione apud Sennertum lib. 6.

Nux itaque Vomica narcotica est, virulenta, & vel Opio deterior in pulverem redacta, verba sunt Clariss. Mangeti in Bibliothec. Pharmaceutic. & cum cibo exhibita Canes interimit. Exempla habentur apud Gesnerum, Bauhinum, & alios quibus addemus, ea quæ communicavit D. E. Hulsius excerpta ex Anton. de Heide Centur. observ. 50. duas, inquit ille, Nuces Vomicas in frusta incisas pani butyrato mixtas Cani apposui, qui ea avidè devoravit; & elapsa hora totus tremebat, de loco

loco in locum discurrens, erectus stare haud potis erat, nisi fulcro innitens, & convulsionibus afficiebatur, post tertiam horam mortuus autem corruit; Cùm verò aperto Canis corpore solidæ partes inoffensæ apparuerint; idè constat hanc Nucis Vomica virulentiam fluida potissimum inficere, spiritus, & præsertim fluidum, cerebrum nervosque irrigans. Assumpta enim Nux Vomica, statim nauseam, ac Vomitus suscitatur, cum siti, alvi fluxu, spirandi difficultate, somnolentia, convulsione, virium prostratione, tandemque, nisi succurratur, Mors sequitur. Talia verò symptomata ope sulphuris narcotici, & salis volatilis acerrimi Nux Vomica excitat; oleosæ enim illius pravi, ac malitiosi sulphuris ramosæ particulae ligando spiritus, somnum, ac respirandi difficultatem pariunt. Salinae verò acutissimè penetrando fibras Ventriculi, & Intestinorum nauseam, & dolores faciunt; feriendo nervos, & eorum Laticem vitiando, convulsionem; atque irritando omnes reliquas corporis partes, sudores exprimunt. Curatio hujus Veneni, ut in aliis incipit à reiectione subita Veneni à Ventriculo, antequàm separatæ, & in aëstum deductæ particulae illius, huc, & illuc delatæ, pravos antedictos producant effectus. Clystere postea est alvus tentanda; indè pro alexipharmacis utendum Zedoaria, corticibus Citri, Cydoniis, & Succo Mali Citrii; *Georgius à Turre* commendat Conservam ex aciditate ejusdem Citri, baccas Myrthi, & exterius pro inunctione totius corporis Oleum Castorei; & Balneum; Potumque copiosum aquæ Communis alii laudant.

CAPUT LXXXVIII.

De Helleboro

DE Helleboro tanquàm Veneno Autores dissentiunt, & nonnulli eum è numero Medicamentorum planè relegandum putant; Alii magnis laudibus illum extollunt. *Messe* tamen Helleborum rejicit, quia præfocationem inducit; *Aver-*

Jos. Lanzoni Opera. Tom. I.

E e roes

rois propter nimiam purgationem , & violentum alvi fluxum ; inter Venena eum refert : & *Galenus Vl. Epid.* scribit , in Doriade , Bozotia , ac Thessalia plurimos ex esu Coturnicum muscutorum distensionibus fuisse correptos , non alia de causa , nisi , quia prius Coturnices Helleborum comederint. Hispani ex Helleboro albo parant Venenum , de quo *Matthiolus* , ac *J. Ruellius* verba faciunt. Hæc Herba Veratrum à Latinis dicitur , eo quod vertat mentem , & distinguitur in Helleborum Album , & Nigrum ; quorum primus ob violentiam purgationis , quam per superiora , & inferiora exercet ; usum purgandi internum , & hunc quidem rarum , soli Helleboro nigro relinquit , monente *Schrodero* ; hujus radicem pulverisatam naribus inditam sternutationem movere aiunt ; unde Angli , teste *Rais* ; sternutamentariam herbam Veratrum dicunt. Hujus herbæ vis consistit in sale volatili acri , hinc violentam supra , & infra excretionem , ingentesque Ventriculi , & Intestinorum cruciatus , ac tormina , & singultum excitat ; acres enim particulae salis ejus se se insinuando in substantiam Ventriculi , & Intestinorum cruciatus , ac tormina , & singultum creant , quatenus eas partes pungunt , & lacerant , unde dicta insurgunt symptomata ; insuper delatae ad Cerebrum , & nervos citatae particulae , convulsionem , ac mentis turbationem inducunt ; hæc à fuga spirituum animalium , alia à puncturis nervorum. Etsi verò Helleborus Vomitus excitet , tamen is non sistendus , sed potius promovendus est ; & propterea Vomitorium è Raphani radice , & Seminibus Anethi , in hydromelite coctis exhibet *Sennertus* , & si Clystere opus fuerit , is parari poterit ex decoctione Plantaginis , Rutæ , Althææ , cui poterit pariter addi Oleum Anethi , & Vitellus Ovi. Indè tanquam antidotum exhibendum erit Vinum absinthiacum , cum Theriaca , & Mithridatio , ac Diafcardio Fracastorii : vim Veneni Hellebori deturbare ait *Mayerne* Decoctum hordei , cum Oleo Amygdalarum dulcium , & lac bubulum contra hoc Venenum commendat *Friccius*.

CAPUT LXXXIX.

De Grano Nubiæ.

A nonnullis Autoribus Scriptum est, Granum Nubiæ dictum, Venenum esse potentissimum, atque omnium Venenorum pessimum, de quo MERCURIALIS Lib. 1. de Venen. Cap. 6. hæc habet verba *In Nubia reperitur quoddam Veneni genus, cujus si granum unum propinetur decem hominibus, omnes jugulat spatio quartæ partis horæ, si autem detur uni homini, illum statim interimis, & de eodem grano Venenato, cujus naturam fateor me nescire, quia mihi omnino incognitum.* Sic scribit JUL. CÆSAR SCALIGER Exercit. 153. ad Cardan. de subtilit. pag. mihi 514. *In Nubia, quæ est Æthiopia sub Ægypto granum est, quod devoratum expellit Animantes & vita, decima pars intrâ horæ quadrantem interfecit, ejus nomen non posuere.* Pro hujus Veneni Curatione Sennertus laudat Mithridatium, Theriacam, Bolum Armenam, Terram sigillatam, & Lapidem Bezoar. Verum quia nescitur, quid sit, pariter ejus natura, & particulæ componentes ignorantur.

CAPUT XC.

De Erica Baccifera, Herba Hematogoga, Datura, & Flore Africana.

ERICAM Bacciferam Matthioli sic vocata est, à Bauhino, & Sennerto, quia ab illo Autore primò descripta fuit, ac delineata, quam dono acceperat à Fallopio; Hæc Planta in Montibus oritur, qui Bohemiam à Silesia dividunt, & à quorum Fontibus altis fluvius originem ducit; Humi procumbens, & latas occupans areas folio penè vulgaris Ericæ, quæ baccas edit purpureas, & nigricantes in ipsa purpura; Juniperinis non nimores, sed meliore pulpa, lenta, & coloris subvirescentis, ut in Pruno. Rami sunt lignosi, ex atro rufescentes,

& flexiles , eosque baccis ornatos mense Augusto , notavit *Matthiolus* , quas baccas Simiarum aliqui vocant , & ita dici putat *Joh. Thalius in sua descript. Hercyniæ* , quia earum efus parit deliras gesticulationes , ut is , qui eas comedit , simiarum instar gestu ridiculo se prodat. Signum evidens , tale Venenum constare particulis summè volatilibus , quæ fugando spiritus Animales mentem alterant , ita ut ille furor , & insania oriatur. Curatur autem , ut alia Venena , & præsertim ut Opium.

Inter herbas Venenosas etiam Planta Hamatogoga dicta à *Sennerto* adnumeranda est , de qua *Galenus Lib. de Purg. Medic. facult. cap. 6.* hæc habet. *In Thracibus Bithyniam incolentibus invenit homo quidam herbam , quam si quis assumpsisset , sanguinem primò , tum vitam emittebat ; De qua plura Galenus , & Sennertus.* Colligitur ergò hanc herbam constare è particulis septicis , atque erodentibus ; assumptæ enim , & sanguinem liquant , & fundunt , atque erodendo etiam vasa per diæresim , cruoris effusio insequitur , cum quo funditur ipsa vita. Et hæc à Galeno superiùs dicta sufficiant pro hoc mihi incognito veneno.

Stramonium , sive Stramonia à Multis Datura dicitur , herba est notissima , & vulgaris admodum apud nos Ferrarienses , quæ inter Venena reponitur ob suam vim narcoticam , quam prodit solo olfactu ; Caput enim gravat , & *Hoffmannus in notis ad Poter. Pharmac.* , ait se vidisse à pulvere Seminis Daturæ in largiori dosè exhibito , furorem inductum , & mentis alienationem cum ridiculis gestibus , & actionibus. *Garcias ab Horto & Sennertus* aiunt , injici à furibus florem Daturæ , aut ejus Semen in cibo eorum , quos deprædari volunt ; Mente enim quoddammodò alienantur , & ita ad libitum deprædantur ; durat verò hæc mentis alienatio viginti quatuor horarum spatio ; & de Datura refert *Christophor. à Costa* , eos , qui Pulverem hujus seminis sumpsere , mente alienari ; & postquam ad se redierint , immemores esse eorum , quæ insani dixerint , aut fecerint. Si quis igitur Semen Stramonii assumpserit vel malitiosè , vel casu eadem ferè experietur symptomata , quæ excitantur ab Opio , & quæ retulimus in capite Opii ; cum enim

enim in hisce seminibus reperiantur particulæ multæ salis cujusdam volatilis acris, ac sulphuris narcotici, hinc est, quod confusio spiritibus animalibus prius à Salinis particulis ligatis, somnolentia, & interceptio motus fluidorum oriuntur, undè tandem mors, si in dosi nimia assumptum sit Daturæ Semen veneficum. Quia verò symptomata eadem sunt cum symptomatibus Opii, ideò Curatio hujus Veneni convenire videtur cum Curatione Opii, quam superius videre poterit studiosus Lector. Hic mihi solummodò notare liceat, me anno 1702. Mortuum vidisse infelicitè Puellum annorum ætatis sex Filium unius Hortulani, qui nesciens naturam Plantarum, fructus Stramonii fregit, & Semina ejusdem comedit incisi Parentibus, ex quo brevi quatuor dierum spatio, primò totus frige factus, tandem lethargicus. Obiit.

Flos denique Americanus accedat tanquam alterum Venenum. Hic flos Americanus Tagetes Indicus dicitur, cujus folia sunt Tanaceto similia, & cujus tres differentias agnoscit *Chabræus*, & ab aliquibus Italis *Garofalo Indiano* vocatur; Venenosa est Planta juxta *Dodonaum*, *Sennertum*, *Chabræum*, & alios; Siquidem ejus odor ingratus Cicutæ similis caput aggravat; deinde experimentis nonnullis constat, istum florem, Venenosæ, & deleteriæ facultatis haud prorsus esse expertem; ait enim citatus *DODONÆUS Lib. 3. Histor. Stirpium*, in Puero, qui flores mandere inceperat, *Labia, & Os inflata esse*; feli etiam flores recenti casco permixtos olim dedimus, quæ mox inflata mortua est, & mures, qui semen arroserunt, mortui feruntur reperti. Hujus ergò floris assumpti symptomata sunt potissimum inflatio partium, tum internarum tum externarum cum inflammatione, dolore, ac Lethargo, quæ mala proveniunt, partim à narcotico sulphure, partim à sale volatili, quibus maximè constat hæc Planta; sulphureæ siquidem particulæ ligando, & figendo spiritus, narcosim; atque humores fixando inflationem, cum partium tumescencia producant. Salinæ verò pungendo fibras nerveas, dolores creant, idcirco, quanto citius fieri possit, ad Vomitum est confugiendum, tanquam ad Sacram salutis

lutis Anchoram, inde ad Mithridatium, Theriacam, Oleum nostrum contrà-pestem, Oleum de Scorpionibus *Matthioli*, Terram sigillatam, aliaque omnia remedia, quæ pro curatione Veneni Cicutæ à Doctoribus commendantur, quorum magna pars à me super enumerata est in Capite de Cicutæ.

CAPUT XCI.

De Lolio.

LOLIUM planta est notissima; spica trigosa, compressa, granis cum glumis utrimque ad scapum in eodem plano sitis à reliquis graminum generibus distinguitur. Radicibus est fibrosis, tenuissimis capillamentis cirratis, stipulas habet cubitum unum, duos, tresve altas, triticeis pares, aut paulò minores, quatuor, vel quinque nodis distinctas, ad quorum singulos, ut in reliquis culmiferis, singula folia triticeis angustiora, & viridiora, nitentia, glabra, pingua, striata, culmum ad proximum ferè geniculum obvolventia, grana triticeis minora sunt. Plura de Lolii descriptione cupiens legat *Biblioth. Pharmaceut. Mangeti Medici Eruditiss. Lib. 11.*

De hujus Plantæ Origine discrepant scriptores. *Matthiolus* enim, *Caspar Hoffmannus*, & alii oriri Lolium putant ex hordeo, & Tritico corruptis, ipsumque Lolium in triticum demum mutari volunt. Ast hoc tanquam anilem fabulam nos cum aliis Autoribus rejicimus, credendo, ex proprio semine, ut faciunt cæteræ Plantæ originem Lolium suam ducere, & licet *Plinius* eum Tritici vitium appellet, hoc intelligendum, quia Triticum vitiat, id est cum penè eandem cum Tritico fervet magnitudinem, dum ex paleis excutitur, cum eo confunditur, ità ut cribro difficilimè ab ipso Tritico secerni queat, & cum nullum usum in cibis habeat, ideò rectè infelix à Poetarum maximo vocatur, & reverà Lolium Venenosa est Planta, hujus enim Semen, ait *Sennertus*, vim malignam obtinet, &

& panis in quo Lolium fuerit Stuporem quandam & veluti temulentiam esitantibus parit, cum somno profundo, de quo *Galenus 6. de simplic. Medicamentor. facultatibus* refert, quod ob Lolium Triticum permixtum multis caput dolere cepit, & comedentibus ulcera innata sunt. Hinc *Wierus de Præstig. Daemon.* narrat, ex Lolio cum Tritici farina comesto, amenitiam, vertiginem, longumque somnum inductum fuisse. Aliquos pariter fuisse Tiguri, refert *Joh. Jacob. Wagnerus Miscellan. Curios. Dec. 2. Ann. 3. obs. 186.* qui pro jentaculo pultem avenaceam comedentes, quam *Plinius* Germanorum cibum esse ait, variis symptomatibus mox afflicti fuere, omnes enim ex iis, cardialgia, vertigine, & Capitis dolore correpti, quidam insuper temulenti, & somnolenti redditi, convulsiones etiam passi sunt, imprimis Ancilla, quæ in majori quantitate ejusdem pultis comederat; Quæsitâ causâ inventum est, Farinam Seminis Lolii pulti fuisse commixtam. Facultates porrò Lolii passim notas docent Epitheta; Lolium enim temulentum dicitur, caput tentans, Frumentum fatuum; *Aira* Græcis, quod nocuæ auræ ad cerebrum rapiantur, & inebrient: In Lolio namque vim inebriandi dependere à sulphure narcotico spiritibus animalibus infesto ait *Illustr.* & nunquam satis laudatus *D. Præses noster Lucas Schröckius in Schol. ad Obs. 186. Decur. 2. ann. 3.* Prò hujus Veneni autem remedio commendatur Acetum, & post hoc omnia ea quæ sulphureas ejus particulas cicurare, ac motum inordinatum Spirituum Animalium compescere queunt. De Secali temulento pariter, & venenato curiosam Historiam narrat *Clariss. Baulzmannus in Miscellaneis Curios. Decur. 3. Ann. 7. Obs. 27.* & tale quoque Venenum dependet à sulphure fumoso spiritus offuscante, ac ligante, & acrimoniam in sanguinem inducente, cujus ope, dum sanguis tenax nimium effervescit, tubuli musculorum supra modum extenduntur, undè Corporis intumescencia apparet, uti etiam accidit in multis aliis Venenis.

CAPUT XCII.

De Mangas, Ahovai, Hiuca Succo, & Melle Venenato.

DE Veneno herbæ Mangas Sylvestris dictæ, & herbæ Lac-
tariæ Malvaticæ ita scripsit *Christophor. à Costa Lib. 1. Aro-*
mat. quæ verba sufficient de hoc Veneno mihi incognito, ait
ergo ille; Sylvestre reperitur Mangas Bravas nuncupatum, adeò
præsentis Veneni, ut indigenæ illo se mutuo perimant; nam si quis
paululum ederit illicò moritur, ut hætenus nullum sit repertum an-
tidotum ad ejus vim compescendam.

De Arbore Ahovai sic habet *Chabræus*. Est arbor in Bra-
filia dicta Ahovai tam fœstens, & ita Allia redolens, ut cum
scinditur, aut igni admovetur odor tolerari non possit. Fo-
liis est Pomî nostratis fructu ad tribulum Aquaticum acceden-
te, cum summè venenato nucleo, & verè deleterio, eo au-
tem exempto putaminibus ficcis tintinabulorum loco utuntur.
Carolus Clusius in annotat. ad Lib. 2. Garc. ab Horto de Arom. scri-
bit Ahovai genus esse veneni potentissimum, quod alter alteri
mutuis odiis, & diffidiis præfertim verò viri levissima occasione
uxoribus infensi, aut contrà Uxores viris indignatæ dare solent.
Quia verò à me ignoratur natura hujus Veneni; ideò symp-
tomata ab eo producta, & remedia ad illud vincendum exa-
rare nequeo.

Similiter dicendum est de Hiuca tanquam potentissimo
Toxico, de quo *Cardanus Lib. 12. de subtil.* refert talia verba.
Herba Hiuca similis est Cannabi, radix tamen ipsa carotis si-
millima, sed major, intus tamen candida, exterius aspera, &
coloris vinosi fermè. Illud in hujus specie quadam mirum ad-
modum, quod humanam conditionem referat, nam Panis ipse
salutaris homini, & anno servatur, qui fit ex radice expresso
jam succo, succus autem ipse haustus illicò necat, nec ullo
fermè auxilio sanari potest, ita ut dicerem, mortem ipsam
cum salute conjunctam esse. Quamobrem dum Panem confi-
ciunt,

ciunt, diligenter omnem exprimunt succum, quem è genere succi Cicutæ, sed validiorem esse ait *citatus Cardanus*.

De hac autem Planta loquendo *Jul. Cæsar. Scaliger de Subtil. Exerc.* 153. addit, ipsam habere radicem ad humanæ Coxæ crassitudinem, quam redigunt in pollinem, tum aquam imponunt, ut expressione fiat succus, qui lethalis est. Cur verò succus Venenosus sit, farina autem salubris, rationem reddit *Scaliger* eo modo, quo Porri Succus est perniciosus. Porrum ipsum autem editur sine noxa, & ratio pendet, ait ipse, à duplici causa. Una est partium tenuitas, undè est facilis penetratio, altera libera qualitas, & facultas ad nocendum in succo ipso, postea quam soluta est societas, quam inierat cum terrestri parte à primordiis ipsius Plantæ orta, quæ pars adversa qualitate ferociam ejus ita cohibebat, quemadmodum crassitiæ sua tardabat celeritatem. Et hæc sunt, quæ de Veneno Ahovai, & Hiucæ ad meam venere notitiam, quæ, eruditionis medicæ gratia addere hic volui, ne quid videar reliquisse ad Venenorum spectans materiam.

Mel demum venenatum dari tradunt Doctores, undè *Galenus* hanc refert Historiam *Lib. X. de simplic. Medicam. facult.* quidam, sunt ejus verba, Medicis duobus ad Unguentariam officinam conspectis, attulit ad eos Mel venditurus, scilicet, illi ubi gustassent, de pretio disceptant, at hic tanquam parum offerrent propter se se subducit; Verum Medicorum neuter servatus est. Similiter *PLINIUS Lib. 21. Cap. 13, De Melle Venenato* sic sentit, *Heraclæ in Ponto Mella quibusdam annis perniciosissima existunt: ab iisdem Apibus facta. Nec dixere Autores è quibus floribus ea fierent; Nos trademus, quæ comperimus. Herba est ab exitio, & Jumentorum quidem, sed præcipuè Caprarum appellata. Egolethron. Hujus flores concipiunt noxium virus aquoso verè marcescentes. Ita fit, ut non omnibus annis sentiat hoc malum, hucusque Plinius.* Nunc autem quid scripserit *Dioscorides* videamus, hic igitur Autor loquendo de Melle venenato sic ait. *Heraclidæ in Ponto quibusdam anni temporibus propria quorundam florum dose, Mel constat, quod qui edere mente alienantur, ac sudore diffuunt. Veneni causam in Aconito agnos-*

Jos. Lanzoni Opera. Tom. I.

FF

cit

cit *Sennertus*, & in *Rhododendro Matthiolus*, quatenus scilicet Apes ex istis. Plantis venenatis virus ebibunt, atque inde Mella deponunt; nihil ergo mirum, si tale Mel nocivum existat, participat enim naturam illarum Plantarum, à quarum particulis, sumptis, excitantur ipsa symptomata, quæ oriuntur à prædictarum Plantarum assumptione. Istius autem venenati, Mellis signa referente *PLINIO*, sunt, quod omnino non densatur quod coloris magis rutilus est, odor alienus, sternutamenta protinus movens, quod ponderosius innoxio. Qui edere abjiciunt se humi, refrigerationem quærentes, nam, & sudore diffuunt. Epilepsiam ex Melle notavit *Eruditiss. D. Paulinus in Miscellan. Curios.* Ex illius esu Cholera lethalem *Binningerus Cent. 4. Obs. 15.* Atque Ebrietatem à Mellis assumptione notavi Ego in *Miscellan. Curios. Decur. 3. ann. 2. Observ. 31.* Diutius enim in Stomacho retentum Mel, fermentationem subire (maximè cum naturæ noxiæ est) atque ita volatiles suos inebriantes spiritus dimittere, ac Cerebro communicare posse mihi verisimile videtur, præcipuè cum præ aliis pluribus succis longè promptius fermentationi sit expositum, monente *Illustriss. D. Luca Schrödero in Miscellan. Curios. ann. citato. mox pag. mihi 40.* Accedit quod copiosè ingestus hic medicamentosus succus Ventriculi tonum debilitare potest, & spiritus etiam in cerebro inordinatè commovere sicque delirium ebrietati simile excitare; Ventriculi enim torpor, juxta *Hippocratem in VI. Epidem.* Omnium fit confusio. Ad curationem quod attinet. *Avicenna* comestionem Piscis saliti proponit, & bibere Aquam Mellis, & vomere cum eo. Ruta commendatur à *Plinio* & *Aldovno*, ut & Piscis Aurata in cibo, Theriaca cum aceto calido, Mala Cydonia, & Testudo Decocta, prius abscissis pedibus, capite, & cauda. Puto autem Autores, à Testudine abscindere caudam, caput, & pedes, quia Ossæ sunt, non quia noxia sunt.

CAPUT XCIII.

De Cornu Spica.

SPICÆ Cornu, prout ex Autorum Scriptis colligi potest, nihil aliud est, quàm fructus, seu additamentum quoddam nascens in quadam specie spicæ horribilis odoris, cujus naturam calidam esse, ait *Ardoynis Lib. 3. de Venen. Cap. 2.* Cum autem scateat fructus hic particulis salino-volatilibus acerrimis, quæ cuspidibus suis perforando partes internas corporis, eas exulcerat, unde sanguinis effusio, etiam ex virga apparet; hinc est, quod symptomata, quæ oriuntur ab assumptione hujus Cornu spicæ sunt nigredo linguæ, sanguinis fluxus, apostemata in pectore, alienatio mentis, tandemque Mors. Curatur verò tale Venenum primò sumendo aureum unum Camphoræ cum uncia una aquæ Rosarum, inde Aquam hordei, Oleum Commune, Succum Granatorum, mucilaginem Seminum Psyllii, Oleum Amygdalarum dulcium, Lac recens, Pissinam, atque *Petrus Aponensis* commendat Theriacam ad pondus duarum drachmarum, cum decoctione Vini, in quo Dictamnus sit ebullitus.

CAPUT XCIV.

De Cynoglossa.

CYNOGLOSSUM à multis Cynoglossa dicitur, & sic nuncupatur à foliorum forma caninas linguas imitante; Hæc notissima est Planta, ideòque ejus descriptio superflua. Nascitur passim in locis incultis, & ruderatis, præsertim pinguioribus, & floret mense Junio, quia verò nonnulli Medici eam præditam esse narcosi virulenta autumant, ideò nonnulla de ejus Veneno in præsentī capite dicendum. Venenositās ergò

istius herbæ consistit in quadam vi narcotica , unde si nimis liberaliter , & incongruè exhibeatur in hominis sanitatem , & vitam peccare posse non abnuerim , cum enim ejus particulæ sulphure narcotico , inebriativo , & volatili præditæ sensibus omnibus lethalem inferant torporem , spiritusque animales in cerebro planè suffocant , & extinguunt. Symptomata autem hujus Veneni sunt eadem , cum accidentibus consequentibus assumptionem Opii. Si denique vis narcotica Cynoglossæ lædat ejus vis per acida est impugnanda , & adhibenda insuper omnia præsidia , quæ in Capite Opii exposuimus.

CAPUT XCV.

De Nigella.

NIGELLAM Sylvestrem Venenatam non esse legitur apud *Matthiolum* , *Chabræum* , aliosque , imò commendari ad aliquos fugandos morbos. *Ardoynis* autem *Albucasim* sequendo , hanc Plantam inter nocivas ponit quatenus scilicet , si in nimia quantitate sumatur , Mortem inferat ; Fides tamen penes ipsum ; si hoc verò accideret , esset ope sulphurearum , & Salino-volatilium particularum summæ activitatis , quæ ex solo odore acutissimo ipsorum Nigellæ Sylvestris Seminum apparent , quippè istæ intrâ Corpus assumptæ acutis suis stimulis vellicando Ventriculum , ac Intestina , Vomitum , & Alvi fluxum producerent , non sine ægrotantis molestia ; ad quæ mala Sananda , duce *Galeo* , administrari potest Decoctum Virgæ Pastoris , vel Plantaginis , & Calamenthæ Montanæ ; Insuper adhiberi possunt , Vinum cum hyslopo , brodium Cancrorum fluviatilium , & Pix liquida cum Vino generoso. Istius autem herbæ descriptionem legat curiosus Lector apud *Chabræum* , *Matthiolum* , *Raium* , *Bauhinum* , aliosque Botánicos , tam antiquos , quàm recentes.

CAPUT XCVI.

De Visc.

Viscus est Planta parasitica, seu frutex Arboris; aut fruticibus aliis innascens, baccifera, monopirenos, si *Raio* credendum, brevis est Planta, ramusculis in Crucis modum prodeuntibus, foliis binis in ramusculorum summitatibus utrinque emergentibus, oblongis linguarum instar, crassiss, solidisque, colore submellino, cujus historiam diffusè more suo, nec non diligenter Botanicorum maximus *Matthiæ* recenset. Dixi suprà diversas Arbores innasce Viscum, undè *Plinius* ait, illum, cum propriam sedem non habeat, in alieno vivere, & quidem folio perenni, quamvis Arboris à qua alimoniam sumit folia sint decidua, cui sententiæ favet *Virgilius*, dum canit

*Quale solet sylvis brumali frigore Viscum
Fronde virere nova, quod non sua seminat arbor.
Et croceo fætu teretes circumdare ramos.*

Controversum tamen videt *Georg. à Turre Lib. 2. Histor. Plantar. Cap. 216.* An Viscum istud sua propria virtute, & peculiari suo genitali semine in alienam Arborem intrudi, & vivere possit, à qua alimentum ad vitæ usum sufficiens suscipere valeat; An potius producat ab arbore; cui adhærescit. Plures enim existimant potius, inter quos Ego quoque, ex proprio semine nasci Viscum, quod ut multi aiunt in baccis geri visci arbusculum, quo epasto vel Turdi, vel similia animalia egerentes simul cum excrementis in aliqua conspicua arboris parte defigant; hinc facetè *Plautus* cecinit

Turdus sibi mortem cecat.

F f 3

Ac

Ac proindè ex semine proprio intrà excrementa alvina re-
 gesto, & recondito innasce, idem autumat *Athenæus*, idem
Plinius, & *Casalsinus*; Ità *Raius* in *Apendice Historiæ Plantarum*,
 postquam Visci Semen populi Albæ perterebrato cortice inser-
 tum germinasse, & Plantulam edidisse observaverit nobili hoc
 experimento, longis, & diuturnis super hac re controversiis,
 & disputationibus finem impositum esse putavit; Nonnulli
 enim antea credebant, non ex proprio semine, sed ex Ar-
 boris succo, vel ex putri Viscum oriri, quales erant *Ardoynis*,
Scaliger, & alii plures. Reverà igitur, teste Clariss. D. *Spleis-*
sio in *Append. Miscellan. Curios. Ann. 4. Decur. 3.* per Aves vis-
 civoras in Arboribus propagatur Viscus emissis per alvum bac-
 carum Seminibus, quæ deinde semen immittunt inque arbo-
 rum truncis hærendo, & semet mirabili modo adglutinando
 tandem in Viscum exsurgunt; Verùm enim verò necessarium
 non esse, ut modus alius non supersit, quo manu hominis
 Viscum produci queat, verùm Visci semina per se esse pro-
 lifica; atque extrà Ventriculum avium; imò nunquam ab iis
 deglutita germina protrudere aptum esse. Hæc adeò certa sunt,
 ut nullis *Scaliger* subtilitatibus eludere queat, cum ad oculum
 omnia demonstrari possint, simulque modus superest, quo
 non solum in Malis, Pyris, Quercu, Tilia, Corylo &c. sed
 in quacunque Arbore, frutice, & suffrutice, & universim in
 omni Planta, quæ annua hyemis inclementia non destruitur,
 Viscum produci possit. Optarem idcirò mihi præsto esse
 Aloëm quorum folia, aut non decidua, vel saltem aliquot
 annis in Planta hærent, non dubito enim artificiosè, me
 Viscum in illis producturum; Licet autem Viscus pro aliqui-
 bus fugandis morbis commendetur, attamen *Ardoynis* illum
 inter Venena connumerat, quatenus in ipso sit superflua qua-
 dam humiditas indigesta, propter quam in operatione sua pi-
 gritare videtur; sicut Gummi Rutæ agrestis, & Thapsiæ, ve-
 rum præfatum gummi est vigorosius, & si de eo multum su-
 matur interficere usque ad quatuor dies, ait citatus *Ardoynis*,
 fides tamen penès ipsum. Nos hîc de Visco tanquam Veneno
 verba faciemus, ne quid desiderari in hoc opere videatur.

Acci-

Accidentia ergo consequentia ipsius assumptionem juxta *Ardoynum* sunt , Capitis vertigo , rugitus in ventre , ac ejus punctura absque fluxu , quæ omnia ab ipsius visci caliditate oriri autumat , Verum si talia fierent ab hujus esu , provenirent à particulis Salino-volatilibus ejusdem visci , quæ ad cerebrum penetrando , fugantes animales spiritus vertiginem excitarent , atque Intestinatorum fibras spiculis suis lædendo , puncturas , & ventris rugitus efficerent. Vinum cum absinthio , pro Curatione hujus Veneni adhibet *Dioscorides* , Lac *Albucasis* , Syrupum Acetosum , & Decoctionem Erucæ *Avicenna*. Rutam *Plinius* , Theriacam cum Aceto *Gulielmus de Placentia* , atque *Ardoynis* tandem laudat pro fuganda Visci venenositate Serpillum Sylvestrem , lac Asininum , Caseum Caprinum recentem , Hædi Coagulum , & Castoreum.

CAPUT XCVII.

De Ruta Sylvestri.

SYLVESTRIS Ruta , cujus descriptio ad amussim tradit *Matthiolus Lib. 6. super Dioscoridem* , Venenosa Planta est , de qua loquens *PLINIUS Lib. 20. Natur. Hist. cap. 13.* ait , Sylvestris Ruta horrida est ad effectum , & ad omnia acrior ; cujus Succus copiosior datus Veneni noxam obtinet , in Macedonia maximè juxta flumen Aliacmonem : Mirumque , cicuta succo extinguitur : aded etiam venenorum venena sunt , quando cicuta succus prodest manibus colligentium , rutam : Nisi enim , ut ait *COLUMELLA capit. ultim. L. 11.* velata & testâ manu ruta tractetur , prurigo & tumor incessit , perniciosaque ulcera nascuntur : & juxta *DIOSCORIDEM* , dum colligitur ad muros , præsertim montana , cutem inflat cum rubore pruritu & inflammatione vehementi. Assumpta ergo talis perniciosa Planta in humano Corpore , vehementem oculorum inflammationem , cum intumescencia primò excitat ; indè ardorem magnum in ventre , cum torminibus , quorum symptomatum causa est vis mordicans depen-

dependens ab acutissimis stimulis particularum Salino-volatilium, quibus scatet Sylvestris Ruta, quæ Stimulantia acumina continuum solvendo, in oculis dolores, & inflammationes pariunt, atque in ventre tormina, & summum ardorem. Quoad Curationem; *Ardoynis* primò, juxtà solitum, Vomitus cum Aqua calida, & Oleo Communi commendat; inde Clysteria lenia, potum ex cineribus Sarmentorum vitis cum aqua, & aceto, tandemque Unguentum de Calce; Nos verò lac, & hordeum optima esse in hujus Veneni assumptione cogitamus.

C A P U T XCVIII.

De Scylla, præcipue Agrestis, & de Cortice Oryzæ.

SCYLLA, seu, ut dicunt aliqui Squilla, Cæpa est Marina notissima pro usibus Medicis; In sabuletis marinis sole retorridis oritur, cujusmodi sunt in Hispania, & propè arida Lusitanie loca maritima, de qua Cæpa videatur *Raius*, *Hoffmannus*, *Mangetus*, & alii.

Istam Cepam in Venenorum numero ponit, ac meritò *Ardoynis*, ejus enim effectum venenosum notarunt Multi, inter quos Clariss. *D. Joh. Daniel Geyerus Miscellan. Curios. Decur. 2. Obser. 138. ann. 8.* qui ait, Scyllam in se continere insignem malignitatem; ideòque communiter panis includi, Furnoque calefacto imponi, ac ita ad benigniorem usum parari; Accidit verò, ait citatus Doctor, ut Panis micas, quibus Scylla erat inclusa meleagridi edendas projicerem, & horulæ spatio vix præterlapso incepit titubare, alas pandere, convelli tumultuarie, nec granulum hordei assumere, usque dum planè visum amittebat, nodis duris in pedibus erumpentibus. Si verò in quantitate assumatur ab hominibus Scylla, excitabitur Stomachi dolor, cum Vomitu, & Intestinatorum ulceratione, non sine mortis metu. Causa autem immediata istorum symptomatum habetur à particulis pungitivis, mordicantibus, & acutis salium ipsius Cæpæ, à quarum spiculis irritantur

tantur fibræ Ventriculi, undè Vomitus, & dolor, ac solvitur unitas Intestinatorum, unde ulcera fiunt. Curationem institunt Medici ope Lithargyrii commendati à *Rhafi*; Lactis cum frustis ferri igniti cocti, pulverisque Mille folii usum laudant alii. *Plinius* nuces commendat, nonnulli Oleum Amygdalarum Dulcium, Mucilaginem Seminum Cydoniorum, ac Emulsionem quatuor Seminum frigidorum Majorum, quatenus sua oleositate retundere valent acumina salium istius Veneni. Ego denique reliqua omnia Medicamina, quæ conveniunt Curationi ulcerum Intestinatorum legitimè laudo.

Antequam verò præiens Caput claudamus aliquid dicendum de Cortice Oryzæ, & quia calidus est, & ficcus, & inflammatorius ab *Ardeyno* inter Venena connumeratur; melius autem diceretur, si, quia constans ex particulis Salino-sulphureis activis, & penetrantibus, ideòque solvere continuum valentibus, nocere valeat hic Cortex, si vel casu, vel malitiosè assumatur, tunc enim dolores in faucibus; Ventriculo, & Intestinis oriuntur cum alvi fluxu cruento, ac somnolentia, quæ symptomata accidunt ratione puncturarum in Ventriculo, & Intestinis factarum, à figuris incidentibus salium; & à sulphure oritur narcosis spiritus nempe animales ligante. Vomitus in principio convenit pro istius Veneni Curatione excitatus ope oxymellis, & aquæ calidæ; Clysmata emollientia optima sunt, sicut Potio Vini cum Absinthio, Spicanardo, Cinnamono, & Castoreo; Decoctum Cydoniorum, tandemque omnia, & singula præsidia convenientia in Veneni Cantharidum Curatione.

C A P U T X C I X.

De Mezerao.

MEZERAON frutex est, teste *Raio*, ad trium cubitorum interdum altitudinem excrefcens, radice in aliquot partes divisa minimi digiti crassitudine, vel etiam crassiores, long.

Jos. Lanzoni Opera. Tom. I.

G g

ga,

ga, altèque se demittente, alba; è qua assurgunt virgulæ, lentæ, teretes, tenues, cortice duplici testæ, cujus prolixam, & diligentem Descriptionem videat Lector apud *Raium*, & *Mangetum*. Nobis tantummodò sufficiat, Mezeræi vim esse igneam, acerrimam, exulcerantem, & mordentem, commanducatam enim hanc Plantam, fauces, & æsophagum adurere aiunt, suadente *Lobelio*: Febres excitare, vires exsolvere, & validissimè purgare per Alvum serositates. Cum enim particulis salino-volatilibus, & summopere acribus abundet hæc Planta, mirum non est, si in Corpus humanum introductæ, spiculis suis, solidas partes agrediantur, & exulcerent; ac fibras Intestinorum vellicando, alvi fluxum excitent, inque humores penetrando eorum augeant motum, atque vitalem facultatem turbent vires exsolvendo. Curatur hæc Venenositas autem primò vomitibus, inde dulcificantibus, ac retundentibus remediis, utpotè quæ frangant cuspides illorum salium corrosivorum, & sunt omnia pinguis, & Oleosa, ut Iac, Butyrum, Oculi Cancrorum, Pulveres Margaritarum secundum artem præparatarum, cæteraque hujusmodi, hordeacea omnia remedia; Clysteres ex Lacte parati, Mithridatium, Terram sigillatam, Theriacam magnam, & Coagulum Hædi commendat *Ardoynis*; Aliaque demùm adhiberi utiliter possunt à Medico practico, quæ in Capite Arsenici indicavimus, ad quem locum Lectorem remittimus.

C A P U T C.

De Semine Urticæ, & Herba Chimaniides, atque Croco.

SEMEN Urticæ ab Ardoyno inter Venena connumeratur, atque sumptum, illa excitare symptomata, quæ ab assumptione Scyllæ eveniunt, utpotè quod hoc semen pollet mordicantibus, ac exulcerantibus particulis à sale caustico provenientius. Ego verò Urticæ Semen Venenum esse haud assero, imò remedia pro aliquibus edomandis affectibus subministra-

ministrare puto. Sic ad Tullim rebellem, & contumacem expugnandam semen Urticæ in Decocto, aut lincta laudat *Simon Paulli Quadrip. Botanic. Classi. 3.* ut & pro Antidoto Cicuta illud agnoscit. Lithonthrypticam facultatem huic semini tribuit *Estmullerus*, imo Urticæ Semen, menses ciere, atque Venerem stimulare docet *Clariss. Dom. Mangetus in Biblioth. Pharmacæutica Tom. 2. Lib. 20.* unde ait ipse, à Meretricibus Amasii suis propinari solet; cum ergo Venenum mortiferum non sit illud, sicco pede transimus.

Similiter de Croco dicamus, quem in Classe Venenorum ponit citatus *Ardoynis* utpotè quod in nimia quantitate assumptus, mortifera parit symptomata, ut læsio Cerebri, ac nervorum, & hoc ope particularum salis volatilissimæ, qui translatus ad nervos eos lædit, tandemque mortem inducit. Istius ergo Curatio primò Vomitu instituitur ope oxymellis, & aquæ Calidæ, inde bibendo succum Pomorum, vel Granatorum, aut Julapium cum trochiscis ex spodio, ita suggerente nuper citato *Ardoyno*.

Quænam tandem sit herba Chimanides mihi non satis liquet, unde ejus Descriptionem non dabo, solummodò de illa mentionem faciam medicæ eruditionis gratia, quia ab *Ardoyno* introducta fuit in numerum Venenorum; ait enim hic Autor, *Chimanides*, alias *Chimanidos* herba est sanguinis educitiva, cum qua *Galenus in suo libro de Pharmacis* asserit, hominem quendam multos interemisisse, ipsam per os exhibendo, cujus virtutem ipse tortus à Præside fallus est à se ipso didicisse, propterea quia cum aliquando Porcellum ad quoddam suburbium deferret, reposuit ipsum penès ipsam herbam applicato ventre, & cum postea vomuerit, vidit liquores sanguineos ex toto corpore diffuentes, unde conjecturatus est herbam illam Venenosam esse qua de re exhibens illam hominibus, plures interemit; propter quod jussu Præsidis ductus fuit moriturus ad supplicii locum ligatis oculis, ne in intermedio alicui illam ostenderet; unde *Galenus* ibidem asserit rationabile fore herbam prædictam, & alia consimilia Medicamina taceri ab om-

nibus habentibus intellectum. Sic igitur tacendum de quibusdam Venenosis, atque mortiferis Medicinis arte paratis, miscendo videlicet varia simplicia Venenosa, atque mineralia, vel animalium etiam partes, ex qua miscella oriatur aliquod mixtum virulentæ naturæ, quemadmodum à spiritu maligno perciti faciunt in hominum perniciem Venefici, quod perdat Deus. Solummodò nos mentionem facimus, ut Venenorum sciantur Remedia curativa à Doctorem monumentis desumpta, ad Proximi nostri utilitatem. At redeamus in viam. Et quia talis Planta sanguinis effusionem excitat, ideò dicendum, ipsam scatere moleculis salinis acerrimis, quæ irritando vasa, eorum osculorum aperitionem promoveant, atque Venas easdem lacerando sanguinis effusionem inducant cum Patientis nece. Ad quod Venenum tollendum primò Vomitus commendatur, inde Clysteres, lenitivi Potio Lactis, Grana Pini, & recentia mala Persica laudantur, tandemque non inutile putatur Hepatis regionem emplastrizare aromaticis Medicinis, ut Spica, Mastiche, Croco, Absinthio, & similibus.

C A P U T C I.

De Cucumere Asinino, & Staphisagria.

CUCUMER Asininus, aliquandò sumitur à scriptoribus pro Planta, aliquandò verò pro fructu ejus Plantæ; hic solo fructu à sativo Cucumere distat, quem multo minorem habet, glandibusque longiusculis similem. Folia, & sarmenta sativo sunt similia; Radix est alba, & magna, & totus Frutex amarus, referente *Fuchsio Hist. Plant. Capit. 268*. Nascitur in sabulosis locis, floret Augusto, & Autumno producit fructum, qui seminibus, ac succo plenus est, qui decerpito pediculo confestim solet exilire. Ex hoc fructu paratur Elaterium, cujus conficiendi modum vide apud citatum *Fuchsum*. Assumpto autem Cucumere Asinino sequitur nausea, Vom-

Vomitus, & ventris solutio cum dolore, ac si in magna quantitate assumeretur, Mors accideret, teste *Ardoyno*; dicta verò symptomata arguunt, hanc Plantam, & fructum constare è multò sale volatili acri, cujus particulæ exaltatæ, ac ad motum concitatæ, mediante calore naturali, pungendo fibras tum Ventriculi, tum Intestinatorum; Vomitus, alvi fluxum, ac dolorem pariunt; & si illæ particulæ fuerint in magna copia exulcerationem excitabunt Ventriculi & Intestinatorum, a qua Mors inevitabilis accedet. Quæ autem specialiter pro hujus Veneni curatione commendantur à Doctõribus, sunt sequentia, videlicet, Lac recens, & Butyrum, ista enim oleositate sua retundunt acumina salium, & sic læsionem impediunt. Theriaca magna laudatur à *Petro de Abbano*, & *Ardoyno Lib. 3. de Venenis*, cum decocto Baccarum Lauri, & Melle; Imò nonnulli volunt Antidotum hujusce Veneni esse succum Menthæ ad unciam unam epotum.

Nunc de Staphisagria aliquid dicendum. Herba hæc pedicularis dicitur à *Dioscoride*, & habet folia labruscæ divisa, cauliculos rectos, molles, & nigros, fert florem glasti, & virides folliculos similes Ciceri, quæ in Istria, Dalmatia, Apulia, & Calabria frequens provenit, teste *Matthiolo*. Hanc herbam producere grana similia Uvæ Passæ, grana Ciceris nigri videlicet, ait *Ardoynis*, & propterea dicitur Uva Passa montana. Signa verò, quæ superveniunt post assumptionem Staphisagriæ sunt ulcerationes in renibus, & Vesica, undè mingitur cum ardore, & dolore, ex quo colligitur, hanc Plantam abundare particulis salinis volatilibus, quæ partes internas, & præsertim Renum substantiam, atque vesicæ lancinando atque erodendo, dolorem, & ardorem, cum difficultate Urinæ inducunt. Curatio ipsius est, quod Ager bibat Aquam Decoctionis liquiritiæ cum modico Gummi tragacanthæ, & bibat aquam Decoctionis Sebesten cum Semine Fœniculi, & Apii, & insuper sumat Prisanam de hordeo in aqua in qua coctæ sint amygdalæ Dulces, & Sebesten; ita suadente *Ardoyno*.

CAPUT CII.

De Anacardio.

ANACARDUS est fructus Arboris exoticæ, & Mel ejus liquor est quidem Mellis similis, qui continetur in porositatibus Corticis ejus, qui quidem Cortex frangibilis est, & valde porosus. Colore autem hic fructus, ac figura Cor repræsentat, unde nomen videtur sumpsisse, teste *Danzello*. Hujus Plantæ fructum Veteribus Græcis fuisse incognitum asserit *Frideric. Hoffmannus Clav. in Schroder Lib. 4.* Nascitur verò in Montibus Siciliæ, & in Indiarum Provinciis Cambaia, Decan, Calicut, Cananor &c. *Casspar Hoffmannus* damnat Anacardos, & confectionem Anacardinam, à multis commendatam ad memoriam felicem conciliandam; & ait ipse, referente *Raio*; hanc non dici Confectionem sapientum, sed potius Stultorum Electuarium; imò refert, quosdam ab ejus usu maniacos factos esse, & opus habuisse catenis. Plura apud *Raium*, & *Mangetum*. Nocuum ergò esse Anacardum colligitur, & vim causticam habere, & exulcerare, inflammare, & humores velut adurere, undè meritò *Avicenna*, *Serapion*, *Ardoynis*, & *Matthiolus* in numero Venenorum Anacardum posuere; quem qui sumpserit incensionem vehementem in gutture, & Ventriculo patitur, cum inflammatione internarum corporis partium; cui succedit mentis alienatio, tandemque, nisi maturè succurratur interitus. Istorum malorum causæ sunt particulæ causticæ; & erodentes Salinæ acres, quæ ingressæ porositates partium internarum humani Corporis, eas cuspidibus suis vellicando, prius inflammant, inde erodendo dolorem inducunt, atque delatæ ad Cerebrum, quatenus insensæ spiritibus Animalibus, ac latici nervoso, turbando, & agitando spiritus eosdem, mentem alienant, & convulsiones gignunt, ac denique septico more humores omnes fundendo, mortem inducere valent, *Rhasis* Vomitus,

&

& purgationem per inferiora commendat, indè assumptionem Lactis, Butyri, & jusculi valdè unctuosi, & meritò; hæc enim valent, retundere acumina Salium corrosivorum, ut veluti enervata, ac ut ità dicam, cicurata, partes internas lædere nequeant, & sic qua data porta foras detrudantur. Comestione Nucum optimam esse, ait *Ardoynis*; Oleum amygdalarum dulcium, Grana Pini, Castoreum, Theriacam, Semina Cucurbitæ, Mucilaginem Seminum Cydoniorum, Hordeum, & similia commendant multi. Et si fuerit mens alienata, somnus provocari debet, juxtà illud *HIPPOCRATIS*, *Seft. 11. Aphor. 2. Ubi somnus delirium sedat bonum &c.* Theriacam laudant alii cujus beneficium in eo est, teste *MAIGNAN. in Philos. cap. 14. quod spiritibus restituit, & conservat motum convenientem, ipsosque tuctur, ac vindicat pristinae libertati, atque habilitati ad Opera Vitæ.*

CAPUT CIII.

De Cyclamine.

HÆc Planta à nullis ferè ponitur in Catalogo Venenorum, verùm quia à *Dioscoride* habetur, quod si Prægnans radicem transgrediatur, Abortum faciat, unde valdè stimulantibus particulis abundare colligitur, quæ in humanum Corpus introductæ, vel in nimia quantitate assumptæ, alvi nimias fluxiones, ac dolores excitare valent. Idcirco in numerum Medicinarum nocentium potius, quàm propriè Venenorum ponendam judicarem. Vulgus hanc herbam Panem Porcinum dicit à forma Radicum, compressâ, panibus simili, quod gratum suis pabulum sit. Emeticam virtutem habere scribit sapientissimus *Joh. Jacobus Mangetus in Lib. 3. suæ egregiæ Biblioth. Pharmaceut.* quatenus constans hæc Planta partibus acribus, ingesta irritando fibras Ventriculi, Vomitus excitare valet; Sicque postea facillè concipitur, quomodo, & fortum compellat,

pellat, & alvi fluxum moveat, particulis enim suis vellicando. membranas, omnesque nervosas partes, irritationem universalem inducit, ex qua foetus oritur etiam immaturi exclusio. Curatio autem habebitur ope medicaminum pinguium, & Oleosorum, quæ inviscare, & retundere ejus irritantes particulas valeant, ut in capitibus antecedentibus dictum.

CAPUT CIV.

De Murckione.

MURCKION, alias Mirkion, teste *Ardoyno*, est Planta quædam, quam ipse *Avicenna* asserit se ignorare, attamen naturam ejus juxta opinionem ipsius Arabum Principis similem esse naturæ Napelli aliqui dicunt, cujus in corpore humano operationes sunt; singultus, mordicatio in ventre inferiori, syncopes, color Citrinus in facie, anhelitus, corporis foetor, sudor frigidus, & Mors tandem tanquam omnium malorum finis; ex quibus symptomatibus colligitur, istam Plantam incognitam nobis, constare ex multo sale volatili acri, cujus particulæ in actum deductæ pungendo fibras Ventriculi, singultum primò concitant, inde descendentes in Intestina fibras eorundem aggrediendo, morsus Ventris excitant. Ingressæ autem in humorum massam, sanguinem vitiando foedum colorem corporis, sudorem frigidum cum febre perniciofa, ac tandem mortem inducunt. Ad Curationem verò quod attinet, Clariss. *Santes de Ardoynis Pisauriensis Medicus* sua *tempestate* præstantissimus in suo Opere de *Venenis Lib. 3. Capite pariter tertio*, ait, Præservationem, & Curationem. Similem omnino esse præservationi, & Curationi Veneni Napelli, ad cujus Capitulum Lectorem meum † remitto.

† Vide Pag. 181.

CAPUT CV.

De Pomo Mortis , Persea , Braxera , Cohobba , Afferæ.

DE Pomo Mortis , Persea , aliisque Venenis exoticis mentionem facit *Julius Cæsar Scaliger in suo Libro de Subtilit. ad Cardan.* quo circa , & nos in præsentî Capite quid de istis collegimus à Scriptoribus exarabimus. *Cardanus* itaque *de Subtilit. Lib. 8.* esse Poma mortis in Provincia Peru Occidentalis Indiæ inventa , quæ quasi Sorba sunt odorata , eorumque Arbor fruticosa , Pyri foliis , densis , crebris , ac viridioribus. Hos fructus commanducatos mortem inducere ad modum Fungorum nonnulli volunt ; verum quia nescimus , qualia symptomata afferant , ideò particulas componentes hos fructus ignoramus.

De Persea , & ejus differentia à Persico fructu in Italia nostra notissimo , scripsit *Manardus noster Lib. 8. Epist. Medicin.* atque fusè tractavi ego in epistola mea quadam , italico Sermone exarata , & Venetiis Typis impressa in *Musæo Minervæ, Tom. 2. pag. 254.* De Persea autem fructu tenquàm Veneno dicturus colligo , ex *Galeno de Medic. facult.* illum apud Persas adeò noxium esse , ut edentes interimat , in Ægyptum verò translatum in esculentum mitescere , & Pyrorum , Malorumque modo , cum quibus , & magnitudine convenit , esitari , idemque confirmat *Petr. Andr. Matthiolus Comm. in Dioscorid. Lib. 1. cap. 146.* ubi tabulam egregiè hujus fructus delineatam exhibet ; hujusce fructus Arbor est Pyro similis perpetuò virens , ramis ex viridi pallescentibus , inque latum diffusis , folia sunt velut Lauri , subtùs cinerei coloris , supernè verò virentia , firma , & masticata cum adstrictione , linguam mordicare , ait *Casp. Bauhinus in not. ad Matthiol. pag. 237.* Flos ejus racematim est compactus , pallidus ex sex foliis compositus , cui succedit fructus Pruno similis , niger , jucundo sapore , nucleum cordis effigie continens , gustu Castaneæ , aut Amygdalæ. Vere autem
Jos. Lanzoni Opera. Tom. I. H h floret ,

floret , Autumno fert fructum ; Plura apud *Carol. Clesium*.

In Regno Deli, quod Tartaris Catainis affine est, Arbor nascitur, quæ Braxera dicitur ; Radix ejus manducata , statim occidit, cujus mali remedium fructum ejus Plantæ esse docet *Julius Cæsar Scaliger de Subtilitate ad Cardan. Exerc. 153*. Pariter Adal legi olim solem dictum Persarum lingua , ejusdem nominis in Africa radicem esse , ait citatus *Scaliger* , cujus aqua stillatitia epota intrâ unius horæ spatium mortem affert ; naturali enim pernicipi aliquid auxit Ars , nam per Alembicum eduçta pars ejus volatilis, atque efficacior citius suum parit effectum.

Inter Lymphaticas Plantas ponitur à nonnullis Cohobba Indica nempè Planta similis Stramonio , quam solo odore inebriare, atque Fanaticos reddere ait *Cardanus de subtilit. Lib. 3*. si autem edatur in furorem vertit comedentes.

De Turcarum Allèrac sic scribit *Scaliger lococitate*. Prælium inituros milites Turcarum , ex eo vorare aliquantum , quo alacres , ac periculorum evadunt contemptores , & sic ad Belli munia sunt promptiores , si autem copiosè assumatur , interimit. Apud alios autem Autores invenitur non Allèrac, sed Maslach ; an verò sint hæc Strychnici Maniaci nomina , *Scaligero* etiam incompertum est. De Radice Baara flammei coloris scribit *Cardanus* , quæ nisi Muliebri sanguine lotiove perfundatur , mortem iis , qui eam tractant afferat , quin & exitialem esse avellentibus ait , quare à Cane avelli solitam esse , qui , & ipse ea avulsâ , periret , & de hac Venenosâ Radice meminit quoque *Joseph Hebraus*.

C A P U T C V I.

De Taxo, & Agarico malo.

REFERT *Cæsar Lib. 6. de Bell. Gall.* Cativulcum Eburo-
rum Regem Taxi succo epoto , se interfecisse unde inter arbores venenosâs reponendum colligitur , quamvis *Lobelius* ejus baccas innoxie in Anglia Pueros manducare affirmet ,
&

& *Camerarius* pro Planta innoxia Taxum agnoscat. Verum quia de hujus arboris Veneno supra in Cap. 81. dixi; nunc ejus tantum dabo descriptionem; inde malum Agaricum exponam. Taxus ergo in Montuosis, Saxosis, atque præruptis locis oritur, & est perpetuæ frondis arbor, procero stipite Abieti similis: Folia Abietis foliis ortu, & numero similia, dimidium culmum lata, folia supernè atro virore splendentia, infernè nitore destituta, nervo secundum longitudinem decurrente, fert baccas ex calice ita emergentes, ut simile quid habere videantur cum glande; Postquam verò fuerint maturæ, quod est mense Novembri nihil planè simile habent cum glande, sed figura quodammodo referunt florem vitis Idæ; plura apud *Ratum*; solummodò notandum Hortulanos, qui hanc arborem detondere solent, in gravem Capitis dolorem incidere, & hoc ab odore noxio, & venenato, quem Arbor cæsa spirat.

De Agarico Malo tanquam Veneno verba facit *Ardoynis*, separando Masculum Agaricum, à fœmina; primus durus, & niger salutatur; alter albus, & frangibilis, levis, & porosus, & hic est bonus, & inter Medicamina magni juvamenti reponitur, quem *Democritus* medicinam familiæ vocavit. Si verò nigri, & mali Agarici particula assumentur, accidunt nausea, Vomitus, fluxus Ventris, & syncopes; Quæ mala oriri videntur, eo quia particula resinosa illius acres valdè, ac stimulant, in quibus vis ejus consistit, monente *Estmullero in Schroed. dilucid.* penetrando stomachi partes nauseam, & vomitum excitant; & ad Intestina delata eorundem fibras pungendo, & irritando alvi fluxum, cum dolore pariunt, ex quo cruciatus, & frequenti alvi molestia, syncopes fiunt; quemadmodum accidunt in magnis Dysenteriis; Pro Curatione Butyrum laudatur, & meritò, oleosæ enim hujus medicamenti partes inviscare valent acres illas particulas; Sic pariter valet Lac Caprinum, & Asininum. Externè verò optima erunt linimenta confecta ex Oleo violaceo, & Amygdalarum dulcium, & ex aliis Oleis præscriptis in Curatione spasmi.

CAPUT CVII.

De Colocynthide.

Colocynthis Cucurbita quædam Sylvestris est, Græcè & Latinè sic dicta, Arabicè verò *Handal*, unde & nomen Trochiscorum *Alhandal*, qui ex ea constantur. Per terram repit Cucurbitæ more, foliis amplis, lanugineis, sarmentis humi serpentibus, flores habet luteos, Poma pugno æqualia; quæ notiora officinis sunt, quam herba; quæ medicamentum est virosissimum, teste *Raio Hist. Plant.* Abrasis enim Intestinis Dysenterias producit; ipsius porro violentiam, vel hoc indicat, quod solo tactu, & odore abundè, & cum magna perturbatione Alvum dejicit, quod experiuntur, qui eam tractant, non tantum enim validissimè concutit totius Corporis habitum, sed exagitat vi sua malefica omnia viscera, quantumvis diligenter præparetur, ac corrigatur. Naturam igitur Sapit Veneni, quatenus incongruè, & inordinatè manducata, Vomitus primò ciet, indè alvum movet acerrimè, cum tenesmo, & Dysenteria, ac Urinæ sanguinolentæ excretionem, ex quibus potest Mors accidere, nisi citò succurratur, ac æger viribus constet. Causa verò illorum malorum putatur multitudo particularum salino-acrium erosivarum, quibus abundare videtur Colocynthis, istæ enim ingestæ, ac intrâ Corpus humanum assumptæ, primò Ventriculi interiorem tunicam aggressæ acuminibus suis penetrantibus, malam sensationem, id est dolorem, & Vomitus pariunt; ad Intestina verò cum descenderint, eorum tunicas sensibilibilissimas feriendo, ac lacerando, dysenteriam concitant, sicque ad Renes, & Vescicam delatæ pariter Urinam, unâ cum sanguine cient. Curatio perficitur, suadente *Ardoyno in Lib. 3.* primò per medicinas refrænantis solutivorum potentiam; Theriacam indè, vel Mithridatum exhibendo, & Clysteribus utendo ex succo Plantaginis, & Aqua Decoctionis Hordei

Hordei confectis. Insuper à *Rhafi* laudatur succus malorum Cydoniorum ; *Rabbi Moyses in Lib. de Venen.* ; Vomitus primò concitat ; inde Decoctiōem siccarum Ficum porrigit , & aquam cum Mucilagine Psyllii , seu Succum Porrorum cum Lacte , Pane , & Butyro. Demum *Petrus Aponensis* Colocynthis curam , & Bezaar simul , & semel esse ait Smaragdum in pulverem redactum , & in potu appropriato exhibitum ad mensuram Drachmarum duarum.

CAPUT CVIII.

De Scammonio.

HOc nomen Scammonium notat tūm Plantam , tūm Succum. Planta est Lactescens , volvulosa , lævis smilacis modo , cui foliis , flore , valdè est similis , radice autem differt , in Smilace enim tenuis est , in Scammonio verò crassa , & prælonga , intus candida , odore gravis , ac multo succo prædita , & propriè ex hujus Plantæ Radice Scammonium colligitur. Magnæ esse acrimoniæ , insensæ malignitatis , & mordacitatis excellivæ ait *Jo. Schroderus* , adeoque erodere Intestina , & viscera conturbare ; & hinc est , quod Medici nisi ritè , & rectè præparatum , atque correctum , vel cum sulphure , vel cum Succo Cydoniorum , sive aliis modis , ac formulis , ut videre est apud Pharmacopæos Scammonium non exhibent , quia nisi correctum , atque , ut ita dicam , cicuratum exhiberent Venenum pro Medicina , & mortem pro salute propinarent. Assumptum enim Scammonium , Vomitus , singultus , dolores , alvique fluxum excitat. Notandum tamen , aliquos recentiores putare Scammonium nihil aliud esse , quàm Succum Esulæ ; quia verò scatet hoc medicamen stimulantibus , acerbis , ac volatilibus particulis ; hinc est , quod assumptæ cuspidibus suis lancinando Ventriculum , Vomitus , & cum dolore , singultus ; & tunicas Intestino-

H h 3

rum

rum lædendo, alvi fluxum pessimum pariunt; ex quibus pravis symptomatibus mors potest evenire. *Galenus* laudat pro Curatione Theriacam Andromachi, tanquam generale Bezoar omnium solutivorum. *Rhasis*, teste *Ardoyno*, balneum Aquæ frigidaë nivosaë commendat. Alii oleum Amygdalarum Dulcium, Butyrum recens, Lac statim mulsam, Aquam Hordei, Cydonia, herbam, quæ vocatur Kibes, & hordeum ipsum coctum, tandemque omnia præscribunt, quæ oleosis, & pinguibus partibus scatent, hæc enim inviscare valent, & retundere acumina salium Scammonii, sicque Venenum corrigere.

CAPUT CIX.

De Tithymalis, & Ricino.

Sicut Scammonium non ritè, & rectè correctum in numero Venenorum à multis, & meritò ponitur; ita pariter Ricinum, & Tithymalos malos ponendos esse in eadem Venenorum Classe crediderim, cum pessimos effectus valeant producere, æquè, ac faciunt Colocyntis, Scammonium, Taxum, Cumeris Asininus & hujusmodi similia. Ita fecisse compertum est *Santem Ardoynum* Pisauriensem Medicum sua tempestate Clarissimum in *tertio Lib. de Venen. cap. 5.* in quo libro de Venenis; ac mortiferis Medicinis loquitur sumptis ex vegetabilibus, & Plantis; & ita pariter fecit *Ferdin. Cardinalis Ponzetus de Venen. Lib. 2. cap. 29. pag. 549.* Omnia Tithymalorum genera igitur adurendi vim obtinent, ait *Tragus*, imprimis verò lacteus eorum succus, quare rarissimè citrà noxam sumi potest; hancque ob causam ab ejus usu doctos ac prudentes Medicos abstinere, ait *Raius*; De Tithymalorum autem differentiis legantur Botanici. Qui assumpserunt hæc noxias herbas, Vomitu primò afficiuntur, inde singultu, fluxu Ventris, & aliquandò sanguinis effusione; ex quibus signis colligere

colligere licet, istas Plantas scatere particulis acribus salinis, quæ in Ventriculum, & Intestina delapsæ, fibras eorum vellicando, atque pungendo, Vomitum, singultum, ac alvi fluxionem, & interdum cruentam excitant. Ad quorum symptomatum Curationem faciunt omnia remedia, quæ vim dulcificandi, ac retundendi cuspidis illarum particularum habent, ut sunt Butyrum, Oleum amygdalarum Dulcium, Lac, Emulsio quatuor seminum frigidorum majorum, Hordeacea omnia; Theriacam laudat *Ardoynus*. Alii aquam decoctionis malorum Cydoniorum, Mithridatium, Terram sigillatam, Mumiam, ac Crystallum Montanam præparatam Ricinus autem, sive Cataputia major, cum sit de genere Tithymalorum, eadem parit symptomata, quæ pari modo curantur. Hic autem solummodò notandum, hoc anno 1711. in Conventu S. Margaritæ hujus Civitatis menle Octobris, Virginem quandam annorum viginti quatuor, ut Corpus solveret, assumpsisse grana tria, seu Semina Ricini adhuc virentia, & post duas horas, Vomitum immanem passam fuisse, cum singultu, anxietate, frigido Sudore, cardialgia, ac syncope, ita ut de salute adstantes desperarent. Statim me tanquam Medicum Ordinarium illarum Virginum vocant, qui accersitus, & conscius factus de Morbi causa; statim Theriacam exhibui, inde lac propinavi, externè autem Cordiale Epithema apposui, & Clysterem emollientem injiciendum præscripsi, quibus remediis, Deo adjuvante, convaluit. Similiter de Milite recordor, qui exhibita à Circulatore Ricini Semina sumpsit, & miserè vomitu horrendo, & dysenterico fluxu affectus, per viginti dies malè se habuit, attamen curatus convaluit, sæpè verò de stomachi dolore conqueritur, & si largior fuerit coena, in noctis medio evomit, ac alvi fluxum patitur, ita ut mihi candidè fatetur, se ab assumptione illorum seminum fuisse taliter debilitatum, ut quasi naturam, ut ipse dicit, mutaverit; Ab istis ergò tanquam Venenosis herbis abstinere oportet, ne Venenum, pro purganti medicamento apponamus.

CAPUT CX.

De Cornu Cynosbati.

DE hujus arboris spinosæ globo, spongiæ simili; velut veneno, *Petr. Aponensis*, & *Ardoynis* scripsere, in quo globo aliqui interdum vermes se invenisse testantur. Si autem hujus Cynosbati Cornu, sive globi pulverem assumat aliquis, statim difficultate respirandi tentabitur, & deglutiendi, ex quo mors accedet. Cum enim Stipticæ, atque summè adstringentis sit naturæ iste globus, particulis suis acido-austeris ligat fibras musculorum gutturis internorum, atque Oesophagum ita constringit, ut deglutationem omninò impediat. Pro istius curatione lambitivum præscribunt Medici ex oleo recenti Amygdalarum Dulcium, vel ex lacte Vaccino, aut aliis lenientibus, & emollientibus remediis quatenus scilicet, particulæ oleosæ emollientes pinguedine sua inviscando austeras particulas Venenati, hujus Globi, earundem pessimam virtutem hebetant, atque omninò tollunt. Hinc hujus Veneni Bezaar esse mora scribit *Ardoynis lib. 3. cap. 52.* Ego verò Vomitus maximè laudo, & præsertim in principio, ejectis enim particulis peccantibus, statim Salus est restituta.

CAPUT CXI.

De Ficu Pharaonis, & Dragontea.

IN suo de simplicibus Libro *Serapio* de Ficu Pharaonis meminit, quæ est fructus arboris cujusdam magnæ, habentis folia similia in magnitudine foliis Ficus, nascens in partibus Orientalibus, & præcipuè in Sardinia, teste *Ardoyno*, qui naturam ejus valdè calidam, & inflammabilem esse dixit. Qui verò de hoc Venenato fructu comedere, Febre primò continua

nua laborant, & totius ventris tumore, velut hydropico; Ex quibus subsequenter signis, conjiciendum puto, particulas istius Venenosi fructus, esse acidas, coagulantes, quæ in massam sanguinis introductæ, ejusdem crasim turbare, ac vitare valent, unde in præternaturalem fermentationem cruor actus, febres oriuntur, quæ malignam notam habent, velut illæ malignæ, ac contagiosæ febres à materia sanguinem fixante ortæ, de quibus passim Autores Medicinæ sermonem habent, & præsertim de recenti Illustriss. D. Bernardinus Ramazzinus in Patavino Lyceo Lector Sapientissimus, ac Amicus meus perpetuo colendus in sua erudita Dissertatione de contagiosa Epidemia, quæ in Veneta Ditione Boves aggressa est anno 1711. Ex tali igitur sanguinis nimia effervescentia, & coagulatione, oritur vasorum dilatatio, & per consequens Corporis intumescencia, quæ est signum subsequens hujus Veneni Ficûs Pharaonis. Ad Curationem quod attinet particularem talis Veneni, Petrus Aponensis in suo Tractatu de Venenis cap. de Ficubus Pharaonis, laudat aquam hordei ebibitam, aut serum Caprinum, & ejus Bezoar esse grana, sive semina Cucumeris mundata, & trita data in potu, ait Clar. Ardoynis Lib. 3. de Venen. cap. 51. pag. mihi 184.

Inter Plantas Veneficas, atque nocentes ponunt nonnulli Dragonteam, siue serpentariam, aut ut ali dicunt Viperinam, licet alii ex Botanicis, innocuam esse Plantam Dragonteam autument; attamen nos in præsentiarum aliquid de ipsa tanquam venenosâ, ac nocua ex Autoribus collecta trademus, ne fortè serpentariam in Venenorum classe caruisse videatur. De majori Dracunculo, ac minori, verba facit Amatus Lusitanus in 2. Lib. Dioscorid. & varias esse serpentariæ species ait Plinius Lib. 24. & post eum Matthiolum super Dioscorid. Semen tamen cujuslibet est venenosæ virtutis teste Ardoyno & fortioris efficacæ, quam sint hujusce plantæ folia, & radices. Semen igitur in potu, aut cibis sumptum, guttur asperitate afficit, pungit linguam, gingivas, & dentes vexat, & universo corpori ingentem calorem inducit suadente Matthiolo. Insuper teste Ardoyno, nauseam movet, singultum, syncopem, & aliquando sanguinis vomitum, Jos. Lanzoni Opera. Tom. I. I i quo-

quorum symptomatum causas referrem in particulis feminis harum plantarum, quatenus istæ, cum sint salinæ spiculis suis acutis, ac perforantibus gutturis porositates ingressæ, ac linguæ & gingivarum, harum partium ardorem, & dolorem pariunt; ad universum verò corpus delatæ fibras musculorum irritando, ingentem calorem suscitant, ventriculi tunicas internas pungendo, nauseam, & singultum, atque etiam vascula minima ejusdem Ventriculi lacerando, sanguinis vomitum excitant. Ad quæ advertenda mala primò *P. Andr. Matthiolus Lib. 6. in Dioscor. cap. 7.* laudat Butyrum haustum, & hordeaceam farinam in pulvem conformatam, ac Oleum Amygdalinum; istis enim remediis, cuspides salium nocentium inviscantur, atque ineptæ redduntur particulæ horum seminum ad feriendum, in quo præcipuè vis hujus Veneni consistit. Secundò juvare possunt Lac Vaccinum, ac Emulsiones quatuor seminum frigidiorum majorum, quas crebrò usurpandas putarem, ut sic non tantum salium particulæ cicurentur, verum à frequenti potu veluti dilutæ è corpore humano, vel per lotium, vel per secessum eliminentur, sicque pristinæ sanitati æger posset, Deo adjuvante, reduci.

CAPUT CXII.

De Venenosa Japonensium Planta.

DOctiss. D. Andreas Cleyerus in *Decur. 2. Ann. X. obs. 38.* de Arundinacea quadam Planta Japonensium refert, quæ Ran dicitur, & Radicem habet mollem, albam, & succi summe venenosi plenam; ideòque à Japonensibus, & Sinensibus magni æstimatur, nam si parùm hujus radices quis comedat, statim mente orbatur, & brevi post è vita discedit, si autem post ejus usum, confestim patienti aquam in qua Saccharum album est solutum præbeatur, tunc nihil incommodi inde patitur sed vis toxica infringitur. Flores autem hujus Venenose Plantæ dulcem spirare odorem ait citatus Autor, & esse luci

cei coloris , cum lineolis rubris , Semen verò oblongum , & acutum . Putarem ego causam formalem hujus exotici Veneni consistere in acido spiritibus animalibus infuso , cujus particulæ primò eos turbent , agitent , ac ad motiones inordinatas impellant , undè insania , & delirium , indè tandem spiritus prædictos , sic enervatos figat , unde mors contingat . Pariter *Joh. Schefferus in sua Laponia* narrat , reperiri apud Lapones herbam quandam , Calceolum Laponicum vocatam , aut Brassicam Rangiferorum , quæ flores habet cæruleos , cum serie triplici seminis in calice , folia habet ampliora , quàm nostra vulgaris Brassica , caulem crassum digiti crassitie , & radicem prorsus amaram . Insuper citatus Autor , addit hanc herbam festinatione summa capere sua incrementa , latè se diffundere , ac surgere in altum , ad trium Cubitorum altitudinem , & quandoque majorem . Hæc creditur inutilis , & noxia , quoniam ab ejus esu omnia Animalia abstinent ; unde *Samuel Rheen* , ait *Animal nullum herbam hanc gustat , sed fugit eam , tanquam Venenum* .

CAPUT CXIII.

De Venenatis Herbis , ut Feniculo , Salvia , Cichoreo .

ACCIDIT allquandò , & præsertim æstivo tempore , dùm sol fervidissimos super terram radios emittit , & præsertim Syrio latrante Cane , ut aliquæ Plantæ licet sua natura innocentes ; Venenosæ experiantur , quatenus Animalia venefica , ut Bufones , Canes Rabidi , aliæque prævæ naturæ herbas suo Veneno inficiunt . Ità in Prussia Electorali refert *Illustriss. D. Christ. Franc. Paullinus Academ. Curios. eruditiss. in sua Salvia Curios. Sect. 4.* Pastorem quendam duos liberos habuisse , masculum unum , aliumque foeminam , qui in Aurora surgentes accepto à Matre jentaculo , quod Panis erat butyraceus , solo indusio tecti in hortum ædibus proximum lufuri currunt , ibi-

que propè salviā confidentes subitò folia quadam rore adhuc conspersa decerpunt, & cum jentaculo simul devorant. A meridie præcedente enormi vomitu, crebriores superveniunt Lipothymia cum magno totius corporis æstu, altero verò die uterque moritur non sine suspitione suscepti Veneni. Sic pluries Ego observavi pessima orta esse symptomata ab esu fœniculorum, fortè insectorum Venenis animantium malæ naturæ, ut anno 1709. in quadam Famula, quæ post manducatum fœniculum in vomitum ingentem incidit, cum sudore frigido, Cardialgia, Syncope, ac ventris intumescencia, cum Coloris mutatione ad citrinum vertente, velut icterico, quæ ope Theriacæ Andromachi, & nostri Olei contra Pestem, Deo adjuvante, sanata fuit copioso sequuto vomitu, & alvi fluxu. Anno præsentis 1712. die 14. Februarii, vocatus fui ad visitandam Uxorem Casarii cujusdam nostri Ferrariensis quæ diris vexabatur symptomatibus, ut cardialgia, Vomitu, dolore ventris intolerabili, & alvi fluxu pessimo, cum magna siti, & virium prostratione. Interrogavi de causâ Adstantes, & responsum est, agram in Cœna comedisse tantum Anguillam, ex quo cibo orta prædicta mala credendum, & reverà non semel observavi in Cœna comestas anguillas nocuisse, ut in Clarissimo Patre meo dum viveret; accidit, qui quadam vesperè manducata Anguillæ portione, noctu vomitu horrendo, dolore stomachi, ac vertigine correptus fuit. Sic pariter de Cichoreo Venenato dicendum; non semel enim, maximè æstivo tempore, dum sol fervidiores emittit radios, observavi ex comestione acetarii venenatos effectus productos fuisse, cum enim tunc temporis Animalia venenata, puta Bufones &c. herbas viræ suo inficere queant; Hinc est, pro acetario, manducatas tales herbas infectas prava symptomata suscitare, ut notavi præsertim anno 1704. Mense Augusti, in quadam Adolescentula, quæ post comestum Acetarium confectum ex Cichoreo, in Cœna, sub medio noctis, dolores fortes in Stomachi regione, singultus, Vomitus, sudores frigidi, ac Intestinatorum maxima tormina surrexere, cum Ventrīs inflatione, quibus successit

successit alvi fluxus , & demùm iſteritia , quæ ad plures dies perduravit ; ope tamen Remediorum curata eſt. Curioſam hiſtoriam de virtute Emetica Borriginis in quodam Adoleſcenti , mihi nuper narravit Sacerdos quidam fide dignus natione Hiſpanus : qui Puellus , cùm aliquandò folia Borriginis manducaſſet , & ſtatim vomitu tentatus fuiſſet , ab hoc ſymptomate edoſtus , quotieſcumque purgare Ventriculum volebat , tria , aut quatuor folia Borriginis aſſumebat , & velut aſſumpto emetico pharmaco , ſtatim ter , aut quater evomebat. Hoc autem venenolum non erat Symptomata , ſed proprietas , & Antipathia adoleſcentis cum Borragine , quarum adverſionum naturalium Hiſtorias paſſim legi apud Medicinæ Magiſtros. Et ego in *Miſcellan. Curioſ. Decur.* 3. *Ann.* 7. *Obſer.* 113. de variis huiusmodi Antipathiis mentionem feci. Attamen multa per accidens evadere Venena ait D. *Frommannus de Fascinat. Lib.* 3. *part.* 5. *cap.* 1. quæ non à primordio generationis , ſed poſteà ab alio extrinſecùs accedente venenatam acquirunt naturam : Ità apud Cavernas ſerpentum , & Bufonum herbas Cordiales , ut Bugloſum , Borriginem , Meliſſam , Violam , qualitatem induere venenatam teſtatur *Sylveſt. Rattray. de Sympath. & Antipath.* aut cùm res ſalubres horrendis imprecationibus à Lamia adhibitis , vim venenatam , aut lethiferam , Deo permittente , à Diabolo accipiunt ; ſic ipſe homo adverſus hominem contra naturæ legem inſidiator exiſtit , quod Brutis omnibus in ſui ſpecie animantibus denegavit . ut rectè olim exclamavit *Seneca* , & poſt eum Concivis ſuus *Torreblanca* ; undè *Horatius* cecinit

*Neque fuit Iupi mors , neque fuit Leonibus unquam
niſi in diſpar feris.*

Et tamen , Proh Dolor ! verba ſunt *Caspar à Reies* , quot hominum myriades oblati Venenis ſingulis annis pereunt ; occiduntur , inſatuantur , plures enim occidit gula , quàm Gladius.

CAPUT CXIV.

De Gummi Gutta, seu Gutta de Jemou.

DE generatione hujus Gummi variæ sunt opiniones ; alii enim dicunt esse naturalem ; alii verò factitium , quidam ad Efulam referunt ; *Bontius* ad Efulæ affinem Plantam Indicam ; alii ad flores Ricini Indici , colorem verò à Curcuma provenire alii à Tithymalo , & Scammonio derivare hoc Gummi contendunt. Nos cum *Ettmullero* , esse succum concretum , Veteribus incognitum dicimus , potius quam Gummi , cujus autem Plantæ , sit succus nondum certo constat ; licet citatus *Ettmullerus* succum esse ex Ricino Indico collectum scribat , è radice enim , ait , Ricini vulneratæ destillare , & Croco Indico tingi. De hoc Gummi plura apud *Mangetum in Bibliotheca Pharmaceutico. Medica Lib. 8. Rosenberg. in Rhodolog. Schroder. in Pharmac.* aliosque Recentiores Scriptores.

Nos tantum verò de ejus Veneno dicamus. Assumptum siquidem tale Gummi , Vomitus , & secessum movet , cum magna violentia , & gravissimis symptomatibus , ut observavit *Clariss. D. Christ. Franc. Paullinus Eruditiss. Academicus Curiosus in Miscellan. Academiæ Naturæ Curiosorum Decur. 1. ann. 8. pag. 139.* de quodam Barbitonsore temerario , qui honesto cuidam Civì integram Drachmam Gummi Gutte non correcti , sed crudi pro una dosi assumendam porrexit ; unde sequutæ sunt purgationes magnæ , Lipothymia horrenda , & sexcenta alia mala cruentis lachrymis deflenda ; Ipse quidem ægrotus à faucibus orci ægrè tandem retractus inter Lachrymas tamen ; & suspiria vitam miserè traxit , donec brevi post excederet. Sic monstra nascuntur in Arte saluberrima , sic experimenta per mortem fiunt , & Mundus tamen vult decipi ? Deus meliora !

Ex symptomatibus igitur , quæ insequuntur assumptionem istius virulenti succi vocati *Gutta de Jemou* , colligi potest , particulas

ticulas ejus esse acerrimas, ac summè ferientes fibras nerveas Ventriculi, & Intestinorum, ex qua fibrarum læsione, dolores, Vomitus, ac diri alvi fluxus habentur; & nisi maturè succurratur, de ægri vita actum est. Indicationes ergo curativæ erunt, infringere, & retundere acumina istarum particularum, in quibus vis Veneni hujus consistit, & indè inviscata, atque confusa per alvum extrà Corpus detrudere, ac demùm fibras corroborare: quod fiet incrassantibus, & impinguantibus remediis, quæ sua oleositate retundere, ac edomare valeant spicula illarum nocentium particularum. Hoc poterit verò haberi ope Butyri, Olei Amygdalarum Dulcium recenter expressi, Lactis Vaccini, Emulsionum, Jurium pinguium, & Aquæ hordei in quantitate assumptæ ad diluendas illas particulas. Clysmata quoque injicienda erunt confecta ex Lacte. Opiata etiam sunt exhibenda; ut Theriaca, & Philonium, ad sedandos dolores; omniaque alia remedia erunt præscribenda, quæ notata sunt in Capitibus Scamnonii, Tithymalli, similiumque.

CAPUT CXV.

De Staphisagria.

HÆc Planta dicitur à nonnullis herba Pedicularis, & cum aconitis convenit; hirsutum habet caulem, cubito altiorē in multos ramos diductum; Radicem longam, lignosam &c. cujus Plantæ descriptionem dabit cupientibus *Raius*. Nascitur autem in opacis locis, & præsertim teste *Matthiolo*, in Istria, Dalmatia, Apulia, & Calabria frequentissimo proventu. Causticam habet facultatem; ideoque meritò inter Venena hanc Plantam posuit *Ardoynis*, purgat enim vehementer, & cum metu strangulationis; ideoque apud Medicos desit ejus internus usus. Pulvis illius capiti inspersus enecat pediculos. Semen exhibitum ad pondus granorum duodecim sursum, & deorsum purgare aiunt, & ptyalismum excitare, unde *Franciscus de*
le

le Boë Sylvius cap. de Purgantib. & Saliv. egregiè prodesse in Lue Venerea scripsit. Certum tamen est, ab istis Seminibus inflammari fauces, ardoremque summum in iis accendi; undè *Marthiolus* vim urendi habere *Staphisagriam* edocuit *Comm. in Lib. 4. Dioscor. cap. 40.* cùm enim scateant ista prava Semina particulis acribus, ac incidentibus, hinc est, quod ingesta spiculis suis pungunt fibras partium internarum gutturis, & oesophagi, unde dolor, & inflammatio oriuntur. Addit insuper *Ardoynis in Lib. 13. de Venen. cap. 24.* post assumptionem istius Veneni, ulcerationes fieri in vesica, & renibus, undè urina excernitur cum ardore, & dolore; accidentia enim, ait ipse, consequentia sunt similia accidentibus productis ab assumptis cantharidibus, de quibus suprà scriptum est; acumina enim particularum Seminum *Staphisagriæ* eodem pari modo, quo, ut suprà innui, pungunt gutturis internas partes, ità delatæ, mediante sanguinis circulo, ad renes, & vesicam contigui solutionem in istis partibus excitant; unde dolores, istranguria, & ulcera lethalia oriuntur; ad quæ avertenda mala commendant Doctores Potum Decoctionis *Liquiritiæ* in aqua Communi factæ quæ cum modico *Gummi Tragacanthæ*, aut Decoctionis *Sebesten* cum Semine *Fœniculi*, & *Apii*. Ptisanam de *Hordeo*, *Amygdalas Dulces*, Emulsionem, *Butyrum*, *Lac*, aliaque *Pinguia*, & *Oleosa*, quæ inviscare cuspidem ferientium particularum, & *Sallium* corrosivorum potentiam enervare possint; meritò laudant, Plura apud *Sant. Ardoynum Lib. 3. cap. 24.*

CAPUT CXVI.

De Radice *Vingafanæ*.

VINGAFANA alias Duxumira dicta describitur à *Doctiff. Dom. ANDREA CLEYERO* in *Miscellan. Curios. Decur. 2. ann. 6. Obs. 52.* his verbis; *Herba est ex radice rotunda, fusca, bulbosa; mense Julio, vel Augusto caulem emittit absque foliis planum, longum, in cujus summitate emergunt flores quini. MOLY* instar ad invicem

vicem ex uno tanquam principio, & loco enati, in sex foliis florum, quod bulbis proprium est, divisi, tot flaminibus cum suo Stylo eminentibus. Flores sunt rubri Coloris cinnabarini elegantes, supra crassâ pericarpia lutei coloris sedentes, sub quibus ad caulem alia pericarpia folia conspiciuntur. Postquam flores deciderunt, folia demum ex terra erumpunt, & perdurant viridia usque ad Hyemem, ubi sub nive tandem putrescunt, & pereunt; Ideoque Radices, seu bulbi diu in terram jacent, antequam flores erumpant. Radices sunt Venenatæ, undè à Japanis non in cibis assumuntur, cujus Plantæ Iconem exhibet suprâ laudatus Autor citato loco. Verum quia, & Veneni talis naturam, & effectus non describit; ideo partes ejus componentes ignorantur; & consequenter Remedia præter generalia Venenorum, præscribi nequeunt; maximè quia exotica est hæc Planta, nobisque Italis omninò incognita.

CAPUT CXVII.

De Arboribus quibusdam Venenatis.

DE Veneno Cannæ, seu Arundinis putridæ meminit Schenckius Lib. 7. *Observ.* narrando de quodam Rustico, qui Cannas putridas evoluit, totusque tumuit, cæterum ut Veneno affectus, curatus fuit. Expirant enim ex se Cannæ putridæ vaporem quendam prorsus Venenum sapientem, sicut ex vapore exhalante à fœno putrefacto vertiginem magnam subortam esse in Villico annorum 40. notavi Ego dum Ruri essem anno salutis nostræ 1702. mense Maio ad finem.

De mortifera vi Buxi scribit Lemnius Lib. de similitud. in viro, qui Cineres Buxi deustas assumpsit, & morte sopitus est. Buxæ frondes enim noxiæ, ac perniciosæ (sunt ejus verba) corpori humano existunt, quod odor gravis etiam, & virosus indicat, & sapor abominabilis, ac amarulentus, quem palatum respuit, atque averfatur.

Usum compertum esse, inquit Christoph. à Costa de Aromat. Jos. Lanzoni Opera. Tom. I. K k Ta-

Tamarindorum arboris umbram sub ea dormientibus, non minus noxiam esse, quam Arboris Juglandis de cujus pernicie multa scripsere Grevinus, Marcellus Donatus, & Schenckius.

De Juniperi gravi, ac noxia umbra sic cecinit Musarum Numen Virgilius in Eglog. 10.

. . . . Solet esse gravis cantantibus umbra ;
Juniperi gravis umbra ; nocent , & frugibus umbra.

Et Lucretius Lib. 6.

Arboribus primùm certis gravis umbra tributa est ;
Usque adeo Capitis faciant , & sæpè dolores
Si quis eas subter jacuit prostratus in herbis.

Refert Henric. Salmuth. in notis ad Guid. Pancirolum *Rev. memorab. Lib. 2.* una cum Jacobo Mollero in suo *Tractatu de Cornutis Cap. 5.* nasci in India herbam maritos cornutos efficientem, cui nomen est *Dutroa*, ex cujus floribus bulbi quædam species oritur, papaveris bulbo haud absimilis, in quo nuclei, quales Melones habent continentur, isti si Oryzæ, Vino, aquæ, aut alterius generis cibo, potionique admixti bibantur, cerebrum invadunt, ac stultitiam quandam risu continuo, absque alio sensu, aut ulla rerum notitia excitant, conciliato etiamnum somno, qui in viginti quatuor horarum spatio duraret, nisi pedes aqua frigida abluerentur. Plura apud citat. *Mollerum pag. 33.*

In Peru multas esse Insulas, ait Thevetus in *Cosmogr. tom. 1.* quæ unius imperio parent, in quarum majori Guaiacum Arbor copiosè provenit, item alia fructum ferens pilæ magnitudine visu speciosum, sed Venenatum. Hujus succo sagittas Barbari imbuunt, iis adversus hostes in præliis usuri.

Est etiam alia, ex qua scarificata succus emanat mortifer, radices tamen sunt esculentæ, ex quibus faciunt farinam quæ vescuntur.

De Arbore etiam *Baxama* dicto fertur, cujus fructus degustatus

gustatus mox suffocat, id quod ipsius etiam umbra præstat, si quis vel quadrantem horæ sub ea moretur. Plura de tali Venenosa Planta Curiosus dabit *Joh. Schenckius Observ. Medic. Lib. 7.*

Habere, & Gallos, scribit *Joh. Langius Epist. Med.* herbam *Limeum* dictam, qua sagittas tingunt, quod Venenum cervarium vocant, unde *Aristoteles* refert Celtas Gallos habere pharmacum tam præsentis Veneni, ut quamprimum Animal eo læsus conciderit, confestim accurrant Venatores antequam virus dispergatur, carnemque sauciatam telo virulento excidant ad spithami circa vulnus latitudinem; hujusque Alexipharmacum esse creditur folium *Quercûs*, licet *Aulus Gellius* asserat Gallos in venatibus *Helleboro* sagittas tingere, quod iis idæ, & exanimatæ Ferae teneriores ad epulas fiant, sed propter *Hellebori* contagium vulnere à sagittis facta circumcidere latius dicuntur, idemque *Plinius* confirmat; non desunt autem, qui conjectura haud dubia asserant, hanc *Hellebori* speciem esse *Hellenium Aegyptiacum*.

D. Gonzalez de Oviedo apud *Joh. Bapt. Ramusium* refert in Indiis Occidentalibus, esse Arborem *Xagua* nominatam facientem fructus ad Pyri nostri minoris *Moscatelli* vulgè dicti, similitudinem, qui valent succo suo sagittas Veneno inicere, & isti fructus solent nasci apud Mare; quocirca, qui Veneno tali afficiuntur, non alio utuntur præsidio, quam abluendo vulnus aqua marina; & notat citatus Autor talis perniciosi esse Plantam illam, ut si quis sub ejus umbra dormierit, faciei tumore corripitur; Et ligna ejusdem, si comburantur, tam foetum efficere odorem, ut dolorem Capitis magnum generet, unde nulli eum tolerare valent.

D. Alvarus Nunnez in tom. 3. *Itiner. Ramusi* de alia arbore venenosa retulit, similitudinem habere cum Pomariis, cujus fructum sagittas venenare, vel si fructus non adsint, ramusculum ejus arboris discindi, ex quo liquor lacteus extillat, quo lacte infectæ sagittæ venenatæ evadunt; & talis malitiei, ac pestilentis naturæ illam Plantam esse volunt, ut folia ejusdem in aqua infusa valeant Veneno inicere totam aquam, cujus si Animalia biberint, confestim moriuntur.

De alia penè simili arbore in Regno *Macassar* legitur in *Decur. 2. ann. 3. Miscellan. Curios. Observ. 45.* è qua emanat liquor obscurè rubri coloris, qui obrigescit, & in lapideam quandam duritiem vertit, servato eodem colore: qui liquor cum sit venenosus valet inficere tela, & sagittas; nec non si manu teneatur, omnes artus rigidi redduntur, & contrahuntur; propterea Collectores adhibent, longas arundines, quibus præfigunt ex ferro cuspides acutissimos, iisque summa vi corticem Arboris vulnerant; & sic liquorem in arundines emanare permittunt, in quibus is collectus indurefcit; idem enarrat *Joh. Jacob. Saar Norimbergensis in Hodepoxico militari.*

Nardas Anton. Recchus Lib. 5. Rerum Medicarum Novæ Hispaniæ de Chilli de Pipere siliquoso Mexicano narrat, illum manducatum in nimia quantitate producere nephriticos, phreneticos, & pleuriticos effectus, Peripneumonias, aliosque internos, ac lethales tumores, aliaque prava symptomata, dum seu condimenti vice, seu nutrimenti, ut sæpe Indi solent immodicè, aut frequenter utuntur.

Quin idem Autor docet herbam, quæ dicitur *Huemberequa* excitare pruritus, & exanthemata, desuper meientibus, colligentibusque; ex quo symptomate colligitur validissimo sale volatili acerrimo constare, cujus particulæ ab illa evolvendo, cutis poros colligentium ingrediuntur, sicque pruritus pariunt.

De Aro herba apud nos vulgari mihi nuper enarravit honesta quædam Mulier; se vidisse Puellum annorum novem, qui post manducatum Arum, vomitibus, & alvi fluxu cruento tentatus est, cum sudoribus frigidis, ac convulsionibus, ita ut per tres dies sine cibo, & potu vixerit in manu mortis; à qua ereptus est Divina favente gratia, ope Theriacæ Andromachi, & nostri Olei *Contra pestem* nuncupati.

Venenatæ tandem Plantæ succus si ponatur apud radicem alicujus salubris Plantæ, ut succus Aconiti, Hyosciami &c. ad radicem Brasiliæ, Borraginis &c. redduntur venenosæ; sic Arbores per emphitissimum producere possent fructus vomitivos, purgaa-

gantes , deleterios &c. docuit *Sylvest. Ratray de sympath. & antipath.* si talia medicamina perforato loco , ubi fit Emphitismus imponantur artificiosè , undè ubi etiam supra dixi venenata animalia , ut sunt serpentes , Bufones , reddunt Plantas cavernis suis acrescentes venenatas , quod verificatur in *Salvia infecta* , ab halitu , ut dicunt , vel ut Ego puto , à muco venenato Bufonis.

CAPUT CXVIII.

De Venenis mixtis , & arte facili.

HU CUSQUE simplicia , atque vulgaria Venena , quorum mentio fit ab Autoribus , tanquàm in Compendium pro viribus exhibuimus ; Posceret modò præscripta methodus , ut mixta Venena , id est composita ex variis perniciosis ingredientibus à malicia humana inventa enumeraremus , & sigillatim de istis sermonem faceremus. Verùm cum propè innumera ea sint , ac multissimæ compositiones ab hominibus perditis , ac malitiosis repertæ ad homines nefario more perendos ; & cum quotidie componi possint miscendo prava cum pravis , ut tertium exurgat , Venena mixta , puta Pulveres , Aquæ , Olea , suffumigia &c. idè de istis tantummodò aliquid in præsentiarum tumultuariò dicendum , maxime eo quia istorum Venenorum mixtorum aperire formulas incongruum puto , ne fortè impius aliquis ad Proximi necem procurandam uteretur. Sunt autem ista vel interna , vel externa ; id est , vel propinata , vel apposita tantum , & tactu , exaltatione , fectore , aspectu &c. necantia , ut Venena in Epistolis , in Stapedibus , in Flore , in subuculis , in Strophiliolo , in Ense , in Cultello , in Tabaco &c.

Turcas Venenum mixtum quoddam habere scribit *Cardanus* , quod solo contactu homines eodem die interimat ; sic de *Gambaie Rege* ex Indicis historiis refert *Scaliger* , qui filium

K k 3 Veneno

Veneno educavit, & venenosum adeò reddidit, ut Muscæ solo suctu turgidæ interirent, & Regem alium Indiæ adeò venenosum fuisse, ut si in alterius nudam cutem expueret, sputo illum enecaret; Ità etiã vestes Veneno infici posse testatur *Ardoynis*, *Guainerius*, *Ponzetus*, *Cardanus*, *Zacchias* & à *Reies*, quod celebri Herculis historia ex *Ovidio* probat, cujus etiã in Hercule Ætheo meminit *Seneca*; nam cùm pallam à Dejanira sibi missam sanguine Nessi Centauri imbutam indueret, veneno infectus est, ob cujus sævitiam in Monte Ætha commisit. Vestes ergò venenari posse sæpiùs experientia docuit, quod maximè fieri cogito ope liquoris alicujus venenati arte parati ex miscela rerum venenosarum, ut verbi gratiã Vino Arsenicali quodam fermento saturato, aut aliquo nobis infenso menstruo conspurcato, quo imbutæ vestes, per porositates cutis particulæ Venenatæ introducuntur, & sanguinem vitiant cum hominis perniciæ. Sic ferunt Hispaniæ Annales, insolentissimum Mauritanie Regem, Petrum Hispaniæ, quem hostem habebat, ficta amicitia interficere tentasse, cui inter alia eximii Ornamenti Xenia pulcherrimas, sed veneno delibutas ocreas misit, potenti adeò, ut si quis illas indueret facillè periret. Hujusmodi exempla plura referunt *Nicolus Serm. 4.* *Matthiolus*, *Sennertus*, *Grevinus*, *Reies*, & alii multi tam Antiqui, quam Recentes Scriptores.

Ex historiis excerptis à Ctesia Scriptore Antiquissimo colligitur, quomodò statim fuerit Veneno necata, quod hunc in modum paratum erat, cavebat enim sibi Statira diligenter ab hoc malo, quod ei tamen contigit: Una pars cultelli veneno superillinitur, cujus reliqua pars intacta remansit; hoc secatur avicula parva Ovi habens magnitudinem, quæ in duas dividitur partes. Alter dimidiam partem quæ veneno carebat accepit, & comedit, at partem veneno tinctam Statiræ porrexit, quæ cùm eum, qui porrexerat, edere dimidiam partem aviculæ vidisset, nec quicquam fraudis animadvertere potuisset, ipsa quoque mortiferum comedit Venenum.

De quodam per podicem venenato mentionem fecit *Casp. à Reies*

à Reies in Camp. Elys. Quæst. 61. dum scilicet adhiberet papyrus veneno infectum, ut post secessum se mundaret. Quin, & stapedibus venenatis mortem aliquando nonnullis illatam fuisse scripsit Grevinus Cap. 1. & Joubertus Paradox. 10. Dec. 2. item fellæ, & habenæ Equorum inficiuntur, ut ii, qui Equo insident per poros manuum, atque femorum Veneni particulas patiantur; Nec non Vestes, cubilia, & interula venenata fiunt; ejusdemque generis esse videntur, quæ visu, vel olfactu interficiunt, quæque, solum gustata, etsi non devorentur, hominem statim in perniciem agunt nulla temporis mora, quæ quidem omnia secum deferunt præsentaneum interitum, ex quo nullum subindè fiat reliquum infelicibus moribundis succurrendi tempus. Sic mihi narratum est de Circulatori, qui impunè tractare, ac sumere Venena jactabat, cui appositum fuit Vas clausum, quo aperto, ac ad os, & nares appposito, illicò, velut fulmine tactus, mortuus cecidit miser; Dixere nonnulli in Vase positas esse Viperas, & Bufones vivos. Fides tamen penès ipsos. De Glande Sclopetaria venenata meminit Clariss. D. Mich. Bernardus Valentinus Academicus Curiosus Eruditiss. in Miscellan. Curios. Decur. 2. ann. 8. obs. 77. pag. mihi 191. dixit enim in Musæo D. Sebast. Schefferi, se vidisse Glandem ex vitro Antimonii paratam, quam anno 1673. in Sclopeto Galli militis reperiit Officialis quidam Cæsareus, quæ intoxicatam potius nequitiam sapit, quam strata-gema militare. Alii dicunt glandes, seu globulos Sclopetorum venenatam naturam induere, vel si ex ære parentur, vel parata, & calefacta succo Scyllæ imbuantur; Sicque pariter Enses, Cultros, Pugiones, sagittas candentes immersas in succum prædictum, venenatam acquirere qualitatem volunt nonnulli.

Morem fuisse Scythis perveterem scribit Magnus Eruditionis Thesaurarius Cælius Rhodiginus Antiq. Lect. Lib. 23. Cap. 1. Sagittarum aciem tingere Viperina sanie, & humano sanguine, irremediabili scelere, nam mortem illicò afferebat, etiam levi tactu. Adnotat insuper citatus Autor, qua ratione barbara illa immanitas, genus tale Veneni conficeret; nam suppetit ejus

ejus rei memoria ex Græcis monumentis , præcipueque *Aristotelis in admirabilium relatione* , si tamen *Aristotelis* officinam respicit ea lucubratio. Observabant ergò Scythæ Viperas ubi jam peperissent , sic enim captas diebus aliquot liquefcere sinebant , mox ubi computruissè viderentur satis , in ollam sanguinem hominis unius totum infundebant , adobruabantque in sterquilinio , vase diligenter obturato , ubi verò , & hîc contabuerat , eximebant , sumentesque quod supernatasset , jam aquosum , saniei Viperinæ promiscuentes , ita lethale coniciebant Venenum , & Scythæ quidem sagittis plurimum utebantur tali pernicioso delibutis succo , ad necem hostibus inferendam.

De Veneno ex Vino in quo Aurichalci tenuissimæ lamellæ fuere infusæ , historiam narrat *D. David Spleiffus Miscellan. Curios. Dec. 3. ann. 1. Observ. 57. in Pictore Sangallensi* ; additque , quod si unum , aut alterum ex illis spiculis assumpsisset , tabes , ac tandem mors inevitabilis accessisset.

Obiter hîc notandum tanquam per transfennam referente *D. Carolo Philippo Lombardo in Miscell. Curios. Decur. 3. ann. 3. Obs. 79. Animalia Venenata in Hibernia* , nec generari , nec diù in illa subsistere posse ; & rationem affert citatus Autor in quibusdam effluviis , & particulis inprimis sulphureis , acribus , ac facîle inflammabilibus emanantibus è Terræ visceribus , quæ sanguinis reliquorumque humorum circulationem ac fermentationem præternaturaliter adaugent , eorum compagem ità relaxant , ac pervertunt , quo minùs particulæ eos constituentes in unum , eundemque ordinem conspirare possint , unde Venenosæ , ac quæ earum naturam suppleant , utpotè quæ ad motum sunt concitiores , eo quod sulphureæ sint naturæ , magis in massa sanguinea , & structura corporis exaltantur , & prædominantur , unde sanguinis , ac reliquorum humorum circulatio , & fermentatio non solum præternaturam augetur , sed , & vasa itidem excessivè distenduntur , ità ut tumor , vasorum ruptura , suffocationis periculum , ipsaque mors tandem subsequatur. Res erit clavior , ac firmiori stabit sententia talo , si in mentem revocem anatomiam terræ ejus loci , quæ pinguis valdè , ac sulphurea est , ità ut etiam effodiatur,

diatur , exsiccetur , ac defectui lignorum combustibilium substituat , eodem modo , ac Belgæ , qui ex terra ejusmodi pingui , ac sulphurea ipsorum ignem parant. Sed è diverticulo redeamus in viam , & venena arte parata levi tantum calamo pertingamus.

De illitionibus quibusdam venenatis meminit *Cæsalpinus in Art. Med. Lib. 3. Cap. 46.* à scelestissimis hominibus factis , ut suis temporibus contigisse dicit Venetiis Peste communicata solum illitis ostiorum annullis , quibus contactis Venenum hauriebatur. Particulas venenatas posse elevari à Cadaveribus putrescentibus , à Paludibus , à fumo Carbonum in Conclavi , & a subterraneis cavis quibusdam , ut in spelunca quadam , quæ inter Neapolim , & Puteolos suffocantes emittit halitus , apparet notante citato Cæsalpino ; Plura de istis subterraneis evaporationibus nocivis , egregiè more solito sermonem habuit Clariss. *D. Leonardus à Capua in suis Lectionibus* ; quem consulat curiosus Læstor plura si cupiat de istis antris Venenatis , & exhalationibus nocuis non tantum volatilibus , sed ipsis etiam hominibus.

Regnante Philippo Gallorum Rege , quidam Leprosi inventi sunt , qui sanie è corpore suo manante clam puteos inficiebant , ut ad universum Populum lepra transfret ; quorum scelus , referente *Fulgosio Lib. 9.* cum aliorum valetudine infestum esset , omnes vivi in domibus suis combusti fuere. Unguentum alios confecisse narrat *Wierus de Præstig. Dæmon.* quo illitis portarum vectibus , veneno afficerent ; qui vectes tractarent. De Canonico Lavallemi meminit *Bodinüs Lib. 4. Dæmonol. cap. 3.* qui ad Decanum Occidendum venenatam Potionem in Calicem posuit , qui Missam faciendo medicatum potum hausit , atque in terram prostratus est , deinde verò evomuit ; Reus autem voluntariè , & sine quæstione agnovit factum , & condemnatus ad Curiam Parisiensem appellavit ; Placuit Curie hominem reum igni dare.

Ferunt aliqui , referente *Laurent. Beyer'neck in Theatro vitæ humanæ* contagium hoc mirum in modum propagatum fuisse , quod Vespilones tumulandis pestiferorum Cadaveribus deputati ,
Jos. Lanzoni Opera. Tom. I. L l aut

aut excrementa , & ejectiones eorum dispergerent , vel etiam decedentium halicum panno exciperent , quem mox explicarent coram aliis , qui ea ratione inficiebanrur.

Fioravantis referente *Weikero* describit formulam alioquin ridiculam Olei cujusdam fœtore suo homines necantis ; cujus fides sit penes eum ; Ego enim talem potestatem habere non credo. Formula sequens est.

℞. Therebentinæ ℥. ij. , Sulphuris vivi ℥. j. , Assæ fœtidæ ℥. viij. Serapini ℥. vj. Stercoris humani ℥. xvij. Sanguinis humani ℥. x. Misce & pone in Retortam optimè obstructam , destillenturque igne vehementiore , quousque omnes spiritus exierint.

Pariterque haud credo quod aiunt humani cruoris fœces , detracta aqua , & arefactas cum Styraçe commixtas , & in aliquo cubiculo suffumigata lethalem afferre odorem , sic verò tutum fieri aiunt , si cepam habebis candidam , quàm excavata , ut excipiendis pulveribus sit apta , intus conjiciantur aloës partes duæ , tres verò agarici pulverisati , claudito , & filo ligato , ne dehiscat , indè Ollæ inditur , & acetum infunditur acre cum mellis dimidio , aquæ sextuplum è ruffi Juvenis Stercore , & tantundem Rorismarini , Ollam operculo , & luto Stipato clibano per diei quadrantem calidis effervescat ignibus. Hæc somniatur *Joh. Bapt. Porta*. Alii Rubetam cum aspide virulento accipiunt , plumbeo condunt organo , quo extrahi possit aqua ; modum extrahendi , & utendi sub silentio involvere fas est , ne quis ad Proximi perniciem uteretur.

Oleum Tabaci arte paratum Venenum pessimum esse , ait expertus Clariss. *Franciscus Redi* maximum illud Italiæ ornamentum in suis observationibus circa res naturales diversis , & in suis *Epistolis editis Venetiis pag. 219.*

De Venenatis Chirothecis historiam curiosam habet *Sigebertus in Chronic.* quibus scilicet Uxor Crescentii Consulis Imperatorem necavit.

D: Vino quodam venenato historiam enarrat *Wierus de Praestigiis Daemonum Lib. 3. Cap. 36. pag. 334.* quæ talis est. In Nobili familia de Petrinis Bononiæ duo erant Fratres , quorum

rum alter maritus cum Prole numerosa ; in eisdem ædibus commorabatur Mater Vidua ; Alter verò junior , spe consequendæ hæreditatis universæ , totam Familiam è medio tollere statuit conjecto in Vini Dolium Arsenico , ex cuius usu , cum gravibus torquerentur symptomatibus , convocabantur Medici Mattheus Curtius , Joh. Bertus , & alii , qui in Veneni suspicionem venerunt , quia iisdem cruciatibus etiam vicinos exagitari , qui fortè Domum ingressi , vinum illud hauserant , intellexerint ; Eorum itaque consilio vas infringitur , Vinoque effuso , invenitur Arsenicum ; hinc curationem aggressi , omnes salutem restituere ; præter Matrem vetulam , & Puellum debilem , & infirmum. Fuga sibi reus consuluit , & ità Veneni Autor innotuit. Facinus autem hoc contigit anno 1538. mense Augusto.

Salem venenatum à Bufonis Veneno , modo quodam arcano , & particulari , quem publici juris facere nequeo , confectum , externè sæva inducere ulcera , internè verò necem asferre volunt multi.

Equorum è cauda setas minutissimas incidi asserit *Weckerus lib. 5.* rebusque aliis permixtas esui præberi , quas cum digere nequeat æger , Ventriculi , & Intestinatorum , hærent illæ particulæ plicaturis , & cautè longo occidunt tempore. Aquam Stygiam potentissimum Venenum esse certò compertum est ; Itemque aquam fortem , quatenus penetrantissimis salium spiculis ventris erodere fibras , horrendaque per consequens excitare symptomata valet ; ut docent *Sennertus* , *Forestus* , *Philipp. Hoechstetterus* ; *Schultrzius* , *Hannemannus* , *Pechlinus* , *Tachenius* , *Boyleus* , *Helmontius* & *Mangetus*. De Venenata aqua ex Mercurio sublimato historiam narrat *Caspar. Kôchlichen in Lib. 13. Biblioth. Medic. Mangeti Tom. 4.*

Formulam cujusdam Veneni *Aquetta* vulgò dicti , descripsi Ego in *Bibliotheca Medico-Practica. Mangeti Lib. 13. pag. 863. tom. quarti* ; ibique etiam docui ejus remedium esse succum Citri , ac Liomniorum , quo multi , quibus exhibita fuit prædicta Aqua Sanati sunt , & mortem fugerunt. Aquam saporis corro-

sivam esse , atque Veneficam sapere naturam norunt maximè illi , qui causticum ex ea componunt , quo parti animalis viventis admoto loco cauterii utuntur. In quodam Manuscripto curioso mihi humanissimè transmissò à Celeberrimo , ac nunquam satis laudato Viro D. Antonio Vallisnerio in Patavino Archi. lyceo famatissimo Lectore , & Amico meo perpetuò colendo , leguntur variæ formulæ Venenorum , ut verbi gratia. *Aqua della Martelosa* , Venenum in Epistola , in Candela. *Aqua dicta aella Palermitana* , Aqua manus lavans , & occidens , odor in Strophio , & reliqua hujusmodi. Cùm verò aliquibus istorum Venenorum capita , caude , & fel Viperarum ingrediantur , illa tanquam erronea , & vana irridet citatus D. Vallisnerius , quia Caput , fel , & Cauda Vipera venenata non sunt , quemadmodum notavit etiam *Illustr. Redi in suo Libro de Viperis* ; imò pro Veneno Buffo ipse non agnoscitur à supra laudato Vallisnerio , quia ille se observasse fatetur Millites Germanos sub scandiano comedisse innoxie Bufones ; & hic transcribere mihi liceat Epistolam Italicam mihi jam missam à citato D. Vallisnerio , quæ talis est.

Illustrissimo Signore LANZONI Padrone Colendissimo.

„ **N**ON è dovere , che V. S. Illustrissima riceva il tedio
 „ delle mie Lettere , senza mai tintura alcuna di cu-
 „ riosità. Trè Istoriette Curiose , e vere voglio narrarle ,
 „ che non faranno male nella sua Storia de Veleni , se si de-
 „ gnerà d'inferirle. *Prima* : Uno voleva sbrigarfi dalla Mo-
 „ glie , che per alcuni anni languiva di febre Etica con Fti-
 „ si , & era già tabida , e fetente ; Era fazio di penare , e di
 „ vederla penare ; onde pensò di levarla presto dal Mondo
 „ dandole l' Acqua celebre del Petesino Mantovano ; ma gli
 „ riuscì tutto alla roverscia , poichè incominciò a migliorare ,
 „ e quanto più ne dava , tanto più stava meglio , e venne
 „ fanna , e pingue , ed'ancor vive ; L' Acqua suddetta era
 fatta

„fatta con Arsenico , Risagallo , e Rospi , bollito il
 „ tutto in una pignatta di Rame non stagnata col coperchio
 „ simile per ore 40. La dose degli ingredienti è un' onzia
 „ per sorta de suddetti Veleni , e un paio di Rospi in due Li-
 „ bre d' Acqua. La dose poi dell' Aqua da dare a pazienti
 „ è un' onzia per volta data tre volte. *Secunda* : Un' al-
 „ tro Gelofo di una sua Concubina , che teneva in Casa die-
 „ de alla medesima nel Cibo polvere di Cantaridi in molta
 „ quantità a discrezione , le quali le cagionarono un' ulcere
 „ dolorosissimo negl' intestini. Questa gridava tutta la notte
 „ per il dolore ; onde per farla tacere , e dormire perpetua-
 „ mente le diede due Dramme in una volta di Laudano O-
 „ piato. Dormì tre giorni , e tre notti intere , e svegliata do-
 „ mandò da cibarsi , ne sentì più dolore alcuno , e perfetta-
 „ mente guarì. *Terza* : Una Giovane delirante , e impazzi-
 „ ta per Amore tentò varie maniere d'auvelenerfi , ma non gli
 „ sorti mai. Chiusa in una camera domandava ogni giorno
 „ delli Aghi da cucire , ne gli restituiva , finalmente dopo
 „ vari rimedi guarì : All'improvviso gli nacque un tumore nel
 „ Collo , che cresceva ogni giorno acuminato senza marcia ,
 „ dal quale finalmente uscì un' Agho degli inghiottiti , poco
 „ doppo in un' altro sito un' altro , e così in vari giorni da
 „ vari siti uscirono sette , o otto Aghi da cucire senza danno
 „ alcuno imaginabile , poichè subito , ch'era uscito si cicatri-
 „ zava la parte , e perfettamente rammarginavasi senza dan-
 „ no alcuno. Confessò , che quando era delirante tutti gli in-
 „ goiava per ucciderfi , ma non gli venne mai fatto. Quest-
 „ tre casi veramente curiosi accaddero sul'Modenese. In tanto
 „ io la riverisco e resto al solito

Padova 27. Decembre 1707.

D. V. S. Illustrissima

Devotissimo Servitore Obligatissim

ANTONIO VALLISNIERI.

Ut Dominum suum perderet olim Famulus quidam ei pro-
pinavit Mercurium in pulmento , à quo nihil molestiæ or-
tum , sed Vermes in magna quantitate per alvum expurgati
fuere , ut candidè mihi fassus est Religiosus fide dignissimus.
Similemque casum narrat Ausonius in Epigramm. 10. canendo

*Toxica zelotypo dedit Uxor macha marito ;
Nec satis ad mortem credidit esse datum
Miscuit argenti lethalia pondera vivi ;
Cogeret , ut celerem vis geminata necem ;
Dividas hæc si quis , faciunt discreta Venenum
Antidotorum sumet , qui sociata bibet ,
Ergò inter se se dum noxia pocula certant
Cessit lethalis noxia salutifera ;
Protinus & vacuos alvi petiere recessus :
Lubrica dejectis , qua via nota cibis ;
Quàm pia cura Delum prodest crudelior Uxor ;
Et cum Fata volunt bina Venena juvant.*

E Gallia togata quidam mihi retulit de impia quadam fœ-
mina , quæ parabat fumum tam venenatum , ut qui eum odo-
rabat , statim in crudelem cepheam incideret , imò Puellòs
fonticis afflèctibus tentatos ex hoc fumo fieri autumavit ; sic
quod halitu Venenum fit , esse omnium præstantissimum , at-
que efficacissimum docuit *Wierus de Præstigiis Lib. 4.* Enim
verò tenuissimum , cum sit , spiritu attractum ocissimè per Pul-
mones in Cor viscus vitæ primarium , atque in Cerebrum
per nares propagatur , & in universum Corpus prorepit , pri-
mumque spiritus , indè humores , postremò ipsam partium
substantiam vitiat , atque contaminat ; sic efficaciter vapore tan-
tùm mediante operabatur Stygis Aqua illa de qua *Lib. 8.* scri-
bit *Pausanias* , cum *Diodoro Siculo*. Factorem enim illius quid-
quid animantium accedit subita morte extinguere aiunt ; an-
helitu enim diutius compresso , & respirandi facultate , sunt
verba *Diodori Siculi* , per vim exaltationis interclusa præfocatur ,
& continuò turgescens cadaver inflammatur locis maximè circa
Pulmo.

Pulmones ; Et memoriæ proditum est vi hujus Aquæ Stygis enectum Alexandrum Magnum ; mortifera enim illa est, teste *Pausania*, cum homini, tum cuivis animantium generi, nam, & Capellæ sapius aquæ illius potu extinctæ sunt ; Accedit quoque quod vasa, & pocula omnia, sive vitrea, sive crystallina, sive murrhina, seu è lapide, aut testa sint fictili aquæ illius vi franguntur, quin etiam Ferrum, Æs, Plumbum, Stannum, Argentum, & electrum, ea aqua per infusionem solvuntur ; ipsum quoque Aurum, quod neque situ, neque rubigine deteri ; res ipsa indicio est, aquæ tamen hujus virus non sustinet. Porro notandum Stygis aquam ungulam Equi superare non posse, hæc enim solâ ita continetur, ut vasculum non findat. Fides tamen sit penès citatum *Pausaniam*. Aquam Communem, in qua bullierit, prius sublimatum, & Plumbum cum sale, summè venenatam esse volunt multi, ejusdemque perniciæ, ac est Mercurius sublimatus ipse, mitioris tamen acutiei, ratione Plumbi, qui non nihil hebetat moleculas acutas sublimati, unde segniùs operatur, & Mors lento pede accedit. Quædam Furia, non fœmina, ope viridis æris, talem Aquam venenatam arte barbara præparabat, qua exhibita, & præsertim in spiritu Vini, necem se dare potanti posse jactabat. Utinam experta non fuerit ; quemadmodum fecere olim Matronæ illæ, apud *Valerium Maximum Lib. 2. Cap. 5.* quæ cum viros suos clandestinis insidiis Veneno peremerunt, & unius ancillæ indicio protractæ pars, capitali judicio damnata, centum septuaginta numerum implevit. Multi quoddam Magisterium è Cantharidibus arte conficiunt arcana, quo partes internas corporis exulcerant, atque inferunt mortem, Sic *Plinius* referente *Joh. Raviso Texore*, narrat Cossinum Equitem Romanum Neronis amicitia notum Lienis morbo laborantem occisum esse, eo quod vocatus ex Ægypto Medicus, ut ejus morbo mederetur, cum Cantharidum potum præparasset, eique porrexisset ægrum interemit.

Oleum Ricini in modica etiam quantitate assumptum excitavisse in Plebeo quodam vomitum, & alvi fluxum, & dolores

lores validos, observavit Clariss. Franc. Redi in *Observation. de Viper.* sex verò guttas hujus Olei exhibiti Pullo nul'am attulisse noxam. Referunt Ambros. Pareus, & post eum Clariss. D. Bernardinus Ramazzinus Amicus, ac Dominus meus perpetuò venerandus omni eruditionum genere instructus, & in Patavino Archilyceo Lector sapientissimus in sua de *Morbis Artific. Diatriba* pag. 37. Clementem Septimum P. M. præeuntis venenata facis toxico, per fumum in Corpus admissum, interiisse; particulæ enim volatiles illius Veneni, per inspirationem in Cerebrum; & Pulmonem ingressæ spiritus non solum animales, sed vitales quoque, & sanguinem inficere valent, unde Mors derivat. Nonnulli Oleum Euphorbii, & Hellebori asserunt, esse Venenum, maximè si vulneribus instilletur. Verùm contrarium evenisse scribit Illustr. Dom. Redi in *Experim. naturalibus*, dum ipse in diversis vulneribus expertus fuit, talem insperfectionem oleorum nempe Euphorbii, & Hellebori, nullam attulisse noxam; hæc sunt ejus verba præcià.

Dall' Euforbio, e dall' Elleboro ho fatto cavare a mia posta l'Oglio, e avendolo sperimentato in diverse maniere di ferite, l'ho sempre trovato privo di Velenosità &c.

Rusticum olim Aquæ vitæ usu, in qua infusum fuerat sublimatum, semetipsum necavisse desperatione percitum, mihi retulit Civis noster Ferrariensis fide dignus, qui à Domesticis ejus id acceperat; id autem evenisse dicebat spatio unius mensis. Sic pariter foeminam plebeiam morte damnatam fuisse aiunt, eo quod Maritos suos tres, ope viridis æris in beta cocta porrecti, unum post alium fraudulenter necavit.

Licet laudanum Opiatum potentissimum sit remedium, attamen, si immoderate sumatur, Venenum quodammodo dici potest; sic leguntur passim historiæ Mortuorum ex nimia quantitate Laudani Opiati assumpti; Licet, quod rarò tamen accidit, innoxie in excedente dosi, aliquando sumatur; ut accidit nuper in quodam Nobili Viro Melancholico, qui viginti quatuor grana Laudani Nepenthes Quercetani sumpsit; ut in placido sopore sepultus moreretur, quod tamen haud ac-

Jos. Lanzoni Opera. Tom. I.

M m

cidit,

cidit, nam Urinam copiosè emisit, & sic nullam persensit noxam, & hoc accidit hoc anno 1712.

De quodam Veneno usu formicarum ad sagittas inficiendas factò, meminit *Clariss. ac Eruditiss. D. Lochenerus in sua Myrmecologia Part. 3. membr. 3.* quod eruditum opus ut publici Juris faciat enixè, Illustrè Autorem rogo.

De Veneno confecto ex semine Hyosciami, & Buffone cum Vino meminerunt aliqui; imò ex solo seminis Hyosciami suffitu venenosa symptomata suborta notavit in *centur. 3. suar. Observ. Hist. 24. D. Hagendornius*, referendo, filiolum Coriarii cujusdam nondum annum ætatis unum transgressum fuisse, qui præter pavorem, vociferationem, doloresque cruribus insistere nequibat cum febris, languore &c. Audivit inter sermones cum Parentibus habitos, vicinam quandam dolorosa crura semine hyociami suffumigasse; Quid sit? Infans hic plus incalescere, difficulter spirare, & circa auroram sequentis diei convulsivis artuum motibus agitari cepit, datis licet antiepi lepticis, cordialibus &c. mortuus tamen fuit.

Exemplum delirii ex Hyosciamo notavit *Bierlingius*; ex Decocto florum Hyosciami epilepsiam subortam fuisset refert *Seligerus*, ex salino-sulphureis foetidis enim atomis convulsivas irritationes oriri posse putavit *Illustriss. D. noster Præses Lucas Schrekijus in Scholiis ad Observ. 138. Ann. 1. Decur. 2. Miscell. Academ. Curiosor. pag. 341.* Incautè comedit Infans semina Aquilegiæ, Raporum & Hyosciami, & mortem esse sequutam scripsit *Langius de Morbill. Coroll. 3.*

Decoctum cum sale, & Cicuta ex aqua paratum, molestiam asferre posse mihi retulit Venetus quidam; qua de re historiam narrat *Clariss. D. Hagendornius* de quodam Artifice, qui Carnem bubulam elixam cum Petroselinæ radicibus, ceu putabat, comederat, ex cujus usu tum ipse, tum Conjux paucis à sumpto hoc ferculo horis insanire, ridere, vociferari, aliæque insolita exercere ceperunt, tanta cum violentia, tantoque cum Domesticorum metu, ut vinculis digni judicarentur. Res tum temporis ad Magistratum defertur, inquiritur causa, ad amussim omnia examinantur, tandem auditur post
esum.

esum edulii hujus esse secuta hæc symptomata ; Reliquæ edulii probè examinatæ , radices , & folia Cicutæ , loco Petroselinii in conspectum præbent ; Interrogata Ancilla , undè desumpserit hujus farinæ Petroselinum , respondit exhorto domestico. Jubetur recens herba afferri & Cicutæ ex figura cognoscitur ; Similem casum refert *Kircherus de Peste*.

Sal imbutum spuma Bufonis , uti dixi suprà , non tantum Venenum evadit , sed Saccharum quoque , hoc enim sal dulce vocatur , & ad multos inficiendos Coquus quidam Gallus utebatur tali saccharo spuma Bufonis imbuto , quo edulia condita , edentibus offerebat non sine noxa ; quod mihi retulit *Octavius Capellus* Medicus olim noster Ferrariensis Doctissimus , modò Hydrope denatus.

Radix solani Sylvatici si in poculum Vini injiciatur , & de Vino illo alicui propinetur , ab omni cibo alienum assummentem fore , ait *Gesnerus Lib. 1. Epist. cum Schenckio Lib. 7. Observ.* quod si cochleare aceti , aut Succu Limonis biberit , statim liberatur , ac edit , & ita contra alia Venena maximam vim habere succum Citri , Limoniorum , atque aceti credendum.

De Pompeio Columna Cardinali , refert *Jovius in ejus Vita* , qui post comestas ficus multa nive refrigeratas in complexu Augustini Niphi Philosophi , integris sensibus expiravit ; hoc tamen per accidens fuit , ficus enim licet glacie frigesactæ venenatæ non sunt ; potius verò dicendum , vel à magno frigore , vel ab alia venenata materia immixta fructibus illis Mortem derivasse.

Quidam immiscuit Tabaci pulveri Cantharidum pulverem , & statim summo Capitis dolore est correptus , una cum micione cruenta , vix enim tali odorato pulvere symptomata prædicta insurrexere. Ità *Cossinus* Eques Romanus , teste *Plinio* amicitia Neronis notus cum lichene laboraret , vocato ex Egypto Medico , Cantharidum potu ab eo interemptus est.

Pravus est etiam , ac venenatus anhelitus felium , si *Schenckio* fides habenda. Quidam enim fuere , qui cum noctu

in Lectis feles secum habuissent, & insectum ab eis aërem inspirassent, hætica febri, & marasmo tandem consumpti miserè perierunt.

Anno 1537. 24. Novembris, referente *Petro Foresto Observ. Lib. 30.* fuit exhibitæ in Curia Romana in Carceribus sabellicis mixtura venenosa sequens duobus morte damnatis, quæ habebat sublimati 5. j. Arsenici. Cristallini, Risagalli ana 3. ʒ. Nucis Vomice ʒ. ij. Gallorum Elephantinarum No. ij.; Radicis Thymeleæ 3. j. Cantharidum 3. ʒ. Napelli 3. j. Virus quod destillat ex dente Vipere ʒ. j. omnibusque in pulverem redactis tenuissimum cum Saccharo rosaceo facti sunt boli octo, & quatuor uni exhibiti sunt, & alteri socio suo quatuor, & jussi sunt stare apud ignem. Ego autem fateor hanc mixturam valde venenosam esse, utpotè quæ componitur ex variis, ac præcipuis corrosivis, quæ suis penetrantibus, ac scepticis particulis componentibus lacerando fibras internas viscerum brevi mortem adducunt.

Scientiam Fœminarum in Veneficiis prævalere novit etiam *Plinius*, & post eum *Frommannus de Fascinatione Lib. 3.* Hinc fœminas veneficiis apud Romanos Primùm usas esse, autor est *Titus Livius*; & sanè facilius ira percitæ venena ministrant Mulieres; Sic Vetula quædam præparabat venenosam potionem ex Mercurio sublimate, Opio, Calce viva, & Lixivio, ex cujus assumptione de facili mors accedebat, propter ulcerationem in Ventriculo, & faucibus factam.

Admodum Rever. Pat. Franciscus de Lanis Soc. Jesu Sacerdos Philosophus, ac Mathematicus Insignis in tom. 2. sui Magisterii Naturæ, & Artis, pro certo docet, in omni Corpore venenoso latere ejusdem veneni antidotum; sic ait Ipse in Nicotiana, Oleum, quod distillatione ultimò egreditur, Venenum esse omnium pene efficacissimum, quemadmodum etiam Clariss. Redi testatus fuit, & nihilominus, aqua ex viridi illa planta suavi co ore balnei destillata sanandis vulneribus sola est remedium præsentissimum, adeò ut nullum ad hunc usque diem aliud præstantius remedium ad vulnera, se observasse ait citatus
P. La-

P. Lana ; imò addit , Pinguedinem Viperinam , Veneno Viperæ remedium esse infallibile , & observat , quod si Venenum situm sit in partibus volatilibus , ejusdem remedium invenitur in partibus fixis : si verò Venenum sit in partibus fixis , ejus Antidotum investigandum est in ejusdem Venenosi Corporis partibus volatilibus & sic , cùm Oleum Nicotianæ vulneri instillatum Venenum sit , ejusdem herbæ liquor aqueus vulnera sanat , ut sæpius se expertum esse fatetur *citatus Lana Tom. 3. Lib. 24.*

C A P U T CXIX.

De Amuletis contra Venena.

IN præsentī Capite nonnulla enumerabimus Amuleta adversus Venena , à diversis Autoribus decerpta quorum fides sit apud ipsos ; quoniam circà istorum usum multum vanitatis , nec non sæpè superstitionis etiam concurrit ; undè à Galeno remedia irrationabilia , & absurda dicebantur ; Attamen aliqua ex istis naturalibus viribus pollent propterea non prorsus rejicienda ; Undè saltem eruditionis gratia curioso Lectori sequentem Amuletorum Catalogum porrigere non incongruum putavi. Sit ergo contra ictus venenatos primùm Amuletum Lapis Bufonis juxtà *Mirzaldum*. De hoc lapide , & quomodò eliciatur à Bufonibus , & quomodo iste Lapis verus probari debeat , videatur *Joh. Ad. Weberus* , *Paulinus* , *Henr. Kippingius* , *Ant. Le Grand* , *Venturinus* , *Lemnius* , *Rulandus* , *Sachsus* , *Gassarellus* , *Baricellus* , *Mus. Calceolar.* , *Schroderus* , *Camerarius* , *Wormius* , & *Joelis* , qui , inquit , lapidem in capite Bufonum repertum Auro inclusum , indigito delatum , omnis Veneni præsentiam ostendit , sudore enim madescit.

Idem alii dicunt de Lingua Serpentis , quæ propriè est dens Lamia ; Porrò Bufones ipsos exsiccatos , manuque re-tentos curare læsos à Bufone testantur *Bartholinus* , & *Paulinus*.

M m 3

Ada-

Adamantem Orientalem , Achatem , Hyacinthum , Sapphirum , Smaragdum , & lapidem Draconitem , Venenis contrariari multi putant. His autem remediis non nimis esse fidendum ait *Marthiolus*. Exuvias serpentum laudant alii. Porro serpentum oculos annulis inclusos , atque gestatos , ut Carnes tangant , pro Curatione , & præservatione Venenorum commendat *Wormius in Musæo*. Idem de Glossopetris aiunt alii , à multis Glossopetræ pro dentibus Canis Carchariæ reputantur. De quibus legatur *Wagner. Hist. Helvet. Helvægius Conf. med. Jo. Reishius , & Wolfius in Scrutin. Amulet.*

Cornu Monocerotis in digitis gestatum à Venenis præservare ait *Andr. Baccius de Unicorn.* communiter etiam venditant , quod Unicornu sudet præsentè Veneno , sed pro falso declarat *Primerosius Lib. 4. de Vulgi error.* De quodam lapide extracto è capite Serpentum Indorum à Lusitanis *Cobras de Cabelo* nuncupato , referunt aliqui contra venenatos ictus miram vim habere ; quam tamen virtutem negat in suis *Experimentis Dominus Redi* , longum habendo sermonem de hoc lapillo. De poculo Indorum Regum ex Unicornu , ad indicandum , & infringendum Venenum meminit *Philosratus* , cum *Paulo Ammanno de mat. med.* De poculis pariter factis ex Fraxino tanquam contra Venena meminere nonnulli , inter quos *Henr. Salmuth. comment. ad Pancirol. Lib. 2.* Quin , & Fraxini succus ad Serpentum morsus mirabili successu à Practicis usurpatur , advertente *Ant. Le Grand. in Curios.* & hoc putant Scriptores provenire ab antipathia Serpentis cum hac Arbore , unde retulit *Plinius hist. nat. Lib. 16. cap. 13.* tantam esse vim hujus Plantæ , ut ne matutinas quidem , occidentesque umbras , quàm sunt longissimæ Serpens arboris ejus attingat , adeò ipsam procul fugiat ; imò sequitur ipse *Plinius* , apud quem tamen fides sit ; si fronde ea in gyro claudatur ignis , & serpens , in ignem potius , quàm in Fraxinum serpentem fugere ; Sed de Fraxino , & aliis quibusdam Plantis serpentibus contrariis , si vario modo adhibeantur , licet multi non ambigant , id tamen in fabulis refert *Insignis Franc. Redi in Obs. de Viperis.* *Ælianus* pariter narrat Atticas Mulieres Agni

Agni solis Cubilia substernere, quod serpentibus eadem sint infesta. Et *Lobelius* asserit odore solo Balsami Viperas enecari; quod negare, tamen videtur *Paulus Ammannus*. Porro spinæ albæ semen expellere Serpentes ait *Dioscorides*, sed exiguam Fidem huic Amuleto tribuit *Sanctorius de vitand. errorib. Lib. 8.* *Betonica* laudat *Plinius*, sicuti *Myrthum Panicam*. *Sim. Paulli in Quadrip. Botanic.* veluti herbas optimas adversus serpentes.

In sua Historia Æthiopiæ D. *Job. Lulldolfus* ait omnia herbarum miracula superare *Assazoe* Plantam efficacem contra Aspidum venena, ut nocentissima serpentum genera hac herba tacta sopiantur, & ceu mortua jaceant, quin, & umbra illius Viperis stuporem inducit, ut ipsas innoxie tollere possis, & qui radices hujus herbæ manducaverit inter hydros, & Chersydrus sine metu ambulare poterit, imò annos multos ab eis tutus erit; Visique fuerunt Abyssini, his radicibus usi, angues venenatissimos instar Anguillarum manu tractare, collo instar collaris circumdare, eosque quandò liberet impunè occidere.

Clariff. D. Matthæus Blavv Medicina Doctor Sapienriff. in Universitate Friburgensi, atque Academ. Curiosus eruditiff. in cent. 1. observ. Acad. Cur. n.º. 4. docet, Petroleum, & internè & externè certum esse Antidotum contra Napelli virulentiam. Magnam spem adversus Venena ponunt multi in lapide Bezoar, quem Amuleti instar adhibitum vim Venenis adimere scribunt *Cardanus, Wormius, Serapion, Bodinus, & alii.*

Lachrymam Cervi corpori alligatam contra Venena valere ait *Cardanus*. De Cervi dente idem inquit *Agricola*, imò ejusdem efficacitæ esse Ungulam dextri pedis volunt alii. Si Corio Cervi induatur homo, is à Veneno tutus erit, teste *Sexto Philosopho Platónico*, Pariter os de Corde Cervi gestatum à venenosorum animalium moribus immunem reddere constat ex *Theatro symph. Rattray*, cui opinioni subscribit etiam *Baricellus in hort. Genial.* Sic *Ælianus*, & *Mizaldus* volunt, Serpentes nunquam accedere, ubi adeps Cervi jaceat. Cornu Rhinocerotis Alexipharmaci titulo in Museo suspendi Imperatus notante

notante *Thoma Bartholino de Unicornu*, & *Jacob. Wolffio in scrut. Amulet. Medic. cap. 2. Sect. 1.*

Laudat *Rhumelius* sequentem mixturam, quæ si prope Cor gestetur omnis generis Venena fugat, ipso tamen suadente. \mathfrak{z} . Antimonii crudi \mathfrak{z} . iiij. Reguli Stellati pulveris. \mathfrak{z} . i. Arsenici Albi 3. j. fiant cum Tinctura Microcosmi, & Mucilagine Tragacanthæ, orbiculi cum sign. Scorpionis. Pariter Cor Upupæ collo appensum virus omne evitare scribit *Alex. Venturinus in med. Animal.*; & *Ego innui in mea Zoologia parva part. 2. cap. 27.* imò Lupi oculum dextrum collo portatum idem facere scripsi in citata *Zoologia part. 1. Cap. 26.* De sinaragdi viribus contrà Venena multa refert *Petrus Johannes Faber in Panchim. Cap. 15.* & *Jacob. Wolffius in scrut. Amulet. Medic. pag. 419.* De aliis Gemmis etiam Amuleti loco contrà Venena gestandis videatur *Helvvigius*, & *Henr. Kippingius in Institut. Physic. Lib. 6.* Ramus Mali Granatæ Animalia Venefica fugat, & *Corylus* serpenti funesta est, ut aiunt *Honor. Fabri de Plantis, Weckerus de Secretis*, & *Anton. Mizaldus de Secret. hortor. Lib. 1.* quo in loco etiam docet, quod si Absinthium, Artemisia, & Abrotanum per ambitum horti plantata, vel in angulis commodè sint disposita, serpentes nequaquam illic stabulent.

Filicis folia Serpentem non recipere legitur in *Wolffio loca supra citat.* Apud *Plinium* habetur, quod si locum, in quo versantur Scorpii, surculus, sive ramulus veri *Heliotropii* circumscripserit, illi hinc egredi haud poterint; Si autem ipsa herba imponatur, aut respergatur protinùs eos emori tradit; idem occidere volunt alii ex tactu radice herbæ, quam *Scorpio* idem dicunt, ut ex *Matthiolo* colligitur. Ridiculam Curationem pro iis, qui *Scorpionum* ictum passi sunt recensent *Diophanes*, *Apuleius*, & *Zoroaster*, referente supra citato *Wolffio*; quod nimirum læsi à *Scorpione* retrorsum asino insidere debeant aliquandiù, ut scilicet facies ad caudam sit directâ atque hinc dolorem illum in Asinum derivari volunt, eumque non cessare priùs, quam Asinus peditu crebrò succumbat, ac emoriatur; sed vanitatem hanc esse ridiculum nos cum *Mizaldo* credimus. Radis Plantaginis contrà Venena infanti-

fantibus affigitur. Si quis silente Luna Rhamnum erutum secum ferat, Veneni efficaciam non sentire ait *Dioscorides*. Pariter de Anchusa referunt, ipsam adversus omnis generis virus vim magnam habere. Efficax est Laurus contra Venenum teste *Martini. Lippenio de Stren. cap. 3. & Cornelio à Lapide in Cap. 8. Ezechiel*. Malum Citrium plurimum contra vim Venenorum prodelle scripsi *Ego in mea Citrologia*. Bufones venenatos fugare odorem Bryoniæ, vel Rutæ ait *Clariss. atque eruditiss. D. Christ. Francisc. Paulinus Academia Naturæ Curiosorum maximum ornamentum in suo Bufone Curioso pag. 52*. Radicem Pæoniæ frequenti in usû esse Afris, ob ingentem vim immanium serpentum inquit *Sim. Paulli in Quadripart. Botanic. class. 2.* præstat enim viatoribus, & peditibus, eam commendare, ut de collo suspendant, & hac arte se præmuniant adversus istus, & morsus virulentorum Animalium. Atque hæc sint satis de Amuletis contra Venena.

APPENDIX I.

QUAMQUAM singulatim Venena à nobis ruditer, atque incomptè sint exposita, attamen Venenorum doctrinam reassumendo breviter, ac velut in Compendium redactam pro coronide ipsam hic affigere non incongruum putavi, ut brevi exarata stylo facilius memoriæ demandetur, & in ea tenaciter conservetur. Dux sit in præsentī texenda Appendice *Clariss. ac nunquam satis laudatus D. Lucas Tozzi Neapolitanæ Scholæ maximum Lumen, ac ornamentum, qui in Lit. 1. Comment. in Aphorism.* breviter quidem, sed nervosè de Venenis disseruit. Varia igitur Venenorum genera ad duas Classes referri possunt; aut enim inimica sunt solidis partibus nostri Corporis, aut humoribus adversantur. Primæ Classis multa sunt, & diversa, sicuti diversa sunt partium genera, ut, verbi gratia, Cerebrum stupefcit ab Opio, coarctantur fauces à solano, Pulmones à Lepore marino inficiuntur, vesica à Cantharidibus læditur &c. ut seorsim, ostendi in propriis Capitibus

Jos. Lanzoni Opera. Tom. I.

N n

bus

bus Venenorum secundæ verò Classis sunt ea, quæ humores, ac potissimum sanguinem vitare valent, vel illum dissolvendo, ac, ut ita dicam, fundendo, vel coagulando, & in grumos vertendo, unde sistitur circulus, & exindè Mors accedit; & talia Venena sunt, Vipera, Scorpio, Canis Rabidus &c. ex his enim sanguis, vel plus justo fluidior evadit, aut concrevit in grumos, adeoque extincto, vel resolutò spiritu inhabilem reddi motui Cordis, & vitæ tuendæ certè constat; & sic non omnia Venena pari modo inficiunt, & necant; quædam enim, ut malignam suam vim exerant cum sanguine misceri debent verùm si ore sumantur, nullum damnum inferunt, & hoc pacto Vipera Venenum, & Scorpii non occidunt; at verò inflicta, & sanguini mixta, exitiales pariunt effectus; Undè autem sit, quod à quibusdam Venenis certæ solùm, & peculiares partes afficiantur, reliquæ verò non item? Ut de Cantharidibus, Lepore Marino accedit; sanè aliundè congruentior ratio peti non potest, quam à consentanea, & dissimilanea actione, quam excitant cum fermentis, & poris partium quas pervadunt. Porro Cantharides, sunt verba citati *Clarissimi Tozzi*, magnam ineunt fermentationem, cum sero, & urinario sale, cujus causa tantam id contrahit acredinem, ut Vesicam non solùm vellicet, sed etiam corrodat, & mic-tum sanguinis inducat, qui deindè usu lactis sedatur. Non tamen hinc inficiabor, Venena illa, quæ inflammationes, ulceraque in Ventriculo excitant, si interiora vasa, & cruorem pertingant, illum quoque vitare, & vel exsolvere, vel coagulare, observatum enim est in Cadaveribus venenatis ab Arsenico, & sublimato non semel Venam Cavam ascendentem, & dextram auriculam Cordis cum adjunctis valvulis, erosas apparuisse, & à circulante Veneno una cum infecto Chylo, & sanguine. A Cicuta verò, Mandragora, Napello, & Hyosciamo adeò infringuntur succi Ventriculi dissolventes, & Intestinorum, ut etiam adjacentes partes hebetent, atque mortificent; indeque pariter Cruorem præterfluentem inficiant, & denique congelent. Apertè igitur modò liquet, quare ab ali-quibus Venenis febris, sitis, ardor, & inquietudo; ab aliis autem

autem frigus , ſopor , languorque exoriantur , atque etiam magis in uno , quàm in alio viſcere , quoniam non æquè ab illis ſanguis inficitur , neque æqualem fermenta Corporis noſtri depravationem , & perturbationem ſubeunt. Habitudo quoque , & textura membrorum plurimùm ſanè in his valere poteſt ; quamobrem Cerebrum , ſuaptè natura debiliùs , magis affici , & gravari ab Opio videmus , quo craſſeſcens ſanguis oneri partibus eſſe ſolet.

Antidotorum porro ratio non adedò inexplicabilis eſſe videtur , quandoquidem , teſte *Sturmio in Phyſic. Eleſtiv. pag. 475.* quod ſpeciatiim attinet ipſa Venenofa Animalia , aut ipſorum partes , quæ proprium Venenum quaſi fugunt , ac retrahunt , id haud magis mirandum nobis videtur , quam quod ſpongia præſertim leviter prius humeſacta , & charta bibula , avidius multò , quàm alia Corpora , humores vicinos , aut vapores humidos imbibant. Ut enim humor omnis (ſunt verba citati *Sturmii*) in motu quodam eſt , & in iſtorum Corporum poros , procul dubio idedò faciliùs illabitur , quia proportionati magis ſunt ſuis partibus , quàm aliorum Corporum pori minus patuli , vel ad cohæſionem minùs apti , & ita venenati halitus motu vehementiſſimo huc illuc agitati , quia in partibus animalis Venenofi , undè venerant , præſertim contuſi priùs & contriti (ut interiora magis denudentur) vulnerei applicati vias , & meatus inveniunt , ſuomet ante motu ordinario paratos , adeòque magis , quam poſſent eſſe ullius corporis pori , ſibi proportionatos , non poſſunt non iſto ſuo vehementi impulſu eo promptiùs confluere , ubi minimè impediuntur. Reliqua verò introrſum aſſumpta , ut pinguiſſima , Oleoſa &c. nulla ratione Venenis reſiſtere videntur , quàm , ut partium ſuarum plexibus illorum partes implicando , aut tarditate iſtarum , harum impetum , & vehementiam ſiſtendo ; vel etiàm nonnulla volatilia venenatas particulas unà ſecum avehendo , emovendo , evaporando &c. Præſervativa tandem , vel eadem ratione juvant , ſi ſint è diſtorum genere , vel diſpellunt virulentos halitus , ac arcent à corpore animalis , ut accenſa ſulphurea , aut quælibet

notabiliora, & grandiora lignorum etiam incendia, vel intrâ se declarato insuper modò combibunt.

Quare autem in quibusdam locis non reperiantur Animalia Venenosa, ut in Hibernia referente *Clariss. D. Carolo Philippo Lombardo in Miscellan. Curios. Decur. 3. ann. 3.* rationem si quis expectat, ea quærenda est in effluviis, ac particulis sulphureis, acribus, & faciliter inflammabilibus, emanantibus è visceribus terræ, quæ sanguinis, reliquorumque humorum circulationem, ac fermentationem præternaturaliter augment, eorum compagem ità relaxant, atque perversunt, quo minùs particulæ eos constituentes in unum, eundemque ordinem conspirare possint, unde Venenosa, ac quæ earum naturam suppleant, (utpotè quæ ad motum sunt concitiores, eo quod sulphurea sint naturæ) magis in massa sanguinis, & structura Corporis exaltantur. & prædominantur, unde sanguinis, & reliquorum humorum circulatio, & fermentatio non solum præternaturaliter augetur, sed, & vasa itidem excessivè distenduntur, ità ut tumor, vasorum ruptura, suffocationis periculum, ipsaque Mors tandem subsequatur. Res erit clarior, & firmiori stabit sententia talo, si, ut verbis utar *citati D. Lombardi*, paucis in mentem anatomiam terræ ejus loci revoco, quæ pinguis valdè, ac sulphurea est, ità ut etiam effodiatur, exsicceetur. ac defectui lignorum combustibilium substituitur, eodem modo, ac Belgæ, qui ex terra ejusmodi pingui, ac sulphurea ipsorum combustibile parant; Hinc terræ huic incumbentes proprio damno conqueruntur de dolore capitis immani, imò si comburatur hæc terra, foetorem de se emittit, ipsorumque incolarum assidua est querela, quod frequenti dolore capitis corripiantur ex illius terræ fumo. Antequàm autem præsentem Appendicem claudamus, advertendum esse puto cum *Wædelio*, Venena omnia esse, vel Corrosiva, vel fermentativa, vel vaporosa, vel mixta. Corrosiva autem si fuerint escharam Ventriculo; aliisque internis partibus nostri Corporis inducunt, undè partibus ad vitam absolute necessariis destructis, necessum est machinam ipsam Corpoream

poream subruï, & principia vitalia omninò destrui, Fermentativa, quæ sunt, motum præter naturam, eumque vel absolute lethalem, vel summè tamen periculosum inducunt, unde calor febrilis, æstus, deliria insurgunt. Vaporosa spiritus obnubilant, suffocant, & destruunt, adeoque Corrosiva solidis, Fermentativa humidis, Vaporosa spirituosus partibus imprimis sunt hostica, Mixta verò Venena universis. Quæ autem de his non participant, ut verbi gratia Pix assumpta, & plurima alia inter Venena vulgò relata, in numero Venenorum tantum per accidens talia, & improprie dicta, referenda sunt.

Notandum porrò cum *Boneto in Mercur. Compit. Lib. 18.* nullum esse Alexipharmacum, quod omnibus æquè Venenis conveniat, adeoque nulli plus est tribuendum, quàm reverà inde experientia testari potest; sunt quidem Polychresta quasi tria, & generalia, Tinctura Bezoartica, Theriaca, Mithridatium, seu Orvietanum, quæ sunt remedia antiquissima, & per tot sæcula probata, adeoque licet inconcinna variorum ingredientium congerie conflata, non temerè rejicienda sunt. Advertit tamen *Helmontius*, Alexipharmaca ante initium somnum maturè propinata esse efficaciora, inso intoxicati à somno sunt arcendi, per somnum enim facile irrepit Venenum ad Cor, quod etiam docuit post *Avicennam*, *Sennertus*.

Atque hæc sunt, quæ de Venenis dixisse, ac literis consignasse placuit mihi, in arduo, & tam difficili argumento. Itaque Tractatum hunc tenuem de Venenis obsignare, mihi liceat, & summum rerum omnium parentem Deum ter Maximum, ter Optimum, ter Beatum ex intimo Cordis sensu Venerari. Sit ergo.

APPENDIX II.

Excerpta ex Transactionibus Philosophicis Ann. 1731. Mensium Martis, Aprilis & Maii. Volum. XXXVII. Num. 418. Art. VII. p. 84-100.

Epistola conscripta a Domino T. MADDEN M. D. Dublinensi ad Dominum Cromvell Mortimer M. D. Regiæ Societatis à Secretis, in qua datur Relatio duarum Mulierum necatarum a solo Veneno AQUÆ STILLATITIÆ FOLIORUM LAURI, ut et variorum experimentorum in Canibus factorum; ex quibus constat dictam AQUAM FOLIORUM LAURI unum esse ex VENENIS maximè LETHIFERIS hucusque cognitis.

VIR CLARISSIME.

ANTÈ aliquot menses hîc aliquid verè insoliti evenit, quod Veneni maximè simul periculosi lethiferique notitiam nobis suppeditavit : hoc hucusque tale esse nunquam cognitum fuit ; licet apud nos frequenti in usu fuerit. Tale dico esse simplicem aquam , quæ destillatur ex foliis *Lauro-Cerasi*. Aqua hæc in initio lactei est coloris, verùm Oleo, quod cum eain quantitate satis magna ascendit, quantum fieri potest, separato, quod fit aquam trajiciendo per manicam laneam, Aquæ communis pelluciditatem acquirit.

Habet odorem Amygdalarum amararum, sive nucleorum Persicorum, & per multos annos frequenti in usu fuit apud Mulieres nostras & coquos, gratum ut conciliarent saporem illum quibusdam obsoniis quæ apud nos *Creams & Puddings* vocantur. Vini etiam liquorumque spirituosorum Potatores multum ea usi fuerunt & ut plurimum partem unam aquæ stillatiæ è foliis Lauri cum quatuor partibus Aquæ vitæ miscent.

Talis

Talis usus, quamvis frequens, nullius unquam, quantum videri potuit, pravi symptomatis causa fuit, ad hæc usque tempora, ad mensem scilicet *Septembris* anni 1728, in quo mense accidit quandam *Martam Boyse* ancillam Domus cujusdam, in qua magna hujusce aquæ quantitas venalis erat, lagenam ejus aquæ plenam a Domina obtinuisse, eamque matri suæ *Annæ Boyse* dono dedisse, tanquam magni pretii & momenti cardiacum.

Anna Boyse lagenam hanc dono dedit *Franciscæ Eaton* sorori suæ: hæc tabernam tenebat in urbe, & ejus ope putabat se posse sibi conciliare gratiam eorum qui apud ipsam emere solebant. Idcirco paucis elapsis diebus duas circiter illius *Aquæ* uncias obtulit mulieri, quæ vocabatur *Maria Whaley*, & quæ ex ipsa merces aliquas emerat.

Maria Whaley circiter duas tertias partes aquæ illius quæ ipsi oblata fuerat, bibit, abiitque. Quod supererat potavit *Francisca Eaton*. *Maria Whaley* aliam petiit tabernam, aliquid aliud emptura, & intra quadrantem horæ, postquam aquam hanc bibisset, conquesta est (ut ipse didici) de violenta stomachi perturbatione: in domum deducta est, & ab hoc momento temporis loqui amplius non potuit; & intra horæ circiter spatium sine Vomitu, Alvi, fluxu, ullave Convulsione mortua est.

Francisca Eaton Tabernaria ea quæ acciderant sorori suæ *Annæ Boyse* scripsit, quibus auditis hæc ad illam venit, affirmavitque, possibile non esse tale Cardiacum (sic enim hanc aquam vocabat) causam fuisse mortis illius mulieris; & ut illam dicti certiore faceret, convinceretque, tria circiter illius aquæ cochlearia fudit & bibit; Cum *Francisca Eaton* adhuc per duo circiter minuta colloquuta est; & adeo constans fuit in affirmando & persuadendo illi liquorem hunc noxium non esse, ut duo adhuc cochlearia hujus fuderit similiterque biberit. Vix ac ne vix quidem in sedili sita est, cum ex hac vita migravit sine ullo gemitu, ullave Convulsione.

Francisca Eaton, quæ, ut antea observavi, paulo plus quam unum hujus aquæ cochleare biberat, nullam in Stomacho, vel

vel in alia Corporis parte sensit 'perturbationem : verum ad omnes pessimos eventus, morbosve præcavendos statim Emeticum allumpfit, & ab hoc tempore benè se habuit.

Maria Whaley sepulta est, nec ab aliquo, quantum invenire potui, nisi a Magistratu qui in Homicidas inquit (Anglis the Coroner dicto) visâ & examinata est. Veni visurus *Annam Boyse* post viginti quatuor horas circiter ab ejus obitu; sed mihi Cadaver ejus aperire non licuit. Sexaginta circiter Annos nata erat : Facies & cutis ejus solitum habere colorem mihi visæ sunt; vixque mutata erant. Faciei lineamenta, ut sic dormientis speciem referret. Abdomen ejus inflatum non erat, nec ullum Veneni indicium externum in ejus corpore visum est.

Mors hæc similem alium eventum mihi in memoriâ revocat, quem hic narrabo; jam quatuor circiter sunt anni, cum hic eventus accidit in Urbe *Kilkenni*. Nobilis Adolescens, filius Domini *Evans* Urbis illius Senatoris, per errorem sumpsit Lagenam *Aquæ* illius ex foliis *Lauri* destillatæ plenam, credens eam esse *Prisana* plenam. Quamnam biberit quantitatem incertum est, verum intra pauca minuta ad plures abiit, gemitus edens ob violentam Stomachi perturbationem. Hoc tunc temporis intento animo consideratum non fuit, quia ille morbo laborabat, cui, vel præpostero Remediorum usui ad Adstantibus mors ejus tributa est.

Ut verò mihi ipsi satisfacerem, penitiùsque in hujus Veneni effectus inquirerem, quædam cum quibusdam amicis feci experimenta, quorum nunc sequitur narratio.

I. Die tertia mensis Octobris anni 1728. dedimus magno Cubitori Cani tres uncias *Aquæ stillatitiæ* è foliis *Lauri* ore bibendas. Tertio minuto postquam hanc potaverit, vehementissimis convulsionibus laborare incepit. Hæ convulsiones durarunt per quinque circiter minutas, post quæ eum vinculis exsolvi. Incidit tunc in maximam violentissimamque respirandi difficultatem, quæ circiter per octo minuta duravit, & paulatim minuta est: qua finitâ se ipsum erigere conatus est, sed incassum.

Eum

Eum denuò alligavi, illique dedi adhuc aquæ supradictæ fescunciam, qua epota pessimè statim se habuit, & sine novis ullis convulsionibus, vel iterata respirandi difficultate intra duo minuta mortuus est.

Ejus Stomachum aperiendo, in eo inveni integram aquæ quam biberat quantitatem; ejus aquæ superficies spuma copperta erat, verùm nulla erat in Colore, Consistentia vel Odore mutatio. Interna Ventriculi superficies nullum omninò inflammationis signum exhibuit, nec ulla visibilis adfuit mutatio in ejus Tunica Villosa.

Venæ Ventriculi, Venæ omnes Mesentericæ, simul & Vena Cava sanguine multum turgebant; è contra Arteriæ insignem in modum vacuæ erant. In Hepate & Vesica Fellea nullam omninò inveni mutationem. Renes prætermo- dum sanguine turgebant, & subcærulei videbantur coloris, æquè ferè saturis, ac est Color Pruni violacei. Cùm incisuram fecissem in uno ex his Renibus maximam effluxit sanguinis solito fluidioris quantitas. In Corde nihil præternaturale visum est. In Cerebro nulla planè aderat mutatio.

II. Die 24. *Octobris*; Sescunciam ejusdem Aquæ Cani minoris magnitudinis dedimus. Ea statim vinculis exsoluta est, & intra duo minuta membrorum usum amisit. Multoties se erigere & incedere tentavit; sed titubavit, vacillavitque deinceps cecidit. Hæc per quinque sexve minuta circiter, indefinenter iteravit. Denique violentis affecta est convulsionibus, præcipuè in Musculis Caput & Spinam Dorsi extendentibus. Post minuti circiter spatium hanc habuit Convulsionum speciem, quam *Opisthotonos* dicunt; occiput enim ejus ad Caudam fortiter trahebatur.

Dein multum vomuit, & desierunt Convulsiones ejus. Tunc tranquilla mansit per septem vel octo minuta, nisi quod difficultate spirandi, (minore tamen, minusque violenta quam in priori casu) laboraret, spumamque ex ore dimitteret. Adhuc illi exhibuimus unciam unam hujus aquæ, qua epota increvit respirandi difficultas, & intra duo minuta de vita migravit.

Aperiendo *Abdomen*, *Thoracem*, & *Caput*, omnia invenimus eodem modo se habentia ac erant in priori, quem supra memoravimus, casu.

III. *Die 25. Octobris*; Dedimus uncias duas *Aquæ stillatiæ* è *foliis Lauri* Cani ejusdem cum præcedenti magnitudinis; in eo eadem planè symptomata visa sunt ac in præcedenti casu. Mortuus hic fuit post semi horam; Dosem iterare noluimus, quia dose ab eo epotam vomere non potuit. In apertura Cadaveris omnia eodem in statu invenimus ac in primo casu.

IV. *Die 26. Octobris*, drachmas duas & semisse *Aquæ stillatiæ* è *foliis Lauro-Cerasi*. Cani mediocris magnitudinis, dedimus, statimque eum à vinculis liberavimus. Hic tunc totum percurrit conclave, ut fecisset Canis robustissimus, nec ullo modo ab ea Aqua affici videbatur; citò tamen usum membrorum amisit. Sæpe se erigere, atque incedere tentavit, sed semper cecidit antequam ad distantiam sex pedum ex loco in quo aderat, pervenerit.

Post hæc multum vomuit, si consideres ei per vigintiquatuor horas cibum subtractum fuisse; post vomitum affectus est convulsionibus violentioribus iis, quibus Canes, de quibus supra, affecti fuerant, idque præcipue in musculis Caput & Spinam Dorsi extendentibus. Hæ Convulsiones per octo, decemve circiter minuta durarunt: quibus finitis, Canis tranquillus fuit, cum profunda, quamvis æquali, respiratione, dormienti similis. Post decem circiter minuta, exsurrexit, aliquod alimentum assumpsit, & sat benè ambulavit. Illum reliquimus; & post tres horas redeuntis, illum perfectè sanum invenimus.

V. *Die 28. Octobris*, Injecimus unciam unam hujus *Aquæ* in Intestinum Rectum robusti Canis patulis auribus & cirris, eumque vinculis exsolvimus. Intra duorum Minutorum spatium incepit usum membrorum amittere, & titubare, sicut alii fecerant. Violentiores cæteris omnibus passus est. Convulsiones, & præcipue in Musculis Colli & Spinæ dorsi. Musculi ipsius Oculorum vehementissimis affecti fuerunt convulsionibus quod Phænomenon cæteris in Canibus visum non fuit.

fuit. Ore spumam ejecit, frequenter ululavit, respiravitque cæteris omnibus difficilius. Hæ convulsiones duraverunt per viginti minuta; iis desinentibus quietus tranquillique fuit, æque ac si dormiret, nisi quod oculi ejus erant aperti. Ejus membra tunc omnino paralytica facta fuerunt.

Eum per aliquod tempus erectum tenuimus, & ad instandum cruribus impulimus, verum iis uti & incedere conatus non est. In eo statu permanfit per quindecim adhuc circiter minuta, quibus elapsis affectus tunc est iterum violenta nervorum distensione, quæ intra quinquæ minuta finem ejus vitæ fecit.

Aperiendo Abdomen, invenimus Venas Ventriculi & Intestinorum multo sanguine turgidissimas, ut in omnibus præcedentibus casibus. In Corde, Pulmonibus, & Cerebro nulla visibilis mutatio apparuit.

VI. *Die 30. Octobris*, in anum parvæ canis fescunciam *Aquæ Lauro-Cerasi* cum tribus unciiis aquæ communis calidæ injecimus. Antequam eam exsolvere potuerimus, Convulsionibus affecta fuit, multumque ululavit. Simul ac extoluta fuerit, cecidit, nec unquam postea exsurgere conata est. Affecta est Convulsionibus, magnaue respirandi difficultate per duo circiter minuta. Dein tranquilla mansit, membris extensis rigidisque per tria circiter minuta: quo tempore maxilla inferior convulsionibus affecta est, & alternis vicibus ad maxillam superiorem trahebatur, & ab ea retrahebatur motu celerissimo.

His factis membra ejus paralyfi afficiebantur & per duo adhuc circiter minuta ægre spiritum ore ducebat. Intra septem octove minuta ab injecto clystere omnino mortua est.

In Abdomine, Thorace & Cerebro omnia, ut solent, visa sunt.

VII. *Die 2. Novembris*, *Aquæ stillatiæ Lauro-Cerasi* semiunciam, cum tribus unciiis aquæ communis calidæ dilutam in anum parvæ Canis injecimus. Intra quatuor minutorum spatium cum difficultate respirare incepit. Eam liberam reliquimus

mus, verum sine vacillatione stare vel ambulare non potuit. Convulsione affecti fuerunt muscoli caput extendentes; & crura anteriora per tria quatuorve minuta Tetanum passa fuerunt, verum sine convulsivo motu fuit. Multum vomuit, alvoque deiecit. Hæc non ululavit, nec magno affici dolore visa est, nec sensus per omne id tempus amisit. Intra semihoram sanitatem recuperavit.

VIII. Die sequenti Drachmam unam *aquæ destillatæ* è foliis *Lauri* in externam Jugularem. Venam ejusdem canis injecimus. Affecta est convulsionibus æquè violentis ac fuerunt præcedentes, antequam eam a vinculis liberare potuerimus. Hæ per quinque circiter minuta duraverunt, post quæ paulatim sanitatem recuperavit, & deinceps bene se habuit.

IX. Die 20. *Novembris*; In robustum canem mediocri magnitudinis, *Aquæ stillatæ* è foliis *Lauri* uncias quatuor aqua communi, aliove liquido non dilutas injecimus. Hic intra duo minuta ad summum post injectionem convulsionibus & respirandi difficultate affectus fuit. Cecidit in terram simul ac convulsionibus affici incepit, nec unquam amplius se erigere conatus est, nec fuerunt hujus Convulsiones ullo modo æquè violentæ, & æquè diuturnæ ac in præcedentibus casibus. Quatuor circiter sanguinis cochlearia è naribus erupuerunt. Sanguis fuit coloris maximè floridi. Duraverunt ejus convulsiones per quatuor circiter minuta, post quæ eum invasit totius corporis paralytis & post alia tria minuta mortuus est.

Invenimus Ventriculum, Intestina, Hepar, &c. in eodem planè, statu ac in præcedentibus casibus supra memoratis. Incidendo ad pollicis distantiam ab inferiore parte unius è Lobis Pulmonum, sanguis magna in quantitate effluxit, qui solido floridior, fluidiorque mihi visus est.

X. Die 14. *Decembris*, Injecimus quinque uncias *Aquæ stillatæ* è foliis *Lauri* in anum canis ejusdem ferè magnitudinis ac figuræ ac verragi Italici. In initio ab ea nullo modo affici visus est, sed post quinque circiter minuta incepit languere, & usum membrorum amittere. Nullo modo ululavit, nec vehementer

vehementer agitatus est, ut in aliis accidit; verum vires paulatim amisit usumque membrorum, donec tandem omnino paralyticus factus est. Nullis affectus est, convulsionibus, si excipias quandam *Spasmi Cynici* speciem, qua laboravit per quendam minuta ante ejus mortem quæ accidit intra semihoram ab injecto Clystere.

Aperiendo Abdomen, Venas multo sanguine turgidas invenimus: eodem etiam in statu erant Venæ Sinusque Cerebri.

XI. Die 19. Decembris, dedimus eodem modo tres uncias *Aquæ Lauro-Cerasi* Cani venatici magnitudinis Canis Melitenfis. Intra septem minuta mortuus est sine ullis convulsionibus, si excipias quod *Tetano* affectus fuerit in musculis Caput extendentibus.

Cum *Lauro-Cerasus* sit e numero Plantarum sempervirentium, abundetque oleo essentiali calido, opinio nostra fuit alias Plantas semper virentes posse participes esse ejusdem venenosæ qualitatis.

Idcirco experimentum fecimus cum *aqua* in Alambico destillata ex foliis *Taxi*; de ea enim arbore multum loquuti sunt Antiqui, & ejus umbra sola iis lethalis esse dicta est qui sub ea sedebant, vel dormiebant.

XII. Tres *aquæ ex foliis Taxi* uncias injecimus in anum minimi canis venatici; verum nullo modo inde affectus fuit.

XIII. Dedimus etiam ore bibendas, uncias duas *aquæ stillatitiæ ex foliis Lauri semina* juniori cani patulis auribus & cirris, sine ullo effectu.

XIV. Dein experimentum fecimus cum *aqua stillatitiæ ex foliis Luxi*, quæ habebat odorem maxime narcoticum. Injecimus in anum parvi canis venatici quinque uncias hujus aquæ, verum ab ea aqua nullo modo affectus est, licet canem asservaverimus per duodecim horas post injectionem.

XV. Cupidi sciendi num venenosa qualitas *aquæ stillatitiæ ex foliis Lauro-Cerasi* oriretur ex igne qui in destillatione adhibetur, illique deberetur, affudimus aquam calidam supra aliquot folia *Lauro-Cerasi* contrita, validamque ex iis fecimus infusionem.

nem. Hujus unciam Cani ingurgitare tentavimus, cujus mediam partem in Ventriculum intrasse supponimus, & post quinque minuta unciam alteram eodem modo dedimus. Canis hic visus est aliquo modo laborare Ventriculo, sed hoc diuturnum non fuit, cito enim pristinam vivacitatem, pristinumque recuperavit robur. Quibusdam post hæc minutis alia adhuc uncia illi per os exhibita fuit, cujus quartam partem amissam fuisse, & Ventriculum non subiisse supponimus. Huic cito post vagus fuit oculorum obtutus, magnoque tremore affectus est. Post quinque minuta alia exhibita fuit uncia, qua epota tremor ut antea occupavit artus, sed intra breve temporis spatium ad pristinam sanitatem & vivacitatem redire visus est.

Animo effringentes parvas has quantitates vires suas amittere, per intervalla inter quæ exhibentur, intra decem minuta post præcedentis doses assumptionem, in ejus fauces simul & semel uncias duas cum semisse ejusdem aquæ ingurgitavimus. Hic statim convulsionibus affectus super dorsum se volvit, idque fecit ter quaterve, sed cito post supra pedes se erexit. Hic vacillavit, huic vagus fuit oculorum obtutus; & tanquam defessus Canis jacuit. Denique clausit oculos, Collum ejus extendebatur, & timebamus ne Convulsionibus afficeretur; sed pro convulsionibus, vomitus accidit quo ejecit maximam Chyli indigesti crudique quantitatem, in qua magna infusionis pars visa est; post vomitum perfectam recuperasse sanitatem visus est.

XVI. Post viginti quinque minuta ab his elapsis ore exhibuimus eidem Cani uncias duas succi expressi ex *foliis Lau-ro-Cerasi*, & post decem adhuc circiter minuta alia uncia eodem modo illi exhibita fuit. Intra aliquot minuta incepit amittere usum Crurum posteriorum, sed eorum usum citò recuperavit. Post hæc sumendo aliam unciam cito post præcedentes, incidit in magnam respirandi difficultatem, multumque ululavit. Deinde validissimas passus est convulsiones quibus insignem in modum afficiebantur maxilla inferior & crura posteriora.

Intra spatium quinque circiter minutorum his Convulsionibus

nibus successi integra membrorum omnium resolutio. Respirationem habuit maximè difficilem simul & lentissimam. Expirationis nullum erat indicium. Aliquando duos observavimus ad inspirandum conatus citra intermissionem, idque ore semper aperto. Aliquando etiam aderat unius minuti spatium inter duas inspirationes.

Post hæc in omnibus suis Membris tremorem passus est, & intra tres horæ quadrantes ab ultima uncia epota, mortuus est sine ulla agitatione, sed cauda extensa.

Multa sunt alia ejusdem generis experimenta a nostratibus Medicis facta, quæ accuratè cum præcedentibus consentiunt hanc solam excipias circumstantiam, quod in ea sint opinione, Venenum hoc in Ventriculo & Intestinis creasse inflammationem.

Ad hujusce disputationis dilucidationem, nos, qui in alia sumus sententia, una collegimus sequentes rationes, ex quibus apparet factum tale non esse quale eorum fert opinio, & etiam nullam hic adesse ab eo veneno productam inflammationem, licet Venæ Animalis ab eo veneno interemti multo sanguine turgidæ inveniantur.

Nihil novi quod majorem huic materiæ lucem asferre possit, quam analogia quæ observari potest inter Convulsiones ab Epilepsia ortas, & eas quæ sunt effectus aquæ stillatiæ ex foliis *Lauro-Cerasi*. Exempli causa, in Epilepsia Corpus totum Convulsionibus afficitur, præcipuè verò Convulsiones fiunt in Musculis Colli, Linguae, Maxillæ inferioris & Brachiorum.

Horum Convulsionum hic est effectus. Cor fortius & frequentius solito pulsât; ex tali vero pulsatione necessariò sequitur sanguinem majori in copia pelli ex Arteriis in Venas. Verum quia muscoli possunt magis comprimere Venas quam Arterias, (quarum Systole iis dat vim hanc pressionem superandi) idcirco sanguis, qui semper pellitur per systolem Cordis in Venas, in iis retineri debet per antedictam Musculorum pressionem & paucissima ejus copia ad Cor redire debet.

Ut rem exemplo illustremus, Abdominis muscoli, cum convulsionibus afficiuntur, Stomachum & Intestina premunt, easque

eaſque partes agunt ad Venam Cavam Aſcendentem, ut & etiam ad Venam Portarum; hac preſſione, Sanguis, qui ab extremis inferioribus partibus redit, in his Venis retinetur. Et hæc eſt cauſa cur videamus viſibiles proximofque hujus preſſionis effectus; in eo conſiſtere quod hujus ope Veſicæ Inteſtinarumque Excrementa vi expellantur extra corpus, & frequentiffimè accidat Seminis Profluviū.

Pariter expreſſione muſculorum Colli, Lingue, Maxillæ inferioris, eorumque actione, in Jugulares venas, earumque ramos, fit ut ſanguis in Cor per Venam Cavam deſcendentem redire nequeat.

His addere liceat, preſſionem Diaphragmatis & Coſtarum in Pulmones: hæ enim partes Venæ Cavæ aſcendentis & deſcendentis Truncos comprimunt eo ipſo in loco in quo Cordi inſeruntur.

Indè ſequitur horrenda faciei nigredo durante Paroxyſmo, ut & prodigioſa Venarum Capitis & inprimis Venæ Temporalis inflatio.

Ex his omnibus neceſſariò ſequitur quod, ſi Convulſio diuturnior ſit, homo mori debeat, cū ſanguinis pars trans Arterias in Venas impellatur, nec ad Cor redeat. Et, ſi hominis Convulſionibus mortui cadaver aperiatur, nullus dubito, quin inveniantur Vena Cava, Vena Portarum, Venæ, Sinuſque Cerebri, ſimul & omnes minimæ venulæ ex his ortæ maxima ſanguinis copia turgidæ; arteriæ vero e contrâ ſerè vacuæ inveniri debent.

Quod ſi ceſſet Convulſio Epileptica, antequam circuitus ſanguinis ſit omnino interruptus, tunc omnia iterum in priſtinum redeunt ſtatum, venæ non ampliùs premuntur, ſanguis ut antea ſolebat circulatur, & intra paucas horas homo antea ager perfectiſſime ſe habet.

Attamen omnis hæc violenta Corporis convulſio, prodigioſa hæc Venarum inflatio, & hæc ſanguinis circuitus intermiſſio; hæc inquam omnia fiunt ſine ulla inflammatione, ut patet ex eo quod citiſſimè æger priſtinam recuperet ſanitatem: Si enim ex Convulſione orta fuiſſet inflammatio, febris eam neceſſa-

necessario comitata fuisset ; hæc vero clavis , perspicuis & evidentibus signis seu noticiam præbuisse , & diuturnius tempus necessarium fuisset ut sedaretur.

Liceat nunc mihi perdendere Analogiam quæ est inter hæc Phænomena & ea quæ ab *aqua stillatitia ex foliis Lauro-Cerasi* producuntur.

Experimentis constat , Unciam unam , imo & Drachmas duas & semisse *Aquæ stillatitiæ ex foliis Lauro-Cerasi* violentiores efficere convulsiones iis quas producant Unciæ tres , imo & Unciæ quinque ejusdem aquæ : vide *Exper. 4. 5. ad 11.* Si igitur necessario inflammatio fieret ex aquæ hujus in Ventriculum vel Intestina receptione , sanè quò violentior esset convulsio , eò inflammatio major esse deberet.

E contrâ videmus , quò violentior est convulsio , eò probabilius esse animal pristinam recuperaturum sanitatem : vide *Exper. 4. ad 7.* Et quum in pristinum redit statum , hoc eodem plane modo fit , ac in sanitatis , pristinique status recuperatione ab Epileptico , Intra quædam minuta animal evadit æquè validum vivaxque ac si nihil omninò accidisset.

Nunc si omninò inflammatio foret sequela necessaria hujus Veneni , cum Animalia pristinam recuperant sanitatem , adhuc in iis remaneret quædam inflammatio , sive magna , sive parva , quæ violentiora diuturnioraque crearet symptomata. Verum cum nihil his simile videatur , cum sanitatis recuperatio sit tam subita , & realis , sanè validius , clariusque argumentum dari non potest , nullam hic adfuisse inflammationem.

Si *Aquæ Stillatitiæ ex foliis Lauro-Cerasi* uncia una , majorve exhibeatur quantitas , Animal mortem vitæ nequit intra quædam minuta , & in apertura cadaveris hæ videntur Apparitiones. Truncus Venæ Cavæ tum Ascendentis tum Descendentis , omnesque Venulæ , quæ ex Venis Mesentericis oriuntur , multo sanguine turgent Vasa hæc venosa ab Arteriis facile distinguuntur , non solum quia eorum tunica tenuiores sunt , sed etiam quia colore , quem sanguis oculo videntum præbet , differunt. Jam Concipio omnem inflammationem initium suum habere in arteriis , & in eo causam ejus

Jos. Lanzoni Opera. Tom. I.

P p

fitam

fitam esse quod liberè non possit sanguis transire ex Arteriis in Venas. Sed si semel hæc via libera fiat, (& in hoc casu liberam esse certissimum est cum omnes venas ultra naturalem Tonum sanguine distentas inveniamus), tunc inflammatio cessare debet, remota causa a qua oriebatur.

Præterea, hoc facto posito, Venas prætermodum sanguine turgidas esse, necessariò concludere est, arterias etiam sanguine turgere non posse, ideoque nullam in iis dari posse inflammationem, quia, si major adsit sanguinis quantitas in Venis, minor per consequens, idque pro ratione incrementi in Venis, minor inquam esse debet quantitas in Arteriis.

His quæ suprâ diximus, sequentem addere possumus observationem, scilicet, quod, si quædam ab hoc veneno produceretur inflammatio, præcipuè se videndam præberet in interna parte Ventriculi & Intestinorum, quia Venenum proximè partes has tangit.

Omnia alia Venena quæ inflammationem creant in Ventriculo & Intestinis, agunt primò in Vasa sanguinea, & inflammatas corrodunt partes. Inde oriuntur Vomitus, & Hæmorrhagiæ quæ tandem abeunt in Convulsiones.

Facillimè vero quis decipi potest Ventriculum Canis aperiendo, & credere in eo dari inflammationem, quia Tunica ejus Villosa rubra est.

Tunica interior Ventriculi Canis, in naturali statu coloris est carnei subrubri, ideoque citius, validiusque cæteris omnibus Animalibus Domesticis digerit. Videmus etiam eum ossa devorare, eaque perfectissime digerere, & quamvis sint tantum semimasticata, cum ejus Ventriculum subeunt, citò tamen reducuntur in consistentiam æque mollem ac eam in quam reduci possunt omnia alia Alimentorum genera. Et hæc est etiam ratio cur Ventriculi Canum majorem habeant vasorum sanguiferorum quantitatem quam ii cæterorum Animalium; vasorum enim ope, non solum Ventriculi vis muscularis, sed etiam ejus Calor, qui præcipuum est digestionis instrumentum, multum augetur.

NB. Experimenta decimum quintum & decimum sex:um mecum communicavit Dominus *Stephens* Medicinæ Doctor & unus è Sociis Collegii nostri Medicorum.

Vale, Vir Clarissime, mihiq; fave.

Dabam Dublini die 29. Aprilis 1731.

Johannes Ruty M. D. Dublinensis Editorem docuit, quod præter hæc multa alia sint experimenta, tunc temporis etiam facta a Clarissimis & Nobil. Viris, de quibus mentionem facit Vir Clariss. T. Madden M. D., & quæ cum his consentiunt; quidam Viri qui iis aderant, multa proposuerunt, cum quibus volebant fieri experimenta ad videndum num darentur illius Veneni antidota: idcirco Boli, Acetum & Lac exhibita fuerunt Cani qui sorpserat quandam Aquæ stillatiæ ex foliis Lauri quantitatem: Bolum & Acetum non multum contulisse visum est, verum Canis qui Lac potavit, sine ullo pravo symptomate sanitatem recuperavit, sed ob temporis distantiam Dom. Ruty M. D. meminisse nequit qua in proportionem Lac illi exhibitum fuerit. In ea tamen est opinione pintam Lactis exhibitam fuisse. Editor multa fecit experimenta in Comitatu Essex, tum Londini quæ cum supra enarratis congruunt eaque confirmat, ea verò divulgabit in sequentibus Transactionibus.

Excerpta ex Transactionibus Philosophicis Anni 1731. mensium Augusti & Septembris Volum. XXXVII. Num. 420. Art. III. pag. 163 - 173.

Experimenta quædam circa venenosam qualitatem Aquæ simplicis stillatiæ ex LAURO-CERASO sive Lauro communi facta in Canibus in Toppingo Hall in Essex, Comitatu, die
P p 2 24.

24. Augusti 1731. ut & alia facta coram REGIA SOCIETATE
in ejus Museo. A Cromvell Mortimer, M. D. R. S. a Secretis.

SUMPSI quartam partem modii Anglici foliorum Lauri, ea-
que folia in Alambico, posui cum viginti quatuor sexta-
riis Gallicis aquæ (id est libris Medicis triginta & duabus)
hanc communi methodo destillavi, ut hoc fit in Aqua *Pulegii*,
Menthae, aliis ve simplicibus aquis. Cum in initio ignis ca-
lor major esset quam esse debet, transiit oleosum quid cum
Aqua, (1) quod fecit ut ea lactea appareret, quousque sexta-
rius circiter (id est uncia sexdecim) transferit: Hæc gustu &
odore penetrantissimo similis erat prunorum Armeniacorum
nucleis, ut & aqua altera (2) quæ primam subsequuta est,
& eâ pellucidior erat. Duos primos sextarios hujus seposui:
tunc duos alios sextarios (3) destillatione elicui, quæ aqua
in odore & sapore nullo modo erat æquè acris ac prima, sed
potius similis erat *Aquæ Cerasorum nigrorum*. Reliquum ferè in-
spidum erat. Folia post destillationem subfusca erant & fra-
gillima, habebantque saporem amarum sine austero, vel acu-
tum saporem Nucleorum Prunorum Armeniacorum, qualem
habent dum recentia sunt.

Eodem die post meridiem sumpsi Catulum natum ex Patre
& Matre diversæ speciei, pendentem duas libras cum semisse,
& a sexdecim circiter diebus natum; Lac e Matris uberibus
suxerat ante meridiem, sed tunc a sex horis cibo omni se ab-
stinuerat. Sumpsi unciam unam aquæ tertiæ, cujus partem ali-
quam Catulo dedi, idque paulatim ope parvi cochlearis, ut
facilius eam absorberet. Postquam dimidiam hujus quantitatis
partem assumpsit, cum liberum reliqui; ambulavit sat validè,
per quinque minuta, nec infirmus visus est, cum ore spumam
emittere incepit, & cito post quandam Lactis coagulati quan-
titem vomuit, & tunc feces alvinas deposuit; post hæc a
morbo liber visus est: Dein dedi illi adhuc tria parva coch-
learia: intra decem minuta ille incepit vacillare, partesque po-
steriores post se trahere: Natibus innixus est, querulam edidit
vocem,

vocem, variosque ad vomendum conatus fecit, sed nihil unquam vomere potuit; & tunc adhuc circum circa ambulavit, & sedit, & quæram edidit vocem, & adhuc per spatium quindecim circiter minutorum sanitatem recuperasse visus est: Dein credens aquam secundam eum citius ab his ærumnis liberaturum, cum pessimè se habere videretur, fumpsi sescunciam secundæ destillationis: Dedi illi primo tria parva cochlearia, & humi imposui, & intra duorum minutorum spatium incepit vehementibus affici convulsionibus, linguam exferere, validosque ad vomendum conatus facere, verum sine effectu; cruribus insistere non potuit, sed posterioribus cruribus extensis jacebat: Post quinque minuta tria adhuc cochlearia exhibui, tunc vehementibus laboravit convulsionibus, se multoties & per varia intervalla provolvit, caput ad caudam duxit, dein lateri incubuit, multumque tremuit. Post octo circiter minuta, adhuc duo parva cochlearia illi exhibui, & novas violentasque passus est convulsiones, sed mansit lateri innixus, & eo in situ quatuor crura, unum post aliud, extendebat, ilia citissimè ducendo; intra quindecim adhuc minuta mortuus est, idque post horam circiter a prima dosi assumpta.

Hora elapsa ab ejus morte, illius aperui cadaver, omnesque partes in Abdomine contentas in statu naturali inveni; Flatibus turgidus erat Ventriculus, quo aperto Lacte vacuus visus est, sed plenus spuma & mucò pellucidò, cujus consistentia multò crassior erat eâ quam in statu naturali habet Liquor Gastricus: uterque omnis odoris expers erat, pars interior Ventriculj nullâ omninò inflammatione afficiebatur.

Aperiendo Thoracem, inveni Pulmones paulo magis rubros quam in statu naturali, quædam etiam vasâ eorum tunica exterioris valdè turgida erant: Pulmonum partem secando sat copiosa ex iis effluxit quantitas sanguinis rubri & pollucidi. Venæ & ambo Cordis Ventriculi turgidi erant, & pleni sanguinis concreti, coloris obscurè fusci, qui meos digitos infecit colore flavo sordido, quasi Gallæ quædam ei admistæ fuissent.

sent. In illius Cadaveris arteriis sanguis non erat ; Foramen ovale apertum erat.

Caput aperiendo , Dura Mater livida visa est , quasi confusa fuisset , Venæ ejus , Sinusque Falciformes turgidi erant , plénique sanguinis ejusdem naturæ cum illo , cujus Cor , vasque Cor ambientia plena erant. Corticalis Cerebri substantia Visa est Coloris lividi subcærulei insoliti.

Die sequenti circa horam quintam pomeridianam summi magnum Canem villaticum septuaginta & quinque libras pendentem. Illum ita ad pælum alligavimus ut cruribus insisteret , & quidam in manu caudam ejus fortiter tenuit , quia is erat ferocissimus & gubernatu difficillimus : Injecimus *per Anum* uncias tres secundæ aquæ (id est illius quæ per alambicum post primam exiit) ; intra quinque minuta multum tremuit , & vacillavit , & mitis fuit & passus est se tangi , post se traxit crura posteriora , se supra caput volvit , palpitavit & salivavit , sed paulatim ita sanitatem recuperavit , ut erectum se tenuerit , quamvis titubans & sæpè in crura posteriora delapsus. Post quindecim minuta , adhuc unciam unam injecimus ; hic nulla re intercedente vacillavit , & in posteriora delapsus est , cito post copiosam reddidit urinam. Tunc eum ad aliud durissimum stabulum , in quo citò fæces alvinas , sed durioris consistentiæ , abundanter deposuit : Fæces has humectasse visa est ultimò injecta uncia , quæ , ut mea fert opinio , cum hac ultima alvi dejectione exiit. Idcirco aliam statim injeci unciam , quâ injectâ pejus quam antea , se habuit se enim in unum latusolvebat , & post decem circiter minuta , citò in somnum cecidit , cum difficultate respirandi ; Post semi horam , eum expergefeci , eum salivantem inveni , sopore affectum , posterioribus innixum , & vertigine laborantem ; Post horam circiter cum quarta horæ parte a prima injectione , eum ut antea inveni , sed eum provocando baculo , illud momordit , & quamvis natura ferox esset , tranquillissimus tamen erat , cum eum non percutiebam : Post quædam minuta titubavit & cecidit adhuc stertens ; Circa horam nonam noctis benè se habere

bere visus est, nisi quod in somnum proclivis fuerit. Eum reliquimus per totam hanc noctem sine Aqua & Alimentis, sed ob famem aliquam paleæ cui incumbabat partem comedit, ut deinceps invenimus ejus Ventriculum aperiendo. Post-ridie mane, qui erat dies Veneris, dedimus illi aquam & ossa; potavit avidè & comedit Ossa, Panem & quicquid illi dedimus, imo & sanitatem recuperasse beneque se habere visus est hoc die, & nocte sequenti, nisi quod valdè sitiret, in somnum proclivis aliquantum esset; verum omninò mitis erat.

Die Saturni hora nona ante meridiem, eum ad palum alligavimus, funemque in ejus ore posuimus, cujus ope ejus nares firmiter carceribus alligabantur, diligentissimè caventes, ne adeò strictus esset funis circa collum ut deglutitionem vel respirationem impedire posset: Tunc illi dedi uncias tres *Aquæ secundæ*, trinis vicibus, ope infundibuli, similis iis quibus ad-quantur Equi; eas absorpsit cum magna difficultate, & quasi gargarizavit: Ad hoc præcavendum, in ejus fauces satis profunde infundibulum impuli. Canem tunc è Palo deligavimus; visuri num incedere posset, sed illicò vacillabat, cadebat, se multoties provolvebat, multam Urinam reddebat, & Fæces Alvinas duriores deponebat; nullum vidimus ad vomendum conatum sed multum salivæ ex ore emittebat, palpitabat, & magna in eo respirationis difficultas videbatur, naribus enim sursum aerem attrahebat, nasum elevando, cum natibus inniteretur: nam tunc cruribus posterioribus insistere non potuit: Hic sæpè caput agitabat, quasi ab aliqua muscâ punctus fuisset: Hic paulatim in pristinam rediit sanitatem, & post viginti circiter minutorum spatium potuit incedere, & satis firmiter cruribus omnibus insistere, quamvis semper crura posteriora debiliora viderentur: idcirco in ea fuimus opinione canem hunc diutius languere posse, vel forsan perfectam recuperare sanitatem, eum igitur denuo alligatum tenuimus, dedimusque adhuc tres uncias aquæ, cujus dimidia ferè pars ab eo fusa est; & ut vera dicam, ex uncis sex illi exhibitis, credo uncias tres vel quatuor tantum intravisse in ejus Ventriculum: horrendum, altumque edidit ululatum, simulque in posteriora delap-

delapsus est, antequam eum ex palo deligare potuerimus, visuri num incedere posset, nec ne. Nunquam in posterum se erigere conatus est, sed in unum latus se projecit, palpitavit, linguam extra os exeruit, multumque salivavit, quatuor crura ter quaterve disperfit, & omnino mortuus fuit, immobilisque post quinque circiter minuta. Nullam potui observare Convulsionem in Musculis Colli & Dorsi nec Caput & Cauda ejus ad se invicem trahebantur, ut in Catulo observavi.

Semihora ab ejus morte elapsa cadaver adhuc calidum aperui. Vescicam contractam vacuumque inveni: *Resum* leviter inflammatum; Intestina Crassa flatibus non distenta; sed contracta & ferè clausa; Bilis magna quantitas aderat in Duodeno, erat crassissima & similis videbatur melli coagulato; Vesicula fellea erat ferè vacua; verum quæ in eâ supererat bilis æque crassa erat ac altera: interiori Vesiculæ felleæ parti variæ adhærebant excrescentiæ, figura & magnitudine lenticulis similes, quales guttæ Cerae flavæ mollis. Jecur prætermo- dum inflammatum erat, & ferè lividum: Ventriculus propè Pylorum contractus erat, & adhuc per trium digitorum spatium supra eum aperiendo, in venimus quasdam ossis partes in eo, mediocrem paleæ quantitatem, duasque circiter Fluidi uncias, in quibus idem omnino erat odor ac in Aqua Lauri: sed mucus non aderat, ut in Catulo: Quidam ex Villis Ventriculi leviter inflammati videbantur, quia vasa sanguifera valdè turgida erant: In ejus Oesophago, qui inflammatus visus non est, magna aderat muci quantitas. Aperiendo Thoracem, Pulmones prætermo- dum contracti, summo rubore perfuncti & inflammati visi sunt. In hoc Cane evidenter omnino apparuit, Pericardium Diaphragmati, ut in erectis animalibus, adhærere non potuisse, cum inter has partes adesset distantia duorum pollicum, imo & paulo major; hoc verò spatium occupabat dextri Pulmonis Appendicula; ea remota, Vena Cava, eo in spatio quod inter Diaphragma & Pericardium medium est, quodque est trium circiter pollicum, omnino libera est, etenim per ulla- fibras membranasse dorso non adhæret, sed ab hac Pulmonis appendicula omnino obvoluta est.

est. Vena Cava, venæque omnes prætermodum turgidæ erant, sanguisque in iis existens coagulatus, licet Cadaver adhuc calidum fuisset: In Aorta parva vel nulla aderat sanguinis quantitas; solummodo eam premendo, parva pellucidi Fluidi, quod serum esse credidi, quantitas, ex ea manavit. Sanguis dextræ Auriculæ, dextrique Cordis Ventriculi validissimè coagulatus erat; partes has omninò replebat, ejusque color valdè obscurus erat: sed in sinistra Auricula, sinistroque Cordis Ventriculo, parvus tantum aderat sanguinis coacti grumus, qui magis ruber & floridus visus est. Quosdam conservavi sanguinis grumos è Venis, vel etiam ex sinistro Ventriculo desumptos, idque per viginti quatuor horas; verum nullus eorum liquefactus est, vel in serum abiit. Caput amputavi, verum negotiis occupatus, illud aperire non potui, nisi post viginti quatuor horas: magna sanguinis quantitas ex eo effluxit, & illud aperiendo, vasa tunc sanguine turgida apparere non potuerunt, sed Dura Mater livida inventa est: Nullus hinc omninò aderat sanguis in Sinubus falciformibus: Cerebrum in optimo statu inventum est; Vasa Plexus Choroidei in unoquoque Ventriculo turgida non erant, sed livida, nec vasa aperta erant, cum nullus in Ventriculis inventus sit liquor, nisi minima Lymphæ quantitas: res etiam eodem modo se habebat in Pericardio, in quo ultra parvum aquæ cochleare inventum non est.

In duobus his casibus, videtur hoc venenum egisse sanguinem coagulando; sicque coactus sanguis, Pulmones, Cerebrumve subire nequit: & ut opinor, apertura foraminis Ovalis in Catulo in causâ fuit cur Catulus diutius magno Cane vixerit; per eam enim aperturam densissimus sanguis transire poterat, & paulò plures circuitus facere quam fecisset, si per Pulmones transire debuisset; & eandem etiam ob causam, in Catulo Cerebrum fuit pars maximè affecta, ut evidenter patuit ex iis quibus affectus est convulsionibus: in Cane vero nulla fere visâ est Convulsio, sed mori visus est ob respirandi difficultatem; maximaque sanguinis quantitas inventa est in dextro Cordis ventriculo.

Jos. Lanzoni Opera. Tom. I.

Q q

Cum

Cum Londinum redii sumpsi Canem patulis auribus & cirris mediæ magnitudinis, cum quo in domo Celeberrimi nostri Præsidis experimentum feci. Fudi tres circiter uncias Aquæ stillatiæ Lauri in vetus vas in quo Coffe facere solebant, & dum Canis ab aliquo firmiter tenebatur, in ejus fauces quandam Aquæ Lauri quantitatem ingurgitavi: Hic in initio sat vehementer se agitabat, querulamque edebat vocem: sed cum dimidia circiter hujus quantitatis pars ab eo absorpta fuisset, se agitare desiit; ne verò tam diuturnam posset protrahere vitam, reliquum illi exhibitum fuit: amissa est tertia circiter totius quantitatis pars: Tunc humi eum deposui, sed nullos unquam fecit conatus ad se erigendum, tantummodo rigida extendens crura, illicò obiit. Dominus *Ranby*, qui experimento aderat, eum statim aperuit; in ejus Ventriculo inventæ sunt duæ circiter uncie Aquæ Lauri, parumque Muci spumosi; Venæ in universum erant maximè turgidæ, sed sanguis erat semper fluidus; & ut vera dicam, nullam in ullo viscerum mutationem observare potuimus.

Dedi quatuor uncias *Aquæ stillatiæ Lauri* Dom. *Porter M. D. Coll. Med. Lond. Licentiat.* Hic vi tres hujus uncias in fauces canis sat magni, sine magna difficultate, ingurgitavit. Animal illud duas hujus circiter uncias illicò per vomitum reddidit, easque pellucidas, nec mutatas, intra quædam minuta prodigiosis mirabilibusque affectus est convulsionibus, citò post immobilis factus est, & certè mortui speciem præ se ferebat. Intra decem minuta iterum vomuit, ejecitque parvam viscidæ, viridis, valdeque spumosæ materiæ quantitatem. Ab hoc momento sanitarem recuperare incepit, & intra semihoram perfectissimè se habuit. Per totam noctem in area mansit, & post tridie mane, cum ne minima quidem perturbatio in eo videri posset, extra januam expulsum est.

Relatio Experimenti facti in Cane cum Aqua stillatitia Lauri, coram pluribus Sociis Regiæ Societatis in ejus Musæo die Jovis 28. Octobris 1731. a Domino Cromwell Mortimer Regiæ Societatis a Secretis.

SEMIHORA circiter elapsa ab hora sexta vespertina, dedi semiunciam circiter *Aquæ stillatitiæ Lauri* Cani patulis auribus & cirris mediæ magnitudinis ponderis sexdecim ferè librarum; hanc omnino invitè absorpsit, fundens ferè duplum illius quantitatis quam in ejus fauces ingurgitare tentavi. Quidam ex Adstantibus hunc humi deponi cupiebant, ut scirent quemnam produceret effectum quantitas adeo parva. Hic per unum circiter minutum cum semisse cruribus innitebatur, incepit tunc titubare, & post tria adhuc minuta in violentissimas cecidit convulsiones, & ejus Collum Caudaque fortissimè ad se invicem trahebantur: nullo modo vomuit, nec alvum exoneravit, sed omni momento mortem ejus propinquissimam credebamus, quia Convulsiones adeo prætermodum vehementes erant: tunc quidam ex Adstantibus Lac peti visurus & experimentum facturus num esset Antidotum Veneni adeo noxii & lethiferi. Parum lactis in ejus fauces ingurgitavimus, quod in initio absorbere non poterat, sed strepitum adhuc edebat quasi ferè ab eo strangularetur. Post multas periclitationes aliquid absorbere incepit, id est circiter cochleare simul, & parum sublevatus videbatur, convulsionibus desinentibus, pectus tamen difficillimè movebat; dein tranquillus stertensque mansit quasi in profundo somno, & Lac spumite instar per ejus Nasum exiit: Cum cum expergeseci, Oculos aperuit, Lac quæ facilius absorpsit quod illi multum ad sanitatem conferre visum est: ita ut adstantes in ea opinione fuerint illum sanitatem perfectam recuperaturum, ideoque abierint. Ego verò adhuc aliquandiu expectavi, quousque tandem ipse lac bibere inceperit, cum ipsi offerebatur: Vomuit quandam Lactis quantitatem, quod illi multum levaminis attulit: & tunc
Lac

Lac adhuc bibit, sed cruribus insistere nequibat. Circa horam septimam illum eo in statu reliqui, credens illum ad pristinam rediturum sanitatem, dedique iussa ut haberet Lanceas duas, aliam lactis plenam, alteram aquæ, quarum unaquæque duos continebat sextarios, easque prope eum positas, & ut per totam noctem includeretur. Circa horam undecimam visus est vivens, & circum circa ambulans; sed postridie mane mortuus inventus est, postquam totum Lac totamque aquam potasset, & multum vomuisset alvoque dejecisset.

Sic invenimus aquam simplicem ex Vegetabili destillatam, æquè lethiferam ac morsum Viperæ Caudisonæ, & eam citius mortem asserre quam ullum Minerale Venenum; & licet Mortis causa proxima esse nequeat, cum parva hujus aquæ quantitas assumitur, vel cum assumitur mixta cum aliis liquoribus, quandoquidem Mulieres nostræ peritiores soleant Cremoribus addere folia Lauri, ut iis concilient liquoris *Rattasia* dicti, vel nucleorum Prunorum Armeniacorum saporem; & quidam ex iis qui Cardiacas componunt aquas, soleant uti Baccis hujus Plantæ in Aqua Vitæ, easque Cerasis nigris substituere, & miscere quandam hujus aquæ stillatiæ venenosæ quantitatem cum Aqua vitæ, ad faciendum liquorem quem *Rattasia* vocant, vel etiam aquam illam diluere cum aqua Communi, quousque gustu referat Aquam Cerasorum nigrorum, & licet unicus ejus aquæ sic mixtæ haustus proxima lethi causa esse nequeat, attamen familiaris horum liquorum usus certissime potest esse prætermordum noxius, & sanitati contrarius, & in debilibus hominibus mortem accelerare debet.

Novi, fuisse quendam Nobilem Virum qui cum Coniuge solitus erat per multos annos bibere unoquoque die exiguum scyphum unum aut alterum Aquæ vitæ in qua Baccæ Lauri infusæ fuerant: & ambos mortuos fuisse paralyticos, vocisque usum aliquandiu ante obitum amisisse.

F I N I S.

JOSEPHI

JOSEPHI
LANZONI.

PHILOSOPHIÆ AC MEDICINÆ DOCTORIS
FERRARIENSIS,

Nec non S. R. I. Academiæ Leopoldino - Carolinæ Naturæ
Curiosorum Socii &c.

CITROLOGIA,
SEU
CURIOSA CITRI

DESCRIPTIO.

Juxta Methodum, & Leges

ILLUSTRISSIMÆ

LEOPOLDINO-IMPERIALIS ACADEMIÆ NATURÆ
CURIOSORUM GERMANIÆ Facta,

Selectisque ERUDITIONIBUS, REMEDIIS, & *propriis*
OBSERVATIONIBUS breviter conspersa.



LAUSANNÆ,

Sumptibus MARCI-MICHAELIS BOUSQUET ET SOCIOR.

MDCCXXXVIII

THE
JOURNAL
OF THE
ROYAL ANTHROPOLOGICAL INSTITUTE

VOL. LXXV. PART I. 1945

CONTENTS

THE JOURNAL OF THE ROYAL ANTHROPOLOGICAL INSTITUTE

THE JOURNAL OF THE ROYAL ANTHROPOLOGICAL INSTITUTE

THE JOURNAL OF THE ROYAL ANTHROPOLOGICAL INSTITUTE

THE JOURNAL OF THE ROYAL ANTHROPOLOGICAL INSTITUTE

THE JOURNAL OF THE ROYAL ANTHROPOLOGICAL INSTITUTE

THE JOURNAL OF THE ROYAL ANTHROPOLOGICAL INSTITUTE

THE JOURNAL OF THE ROYAL ANTHROPOLOGICAL INSTITUTE

THE JOURNAL OF THE ROYAL ANTHROPOLOGICAL INSTITUTE

THE JOURNAL OF THE ROYAL ANTHROPOLOGICAL INSTITUTE

Insigni

Naturæ Curiosorum Academiae Cæsareæ

Ejusdemque Auctoribus & Conservatoribus

Inviçtissimo

LEOPOLDO MAXIMO IMPERATORI.

Illustrissimo

JO. GEORGIO WOLKAMERO Præsidi,

Adjunctis Præstantissimis,

Sociis Cæleberrimis, atque Collegis Doctissimis,

Fautoribus Universis, & singulis;

Citrologiam banc suam;

Exiguum quidem, opus sed Fidissimum

Sue gratitudinis, observantiæ, cultusque

testimonium, seque præterea totum

Ea, qua par est, Animi Submissione

Dicat, & Consecrat

Semper humilis

JOSEPH LANZONUS.

Rr 2

LEC-



LECTORI BENEVOLO

S A L U T E M.



Edicinam, Divinam esse scientiam, monuit summus Medicorum Antesignanus Hippocrates; dum scripsit; Medicus Philosophus Dñs æquiparandus; hanc enim teste Diodoro volunt multi Mercurium primum invenisse apud Ægyptios. Aliique Apollinem dicunt ejusdem primum inventorem fuisse; unde ad Daphnem Virginem apud Ovidium libro 1. Metamorphos. dicit ipse Apollo.

Inventum medicina metum est, opifexque per orbem.

Dicor &c.

Et Macrobius in primo Saturnal. hujus rei reddens rationem, sic de Apolline ait. hinc est, quod eidem tribuitur medendi potestas, quia temperatus Solis calor morborum omnium fuga est; Ad hanc autem Divinam, atque apud Magnates estimatissimam nec non à Prudentibus dilectam scientiam exornandam, atque colendam plurimæ olim surrexerunt Academiæ, multe apertæ fuerunt Palestræ, plurima fuerunt instituta Collegia honoribus, à summis Pontifi-

Pontificibus, ac Imperatoribus insignita, innumerique semper ubique doctorum inventi sunt eruditi Medicorum cætus; Sed præ cæteris nunc eminet ad medicum excornandum studium Collegium Leopoldinum novum; hoc est S. R. I. Academia Naturæ Curiæ, que multà, abhinc Annis incipiens, adhuc parvula in cunabulis ipsis sapientiores Seculi Medicos recepit in sinu, quales fuere Clariss. Jo. Laurentius Baueschius Inventor Collegii istius semper laudandus, & primus Præses dignissimus, Christophor. Schillingius Gregor. Horstius, Andreas Wolfius, Leonardus Urfinus, alique plerimi nunc quidem corpore extincti, sed memoria gloriosa vivi; Et modo crescens insignes medicinæ viventes Magistros habet, ita ut nesciam, an plus decoris afferat ipsa Academia eisdem? an verò plus honoris ab iisdem ipsa recipiat; Hujus insignissimi corporis Caput est Illustriss. D. Joh. Georg. Volckamerus Præses dignissimus; Corpus postea conflitant Celeberrimi Schroockius, Harderus, Mercklinus, Volckamerus Junior, Paulinus, Peyerus, Francus, Patinus, Schæferus, alique multi fulgidi medicinæ splendores, quos futura nominabit Ætas, quibus sed immerito, elapsis mensibus ego additus fui; Quia verò celeberrimæ hujus Academiæ finis est nunquam otiosi, ideò ejus Filii, ad medicam excornandam facultatem continuo insudant, nova cogitata meditantur, nova novis addunt, ac proprias observationes ad publicam utilitatem eruditè communicant; Hinc Tomum Ephemericum Germanarum Academiæ Curiosè tenet quovis Anno Medicus Orbis, in quo singulorum Academicorum Observationes leguntur; Hinc nunquam otiosi secundam Academiæ methodiem, ac leges, nonnullarum Plantarum, Animalium, ac Mineralium considerationes concinnarunt multi; Herodotus enim Crocologiam, eruditè depinxit, Wurfbaïnus Salamandrologiam, construxit, Paulinus Cynographiam, Bufonem, ac Salamandram delineavit, Aliique de Castore, Absinthio, Carduo benedicto, Cochlearia, Vite &c. curiosè simul, ac eruditè confecere tractatus, quorum numero nunc mihi liceat addere Citrologiam, id est Mali medici descriptionem, pusillum quidem opus, nec dignum oculo tuo, Lector Amice, ad discendum tantummodo; non ad docendum confectum.

Ad invidum verò quòd attinet si fortè in hâ pagellâ aliquid invidiam

dia dignum reperiat , ut in propria viscera sævire desinat , amice moneo ; Momo autem meliorem mentem ex corde precor , simulque rogo , ut is in hoc scribendi genere meliora substituat ; Nil quioquam enim me movebunt acerba , & ignominiosa Cavillationum quorundam Scripta , dum scio me in hoc opusculo conficiendo Auctoritatibus summorum Medicinæ Præceptorum munitum fuisse , sicque pariter , nec me tangent cavillationes indignantium nonnullorum medicorum , qui alienos semper labores vituperant , ut fortassè ità suprâ Vulgares sapere videantur ; Obstrepent ergo , & multa à me ficta , ac minimè vera in mediam missetent allata ; quod mihi non deerunt veritatis Vates , ac Proceres , quos in hac mea Citrologia propriæ opinionis testes excito ; Tu interim , Lector benevole , amica manu hoc opusculum accipe , eoque in tui commodum , Proximique salutem feliciter fruiere ; atque rogatum te magnoperè velim , ut crebris illis , qui hic occurrant , erroribus typographicis , ne offendaris ; tibi que promitto , (Deo tamen lubente) alia opera ; Academicum quippe Curiosum oportet nunquam otiosum mori ; hinc Vale , & me ama ; Faxit tandem Divina Clementia , ut omnia cedant in Nominis sui gloriam , Proximi Salutem , & Nostri emolumentum .

Nunquam melius torquebis invidos , quàm Virtuti , & Gloriæ Interviendo , &c. Seneca in Epistol.



JOSE.



JOSEPHI LANZONI,
 PHILOSOPHIÆ AC MEDICINÆ DOCTORIS
 FERRARIENSIS,
 CITROLOGIA.
 PARS PRIMA.

CAPUT PRIMUM,

De Nomine, ac Descriptione Citri &c.



ARIIS fuit olim nominibus citrus appellatus; Malum nonnulli dixerunt Persicum, alii Medicum, alii Assyrium, alii Hespericum. Autore *Juba*, ut ait *Hermol. Barbarus coroll. in Dioscoridem* qui ab Hercule translatus in Græciam, & aureum malum vocatum fuisse scribit; ita ut *Virgilius* de his intelligere videatur dum canit:

Aurea mala decem.

Nec defuere, qui nuptiale Pomum intelligi citrum voluerunt, editum à Terra nuntiato Jovis, ac Junonis consensu; Malus autem Citra, Medica vocatur, Persica, & Assyria,

Assyria, quia apud Medos, Assyrios, & imprimis apud Persas frequens est: Hinc in Italiam translata fuit hæc Arbor, postea in Hispaniam, ubi nunc tantus est Citri usus, ut nemora, camposque occupet hæc planta. Hebræi Citrum *Hadar* dicunt cujus fructus *Etrugim*; *Hadar* autem propriè pulchrum, formosum, & decorum significat, id est Fructum Arboris pulchrum, quia autem Citrus speciosissimus fructus est, ideò pro Citro Arbore *Hadar* interpretantur: Hinc celebratur à Judæis octava Septembris dies cum magnis solemnibus, vocaturque *Chag Arasà* id est solum Palmarum, ut ait *Hieron. Tragus in Stirp. Histor.* quo die sumuntur fructus, quos *Etrugim* id est Citra vocant, & spatulæ Palmarum ad innuendum, quod Deus deduxerat eos per desertum ad Deliciosam Terram; circumeunt quoque septimo die septies Altare portantes palmas in memoriam depopulatæ *Hiericho*. Ex istis ergo facile liquet Hebræis *Eta Adar* Citream Arborem, fructum verò ejus Chaldæis *Efrog.*, seu *Etrogh.* significare; Hinc *Serapio* Citrum *Atrog.* vocat lingua arabica; voce nimis mirum nihil quod ad substantiales litteras. attinet (nam in punctis tantum, quæ *Hebræis*, *Chaldæis*, & *Arabibus* vice vocalium inserviunt, aliqua apparet, sed levis mutatio) ab Hebræorum, seu Chaldeorum *Ethrog.* differente; unde cum Arabica, & Chaldaica lingua (quæ Judæorum à reditu ex Babilone vernacula fuit, ut multis novi Testamenti Vocibus, ut sunt *Tabitha kumi*, *Bethabbera*, *Maranata* &c. patet) in hac voce consentiant, nemo imposterum dubitare debet, quin *Etrogh* Chaldæorum Citrum sit; maximè cum *Serapio* sub voce *Atrbog* ea dicat, quæ *Dioscorides*, & *Galenus* de Citro jam ante præscripserant.

Arborem hanc optimè descripsit *Theophrastus lib. 4. de hist. plant.* sub nomine Mali medicæ, ejusque figuram eleganter depinxit; Attamen etiam de hoc aliquid in præsentis capite addamus; Est ergo Malus Citrea Arbor exotica, per totum Annum virens, fructum tenellum, cum maturescente simul ferens; habet hæc Arbor caudicem Pomorum neranziorum penè consimilem folia lauri perpetuò virentia, ramulos fastigijs spinulentis hispido, & aculea-

aculeatos ; Cùmque Arbor hæc poma ferre inceperit ; tanta ipsi ubertas inest , ut onere proventus semper gravetur , aliis maturefcentibus , aliis verò subnacentibus malis ; hæc autem fecunditas arborem hanc comitatur , non in frigidis , sed calidioribus regionibus. Pomi , quod nonnunquam grandius , quandoque magis exiguum apparet effigies caperata rugis , prælonga interdum rotundior ; Odor plusquam jucundus , & qui martias violas ferè referat , acidus sapor , amara intus grana ; Hæc poma seplafariis , quàm culinis potius nata videntur ; Celebratur autem hæc Arbor in *Georgica* l. 2. his carminibus.

*Media fert tristes succos , tardumque saporem
Felicis mali : quo non præsentius ullum
Pocula si quando sævæ infecere novercæ ,
Miscueruntque herbas , & non innoxia Verba ,
Auxilium venit , ac membris agit atra Venena ;
Ipsa ingens Arbor , faciemque simillima lauro
Et si non altum latè jactaret odorem
Laurus erat : folia haud ullis labentia ventis
Flos apprimè tenax : animas , & olentia Medi
Ora fovent illo , & senibus medicantur anhelis.*

Addamus hîc *Alcibiad. Lucarinum* , Citrum onustum fructibus depinxisse , indeque sequenti ornasse propositione

E Peso grave è il frutto.

Alludens Patribus Familiæ ; quibus filii , ipsorum ventris fructus , plus ponderis ferunt , quam voluptatis ; unde *Tertullianus lib. de nupt. cap. 4.* ait *Liberorum amarissima voluptas.* A putredine tutam esse , hanc arborem monent multi , & propterea immortalitatem indicare ; undè *Plinius lib. 13. cap. 5.* scribit *Materiæ ipsi æternitas , itaque , & simulacra Deorum ex eo facitaurunt.* De similibus eruditionibus Rhetoricis circa Arborem Citriam vid. *Abbat. Philip. Picinellum in suo mund. Symbolic. lib. 9. cap. 8.*

Jos. Lanzoni Opera. Tom. I.

S s

Citri

Citri autem variant magnitudine, nam quidam sunt majores instar melopeponum, quorum plures ego observavi, dum Rippæ Tridenti essem; alii Minores, & vulgares; alii Limonium magnitudine; sic alii prælongi sunt, alii rotundiores; hinc variant quoque loco natalis, alia enim dicuntur Poma Medicea, alia Assyria; aliqua ex Guinea &c. Quæ autem auri colore relucent poma aurengia Vulgus nominat, quæ ex viridi in luteum languescunt, citreola; vel Citrula, nominat, quæ ovata specie turbinantur, si luteo colore nitent, citranguila, privatim Citrea vocant, si herbaceo colore virent limones dicunt; si prægrandia modo Melonum orbiculata facie turgent, Ponceria vulgò, quasi Cerea, vel potius citrea poma dicunt; si quis autem plura circa Citri differentias cupit legat curiosum opus R. P. Jo. Baptista Ferrari Jesuitæ cui titulus est *Hesperides, sive de malorum Aureorum cultura, & usu*; in quo inveniet magnam Citrorum varietatem, & in specie eruditiones varias reperiet circa Citrum belluatum, quod formam retinet quasi capitis Belluæ; hinc variam esse aciditatem Citrorum monet experientia; atque hanc arte quoque fieri posse testatur Nicol. Monardes, qui cum Donzello asserit hujus artificii fuisse Palladium inventorem Virum in culturæ genere celebrem; Advertendum autem sub ipso Citrorum genere comprehendi Poma Aurantia, Limonia, Poma *Adami* dicta, apud Tuscos *Lemei* vocata; Quorum malorum species, esse similes Citris, sed non tamen ita efficaces ait Joseph. Donzelinus in *Theatr. Pharmaceut. part. 2.*

Ubique ferè locorum oriuntur Citri, sed præcipuè, & in maxima copia nascuntur in Liguriæ regionibus, in Insulis maris *Ægei*, Arcipelagi, Siciliæ, in Neapolitana Tellure, & apud Benacum, ubi pulcherrimos observavi citros, & præcipuè dulcis saporis multos; Florent autem quovis anni tempore; ita ut aliis decidentibus fructibus jam maturis; alia Poma citria maturecant; hinc carminibus istis vulgatis de Citro caput hoc primum claudamus.

*Medica mala sumus, pelli vis ignea nostra est
Humentis brumæ, nec benè cocta caro.*

Terreus

*Terreus est humor, sectantur semina pellem
 Flos calet, & Folium, sic voluere Dii.
 Tarda caro est, succus choleram fluxusque moratur
 Cor tepet hinc ardens; hinc tua membra nitent
 Semina, flos, folium, & Cortex frigentia mulcent
 Corpora, & epurant Aëra pestiferum;
 Sola tamen volumus, mandi, sic gratus olescens
 Nos bona dic Veneri, non mala, nec medica.*

*Citria Arbor juvatur Austro, & Aquilone læditur, monente
 Ruellio.*

CAPUT II

De Viribus, ac qualitatibus Citri.

GRÆCOS, atque Arabes in facultatibus Citri recensendis nequaquam convenire ostendit Patriæ meæ honor semper colendus: ac nunquam satis laudatus *Manardes in Epistol. 3. lib. 11.* *Galenus* autem, quem sequitur *Tragus*, aliique plures, Citria mala frigida esse qualitatis testatur; de quo videatur *Matthiolus in Dioscoridis lib. 1.*

Corticem Citri calefactivam vim, & siccantem habere docet *Schroderus*. Pulpam verò refrigerare, & humectare, ac semen calefacere, attenuare, & abstergere ait; Integrum verò pomum Citrium esse Alexipharmacum docent omnes, quos legi Autores; hoc patet ex historia ab *Atheneo* relata, qui scriptor asserit, quendam facinorosum integri Citri esu ab interfectione Aspidum fuisse vindicatum; hujusque historiæ veritatem confirmat altera historia narrata à *Frider. Hofmanno* clav. in *Schroderum*, quæ talis est; Medicinæ studiosus Parisiensis in frequentia quorundam medicorum, de natura, viribus, ac Veneno viperarum disceptantium in ædibus Pharmacopolæ cujusdam, ubi haud exigua Viperarum quantitas ex finitimis locis apporata, discendi, & curiosi ingenii gratia præsens fuerat, de præ-

senti materia ultrò citròque cum reliquis verba miscens arripit manu, quòd antea sapius illæsus fuerit, viperam tabulæ impositam, & ipso inscio à Pharmacopæo Gallo rude inter forspem compressam, & hinc ira succensam, hæc, dum ille sermoni intentus, reflexo capite dente suo pollicis dextræ vulnuscum vix acûs magnitudinem æquans infligit, quo animadverso illam projicit, vulnere tamen spreto; Ast vix quadrantis horulæ spatium intercesserat quin dira subsecuta symptomata, convulsio, vomitus, tormina, cum extremorum refrigeratione, brachium croceo infectum colore intumescerebat, facies cadaverosa, labia livida, ac tumida, oculis defidentibus, pollex tum minimè intumescerebat, nisi sub fine, nec ex vulnere inflato, ne guttula sanguinis aut ullius humoris extillavit; Improvisus, & subitus hic tragicus casus, in multas, & diversas præsentium medicorum consilia diripuit partes. Hic ad Theriacam, alter ad Orvietanum, tertius ad cauterium potentiale, sed nimis tardè, confugerunt; Tandem miser hic Juvenis decumbens; vivacissimus licet, distortus doloribus, sal Viperarum volatile cum aqua theriacali exigebat inani verò quasi effectu, continuato enim Vomitu haustum rejiciebat, nec clysters ullum attulerunt levamen, tota namque Naturæ œconomia haud leviter turbata; Fortè autem fortuna accidit; ut Nobilis quidam exterus ex commiseratione Ægri tactus, decumbenti pomum Citrium exhiberet, quod vix odoratu, non dicam gustu, acido scilicet succo delibatum, incredibile dictum est, quam subitanèam tulerit opem, omnia momento cessabant Symptomata, & non aliter fuerat, ac si Jupiter, ut dici solet, opitulatricem porrexisset manum; ex quo patet, Citrum verè alexipharmacam qualitatem habere.

Tàm succum, quàm semina Citri, cibi appetentiam invitare ait *Tragus*; Atram quoque bilem Citrum expellere docet *Dioscorides*; Impositos autem Citri cortices vestiariis arcis ab erosionis vitio vestes vindicare putant multi; certum tamen est eisdem bonum communicare odorem; Corticem Citri ob suam virtutem cardiacam spiritus confortare ait *Donzelinus*. Citri pulpam acidum volatilem succum in se continentem, in morbis

morbis malignis usitatissimam esse ait *Estmullerus*; sic, & in scorbuto præsens esse remedium volunt multi; hinc Belgæ quando in alia absita loca navigant, ubi tantum non semper scorbutum contrahunt præservationis gratia succum citri adhibent; Acidum enim volatile citri corrigit acidum rancidum scorbuti, & sic mala citria convenire in scorbuto asserunt *Gregor. Horstius lib. 1. de tuend. sanit. cap. 6. Mælenbrochius de Arthritid. Vag. Scorbuto. cap. 13. & Balthasar. Brunerus de Scorbuto.*

Usus Citrini fucci autem in Febribus commendat maximè *Nigrifolius in Progymnasim. & Riverius in Prax.* Corticem Citri carminativam vim habere tradit *Frid. Hoffmannus* & concoctionem juvare; Semen in emulsionibus conferre verminantibus pueris, & Vomitus Gravidarum compescere legitur in *Mess. med. spagy. pag. 390.* Ast quia de viribus Citri in Morbis fuggendis loqui debemus in altera hujus nostri opusculi parte, ideo præsens claudamus caput oportet.

CAPUT III.

De Præparatis ex Citro.

MULTÆ quidem sunt medicæ Citri præparationes, quas tamen breviter nunc videamus; nam primò condiuntur Poma citria, inde eorum cortices, unà cum floribus; Fit ex Floribus citri conserva, ut & ex aciditate; sunt ulterius Aqua, Spiritus; oleum, & destillatum, & expressum, Syrupus, Morfui, Balsamus, Electuarium, Acetum citratum, & Essentia liquida, ac sicca, nec non lac Citri, quæ omnia nunc singillatim sunt examinanda.

Poma Citria maxima igitur primò condiuntur nondum satis matura cum cortice, ac carne incisa nucleis exemptis, & citronata dicuntur; eodem etiam modo condiuntur minora integra, vel in taleolas dissecta; Cortices demum condiuntur post mitigationem amaroris cum saccharo; At hîc quoque audiamus quid de Citro condito asserat *Antidotar. Bononiense*;

S s 3

Poma

Poma citria, enim ait, frustatim secta saccharo clarificato congiunguntur; quin, & congiunguntur etiam Cortices citri ad eum modum: ii carne purgati lixivio claro merguntur diebus novem, mutato, ad diem quintum, postea merguntur aqua clara, donec amaritudine deposita dulcescant; tunc aqua fontis plurima in vase mundo coquantur donec tenerescant, aquosa deinde substantia ab his expressa in vase lapideo merguntur horis 24. Julepo sufficienti ex saccharo albo, & aqua tripla constante, post coquantur igne lento ad penidiorum consistentiam; Extracti cortices ex hoc Julepo reponuntur vase vitreo superfuso singulis vicissim Julepo rosato cocto ad mediocrem crassitiam sacchari candefacti; Citros autem hos conditos cor, & ventriculum firmare, coctionem juvare orisque pravam halitum corrigere ait citati Antidotarii Auctor. pag. 112.

Flores citri quoque cunduntur, flatus discutientes assumpti; Conserva duplex est; alia quæ paratur ex floribus, & alia ex aciditate; quæ paratur ex floribus tali fit modo. Sumitur tertia pars florum; V. G. ꝑ. iv. florum, & Sacchari lb. j. & fit S. A. Conserva; Conserva pariter quæ ex aciditate conficitur; fit sumendo V. G. ꝑ. iv. Acidi, & lb. j. sacchari, & fit S. A. Conserva; Prima Flatus discutit, corroborat stomachum &c. Altera, est egregia ad Virium imbecillitatem, & febrilem æstum compescendum.

Aqua ex corticibus destillatur, quæ commendatur in Febrilibus malignis cum lypothimia conjunctis. Aquam pariter bezoarticam præscribit Frid. Hoffmannus in *Thesaur. Pharmaceutico*. cuius descriptio est talis. ꝑ. Pom. Citr. recent. & succulentum. vj., succus exprimatur, eique adde cortices prædictos Citri seminibus exclusis, adde succi scordii lb. j. ꝑ. Acetosæ, rutæcaprar., scabiosæ, card. bened. ana lb. ꝑ. balsamicor. ingredientium theriac. ana q. s. destilla in B. M. & dosis sit ꝑ. j.

Spiritus citri valde cardiaci descriptio egregia est in *Mess. med. Spagir. pag. 391.* quæ talis est; ꝑ. Pomor. Citr. q. v. remota parte alba effocta; conscinde reliqua, sacchari q. s. adde, misce in vasculo benè clauso, stent in digestionem per septem dies continuos postmodum destilla per Alembicum, & tandem rectifica

rectifica per arenam ; Spiritus prodibit limpidissimus , cujus aliquot guttulæ in convenienti vehiculo oblatae collapsas restaurant vires ; Oleum destillatum itidem cum aqua ex corticibus extillat de quo optimè *Jungken in med. præsent. sæculo accomod.* At oleum habetur suavius ex non fermentatis , quod magis præstat ad commodum externum , quam internum , plusque ad deliciam facit , quam ad medicinam ; Potest , & exprimi oleum ex semine , sed id est minus usitatum. Syrupus duplex paratur ex Citro ; primo fit Syrupus de Acetositate Citri cujus descriptio est sequens ʒ. Succi Citri acidi lb. xij. In vase vitreato coque igni prunorum lento ad tertiæ partis consumptionem , cola , & permitte , donec clarescat , cujus succi clari accipe lb. vij. ad justam crassitudinem cum julepi clari expurgati lb. v. & fiat Syrupus , qui astum , & fervorem bilis flavæ , & febrium ardentium , & pestilentium extinguit. Secundo fit Syrupus ex corticibus Citri cum moscho , & sine moscho ; hoc modo ʒ. Corticum Citri recentium lb. j. Chermes ʒ. ij. Aquæ Font. lb. x. coquantur ad duarum tertiarum consumptionem , & percolentur , colaturæ addantur sacchari clarificati lb. ij. β. fiat Syrupus S. A. & aromatizetur cum moschi orientalis gr. iv. si cupias Syrupum cum moscho ; si verò sine moscho vis , moschum linque ; hic autem Syrupus Cerebrum , cor , stomachum roborat , & oris gratiam commendat. Tertiò demùm fit Syrupus de Citro condito , qui apud Parisienses magno in pretio habetur , in curanda inappetentia ; talis autem est ejus descriptio ʒ. Corticis Citri saccharo conditi , & in taleolas dissecti lb. ʒ. coquantur , in æquis partibus , aquæ cichoriæ , & agrimonix , usque ad putrilaginem ; Expressioni fortiter factæ adde succi Cydoniorum , & aquæ stillatitiæ absinthii pontici ana lb. β. Quibus simul mixtis infunde per quatrimum Schoenanth. ʒ. iv. in Vase benè clauso , vitreato , suprà cineres calidos ; In expressione fortiter facta dissolve sacchari albissimi q. s. Coquantur postea in Syrupum perfectum in quo calente dissolve ambre cineritiæ ʒ. j. fervetur postea in vase vitreo benè clauso ad usum.

Morsuli de Citro habentur in *Thesauro Pharmaceutico Frid. Hoffmanni* magnæ virtutis in corde roborando , ac spiritibus robur

robur addendo, quorum descriptio talis est ℥. solut. perlar. oriental. 3. ij. dissolve cum sufficiente quantitate succi Citri recentis ad formam pulculæ; Corticis Citri conditi incisi 3. iij. & suprà ignem in patella solve sacchari albi 3. iv. cum succo Citri f. morfui ponderantes 3. ij.

Balsami autem Citri nomine, quia omnes penè Auctores intelligunt oleum stillatitium citri, de quo paulò antè locuti sumus; ideò Balsamo relicto, ad Electuarium Citri cordiale gradum, facimus, quod describitur in *Mess. Medic. spagyric. lib. 2. pag. 104.* quod Spiritus Vitales, balsamumque naturæ corroborat sumptum ad avellanæ magnitudinem pro dosi; sic autem componitur. ℥. Internæ pulpæ Citri ʒ. j. Conserv. rosar. 3. viij. confect. alchermes 3. iij. flor. citri condit. 3. iij. Cortic. Citri condit. incis. 3. j. ʒ. Margarit. orient. ppt. 3. ij. Corall. rubr. ppt. 3. vj. ol. dest. Cinnamom. gut. vi. olei destill. Citri 3. ʒ. ʒ. cum Syrup. rubi idæi q. s. f. Mixture.

De Electuario autem Citri solutivo mentionem facit *Joh. Schroderus in Pharmacop. Med. Chymic.* quem videre potest curiosus Lector. ut & quoque de Aceto Citrato; & quia ingreditur Citrus Acetum bezoarticum famatissimum *D. Diemerbroekij*, ideò istius Aceti descriptionem hic ponere non incongruum puto, quæ talis, est ℥. Angelic. , Carlin. , Petasid. , Helenii, Dictamni, ana 3. ʒ. Zedoar. 3. ij. herb. card. bened. , Scord. , ana 3. vj. Centaur. minor. , Rutæ, ana 3. ʒ. flor. Stœchad. , 3. ij. Semin. Card. bened. , Citri ana 3. j. baccar. Juniper. 3. iij. f. Pulv. grossus cui affunde Aceti fortissimi ʒ. v. stent simul in loco radiis solaribus exposito per quatuordecim, vel plures dies postea colentur cum forti expressione; Eidem aceto si velis, eundem pulverem adhuc semel de novo infundere poteris, tuncque erit multò efficacius; Acetum autem hoc optimum est pestis præservativum, ejus autem duo, vel tria cochlearia manè bibere oportet supermasticando frustulum panis.

Audiamus autem modò quid de essentia Citri in forma liquida, ac sicca dicat *Frider. Hoffmannus Clav. in Schroder.* Essentiam enim Citri liquidam tali modò fieri ait ℥. Malorum Citrinorum

trinorum num. 100. dividantur primi cortices à pulpa ipsa, postea remota parte spongiosa alba in partes conscinde minutissimas, ex reliqua pulpa interna acida succum exprime, quam fortissimè, & superaffunde probè cum succo mixtis invicem corticibus, adde sacchari S. Q. & per sesquimensuram digere in loco calido; postea per B. M. abstrahe spiritum fortissimum, quem seorsim asserva; Residuum exime, & cum expressione tralice primò per pannum album, deindè verò filtra debite per chartam bibulam, facta filtratione inde cucurbitæ convenienti, & abstrahe indè 3. j. cum supradicto spiritu fortissimo conjungendam, quod residui liquoris remanserit, in cucurbita supradicto spiritui permisce, & in pelicano tandiù circuletur, donec liquor ille pellucidus, & coloris citrini evaserit; tandem effundatur per lentam inclinationem quod clarum est, & usui servetur, sæces verò in fundo residentes rejiciantur.

De Essentia vero Citri sicca facienda sic scribit *citat Hoffmannus* Conficitur hæc ex corticibus Citri recentis mediante sacchari albi aspersione, quod abraditur iterum cum parte inversa cultelli in orbe stanneo, usque dum saccharum consistentiam acquirat siccam. Lac Citri tandem fit à *Sylvio de le Boe* sic ʒ. Spirit. Citri 3. j. roris 3. j. 6. m. & habebis Citri Lac. &c.

A P P E N D I X.

DUOS Citros prægnantes vidi ego Annis elapsis in quibus sectis observabantur Citri alii minores; suo tamen cortice flavo ornati uti majores; De talibus Citris prægnantibus mentionem faciunt *Clariss. D. Willichius epist. ad Thom. Bartholin. Michael Doringius ad Sennertum; Olaus Wormius in Museo suo; G. Harvæus de Animal. Generat., Thom. Bartholinus Centur. 3. Epistol. 41. pag. mihi. 153. Joh. Baptist. Ferrarius lib. 3. Hesperid. cap. 19. Cornel. Stalpartius Vander. Wicl. Observ. centur. 2. pag. mihi 476. aliique plures.*

Jos. Lanzoni Opera. Tom. I.

T t

Citrum

Notandum pariter, Citriam Arborem in Assyria solum Medique jam ortam fuisse, si *Plinio* credimus, qui verbosè de illa disserit; unde è Perside Poma Citrea in Græciam illata, indeque in Italiam; nec ut esui essent, aut mensarum usui, sed ut odoris gratia inter pretiosa reconderentur, aut vestibibus interjicerentur: *Plinii* certè ætate nondum mandebantur; nec gignebantur in Italia, refertque *Plutarchus* avorum dumtaxat memoria manducari cœpisse; Videtur autem in Italiam Arbor pervenisse paulo antè *Palladii* tempora, ubi mutato solo, ab ea quæ in Assyria nascebantur, eò recessit, ut cùm tempore Annì in Assyria fructum ferret, in Italia tantum certis temporibus poma ederet; Ex Italia postmodum in Hispaniam, Galliam, aliasque regiones propagata, atque hæc est cujus Poma propriè *Citria* dicimus; Antequam autem hæc Arbor Græciæ innotesceret, jam pridem Hesperia Arbor, quam Citrum *Plinius* antiquitus dictam esse ait, Vulgaris erat, Domibus decorandis expetita, & Vestibus odore Pomi, quod nec ipsum tum esitabatur, imbuendis; Quæ mala modo Hesperia, modo Aurea, modo Citria appellata sunt; Ex hoc ergo constare patet duplicem esse Citriam Arborem apud Auctores una parva, quæ medica vocatur, neque altè extollitur; Alia valdè ingens ac alta, qua usos fuisse veteres, ad Tabulas, Navēs &c. construendas dicam in *Cap. de usu æconom. Citri.*, & de hac Poëta sic loquitur

Ipsa ingens Arbor, faciemque simillima lauro.

Hinc aiunt multi cum *Joh. Jacob. Hoffmanno* in *Lexic. Univ.* sub Citri nomine duas diversas Arbores venire scilicet *Thya*, & Citrea, de qua modo dictum; Et quidem *Thya* peculiaris Cyrenaicæ, & Hammoniacæ Libyes arbor, juxta *Theophrastum* in Græcia nusquam visa fuit, nisi invec̃ta ex Africa; unde Romanis major, quam Græcis ejus notitia, quippe Africæ vicinioribus; quibus tamen non ex Cyrenaica, sed ex Mauritania afferebantur Mensæ citreæ, ubi, & Citrum nascebatur; Conjines certè Athlanti Mauros arborem citri ferre ipse *Plinius*

fatetur ; Unde *Atlantica munera* , vocantur Citræ *Mensæ à Martiali in lib. 14. epigram. 87. dum sic canit.*

*Accipe felices , Atlantica munera , Sylvas
Aurea qui dederit Dona , minora dabit.*

Ast suspicatur *Salmasius* , incognitum illud genus Arborum ; & Atlantis Montis peculiare , cujus *Plinius* meminit in lib. 5. ex relatione *Suetonii Paulini* qui primus Romanorum Atlantem transgressus est , tradentis Arbores esse in eo spectabilis proceritatis , & frondes habere cupressi similes , & Citri Arbores videri ; certè omnia convenire , præcipuè foliaturam cupressinam , ait *cit. Hoffmannus* , quàm cum tribuat & Cedro *Vitruvius* prorsus videtur Cedrum , & Citrum confundere , quemadmodum faciunt alii multi.

Tantæ autem , & talis præstantiæ Citria Arbor semper fuit , ut hanc eligere ad sanctam construendam Crucem , non dedignatus sit *Christus Dominus noster* ; quod optimè ostendit *P. Valderama in suo Quadragesimali* ; dum innixus Authoritatibus *Bedæ* , ac *Bellarmini* , ait , S. Crucem constituentia ligna hæc quatuor fuisse scilicet Cedrum , Palmam , Cupressum , ac Oleam ; hinc in *Theatro Vitæ humanæ ad liter. C.* legitur *Ligna Crucis* , Palma , Cedrus , Cupressus , & Oliva ; hocque confirmat *Gloss. in Clem. p. de summa Trinitate* , & in verbo *Cruci* ; Atque hinc est quod Sancta Ecclesia nostra canit de Cruce loquendo. *Super omnia ligna Cedrorum tu sola excelsior &c.* de qua res plura apud *Origenem* , & *Jacob. Pintium de Crucif.*

Divus Augustinus , monente *Leonard. Mario comment. in Sac. script.* agnoscit pro materia Navis Noeticæ ligna cedrina ; quin , sacram Testamenti veteris Arcam ex lignis *Setim* hoc est Cedri fuisse constructam , ait *Amon. Corius concord. in Genes. cap. 7. & Hoffmannus in lexico. Universal. ad litter. A.*

Salomonem ornasse Altare cedro colligitur , ex *lib. 3. Regum cap. 6.*

Nivem super Cedro non durare asserit *Theophrastus* ; item neque hyemem sentire , nec amittere folia scribit *Vitruvius.*

Resinam

Resinam spontè è cedro manare, liquidam primò, mox in grumos concrecentem solis fervore aiunt Botanici omnes; hincque jam Deorum statuae visæ sunt aliquandò sudasse, ut monet *Theophrastus Histor. Plantar. lib. 5.*

Scobe Cedri fugantur Serpentes, quo fine solebant.

. odoratam stabulis accendere cedrum,
Galbanoque agitare graves nidore chelydros;
Quin, & odorata nocturna in lumina cedri, urebantur.

Cùm autem Cedrus rectissimo sit caudice, ac meatum venarum habeat simplicem, & in obliquum, facilè vulnus in cacumine ad radicem pervenit; sic palmæ quoque cerebro vulnerato pereunt, in quo vis vitalis & germinatrix est sita; ita monente *Theophrasto lib. 5. cap. 23. &c.*

Serpentes fugare Cedrum habetur ex *Beda de templo Salomon.* ac ob suam celsitudinem principem notare colligitur ex *comment. S. Hieronymi tom. 4. lib. 14.* hinc cedrum virum iustum significare demonstrat *Petr. Bercorius in suo Reductor. moral.*

Narrat *Plinius lib. 16. histor. nat.* fuisse suo tempore Uticæ in Apollinis templo trabes cedrinæ incorruptas tantæ vetustatis, ut inter earum collocationem, & ipsius Plinii ætatem millecentum, & octoginta Anni interfluxissent.

Cedrum tradunt solertiores naturalium rerum indagatores, fervidioris nonnunquam solis radiis percussam, inclinatis sublimiorum ramorum verticibus impalescere solitam, & arefcentibus præ humoris inopia frondibus parùm sæpius abesse ab interitu, nisi industris invigilantis custodis manus, cum non multis frumenti granis accedat, eam prope, sub aridas arboris radices diffeminet, ex quo fit, ut paucis supervenientibus nocturni roris guttulis reviviscat; ut docet *Jo. Bapt. Hovatus de Eminentia Virginis tom. 1. cap. 17. &c.*





Dianæ tandem simulachrum in magno Ephefi templo existens ex eo fuisse constructum ait *Ruellius*; De similibus autem eruditus Cedri observationibus plura dicam in capit. ultimo Secundæ Partis.

Finis Primæ Partis.

PARS SECUNDA.

CAPUT PRIMUM.

De usu Citri in Affectibus Capitis.

 D curiosè exornandam citri nostri descriptionem ;
 A juxta methodum Illustriss. Academiae Curioforum
 incedendo ; necesse est , ut delibatis Citri Descrip-
 tione , Differentiis , virtutibus , ac præparationi-
 bus , descendamus in specie ad morbos profligandos usu Mali
 medici , vel medicinis , malo isto imbutis , ab Authoribus
 Classicis sumptis , vel ex observationibus captis ; quod brevif-
 sime dabimus sequentibus paginis ; Et sanè si Citrum respi-
 ciamus ; videbimus , ipsum capitis affectus fugare , ac summam
 Palladis Arcem à morbis tutam defendere ; Ad capitis enim Gra-
 vedinem tollendam Citrum commendavit *Fel. Platerus in observ.*
lib. 2. dum sequens præscripsit medicamentum in forma Elec-
 tuarii alternis diebus manè sumendum in quantitate moderata ;
℞. Cort. Citri condit. zinziber. condit. , ana ʒ. β. pulv. rosar. no-
vel. pliris Arcon. ana ʒ. β. Cinnamon. ʒ. ij. Conserv. Majoran.
flor. stœchados , ana. ʒ. j. β. rosar. ʒ. j. Anthos ʒ. vj. m. cum
Syr. de Betonica. Fiat Electuarium.

Ad frigidam Cerebri intemperiem fugandam , sequens pa-
 rat remedium *River. Prax. lib. 1. cap. 1. ℞. Cortic. Citri conditi,*
Conserv. radic. Acori ana ʒ. j. Conf. flor. Salviæ , Anthos ,
ana ʒ. vi. nucis Mosch. condit. ʒ. β. mirabolan. condit. num. 1.
Theriac. veter. , conf. Alcherm. ana. ʒ. iij. pulv. elect. Diambræ,
& diamoschi dulcis ana. ʒ. j. m. cum Syr. Cortic. Citri fiat o-
piata de qua Ager capiat ad magnitudinem castaneæ manè dua-
bus

bus horis antè pastum superbibendo parum vini generosi-

In vigiliis *Sennertus* citrum laudat, dùm sequens exhibet medicamen; ℞ spec. diamb. ʒ. ij. Diamosch. dulc. ʒ. β. succini albi ʒ. j. Ambræ Grif. gr. iij. m. cum Syr. de Cortic. Citri f. Pilulæ num. 24. & capiantur tres hora somni.

Sequens Electuarium à *Reiner. Solenandro consil. 13. sect. 2.* commendatur contra paralyfim, ℞. Conserv. flor. Anthos ʒ. j. β. Conf. flor. buglof. ʒ. j. Cortic. Citri condit. Zinzib in India condit. ana. ʒ. j. radic. Cichor. condit, ʒ. x. semin. erucæ, piper. long., ana ʒ. β. spec. diamb. ʒ. j. β. m. cum syr. conservatarum nucum myristicarum, f. Elect. S. A.

Contra Vertiginem morulos hos præscribit *Sennertus Prax. lib. 1. part. 2. cap. 4.* ℞. sacchar. ros. tabul. in Aqu. Scorzonæræ dissolut. ʒ. iv. radic. pæon. Ireos, Scorzoner. ana ʒ. β. Doronici ʒ. i. spec. dianthos, aromatic. ros. diatrion. Santal. ana ʒ. j. Extracti Pœoniæ gr. x. olei nuc. mosch., macis, ana gutt. iv. olei Cortic. Citri fœnicul. ana. gutt. ij. f. morsuli S. A.

Ad Epilepsiam fugandam commendat hunc pulverem *Forestus obs. 61. lib. 10.* cum jure pulli ad ʒ. j. sæpe in aurora fumendum ℞. Sem. Pœoniæ, pulv. Cran. human. ana. ʒ. iij. Caryophyllor., nucis mochat., Sem. Citri, ana. ʒ. j. m. f. Pulvis usui servandus, Mihi etiam placet illud *Joëlis* remedium quod *Grulingius* quoque in *Prax. lib. 1.* integrum transcribit, & est hoc, ℞. Conserv. Betonic. Salviæ, Anthos, ana ʒ. j. rad. cichor. cond., Cortic. Citri Condit. & minutè concis. ana. ʒ. β. Spec. diamosch., Diamb. ana. ʒ. j. β. pulv. visci querc., ciner. Cucul. avis, cran. homin., corall. rubr. ppt. ana. ʒ. j. sem. pœoniæ ʒ. j. β. ol. Cinnamon. ʒ. β. m. & cum s. q. Syr. de Cichor. f. Elect. S. A. & Dosis sit quantitatis semi-juglandis jejuno Stomacho.

In Apoplexia levi tamen, nam in forti nullum esse potest remedium dum *Hippocrates in Aphor.* ait Apoplexiam fortem solvere esse impossibile, levem verò non facile; In apoplexia inquam levi, magnum potest ferre juvamen Aqua Apoplectica, *Sigismondi Kolreuteri*, quæ sequens est ℞. nuc. moscat., Caryophyllor., macis, Zinzib., Zedoar., galang. major. & min., piperis

piperis albi, nigri, & longi, Cinnamom., Calam. Aromatic., Cyper., gran. paradisi Cardamomi, Cubeb., Castor., Sem. carvi, fœnicul., Anis., *Cortic. Citri*, Limon., Aurantior., ana. ʒ. iij. Thuris, Myrrhæ, Mastic., aloës hepat. ana. ʒ. ij. Spic. Ind. Celtic radic. Gentian., eryng., ireos, pæon. pyrethri, ligni visci querc., corylin. ana. ʒ. β. fol. Chamædryi, Cam. epit. Salviæ, rorismarin., majoran. ana. m. β. Euphrasiæ m. ij. puleg. menthæ, hyssop., artemisiæ, origan. serpil. (helidon. ana. m. β. baccar. Juniper. m. j. flor. Sambuc., Violar., Lavendulæ, tilia, rosar. rubr., pæoniæ, primulæ veris, ana. pug. ij. fol. betonic. m. j. Aneti. m. β. Dactylor. amygdalar. dulc. ana. ʒ. β. Croc. ʒ. j. Concis. ac conquassat. superinfund. Vini albi generos., spiritus Vini optim. ana. cyathos ij. β. Rectè obturato vase ponatur per integrum Mensem ad solem æstivum, vel propè fornacem tempore hyemali, singulis diebus bis, vel ter agitando, ac postmodum fiat Destillatio.

In Phrenitide sequens *Sennerti* remedium mihi placet, quod nostro exornatur citro, ʒ. pulp. tamarind. ʒ. ij. radic. Cichor. fativ. condit. ʒ. β. lactucæ. condit., *pulpæ Citri condit.* ana. ʒ. iij. Conserv. flor. nymphææ, rosar., buglossæ ana. ʒ. v. Acetofell. ʒ. β. spec. diamarg. frigid. ʒ. β. fragment. lapid. pretios. ana. ʒ. j. Coral. rubr. ppt. ʒ. j. m. cum Syrup. conservativo *Citri*, q. s. f. Condit. S. A.

A Clariss. *Laz. Riverio* in Mania, sequenti in remedio laudatur Citrum ʒ. Lapid lazuli ʒ. j. β. turbith. ʒ. j. diagryd. ʒ. β. Sennæ ʒ. β. Epithymi cremor. tartar., ana ʒ. ij. Cinnamom., *Cortic. Citri* ana. ʒ. j. croci ʒ. β. f. Pulvis, cujus Dosis erit ʒ. j. cum jusculo, vel liquore appropriato.

Ego jussè affirmare possum, unum Rever. Monachum, & unum Civem Ferrariensem à sævo dolore Capitis liberasse sola exhibitione *Conf. ex acredine Citri* ad ʒ. j. hoc autem ad plures dies, mane jejuno stomacho.

Melancholiam sanare sequens remedium scribit *Sennertus in Praxi* ʒ. Condit. flor. Citri, aurantior. ana. ʒ. ij. nuc. indic. ʒ. iij. *Cortic. Citri*. ʒ. β. Conserv. flor. nymphææ, rosar., Viol. ana. ʒ. j. borag. bugloss. ana. ʒ. β. flor. lavendul., Anthos, ana. ʒ. j. spec.

spec. Elect. de Gemmis 3. 6. diamosch. 3. j. Confect. Alchem. 3. 6. tinetur. Corall. rubr. 3. j. Essentiæ Cinnamon 3. j. m. cum Syr. de Cortic. Citri q. s. f. Conditum; cujus sit quantitas nucis Moschatæ. Tabulæ quoquæ sequentes à *Willisio* paratæ contra Melancholiam mihi placent. ʒ. Pulv. Margar., Eboris. Corall. ppt. ana. 3. ij. Spec. lætiic. diarrhodon abbat. ana. 3. ij. olei è Corticib. Citri 3. 6. sacchar. alb. solut. & ad tabul. cocti in q. s. aqu. melissæ f. S. A. Tabulæ ponderis 3. j. quarum capiat æger duas vel tres mane hora 9. & 5, pomeridiana superbibendo Haustum, aqu. destill. appropriat.

Hebræum quendam à profundo somno liberasse *Excell. D. Jo. Baptistam Justinum Preceptorem meum amatissimum*, dum viveret observavi solo odore Balsami Citri, nec non exhibitione nonnullarum guttularum ejusdem in jussulo.

In Consultationibus *Clariss. Joh. Fortis tom. 2.* me legisse recorder pro catharro optimum sequens esse remedium, nempe Julap. acet. ad uncias iij. Cortic. Citri aromatiz. quinque, aut sex diebus exhibendum, præcesso tamen medicamento lenitivo, ut Cassia, vel Manna &c.

Convulsionem tollere sequens remedium Citro exornatum scribit *Sennert. in Pract. lib. 1. part. 2. cap. 28. ʒ.* Conserv. Pæoniæ, Anthos, ana ʒ. j. Majoran., Betonic., ana ʒ. 6. primulæ Veris 3. iij. buglossæ 3. ii. pulv. Sem. Card. bened. fœnicul. ana. 3. i., radic. Pæoniæ 3. iv. nucis moschat cond. 3. 6. Cortic. Citri cond. Zinziber. cond., ana. 3. vi. Galangæ cond. calami aromat. ana. 3. i. 6. Cinnamom. 3. 6. incisus incidendis m. cum Syrup. Pæoniæ f. S. A. Electuarium per Vices sumendum.

Imbecillitatem pariter principum functionum corrigit, & præcipuè ad reparandam memoriam facit monente citato *Sennerto* sequens Aqua quam Fructus noster ingreditur, & condecorat. ʒ. Cinnamom. ʒ. 6. Zinziber. 3. ij. Santal. omnium ana. 3. iij. pul. Caryophyl., galangæ, nucis moschat. ana. 3. iv. macis; cubebæ ana. 3. 6. cardamom. 3. j. 6. Zedoariæ, semin. Nigellæ ana. ʒ. j. 6. Anisi, fœniculi, pastinac., sylvestr. ocymi, rad. angelic., Caryophylat. glycyrrhiz. Calam. aromat., Valerianæ min. fol. sclæræ, calamint. puleg., Menthæ, Serpill. Majoran.

Jos. Lanzoni Opera. Tom. I.

V v ana

ana 3. i. flor. rosar. rubr., Salviæ, Betonic., Anthos, Stœchad. bugloss. borragin. ana. 3. ii. *Cortic. citri* 3 i. 6. spec. diamb. 3. iii. aromat. ros., diamosc. dulc., Diarrhodon. ana. 3. ii. Terenda terantur, & infundantur t̄b vi. aqu. Vitæ: sinantur in vase vitreo per 15. dies stare, occluso subinde vasis osculo; Deinde destillentur per alembicum in B. M. arctè occlusis commissuris; In aqu. stillat ponantur santal. tesseratim incis. 3 i. ambrae, mosch. in pet. lig., ana. gr. iv. julep. rosat clariss. t̄b. 6. stent-que ita per 15. dies, postea aqua separetur.

Salvationem quoque tollere Citrum docet *Rolsincius Consult. pag. 659.* dum sequentes morculos præscribit. ʒ. Conser. acetos. hispan., rosar. vitriolatae; oxalydis minor., ana 3. i. & *toto Citro* ʒ. vi pulp. aurantior. cond., *Citri cond.* ana. 3. iii. berber. cond., ribium cond., ana. 3. v. spec. diatragacanth. frigid, ocul. Cancr. ppt. ana. ʒ. j. *Syrup. acerositatis Citri*, Cydoniorum, ana. 3. 6. Conscindantur conscindenda, & misc. S. A. cum Sacchar. rosat in aq. Cydonior. & acetos. q. s. soluti 3. viij. & F. S. A. Morfuli pondere 3. 6.

CAPUT II.

De Usu Citri in affectibus Thoracis.

NON tantum ad affectiones capitis tollendas, verum etiam ad medii Ventris, Cordis nimirum arcis expellendos morbos citrata facere medicamenta observavi ex auctorum Practicorum monumentis; & ad nostram exornandam Citrologiam sequentia remedia collegimus, quæ à Doctoribus laudantur ad profligandos pulmonum, Cordis aliarumque partium thoracis affectus; nam primò præstare Citrum in Angina colligitur ex *Diemerbroekio in Disput. Medic. Thorac. histor. 5.* dum in angina sequens præscribitur Gargarisma. ʒ. Glyzyrrhizæ ras. 3. iij. rapas duas mediocr. magnitud. herbæ Scabiosæ, Viol., Malv., Mercurial, Betæ, ana. m. i. flor. Camomil., rosar. pallidar., ana. m. 6. *Cortic. Citri* 3. 6. aquæ q. s. coqu. S. A. ad libitum; Adde

Adde colaturæ Syrup. dianuc. ʒ. ii. Diamor: ʒ. i. Mellis rosac. ʒ. β. m. f. Gargarisma.

In Asthmate commendat *Sennertus* sequens remedium quod Fructus noster ingreditur, nempe. ʒ. Radic. Irid. Florent., Helenii, ana. ʒ. β. pulpæ dactylor., passul. mund. ana. ʒ. iii. Cortic. siccor. Citri, Aurantior. ana. ʒ. ii. benzoës ʒ. i. croci ʒ. β. Infunde bidui spatio in spiritu Vini optimè rectificato; postea liquor per inclinationem separetur, cui adde Sacchar. cand. pulv. q. s. Spirit. Vini accende, & liquorem continuo agita, donec Flamma spontè extincta liquor olei ferè consistentiam acquirat, cui adde ol. Sulphuris q. s. ad gratam aciditatem. Pleuritidi, ac Peripneumonix, quoque succurrit citri virtus, si *Pompeio Sacco* credamus, qui in *Consult.* 31. sequentia præscribit in affectibus dictis modò remedia; ʒ. Ocul. Cancr. ppt, Mandibul. Lucii ppt. ana. ʒ. i. β. Antimon. diaphoret. gr. xv. m. cum aquæ papav. errat. & *Totius Citri* ana. ʒ. i.

In syncope, viriumque languore *Etmullerus* sequens commendat medicamen. ʒ. aqu. Rub. Idæi ʒ. iii. acet. theriacal. ʒ. iii. Spirit. Citri ʒ. iii. Syr. rub. idæi ʒ. β. misce.

Cordis palpitationem sequens tollere remedium citro imbutum ait *Isbrand. Diemerbroeck* in *sua Prax.* ʒ. Cortic. Citri, baccar. Juniper. ana. ʒ. v. radic. helenii, fœnicul. ana. ʒ. i. Cappar., tamarisc. ana. ʒ. β. herb. Chamædryos, cuscute, fumarix, borragin, cardiacæ, trifolii palust. ana. m. i. melissæ m. ii. sem. fœnicul. ʒ. iii. passular. corinth. ʒ. ii. Aqu. & Vini ana. p. æq. Coq. S. A. & f. apozema ad it. i. β.

Optimum esse Citri nostri usum in Pulmonum hydropse ait *Pomp. Saccus* in *Consult. suis pag.* 113. dum sequentia laudat. ʒ. pulv. Viperin. ʒ. i. pulv. Cachetic. Quercet. sine saccharo ʒ. i. Trochisc. Gal. mosc. gr. viij. m. superbibendo Decoct. in Jure; vel aqua Absint., ligni sassafras ʒ. β. Calam. aromat, macis ana. ʒ. β. lign. Aloës ʒ. i. superaddendo Elixir. vitæ gutt. viij. Syrup. de Cortic. Citri ʒ. β.

Ego sequenti aqua Sacerdotem Annorum 40. liberavi ab Hæmoptoe in Phthisim jam jam delabente, quam aquam C trus

condecorat. ℥. Carnis Vituli ℥. vi. Aq. commun. ℥. xii. bul. ad tertia. part. consumptionem; adde in fine Fol. farfar., Pulmonar., Betonic, ana. m. β. Cortic. Citri ℥. i. β. radic. liquirit. raf. ℥. i. Pinearum ℥. ii. β. facta leni ebullitione destilla in B. M.

Ad Tussim fugandam, citrum etiam concurrere colligitur ex *Dionis. Fontaneno lib. de morb. curat. pag. 158.* dum sequenti pulvere caput conspergendum esse ægroti monet, cum lectum ingredi velit. ℥. Cortic. citri sec. 3. iii. Santali Citrini, bacchar. myrthi, Cyper. Caryophylor. ana. 3. i. β. Stirac. calamit. 3. iv. coriandr. ppt. Cocci infector. ana. 3. i. β. rosar. rubr. 3. i. f. pulvis, quo æger, ut dictum est utatur: hinc Citrum tussim sanare ait *Plinius lib. 24. cap. 5. &c.*

CAPUT III.

De Ufu Citri in Affectionibus Abdominis

NE putes velim *Leff. B.* ad morbos capitis, ac Thoracis tantummodo fugandos citrum facere; ad affectus enim Abdominis etiam valere collegi à multis Practicorum remediis; hinc contra Cardialgiam præstare Citrum habui à *Rolfincio*, qui in suo ord. ac method. Med. spec. Consult. pag. mihi 627. sequens, commendat remedium. ℥. Aqu. Cichor. ℥. iii. Syrup. Viol. Solut., ℥. 8. pulv. Cholagog. Quercet. 3. i. Spirit. citri gutt. iv. m. f. Pot.

In Singultu *Riverius* laudat Citrum in sequenti medicamine ℥. Cerat. santal. & Ungu. rosac. ana. ℥. i. mastic. ℥. β. Cortic. citri, Carn. Cydonior. ana. 3. i. cum succo semperviv. & pauca Terebinthina fiant emplastra duo, quorum alterum antèriùs; alterum postèriùs stomachi sedi applicetur.

Vomitum sedare Fructum nostrum, ait *Paul. Barbetta in Prax.* dum sequens emplastrum stomacho imponendum præscribit. ℥. spec. aromat. rosat., mastic. elect. ol. nucis express. ana.

ana ʒ. iiii. macis stillatit. *Citri* ana. ʒ. ʒ. Gummi. Caran. q. s. m. f. emplastrum efficax etiam dicitur ab *Hesmenno*, & *Iuca Tozzio viro Doctiss. ac Patrono*, & *Amico meo magno*, Sal Absinthii ad ʒ. i. cum Succ.¹ *mali citri recent.* ʒ. ʒ. quod remedium pluries feliciter expertus fui, in praxi facienda.

A *Platero*, & *Rolfincio* sequens commendatur Clyster; In Cholera ex quo patet Citrum nostrum ad Cholerae curam concurrere; ʒ. radic. Lilior. alb. exsiccat ʒ. ii. Altheae ʒ. iiii. herbae Malvæ, Betonic. ana. m. i. flor. Chamomillæ, melilot., fursuris, ana. m. ʒ. Semin. fœnu Græci, ʒ. ii. *citri* ʒ. iv. Sennæ ʒ. ʒ. f. Decoct. Colaturæ ʒb. i. adde Mell. rosat. ʒ. i. olei Chamomill. ʒ. i. benedict. laxativ. ʒ. iv. Succ. betæ ʒ. i. m. fiat Clyster.

Lienteriam curari designat *Sennertus in Prax.* à sequ. Eleetuario à Citro condecorato; ʒ. Conserv. rosar. antiq. ʒ. i. Diacydon. cum specieb. *Cortic. citri cond.* ana. ʒ. ii. spec. aromat. rosat. ʒ. i. diarrhodon abbat., trochisc., de spodio, de Charabb. Corall. rubr. ppt. ana. ʒ. ʒ. Tunicæ internæ stomachi Gallinæ ppt. ʒ. i. m. & cum Syrup. myrth. & de Mentha f. elect. S. A.

A Dysenteria posse liberari asserit *Rolfincius in Consult.* ope Citri, quem in sequenti laudat remedio. ʒ. Conserv. rosar. vet. ʒ. iiii. Cond. cydonior. ʒ. ii. *Cortic. citri*, & aurantior. ana. ʒ. i. croci mart. adstringent ʒ. ii. Corall., perlar. ppt. ana ʒ. i. Ol. Cerae ʒ. ʒ. Syr. Cydonior q. s. m. Fiat elect. S. A.

Liquorem sequentem ideoque Citrum commendat *Sennertus in Diarrhæa* ʒ. Vini Granator. acidor. ʒ. i. Succ. Citri ʒ. ʒ. Julep. rosat. ʒ. j. Aqu. Plantagin. tormentill., Caudæ equin. ana. ʒ. iv. m.

Me legissè recordor apud *Thom. Willisum*, Citrum nostrum conferre ad curam Colicæ passionis, dum ab ipso sequens commendatur remedium. ʒ. Conservæ Caryophyllor. ʒ. i. Confect. de hiacinth., Alchermes ana. ʒ. ii. margar. pulv. ʒ. i. ʒ. Syrup. è succo Citri q. s. f. Confect. & detur quant. nucis moschatæ ter in die.

Militem sanatum vidi ab iliaca Passione sequenti Emulsio² ne ꝯ. Hordei mundat. ad crepat. coct. ꝯ. i. ꝯ. amygdal. dulc. sem. papav. albi ana ꝯ. ix. aqu. decoct. hord. ꝯ. xv. ꝯ. emulsio , cui adde Syrup. Acet. citri ꝯ. ꝯ. Aquæ fœniculi , totius Citri ana ꝯ. i. m. hæc autem sumebatur ad plures dies.

Lumbricos fugare scribit *Sennertus in Prax.* sequens remedium citro imbutum ꝯ. Pomum Citrium parvum , excava tantam partem quæ capiat Theriacæ ꝯ. ii. aloes ꝯ. i. croci gr. vi. Assa pomum , & succum exprime , quo regio Ventriculi , & umbilicus inungantur.

In obstructione tam hepatis , quam lienis optimum esse Citrum ait *Riverius* , sequens laudando præsidium ꝯ. Confer. flor. tamarisci , Capill. Ven. , ana. ꝯ. i. ꝯ. Conf. radic. enulæ camp. ꝯ. vi. Chalyb. ppt. cum sulphure vel aceto ꝯ. iii. Sal. tamarisc. ꝯ. ii. Spirit. vitrioli ꝯ. ꝯ. cum Syrup. conditura citri , fiat opiata de qua capiat ꝯ. ii. aut iii. singulis diebus.

Citrum ad hydropis curam conducere monet *P. Barbesta* , & cum eo *Frideric. Deckers* not. in dictum *Barbest.* sequens præscribendo remedium ꝯ. rad. ireos nostrat. , petrosel. , Enul. Campan. , ana. ꝯ. iii. Cortic. med. sambuci , fol. Eupator. cannabin. , ana. m. i. Soldanell. m. ꝯ. bacc. junip. ꝯ. i. Semin. Fœnicul. dulcis , Cinnamom. acut. Cortic. citri ana. ꝯ. j. ꝯ. concisa , & contusa insuantur sacculo , & cum pint. iv. vini renani per quadriduum infunde ; hujus ter de die ad ꝯ. iii. instillatis Spirit. Sal Amomiæ. gutt. vi. assumere debet Hydropicus sanandus.

Ictericam flavam , & nigram quoque fugare Citrum in sequenti assumptum medicamine ait *Pomp. Saccus in Consiliis.* ꝯ. Extraet. Cortic. tamarisc. , Succ. Absint. condensat. ana. ꝯ. i. Salis Absinthii imbibit. Spirit. Vitriol. dulcific. ꝯ. ꝯ. bezoart. mineral. gr. viij. Croci Mart. gr. x. Spir. fuligin vel C. C. gut. v. cl. citri gut. ij. misce.

Contra dolorem nephriticum *Frid. Deckers* comm. in *P. Barbet.* laudat Citrum in sequenti remedio. ꝯ. Aqu. menthæ , Cortic. citri ana. ꝯ. i. ꝯ. aqu. Vitæ Matth. ꝯ. i. Laudan. opiat. gr. iii. sperm. Ceti ꝯ. ꝯ. ol. cortic. aurantior , macis stillat. ana. gutt.

gutt. iii. Spirit. nitri dulc. gut. xv. Syrup. fœnic. ꝯ. j. m.

Sequentem Emulsionem à nostro fructu condecoratam in Curatione Stranguriæ laudat *Cl. Volfang. Hoeferus in Medic. familiar. pag. 47.* ꝯ. Aqu. saxifrag., Cichor. Petros. ana ꝯ. iii. fœnicul. ꝯ. i. Semin. 4. frigid. major., petroselini, citri. ana. ꝯ. j. Amygdal. dulcium ꝯ. iv. m. f. emuls. cui adde ocul. Cancr. ꝯ. i. Spec. Lithonript. ꝯ. ij. Syrup. de iv. rad. ꝯ. i. ꝯ. manus Christi Simpl. q. s. m. fiat mixtura ad Vitrum.

Calculos frangere, expellere, ac ab eis præservare docet *P. Saccus l. c.* Citri virtutem, dum in sequenti medicamine usurpetur; ꝯ. Aq. Absint. ꝯ. iij. ꝯ. Cremor. tartar. 3 ij. rad. Ari subt. pulv. 3. i. Syr. de Corticib. Citri. ꝯ. i. ꝯ. m.

Spiritus sequens antiscorbuticus à Citro nobilitatus valdè commendatur in Scorbuti Cura à *Frid. Deckers loc. sup. cit.* ꝯ. Cortic. Fraxini. Rad. tamarisci, rad. Fraxinellæ, rad. Capparis ana. ꝯ. j. ꝯ. Polypodii quercini, ꝯ. ij. raphani Sylvest. ꝯ. iij. Herb. Cochlear. m. iv. nastrut. hyemal., beccabung., Acetos. Scolopendr. ana. m. iii. baccar. Lauri, Juniperi, ana 3 vj. Sumimitat. Centaur. minor., pug. iv. Stercor. anseris, ꝯ. i. Semin. Citri, Sinapi, Card. bened., ana ꝯ. 6. Caryophyllorum, Zinziberis, Cinnamomi, nucis moschat. ana. 3. iij. Concisa, ac contusa digerantur in arena tepida cum Vin. Gallic. ꝯ. viii. & Spirit. Vini ꝯ. iii. per triduum postea destil. ex arena per alembicum.

Prò Cachexia sequentem Sacculum format. *Volf. Hoferus in Append. ad Hercul. Medic. consil. v.* ꝯ. Cortic. Citri, radic. Cichor. recent., ana 3. ij. Calami arom. ꝯ. iii. flor. rorismar., pug. i. comar. card. bened. Centaur. min. Absint. ana. pug. ij. m. incis. & contus. f. Sacculus cum Seric. alb. &c.

Hæmorrhoidalem fluxum, atque Dolorem in muliere quadam quadragenaria fugavi hujus Unguenti applicatione ꝯ. Ungu. de linar. ꝯ. j. Adip. ranar. ꝯ. 6. ol. ovor. ꝯ. iv. ol. citri 3 j. m. intingatur lintecolum, & aponatur calidum loco dolenti.

Morsulos sequentes in melancholia hypochondriaca laudat *Clar. Rolsincius in ord. ac meth. medic. spec. pag. 115.* adeòque Citrum

Citrum extollit. ℞. *Cortic. citri conditor.*, aurantior. nucis moschat. in India cond., ana. ʒ. ij. Cinnamomi elect. nucis moschat., caryophyllor. ana. ʒ. i. macis, Ligni aloes, santal. Citrin. ana. ʒ. ʒ. Spec. diamb. diarrhodon. abbat. ana. ʒ. j. trochisc. de Eupator. absint. ana. ʒ. ʒ. Conserv. anthos ʒ. j. Sacchari albi in aq. ros. & Cinnamom. solut. ℥. i. Olei Caryophyllorum, gr. ii. m. f. morfuli S. A.

Ad alvi obstructionem tollendam sequens præscribit remedium Cl. Hoef. in *medicat. familiar.* pag. 241. ℞. Syrup. acetos Citri, Corallor. rub. Idæi, flor. tunic., ana. ʒ. vi. Aq. Ceraf. nigr., e *Cortic. citri*, ana, ʒ. ii. ʒ. rosar. ʒ. ʒ. Spirit. Salis q. s. ad suavem acorem M.

Tenesmum curare Syrupum sequentem ait *Fentanonus de Cur. morb. lib. 3.* ℞. Syrup. de acetositate Citri, de succo oxalidis, de Ribes. ana. ʒ. i. ʒ. liquor. stillat. nymphææ, intyb. sativ. latior., oxalidis, ana. ʒ. iiij. m. f. Julap. depuratum, & add. Santalor. Citrinor. ʒ. ii. ut fragrantius reddatur.

C A P U T I V.

De Usu Citri in Morbis Mulierum.

AD particulares Fœminarum morbos curandos Citrum concurrere docent Præticorum multi, ut in sequentibus patet. Fœdum enim Virginum Colorem citrium malum fugare monet *Sennertus Pract. lib. 4.* dum sequentem præscribit potionem ℞. Radic. aperient. ʒ. i. rub. tinctor., eryng. ireos, agrimon. *Cortic. citri siccor.* Salsæ paril. ana. ʒ. ʒ. Artemis., agrimon. Chamædryos ana. m. i. Sabinæ pug. ii. Semin. Cartham. excor. ʒ. i. fol. fennæ elect. ʒ. ii. mechoacan. Agaric. elect. ana. ʒ. ʒ. flor. itœchad. Arabic. pug. ii. Sem. fœniculi, Anisi, Galangæ ana, ʒ. ii. Coque ad remanent. ℥. j. ʒ. edulcoret. sacchar. f. Pot. clarificata, & aromatiz. aq. Cinnamom ʒ. iii.

Contra

Contra mensium suppressionem Citrum valere docet *Frid. Deckers not. ad Barbet.* in sequenti remedio.

℞. Aloës lucid. ʒ. ss. Myrrh. rubr. Gumm. sagapen. acet. scillit. solut. ana. ʒ. i. ss. Sal. Ammoniac., extract. ellebor. nigri, Radic. Gentian. ana. ʒ. i. Croci, tartar. vitriol. ana ʒ. ss. ol. Stillatit Macis, Cortic. citri, ana. gut. iij. cum Elixir. Propriet. Paracelci q. s. f. massa Pilularis, & Dosis sit à ʒ. i. ad. ij.

Ad fluorem album, curandum citrum conducere, judicat *Fontanonus*, dum sequens laudat Electuarium. ℞. pulv. Trypheræ magnæ s. o. pulv. diamb. , pulv. pleres cum moscho; pulv. diasatyron. ana. ʒ. iij. Scobis Eburneæ, semin. Linozostidos ana. ʒ. li. semin. Anisi, ammeos, Cortic. Libani; ana. ʒ. ss. Spicæ nardi ʒ. ij. sacchari dissolut. in aq. stillat. mellisophyl. q. s. adjectis Cortic. citri sacchar. condit. conserv. flor. ro. rismar. ana. ʒ. ss. F. Elect. S. A.

Ad Catameniorum nimium fluxum cohibendum juvare Fructum nostrum asserit *Clariff. Hoefexus in Medic. familiar. pag. 192.* dum sequens laudat remedium ℞. Conserv. citri, ʒ. i. ss. rosar. veter. ʒ. iij. boli armen. ppt. ʒ. ix. nucis moschat. incis., C.C. ppt. Croci Martis, ana. ʒ. iv. cum Syrup. de papav. m. f. opiata involv. fol. Auri.

In furore Uterino optimum esse citrum narravit mihi *Excellentiss. Joh. Baptista Justinus*, dum viveret Præceptor meus dilectissimus; nam jurabat ipse Adolescentulam filiam cujusdam Pictoris Annor. 17. se curasse à furore Uterino sequenti remedio ℞. summitat. Viticis, folior. lactucæ, salicis, flor. Viol., nymphææ ana. m. i. Cortic. citri sic. ʒ. j. coq. f. Potio in aqu. Lactuc. quæ aromatizet. sem. coriandror. & dulcoretur saccharo; cui sub fine adde Camphoræ ʒ. j.

Ad abortum præcavendum sequens laudatur remedium à *Sennerto* ℞. Conf. ros. ʒ. ij. Salvæ, ʒ. i. Cortic. citri cond. ʒ. vi. mirobolan. chebul. cond., pulp. daetyl. ana. ʒ. ʒ. margar. pp. ʒ. j. magister. Corall. ʒ. j. cum Syr. Cydonior. f. Electuarium S. A.

Uteri procidentiam curavit *Dominus Hippolytus à Monetis* Fautor meus honorandus spongia sequenti humore imbuta, & imposita
Jos. Lanzoni Opera. Tom. I. X x

posita loco affecto ; ꝯ. Herb. plantag., equiseti, ana, m. iv. flor chamomil. m. ii. ros. rubr. m. i. Cortic. citri siccar. ꝯ. ij. m. incis. & coqu. cum dimidia parte Vini, & aquæ.

Passionem hysterica[m] fugavit *Claudinus Empiric. Rational. lib. 4.* sequenti linimento ꝯ. olei Jasmini, Flor. citri ana. ꝯ. i. benz. ꝯ. β. moschi gr. iij. Ambre. gr. ij. m. pro linimento. Et ego epilepsiam uterinam in Conventu S. Margaritæ Urbis nostræ multarum adolescentularum curavi sequenti bolo ꝯ. pulv. Castor. gr. vij. Sal. Artemis ꝯ. ꝯ. Spirit. citri gut. v. conserv. borrag. q. s. m. f. Bol. aur.

In malacia, & pica Gravidarum Citrum nostrum laudat *Jo. Dolæus in Encyclop. med.* dum sequens præscribit Cataplasma ꝯ. Cortic. citri Acaciæ, Calam. arom. ana. ꝯ. β. fol. melissæ m. ii, coque. in Vino contus. add. ol. nardin. Masticin. ana. part. æqual. cum mica panis surfurac. f. Cataplasma, quod Ventriculo calidè imponatur.

Ad Gravidarum vomitum sedandum Citri potentia se extendit ut monet *Claudinus loc. sup. cit.* sequens dum laudat præsidium ꝯ. Anisor. Cortic. citri, Cinnamom. ana. ꝯ. j. β. Rosar. rubr. Coral. margar. ppt. elect. de Gemmis ana. ꝯ. i. m. & cum saccharo dissolut. in aqua chalybeata f. Rotul. ꝯ. iij. pro qualibet.

Hydrope Uteri affectam Juvenem, se liberalisse usu Citri mihi affirmavit *Petrus Dominicus Voltolina Medicus Ferrariensis Feliciss. ac Amicus meus Suavissimus* ; sequens enim adhibuit remedium ꝯ. folior. semperviv. portulacæ, lactucæ, Umbilici Vener. vitis, ana. m. β. Cortic. citri siccor. ꝯ. vi. coque ad molliem in Vino austero, & contundantur ; Contusis adde Farin. hordei ꝯ. ij. balaust. ꝯ. vi. bol. Armen. ꝯ. iii. f. Cataplasma, cui si libet ol. rosar. addi potest.

Sterilitatem tollunt sequentes Rotulæ Citro ornatæ, si *Claudino* credamus ꝯ. Thripher. mag. s. o. Diambre, Diamargar. Calid., Diasatyr. ana. ꝯ. i. β. Rasuræ eboris, semin. Mercurial. Coagul. Leporis, Matricis ejusdem ana. ꝯ. β. feseli ꝯ. β. Sacchari tñ ꝯ. Dissolv. sacchar. aqu. apiastrî, & cum fuerit coctum adde Cortic. citri condit. ꝯ. j. Conserv. Anthos ꝯ. ꝯ. m. & f. Rotul. pendent ꝯ. ii. pro una.

Pro-

Proprios quoque Virginum, Monialium, Viduarum, & aliarum affectus, scilicet Capitis Dolorem, Melancholiam, Anxietatem, nauseam, Cordis palpitationem, Suspiria, tollere Citrum monuit *Claudianus* dum sequens comendavit remedium ℥. Mirobalan. omnium crasso modo contusor. & manibus cum oleo amygd. dulcium confricator. ana. ℥. ss. Aqu. Fumar. lb. xiv. m. & infund. per horas 24. bulliant ad tertias; deinde adde Ellebori nigri ℥. ii. ss. Glycyrrhizæ, Polypod. ℥. ii. Semin. Citri ℥. i. ss. bulliant quousque remaneant lb. v. quibus adde fol. fennæ. Epithymi ana. ℥. i. Bull. quousque remaneant lb. iii. Colar. ℥. Colaturæ ℥. ij. Sacchar. rosar. ℥. j. Aqu. Cichor. ℥. ij. m. pro una vice.

CAPUT V.

De Usu Citri in Morbis Puerorum.

IN crusta lactea, achoribus, & Favis Puerorum citrum nostrum commendat *Sennertus*, dum sequens præscribit electuarium: ℥. Conserv. borrag., bugloss.; Violar., Fumar. Cichor. ana. ℥. i. radic. Cichor. cond. Cortic. Citri cond. ana. ℥. ss. spec. diarrhodon abb., Diamargarit. Frigid., C. C. ppt. ana. ʒ. i. cum Syrup. tunicæ F. Electuarium S. A.

Ad puerorum ani procidentiam sanandam feliciter usus fuisse sequenti decocto ℥. Rosar. rubr. balauft., nuc. Cupressi., Cortic. Citri sicc., Granator. ana. ℥. ss. Sumach. Thuris, Masticis, ana. ʒ. ii. Coque in Vino austero, & spongia decocto hoc madida anus foveatur.

Puerorum Lumbricos fugare sequens remedium ait *Sennertus tractatu de infant. morbis cap. 23.* ℥. Aquæ Graminis ℥. iv. Syrup. Acrostit. Citri ℥. i. violati ℥. ss. Spirit. Vitriol. gutt. iii m. & exhibetur istius liquoris Cochleare unum.

Mihi narravit *Excellentiss. D. Franciscus Justinus Amicus meus dilectissimus Filius non indignus D. Jo. Baptistæ Præceptoris mei ama-*

tissimi, cum esset in Vrvis, qui tanti Patris vestigia sequens felicissimè Praxim medicam exercet, Juvenis quidem aetate, sed ingenio, ac Prudentia Senex: hic mihi, inquam retulit, se elapsis diebus, infantem ab Hernia sanasse sequenti Gerato à nostro Citro condecorato; ʒ. nuc. Cupressi ʒ. ii. balaustior., pulv. radic. consolid. major., Perfoliatæ, herniariæ, ana. ʒ. i. Cortic. Citri siccæ. & pulv. ʒ. i. ʒ. bdellii ʒ. i. boli Armen. ʒ. ii. Sanguin. dracon. ʒ. iv. picis Græcæ ʒ. ii. resinæ Pini ʒ. vi. cum terebinthina, cera, & oleo ovor. F. S. A. Ceratum.

Vomitum in Pueris pluries sedavi exhibitione sæpe facta *Syr. de Cortic. Citri* S. M. ad cochlear. i. Ad relicta vestigia, & superstites cicatrices Variolarum tollendas multa laudantur à Medicis remedia; verum præcæteris mihi valdè placet illud citro imbutum à *Isbrand. Diemerbroeckio* præscriptum. ʒ. radic. Lilior. albor. ʒ. ii. radic. Ari, vel serpentar. ʒ. i. *Malum Citrium in Frustra divisum* num. i. furfur. macri m. i. aquæ q. s. Coquantur pro lotionem faciei tepidè mane. Variolas autem expellere tradit ipsè *Diemerbroeckius tractat. de Variol. cap. 10.* sequens Conditum. ʒ. Pulv. liberantis ʒ. i. C. C. usti ʒ. ʒ. *Cortic. Citri condit.*, nucum Jugland. cond., Conserv. flor. Lavedul. ana ʒ. vi. Syrup. nucis Jugland. q. s. misce, fiat conditum S. Artem.

C A P U T VI.

De Usu Citri in Febris, Peste, Lue Gallica, &c.

Nequè credas, *Lector-Amice*, viribus jam suprà allatis Citrum nostrum satiari, & debellandi Febrès potentia privari; nam, & fugandi febriles æstus virtutem tenet Fructus noster, quemadmodum fusè demonstravit *Clariss. Hieronymus Nigrifolius Ferrariensis noster in suo Progymnasmate secundo*, in quo propriè agit de Usu Citri, in Febricitantibus, & Puerperis; nam cum aperiant, attenuent, & incidant Citrei succi, idcirco in Febris

bribus juvabunt; Hinc *Clariff. D. Frider. Deckers comen. ad P. Barbettam.* Mulierem a Febre intermittente sanavit fequenti remedio nostro fructu imbuto; ℞. Aquæ Menthæ ʒ. ij. Cortic. Citri, Fœnicul, Theriacal. Simplic. ana. ʒ. j. Salis Absinthii ʒ. ʒ. bezoartic. Mineral. ʒ. i. Spirit. Sal. Ammoniac. gut. xxv. laudan. opiat. gr. iij. ol. Menthæ stillat. gut. ij. Syr. card. bened. ʒ. i. m. subinde hujus liquoris cochlear. unum, atque alterum assumatur.

Contrà Febrem tertianam *Volfang. Hœfferus in Medic. famil.* sequens laudat Præsidium. ℞. Syrup. Acetosit. Citri, Corallor. Viol. simpl., ana ʒ. ʒ. Spirit. Vitriol. ʒ. ʒ. m.

Inter cætera quæ laudat pro sananda Hæctica Febri *Frid. Hoffmannus* mihi placet Aqua ista posita in suo Thesauro Pharmacutico; quam Aquam Citrus noster exornat ℞. Aquæ Viol. ʒ. iij. flor. & fol. Salviæ, feri lact. caprin. depurat. per succ. limon. ana ʒ. ʒ. Pulmon. Vituli num. iv. Hepat. eorundem num. ii. Carnis Caponum junior. contus. num. ii. Hepat. Gallinar. num. xii. Pulmon. Vulpis recent. num. ij. incid. omnia minutim, & destilla aquam S. A. in B. M. huic aquæ adde sanguinis Porcelli anni dimidii ʒ. ij. ʒ. lactis Asinæ Caprilin. ana ʒ. ij. Succ. depurati Pulmonar. primæ Matthioli, Auriculæ Muris, botryos, ana. m. iv. Caudar. Cancror. fluviat. num. xxx. Limac. è suis testis extract. num. xx. flor. ros. rubr., Hordei cum cortic. ana. pug. vi. Pom. dulc. n. xii. flor. Violar. borragin. ana. pug. vi. *Mal. Citri*, Aurant, ana. num. i. radic. consolidæ major. althææ, chinæ elect. minut. incisæ, liquirit. ana. ʒ. iv. Santal. rubr. ʒ. iii. micæ panis alb. ʒ. i. ʒ. Pinear. mund. rec., pistac. ana. ʒ. v. Medullæ nucis indicæ ʒ. iv. Spec. diarmargar. frigid. Calid. ana. ʒ. ʒ. Croci ʒ. ii. infunde omnia in suprâ dicta aqua Magistrali, & destilla S. A. Dosis hujus postea est ʒ. ii. ad iv. cum Julep. viol. ʒ. ʒ. & gutt. ii. Spirit. Sulphuris.

Malignam febrem tollere Citrum in sequenti remedio sumptum docet *Hœfferus loco cit.* ℞. Syrup. de Papav. erratic, *Acetosit. Citri*, rubi Idæi ana. ʒ. i. Aquæ Plantag., Violar., Flor. tilia, ana. ʒ. ii. Spirit. Vitr. q. s. ad acorem M.

X x 3

Aqua

Aqua Bezoartica Cl. *Francisci Sanctassini Saxolensis* olim Cellif. Sablonetæ Dulcis in Rozulenfi Urbe Archiatri famigeratissimi ℥. Succorum Scordii, Melissæ, Acetosæ, Rutæ Caprar. ana. ℥. iv. Aquarum Scorzonæræ, Card. Bened. Rut. Capac. *Succi Citri*, ana. ℥. iij. Vini Malvatici, Aqu. Ardent. ana. ℥. i. β. Diætamni albi, *Semin. Citri contus.*, Card. Bened. ana. ℥. β. *Cortic. Citri*, Theriacæ opt. ℥. i. β. Digerantur omnia B. M. in Vase optimè clauso per horas xxiv. postea destillentur. Inde fæces adurantur fiat sal. aquæ misc. Dosis est ℥. β.

Miræ hujus Aquæ sunt virtutes in febribus mali moris, puncticularibus præcipuè Epidemicè grassantibus, nec non Autumnalibus, ex prægressæ ob æstatis calorem evaporatis spiritibus efficta Cruoris Crasi hoc communicante, Auctoris filio *Dionysio Andrea Med.* nunc *Gazoli ad Olum*, & *Amico meo Colendissimo*.

Pestem fugare Fructum nostrum ait *Thom. Burnet* in *suo Thesauro Medicinæ* tom. 2. dum sequens laudat remedium ℥. Confect. de nucibus (quam vide Lector. si curiosus es apud *Forestum*) ℥. j. β. Theriac. antiq. & Mithridat. ana. ℥. ii. boli Armen. veri, terræ sigill. ana. ʒ. β. cum Syrup. de *Corticib. Citri* q. s. f. mixtura.

Venenis etiam ob stare Citrum didici à *Jul. Cæsar. Claudino* in *Empyric. rational.* tom. 2. pag. 329. dum ipse sequentem præscribit Potum; ℥. Decoct. cord. fact. cum infus. sennæ lb. β. Agarici trochisc., Rhabarb. elect. & pulveris ana. ʒ. i. β. *Semin. Citri contus.*, Scordii ana. ʒ. ij. m. infus. per 12. horas deinde f. fortis expressio adde Tripher. Persic. ʒ. v. Syr. rosar. sol. ℥. iv. m. pro Potu.

In lue Gallica, quam non esse morbum novum egregiè probavit Illustriss. *Patinus* Patronus & Amicus meus maximus, commendare ego possum Citrum dum vidi multos sanatos usu Decocti sequentis, quod *Zecchi* dicunt multi ℥. Miobalanor. omnium detrit. ana. ℥. β. infund. in lb. vi. *Seri Vaccini* per horas 24. deinde adde Epithymi, Polypod. ana. ʒ. ʒ. sol. Sennæ elect. ʒ. j. β. Cortic. ellebor. nigr. ʒ. vi. Sonchi.

m.

m. i. Salsæ parillæ ppt. ʒ. iv. Cortic. Guaiaci contusi ʒ. iii. bulliant ad consumptionem tertiæ partis, & in ebullitione Adde Semin. Coriand. ppt. ʒ. j. *Citri contusi* ʒ. β. quatuor semin. frigid. ana. pug. β. bulliant iterum leni ebullitione, postea refrigerato decocto in vase obturato servetur per horas x. tandem facta forti expressione coletur. Hujus capiat Ager per vices, & Dosis varietur juxta ætatem Patientum, quod ad Medicorum prudentiam remittitur.

In Gonorrhœa Citrum commendat *Sennertus in Prax.* sequens præscribendo remedium scilicet ʒ. Radic. Helenii, Fœniculi, Apii, Cichorei, Bugloss. ana. ʒ. j. fumar. m. i. borrag. Violar., Scolopendriæ, Capill. Venet., Summitat. Lupuli, herbæ paralyf. ana. pug. j. Chamæpityos, stœchad. ana. ʒ. β. Seminum fœniculi ʒ. iii. Citri, ʒ. ii. omnia infunde per diem, & noctem in s. q. aquæ pluvialis & Fumariæ quibus postea addantur mirobalan; chebulor., indorum, citrin ana. ʒ. ʒ. folior. fennæ, epithymi polypodii querc. glycyrrhiæ, ana. ʒ. i. Cortic. ellebori nigri, ʒ. ii. rhabarb. ʒ. ʒ. schœnant. ʒ. j. Postea coquantur, & colentur; Fiat Potus longus per ʒ. ij. Addendo Syrup. infus. rosar. ʒ. i. de Fumar. ʒ. ʒ. Sacchari q. s. ad dulcedinem.

Ad Elephantiasim curandam facere Citrum docet *Joh. Hartman. in Praxi chymiatric.* dum sic ait. In die assumat Ager alcool serpentum cum Saccharo mixtum, cum conserva rosar., *Cortice Citri*, & flor. nymphææ fiat opiata cui adde guttas aliquot Auri potabilis anglici, aut sæpe exhibeatùr mithridatum coeleste Quercetani.

CAPUT VII.

De Usu Citri in Affectionibus Externis.

INTER cætera, quæ commendat in curatione Arthritidis vagæ scorbuticæ *Clar. Valent. Andr. Mollembroccius*, mihi maxime placent duo hæc sequentia remedia; Primum sumitur ex
octavo

octavo capite sui tractatus de *Varis*, seu *Arthritide vaga scorbutica*; & est elixir Citri purgans *Domini Michaëlis*, quod sic paratur. ℞. Radic. Jalapp. ℥. i. ꝑ. femin. cartham. ℥. i. Gumm. de Peru, Scammon. rosati ana. ʒ. ꝑ. Extrahe elixir Citri, adde aliquid Aquæ Cinnamomi, & Syr. è *succo Citri* ac Dosis sit ʒ. iij.

Essentiam pariter Citri laudat, quæ tali modo fit; Rescinde flavos Citri Cortices subtilissimè, relictam pulpam pone super fornacem ad sex, vel octo dies, deinde exprime succum, & destilla per cucurbitam, exhibit spiritus, vini spiritum æmulans, quem superaffunde corticibus, extrahet tincturam flavescentem, palato, & oculis jucundissimam; Corticibus, ne interea temporis pereant insperge parum Aquæ Citri, vel rosarum.

Alterum remedium exhibet iste Auctor in cap. 15. ejusdem tractatus, & est sequens Aqua quæ externè adhibetur; ℞. Cinnamomi, Caryophyl. Cubebæ; nuc. moschat; Galangæ, Zinziberis, Cardamomi, Mastic. ladan; Zedoar., *Corticis Citri*, Aloës hepaticæ, olibani, baccarum lauri, Herbæ Melissæ, Menthæ, Majoranæ, Matricariæ; Serpilli, Origani, Pulegii, Saliæ; Chamæpityos, Chamædr., Florum Anthos, Lavendulæ; Camomillæ rosarum alb. rub, Pæonia, Sambuci, Cheiri, Stœchad; Sassafras; Seminum Anisi, Anethi, Piperis longi, Nigri, Radic. filicis, Caryophyllatæ, Croci. ana. ʒ. ii. Incisa, & contusa infundantur in ℔. vi. Spiritus Vini optimi, postea destilla in B. M. & adde Moschi, Ambra, ana. gr. ii. Sacchar. clarificati q. s. Usui servetur in Vitro benè munito.

Ad Arthritidem pariter fugandam etiam non scorbuticam; *Hartmannus* Citrum commendat; dum scribit; maximoperè pro corroboratione naturæ in Arthritide valere Magisterium perlarum, à *Riverio* plurimo cum fructu præparatum, & exhibitum hoc modo; Perlas reduce in pulverem impalpabilem, quemadmodum alias redigi solent vulgariter Margaritæ ppt. his in vitro superfunde *Succi Citri recentis* q. s. ut fiat instar Pastæ; relinque aliquandiu, postea solve cum Aceto, & remoto aceto per inclinationem

clinationem à facibus aliud affunde, donec Perlæ ex toto fuerint solutæ; Collectum Acetum misce, cum tertia parte aquæ fluviatilis; destilla per retortam ex igne Arenæ, primùm igne lento, postea fortiori, destillatum reaffunde capiti mortuo restitanti, & vicissim solve, postea cola per filtrum, e-vapora admodum lentè, & restabit Perlarum Magisterium, & hujus ʒ. j. ad summum sumatur jejuno stomacho.

Scabiem Citrum tollere tam internè, quam externè apparet, primò internè ex *D. Hoferi Medic. familiar. pag. mhi 171.* Sequentem enim pulverem laudat iste Auctor ʒ. Semin. Anisi, foeniculi, ana. ʒ. iv. Cortic. Citri ʒ. ʒ. Sassafras ʒ. i. ʒ. Salsæ parill., radicis Chinæ ana. ʒ. j. Santali rubr., polypod., ana. ʒ. ʒ. Cinnamomi ʒ. x. Incidantur minutissime & misceantur ad chartam, Externè commendatur Citrus in Scabie à *Pharmacopœa Augustana* dum sequens præscribit remedium ʒ. Styracis liquidæ ʒ. i. Terebinth. lotæ, Butyri loti, ana. ʒ. ij. Succi Citri, vel Limon. ʒ. ʒ. Cerullæ lotæ ʒ. i. Salis ʒ. ii. misc. fiat S. A. Unguentum.

Infantem ego elapsis diebus curavi Aphthis, hoc est, ulceribus oris, & gingivarum albicantibus laborantem, sæpe inungendo hoc remedio ʒ. Syrupi è Corticib. Citri S. M. è rosis siccis, mellis rosat simpl. ana. ʒ. i. ʒ. mastic. electæ-pulver. ʒ. ʒ. Spiritus Vitrioli gutt. iv. m.

Ad Plicam curandam citrum nostrum concurrere docet *Joh. Præpositus* referente *Sennerto in Prax. lib. 5. part. 3. sect. 2.* dum sequens præscribit Electuarium ʒ. Conservæ Cochleariæ, Betonicæ, Saliæ, Cichor., Chamædryos, Chamepityos, Cortic. Citri. cond. radic. condit. Scorzonæræ rob. Juniperi, Confect. Alchem; Syrup. Borruginis, Acetosæ. Citri ana. part. æq. fiat Electuarium. Sequentem pariter mixturam commedat ʒ. rob. Juniper. ʒ. ii. extracti calami aromatici ʒ. i. Croci ʒ. ʒ. Conserv. Cochleariæ ʒ. iii. fumar. acetosæ ana. ʒ. i. ʒ. Succ. Citri recent. ʒ. iv. aquæ Scorbuticæ ʒ. vi. Cochleariæ ʒ. iv. Cinnamomi ʒ. ʒ. Stent in digestionem postea colentur

Brachii ulcus in Matriona curavit *Hoferus* sequenti medicamine, à fructu nostro ornato; ʒ. fol. sennæ elect. ʒ. vi pulpæ
Jos. Lanzoni Opera. Tom. I. Y y tama-

tamarind. rhabar. Cremor. tartari, ana. ʒ. iv. passul. min. ʒ. vi. macis ʒ. i. f. Decoctum cum Aquæ Fumarie stent in infus. per noctem, mane repetatur coctio ad tertiam in colatura dissolve manna ʒ. i. ʒ. pulv. Jalappæ, Crystal. tartari, ana. ʒ. ʒ. m. f. Potio. præmissa hac potione. ʒ. chinae optimæ ʒ. vi. Salsæ parillæ, ligni sassafr. ana. ʒ. ii ʒ. infunde incisa in aquæ fontis puriss. ferventis lb. viii. per horas 24. stent in loco calido, dein coque ad dimidias ferè; colatura detur in Vasculo mundo; & sumat quotidie ʒ. vi. pro sudore eliciendo, interponat unum Diem, & repetat purgationem; ʒ. Remanentias decocti, adde sacchari commun; ʒ. iv. Aquæ, Fontanæ, lb. xvi. coque ad remanent lb. i. ʒ. in fine addendo *Cortic. Citri extim.* ʒ. i. Cinhamomi ʒ. vi. servetur pro Potu ordinario.

Fœdam in Puella Phthiriasum, hoc est morbum sævum Pedicularem fugavi lotione sequenti, quam Citrus ingreditur. ʒ. Lupin. amaror. pug. iii. Semin. Staphisagrie pug. ii. *Cortic. Citri siccat.* ʒ. i. Fiat decoctio in Aceto acerrimo, quò decocto universum corpus à capite ad pedes usque lavabatur.

Contrà lentigines citrum laudat *Sennertus Pract. lib. 5. Part. 3 sect. 1. cap. 3.* dum sequenti utitur remedio: ʒ. *Unguent. Citrini recent.* ʒ. iii. amygdal. dulcium diutissime pistatar. farinæ fabarum ana. ʒ. i. ossis Sepiæ, Cornu Cervi, farinæ hordei, ana. ʒ. ii. Incorporentur cum melle, & misceantur.

Ad Ambusta curanda membra feliciter Rusticus utitur succo Citri, & omnes maculas cutis isto succo appposito delet.

In Erysipelate, refrigerantes, emulsiones, *Syr. acetosst. Citri*, cum spiritu Vitrioli commendat *Hoeserus in suo Hercul. med. lib. 5. cap. 1.*

Volaticas, seu impetigines ego pluries curavi, & præsertim in una Famula Domus meæ, quæ Volaticis sævis in manibus laborabat; solo-succo Citri appposito, & sæpè adhibito; Arcanum enim expertum est prò impetigine, Citri, vel Limonium succus.

Legisse me recordor. apud *Sennertum Prax. lib. 5. part. 2.* præter alia remedia, quæ a Practicis adhibentur in curandis
Gan-

Gangrænis, & sphacelis, valdè commendari sequens remedium,
 ℞. Conserv. cochlear. ʒ. iii. Salviæ ʒ. ii. spec. diaxiloaloes ʒ. i.
 Cortic. Citri condit. ʒ. ss. rob. juniper. ʒ. ii. cum Syr. Betonicæ
 f. Electuarium secundum Artem.

A Pernionibus, non ruptis tamen in Pedibus, ac manibus
 multos liberavi solo spiritu vini optimo cum paululo Spirit. Ci-
 tri: apposito sæpe; hoc enim remedio *Claram Uxorem meam*
dilectissimam hyberno tempore liberam à Pernionibus facio.

In fistulis curandis locum habere posse Citrum nostrum
 mihi dixit Chirurgus quidam Italus, qui multas curasse felici-
 ter fistulas juravit sequenti remedio ℞. Unguenti ægyptiaci ʒ. ss.
 sublimati ʒ. ss. lixivii ʒ. i. *Aquæ florum Citri*, Plantaginis ana.
 ʒ. iii. m. & bulliant nonnihil.

In doloribus dentium debellandis feliciter sæpè in Praxi fa-
 cienda sequens exhibui remedium, quod est ℞. Camphoræ
 modicum in Aceto bulliat parùm, & in ebullitione adde *Aquæ*
florum Citri parum; deinde teneat æger in os; cui simile re-
 medium præscribit *Bartholom. Montagnana consil. 87. & Thomas*
Burnet. thesaur. Med. practicæ tom. 1. lib. 4.

In vulneribus, à Viperis illatis prodesse citrum volunt multi,
 & ostendi ego in Parte prima hujus opusculi, historia *Hoffmanni*,
 & *Athenæ* verum *Illustriss. Franc. Redius Italica Medicinæ splendor*, ac
Dominus meus semper colendus, fabulosas has putat historias, dum ipse
in observat. de Viperis ait; Duos Gallinaceos Pullos à se quatuor die-
 bus continuè nutritus hordeo infuso in Decocto Citri, ultimo
 eorum gutture impleto frustulis Citriorum, elapsis duabus horis
 curasse ipsos à duabus Viperis morderi, inde unxisse insuper
 Vulnus cum quinta essentia Corticum Citri, ast intra tres ho-
 ras morientes ambos vidisse.

Ad Varos, seu Jonthos fugandos sequens remedium præ-
 scribit *Joh. Stephanus in sua Cosmétique*. ℞ Amygdal. amar., sem. Me-
 lon. ana. ʒ. vi. contundantur in mortario dein affundatur *Suc-*
cus Citri, & addito combusto alumine fiat linimentum, quo
 utatur, æger.

In fistulæ lachrymalis curatione commendat Citrum *Guil.*

Y y 2

Fabri-

Fabritius Hildanus, cum *Thom. Burneto* dum ait. Convenire Conserv. betonicae, rorismarini, Salviae, Majoranae Primulae Veris, Poëoniae, Confect. Alchem. Cortices Citri &c.

A Phlyctænis infantem liberavi anno elapso hoc modo; Phlyctænas in facie succo plantaginis, & Solani oblinire jussi Nutricem; postea adhibita etiam creta, & aceto linimenti instar, & decocto rosarum ablui jussi; interim, ut Nutrix ipsa cibis frigidis alteratis cum *Succo citri*, vel *Agrestæ* uteretur mandavi, atque ut lactis serum biberet; quò, & puer postea alvum exoneravit, atque his remediis infans brevi convaleuit; hanc autem curationem institui ad imitationem observat. 8. Chirurg. lib. 2. *D. Petri Foresti*.

Ad cadavera condienda, & incorrupta servanda Cedrum facere legitur apud *Plinium lib. 24. cap. 5.* nam cedrus magna, ipse ait, quam Cedrelatem vocant dat picem, quæ cedria vocatur; & hæc defuncta corpora ejus servat, viventia corrumpit; mira differentia, cum vitam auferat spirantibus; defunctis pro vita sit. Hinc huic cedriæ inesse talem vim præservandi cadavera à putredine asserit *Galenus lib. 7. de simpl. med. facult. cum Dioscoride de Cedro lib. 1.* Cæterum *Joan. Kirchmanus de funerib. Roman. lib. 1. cap. 8.* usos reperit veteres in condiendis mortuis, & putredine abigenda potissimum sale, Nitro, cedro, asphalto &c.

Cedriam visum acueri, & albugines ab oculis fugare docet *Matthiolus lib. 1.* & vermes Aurium necare impositam, cum aceto mixtam tradit *Dioscorides*; hanc lendines, pediculos, ac vermes occidere asserit *Matthiolus* ipse; immò aliqui, eam inunctam mentulae conceptionem impedire, ac conceptum in Ventre matris extinguere volunt.

Semen Citri cum vino bibitum hæmorrhoidibus opitulatur monente *B. Pisanello*; Atque ad foetorem oris conducere decoctionem cedri ore detentam ait ipse *Pisanelus*.

Optimum esse Citrum ad lepram fugandam docet *Leonard. Marius com. in Levitic. cap. 14.*

Cedriam odontalgiam tolerare scribit *Cornel. à Lapide*.

Liquo-

Liquore cedrio igni admoto Avium vulnera linunt Rustici ; & sic parti læsæ medentur ; ita monente *Columella*.

Cedrio tandem liquore oculis perunctis claritas conciliatur , quam eruditionem mihi nuper communicavit *Eruditissimus Joseph Malatesta, Garuffius Ariminensis Doctor , ac Amicus meus amatissimus*.

CAPUT. VIII.

De Usu Citri æconomico.

U S U M Citri culinarem omnes non nesciunt Mulierculæ ; nullum enim fere ferculum est , nullæ cupiditæ sunt , ad quas exornandas , atque condiendas Fructus hic non interveniat ; Acido enim ejus succo Dapes jucundiores evadunt nullamque , ut verum fatear , mensam observavi , quod ubique non viderim Pomum Citrium triumphare , & super asinam , elixamque carnem pari gressu progredi , atque in Epularum fine , principiove pari debacchari triumpho ; nullusque tam inscius Cupedinarius est , qui nesciat Convivia , à Citro condecorari , malumque medicum esse Dapum condimentum , ac ornamentum.

Citrium autem pomum Scriniis impositum vestiariam suppellectilem à tineis inoffentam custodit , ita scribente *Anton. Mizaldo Arcan. centur. 1. & Cardoso Philos. lib.* Quin illius succum contra deleteria pharmaca juvare docent omnes , quos legi Auctores , ut supra demonstravi in Parte prima hujus opusculi ; immò addo contra aquam illam venenatam primò in Mantuana regione disseminatam vulgo *Aquetta* dictam , qua scilicet exhibita ad tale , & determinatum tempus homo necatur , contra inquam istam plurimum valere liquorem Citri ; ita ut , docente Experientia , hujus Aquæ venenatæ antidotum , sit fatendum , esse Citri nostrum succum.

Citri verò Arboris ligna materiam præstant æternam , mo-

Y y 3 nente

nente *Theodoro*, undè ex hac fuisse *Salomonis* Templum constructum volunt multi, hincque derivasse dictum illud. *Dignum est cedro*, dicunt aliqui; hinc *Numæ* libri cedrati sub terra defossi durarunt annis 535. monente *Plinio lib. 13. cap. 13.*

Undè *Horatius* Cecinit

Speramus carmina fingi posse linenda cedro;

Et *Ovidius lib. 1. de tristib.*

. nec Cedro charta notetur:

Mala citria flaccescere insperso pane in eorum cumulum scribit *Fracaflorius*, adducitque causam eor flaccescant in suo libro de *Symph.*, & *antipath. cap. 11. idem*, inquit, & citriis accidere insperso in eorum cumulum pane putandum est, abstracta enim in panem humiditate eorum, atque illic cum alieno in loco putrescente, principium reliquo datur, ut computrescat, qua de causa flaccescunt ea mala.

Adversus faciei rubedinem nimiam, aquam sequentem multi laudant, in qua fructus noster eminet. ℞. Aceti alb. aquæ rosar., Succi citri ana. ℥. i. Sulphuris Vivi pulverisati ℥. iv. m. & omnia destillantur per retortam, & hac aqua sæpè ad faciem lavandam utatur.

Aquam pariter sequentem laudat *Roscellus*, qua Adolescentulæ possunt visum abluere, & sic formosiores reddere; ℞. Aquæ citri ℥. i. flor. fabar. ℥. iv. aluminis zuccherin. ℥. ii. Salis Gemmæ ℥. j. Camphoræ ʒ. ʒ. moschi, gr. ii. misce & omnia pulverizata ponantur in aqua supradicta, & stent in infusione per quatuor dies, inde addantur Aquæ Viol. alb., ʒ. viii. & postea destillantur per alembicum & exhibit aqua optima, ad usum servanda.

Oleum fordidum emundare Citri radicem in ipsum demersam ait *Ruellius*.

Oleo florum citri utuntur sæpè nobiles Fæminæ ad partes corporis

corporis odore grato accomodandas ; cujus olei conficiendi modum rectè describit *Laz. Grandius* in suis Arcanis. Succo Citri uti quoque Tinctores omnibus notum est.

Chymici multi, Citri succum solvendis margaritis affundunt aceti loco ut monet *Sim. Paul. Quadrip. batanic. class. 3.* Hinc quibusdam in regionibus, & ipsa folia Citri matribus familias grata sunt, ut iis, æquè ac lauri foliis, & Juniperi baccis cibos condiant ; Ad manus faciemque à rugis, & maculis servandas, ideòque decoras, atque formosas faciendas sequens remedium, præscribit *Roscellus* *℥. Citrum* num. 1. & in eo perforato impone borragin. mineral. 3. i. postea involvatur linteo lineo, & ponatur sub cineribus calidis ; inde exprime, & illius succo Manus, ac Faciem lava

Aquam pariter singularissimi odoris, atque Imperialem dictam describit citatus *Roscellus*, quam fructus noster ingreditur *℥.* Aquæ rosarum Florum mortelli florum Citri ana. part. æqual. quæ aquæ simul destillentur iterum, cum bona quantitate Rosarum damascenar. & Caryophylor. incisor. & ità habetur Aqua Imperialis.

Multi sunt qui Tabaci pulverem accommodant odore florum Citri ; ast hic pulvis nimium caput calefaciendo plus nocet, quam profit.

Manthecam nonnulli accommodant odore florum Citri, quæ apud nostras Adolescentulas magni est usus.

Citri odorem necare Serpentes ait *D. Hieronymus Fabianus Fori Saraceni Medicus Experientissimus, & Amicus meus semper colendus* in suo libro cui titulus *Angelica Panacea &c.* pag. 184.

Ex ligno Cedrino quandoque rogos, & pyra parabatur maximè apud Indos, sic *Calanus Indus* ex lignis odoriferis, Cedro, Thyo, Cupressu &c. pyram paravit, in eaque ultro se combussit, ut tradit *albanus lib. 5. Var. histor. cap. 6.* de hoc etiam vide *Kirchmannum de Funer. Romanor.*

Citri Acidum succum facere acetum acrius docet *Galenus de Aliment. Facult. 2.*

Feruntur Citri acres medullas mutare dulcibus, si per triduum aqua mulsâ semina ponenda macerentur, vel ovillo lacte,

lacte , 'quod præstat ; monente *Palladio de Re Rustica lib. 4:*

In Ægypto, ac Syria Reges inopia abietis Cedro ad Classes feruntur usi , scribente *Plinio 2. histor : natur : lib: 16. cap. 40.* quod confirmat *Petrus Bellonus Medicus Gallus lib : de Agricultura pag: mhi 59.* dum hæc scribit. „ Theophraste mesme est tẽ „ moin que le grand Cedre vient aussi bien en Cilicie comme „ en Syrie : car ainsi dit son interprete (& in Sicilia, Syriaque „ Cedrus) & au sixiesme chapitre du quatriesme livre dit (quin „ ad navalem materiam Cedrum Syria gignit eaque ad trirèmes „ utuntur) entendant par cela , que puis , que les forests en „ sont verdoyantes , que les habitans en font galeres , & navi- „ res. Hinc *Suetonius* de *Caii Caligulæ liburnicis* ita fermè scribit , adeò ut videatur imitatus esse *Hieronis* navem ; fabricavit , inquit , & de Cedris liburnicas gemmatis pupibus , versicoloribus velis , magna thermarum , & porticum , & triclinatorum laxitate , magnaque etiam vitium , & pomiferarum Arborum varietate , quibus discumbens de die , inter Choros , & syphmonias littora Campaniæ peragraret , ut scribit *Lilius Gregor. Giral- dus de re nautica lib. 1. cap. 7.*

Cedrum autem Clavum non tenere monet *Plinius Secund :* *histor : nat : lib : 16. cap. 40.*

Cedria licet à multis Defunctorum Vita dicatur , nullatenus tamen vestes , pellesque tineæ velut erodit ; Cedrus vero præservat , ut docet *Dioscorides cap: de Cedro &c.*

In sacrificiis Eumenidibus faciendis Antiqui admittebant lignum Cedri ; hoc que ligno usos esse docet *Natal : Comes in mythologia lib: 3. cap. 10.* dum hæc habet. Non enim illa sacrificia , quævis ligna admittebant , ex quibus ignis fieret , sed „ tantum cedrum , & alnum , & Juniperum , & Blannum , è „ quibus Pyra fiebat , ante foveam quandam triplici ordine ex- „ cavatam , tum victimarum illis Sacrificiis convenientium san- „ guis in foveam effundebatur , at corporum membra super „ pyra urebantur cum quibus multæ res , multaque herbarum „ genera miscebantur cum precibus &c.

Me legisse recordor apud *Giraldum de Re nautic. lib. 1. cap. 4.* illos

4. illos; qui Phœniciam, Syriamque colunt cedro magis uti, ac aliis lignis, & hoc quia Pino egent. Usos etiam fuisse veteres in sacrificiis Citro colligitur ex *Plinio Secundo histor. natur. lib. 13. cap. 1.* dum hæc ait.

„ Illiacis temporibus non auro, nec thure supplicabatur, „ Cedri tantum, & Citri suorum fructuum in sacris fumo con- „ volutum nidorem verius, quam odorem noverant &c. Hinc credidit *Perrotus* Veteres olim variis odoribus usos commen- dandi halitus gratia, & à Parthis hoc primò inventum esse, ut sic ingluvie, ac nimio potu conceptum virus extinguerent; ac fallitur, inquit *Cæsar Zartus in Med. Martialis tractat. lib. 1.* Sipontinus hic Præsul, dum putat odoramentis Parthos abigere tentasse factorem Vini, licet enim Citri, vel granum, vel florem, vel totum pomum assumpserint; non tamen qua suavis est, aut odoratus Citrus noster Parthorum crapulas medebatur sed quatenus esculentis additus, digerebant, ut docent *Theophrastus. ac Plinius, cum Virgilio canente*

. animas, & olentia Medi
Ora foveant illo, & senibus medicantur anhelis;

Theophrasti temporibus citro non utebantur in cibis, sed tantum ob odoris deliciam servabantur Poma citria; quæ a putredine tuta longo tempore conservantur sepulta in milio, aut hordeo, hoc docente *Matthiolo in Dioscorid. lib. 1. cap. 132.*

Ex citri ligno mensæ fiebant magnoperè à Romanis expectatæ, ut monet *Hoffmannus in Lexic. Universal.* unde *Ciceronis* mensa famosa est.

Volunt multi in Cypro Cedrum maximam fuisse antiquitùs ad longitudinem pedum 130. ex quâ secta planta concinnatam fuisse *Demetrii Triremem* dicunt; de quò vide *Matthiolum loco supra citato.*

De citrosa Vestè mentio fit apud *Nævium* dum inquit

. pulchram ex auro, vestemque citrosam.

De Triumpho Cæsaris ex Citro scribit *Velleius Patercul. lib. 2. cap. 56.* & licet *Terentius* asserere videatur Citri usum apud Romanos nondum fuisse, refellitur tamen illo *Cratonis* apud *Festum* ex oratione: Ne quis iterum Consul. fiat: *Dicere possum, quibus illa, atque aedes edificata, atque expollita, maximopere Citro, atque ebore, atque Pavimenta Phœnicis stent; Plura de hac re Vid. Lexicon. Universal. Joh. Jacobi Hoffmanni ad litteram C.*

Antiqui cedro utebantur ad Avorum imagines construendas; ut colligitur ex *Virgilio* in *Æneid. lib. 7.* dum scribit.

*Quin etiam veterum effigies ex ordine Avorum
Antiqua ex Cedro.....*

Jaçtabat Pharaon, monente *Cornel. a Lapide comm. in Ezechiel,* se usum Citri Judæorum infirmitates, & Clades sanasse.

Lacedæmones (*Aristophane Grammatico Auctore*) Deos suos mali Citrii ramis coronare solebant.

Tabernacula Dei ex cedro jam construxisse Hebræos, legitur apud *Joh. Euseb. Nierembergium* in leg. *Grat. & Hæstor. Pintum Comm. in Esaiam cap. 41.* Cedri Oleum multum celebratur ab Autoribus in Usu œconomico; indicans forsitan veri olei fontem (ut loquar verbis *Hieronymi Laureti* in *silva Allegoriar.*) Misericordiæ videlicet, & Pietatis divinæ locum, cui Cedria arbor respondet; quam plantam enixè commendat *Isidorus.* Cedrus autem suspendendis tectorum apta culminibus est, eò quod hujusmodi materies, & procera sit spatii, nec onerosa parietibus, quemadmodum docet *D. Ambros. 3. Hexameron. cap. 11.*

Sufficiat deniquè ad majorem Cedri commendationem asserere, Dominum Deum habitasse in domo cedrina; legitur enim in *2. Regum cap. 7.* Vides nè quod ego habitem in Domo cedrina &c.

Et hæc sunt, quæ de Citro ac Cedro adducere breviter, ut promissi Tempus permisi; adeoque Citrologiam nostram curiosam Divino Auxilio ad finem perduximus; Huic ergò sit Laus, Honor, & Gloria in sempiterna Sæculorum Sæcula.

F I N I S.

CL.A.

CLARISSIMO

JOSEPHO LANZONIO

MEDICO FERRARIENSI PRÆSTANTISSIMO.

ILLUSTRISSIMÆ

ACADEMIÆ NATURÆ CURIOSORUM

Germaniæ Collegæ Ornatissimo Epicharmo dicto

Animadversionibus, Zoologia, Observationibus,

nec non aliis Monumentis editis notissimo.

Quid nunc de CEDRO absolutum Opus exponat.

CARMEN GRATULATORIUM.

OMnia, quæ scribis sunt Cedro dignissima, Amice;
Sed quæ de Cedro vix Cedrus ipsa capit:

Stent aliis Pario monumenta ex Marmore, fusa

Vivificent alios. Era signata diu.

Temporis injurias non ferdent, LANZONE; vetustas

Vix vultus nosces, vix legis atque notas!

Ast quæ pro Cedro scripsisti, æternâ manebunt

Donec odoratus floreat Orbe Citrus.

Non cariem sentit, tineaſque coercet, è libro hoc

Cedrus at æternum discit habere jubar.

Ipſe, Machaonio turgeſcens Neſſare, Morbis

Te Auctore, ac morti Bella jucunda moriet?

Hinc prociſi Invidia glifcenti ſmegmate chartas

Tangere non auſit ſœda liura tuas.

Perpetuò ut viridi ſplendescit Cedrus amictus

Sic vireat ſemper Gloria certa tibi,

Illâ tuum nomen ſervat, Grauiſſima Malus

Dedecet ingrati ſtigmata cruda mali.

Turbatiſ. ſibi tempore Amico meritis.

Veritate Muſam manu ducente Occinebat;

Dionyſ. And. SANCASSANUS Med. Gaz. ad Oſſium.

INDEX

INDEX OPUSCULI

PARS PRIMA,

EAQUE THEORETICA.

CAPUT I. <i>De nomine, descriptione, loco, natali &c. Citri.</i>	Pag. 315
CAP. II. <i>De Viribus, ac qualitatibus Citri.</i>	319
CAP. III. <i>De Preparationibus ex Citro.</i>	321
APPENDIX.	325

PARS SECUNDA,

EAQUE PRACTICA.

CAP. I. <i>De Ufu Citri in affectibus capitis.</i>	330
CAP. II. <i>De Ufu Citri in affectibus Thoracis.</i>	334
CAP. III. <i>De Ufu Citri in affectibus Abdominis.</i>	336
CAP. IV. <i>De Ufu Citri in Morbis Mulierum.</i>	340
CAP. V. <i>De Ufu Citri in Morbis Puerorum.</i>	343
CAP. VI. <i>De Ufu Citri in Febris.</i>	344
CAP. VII. <i>De Ufu Citri in affectibus externis.</i>	347
CAP. VIII. <i>De Ufu Citri Oeconomico.</i>	353

JOSE-

JOSEPHI
LANZONI,
PHILOSOPHIÆ AC MEDICINÆ DOCTORIS
FERRARIENSIS,

Nec non S. R. I. Academiæ Leopoldino - Carolinæ Naturæ
Curioforum Socii &c.

ZOOLOGIA
PARVA,

SIVE

TRACTATUS
DE
ANIMALIBUS

JUXTA

SCHRODERI, HOFFMANNI, ETTMULLERI,
aliorumque Recentiorum mentem concinnatus.



LAUSANNE,
Sumptibus MARCI-MICHAELIS BOUSQUET ET SOCIOR.

MDCCXXXVII



E X C E L L E N T I S S I M O
 C L A R I S S I M O Q U E
 V I R O
 D. JO. COSMO
 B O N O M O ,
 PHILOSOPHO, ac MEDICO PRÆSTANTISSIMO,
Practico LIBURNI Celeberrimo,
 PATRONO, & AMICO MAGNO
 JOSEPH LANZONUS
 S. P. D.



Atere VIR EXCEL-
 LENTISSIME, ut ingenioli mei par-

A a a 2

vus

vus iste foetus , quam à Parente suo nequit à Celeberrimi Nominis Tui splendore lucem trahat ; quod cùm dico , non tantum Familiæ tuæ notam ubique nobilitatem indico ; nam

*Et genus , & Proavos , & quæ non fecimus ipsi
Vix ea nostra puto*

Verum famam tui insignem , quam ob observationes optimas à te in publicum editas ab orbe Litterario meritò adeptus fuisti , colo ; Hinc à grato colloquio coactus , quo per litteras tuas Amicissimas per aliquot menses fruor , non possum , quin mortalibus cunctis meam ergà te observantiam patefaciam ; ideò quaecumque hoc opusculum fuerit , tibi ceù munusculum offerendum puto , quod

sanè

fanè per quam exiguum esse non dif-
 fiteor, sed ex offerentis animo æsti-
 maturum te probè norim; Ast ne
 observationibus te novis in Reipubli-
 cæ Medicæ emolumentum semper
 intentum diutiùs interpellem, pre-
 tiosi tibi temporis dispendio molesti-
 am pluribus non creabo; Valè inte-
 rim, VIR CELEBERRIME, & me
 etiam quod soles, amare perge.



P R O O E M I U M.



ZOOLOGIÆ nomine *Artem* intelligo modum tradentem, quo *Animalia* in usum medicum trahi debeant, ut *sanitas corporis humani* inde vel conservari, vel reparari possit; *Animalia* vero primo, tam viva, quam mortua ad *Zoologiam* faciunt, pariter ea, vel integra, vel ipsorum partes, vel excrementa: integris enim *Animalibus* utitur *Medicina*, quia sæpè vivum cattulum aliæque *animalia* adbibet; partibus etiam, quando, verbi gratia, *Hepar Lupi*, *Pulmones Vulpis*, *Cranium Humanum*, & similia, necnon excrementis quoque, dum *Cornua*, *ungues*, *pilos*, *stercora*, &c. adbibet; hæc autem omnia sunt in usum vocanda quando justam suam magnitudinem habent, & mediam ætatem sunt sortita, bono corporis habitu fruuntur, & valetudine; sin ex interemptis animalibus medicamina expectantur, illa sumere debet *Medicus*, quæ violenta morte interiire; ità enim spiritus insitus, & humidum radicale, quod in senescentibus, ac morboſis sensim consumitur, integram aliquandiu manet; experimentum enim docet cranium, Cornu Cervi, aliorumque *Animalium* partes, quandiu balsamica pollent substantia, vires suas retinere; ideo ait *Frid. Hoffman. clav. in Schröder. Medicos* de hac re sollicitos esse debere, ut in praxi facienda medicamentis ab *Animalibus* desumptis boni oriantur effectus; Clas-

ses

*ses Zoologia sunt quatuor ; Prima Animalia terrestria exhibet ,
quam nunc tibi , L. B. , exhibeo ; Secunda Aves ; Tertia Pisces ;
Quarta Insecta praebeet quas partes seorsum , & immediatè post hanc
habebis ; modo verò spe aliarum hanc primam recipe , & labori-
bus meis , ut aliàs fecisti , legendo fave.*



DIONISII



DIONYSII ANDREÆ SANCASSANI Med. Pract. Prof.
Gazoli ad Oïum pro singulari modestia Eruditissimi Au-
thoris qui Parvam Zoologiam se exarasse discendi ergo
Amicissimè Communicavit.

TETRASTICON

*Ambiget hæc tua qui volvet monumenta Macbaon
An doceas discens, discas an ipse docens?
Discere multa Cupis, dum scribis plurima, disc
Te docuisse modo, quod didicisse juvet.*

EXASTICON

*Ostentent alii Lyibicos domuisse Leones
Belua quid prodest robore fracta feroc.
Quæ ad medicam faciunt Animalia suggeris artem.
Pharmaca de Brutis belle paranda docens.
Ex te ut JOSEPH, Mortalis cum fânore vitæ
Exanimis discat mox Cicurare feræ;*

DISTICON

*Auspice te ferri sæclum Ferraria vincat
Aurea cui prostat LANZEA mente tua.*

JOSE-



J O S E P H I
L A N Z O N I ,

PHILOSOPHIE AC MEDICINÆ DOCTORIS
FERRARIENSIS ,

ZOOLOGIA PARVA.

P A R S P R I M A ,

D E

Quadrupedibus , de Serpente & Vipera.

C A P U T P R I M U M .

De Agno.



GENUS Animal notum est ; ex quo in usum medicum veniunt pulmones , fel , stercus , sanguis , ossa , coagulum , & lana.

Pulmones Agni pinguis , ac robusti siccati exempta arteria in vate figulino , & refrigerati , in locó siccó servantur , qui impositi arcent inflammationes ; Hinc *Aetium* pulmones Agni coctos cum pane manducatos noctu mingentes in somno curare ait

Jos. Lanzoni Opera. Tom I.

B b b

Fel

Fel ad Cancrum, Epilepsiam, Cachexiam fugandam cum essentia Chelidonii associatum commendatur à multis.

Stercus in aceto solutum, erysipelata curare impositum scribit *Dioscorides*.

Sanguis Agni siccatus, pulverizatus, & potus, ab omni veneno præservat; Ossa incinerata vulnera consolidant, & in omni alvi fluxu bonum præstant effectum. *Vid. Schröder.*

Coagulum ad venena expellenda, & præcipuè contra Aconitum, potum in vino commendatur, necnon valet ad lac coagulatum solvendum, cum aceto sumptum; quin, & ipsum cum succo plantaginis bibitum quascumque alvi fluxiones nimias, sanare docent *Gordonius, & Gilbertus*.

Lana tandem cum Corio, Anginæ, aliisque colli tumoribus imposita confert, quin etiam scribente *Frid. Hoffmanno* dentitioni infantum leniendæ collo appensa prodest. *Vid. Cap. de Ove.*

C A P U T I I.

De Alce.

ALCES, magna dicitur Bestia, & ab aliis Equicervus, est animal Gregarium, Bitulcum, ad figuram Cervi accedens, quo tamen majus est, natura timidum, comitiali morbo obnoxium si *Schrödero* credimus; hujus ad medicum usum faciunt nervi, cornu, cerebrum, & ungula.

Nervi circumligantur membris spasmo obnoxiiis.

Cornu uri potest & vaporari philosophicè calcinatum ut Cornu Cervi quod valet in Epilepsia, Variolis, &c non caret enim optimo sale volatili; ex hoc cornu Gelatina paratur quæ ad affectus dictos prodest; conficitur ex eo, & spiritus, & sal volatile, & oleum, quæ multum diaphoretici habent, & ad multos tollendos affectus valent; *vid. Hoffm. clav. Schröder.*

Ex medulla Cerebri Alcis multi sunt qui aquam destillant, & pro epileptico arcano tenent; Ungula tandem vel externè adhibetur, vel internè, tamen præparata; Externè

nè in Epilepsia valet pro usu Amuletico ut docet *Luc. Tozzini*. Quæritur autem qua ratione in epilepsia faciat, & respondet *Ettmulerus*, non tantum agere ob vim absorbendi acidum, sed & per aliam secretiorem causam; Alces enim est bestia admodum meticulosa & à strepitu etiam arboris in fugam pellitur; hic autem metus in totum corpus transfertur, & primò in ungulas & quidem posteriores unde vis hæc dependet; eligenda autem est ungula pedis dextri posterioris, nec dubito quin omnium expectationi, tam sæpius per experientiam probata sit responsura. Preparatur verò lege communi hæc ungula, & inde paratur magisterium cum aceto, vel cum spiritu nitri abstrahendo, non præcipitando cum oleo tartari, quod præstantius erit; eleganter etiam ex Cornu Alcis per spiritum Vitrioli, post mediocrem istius abstractionem copiosa aquæ affusione præcipitando paratur, sed hoc potius ad alterandum, & adstringendum adhibetur, quam ad sudores movendos, ut ait *Frid. Hoffmannus loc. cit.*

CAPUT III.

De Apro.

APER, porcellus, seu verres silvaticus, glandibus, castaneis, & similibus vescitur, coit initio hyemis, & vere parit: de hoc animali in usum medicum veniunt dentes, spuma, sanguis, genitalia, fel, adeps, stercus, cerebrum, hepar, vesica, urina, coagulum.

Dentes contra pleuritides, & inflammationes omnes internas optimi sunt ad 3. i. in pulvere propinati, coagulatum sanguinem solvunt, acidum absorbent, quo absorpto sudor sequitur; Dens Apri destillatur à multis, qui dat sal volatile unde elegans *Schröderus* ex eo magisterium parat solvendo cum aceto destillato, & præcipitando cum spiritu Vitrioli vel oleo tartari, quod tamen magisterium nihili facit *Ettmüller* us. Paratur etiam ex dente hoc Gelatina, ut Gelatina Cornu Cervi & in pleuride

ritide est remedium egregium ; externè autem Apri dens collo puerorum appositus ortum dentium accelerat ; de quo *Venturinus*.

Spumam Apri coctam in vino , & exhibitam vomitum sedare ait *Sextus Placitus*.

Ex sanguine istius animalis sunt qui aquam cum plantis refrigerantibus , & humectantibus destillant , & pro atrophia tollenda commendant , vid. *Hartmannus in Prax.* & *Sperling. Zoolog.*

Genitalia contra epilepsiam sumpta valent , & ad veneris impotentiam , ac prolificationem faciunt , Fel strumas sanat illitum , Venerem stimulat , & bullitum in cortice mali punici instillatum aurium dolores sedat ; Adeps inservit pro unguento Armario conficiendo , commendatur ad leniendos laterum dolores , ac rejectiones sanguinis sistendas.

Stercus Apri cum aceto solutum , erysipelata , & renum dolores sanat impositum ; aridum autem , ac pulverizatum cum vino bibitum dysenteriam curat. Cerebrum coctum , & cum vino exhibitum sedat dolores , atque in serpentum moribus prodast.

Hepar manlucatum quacunque forma , moribus venenatis obstare scribit *Dioscorides* , quin cum vino potum alvum sistere docet *Sextus Placitus*. Vesica assata , & manducata tollit incontinentiam urinæ si *Ætio* credimus. Urina comminuit vesicæ calculos sumpta , aurium dolores instillata mitigat , & cum oxymelle bibita epilepsiam fugat. Coagulum tandem hujus animalis bibitum facit ad omnia mortifera , & est velut Theriaca , de quo vid. *lib. cui titul. Kyanis est.*

C A P U T I V.

De Asino.

A Sinus animal est omnibus notum , pigrum , melancholicum , cujus multæ partes ad medicinam faciunt , nempe
Corium

Corium cum pilis, ungula, sanguis, lac, urina; stercus, adeps, caro, pulmo; jecur, splen, fel, ossa, auris dextra & sordes aurium.

Corium cum pilis supra pueros impositum eos prohibere à timoribus asserit *Hoffmannus*. Ungula in epilepsia ungulae Alcis vicaria putatur, in suffitu facit ad foetus mortuos eliminandos, pulverizata, & sumpta à muliere lactante lac multiplicabit si *Matthiolo* credimus; Asini ungula pulverizata, & cum oleo mixta ad curandos perniunculos utitur *Al. Venturinus*. Quin ex hac *Pitbagorus* annulos construi curavit ad arcendam epilepsiam; Sanguis potus ad guttas quatuor, vel quinque, cum vino febres tollit continuas, impositus sistit hæmorrhagias ab auribus emanantes, libitus à quartana liberat; *vid. citat. Venturinum*. Hinc in Aselli sanguine singulare invenit secretum contra maniam *Job. Michaelis*, & summa cum euphoria hoc adhibuit ad multos sanandos maniacos *Frid. Hoffmannus* quin & *Etmullerus* verno tempore sanguinem ab aure Asini recipit in linteum novum, & exsiccatur in camino, ut de spiritu, seu sale volatili lignorum participet, magisque sudorificus sit, hunc asservat per integrum annum citrà virium debilitatem, sub usu inde recipit hujus linteï frustulum, injicit in aqua destillata hyperici, & fœniculi, quoad usque sanguis extrahatur, dein bibat æger quod pro summo specifico contra maniam commendat.

Lac nutrit, & abstergit, ideòque phthisim sanat, prodest in Lithiasi, Arthritide, & morbis ventriculi, atque menses ciet; Lac Asinæ in ore detentum mitigare gingivarum dolores aliqui notant; Vermes necare, venenis oblitare in gutturis apostematibus prodesse, ventremque laxare docent alii; quia verò Asinus est bestia sana, & longæva, ideo lac ejus præ cæteris salubrius est; modus autem utendi erit ut præmissis præmittendis æger cibis dulcioribus per quatuor dies nutriatur, postea tempore matutino ab 3. vi. ad xii. propinetur lac Asinæ tepidum, cui uncia una sacchari addi potest, ne tam facile coaguletur; hinc tempore vespertino tribus horis ante cœnam eodem modo, & eadem dosi exhibeatur; cibus interea dulcis sit, & minus acidus. Externè quoque lac A-

finæ gingivas stabilit , podagricos dolores compescit , & faciei gratum conciliat colorem.

Urina Asini externè adhibita ad caput abluendum à Porrigine liberat , scabiem ejicit , & verrucis , callis , atrophix , podagræ medetur , vide *Schröderi Pharmac.* Internè verò in Renum , & Vesicæ morbis peculiariter juvat ; bibita calida adhuc phreniticos sanat monente *Dioscoride* ; quin bibitam sanare eos , qui calcem assumpsere , scribit *Job Ketan.* necnon in uvula relaxata prodessè notat *Apollonius.* Stercus Asini externè adhibitum ad modum emplastri , sanguinis hæmorrhagias sistit ; internè verò pulverizatum , ac bibitum cum vino. *Dioscorides* adhibet ad scorpionum ictus sanandos ; hinc talem adhibendi stercus Asini formam dat *Ettmullerus in Schröder.* *Dilucid.* quæ ad omnes sistendas hæmorrhagias valet *R.* stercoris Asini expressi ꝯ. j. ꝯ syrupi myrtini aquæ Plantaginis ; ana. ꝯ. ꝯ. Misce & detur ægroto incio. Sunt etiam qui syrupum , ex stercore Asini parant , quo utitur *Prævotius in med. Pauper. & Scambor. M. M.*

Adeps concolores cicatrices reddit , & pilos facit crescentes.

Caro Asini cocta , & manducata phthificis prodest , & pulverizata perniones sanat de quo *Avicenna* ; Pulmonis Asini pulverem domi detentum serpentes fugare scribit *Plinius* , & bibitum in vino albo tussi mederi docet *Hali.* Jecur allatum jejuno stomacho sumptum valere in epilepsia narrat *Dioscorides.* Splen. Asini assatum & pulverizatum , & cum vino generoso sumptum Lienis durities dissolvit & lactis magnam copiam gignit referente *Galeno.* Fel Asini erysipelata tollit , & porros Ani evellit applicatum. Ossium decoctionem bibitam contra venena facere ait *Plinius.*

Ex anteriori parte dextræ auriculæ si philacterium fecerit Medicus , dederit portandum mulieri sanguinis fluxum patienti eadem die sanabitur hoc confirmante *Auctore libri cui titulus Kyranis est.* Aurium sordes demum temporibus illitas somnum conciliare docet *Frid Hoffmannus.*

CAPUT V.

De Bove, & Vacca.

BOs, & Vacca animalia notissima sunt, vitam ad Annos 21. producentia, ex quibus à medicina sequentes adhibentur partes; Cornu, fel, jecur, splen, sanguis, medulla, adeps, lapilli, lac, butyrum, caseus, priapus, ossa, ubera, intestina, & lingua.

Cornu epilepsiæ medetur; in suffitu ad corrigendum aërem contagiosum adhibetur, quin & cinerem ex Vaccæ cornu confectum naribus insufflatum hæmorrhagias sistere docet *Rhases*; Fel Bubulum, vel taurinum, tam internè quam externè adhibetur; Internè in Clysteribus proritat alvum contumacem; externè adhuc tepidum Lienis regioni impositum levamen afferre spleneticis narrant multi, umbilico illinitur contrà lumbricos; Ulceribus, ac doloribus aurium medetur, & hæmorrhoidas aperit applicitum. Ex felle Bovum aquam destillat *Etmullerus* quæ cicatrices oculorum delet, & acrimonia sua volatili visum clarificat.

Jecur Bovis assatum, & pulverizatum cum vino generoso potum sanguinis fluxum prohibet, & in Hepate roborando est efficax.

Splen adhibetur contrà mensium suppressionem; Lienis duresces tollit; *Crollius* ex splene bovino essentiam construit, cujus descriptio apud *Schröderum* & *D. Michaël.* essentiam splenicam compositam parat, & cum martis essentia mixtam ad mensium fluxum nimium suppressendum exhibet. Sanguis siccatus, & in pulverem redactus vulneribus impositus sanguinem sistit, intrinsecè adhibitus singularem fert opem in dysenteria, & extrinsecè emollit tumores, faciei maculas abstergit, & verrucas tollit. Medulla nervorum indurationi medetur, & trementia membra reficit. Adeps Bovis specialiter usurpatur ad intestinorum mordicationem, & tenesmum sirosis affectibus medetur. Ungula in suffumigio arcet aërem malignum; in cinerem redacta,

æta, & intus sumpta copiam lactis præbet, & omni veneno resistit; Ungulæ autem fragmenta frixa, & sumpta dysenteriam sanant; cavendum tamen ne bestia sit lasciva, si enim lasciviat tunc ejus ungula dysentericis putatur lethalis à *Frid. Hoffmanno*.

Urina dolores aurum lenit, cum myrrha instillata sanat comitalem morbum, unde rusticus quidam apud *Libavium* filiam epilepticam lotio vaccino curavit; ex urina Vaccæ suffumigium ad pudenda parat *Laur. Hoffmannus* quod præservat prægnantes ab abortu; Stercus adhibetur in adustionibus, inflammationibus, vesparum moribus, & hydropicis in forma cataplasmatibus, quod etiam cataplasma cum melle urinæ difficultati conferre docet *Avicenna*; suffumigatum sub sella patientis stercus vaccinum ob singularem suam vim anodynam commendat *Estmullerus* ad partum accelerandum, & ipsum locis ambustis impositum optimum esse remedium advertit. Ex hoc aqua destillatur, quæ non solum cosmetica est, sed in calculo prædest, & in infantum torminibus, intus sumpta; & sæpè stercus hoc gratum servat odorem; vid. *Dan. Horstii dissens. Chym.*

Lapilli alii inveniuntur in ventriculo, alique in cystide fellea; qui in ventriculo reperiuntur, ictero; & calculo medentur, si *Quercetano* fides habetur; In Provincia *Xantung* ex Vaccarum ventriculo educitur lapillus coloris lutæi si *Frid. Hoffmanno* credimus, qui ovum Anserinum in magnitudine æquat, bezoartico præstantioris virtutis à Medicis putatus ex terrestri substantia non compositus, sed ex minutissimis herbarum fibris. Vid. *Chin. illustrat. pag. 206.* qui verò inveniuntur in felle, ex sale volatili alcalino, ab acido coagulato constantes multi sunt usus in calculis frangendis; cum aceto sumpti ad sanguinem congrumatum dissolvendum faciunt, & in scorbuto curando egregii sunt; de generatione verò istorum lapidum felleorum videatur *Wormius in Musæo*.

In lacte tria sunt notanda primò generatio mirabilis ex gramine, & fœno, secundò triplices distinctæ ejus partes, & tertio usus; quoad primum lac est substantia pinguis, butyrosa, & oleosa, unde mirum, qua ratione ex fœno tam elegans possit generari liquor, hincque apparet quantum valeat prima digestio; quoad

quoad secundum prima substantia est butyrosa, oleosa, & sulphurea, secunda caseosa, & salina, & tertia vehiculum istorum est serum nitrosum; quoad usum lac in genere est optimum alimentum, dulce, & nutritivum, hinc contra Tabem; intestinorum erosionem, renum ulcera, vesicæ dolores diarrhoeas, tenesmus nihil melius est quam hoc lac potum; Butyrum maiale oculorum hebetudini prodest, dolores artuum lenit; advertit tamen *Frid. Hoffmannus* ejus usum prægnantibus, & hysterics noxium esse. Caseus recens dolores podagricos lenit, hepatis æstum mitigat, & exomphalo infantum succurrit impositus. Priapus Tauri tritus, & exhibitus dysentericis prodest, nec non colicos dolores mitigat. Ossa ad roboranda viscera, & ad arcendam epilepsiam à *Schrödero* adhibentur, quin, & ossa Vaccae pulverizata ad sanguinis fluxum cohibendum exhibet *Avicenna cum Maroldo Pract. M.*

Ubra Vaccae juvenculæ cocta, indurata, & pulverizata, lac provocare dicitur à multis sumpta; Intestina Bovis siccata, & pulverizata in vino, aut in cibis exhibita, quamlibet alvi fluxionem sistere ait *Aëtius*. Lingua tandem Vaccae siccata, & pulverizata mulieri lacte carenti propinata, lactis generationem promovet, vid. *Alex. Venturinum*.

C A P U T V I.

De Bubulo.

BUBULUS est animal Bovis figuram & naturam imitans, majus tamen, & crudelius, colore nigrum, cujus mulæ ad medicinam partes sunt facientes, videlicet cornua, ungulæ, coagulum, adeps, hepar, lac, urina, stercus, & vulva.

Cornua, & ungulæ spasmo medentur, si annulus exinde factus digitis manus gestetur. Coagulum humores sanare scribit *Dioscorides*, contra potum cicuta facere advertit *Schröderus* & tandem ad sanguinem coagulatum solum adhiberi posse testatur *Venturinus*. Adeps Bubuli in vulnerum tumoribus, &

Jos. Lanzoni Opera. Tom. I.

C c c

sciati.

sciatica à multis commendatur. Ex hepate conficitur extractum miræ efficaciz ad nonnullos tollendos affectus cujus descriptio videatur apud *Crollium*, *Hartmannum* & *Beguinum*. Lac cum nitro, & aceto ad hemicraniam fugandam fronti applicat *Plinius*, alique auribus imponunt ad auditum recuperandum. Urina dolores mitigat articulares, & aurium morbis medetur instillata.

Stercus maximè facere ad sciaticæ curam impositum docet *Schröderus*; in Apum, Vesparumque istibus prodesse tradit *Aëtius*; & cum aceto in formam emplastri ad Podagram sanandam, arcanum eximium esse notat *Plinius*. Uulva demum bubulina exsiccata, quia moschi odorem spirat adhibetur in unguentis à nonnullis Pharmacopolis de quo vid. *Bartholinus* in *Epist. med.* & *Rolfincius*.

C A P U T VII.

De Bufone.

BUFO animal notum est, terrestre, inter venenata primum tenens locum, & sequentes dat partes medicinz, nempe corpus totum, lapidem, sperma, & jecur; etsi itaque animal hoc sit deterrimum, ac venenosum tamen intrinsecè, & extrinsecè prodest, internè enim pulvere proprio lymphas hydropicorum per urinas educit, de quo *Wierus*, & *M. Donatus*; Sal quod nonnulli ex bufone combusto extrahere tentant spem omnem eorum eludit, nullum enim sal fixum ex animalibus combustis parari potest, ut ait *Frid. Hoffmannus*. Sed salia volatilia per destillationem, summa ignis vi saltem inde evocari possunt, ideòque quæ de sale bufonum dicuntur, de illorum pulvere exsiccato est intelligendum, vid. *Pet. Job. Faber*, *Helmontius de Peste*, & *Kircherus*. Extrinsecè in aceto maceratus imponitur bufo ad eliciendum venenum, ad sananda putrida ulcera, ad malignitatem pestilentialem arcendam, ad hæmorrhagiam narium sistendam, umbilico alligatus ad fluxus hystericos

cos inhibendos, atque plantis pedum imponitur à *Schrödero* ad febres, phrenitides, cordisque morbos debellandos. Contra *Scrophulas* coquit bufones in oleo olivarum & applicat *Borellus*; emplastrum parat *Cneffellius* ex bufone pro angina cujus descriptio est apud *Hoffmannum*. Ceratum bufonis alii componunt ad urinæ incontinentiam curandam, cujus formula est sequens. R. bufonum lib. j. olei olivarum lib. β. ceræ, ʒ. iij. bulliant, in olla ad medietatem consumptionis, & fiat Ceratum quod extendatur supra alutam regioni renum applicandum.

Lapis bufonis gemma est bullæ instar altera parte cava; altera convexa, coloris viridis melior est; hunc lapidem multi negant inter quos *Ettmullerus*, qui ait merum figmentum. & mendacium esse, credit enim ipse hunc lapidem substantiam esse testaceam, seu cranium bufonis; *Olaus Wormius* putat instar fungi in saxi nasci; *Boëtius* hunc omnino oriri negat in bufonibus; Concedentes autem hunc lapidem dicunt istum gestatum à venenis præservare, virus à venenatis mörribus elicere, & omnes hæmorrhagias sistere; vid. *Encelius*, *Saracenus de Peste*, & *Libavius*.

Sperma bufoni tympaniticis applicatur à *Schrödero*. Jecur demum hujus animalis cancro ulcerato impositum, nonnulli tanquam summum commendant arcanum, vid. *Venturinum in Arcan. Animal. Cap. de Bufone*.

De bufone plura curiosi dabit, & eruditè *Christ. Francisc. Paulinus in suo Bufone Curioso*.

C A P U T V I I I.

De Cane.

CANIS notissimum animal est, quod sequentes dat partes medicinæ, quæ sunt caput, adeps, cerebrum, cor, hepar, fel, sanguis; lac, caro, lien, aurium cerumen, stercus, urina, dens, pellis, & pili.

Catulus autem primò ventri impositus colicos dolores mitigat, & de hoc notandæ sunt observationes *Borelli*, qui catellos podagricorum pedibus, non sine felici eventu imposuit; Ex catellis parvis adhuc vivis destillant nonnulli aquam, quæ magnum præstat levamen illinita podagricis partibus, quin ex catulis ballamum ad resolvenda contracta membra componit *Schröderus*. Caput Canis rabidi coctum cum vino morbum regium curat si *Sexto Placito* credimus. Adeps vulneribus confect; ob suam vim vulnerariam, & ob suum sal volatile in exulceratis pulmonibus curandis valet; externè autem in podagra, hydropè, auriumque dolore sedando. juvat, lendines capitis arcet, ac scabiem corrigit, vid. *Cortesi* *Zwelferus* & *Ephemerid. Germ. An. 3.*

Cerebrum in maniacorum cura extollitur à *D. Job. Michael.*; idemque ossium fracturis applicat cum fructu *Hollerius*.

Cor canis pulverizatum cum vino sumptum epilepsie medetur.

Hepar adhibetur ab *Avicenna* exhibitum in canis rabidi moribus sanandis. Fel catuli cum aceto potum epilepsiam curat, & hoc remedium in Anglia usitatissimum est, vid. *Dolens*. Sanguis capis bibitus à membrorum tremore liberat monente *Æsculapio*, ac contra morsum rabidæ bestie valet. Lac epilepticis pueris exhibetur à multis, & parturientibus propinatur à *Venturino*, Lac catulæ bibitum capillos auget, in aures immissum sedat dolores; ac oculis impositum suffusiones tollit, videatur *Plinius*.

Caro cocta, & manducata manuum tremorem arcet. Lien canis extrà impositus lienis durities delet, ac annihilat. Aurium cerumen adhibet *Archytas* ad sanandas quartanas febres.

Stercus honesto nomine, album græcum dicitur, & varias habet virtutes; multo enim salè armoniacali gaudet, valet in colica, & dysenteria internè adhibitum si *Zacuto Lusitano* fides habetur. Ictericos, & epilepticos in convenienti potu datum sapat, & vulnerarium est insigne, unde potiones vulnerarias ingreditur; externè etiam anginae medetur tumores emollit emplastrizatum, quod etiam *Galen*i temporibus usatum

tum erat; cum terebinthina impositum canis stercus curat hæmorrhoidas, vid. *lib. cui tit. Kyranis est.* Urina sursum abstergit, verucas abigit dictante Schrödero; Dens pulverizatus cum butyro illitus puerorum dentitionem faciliat, ac odontalgiam sanat; vid. *Pet. Hispanus*, ac *Rhases*. Pellis applicatur extrinsecè ad nervos contractos emolliendos. Pili denique impositi canis moribus medentur, de quibus optimè *Joseph. Falsonius*, & *Christ. Franc. Paulin. in Cynograph. curios.*

C A P U T I X.

De Capro, & Capra.

CAPER masculus Hircus dicitur, Capra femina est, & capella nuncupatur; animal est alacre omnibus notum, & auditu acuto pollet, à quo medicina desumit cornua, coagulum, sanguinem: jecur; lienem, carnem; sebum; labrum; ferum, lapillos, stercus, urinam, vesicam, omentum, & fellis vesiculam, testes, pilos, & ungulas.

Cornu enim Capri utitur medicina in suffumigiis ad Venterosos excitandos, & ejus pulverem adhibet ad stabiliendos, ac dealbandos dentes. Coagulum hirci cum succo plantaginis sanat diarrhoeas, ac menses nimios sistit, epilepticis convenit, & mammarum duritiem dissolvit. Sanguis dysentericis prodest, calculos frangit, unde aliqui hunc sanguinem adaman-tes rumpere dicunt; *Helmontius* in Pleuritide optimum esse scribit, cui se associat *Zwelferus*; Preparatur ex sanguine hircino spiritus, oleum, & sal volatile, de quibus apud *Schröder. Pharmacop.* Jecur coctum, & manducatum visum corroborat unde in colliriis adhibetur ab *Avicenna*.

Lien capræ deligatur super situm lienis obstructi, & ob-structiones tollere docet *Pet. Hispanus in Thesaur. Pauper. cum Desjcoride*.

Capræ carnem sapè comestam visionem acuere trahit *Ven-
turinus*.

Sevum hircinum podagræ opitulatur, hæmorrhoidum doloribus medetur, ac nervis contractis prodest. Lac phthisicis convenit, anginæ dolores mitigat, cantharidum veneno obstat, & in clysteribus vermes necat. Serum intus sumptum in scorbuto est optimum, imo & in leucophlegmatia prodest, scabiosos juvat ob turgentiam nitri sui volatilioris; adhibeatur autem modo, quo utitur *Frid. Hoffman. com. in Schröd.* Lapilli in ventriculo, ac cystide fellea caprarum reperti summa vi pollent diaphoretica.

Stercus emplastrizatum cum urina pueri ad sanandam porriginem facit, apostemata mammarum impositum sanat, durities genitalium, & splenis tollit, podagram fugat, tumores annihilat, colicam mitigat, & dysuriam arcet. Urina calida epota calculos fiangit, menses provocat, in hydrope convenit destillata.

Vesicam exsiccata, & pulverizata ad 3. j. exhibitam urinæ incontinentiam curare nonnulli volunt. Omentum feroces spiritus mites reddit, ac efferatos compescit, calidè impositum prodest in colica, ac mania. Fel hirci visionem acuit, oculis appositum, febremque quotidianam ejicit in cataplasmate redactum, & ventri impositum, vid. *Petr. Hispanus & Rbenani Chin.*

Testes cocti, & manducati mictum nimium cohibent. Pilorum cinis hæmorrhagias sistit, & ex pilis suffumigium in inguinum doloribus sanandis aliqui parant. Ungulæ tandem pulverizatæ venenatas ejiciunt bestias, ac cum oleo communi mixtæ dissolvunt strumas; vid. *Venturinum.*

C A P U T X.

De Rupi - Capra.

RUPI-Capra animal sylvestre est, figura domesticis capris simile, in Alpibus morari gaudet, unde in copia sunt istæ capræ in Alpibus Episcopatus Salisburgensis, ex quibus
 medicina

medicina sequentes in usus habet partes, quæ sunt sanguis, sebum, jecur, fel, stercus, & lapis. Sanguis bibitus recens à Rupicapra extractus, Vertigini medetur. Sebum phthisicis confert. Jecur diarrhoeas sistit pulverizatum, ac sumptum in vehiculo convenienti. Fel thymos circa præputium ejicit, oculorum nubeculam impositum delet, ac emplastrizatum summum cosmeticum est; vid. *Annotat. in Pisanel.* Stercus pulverizatum, & sumptum calculum expellit, ac icteritiam fugat. Lapis demum, qui in ventriculo hujus animalis reperitur nihil aliud est, quam massa cute coriacea nigra splendente rugosa obducta constans ex herbarum depastarum fibris, pondere levis, odore grata, de quo lapide optime *Welshius in peculiari tractatu*: Dicitur Bezoar germanicum à multis, quia pulverizatus cum vino sumptus alacritatem animo præbet, partum accelerat, menses ciet colicos dolores sedat; febres malignas cum aquis cordialibus exhibitus arceat, adversus venena maximè facit, Pesti medetur, & dysenteriam sanat, cujus dosis est gr. xv. ad xx.

C A P U T XI.

De Capri - Cervæ Orientali.

CAPRI Cervæ animal est Persiæ, ac Indiæ Orientalis partim Cervo, partim Capræ simile ex cujus ventriculo habetur bezoar Orientale magni faciendum in medicina, cujus pulvis de multo sale alcalino participat, & exhibitus ad gr. x. venenis resistit, sudores ciet, utilitatem affert in malignis febribus, colica, dysenteria, ictero, vermibus, calculo, peste, ac difficili partu; De genuitate hujus lapidis vid. *Schröderus Ettmullerus. Baubinus Zwelferus Hoffmannus & alii.*

Cornua quoque hujus animalis in usum medicum veniunt ob suam balsamicam vim, ac salis volatilis copiam, undè re-
 jectis lapidibus utitur tantum cornu ad dictos debellandos affec-
tus

C A P U T X I V.

De Castore.

CASTOR animal amphibium est, à quo medicina pro usu accipit, Axungiam, Castoreum, & pellem.

Axungia in nervorum affectibus prodest, ideòque membris resolutis, convulsis, epilepsia, apoplexia, Paralyssi, medetur.

Castoreum non est, ut nonnulli putant Castoris testiculus, sed est vesicula liquore oleoso plena, pingui, & sale volatili imprægnato, similisque liquor sanè non invenitur in regno animali si *Ettmullero* credimus; hujus vis fundatur in sale volatili admodum oleoso, & penetranti, unde ad affectus nervorum valet, idcirco in apoplexia, lethargo, epilepsia, strangulatione uteri, convulsionibus &c. curandis præstat externè, & internè adhibitum; Ex hoc nonnulli oleum, & extractum eliciunt, de quo vide *Pharmaciam Schröderianam* & *Dispensatorium Augustanum*. Paratur quoque essentia de qua apud *Micb. Ettmuller. in Schröder. dilucid. & Sperling.*

Pellis denique imposita fert opem podagricis, ac Paralyticis; De Castore autem plura dabit curiosis *Olaus Wormius in suo Museo.*

C A P U T X V.

De Cato Zibetino.

CATVS Zibetinus animal peregrinum est, ex quo Zibetum concretum in vesica inter testes medicina depromit; Mas varius est coloris plerumque tamen cinerei, subnigris distinctus virgis; Fœmina est albidior mare, & ad colorem flavum tendit; Hoc animal oritur in multis Indiae Orientalis, ac Occidentalis partibus, & in Regno Peruano magna copia horum
Jos. Lanzoni Opera. Tom. I. D d d ani-

animalium invenitur. A tali excremento hoc animal maxime vexari ait *Frid. Hoffmannus* cum ex intimis corporis partibus ad emunctoria prorumpat, & sudoris instar sub axillis præcipuè & oculis intra clunes sitis colligatur non procul à membro genitali; vid. *Franc. Hernandez.*

Zibetum calidum, ac humidum est, atque anodynum; externè sæpè usurpatur, rarò autem internè; convenit in colica umbilico inunctum, strangulationem ab utero tollit vulvæ applicatum ex hoc cum Ambra, & Moscho aqua paratur eximie virtutis de qua in *Tbesauro Pharmedut. Hoffmanni.* Sunt, qui pro exercitio venereo roborando hoc laudant, imò sunt qui zibetum cum balsamo apoplectico glandi penis illitum pro focundatione commendant, referente *Mich. Estimulero.*

Pellis ventris Cati zibetini est saluberrima in omnibus frigidis affectibus ventriculum enim roborat, si ipsi imposita gestetur.

Nigritæ, & Mauri carne hujus animalis vescuntur licet pessimi odoris, & ad venerem præstare maximum stimulum fætentur. De hoc animali autem plura dabunt *Castel. de Hyæna Odoris. Tb. Bartolin. cent. 4. bistor. prima, Fab. Columna ad Job. Fab. Lynceum in Epistol. aliiq; plures.*

C A P U T X V I.

De Cervo.

CERVUS animal est vivacissimum ad 100. vivens annos; velocissimum, è quo medicina ad usus varios accipit cornua, corium, os de corde, cor, genitale, testes, pulmones, sanguinem, lachrymas, medullam, sebum, lapidem, ungulam, coagulum, urinam, & stercus.

Cornua cruda, & pulverizata multo sale volatili pollent, malignitatem corrigunt, sudores cient, humanum balsamum corroborant, in variolis epilepsia, febribus prolunt; ut
melius

melius agant nonnulli ea urunt, & cum aquis cordialibus præparant; quod Cornu Cervi uſtum *Zwelferus* ceu inutile planè rejicit, quia omni virtute eſt caſtratum, & in terram mortuam redactum Ego vero cum *Job. Michael. Horſtio, Roſſincio, Hoffmanno* eum convenientiſſimum eſſe cogito experientia edoſtus, Cornu Cervi uſtum ebullitionem humorum ſedare, diarrhœam compeſcere, vermes necare, & licet particulæ ſalinæ cum ſulphureis videantur deſtructæ, tamen nihil obſtat, alia enim eſt ignis, alia archæi ſtomachici operatio cum remedij adaptatione quam nullus intellectus humanus ſatis aſſequi poteſt; Quidam magiſterium conſtruunt ex Cornu Cervi de quo *Schröder*. Alii Gelatinam, ac unguentum de quibus in *meis Animadverſ.* Alii extractum, ac ſpiritum conſtant de quibus optimè *Meſſ. med. Spagy. pag. 598. & Le Mort Chym.*

Cur autem Cervus cornua deponat, variæ Auſtorum ſunt ſententiæ; *Voffius*, cauſam putat cornuum contiguitatem cranio, non continuitatem, dum cuti dumtaxat adhærent, *Hellmontius* rationem aſſignat quod cornua iſta partim de materia ſint oſſea, partim de lignea & propterea ſpinas, & ramulos æmulari, & annuatim decidere ob proprietatem frondium; ob nimiam duritiem putat *Zwelfer*. cornua à Cervis deponi, quæ prohibeat quò minus pro alimento ipſorum copioſe affluens ſanguis diſpergi, ac circulari poſſit, ex ſanguine circa brumam collecto vermiculos tractu temporis enaſci. qui erodendo pruritus excitent, donec Cervi concitati cornua arboribus affricent, & tandem decidere faciant; talesque vermes obſervavit *Ariſtotel. lib. 2. hiſt. Anim.* cum *Plinio*, viditque *Conrard. Heresbachius in Comp. therapeut.*

Corium ſerpentes fugat delatum, ac ſuffocationem uterinarum compeſcit.

Os de corde Cervi nihil aliud eſt quam tendines muſculorum cordis, qui ob ætatem in oſſeam degenerant ſubſtantiam; hoc à malignitate ſumptum tuetur, partum cuſtodit, palpitaciones cordis fugat, & melancholiæ medetur; vid. *Frid. Hoffman. Clav. in Schröder.*

Ex corde aquam eliciunt nonnulli inter quos *Job. Fortis*,
D d d 2 quæ

quæ vim summam cordis confortativam possidet. Priapus vim habet diureticam, venerem stimulat, colica correptis auxiliatur, dysenterias fugat, & in pleuritide pulverizatus, & in aqua scabiosæ propinatus nihil est præstantius. Testiculi sicci cum vino poti ad suscitandam venerem valent, de qua re *Schwenckfeld*. Pulmo cervi siccatus, & pulverizatus cum melle quavis mane jejuno stomacho sumptus tussim arcet monente *Plinio*; Sanguis cœliacorum profluvia sistit, & est efficax contra toxica; ex hoc balsamus antipodagricus, sal volatile & oleum conficiuntur de quibus *Job. Schröder*.

Lachrymæ contra morbos venenatos valent, monente *Zacuto*, in difficultate partus profunt confirmante *Horstio*, licet *Ettmullerus* nullum esse harum usum asserat. Medulla dolorem tollit parti imposita, dentium dolores mitigat, & in ulceribus tibiæ laudatur à *Plinio*. Sevum Cervinum contusionibus medetur dictante *Matthiolo*, curat convulsiones, perniones sanat, tumores emollit, vulnera adstringit, dolores sedat, ac excoriationses superficiales consolidat impositum. Lapis in ventriculo Cervi inventus cum lapide Bezaar viribus suis convenit, componitur enim ex acido, & alcali urinoso, ita tamen, ut alcali prævaleat, de quo legatur *Wedelius*. Ungula combusta, & incinerata dentibus applicita odontalgiam curat; vid. *Venturini in Secret. Animal*.

Coagulum Cervi potum menses nimios sistit monente *Dioscoride*. Lac coagulatum solvit, ac fungorum veneno adversatur, vid. *Haly*.

Urina denique imposita auribus auditum amissum restituit & bibita renum dolores sedat. Aqua è Typhis cervinis ob varias eminet virtutes de qua *Schröder*. Stercus contra hydropem valet, vid. *Plinius*.

CAPUT XVII.

De Cochlea.

COCHLEA notissimum animal est, sequentesque exhibet medicinæ sui partes, scilicet testam, pinguedinem, ac mucum.

mucum. De hujus animalis ovis optimè scripsit *Ant. Felix Abbas Marsilius ad Malpighium.*

Cochlea externè adhibita cosmetica est, in formam emplastri prodest in discutiendis serosis tumoribus, in consolidandis vulneribus, herniis resolvendis, hæmorrhagiis sistendis; optima etiam est in aurium doloribus, Arthritide, oculorum inflammationibus, ac Hydrocephalo; Vid. *Venturin.* Internè autem assumpta Cochlea in Phthisi commendatur, in colico fugando dolore, in sreatu sanguineo, & in tussi fuganda: Ex cochleis præparatur aqua, quæ antiphtifica existimatur de qua *Mynsicht.*

Testa pulverizata calcu'osis, ac hydropicis cum bono fructu exhibetur, ac externè adhibita herniam intestinalem curat.

Pinguedo in elixato brodio supernatans oculorum rubedini medetur. Mucus glutinans est; & cosmeticus.

C A P U T X V I I I.

De Cuniculo.

CUNICULUS animalculum est Leporini generis; focundum valdè, ex quò à medicina sumitur axungia, & cerebrum necnon totum ejus corpus.

Axungia tumoribus, ac nervis induratis confert, pernio-nes sanat, imposita. Cerebrum venenis resistit monente *Schröder.*

Integer cuniculus exustus, faucium inflammationi medetur cum costi folio impositus, ut docet *Hoffmannus in Schröder.*

C A P U T X I X.

De Elephanto.

ELEPHANTUS animal est rarissimum placidum, ac docile, a quo medici sumunt, narices, hepar, sanguinem, pilos, ossa,

ossâ, adipem, dentesque. Narices si *Plinio* creditur solo tactu dolores capitis fugant. Hepar coctum, & manducatum epilepsiam curat. Cruor fluxiones sistit rheumaticas. Pili in suffumigio venenosa ejiciunt animalia. Ossâ pulverizata cum aqua plantaginis sumpta dysenteria medentur. Adipe si quis se ungat venenata animalia à se projicit monente *Avicenna*.

Dentes demum vulgò Ebur dicti, eisdem cum Cornu Cervi polent virtutibus præ cæteris tamen acidum valde attemperant, ac phlogoses compefcunt; Ex his ad modum Cornu Cervi paratur Gelatina, quæ maxime convenit contra abortum; isti dentes habent vim alexipharmacam, ideòque necant vermes, humorum ferociam mitigant; sal volatile obtinent, & oleum empyreumaticum si *Jac. Le Mort* credamus,

C A P U T X X.

De Equo.

EQUUS animal regale est, velox, omnibus notum, à quo sumuntur pro usu medico sanguis, coagulum, lac, stercus, lichenes, testes, pinguedo, fel, ossâ, ungula, pili, saliva, dens, lapis, & sudor.

Sanguis Equi admiscetur septicis, ac causticis, & ob suum sal volatile in caduco ejiciendo valet. Coagulum bibitum dysenteria medetur, & durities viscerum resolvit impositum, vid. *Haly*. Lac Equæ phthisicis utile, ac asthmaticis putatur potum, ac in doloribus matricis fugandis exhibitum valet; vid. *Venturin*. Quin & ad variolarum eruptionem promovendam exhibetur à *Frid. Hoffmanno*.

Stercus internè contra colicam, uteri strangulationem, & pleuritidem adhibetur, hoc utuntur aliqui ad variolas expellendas, ac foetum mortuum, quod prætat ratione salis volatilis in eo contenti: Externè hæmorrhagias sistit impositum, suffumigatum foetum mortuum educit; & pulverizatum vulneribus prodest immissum; vid. *Paulin. in Cynographia curiosa*.

Lichenes

Lichenes sunt excrementa callosa in Equorum cruribus nascentia, laudantur ad uterinas suffocationes; ex his extractum conficitur pro calculo; & epilepsia cum spiritu vini, vel alio appropriato spiritu de quo *Schröder*. Testes Equi exsiccati, & pulverizati exhibentur ab *Henrico ab Heer*. in difficili partu, & in doloribus colicis profunt, vide *Mich. Ettmullerum*. Pinguedo luxationibus illinitur, renascentes facit pilos, & spasmus medetur.

Fel edulcoratum in plumbeo vase, exhibitum quietem inducit, & cum melle illitum visum acuit; vid. *Kyranis*. Ossa pulverizata cum aceto emplastrizata podagram sanant monente *Fideli*.

Ungula in suffitu foetus mortuos expellit, ac pediculos fugat, frixa autem in butyro internè exhibita dysenteriam arcet, ac ejus pulverem sumptum calculos frangere ait *Plinius*. Pili cruoris fluxum cohibent. Saliva pota tussim sanat, & phthises, ac verrucas tollit. Dens Equi pulverizatus dentes dealbat affricatus. Lapis *Hippolitus* à nonnullis dictus in ventriculo, aut intestinis inventus in virtute æmulatur Bezaar, de quo lapide Videatur *Jordan. & Phil. Jacob. Sachs. Schroechius, & Bonet. in Med. septentr. tom. 2.*

C A P U T X X I.

De Erinaceo.

ERINACEUS Animal est terrestre quod hyeme in arborum cavernis occultatur, vespens muribus, malis, juglandibus, & similibus. Hujus partes Medicinæ inservientes sunt: Jecur, Axungia, Ventriculus, ac totum corpus ipsius.

Jecur exsiccatum cum oxymelle sumptum renum vitiis auxilio est, Cachexiamque tollit. Videatur *Dioscorides*. Axungia Herniis medetur, docente *Hartmanno*. Ex hac linimentum construit *Ettmullerus* pro infantum Epilepsia curanda. Ventriculus assumptus dolores colicos curat, videatur *Schröder*. Erinaceus tandem

tandem totus coctus, & sumptus diureticum arcanum est.
Vid. *D. Michael. & Forestus l. 21.*

C A P U T X X I I.

De Fele.

FELIS Animal notum est, visu optimo præditum, sequentes medicinæ præbens partes, scilicet Adipem, Sanguinem, Caput, Stercus, Pellem, Secundinam, & carnem.

Adeps certum est remedium in colica umbilico impositus. Cruor caducum curat, & herpes fugat. Caput incineratum oculorum vitia corrigit insufflatum vid. *Mizaldus*. Stercus cum aceto illitum Alopecias curat, & arcet podagram. Pellis fertur ad articulos contractos sanandos. Secundina collo appenditur ad oculorum affectus. Caro hæmorrhoidibus imposita dolores earum mitigat. v. *Haly*.

Nota Felem sylvestrem majoris esse efficacæ ac sit domesticus.

C A P U T X X I I I.

De Homine.

HOMO inter Animalia primum possidet locum, ex quo in Medicum usum sumuntur capilli, Ungues, Saliva, Aurium sordes, Cranium, Dentes, Ossa, Usnea Cranii, Sudor, Lac, Menstrua, Secundina, Urina, Stercus, Semen, Sanguis, Calculus, Pediculi, Membrana foetus caput cingens, Lumbrici, Mumia, Testes, Umbilicus, Cerebrum, Cor, & Uterus.

Capilli enim primò ab homine vivo desumpti cum aceto morsus canis, & cum vino capitis Vulnera sanant, pulverizati sanguinem siliunt, ulcuscula capitis fugant, ac cancrum impositi. Vid. *Plinius*, destillati dant phlegma, spiritum, oleum,

ac

ac fal volatile, idemque intelligendum est de pilis aliorum animalium, quæ omnia ad generandos capillos faciunt. Ungues vomitum movent sumpti in infusione lymphas hydropicorum educunt, ac curant podagram vid. *Helvetius*, *Marc. Marci*, & *Henric. ab Heer*. Saliva spiritu acido-armoniacali, turgēt, cosmetica est contra morsum serpentis valet.

Notandum autem morsum hominis iracundi adeo esse venenosum, ut inde superveniat Gangræna monente *Hildano*, & hinc est quod *Helmontius* venena animalium in certo animi pathemate latere putat. Aurium cerumen vomitum movet. colicam sedat assumptum, externa vulnera, scorpionum ictus, ac fissuras cutis sanat.

Cranium hominis morte violenta interempti, calcinatum philosophice cum aqua antiepileptica epilepsiam fugat sumptum; ex hoc magisterium, pulverem, extractum, oleum; sal volatile, galreda, & essentia parantur pro epilepsia ejicienda, de quibus *Schröder*

Dentes pueri secum lati dolores arcent referente *Plinio*. Ossa humana pulverisata cum vino bibita arthritidi mederi ait *Avicenna*. Usnea cranii tanquam ossium humanorum vigor confermentatus virtutem etiam mumialem in se tenet absconditam, de ista auctores diversas habent sententias. Alii enim putant ex solis craniis suspenforum eligendam esse quod spiritus mumiales strangulati in calvariam intrarint; Alii sive ex strangulatis, sive aliis capitibus eam eliciunt dummodo morte violenta sint interempti illi, ex quorum craniis mucus iste, sive usnea elici debet, pro quibus stat *Ettmullerus*

Est igitur usnea mucus nascens in cranio aëri exposito, qui ob suam vim mumialem hæmorrhagias sistit loco affecto applicatus, & est basis unguenti sympathetici, de quo in *meis animad.* vid. Lector curiosus *Kircher. in reg. Nat. sympath.* & *Boyleum in philosof. b. experimental.*

Sudor contra scrophulas facit monente *Schröder.*, ac tumores sanat scribente *Argel. in Galen.* Lac phthificis convenit, si sugatur ex ubere, vid. *Felix Plater.* quin & externè adhibitum cum albumine ovi inflammationem aurium fugat

Jos. Lazzoni Opera. Tom. I.

E e e monen-

monente *P. Hispano*. In oculorum affectibus tollendis laudatur à *Dioscoride*. Ex hoc fit butyrum, quod contra phthisim & ophthalmiam est præstantissimum. Menstrua internè sumpta, ad calculum, epilepsiam, ac menses ciendos valent. Externè adhibentur in doloribus podagræ, apostematibus, ac carbunculis pestilentialibus, vide *Schröder. & Frider. Hoffmannus*. Secundina strumas tollit apposita; exsiccata, pulverisata; & sumpta epilepsiam fugat. Aqua à secundina extracta pellit foetum, & epilepticos sanat, vid. *Harttman. & Ettmüller*. Urina sumpta hydropi; hepatis obstructionibus, pelvi, lienis tumoribus medetur internè sumpta. Ex hac spiritus, sal volatile, oleum; ac magisterium componuntur ad varios debellandos affectus, vid. *Frid. Hoffmann. clav. in Schröd.* Externè urina adhibita scabiem necat, tumores resolvit, gangrænam arcet, vesparum ictus sanat, ulcuscula capitis delet, ac oculorum affectibus medetur, videatur *Dioscorides*.

Stercus impositum dolores mitigat, in tumoribus malignis prodest crematum, & in potu exhibitum paroxysmos febri-les arcet, ac à napelli veneno liberat. Ex hoc destillato exit aqua, & oleum. Aqua instillata unguibus oculorum medetur, fistulas curat, & internè adhibita hydropem sanat, ac lithiasim. Oleum autem valet ad tineas capitis, impetigines, & cancrum mortificat; Internè icterum solvit. Vide *Libav. & P. Poter. in Pharnac.*

Notandum verò quod utriusque graveolentia tollitur rectificationibus, & cohobationibus.

Ex femine humano ad conciliandum amorem mumiam magneticam aliqui faciunt, & homunculum suum ex hoc meditur *Paracelsus*; quod fabula futilis, & ab omni ratione aliena a sanioribus philosophis putatur.

Sanguis siccatus ac pulverisatus hæmorrhagias sistit impotens & volaticas sanat monente *Hartmanno*, illitus Anginam tollit; Vid. *Pinus*; Internè etiam sumitur pro epilepsia fuganda, summa tamen cautione opus est in hoc sumendo, nam faciliè grumescit, & putredinis virus accipit; Ex hoc de-
destilla-

destillatur Aqua, & oleum, quorum vires sunt refrigerare ambusta, fistulas purgare, ac phthises curare; Vid. *Beguin*. Paratur antipodagricum Balsamum à *Schrödero*, & sal Volatile & spiritus; Vid. *P. Job. Faber.*, *Ettmullerus* & *Hoffmannus*. Mumia Vitæ tandem construitur, quæ insignis est energiae in curandis carbunculis, cujus descriptio est ꝛ sanguinis hominis lento igne exsiccati q. s. imprægnetur succo limoniorum & vitrioli spiritu, & cum pauca myrrha in trochiscos paratur; Dosis sit 3. β. in aqua cinnamomi, quam tamen mumiam parvi facit *Hoffmannus*.

Calculus pulverisatus, omnibus convenit obstructionibus; sudoresque ciet, de quo *Jac. Bontius*. Ex hoc *Clar. Tacenius* duos spiritus elicere tentat in suo *Hippocrate Chimico* ex quibus calculorum arguit compositionem, hic lapis microcosmicus est, qui in febribus pestilentibus prodest, in phlitis sumptis egregiae virtutis est, & si in ens primum resolvatur summum erit remedium docente *Ettmullero*. De calculo humano plura apud *Helmontium Zwelferum*; *Borrichium*, *Hoffmannum* & *meam Adit. ad Ol. Borrich.*

Fel visum clarificat, ut docet *Venturinus*. Pediculi à rusticis devorantur contra icterum. Membrana caput foetus cingens adversus colicam commendatur à *Schrödero*. Lumbrici siccati, & pulverisati sumpti lumbricos expellunt. Mumia externè in consolidandis vulneribus valet. Ex hac *Quercetanus* tincturam parat, quæ morbos pectoris sanat. *Crollius* extractum componit, quod adhiberi potest in venenis assumptis. *Tenzelius* elixir ex mumia elicit in peste maximè juvans.

Testes hominis pulverisati post mensem fluxionem mulieri exhibiti conceptionem adjuvant scribente *Trotula*, & *Mayow*.

Umbilicus pueri recentèr nati latus dolorem capitis fugat. Vid. *Job. de Kethan*.

Cutis alligata ventri prodest in difficili partu, ac affectibus hysteris. Pinguedo dolores mulcet, contracturas removet, ac maculas variolarum delet illita. Cerebrum antiepilepticum insigne putatur, ex quo Chymici oleum, spiritum, & aquam educunt ad epilepsiam curandam. Vid. *Hartman. Prax.*

Cor siccatum & exhibitum epilepsiæ medetur. Ex utero sal volatile paratur, quod pro fecunditate sumptum inservit. Plura de medicamentis ex homine desumptis videantur apud *Becherum med. microc.*

CAPUT XXIV.

De Leone.

LEo Animal est notum, ac ferox, medicinæ inserviens pinguedine, stercore, cruore, cerebro, pulmone, jecore, forde, felle, carne, pelle, & ossibus.

Pinguedo cutem lucidam facit inuncta, dolores aurium sedat instillata calide, ac nervos dolentes sanat, illita tepidè, Stercus antiepilepticum est, unde Chymici spiritum contra caducum parant, de quo videatur *Hoffmannus*.

Cruor Leonis in furno exsiccatus & sumptus fonticum fugat affectum, cujus tamen sal volatile, & spiritus in ejiciendo caduci miasmate majorem tenent facultatem. Ex cerebro sal volatile, spiritum, ac oleum destillari volunt aliqui ad epilepsiam, pestem, & uteri suffocationem curandam.

Pulmones exsiccati, & sumpti phthisi opitulantur. Vide *Hoffmannum*. Jecur exsiccatum & sumptum cacheeticis, ac hydropicis prodest. Ex corde leonis aqua destillatur, cordialibus additis aromaticis. Fel commendatur à *Plinio* tanquam summum medicamen contra epilepsiam. Caro cocta, & manducata quartanas fugat, ac hypochondriæ medetur. Vid. *Job. Melderus*.

Pellis imposita hæmorrhoidum dolores sedat monente *Aristotele* Ossâ demum pulverisata, & exhibita cum aqua destillata scorzonæræ febres ejiciunt. Vide *Al. Venturin*. Et ossâ leonum collisâ ignem excitant. Vid. *Wechsler tom. 1. pag. 124.*

CAPUT XXV.

De Lepore.

LEPUS animal est timidissimum notum omnibus, a quo cinis, caput, oculus, sanguis, pulmo, cerebrum, cor, hepar, fel, renes, intestina, testes, matrix, coagulum, axungia, stercus, urina, & pili sumuntur.

Cinis ex integro lepore combusto sumptus in vehiculo apto frangit calculos, in quo tamen cinere nullam esse virtutem putat *Fr. Hoffmannus*.

Caput incineratum Alopeciae subvenit. Oculus siccatus vertici impositus in partu difficili prodest; ac secundinas expellit. De oculo leporis optime scripsit *Macasius in promptuar. Medic.* Sanguis vitia cutis tollit, affatus dysenteriae, calculo, venenisque medetur. Pulmo perniciem sanat impositus, memoriam acuit, & epilepsiam curat manducatus.

Cerebrum gingivis illitum dentitionem puerorum juvat; sumptum membrorum tremores tollit, Archei furorem sedat, & urinam nimiam corrigit. Cor siccatum, & pulverisatum in tres partes divisum pro quartana commendatur à multis in principio paroxysmi exhibitum, de hoc autem ego experimentum feci in quadam Moniali sine eventu. Ad alios usus facit cor leporinum, de quo vid. *Venturin. Guntherus, & Freigius*.

Hepar alvi fluxum sedat, & inflammationes arcet assatum, & pulverisatum, & sumptum in vino albo. Fel sumptum somnum inducit monente *Amato Lasitano*; ophthalmicum est dicente *Schrödero*, & contra vertigines valet dictante *Venturino*.

Renes lithontripici sunt, si *Galeno* credimus. Intestina cum oleo rosato capillos augent imposita capiti. Testes manducati urinae incontinentiam tollunt. Matrix conceptum promovet siccata, & propinata si *Schrödero* credimus. Coagulum bibitum viperarum morisui, diarrhaeis, abortuique medetur, illi-

tum autem morbos aurium sanat vid. *D. Monardes*. Os tali contra colicam ; dolores renum valet , idemque de vertebri caudæ affirmatur.

Axungia præ cæteris pinguedinibus in usu est chirurgico pro aperiendis abscessibus , illita vultus impetigines corrigit , aurium dolores sedat , & specialiter cum pulvere oculorum cancrorum Vulneribus applicata ab eis heterogenea elicit vid. *Ettmullerum & Eckold. Prax.*

Stercus impositum ambustis medetur , & sciaticæ , pulverisatum , & sumptum calculosis prodest , & dysenterici convenit vid. *Schröder*.

Urina ad auditum grave tollendum celebratur a multis. Pili tandem pulverisati , & impositi sanguinem sistunt. vid. *Fabricium ab Aquapendente*.

C A P U T X X V I.

D Lupo.

LUPUS animal notissimum est, audax, rapax cani non absimile, ex quo sequentes partes in usum medicum veniunt, nempe dens, cor, hepar, intestina, axungia, ossa, stercus, pellis, oculus, ac fel.

Dentes Lupi pulverisati, & sumpti epilepticos sanant, & delatidentitioni profunt. Cor tostum, & tritum comitalem fugat morbum. vid. *Borellum*. Hepar exhibitum hydropicis convenit ; Intestina pulverisata colicæ medentur, & ego pluries in praxi exercui hoc arcanum felici successu, miror autem quare ratione hanc intestinorum virtutem negaverit *Ettmullerus*, et cuperem ab eo rationem scire. Axungia vires ipsas, ac canina habet. Ossa pulverizata intercostalem morbum curant sumpta.

Stercus colicis confert. vid. *Forestus, et Aëtius*; externè illitum Lentigines delet ; vid. *Avicenna*. Ex pelle quidam Cingulum faciunt in Epilepsia, ac doloribus colicis ; Oculus dexter

dexter Lupi latus à canum rabie tutum reddit gerentem , ac venena arcet. Fel inservit pro collyrio maximo impositum oculis ; vid. *Kyran.* Ex Lupo denique fit oleum mediante decoctione , quod podagram mitigat , quin & essentiam Lupi parat *Hartmannus* ad dissolvendum cruorem coagulatum optimam.

C A P U T X X V I I.

De Lynce.

LYNX Lupus Cervarius vocatur , & animal est visu acutissimo præditum , à quo medicina sumit Axungiam , Calculum , ac Unguem. Axungia enim imposita convenit articulis resolutis. Calculus pulverizatus , & sumptus Fluxus Alvi sistit monente *Theophrasto.* Et Uguis gestatur adversus Epilepsiam ; vid. *Schröderum* , *Gorræum* in *Formul. remed. & Frambesar. Schol. Med.*

C A P U T X X V I I I.

De Moschi Capreolo

MOSCHI capreolus non est caprarum genus , ut ait *Schröderus.* Sed est Animal magnitudine Canis , Colore rubro cinereum , maculis nigris signatum , de quo optimè *Hoffmannus.* Ex hoc Animali moschum tantum recipit Medicina , qui colligitur in Vesicula appropriata ut Castoreum prope umbilicum ; præter verò hunc genuinum datur quoque moschus adulterinus , & ratio parandi hæc est : Capellam indicam moschiferam scilicet à Canibus venaticis agitatum , Venatores fustibus lacerant , ut tubera congrumata oriantur , quæ abscindunt , & exsiccant ; vid. *Mandelsloeb. in itinerar. Bartolin. in Aëis Med. Castro de Hyena Odor. Jonston in hister. Animal.* Dictus autem odor

odor haud adeò rarus est ait *Estmullerus* cum & ob putredinem intendatur æque ac producat; Sic de odore moschato *Crocodili*, piscium quorundam imò hominum vid. *Bartholin*, in *hisor. Anat.*, & *Castellus*. Cæterum notum est, quod sit subiectum odoratissimum spiritus animales valdè afficiens; Ut autem potentius operetur institui debet depuratio ejus, & in olei consistentiam redigi debet, tali pacto, binas cucurbitulas conjunge, ut alias per descensum destillare solemus, in medio internè ponatur linteum in suprema verò cucurbita detineatur moschus, collutentur cucurbitæ, & in diebus canicularibus radiis solis exponantur, sic moschus successive liquefcit, liquatum deorsum destillat descendendo in inferiorem cucurbitam per linteum, sicque habetur oleum valdè penetrans; Alii essentiam moschi parant sic; misceatur moschus cum oleo amygdalarum dulcium, donec omnis vis odorifera planè sit exhausta; tunc affundatur Spiritus Vini rectificatus, digere in Balneo Mariæ, & destilla, sic spiritus vini arripit substantiam moschi medicinale, crudo corpore, ac inertis in fundo relicto, Moschus autem in substantia Sanguinem facit impetuosum; si enim habito vulnere in thorace nullusque effluat cruor: tunc ait *Fr. Hoffmannus* Eger granum unum moschi sub lingua teneat, & statim Sanguis à vulnere fluere incipiet. Plura de moscho dabunt curiosi *Luc. Schrackius*, *Daniel. Ludovicus*, *Job. Faber*; & alii plures.

CAPUT XXIX.

De Mulo.

MULUS. est genitus ex Equa, & Asino, vel ex asina & Equo adeoque sterilis, ex quo desumitur à Medicis Ungula cum urina, hepate, corde, cerumine aurium, stercore; & pilis.

Ungula suffitu sistit fluxum nimium mensium, pulverizata & sumpta sterilem reddit, ac illita cum oleo amygdalarum dulcium subvenit Alopecie; Urina applicata perniones curat;

curat ; Hepar sterilitatem infert , coctum , & Manducatum & illitum cadentes fiftit pilos. Cor una cum testibus coctum sterilitatem inducit esum. Aurium cerumen Mulæ cum castoreo conceptionem juvat. Stercus pulverisatum contra serpentum morsus , hæmorrhagias , dysenterias , lienisque dolores valet. Pili demum incinerati ulceribus , & adustionibus medentur impositi monente *Avicenna. cum Feyneo Med. præf. & Veckero Ant.*

CAPUT XXX.

De Mure.

Mus Animal est notissimum , & salacitate maxima donatum , quod integrum primo Medicina desumit ad varios usus , inde ejus stercus , pellem , & Sanguinem.

Dissectus vivus mus , & impositus extrahit aculeos , & venenum , ictusque scorpionum curat , incineratus , ac sumptus mictui involuntario , nimie spuitioni , ac hypochondriæ medetur Vid. *Alex. Trallianum.* Stercus mirabiliter laxat Alvum monente *Rulando* : calculos renum atterit confirmante *Schrödero* & non solum in mensium defectu , sed in partu difficili commendatur ab *Hoffmanno* ; In suppositoriis autem , ac clysteribus passim adhibetur. Pellis ganglio opitulatur , ac ambustis ; Vide *Al. Venturinum.* Sanguis commendatur à *Rhafi* contra callos pedum applicatus. Notandum tandem , quod ex Mure Alpino unguentum miræ efficacitæ parat *Ettmullerus* , cujus formula sequens est ; R^z Pinguedinis muris montani ℥. i. olei amygdalarum dulcium ℥. β. chamomillæ , 3. j. misce , ad articulos contractos calidè inungendos.

CAPUT XXXI.

De Ove.

Ovis Animal notum est mansuetum , lupo inimicum ; ex quo Cerebrum , fel , oesypos , lana succida , sebum ,
Jos. Lanzoni Opera. Tom. I. F f f pulmo-

pulmones , omentum , lac , stercus , Urina , Vesica , Caput , pedes , pediculi , Sanguis , testis , & coagulum sumuntur pro usu medico.

Cerebrum in morbis epidemiis, prodest, manducatum, ac cum melle illitum dentitionem faciliat. Fel solvit Alvum , umbilico impositum ; auribus purulentis est auxilio instillatum ; cancro medetur illitum , & lendines capitis tollit. Oesypus ex lana paratur quem *Zwelferus* valdè ridet ; lana succida infantum collo appensa dentitionem sublevat , ulceribus inveteratis , & auribus suppuratis medetur. Sevum diarrhoeam , dysenteriam & tormina ventris tollit in Clysmate , & illitum podagræ subvenit ; vide *Dioscoridem* Pulmones in Phrenitide , vigiliis , & lethargo capiti impositi prosunt ut ait *Plinius* Omentum calidum impositum ventri dolores colicos curat : lac internè adhibetur pro dysenteria. Stercus cum vino illitum scorpionum morsibus medetur ; videatur *Aëtius* : cosmeticum est ; vide *Dioscoridem*. Ulcera maligna curat ; vide *Avicennam* : Tumores lienis delet , ac maximi solaminis est in ambustis impositum ; videatur *Schröderus*.

Urina sumpta lymphas intercutis abigit , idemque agit destillata

Vesica cremata , & sumpta succurit illis , qui præter voluntatem mingunt. Caput , & pedes atrophie subveniunt cocti , & sumpti , idemque agit eorum decoctum. Pediculi in Arthritide curanda commendantur à *Schrödero* exhibiti ad num. ix.

Sanguis siccatus , & potus cum vino à Venenis præservat monente *Dioscoride*. Testes Arietis sumpti stimulant Venerem ;

Coagulum tandem sanguinem coagulatum solvit assumptum ; Vide *Venturinum*. Curiosa plura de ove dabit *Kyranis* ; & *Sperlingius*.

C A P U T X X X I.

De Ranunculo Viridi.

RANUNCULUS est Animal ex genere Ranarum terrestrium , colore

ZOOLOGIA PARVA. *Pars Prima.* CAP. XXXIII. & XXXIV. 403
colore viridissimum, quod Medicina in usum recipit, & specialiter suum Sanguinem.

Ranunculus totus exsiccatuS Sanguinem sistit inspersus vulneri monente *Weikard. in Thesaur.* Sanguis autem à *Schrödero* pro Philtro commendatur. Et refert *Hoffmannus* Ranunculum exsiccatum, in clibano, & in lacte materno quantum cuspidè cullælli summi potest, exhibitum infantibus recenter natis, antequam alium sumant cibum ab epilepsia præservare.

C A P U T XXXIII.

De Rhinocerote.

RHINOCEROS Animal est magnitudine taurum, forma Aprum æmulans cornu unico donatum, cujus integra historia apud *Job. Petreum & Franzium*, cujus cornu ex India orientali affertur, quod vim Alexipharvacam habet datum in pulvere ad ʒß. vel ʒj. Ex hoc paratur Oleum inter rara à quibusdam habitum; *vid. lib. cui titul. Tesoro delle gioie.*

C A P U T XXXIV.

De Serpente

SERPENS Animal notum est venenatum exuvias suas singulo anno bis exuens Vere nempe, ac Autumno, ex quo Medici sequentia sumunt, & primò totum ejus corpus, adipem, exuvias, hepar, & fellis humorem.

Pulvis integri Serpentis combusti vim habet sudorificam, & alexiteriam, & minimè venenosam, unde in Lue Venerea, peste, febribus malignis, Venenis, dysenteria, & lepra præstantissimus est, Adeps oculorum ulcerationibus medetur, & scabiei, ac Lepre, tollit strumas, ac cosmeticus est egregiæ virtutis, podagram mitigat, & visum acuit illitus; *vid. Ettmüllerus & Conringius.*

Fff 2 Exu-

Exuviae lumbis alligatae partum faciunt, docente *Schrödero*. Odontalgiam gargarismatizatae sedant; internè contra Ictericum adhihetur à multis, unde pulvis antiætericus *Tilemanni* prostat sequentis conditionis R lapidis Ceraunii, exuviae Serpentum, ana q. s. fiat Pulvis cujus dosis sit ʒ. j. videatur *Agri-col*; & *Michael*.

Hepar exsiccatum sumptum prodest ad partum faciendum: fel impositum ictui Serpentis medetur; Tandem ex Serpentibus quibusdam Indiae auferuntur lapides, qui tempestivè adhibiti venena arcent: videat. *Kirchnerus*, *Hoffmannus*, & *Redius*.

Ex Serpentibus fal volatile, Bezoarticum animale simplex, & compositum parat *Schröderus* quem curiosus Chymicus videat.

CAPUT XXXV.

De Sciuro.

SCIURUS est Animal quercuum amantissimum, caudaque præditum totum corpus obtegente, & pedibus agilibus: ex quo medicina sumit cerebrum, ac carnem.

Cerebrum sumptum vertiginem arcet; Et caro cocta; & manducata pro Gravidis optima censetur à *Frid. Hoffmanno*.

Ex hoc Animali Funambulus quidam pro singulari arcano pulverem habuit contra Vertiginem, quem pretio & precibus vix ab eo extorquere potuit *D. Job. Michaelis*.

CAPUT XXXVI

De Porco.

SUS, sive Porcus Animal est maximè humidum, homini quoad partes internas similitimum, ex quo à medicina sumuntur fel, Pulmo, Pinguedo, Ossâ, Talus, stercus, Vesica, uterus, lapis,

lapis, Cerebrum, omentum, testes, Sanguis, & hepar.

Fel suillum contra aurium ulcera adhibet *Dioscorides* illitum ac regioni stomachi appositum vomitum sedat; videatur *Fallopianus*. Pulmones impositi juvant, in attritu à calceamentis contracto, videatur *Schröderus*. Pinguedo illita ano solvit ventrem, parotides cito ad suppurationem ducit, ac articulorum dolores sedat, hac arefacta nonnulli utuntur pro unguento. Armario, videatur *Estmullerus*. Alii ex hac unguentum sequens pro tussi conficiunt R^x. Axungiae porci q s. misce cum capite. Alii numero tres contundunt, ut acquiratur, linimenti forma, & tali unguento plantæ pedum illinantur per tres dies: interne autem, hæc pinguedo in Phthisi commendatur ab *Hoffmanno*: in odontalgia quoque R^x. Frustulum ligni acutum, fricetur eodens dolens, post verò lardum infigatur, sic brevi post evanescit dolor. Ossa pulverisata pro dentibus abstergendis adhibet *Rhazes*. Taleos pulverisatum, ac bibitum colicos dolores fugat, dysenteriam curat, & Sanguinis fluxiones impedit.

Stercus impositum prodest in tuberculis, prurigne, narium hæmorrhagia: ex hoc conficit syrupum *Estmullerus* cum vino, & saccharo pro hæmorrhagiis. Vesica ciet urinam imposita pubi narrante *Plinio*.

Uterus coctus comesus cum brassica juvat mingentes præter voluntatem, quod expertus fuit *D. Michael*; videatur *Daleus Prax. lib. 3. cap. 13.*

Lapis invenitur in felle suis valdè pretiosus, qui calidum nativum conservat, vitam roborat, ab Apoplexia præservat, calculorum materiam dissolvit, arthritidem curat; infunditur quoque in vino adversus choleram, diaphoreticus est in Cerevisia infusus, ac vino per horæ spatium, sicque infusus liquor bibitur qui quo amarior est, eo potentior existit; de quo videatur *Jac. Bontius*, *Garcias ab Horto*, *Tulpius & Fragos. med. Indor.*

Cerebrum impositum sanat podagram monente *Aëtio*; Omentum coctum & illitum capiti sanat impetiginem si *Argelæ* credimus.

Testes cocti, & sumpti caducum fugant, videatur *Ventrinus & Heer.*

Sanguis tanquam egregium medicamentum contra phthisim à multis commendatur ; sed vel spiritus ejus vivificus, ait *Hoffmannus*, & virtus nativa specifica per destillationem statim ab initio ex recenti, & adhuc calenti Sanguine per Balneum Mariæ facta, colligendus, aut in liquorem, & sal volatile est transferendus, alias per se nihil præstabit. Hepar pro Venereo arcano habetur à *Schrödero*

Denique Porcelli duorum dierum cocti podagram tollunt manducati ; vid. *Plinius*. Sunt qui aquam destillant ex carne Suilla contra Phthisim quam nihil valere ait *M. Ettmullerus*.

C A P U T X X X V I I.

De Talpa.

TALPA est Animal auditus acutissimi, vivens sub terra, medicinæ concedens ad usus, Cor, Sanguinem, ac totam se ipsam.

Cor herniam sanât pulverizatum, & sumptum Sanguis Talpæ illitus calvitiei tollit, gangrænam, & sphacelum curat ; videatur *Horstius*.

Tota autem talpa incinerata, ac sumpta tollit Arthritidem, contra herniam facit monente *Hartmanno* ; contra erysipelata mammarum imposita valet ; vid. *Schmuckius in cur. magico magnetico*.

C A P U T X X X V I I I.

De Taxo.

TAxus Animal est notum omnibus, ex quo Medicina sumit sequentes partes, videlicet Sanguinem, pinguedinem, ac ipsum totum.

Taxus enim integer incineratus, ac exhibitus pulmoniacis prodest ; Sanguis destillatus pesti medetur, & pulverizatus lepræ convenit ; vide *Schröderum* Pinguedo autem penetrantior est adipe

adipe suillo, renum doloribus auxiliatur, febrilem æstum mitigat, ac nervos induratos sanat inuncta; videatur *Matthiolus*.

CAPUT XXXIX.

De Vipera.

VIPERA, quasi Vivipara quia vivum foetum parere dicitur; pauca tamen est differentia inter viperam, & Serpentem de quo supra in cap. 34. dixi. Serpens enim quoque monente *Frid. Hoffmanno* vivos foetus emittit; De viperis verò legantur eruditæ observationes *Franc. Redi*, & *M. Aurel. Severin. tract. de Viper.*

Vipera restaurandi pollet facultate, ex hac enim balsamum contra Venena conficitur; vid. *Nolius in system. hermet. med.*

Hic sub silentio non est transeundus modus leprosos curandi per Viperas valde curiosus de quo mentionem agit *Kircher. in Art. magnet.* Ager scilicet præviis purgationibus dispositus in spelunca supra stratum nudus exponitur, qui vix ingressus, ex evaporatione, ut aiunt alituum calidorum in sudorem resolvitur, quem somnus sequitur, dum autem æger somno sepultus iacet, viperæ è cavernis exeunt & ejus corpus lingunt innoxie sicque sanatur & hæc cura viperis adscribenda est quia humores ex ægro effluentes exugunt, & vi sua balsamica, spiritus corrigunt, de qua re apud *Mess. med. Spagyric. pag. 621.* Pinguedo viperæ est ophthalmica vid *Ephem. Cur. An. 2.*

Ex Viperis paratur oleum contra porriginem de quo *Zacutus Lusit. med Princip.*, quin, & ipse decoctum Anguium parat in *Præxi med. admirab. ob. 2.* Sal theriacale ex vipera conficit *Zwelferus*, quod commendat *Tachen. in Hip. Chim. & Luc. Schroocius*; hujus Salis descriptionem videat lector apud *Phar. Augustan. R.*

Trochiscos de viperis componunt multi, mellius autem iis operatur, sal dictum, vel pulvis egregius viperarum *Poterii.*
Vina

Vina viperina construunt alii, quæ valent contra venena, tali modo; immituntur Viperae vivæ in Vini certa portione; postea in Vase clauso tepido loco exponuntur, ut ebulliat vinum, quod sumptum luem gallicam fugare docet *Ettmullerus in Schröder. dilucidat. pag. 232. & F. Bacon. in sylv. sylvarum. cent. 10.*

Sal volatile, essentia, Spiritusque, ex Viperis parantur tandem, ut reliqua Salia Animalium volatilia, de quibus in *Pharm. Schröderi lib. 5. & Petr. Job. Fabr. Op. chymic.*

CAPUT XL.

De Vitulo.

VITULUS Vacca proles est, è quo Medici coagulum, medullam, fel, stercus, & Lapidem sumant.

Coagulum curat epilepsiam sumptum; medulla vim habet emollientem ac anodynam, nec non etiam narcoticam docente *Ettmullero*; hac enim in febribus ubi somnus deficit bis, vel ter in die inunctis temporibus somnum aliqui inducunt. Felle mixto cum Aceto ulcera capitis imposito sanat *Plinius*. Stercus erysipelati illitum convenire tradit *Schröder. cum Schomb. manual; med.*

Globum tandem vitulinum in ventriculo ex pillis confiatum repertum parturientibus conferre sumptum docet *Plinius* cujus operandi rationem reddit *Faber.* mediante sale quo omnes pilli abundant, proinde ait *Henric. Volgnad.* cineres Tosi cremati in Vino adhibendos esse; de hujus postea globi vitulini generatione varia possunt colligi à *Wiero, Cardano, Boneto med. Septentr. tom. 2. l. 8. Et Ann. 2. Ephem. Germ. cur. pag. 231.*

CAPUT XLI.

De Unicornu.

UNICORNUS Animal est equo quoad corpus non dissimile,
cornu

cornu in fronte gerens procerum, quod tamen negat *Estmullerus* dicendo cornua quæ visuntur esse Unicornua marina, quod an verum sit videat lector apud *Kircherum*, *Hoffmannum*, *Wormium*, *Bartolinum*, *Tulpium*; hoc autem cornu vel dente quod hic disputare nolo, medici pulverisato adversus venena utuntur, contra Epilepsiam, febres malignas, & hydropem conducit: ex hoc paratur Sal volatile, & o'eum de quibus penes Chemicos; de Unicorn. plura apud *Wolffg. Franzium bist. Animal.* & *Cornu Stalpaert. de Unicorn.*

CAPUT XLII.

De Urso.

URSUS crudele Animal est dormiens septimanis integris, præbens sequentes partes medicinæ scilicet carnem, adipem, pulmonem, fellis vesiculam, testes, dentem, & oculum. Caro ursina cocta, & sumpta fugat quartanam, vide *Venturinum*.

Adeps, externè illitus arthritidi herniæ, Alopeciæ, faciei maculis, parotidibus, pernionibus crurumque ulceribus medetur.

Pulmonem Ursi excoriaciones factas à calceamentis sanare scribit *Plinius*. Fel internè exsiccatum, & sumptum diaphoreticam vim tenet, ac prò morbo comitiali, Asthmate ac catarrho ejiciendis commendatur; externè autem cancrôsâ ulcera, oculorum hebetudinem, ac odontalgiam curat illitum; vide *Varandæum*.

Testes cocti, & manducati in Caduco juvant. Dentes collo apensi puerorum dentitionem faciunt. Vide *Bartolinum* & *Thiermaierum*.

Oculum tandem dextrum exsiccatum, brachio alligatum, quartanam fugare dicunt multi, hujus autem fides sit penes experientiam. *Not.* Ursus Animal esse aspectu horridum, corpore latiore hirsuto, ore deforme, voce iracunda, cauda
Jos. Lanzoni Opera. Tom. I. G g g exi.

exigua, mammas habere quaternas, & pedes hominis manibus, pedibusque similes; Venerem mirum in modum nocte, dieque appetere, mulieres amare; unde refert *Isaac Cardos. in philosoph.* de Urso, qui puellam in latibulum detulit, & venereo prosecutus complexu agrestibus aluit pomis. Ursi coeunt non more quadrupedum, sed amplexibus mutui cubantes juxta hominum morem; In specubus pariunt Urse tum unum, tum duos, & plurimum quinque foetus; Fœminæ enixæ quaternis mensibus, tunc gravi somno premuntur, & mirum in modum pinguescunt: Creditur informes foetus edere, unde carnem sine oculis, sine membris. quam lambendo perficiat, & informet; sed monstravit Venatorum industria, gravidas ursas captas articulatos foetus, suisque membris distinctos tenere in ventre. Præliatur Ursus cum Vitulo marino sed vincitur. *Nota nullos esse Ursos in Africa; vid. A. Le Grand. Comp. curios.*

CAPUT XLIII.

De Vulpe.

VULPES Animal astutum, & vasum est, insidiatur plurimum avibus, ac leporibus, cauda villosa, ossæo genitali, parturiens ita secedit, ut rarò gravida capiatur, parit ut plurimum foetus cæcos quos lambendo perficit; Gallinis, cuniculis, hœdis, insidiatur, tam vasra & insidiosa, ut quamvis præda sit plurima; prius omnem jugulat, quam devoret, ne fugiat una, cum aliam edit; bibit lambendo, ut canis, & magnam aquæ copiam una vice; Astutia Erinaceum capit, quæ visa Vulpe in orbem agitur, & conglobatur, Ea nullum ore apprehendendi, aut mordendi locum inveniens in ejus os urinam reddit, & ita suffocat; Amygdalis amaris esitatis moritur, si aquam repente non bibat; & Aloe cum carne devorato extinguitur, de quo *Scaliger exercit. 117.* Cum Angue, & Columba amicitiam gerit, rutam fugit, & imposita galinario

linario arcetur ; cujus in medicum usum veniunt, Pinguedo , Pulmo , Hepar , Fel , Lien , Pellis , cruor , stercus , testes , lingua , cor , cerebrum , & coagululum , renes , ac vulpes viva , & integra.

Pinguedo in convulsionibus , contracturis , tremoribus , aurium doloribus , & alopeciiis valet illita calide : vide *Wechtle-rium*.

Pulmo laudatur contra phthisim , Arthritidem , lienisque tumores ; vide *Kyranis*. Hepar exsiccatum , pulverizatum , ac sumptum hepaticis prodest. Fel oculorum affectiones , & aurium dolores sanat illitum : lien splenis tumores fugat impositus si *Job. Schrôdero* credimus. Pellis applicita membris refrigeratis prodest ac in cinerata alopecie medetur : de qua re vid. *Plinius*. Sanguis arefactus , ac sumptus lithiasim curat : stercus cum aceto illitum cutis scabritiem tollit. Testes exsiccati , & assumpti Venerem stimulant monente *Frid. Hoffmanno* externè autem impositi podagram , ac dolores inguinum tollunt ; videatur *Alex. Venturinus in Arcan. Animalium*.

Lingua Vulpis appenditur pro acuendo visu dictante *Plinio* : vulneribus imposita heterogenea è membris extrahit , & hoc pro maximo arcano habetur à multis ; videatur *Etmullerus in Schröder. dilucid. & Vigierius in op. med.*

Cor Vulpis exsiccatum , pulverisatum ac exhibitum contra quartanam febrem commendatur à *Baldasar. Conradino & Groenweld. in Prax.*

Cerebrum coctum , & à pueris manducatum à *Caduco* præservat , vid. *Sextum Placitum & Thoner. in observ. medic.*

Coagululum potum contra Canis rabidi morsum valere ait *Matthiolus*. Renes cum melle impositi faucium tumores tollunt : Ex Vulpe autem integra oleum conficiunt multi de quo vid. *Dispensatorium* : quin ex pulmone Vulpis aquam Antiphthisicam. insignis virtutis parat *Fr. Hoffmannus in Appendice ad Pharmac Schröder.* cujus formula est R \bar{x} . Pulmonis Vulpini \mathfrak{z} . vj. radices enulæ , tussilaginis \mathfrak{aa} \mathfrak{z} . j. ireos florentinæ liquiritiæ \mathfrak{aa} \mathfrak{z} . vi. scyl- læ \mathfrak{z} . j. baccarum lauri , Juniper. , alkekengi \mathfrak{aa} \mathfrak{z} . vi. fructus

G g g 2 dacty.

daſtylorum, Pinearum, amygdalarum dulcium jujubarum, Sebeſten, prunorum, $\bar{a}\bar{a}$ 3. vi. ficuum pinguium, \bar{z} . iij. ſalviæ, marrhubii, majoranæ, roriſmarini, hyſſopi $\bar{a}\bar{a}$, m. ii.; Zinziberis albi; caryophyllorum, cinnamomi, cardamomi; $\bar{a}\bar{a}$, \bar{z} β , meliſ deſpumati. \bar{z} . vi. ſpiritus Vini optimi, \mathfrak{t} . viij. vini malvatici \mathfrak{t} . x. ſtent in infuſione per 24. horas. Poſtea deſtilla in Balneo Mariæ adde Julepi roſarum \bar{z} . xvij. moſchi opimi in petia ligati 3. j. reſerva in Vitro optime clauſo.

Oleum etiam ex Vulpe paratur, quod ad Podagras & reliquas Arthritidis ſpecies, dorſi & renum dolores, eſt efficaciſſimum; ut docent *Job. Dolens. Job. Fortis, & Maſſaria.*

Modus autem conficiendi talis eſt ex *Meſue* R \bar{z} . Vulpem, deſtracta pelle, abjectis interaneis injiciatur in aquæ Fontanæ, Aquæ marinæ, ana q. s. olei veteris clari \mathfrak{t} . iij. β . Salis \bar{z} . iij. inter coquendum adjice Anethi, Hyſſopi $\bar{a}\bar{a}$. \mathfrak{t} . j. Coquatur quouſque ab oliſibus recedat Caro, & Aqua conſumetur, inde coletur oleum, & colatum aſſervetur ad uſus diſtos. Looch etiam paratur ex Vulpis pulmone valens ad Phthiſim tollendam cujus deſcriptio eſt R \bar{z} . Pulmonis Vulpini loti, exſiccati, ſucci liquiritiæ, Seminis fœniculi, Adianthi albi, $\bar{a}\bar{a}$ 3. iij. confice cum Saccharo in Aqua cocto looch. S. A. Parari quoque poteſt Extractum pulmonis Vulpis: de quo apud *Chymicos. Dom. Viſtor Schneiderus* ægroto cuidam cui pulmo globulo tormentario laceratus, & frequenti Sanguinis expuitione fruſta pulmonis ejecit, medicamentum conficiendum curavit ex pulmone Vulpis, cruento adhuc, & recenti ſtatim ex vulpe exempto qui in Aqua ſymphyti leniter fuit coctus, deinde minutiffimè conciuſus, cui admixta fuere conſerva radicis Symphyti, amylli, & in primis Sarcocolla purgata, lota, & lacte muliebri nutrita, quo feliciffimo cum ſucceſſu uſus fuit; Et nulla fere datur Aqua antiphthiſica, aut Aſthmatica, quam pulmones Vulpis non ingrediantur.

Notandum autem, monente *Clariff. Ant. le Grand. in Compend. curioſ. pag. 120.* in Creta nec Vulpes, nec Urſos eſſe, nec aliud Animal maleficum præter Phalangium.

PARS

PARS SECUNDA,

DE VOLATILIBUS.

CAPUT PRIMUM.

De Accipitra.



ACCIPITER volucris est rapax, vorax, & audax, visu forti prædita, cujus decem species *Aristoteles* recenset, & sexdecim *Plinius*; Dicitur Accipiter ab accipiendo, hoc est rapiendo. Amat ardenter coitum; Longo vivit tempore; Pugnat cum Aquila, Vulture, ac Vulpe, neque suo generi parcat, unde Proverbium ortum est *Accipiter Accipitrem capit*; Non bibit, sed sanguine tantum, ut rapaces alitur; Qui medicinæ ob usus sequentes præbet partes, nempe adipem, excrementa, ac totum se ipsum; Integer enim Accipiter in oleo coctus oculoque inunctus, oculorum vitii succurrit; Idemque dicendum de adipe, qui omnia cutis vitia sanat illitus. Excrementa calefactoria virtute adeò pollent, ut à *Galeno* ex Foro medico eliminentur; Nihilominus tamen sunt aliqui, qui oculorum vitii arcentis adhibent. Alii ad partum promovendum exhibita, aut in suffitu adhibita monente *Schrödero*; tandemque ad sterilitatem emendandam propinantur ab *Hippocrate*, ac *Plinio*, & *P. Seromaiero*.

C A P U T I I.

De Alauda.

ALAUDA dicitur Galerita, ab apice seu Galero, quem in Capite gestat, in viis reperitur; Cantat in aëre extendens continuo pennas; Duplex est, cristata, & non cristata; cristata tamen in usu Medico praevalet; Cujus caro Urinae fabulum, & calculum proritat, ut ait experientia edoctus *Hoefferus in Hercul. Med.* Cor femori alligatum colicum sanat dolorem idemque facit integra Alauda tosta, vel una cum pennis incinerata, ac ad 3. j. sumpta. Sanguis Alaudæ bibitus calculosis subvenit.

C A P U T I I I.

De Alcedine.

ALCEO avis est, speciosa passere paulo amplior, rostro longo, colore tum caeruleo, tum viridi, tum purpureo juxta glaciem rivulorum degens; cor tantum ob Medicos usus præbens; Hoc enim siccatum, ac collo infantum appensum comitalem morbum tollit; Videatur *Timæm*.

C A P U T I V.

De Anate.

ANAS duplex est, Domestica, & Sylvestris, à qua Medicina recipit adipem, Sanguinem, finum, ac totum corpus cum hepate.

Adeps tam internè, quam externè doloribus medetur moriente *Avicenna*; Lentigines faciei tollit illitus, de quo *Argelato*.

10. Dolores Aurium sedat docente *Plinio*, & *Nic. Cbesneau*.

Sanguis contra Lepram valet, de quo *Aëtius*. Est alexipharmacus monente *Estmullero*; Stercus morfui venenato imponitur & aliena carni infixæ extrahit applicitum; Anas viva sedat dolores colicos, si ventri imponatur parte deplumata; hepar tandem tostum, & sumptum fluxus hepaticos sanat. Videatur *Dioscorides*, & *Stockerus in Praxi. Med.*

C A P U T V.

De Anser.

ANSER duplex est, domesticus nempe, & Sylvestris qui à Medicina præfertur; A quo sumitur Pinguedo, Sanguis, stercus, & pedum Cuticula. Pinguedo calore suillum superat, & præ reliquis est subtilis, volatilis, ac penetrans; Confert ad rimas, & fissuras labiorum, uteri duritiem arcet, aurium dolorem mitigat; ac spasnum, nervosque rigidos sanat; Sanguis Alexipharmacus existimatur à *Job. Schrödero in Pharmac. Med. chym.* Stercus contra icterum commendatur ab *Hoffmanno* ob sal volatile aperitivum, & abstersivum sulphureum, ob quod etiam in scorbuto laudatur; Pellit menses, ac urinam; Et ex hoc eliciunt aliqui sal volatile, ac oleum crassum per destillationem.

Anserem porro album si quis cursu tandiù defatigabit donec reddat excrementum, hoc calidum paronychiis impositum mirificè curabit, *Petræus Nosolog. dissert. barm.*

Pedum Cuticula exsiccata, ac pulverisata sumpta ad 3. gr. commendatur in profluvio mensium sistendo; Videatur *Baldi*.

C A P U T VI.

De Ardea.

ARDEA avis nota est Piscatoribus maximè, Medicinæ præbens

bens tantum adipem , cujus usus tamen rarus est in Medicinâ ; lenire tamen dicitur podagricos dolores , oculorumque nebulas discutere , & visum clarificare ; & surdastris conferre illitus ; Videatur *Schröderus* , & *Glauberus*.

CAPUT VII.

De Ciconia.

CICONIA primò totam se ipsam dat Medicinæ , inde ster-
cus , Ventriculum , Axungiam , fellem , ac sanguinem.

Ciconia vim habet alexipharmacam insignem imprimis in
essentiam redacta cum sale ejus volatili & ex hac arcanum A-
lexipharmacum conficit *Schröderus* de quo vide *suam Pharmac.*
lib. 2. cap. 51. Stercus in morbis capitis commendat *Crato.*
Ventriculus exsiccat , & pulverizatus pro Arcano maximo
habetur in Venenis. Axungia ad podagram valet illita ; Fel
ad oculorum vitia commendatur à multis ; Sanguis inter alexi-
pharmaca ponitur ; Hinc , ab *Ettmullero* ex hoc sanguine elec-
tuarium paratur pro interno usu contra venena ; Præparandi
modus videatur in *Basilica Chymica Crollii*.

CAPUT VIII.

De Columba.

COLUMBA Avis est admodum fecunda , Medicinæ præbens
primò totum suum corpus , inde Sanguinem ; tunicam
Ventriculi , & simum ; & vivit annos 8. vid. *Fr. Bacon. de*
Verulam. in histor. Vit. & mor. pag. 40.

Columbam per medium dissectam & capiti impositam con-
venientissimum esse medicamen in Phrenitide , Cephalalgia , &c.
scribit *Job. Schröderus* , cum *Smetio miscelan. med.*

Sanguis oculorum affectibus medetur illitus ; videatur *A.*
Ventru.

Venturinus, *Regius* & *Plinius* : scabiem fugat monente *Avicenna*, & podagricum dolorem mitigat scribente *Schrôdero* ; notat autem *Mic. Estmullerus* quæ de hujus Animalis Sanguine habent circa oculos Auctores, non tanti esse pretii, cum oculis instillatus mox grumescat & malum exasperet.

Ventriculi tunica exsiccata, & pulverisata commendatur in dysenteria monente *Schrôdero* in *Pharmac. med. chymic. lib. 5.*

Fimus vehementer calefacit obnitrosam facultatem, qua maximè pollet ; est diureticus, & contra hydropem utilis ; leviter autem est calcinandus, vel potius tostus in vino macerandus, inde cum vino, monente *Estmullero* extrahendum est Sal nitrosum, seu lixivium summè diureticum.

Multi parant Aquam anticolicam in hunc modum ; R. Fimi columbini, seminis anisi, ana partes æquales, affunde Vini malvatici & destilla, circa finem adde Corticem aurantiorum ; & fiat Aqua commendatissimi usus, in Colica ; Externè etiam adhibetur propter vim leviter causticam, quam habet ob acrimoniam nitrosam, & sic strumas aliosque tumores discutit ; alopecie succurrit &c. Usus postea Columbæ sylvestris maximus est in calculosa affectione, & præparandi rationem talem multi tradunt. Palumbem strangulatum exanimatum, plumis exutum, sale conspersum olluæ vernice ex lithargyrio, & plumbo obductæ vino cui prænoctaverit petroselinæ manipulus prius infuso immite operculo obserato, sat elixato, & denuo carnes una cum jusculo absumito. De Columba plura apud *Henric. Mundium.*

CAPUT IX.

De Cornice.

FIMUM tantummodo usui medico præbet Cornix ; nam hunc in Vino potum dysenteriam curare tradit *Kyranides.*

CAPUT X.

De Corvo.

CORVUS Animal notum est; & medicinæ concedit primo pullos suos, postea Cerebrum, Pinguedinem, Sanguinem, stercus, felleum humorem, Ovaque.

Pulli Corvorum incinerati pro comitiali morbo laudantur sumpti ad 3. j. singulis diebus. Cerebrum valet contra epilepsiam pariter, monente *Schrödero loc. sup. citat.*

Pinguedo, ac Sanguis capillos faciunt nigros. Stercus dolores dentium sedat videatur. *A. Venturinus*; Fel oculorum affectibus medetur docente *Jo. Ketbam.* Ova tandem Corvi, sunt qui in dysenteria exhibent feliciter; de qua re videatur. *Gabelcbover, & Serna Mat. Med.*

CAPUT XL.

De Coturnice.

Coturnix duo tantum Medicis dat, nempe Pinguedinem, & Excrementa; hujus Animalis historia apud *Franzium pag. 534. invenietur.*

Pinguedo oculis prodest, maculas abstergendo; Excrementa postea coturnicum, monente *Schrödero* Helleboro vescentium (quod ipsis, ut quidam scribunt, in alimentum cedit) singulari proprietate quadam conferre Epilepsiis quidam volunt; De hac autem re vid. *Hoefferus in Hercule Med.* Coturnix laudatur in Peste à *Barbetta.*

CAPUT XII.

De Cuculo.

OFFICINÆ Medicæ inservit primo Cuculus ipse, inde se-
parate

parate ejusdem fimus : nam Cuculus uſtus commendatur ad calculum , & ventriculi dolorem monente *Rondelatio* ; Datur & utiliter febricitantibus , & Epilepticis.

Fimus potus morſum Canis rabidi curat ; & notandum pinguedinem Cuculi ad Calvitiam ex ſiccitate conducere , vide *Schroderum*. Hujus hiſtoria videatur apud *Wolff. Franziam*.

C A P U T X I I I.

De Ficedula.

FICEDULA à ficuum eſu ſic dicta ; de hac dicunt aliqui non ingnobiles medici viſum acuerunt in Cibo.

C A P U T X I V.

De Gallo , ac Gallina.

GALLUS, Gallina, & Capo Animalia nota omnibus, præbent ob uſus medicos Cerebrum ; Tunicam Ventriculi , Teſticulos , ſellem , Pinguedinem , ſtercus , Ova &c.

Primo Gallina nigra adhuc viva per medium diſſecta in phrenitide Cephalalgia , capiti raſo imponitur, & morſibus itidem venenatorum animalium ſimili ratione medetur quod è ſchola *Galen*i ad nos dimanavit ; Gallus circa anum deplumatus ex bubonibus venenum extrahit ; videatur *Petr. a Caſtro in obſerv. Medic.* , & *Rhodius centur.* 3. *obſerv.* 90. Cerebrum vim habet increſcendi fluxuſque compoſcendi ; Gelu ſive decoctum Gelatinum Gallinæ veteris eſt inſigne nutritivum ; Jus Galli Veteris habet vim emolliendi , incidendi , abſtergendi , alvum ciendi , idque multo magis ſi medicamenta ſimilium facultatum incoquantur ; hinc celeberrimum eſt in tuſſi , Aſthmate &c. videatur *Meſues* , & *Severinus in Med. efficaci*.

Sanguis Galli deſtillatus ſuggerit ſpiritum egregiè venereum ;

H h h 2 &

& rectificando acquiritur spiritus urinosus quo sæpe utebatur in ægris suis *D. Job. Michaelis*.

Tunica interior Ventriculi siccata laudatur in stomachi debilitate ; Verum *Galenus* 2. de *simpl. med. facult.* ait vanam se hanc promissionem expertum esse & hæc virtus Tunicæ istius etiam habetur pro Fabula à *Michael. Ettmullero* in *Schröder. dilucidat. pag. 237.*

Testiculi Galli febribus medentur, monente *Schrödero*, sumpti in tussi, ac dysenteria præfunt scribente *Alexandr. Venturino*; & ulcuscula meatus urinarii sanant docente *Bald. Pisanello* in *Annotation.*

Fel illitum maculas cutis aufert, Pinguedo Gallinarum, & Caponum, calefacit, emollit, humectat, unde convenit in laborum rimis, in glandularum duritie, in aurium dolore, & oculorum pustulis.

Guttur Galli tollit, sumptum ante cœnam, mictum involuntarium nocturnum, videatur *Solenander*, *Michælis*, *Forestus*, *Hoffmannus*, & alii Præctici.

Stercus contra Anginam facit videatur *Job. Ketban.*, contra venena est, videatur *Al. Venturinus*; contra Alopeciam, videatur *Sextus Placitus*; contra Calculum, videatur *Schröderus*. Plura de hujus stercoreis virtutibus apud *Quercetanus*; & *Harttmannum*.

Ova Medicinæ dant primo testas, secundò membranulas, tertio albumen, quartò vitellum; Ova autem revera sunt fructus gallinarum, & tanquam simulacrum Universi, ut loquar verbis *Frider. Hoffmanni*, & analogia quadam quaternarium elementorum numerum repræsentantia. Adest enim in his concavitas aëre plena, albumen aquæ elementum, vitellus ignis sphaeram, & cortex terram designat; In istis ovis duplex viget Virtus, plastica, & nutritiva: Albumen, cui particula albicans semen Galli supplens innatat primum, dat Pullo augmentum, seminis ideam referens, postremò verò vitellus solidioris, & nutritivæ magis virtutis; Excliso jam pullo aliquæ reliquæ de Vitello supersunt, quo uno, aut altero die nullius cibi indigus Foetus victitare possit. Testæ ovorum vim habent lithon-

tripticam,

tripticam, tartareamque mucilaginem incidendi; videatur *Etmullerus* & *Schröderus*: membranulæ vim habent diaphoreticam, & rimas labiorum sanant impositæ; videatur *Matthiolus* & *A. Venturinus*. Albumen vim habet refrigerandi, adstringendi & agglutinandi; Unde vulnera oculorum consolidat cum saccharo saturni mixtum: videatur *Etmullerus*. Verùm *Hippocrates* exhibebat febricitantibus albumina tria aut quatuor ovorum ad refrigerandum, & egerendum. Vitellus vim habet anodynam, maturat, digerit, & laxat; Particula Vitelli indita cum nodulo ex linteo factò in Anum loco suppositorii adhibetur à multis; clysteribus immiscetur; vitellus apostemata tollit impositus, ex hoc oleum exprimitur, quod valet in vulnerum consolidatione &c. de quo in *dispensator. Augustano*, & *Norimbergensi*. Paratur quoque oleum ex albumine ovi, quod summum articulare putatur à multis; de hoc mentionem facit *Job. Schröderus*: *Francisci. Gallina* & alii.

Notandum autem Autores sæpè mentionem facere de lapide aleatorio in Ventriculo decrepiti Caponis invento; ideòque, & ego pauca de isto scribam; Hunc lapidem verè vidit *Frid. Hoffmannus* in Capi decrepiti Ventriculo Anno 1672. die 21. Martii ad nucis avellanæ magnitudinem; ideòque vanum est dicere fabulam esse, ut multi aiunt; Varias ipsi assignant vires Medici; dicunt enim ori inclusum sitim, & æstum Cordis sedare, Venerem excitare, constantiam, & eloquentiam gerenti tribuere, robur in thoro geniali excitare.

CAPUT XV.

De Gruæ.

MEDICINA primò sumit Gruem integrum, inde seorsim pinguedinem, fellem, Caput, oculos, Ventriculum, & medullam tibiæ: Hujus Animalis historia apud *Hortum Sani-tatis* est.

Avis ista quia nervosa est, nervosis partibus convenit, & usus ejus commendatur in colicis doloribus.

Pin.

ZOOLOGIA PARVA. *Part Secunda.* CAP. XVIII. & XIX. 423
næ caput , Jecur , Sanguinem , fellis humorem , stercus & Pinguedinem.

Milvus primo incineratus , & exhibitus Podagræ subvenit ; dosis ℥. ʒ ad ʒ. j est : Idem fertur de capite ; Hepar in oculorum medicamentis adhibetur. Sanguis Podagricos juvat. Fel oculariis additur : stercus articulis felici cum successu imponitur ; & pinguedo articulorum doloribus illinitur ; videatur *Schröderus*.

CAPUT XVIII.

De Motacilla.

MO TACILLA dicitur Passer aquaticus , & est Animal caudæ tremulæ circa flumina degens ; cujus pulvis vim miram habet in calculis atterendis , ut multi medici volunt ; experientia adhuc tamen hoc non est comprobatum : vid. *Eric. in epistol. de Avib.*

CAPUT XIX.

De Noctua.

NOCTUA dat Medicis Caput , carnem , fellis humorem ; Pinguedinem , stercus , & sanguinem.

Noctua combusta , & cum melle subacta imponitur apostemati tonsillarum , vel Anginæ suppuratæ ; Videatur M. *Emmellerus in Schröder. dilucidat. pag. 2 ; 6.*

Caro curat Paralyticos monente *Plinio* ; Melancholicos dicente *Rabbi Moyſes* , & *Weckero in Antidotar. spec.*

Caput noctuæ brachio ligatum est contra lethargum ; videatur *Carolus Stephanus*. Fel ad maculas oculorum valet ; videatur *Schröderus*. Pinguedo aciem oculorum acuit ; vid. *idem* : stercus verrucas tollit ; videatur *Avicenna*, Sanguis demum ortum pillorum prohibet ; videatur. *Conſt.* C A.

CAPUT XX.

De Olore.

OLOR Cygnus dicitur, & avis est ad genus Anserinum; hujus, Partes medicinæ inservientes sunt Pulli, Adeps, & Pellis.

Pulli Cygni in oleo cocti addita medulla Cervina podagricis profuunt, scribente *Schrödero*. Adeps est utilis in hæmorrhoidibus; & cutis lentigines tollit monente *eodem Auctore*. Pellis Colicos juvat, docente *Michaele Ettmullero*.

CAPUT XXI.

De Passere.

PASSER duplex est, Alius Vulgaris alius Troglotides nuncupatur: vulgaris nihil suggerit nisi quod stimulat Venerem & stercore suo varices extirpat monente *Hali Abbate; König. regn. Animal.*

Troglotides in Affectibus Calculorum adhibetur; unde *Ettmullerus* novit quendam, qui in paroxysmo Ischuriæ assato Troglotide in cibo comesto convaleuit. Hujus præparatio, autem diversissime traditur; Alii deplumatum prius, abjectis visceribus, salis, ac piperis aspergine condiunt, & crudum ægrotantibus in totum devorandum exhibetur; ut autem mumia hæc medicinalis conservetur elegantiori coquina alii palato magis indulgentes passerulum, nec deplumem nec evisceratum adjecto salis, & piperis modico in Vitreatum conjiciunt, & addito operculo ad cinerationem torrent; & tostum in subtilissimum pulverem in haustu Melicrati drachmatim propinant? Alii Avem citra minimam sanguinis effusionem occisam plumis, & extimis vacuam, ac petroselinò, sale & baccis Juniperi pulverisatis planè refertam decocto ligni nephritici ex Vino Rheno facto immergunt, ità ut liquor duos latos digitos in Vase
super

superemineat, maceratione unicæ noctis facta in diplomate occluso blande coquunt; coctam ab igne levant, donec refrigerat, refrigeratam Calculosis exhibent jejuno stomacho.

C A P U T X X I I.

De Pavone.

PA V O Avis medica dicitur, cujus partes medicinæ intervenientes sunt Adeps, Fel, stercus; Pennæ, & Ova. Adeps colicos affectus optimè sanat; vide *Schröderum*.

Jus Pavonis pleuriticis prodest; Fel oculorum caligines tollit: vide *Dioscoridem*: stercus laudatur contra vertiginem & epilepsiam; videatur *P. Borellus*, *Crato*. &c. ex hoc fit syrupus Antepilepticus, de quo apud *Schröderum*.

Pennæ valent in suffitu adversus uteri ascensum; videatur. *Quercetanus in Pharm. restit.*, & prosunt in inflammatione mammarum, & ratio est, ait *Ettmullerus* quod habent Signaturam mammæ admodum pendentis.

Ova demùm ad curandam Arthritidem vagam exhibentur à multis Empyricis, vid. *Sanctorel. & Walther*.

C A P U T X X I I I.

De Perdice.

PE R D I X avis est salacissima vivacissima ad annos 16. cujus partes medicis usibus inservientes sunt Caro, medulla, Sanguis, Jecur, Fel, Pennæ, & Ova.

Jus Perdici corroborat ventriculum sumptum; videatur *Sextus Placitus*.

Caro comesta lac auget; medulla, ut & Cerebrum icterum sanat. Fel quotidie temporibus inunctum juvat & promovet memoriæ usum; videatur *Frider. Hoffmannus*.

Jos. Lanzoni Opera. Tom. I.

I i i

San-

Sanguis vulnera oculorum consolidat ; videatur *Schröderum*.

Jecur morbo regio resistit ; vid. *Crato*. Pennæ tormina Ventris compescunt si in suffitu adhibeantur.

Ova Perdicis nigros provenire capillos faciunt ; vide *Regium* : partum accelerant ; vide *Pisanellum* & *Venturinum*.

C A P U T X X I V.

De Pica.

EX Pica paratur aqua antepileptica summæ virtutis in affectibus maniacis, epilepticis, melancholicis cujus descriptio est sequens, nempe ℞. liquoris Tilie ℥ iv. Phlegmatis Vitrioli, Vini generosi, ana ℥. ij. quibus successivè immergantur Carnis picæ ℥. β. florum. Tilie, Liliorum Convallium, primulæ Veris, Poconia, Anthos, Lavendulæ āā. ʒ. ij. Cinnamomi, ʒ. j. nucis moschatæ, Cardamomi, Carpobalsami, āā ʒ. β. feminis Coriandri ʒ. iij. Omnia debito tempore collecta, & infusa destillentur in Balneo Vaporoso ad siccitatem specierum ; Aqua servetur.

C A P U T X X V.

De Struthiocamelo.

STRUTHIOCAMELUS qui referente *Plinio*, & confirmante *Jul. Cæs. Scaligero* ferrum concoquit & juravit *Ulißes Aldrovandus* se observasse Tridenti ferri frustula, a struthione deglutita, quæ incocta rursus excrevit, cui subscribit *Henric. ab Heer*. scribendo se Patavii Struthionibus, experimenti gratia, dedisse obulos, quos illi nec semigranulo leviores cum excrementis totidem numero reddiderunt. Hujus partes Pharmacopœam intrantes ob usum Medicum sunt Ventriculi Tunica, Adeps

Adeps, & **Ova**. Ventriculi interior enim tunica ventriculum corroborat monente *Schrôdero*.

Adeps contra ischiadicos affectus prodest illitus; & hoc remedium ego pluries in aliis expertus sum esse miræ efficacîæ: Ova calculosis conducunt.

C A P U T X X V I.

De Turture.

TURTUR dat Adipem, Cor, stercus & Sanguinem.

Adeps ventri illitur in doloribus; videatur *Forestus in observ. 10. lib. 28.* Cor incineratum, & super ova aliarum Avium sparsum prohibet eorum ortum videatur, *Alex. Venturinus*: stercus urinam pellit, vide *Annot. Pisanel. & Videman.*

Sanguis applicitus oculis percussis medetur; vide *Dioscoridem*.

C A P U T X X V I I.

De Upupa.

UPUPA habet pro medicina Carnem suam, pennas, Cor, & linguam.

Caro, ejusque decoctum colicos juvat; vide *Avicennam Fen. 16. trat. 4. cap. 11.* Pennæ impositæ Capitis dolores demulcent; vide *Hieron. Cortesium*. Cor Collo appensum contra venena valet; vid. *Matthiolum & Venturin. secre.*

Lingua tandem Upupæ usta, ac pulverisata, super caput imposita memoriam auget; vid. *Hier. Cortesium*.

CAPUT XXVIII.

De Vulture.

VULTUR Avis est pollens facultatibus animalibus, ac præcipuè odoratu. Ex hoc Animali in Medicum usum veniunt Caro, Adeps, Cerebrum, Fel, Pennæ, & fimus.

Caro convenit in affectibus capitis, & egregium est remedium cum Mastiche assata, & pulverizata contra nimiam hæmorrhagiam uterinam; imò in dysenteria hoc monente *Foresto*; & hoc confirmante *Hildano* qui ait se hoc remedio curasse dysenteriam citra spem.

Pinguedo convenit nervis: Cerebrum subvenit capitis imbecilitati: Fel epilepsiam arcet sumptum cum vino: Pennæ partum potenter promovent si pedibus subdantur. Fimus nido Partum excutit; videatur *Weckeri Antidotarium*.





PARS TERTIA,

DE PISCIBUS.

CAPUT PRIMUM.

De Anguilla.



ANGUILLÆ Medicinæ præbent pinguedinem Caput, Sanguinem, Hepar, Exuviasque, & vivit ad annos. 20. vide *Franc. Bacon.*

Pinguedo pro restituendo auditu commendatur à *Schrôdero*; ab aliis pro hæmorrhoidum dolore leniendo; vide *Burnetum.*

Caput verrucas sanat impositum: Sanguis cum vino sumptus colicos sanat dolores; jecur cum felle siccatum, & pulverisatum in vino potum à *Panarolo*, *Boyleo*, & *Helmontio.* commendatur in difficili partu; hoc enim pharmaco in stomacho adhuc existente, foetus statim propellitur, quia stomachus claves Uteri gerit. Cutis, Anguillæ elegans remedium suggerit in uteri procidentia, ubi suffitus inde instituatur, quo *D. Michælis* feliciter fuit usus.

Notandum autem multos dicere, Vinum in quo Anguillæ suffocatæ fuerint abstemios reddere bibentes.

CAPUT II.

De Barbone.

BARBO piscis est Culinis satis laudabilis, cujus ova ad vomitum ciendum adhibentur à *Quercetano & Horstio*.

Observat *Timæus* Choleram morbum excitatum esse ex esu, & usu ovorum Barbonis, quam beneficio Alexipharmacorum, & Bezoarticorum ipse curavit; Cauti ergo esse debemus in Barbonis usu.

CAPUT III.

De Blata Bizantia.

HOC Animal species concharum est, odore Castoreum æmulans; Internè, hoc Animal laxat alvum, splenem molli, vitiososque humores discutit; externe autem foeminas strangulatu Uteri oppressas excitat suffitu; in reliquis idem præstat, ac aliæ concharum Testæ, Notandum Blatas *Dioscoridis* esse è genere vermium nobis incognitas; de his videatur *Dan. Ludovici Pharm.*

CAPUT IV.

De Cancro Fluviatili.

CANCRI vocabulum generaliter usurpatur à *Plinio*, dum includit omnia Cancrorum genera ut *Carabos, Aftacos, Maïas, Paguros, Heracleotivos, Leones*, & alia ignobiliora; Propriè tamen loquendo Cancri vocantur qui cauda carent, & *Gammari* qui illa sunt præditi, licet inter istos sit confusio.

Sunt

Sunt temperiei frigidae ac humidae, unde refrigerant; & humectant, referente *Frider. Hoffmanno. comment. in Schröder. Pharmacop.*

Ex Cancro Medicina sumit Oculos, & putamen.

Succus cancrorum expressus cum opio mixtus, & croco, fronti felicissime applicatus à *Rulando* sanavit dolorem capitis cum delirio.

Lapilli seu oculi nihil aliud sunt quam liquor tenuis, aquosus, lacti haud absimilis, qui obdurefcit in lapideam substantiam & positi sunt super stomachum; videatur *Helmontius de litbiasi*, *Jac. Hannemannus*, *Pbil. Jac. Sachsus* &c. ii turgent Sale volatili alkalino, & ob suam vim acidorum destructivam conveniunt in stomachi ardoribus, torminibus alvi, pleuritide, Angina, febribus, nephritide &c. Ex istis paratur Magisterium, & oleum sive liquor, de quibus apud *Schröderum*.

Putamen scabiem Puerorum ex falsis humoribus sanat, oleo rosarum permixtum, & illitum. Plura apud *Gul. Johnson. Lexic. Chim.*

C A P U T V.

De Carpione.

CARPIO piscis est notus, limo, & muco vivens cujus partes Medicinæ inservientes sunt Fel, Axungia, Lapis triangularis, & lapilli oblongi: Hujus Historia habetur optime ab *Hippolito Salviano*.

Fel est specificum egregium contra erysipelata, & oculorum nubeculae subvenit monente *Schrödero* & *Lottichio*. Axungia nervorum affectibus medetur. Lapillus triangularis in capite repertus in Pleuritide prodest; & lapilli supra oculos existentes natiæ sunt congeneris cum lapillis cancrorum; ideoque destruunt acida, & contra erysipelata, epilepsiam &c. commendantur ab *Ettmullero* in *Schröd. diluc.*

CAPUT VI.

De Ceto, & Manati.

CETUS nomen, generaliter pisces vastos viviparos denotat, specialiter tamen pro maxima eorumdem specie sumitur, quæ ob vastam suam magnitudinem, ac conformitatem quadrupedes æmulatur; de variis Cetorum generibus, videatur *Uys. Adrovandus, Gesnerus, Johnstonius, Wormius, Thom. Bartholinus, & Franzius*. Ex hoc in usum medicum veniunt Pinguedo Priapusque. Pinguedo scabiei medetur illita monente *Joh. Schrödero*. Priapus sumitur pulverisatus pro arcano in dysenteria, docente *Job. Daniel. Major. in Tractat. de Ceti Priapo*.

Cetorum generibus annumeratur Piscis *Manati* dictus de quo apud *Schröderum* ex hoc Animali in usum veniunt lapilli ex capite exempti, qui contrà calculum usurpantur pulverisati, & sumpti ad. ʒ. j. vide *Act. Med. Hafniens., & Mundii Opera Medica*.

CAPUT VII.

De Concha.

CONCHA est genus piscium capite destitutum, testis, quas eodem nomine conchas vocant circumvallatum; aliæ autem sunt conchæ nobiles, aliæ ignobiles: nobiles dicuntur margaritiferae, quas vide *Lector Bonevole in lib. 3. cap. 7. Pharmac. Schröd.*

Pertinent verò huc *Ostreæ* &c. quæ crescunt cum lunæ incremento, ac decrescunt cum decremento ejusdem turgent succo alcalino qui in atrophia, Phthisi, Lue gallica, &c. convenit, ex istarum testis Magisterium conficiunt cordiale cum Acceto destillato, vel Spiritu Vini. Caro *Ostreæ* in Cibo quartanas fugat; vide *Schröderum*. Ex testis autem harum fit famosum illud antifebrile *Crollianum*; de *Ostreis* plura dabit *Hemricus Mundius in oper. Medicis. pag. 286.*

C A-

CAPUT VIII.

De Equo Marino.

EQUUS Marinus est Animal marginum degens in Mari, formam equi præsentans exceptis pedibus, à quo medicina sumit Pellem, Dentes & Penem. Pellis hujus Animalis adeo dura est, ut vix lancea perforatur, & delata à Paralyfi immunes reddit gerentes *Fr. Hoffmannus*. Dentes diarrhœam, fluxum hæmorrhoidum, Scorbutum, sanant; videatur *Alexander Venetianus in Secret. Animal.* Penis totus est prædicatus tanquam singulare remedium in Calculo; ejus pulvis partum promovet, & urinam expellit; videatur *Ol. Wormius in Museo, & Ranchinus de Partu.*

CAPUT IX.

De Haleco.

HALECUS Piscis est marinus familiaris Oceano Baltico, ex quo in medicum usum veniunt Vesiculæ, ac Murina. Vesiculæ, Animæ dictæ ad numerum novem exhibitæ urinam cient monente *Scbrôdero in Pbarm. l. 5.* Integer halecus salitus imponitur plantis pedum ad æstum febrilem domandum; vid. *Jo. Kunckelius in observat.* Muria usurpari solet pro Clymate in Hydrops; externè etiam est remedium pro abluendis partibus ulcerosis videatur *Mich. Estmullerus in Scbrôder. dilucid. part. 1. Sect. 3. pag. 242.*

CAPUT X.

De Huso Ichthyocolla.

DE hoc Pisce familiari in Danubio nihil in usu medico est nisi Glutem, cujus usus est in Emplastris glutinantibus, *Jos. Lanzoni Opera. Tom. I.* K k k &

& paratur ex ossibus & partibus mollioribus ejus instar aliarum gelatarum, & pro consolidatione usurpatur.

CAPUT XL

De Lucio

LUCIUS Animal notum est omnibus, à quo medicina sumit fel, Cor, mandibulam, ossiculum cruciforme, Axungiam, ac ova, cum lapillis.

Fel sumptum febrem arcet vide *Schröderum*; oculorum nubeulis inservit; vide *Ettmüllerum*. Callos pedum delet impositum, vide *Venturinum*. Cor adversus febres devoratur; mandibula commendatur in pleuritide, quia acidum absorbet, & sanguinem congrumatum dissolvit. Ossiculum Cruciforme ex Lucii capite, assumptum contra Epilepsiam est. Axungia ad tussim demulcendam facit, illita pectori: Ova Vomitus, ac alvum cient; vid. *Schröderum*, & *Moxian in mat. med.* Nuper ex Lucio duos Lapillos extraxit *Fridericus Hoffmannus* quos reservat in suo raritechio; qui calculos solvendi virtutem habent, ut ego credo.

CAPUT XII.

De Matre Perlarum.

MATER perlarum species est Concharum in quibus Margaritæ reperiuntur; ex hac Magisterium Cordiale paratur; & ingreditur pulverem Antifebrilem tanti nominis *Strobelbergeri*: vide *Jungken. med. præsent. sec. accomod.*

CAPUT XIII.

De Mustela.

EX Mustela medicina sumit Hepar, Venterculum & spinam Hepar in Vitro suspensum calorigue expositum in liquorem abit flavum valde utilem in oculorum hebetudine ac nubecula; vid. *Forest. Lindan. in Harttman. & Mund. de esculent.* Venterculus commendatur pro uterinis affectibus, à *Schrödero*. Spina pulverisata, ac sumpta caducum morbum curat; In spinæ autem initio inveniuntur lapilli, qui Epilepsiæ item medentur, de quibus, vide *Frid. Hoffinan. loc. citat. & Scheunemannum*.

CAPUT XIV.

De Perca.

PERCA dat tantum lapides in Capite repertos, qui præparantur, & valent in Calculo; & sunt majoris efficaciæ, ut ait *M. Ettmullerus* quam sint oculi Cancrorum.

CAPUT XV.

De Rana Aquatica.

RANA in aquis puris degens, dat medicinæ, Cor, Hepar, Fel, adipem, sperma, & pellem.

Primò autem Rana cocta in aceto dolorem dentium sedat; vid. *Venturinum* pulverisata, & sumpta phthism curat; videatur *Matthiolus*, & alii. Cor, insigne antepilepticum est; vide *Schröderum & Mizaldum*. Hepar exsiccatum, & pulverisatum contra quartanas exhibetur à *Cratone* cum aqua Millefolii: Fel peculiariter oculorum affectibus medetur; Pinguedo auri.

auribus indita dolores sedat : sperma ranarum nihil aliud est ; quam ova ranarum mucilagine quadam aquea involuta ne tam facile corrumpatur ; si salis tantillum in eo solvatur valdè durabit hoc sperma ; quod scabiem curat , ex hoc Aqua destillatur vel Balneo Mariæ vel Balneo Vaporis lento igne , miræ virtutis in sistendis Sanguinis profluviis faciei rubores delendo &c. Ex spermate vero ranarum cum Mercurio sublimato destillatur aqua pro pustulis faciei Gallicis , de qua vide *The-saur. Pharmaceutic. Friderici Hoffmanni Sect. 2. num. 2.*

CAPUT XVI.

De Sepia.

SEPİA dat medicis os , humorem , & Ova. Hujus os gonorrhœam sistit , Calculos pellit , sudores ciet , quia sal volatile peculiare continet. : unde ex hoc *Langius* pulverem suum præcipitantem paravit. Humor ater assumptus alvum movet monente *Schröder.* & *Scheunemanno.* Ova renes , & Uteres abstergunt , menses , & urinam ciet.

CAPUT XVII.

De Sturione.

OSSA Sturionis commendantur in Arthritide vaga , exhibita ; vide *Forest. lib. 20. observ. 12. in Epistola D. de Brabe ;* Hinc *Schröderus* ea laudat in colicis doloribus fugandis.

CAPUT XVIII.

De Testudine.

TESTUDO Marina dat Crura , Sanguinem , & fellis humorem Crura commendat contra podagram *Solenander.* cum *Schenckio* ,

ZOOLOGIA PARVA. *Pars Tertia.* CAP. XIX. XX. & XXI. 437
ckio, Porta, Rbasi, Constantino, & aliis. Sanguis fistulas sanat impositus; vide Alex. Venturinum pag. 109. Fel oculorum affectibus medetur.

C A P U T XIX.

De Tbymallo.

HOc Animal dat tantum Axungiam, quæ in Vitro clauso exponatur Soli; sic liquefcit, ac depuratur, datque liquorem oleaginosum, elegantem, rubicundum, qui est remedium contra foveas variolarum, & contra Cicatrices, oculorum maculas &c.

C A P U T XX.

De Tinca.


TINCA Animal notissimum est, ex quo in Medicum usum veniunt fel, & lapillus. Fel commendatur à *Scbrôdero* ad aurium affectus. In capite Tinca gerit lapillum, ut *Carpio*, qui ad similes affectiones exhiberi poterit, quo dictus *Carpionis* lapis. Vi postea curandi Icterus commendatur hoc Animal, unde viva alligatur plantis pedum à multis; at à *Moebio* hepatis regioni applicatur, unde flavescit eo in loco; vid. *Ettmullerum*.

C A P U T XXI.

De Trutta.

TRUTTA dat adipem, maxillas, ac lapillos. Adeps illinitur utiliter ani fissuris: maxillæ ad epilepsiam usurpantur, & Lapilli etiam colliguntur viribus *Carpionum* lapidibus pares; videatur *Joannes Scbröderus* in sua *Pharmacopœa med. chymic.*

C A.



PARS QUARTA,

DE INSECTIS.

CAPUT PRIMUM.

De Ape.



Pis insectum est mellificans vivens tum florum melligine tum melle ex illa melligine confecto ; Medicinæ inservit melle , Cera, & Propoli.

Apes autem calcinatæ contra alopeciam laudantur : mel tantam vim habet, ut menstruum pro metallorum resolutione etiam nobilium constituit monente *Estmullero* ; Propter rorem autem certè singulare quid latet in melle. Caterum mel ut corpus dulce in recessu obtinet duo sãlia acidum, & alcali ; acidum se manifestat quando destillatur ; & si fermentantur, dat Acetum acerrimum ; ob sal autem universale quod mel continet vim habet conservativam totius corporis, & internè præservat omnes putredines, & vim vitalem senum resuscitat. in Chirurgia mel egregiè mundificat ulcera ; Mel autem depuratur rectè per manicam Hippocratis ; Fit mel destillatum, spiritus, & oleum ; quæ omnia pellunt urinam, atterunt calculum, ac reserant obstructions ; oleum autem mellis lenit podagricos dolores si locus affectus eo inungatur ; Fit acetum mellis de quo *Hartmannus*

wannus

mannus in Croll. Fit tinctura de qua *Beguinus* ; Quinta essentia de qua *Schröderus* &c.

Genuinum Turcarum Rusma paratur ex melle , quod ad spissitudinem instar sapæ incoctum & loco dropacis cum violentia abrumpitur ; vide *Frider. Hoffmanni. comm nt. in Schröder.*

Cerâ ingreditur Emplastra ; ex hac fit oleum summè diureticum , Balsamum , & magisterium quæ optima sunt in dysenteria sananda. Propolis est cerosa , rudis , & crassa materia in alveorum foribus inventa , quæ calefacit , abstergit , anodyna est , ac ulcera desperata curat , vid. *Pigreum Chirug.*

C A P U T I I

De Araneo

ARANEUS præter se ipsum dat præ usû medico telam ; Iste febriles arcet paroxysmos unde ex hoc constituit emplastrum suum *Strolbelbergerius* de quo *Schröderus*. Narrat *Ettnullerus* Rusticum quendam araneis pulverisatis propinatis multos a febre liberaſſe ; paratur etiam ex araneis oleum à *Minderero* , cujus usus est in febribus pestilentibus si carpis manuum , temporibus , & stomachi regioni illinatur. Fabulæ autem putantur à *Fr. Hoffmanno* quæ de lapide aranei communiter perhibent multi ; vide *Sim. Pauli Quadr. Botanic. Cl. 2. pag. 163.* Tela conglutinat , ideòque vulneraria est & sanguinem cohibet ; vide *Jo. Schröderum in Pharm. lib. 5. & Henriquez.*

C A P U T I I I

De Asellâ.

ASELLI in locis humidis oriuntur , & colligendi sunt illi , qui inveniuntur intra fissuras lapidum Murorum antiquorum : ii sale nitroso admodum volatili scatent , unde ex iis

iis paratur remedium contra calculum à *Laurembergio*, *Horat. Augenio*, *Sennerto*, *Lindano* a iisque. A modernis medicis contra arthritidem vagam scorbuticam adhibentur in oleo autem macerati contra hæmorrhoidum dolorem valent; In ulceribus inveteratis miram habent vim Afelli seu Millepedes, sicut præter *Riverium* mirabilia recenset *Rob. Boyle* in *Philosoph. experimental.*, cum *Jo. Caspar. Boxbergero* in *Prax.*

C A P U T I V.

De Bom'yce.

BOMBYX dat semet ipsum, inde texturam bombycinam; ac folliculos sericeos. Bombyces exsiccati, & pulverisati insperguntur vertici capitis ad arcendam Vertiginem, & Convulsionem; vide *Schröderum*. Rombicyna textura spiritus relinquit, unde ingreditur Compositionem Confectionis Alchermes, Diamoschi &c. hæc autem tanquam inutilis rejicitur à *Frid. Hoffmanno*. Folliculi eandem virtutem habent, ac Textura sericea &c.

C A P U T V.

De Cantharidibus.

CANTHARIDES sive muscæ Hispanicæ turgent sale volatili acerrimo, ita ut vesiculas excitare valent: propterea Medici pro usu vesicantium adhibuere; de quibus *Etmullerus* & *Bacon. Histor. nat.* Harum usum internum *Schröderus* prædicat rarissimum, attamen ex iis *Hippocrates* potionem hydro-picis propinavit; vide *Thom. Bartholin. centur. 5. bist. 82. Hoffmannum*, & *Doleum Encyclop. Medic.* Ex istis magisterium cum spiritu nitri & oleo tartari præcipitando conficitur maximè urinas movens; sed cum fideli cautela & circumspectione adhiberi debet; vide *Lemery.*

C A.

CAPUT VI.

De Cicada, Cicindela, & Cimice.

CICADA ficcata, & sumpta dolores colicos fugat, & cinis ejus insigniter calculum pellit. Videatur *Schröderus*, & *Harch. Encbirid. med.* Cicindela in tenebris lucet, & monente *Cardano* vim anodynam habet; atque in calculo prodest, scribente *Schrôdero*: de hoc animali plura curiosa legi possunt apud *Roder. Castrens lib. 4. meteor. microc. cap. 16.* & *Sperlingium in Zoologia* & *Bacon.* Cimex ad fortum, & secundinas elicendas exhibetur in Vino; & hic notandum, Succum herbae hyoscyami lectisternis inunctum Cimices necare; videatur. *Lo-ticibus in Consiliis Med.*

CAPUT VII.

De Formica, & Gryllo.

FORMICA dat Medicinæ Ova, & Acervum; Ova ad aurium gravitatem faciunt, malasque hirsutas pueris infricata corrigunt. Acervi usus est in Paralyfi, Arthritide lotione adhibitus: vide *Schrôderum.* Ex Formicis destillatur spiritus ab *Hoffmanno* qui memoriam confortat, & externè commendatur in Arthritide; vide *Tbesaur. Pharmaceutic. Hoffman.* Plura de Arcanis ex Formicis paratis apud *Mich. Ettmüller. in Schröder. dilucid. part 1.*

Gryllus commendatur ad diuresim; vide *Schrôder. & Grulingium.*

CAPUT VIII

De Hirudine, Lacerto, & Locusta.

EXTERNE adhibetur Hirudo, ut Sanguinem exsugatur; applicatur autem in nimis Cephalalgis temporibus de qua operatione videantur *Mæ Animadversiones nuper impressæ*. item in pedibus, & brachiis pro evacuatione Corporis lenta: & in affectibus hæmorrhoidalibus podici applicantur: si autem pertinaciter adhæreant aspergantur sale, & statim decident. Lacertus contra strumas commendatur siccatum & pulverisatum. Ex oleo infusum paratur, quod valet ad rubedinem faciei emendandam illitum. Lapis reperitur in ejus Capite valens contra calculum, de quo *Olaus Wormius in Museo lib. 3. cap. 20.* Locusta collo appensa quartanam fugat, vide *Schröderum*, ac odor suffitu urinæ difficultatem tollit, videatur *Dioscorides*, & *Welschius*.

CAPUT IX.

De Lumbricis Terrenis, Musca, & Ricino.

LUMBRICI terreni tempore pluviali æstivo collecti tanquam specificum in Arthritide Vaga scorbutica commendantur; veteribus in cura icteri frequens eorum usus fuit; videatur *Wierus*, & *Drawitzius*. Contra panaritium nihil melius lumbrico vivo contuso imposito, videatur *Estmullerus*. Ex his autem lumbricis paratur oleum per infusionem optimum in nervorum punctura; paratur, & liquor, spiritus, & pulvis de quibus apud *Schröderum*. De lumbricis intestinorum dicunt multi ipsos pulverisatos dari ad lumbricos necandos, quod non probat *Henric. ab Heer. lib. 1. obs. 9.* An vero profint nec ne? videatur *P. Athanas. Kircheri mund. subterr. vol. 2. & Frid. Hoffmann. clav. in Schröder.*

Musca

Musca alopecii subvenit : itemque ejus aqua stillatitia quæ fit per se, vel cum melle vide *Schröder. Pharmac. lib. 5.*

Ricinus telte *Flinio* ignes sacros extinguit, & cum suo sanguine illitus contumaces impetigines sanat; videatur *Amatus Lusitanus cent. 7.*

C A P U T X

De Pediculis & Salamandra.

PEDICULI devorantur ad num. novem ab aliquibus contra Icterus; & in Atrophia à multis laudantur. In suprefione autem urinæ pediculi immituntur in penis canalem, ut sua titillatione urinam provocent; vid. *Zacut. Lusitan.*

Salamandra est Animal ex genere Lacertorum venenatum cujus historia apud *P. Athanas. Kircherum in Chin. illustrat.* An in igne lædatur vid. *Frid. Hoffmannus comm. in Schröder.*, *Aristoteles hystor. Animal*; *Ælianus, hystor. animal*; *Nierembergii hystor. nat. lib. 4. Tb. Bartholinus, cent. 2. obs. 5. Camerarius, Olearius, Matthiolus, Rhodiginus, Grube; Le Grand; &c.* Salamandra erodit, exulcerat, cujus cinis valet in scrophulis movente *Schrôdero. & Jo. Paul. Wurffbaino. in Salamandrologia.*

C A P U T XI.

De Scarabeo, & Scinco.

SCARABÆUS triplex est Cornutus, Pilularius & Unctuosus, qui dicitur ab Italis nostris *Cantarello*. Primus nempe Cornutus cornibus suis pulverisatis contra partum difficilem facit & oleum horum Cornutorum Scarabæorum per infusio-nem factum succedaneum est ol. scorpionum hinc multi aiunt hoc oleo pulsibus illito febrem excitari. Cornua istorum Scarabæorum suspensa collo infantum urinam cohibent; vid. *Schröder.*

Scarabæus Pilularius valet in hæmorrhoidibus cæcis curandis, & oleo lini infusus singularissimum est Anodynum, & valens contra aurium Dolores; de hujus Scarabæi pulvere multa notatu digna profert *Harttmannus in Pract.*

Scarabæus Unctuosus urinam pellit, & vagam Arthritidem Auctore *Wiero* curat exhibitus in pulvere; idemque affirmat *Borellus*; Paratur, ex istis Scarabæis unctuosus remedium antitartareum ab *Ettmullero* modo sequenti R̃. scarabæi unctuosi mense maio vel medio Junii captos, & absque actu manus collectos, suffoca in spiritu vini; suffocati ita blande exsiccentur, exsiccati discindantur, & in eorum medio reperitur liquidum viscosum, quod eximitur, & asservatur; deinde ipsum Corpus pulverisâ cum proprio liquore unctuosus, ut acquirat consistentiam debitam: Postea R̃. hujus balsami. 3. j. olei Anisi, Caryophyllorum, ana, gutt. iij. misce f. Pilulæ; & harum pilularum recipe gr. ij., & propina Arthriticis, & nephriticis mane jejuno stomacho in aqua sambuci, vel rosarum; tunc æger moderatè vivat in diætâ; sic brevi post excitabitur stranguria, quæ per tres dies durabit; si verò non statim superveniat stranguria, reiteretur secundo die, & optatum habebis eventum in curanda calculosa affectione: vid. *Mollembroc. de Arthrit. cap. 13.*

Scincus Animal. est aquatile squammis luteis vestitum, & ingreditur tanquam Alexipharma Antidota, & præsertim Theriacam *Andromachi* & Antidot. *Matthioli*. Multi pinguedinem hujus animalis adhibent ad accendendam Venerem; & *Matthiolus* commendat rostrum, & pedes eosque cum vino propinat, hinc & carnes laterum commendat ad varios usus; vid. *Jo. Schröderus Pharm. Med. Chim.*

C A P U T X I I.

De Scorpione, ac Terebine.

SCORPIO animal est forma cancris æmulans, iis tamen minus; An possibilis sit Scorpionum ex cancris Generatio: vid.

vid. *D. Sachsus à Lawenbeim in sua Gammarologia* : An autem ex ocymo produci possit scorpio : videantur *mez Animadversiones nuper impressæ*. Urinam ciet Scorpio incineratus, & sumptus monente *Sylvio de Le Boë, Bartbolino & aliis*. tritus, ac impositus ictibus propriis subvenit ; videatur *Schröderus*. Et scorpione paratur primò oleum mediante infusione cuius egregia vis est in acrimonia admodum volatili, diureticum est & habet vim anodynam, unde in aurium dolore cum bombace iis inditur ; itemque valet pro usu antipestilentiali illitum pulvis vid. *Isbrand. Diemerbroek lib. 2. de peste cap. 11*. Paratur quoque oleum compositum scorpionum de cuius compositione legatur *Schröderi Pharmacop.* cuius usus sæpe noxius est, dum poris cutis ita invilcatis impeditur transpiratio, & veneni exitu intercluso plus noxæ quam commodi ægro infertur. vid. *Frid. Hoffm. mess. medic. Spagyric. pag. 648*. Salivam hominis scorpiones interimere ait *Anton. le Grand in compend. curios.* sed de hoc fides sit penes experimentum. De Artificiali scorpionum productione videatur *Atban. Kircherus in mundo subterr.* De scorpionibus impunè voratis, & araneis sine noxa deglutitis curiosus quis est, legat, *Jo. Rhodium centur. 3. observ. 91. & Aldovrandum de insectis lib. 5.* De scorpione quodam marino mentionem facit *Petr. Borellus in observ. medic. rar.* De scorpionibus in Italia aliquando innocuis monet *Plinius*. Hinc petum remedium esse ictibus scorpionum notat *H. Fubrenius*. cum *Rhodio supra citato*. De variis speciebus scorpionum vid. *Nicander. de Theriaca, Ardoyn. de Venenis, Grevin. ; Semmertz Prax. lib. 6. & alii*. Scorpionibus contrarium esse stellionem notat *Isaac Cardos. in Philosph. liber. lib. 5. pag. 408*. De scorpionis ictus curatione leg. *Hieron. Mercurial. lib. 2. De Venen. cap. & Jungken. in med. præf. sæcul accomodand.* Notandum hic mirabilem esse herbæ scorpioidis in scorpiones potentiam, illi quidem huius tactu ex occulta discordia examinantur, ut ait *A. le Grand. in Compend.* ; tantam enim inter eos antipathiam rerum omnium parens natura indidit ; Ast quod mirabilius est exanimati scorpiones si helebori albi radice tangantur, ad vitam revocantur (sunt verba ejusdem *Le Grand.*) Propterea

scorpioides. scorpionum ictibus imposita feliciter, & citò illorum virus mortificat, ulcusque sanat monente *Dioscoride lib. 4.* à cuius præsentanea in illos virtute à scorpione nomen sumpsit, & scorpionides dicta est de hac herba plura apud *Simon. Paul. quadrip. botanic. class. 3. pag. 478.* aliosque Botanicos. Mortui scorpionis medetur *Aconitum*, videatur *Oswald. Crollius de signatur. pag. 79.* *Pulegium* aceto & sale contusum contra araneorum, ac scorpionum ictus auxiliatur impositum; vid. *Hieron. Tragus lib. 1. histor. stirp.* Theriacam commendat adversus ictus scorpionum expertus *Anton. Benivenius. lib. de Abdit. morb. causis cap. 56.* Plus nocere mulieribus scorpionum puncturas quam hominibus ait *Plinius cum Matthioli. in 2. lib. Dioscorid.* Scorpiones affatos conferre ad lapidem renum & colicam notat *Avicenna*: imò advertit hic Auctor, raphanum incisum scorpiones educere à foraminibus. A vipera morsos scorpionem sanare tradit *Galenus. 11. de simpl. med. fac.* *Athenagoras* Argivus dicitur à scorpionibus nunquam lædi potuisse. vid. *Gotbofr. Moebius in Fundam. medic. pag. 26.* Amicum habuisse fatetur *Avicenna* qui propria industria faciebat scorpiones, & inter notatu digna refert *Hollerius*, se vidisse scorpionem in Cerebro unius Itali; de quo videatur *Jo. Riolanus meth. med. pag. 47.*

Teredo dat medicinæ farinam suam, quæ valdè exsiccat, unde ulceribus humidis feliciter inspergitur; & hoc eodem titulo mulierculis nostratibus admodum est familiaris in excoaricationibus infantum exsiccandis videatur *Scbröderus & Hoffmannus.*

Et hæc sunt quæ de Animalibus medicamentosis dicere Compendii lex permisit; adeoque Zoologiam banc parvam Divino Auxilio ad finem perducimus.

I N D E X C A P I T U M Z O O L O G I Æ.

P A R S P R I M A, De Quadrupedibus , de Serpente & Vipera.

CAP. I. De Agno. Pag. 369

<i>De Alce.</i>	370
<i>De Apro.</i>	371
<i>De Asino.</i>	372
<i>De Beve, & Vacca.</i>	375
<i>De Bubulo.</i>	377
<i>De Bufone.</i>	378
<i>De Cane.</i>	379
<i>De Capro, & Capra.</i>	381
<i>De Rupi - Capra.</i>	382
<i>De Capri-Cerva Orientali.</i>	383
<i>De Capri - Cerva Occidentali.</i>	384
<i>De Capreolo.</i>	ibid.
<i>De Castore.</i>	385
<i>De Cato Zibetino.</i>	ibid.
<i>De Cervo.</i>	386
<i>De Cocble.</i>	388
<i>De Cuniculo.</i>	389
<i>De Elephanto.</i>	ibid.
<i>De Equo.</i>	390
<i>De Erinaceo.</i>	391

CAP. XXII. De Fele. pag. 392

<i>De Homine.</i>	ibid.
<i>De Leone.</i>	396
<i>De Lepore.</i>	397
<i>De Lupo.</i>	398
<i>De Lynce.</i>	399
<i>De Moschi Capreolo</i>	ibid.
<i>De Mulo.</i>	400
<i>De Mure.</i>	401
<i>De Ove.</i>	ibid.
<i>De Ranunculo Viridi.</i>	402
<i>De Rhinoceroce.</i>	403
<i>De Serpente.</i>	ibid.
<i>De Sciuuro.</i>	404
<i>De Porco.</i>	ibid.
<i>De Talpa.</i>	406
<i>De Taxo.</i>	ibid.
<i>De Vipera.</i>	407
<i>De Vitulo.</i>	408
<i>De Unicornu.</i>	ibid.
<i>De Urso.</i>	409
<i>De Vulpe.</i>	410

P A R S

P A R S S E C U N D A , De Volatilibus.

CAP. I. De Accipitro. pag. 413

<i>Le Alauda.</i>	414
<i>De Alcedine.</i>	ibid.
<i>Le Anate.</i>	ibid.
<i>De Anser.</i>	415
<i>De Ardea.</i>	ibid.
<i>De Ciconia.</i>	416
<i>Le Columba.</i>	ibid.
<i>De Cornice.</i>	417
<i>De Corvo.</i>	418
<i>De Coturnice.</i>	ibid.
<i>De Cuculo.</i>	ibid.
<i>De Ficedula.</i>	419
<i>De Gallo, ac Gallina.</i>	ibid.

CAP. XV. De Grue. pag. 421

<i>De Hirundine.</i>	422
<i>Le Miluo.</i>	ibid.
<i>De Motacilla.</i>	423
<i>De Noctua.</i>	ibid.
<i>Le Olore.</i>	424
<i>Le Passere.</i>	ibid.
<i>De Pavone.</i>	425
<i>De Perdice.</i>	ibid.
<i>De Pica.</i>	426
<i>De Struthiocamelo.</i>	ibid.
<i>De Turtur.</i>	427
<i>De Upupa.</i>	ibid.
<i>De Vulture.</i>	428

P A R S T E R T I A . De Piscibus.

CAP. I. De Anguilla. 429

<i>De Barbone.</i>	430
<i>De Blata Bizantia.</i>	ibid.
<i>De Cancro Fluviatili.</i>	ibid.
<i>De Carpione.</i>	431
<i>De Ceto, & Manati.</i>	432
<i>De Concha.</i>	ibid.
<i>De Equo Marino.</i>	433
<i>De Haleco.</i>	ibid.
<i>De Huso Ichthyocolla.</i>	ibid.
<i>De Lucio.</i>	434

De Matre Perlarum. 434

<i>De Mustela.</i>	435
<i>De Perca.</i>	ibid.
<i>De Rana Aquatica.</i>	ibid.
<i>De Sepia.</i>	436
<i>De Sturione.</i>	ibid.
<i>De Testudine.</i>	ibid.
<i>De Thymallo.</i>	437
<i>De Tinca.</i>	ibid.
<i>De Trutta.</i>	ibid.

P A R S Q U A R T A . De Insectis.

CAP. I. De Ape. 438

<i>De Araneo.</i>	439
<i>Le Asellus.</i>	ibid.
<i>De Bombyce.</i>	440
<i>De Cantbaridibus.</i>	ibid.
<i>De Cicada, Cicindela,</i>	
<i>& Cimice.</i>	441
<i>De Formica, & Gryllo.</i>	ibid.

<i>De Hirudine, & Lacerta,</i>	
<i>to, & Locusta.</i>	442
<i>De Lumbricis Terrenis,</i>	
<i>Musca, & Ricino.</i>	ibid.
<i>De Pediculis & Salamandra.</i>	443
<i>De Scarabeo, & Scinco.</i>	ibid.
<i>De Scorpione, ac Terebrina.</i>	444

JOSE.

JOSEPHI
LANZONI,

FERRARIENSIS &c.

DISSERTATIO MEDICA,

DE

CLYSTERIBUS.

COMMISSARIAE RECTORIS

UNIVERSITATIS MEDICAE PAVIAE

ANNO MDCCCXII

PAVIAE

ILLUSTRISSIMO VIRO

Virtute, Nobilitate, & Fama Celeberrimo

D. FRANCISCO REDI,

PATRITIO ARETINO

SERENISS. MAGNI ETRURIE DUCIS

ARCHIATRO PRÆSTANTISSIMO

Omnium Virtutum Genere instructo,

PHILOSOPHO EGREGIO;

MEDICO INSIGNI,

ac POETÆ SUAVISSIMO,

HANC DE CLYSTERIBUS DISSERTATIONEM

Humiliter Dedicat

A U T H O R.



DISSERTATIO MEDICA, DE CLYSTERE.



CLYSTER, *Chysterium*, item *Chysma*, seu *Chysmus* à multis appellatur, qui latinis idem est ac lavamen, seu ablutio; ab alijs *Enema* dicitur, quod verbum injectionem significat; in genere omne medicamenti genus denotat, quod liquidum injicitur in quamlibet partem corporis, ut sunt, Anus, Uterus, Vesica, Penis, Aures, Ulcera &c., undè postea Clyster alius dicitur Auricularis, alius Uterinus, alius Vesicalis, alius Intestinalis &c. Latè ergò sumptus Clyster definitur medicamenti genus, quando liquidum in partem aliquam corporis injicitur; In specie autem Clyster dicitur injectio liquoris in anum, vel intestinum rectum

M m m • 2

rectum

rectum beneficio fistulæ alicujus, seu canalis; & de hoc præcisè in præsentî Dissertatione dicendum.

Hujus remedii inventionem debemus IBIN Ægyptianæ Avi Ciconiæ non absimili, quæ primò Clysteris usum demonstravit, dum enim à pravis humoribus se gravari sensit, rostro aqua marina impleto, podici adaptato excrementa deposuit; *vid. Reies Camp. Ehyf. quest. 3.*

Clysterum materia modò simplex est, modò composita, nunc enim ex oleo tantum componitur Clyisma, quemadmodum fecit jam *Galenus*, dum Colicum dolorem Clystere ex solo oleo rutaceo infuso confecto curavit; nunc ex solo lacte Clysteres laudat *Frider. Hoffmannus Mater. Med.* ad alliciendos vermes; nunc ex vino in colica *Rondeletius*; ex sanguine adhuc calente in fluxu hæmorrhoidali immodico *Platerus*; ex mucria in doloribus ischiadicis *Galenus*; ex urina pueri vinum bibentis in hydropo citatus *Hoffmannus*; aliique ex decocto hordei, juris &c. alios simplices constituunt Clysteres ad varios debellandos affectus; *vide König. in compos. medic. pag. mibi 48.*

Ut plurimum autem Clysterum materia componitur, unde compositi Clysteres habentur, qui fiunt ex certo liquore, in quo quædam coquantur, vel infunduntur, vel post coctionem aliquid additur. Dividuntur autem Clysteres ratione propriæ facultatis; nam alii sunt alterantes, alii emollientes, alii purgantes, status discutientes, adstringentes, glutinantes, dolorem lenientes, vermes necantes, nocturni, nutriendes &c., de quibus nonnulla breviter singulatum dicamus.

Alterantes vel calefaciunt, vel refrigerant; primi conveniunt cum detergentibus, vel carminativis, secundi locum habent in æstu febrili, in inflammationibus intestinorum, ad totius corporis refrigerium &c. *vid. Cbarrius Pharmac. Reg. Gal.*

Emollientes sunt vel simplices, vel compositi; primi sunt, qui ex simplici constant materia, ut ex lacte, aqua tepida, jure vervecino &c. quæ omnes materiæ emollientes dicuntur; compositi verò sunt, qui ex variis emollientibus componuntur, ut ex foliis malvæ, althææ, parietariæ, brancæ ursinæ, violarum, oleo amygdalarum dulcium, butyro sine sale, &

Senner-

Sennertus addit ex *pulpa Cassiæ*, quam tamen cassiam emollientem non esse, immò antimonii venenatam qualitatem habere, docet eruditiss., ac nunquam satis laudatus *Leonardus a Capua* insignis Doctor, ac Dominus meus semper colendus; Notandum ergo in Clysteribus emollientibus, non faciliè, ac temerè esse addenda irritantia, ac purgantia, ne morbi augeatur causa; ut sæpè accidit Medicis illis, qui sine methodo, ac summa negligentia ducti, Medicinam faciunt.

Purgantes sequuntur Clysteres, quatenus in decocto emollienti adduntur purgantia, ut sunt folia *sennæ*, *diaphœnicum*, confectio *Hamech*, & cætera à Medicis usitata; hi maximè in *melancholia apoplexia*, *epilepsia*, *Soporosis affectibus*, *passione hysterica*, &c quia non tantum ex intestinis, sed ex corpore universo, discutiendo evacuant, & a superioribus revellunt partibus, & circa hoc *Valerius* ait in *Apoplexia* interdum acres clysteres è *colocynthide* præscribere necessum esse, ut ipsum eliciant sanguinem; *Hoffmannus* vitrum *Antimonii*, *crocum metallorum* *mercurium vitæ*, & similia tutò in Clysteribus urgente necessitate adhibet, non neglectis tamen corrigentibus; & ego fateri justè possum, elapsis diebus, Senem ab *Apoplexiæ* levis paroxysmo liberaſſe ope Clysteris in quo soluta fuerunt varia solventia remedia; Putat autem *R. de Graaf.* drachmam unam salis cum melle plus valere ad Clysteres purgantes conficiendos, quam integram foliorum *sennæ* unciam, hoc enim, ait ipse, intestina melius irritare ad excrementorum propulsionem, quam omnia purgantia nulla per clysteres acrimonia prædita; Dissuadet autem *Crato* omnia enemata, quibus purgantia medicamina immixta sūt, nam, ait ipse, ab his calor intestinorum debilitatur, ventositates augentur, & multa inde incommoda sequuntur; Cui *Cratoni* contradicit, & rectè *Primerosius lib. 4. de errorib. in Medic.*; dum ait, toto cœlo errare illos, qui solventes clysteres fugiunt; Clyster enim remedium innocentissimum esse monet, partem siquidem nobilem non tangit, cum ultra crassiora intestina non pervadat.

Abstergentes præscribuntur ex hordeo, fursure, rosis, beta, lupinis, saccharo, aliisque remediis vi detergenti præditis;

ditis ; cavendum autem , quod si intestinorum adsint Ulcera ; præferenda ea remedia esse , quæ simul exsiccandi , & adstringendi vi prædita sunt , ut monet *R. de Graaf. de Clysterib.*

Fiatus discutientes , sive carminantes componuntur ex ruta , anetho , baccis lauri , oleo camomillæ , electuario de baccis lauri , aliisque similibus. flatus discutiendi virtutem tenentibus ; hinc notat *Frideric. Hoffmannus* consultum esse Clysteribus flatus discutientibus , emollientia , & leniter evacuantia admiscere , alias majores excitare solent cruciatus.

Adstringentes parantur ex polygono , Plantagine , rosis siccis , myrtho nuce cupressi , cydoniis , bolo armena , mastiche , sanguine draconis &c. relictis omnibus medicinis pinguedinem habentibus , nam oleosa , & pingua adstrictioni esse contraria docet *de Graaf.* , & cum istis conveniunt quoque glutinantes , & qui fluxiones cohibent ; istique Clysteres variis modis suas exercere virtutes scribit *Fr. Hoffmannus*. Quidam enim , ait iste Auctor , tenues incrassant humores , quidam acres imbibunt , nonnulli inducunt intestinis cooperimentum , ne vel humoris sævitiem , vel acrimoniam præsentiscant. *vid. Eman. König. Amic. meus colend. in Compos. remediis.*

Dolorem lenientes , seu anodynus : clysteres parantur ex emollientibus addendo flores Meliloti , croci , semen lini , fœnugræci , & aliquando narcotica , ut Philonii Romanidrachmam unam , vel laudani opiat grana septem &c. At observandum in dysenteria non esse utendum hujusmodi opiat clysteribus ; nam observavit *Minadous* , omnes Dysentericos , qui opiat clysteribus usi fuere , mortuos esse ; & ratio in promptu est ; ulcera enim intestinorum ab opiat sordidiora redduntur ; hoc quoque confirmante *Frid. Hoffmanno. mat. med. lib. 1. cap. 10.*

Clysteres vermes necantes componuntur , dum mel , vel saccharum , cum Mercurio prius bene agitatum addat Pharmacopola , & sic exitium lumbricis parabit ; & ego sæpe in Praxi feliciter ab fugandos vermes utor Clysteribus ex lacte vaccino , & saccharo rubro , confectis.

De Nocturnis Clysteribus mentionem agit *Hoeserius in Hercul. med. lib. 3.* qui noctu injiciuntur , & ad alteram diem asservan-

asservantur, ac tùm demum ejiciuntur; istique pondus uncia-
rum septem excedere non debent; nec improbandi sunt, nam
per diuturnam moram in intestinis excrementa optimè emol-
liuntur, & melius ad exitum disponuntur.

An possint confici Clysteres nutrientes; & num horum ope
nutritio corporis haberi possit quærunt multi? *Celsus*, *Oribasi-
us*, & *Aëtius* Clysteres nutrientes admittunt, cum aliis mul-
tis experientia ductis; multi enim ad plures Dies sine cibo,
ac potu, solisque clysteribus ex vino, ovorum vitellis con-
tusus, carniū electuario &c. confectis, vivi sunt conservati,
quam opinionem egregiè defendit in Congress. med. Roman-
impress. 1682. Romæ *Clariss. Hieronym. Brasavolus* Amicus meus
semper colendus, ac omni Eruditionum genere instructus;
Contrariam sententiam tenent *Helmontius*, *Swaalve*, *Wedelius*,
Graafius, aliique; tantum abesse enim aiunt, quicquam cor-
pori injecta Clysmata addere, ut potius ab eodem detrahant;
& sanè, cum liquores per clysteres ano infusi, tenuia intesti-
na, & Ventriculum non attingant, dicendum est, ipsos nu-
trire haud posse; quocirca legendus est ingeniosus *Dominic. de
Marinis* in citat. congress. contrà *Brasavol.* Concedo autem ego,
tales Clysteres robur asserre posse, & vires languentes refice-
re; sed per hoc nunquam dicam ipsos nutrire; tunc enim li-
quoris injecti pars subtilior per intestinorum porositates tran-
siens cum cruore ad cor rapitur, spiritus aliquiditer reficit;
eodem modo, quò multi odoribus tantum recreantur, ac re-
staurantur, ut videre est apud *Laertium*, qui narrat de uno,
qui odore panis calidi per triduum sine cibo vixit; & quoti-
die videmus in Syncope affectis, ac foeminis hysterica passio-
ne tentatis odoribus refocillari, ac recreari; Nego igitur, &
ego, Clysteres nutrire, & concedo tantum ipsos vires langu-
entes posse reficere, ac Spiritus recreare; De hac quæstione
plura si curiosus lector videre cupit, legat de *Graaf.*, *Glissonium*,
Fr. Hoffmannum, *Sennertum*, *Moebiū*, *Laurentium*, *Bonetium*,
& alios.

Hæc autem de Clysterum differentiis dicta sint; nunc tran-
seamus

scamus oportet ad ea , quæ in eorum administratione , & usu sunt observanda.

Quantitas ergo Liqueoris ex quò Clysmata fieri debet in Infantibus est ad ʒ. ij ; vel iij. in Pueris ad ʒ. v. , & vij. , & in Adultis communiter ad ʒ. j. & ad summum ʒ. j β & notandum senibus , gravidisque leviores , ac minores clysteres esse concedendos ;

Neque ferventes , neque frigidi injiciendi sunt clysteres , sed temperate calidi ; Mortuum enim ego vidi Rusticum ex frigido Clystere injecto ab Agyrta turpi.

Quocumque Morbi tempore clysmata adhiberi possunt ; non enim requirunt tam accuratam attentionem , ut Pharmacorum solventium exhibitio ; circa quam , Medicus benè debet observare , nam ex cathartici Mors , & salus aliquando contingit ; Et licet quavis hora Diei infundi Clysteres possint , attamen commodissimum putatur tempus trium horarum ante cibum ; ne scilicet coctio plus minus deturbetur ; & aliquando magno cum fructu ægrotis post paroxysmum febrile Clysterem præscribo , ut intestina a recrementis in paroxysmo ad ea ablegatis faciliè liberentur , quod idem olim faciebat *D. Fabri Medicus Gallus*.

Disputant Doctores circa latus , in quod decumbendum sit ægris eo tempore , quo Clysmata injiciuntur ; *Avicenna* situm laudat supinum ; alii jubent , ut eleventur crura , tunc enim liquor melius ascendit ; alii in latus dolens ægrum revolvendi debere aiunt. *Grafius* situm , qui in dorso fit laudat ; verum nos cum *Hoffmanno* dicimus nihil referre , sive æger supinus sive pronus , sive in latus sinistrum , aut dextrum revolvatur , modo placidè fiat , nec antè tempus enema ejiciatur.

Post injectionem ægrotus ab omni motu quiescat oportet ? hinc video Chirurgos nostros , ac mulierculas , quæ post Clysteris injectionem corpus ægri quassant , & agitant , adeò ut sæpè nullo habito effectu liquorem solum Clysteris ægri ejiciunt intactum , nec quidem materia excrementitia tinctum , ut sæpe observavi in praxi facienda.

Hinc

Hinc *Rondeletius* remanentiam, è quâ Clyster coctus est, ventri simul imponit ad modum cataplasmatjs.

Quoad tempus Clysteres injiciendi advertendum est, quod si morbus saluber sit, & periculo vacet, Clyisma præcedere debet; alia omnia remedia, ut purgatio, venæ sectio, sudorum provocatio &c. sunt, ait enim *Hippocrates* corpora cum quis purgare voluerit oportet prius fluida facere; si autem morbus sæviat, ut in principio pleuritidis, anginæ &c. tunc prius venæ sectio, postea Clyster adhibendus. Adstrictorii autem Clysteres in dysenteria faciendi sunt in morbi progressu, præcessis deterforiis, & consolidantibus. Vermes necantes Clysteres debent stomacho applicari jejunò, ut sic facilius vermes è corpore eliminentur; Hinc notandum à Practicis; quod licet Doctores asserant, omnibus convenire corporibus, & Pueris, & Adultis, & Viris, & Fœminis & infantibus, aliquos tamen esse affectus in quibus abstinendum est à Clysteribus, ut in eruptione exanthematum, morbillorum, & Variolarum, ne naturæ Motus a centro ad ambitum corporis turbetur, & divertatur. Pariter in Gravidis cavendum est a purgantibus clysteribus, ex ipsorum enim irritante potentia, stimulatur persæpè matrix ad expulsionem fœtus; pariterque abstinendum esse docet *Fr. Hoffmannus* a clysteribus in iis, qui hæmorrhoidali obnoxii sunt fluxui; causare enim possunt nimium fluxum, & intestini recti ulcera; At si aliquando eveniat Clysmata retineri, ut frequenter accidit, Ponantur statim tunc cum brodio Carnium ꝯ. iij. aut vi. mellis crudi, aut unus cyathus Urinæ, & certò educet secum reliqua clysteria; hoc docente *Gabelbovero centur*; 1. & *Boneto mercur. compit.*

Tantus autem, ac talis est Clysteris usus, ut nulla sit pars corporis, ad quam fructus ex infuso clystere non perveniat, ut docet *Graafius*, & conducunt maximè Clysteres in vitis intestinorum, ut Tenesmo, Colica, Vermibus, Diarrhœa, Dysenteria, in renum affectibus, & vesicæ, & uteri, & capitis; ut quotidiana ostendit experientia; In febribus omnibus eos convenire affirmant cum *Galeno* Practici, ita ut melius esse fatendum sit cum *Solenandro*, plures ex ordine reiteratos cly-

Jos. Lanzoni Opera. Tom. I.

N n n

steres

steres admittere, quam unam levem quoque solventem potionem assumere; quod etiam docui in meis Animadversionibus.

Invenit instrumentum novum *Graafius* quo mediante a se solo *Aëter*, sine barbitonforis, vel Pharmacopolæ opera possit sibi adaptare clystima; quod vide, Lector Amice, apud ipsum *Regnerum de Graaf. in tractatu de clysteribus*; ubi etiam habebis talis instrumenti figuram egregie delineatam.

Ut autem Clysteres strenuè operentur, debent constare è paucio jure & copiosis electuariis, sic enim magis detineri ait *Capivaccius*.

In Clysteribus periculosas lachrymas esse, ut *Sagapenum* &c. scribit *Rondeletius*; lachrymæ enim ob suum lentorem facile hærent, nec possunt expelli.

Multi nostrates Medici, cum purgantia officium suum non faciunt, clystima inîciunt non dextrè nec tutò, ut ait *Oribasius*; nam distentis intestinis Pharmaco; ac ruentibus succis, aditu prohibetur remedium, ut loquar verbis *Heurnii*, quare hoc Autore, glandem imposuisse præstiterit ex melle cum 3. ß. salis &c. vel clystima acrius exigua mole infundatur.

De Clystere solvente ex Tabaci fumo confecto meminit *Thom. Bartholinus centur. 6. bistor. 66.*, ubi, & commodissimum instrumentum ad talem imponendum Clysterem designatur.

Notent autem diligenter Pharmacopæi, ne clysteres rancidi, & corrupti exhibeantur, & ne loco sacchari, & melis syropos jam corruptos clysteribus addant, ut solent parvi lucri causa, multum enim incommodi præstabunt ægris, & dolores capitis, ventris tormina, uteri commotiones, & similia orientur; & utinam hoc verum aliquandò non esset, sæpè enim certo scio, symptomata prava in morbis medendis excitari à Pharmacopœorum negligentia, ad quæ corrigenda Medici Prudentia infudat maximè; & quod peius est nostris hisce temporibus, si aliquandò ex medicaminibus sumptis mali sequantur eventus, statim contra Medicum clamat plebs ignara, & nunquam contra Pharmacopœum, & tamen hic, & non ille medicamenta composuit ex quorum bona, vel mala compositione, boni, vel mali sequuntur effectus; At de hoc satis.

Formulas autem Clysterum speciales apud Authores passim videre potest Studiosus Medicinæ Lector, & præsertim apud *Hoffmannum Mater. Med. lib. 1. cap. 10. pag. mihi 134.*

Quocirca ad alia curiosiora transeamus: Ob Analogiam quam habet cum Clysteribus nova clysmatica chirurgia in præsentî dissertatione venit consideranda, qua mediante medicamenta liquida in venas artificiosè injiciuntur; hæc pluribus gaudet nominibus, Chirurgia enim primò dicitur infusoria, hinc clysmatica vocatur, illic enematica inscribitur, &c. novissima quidem operatio, quam primi exercuere Angli, inter quos primus Author dicitur *D. Wren* de hac postea elapsis annis scripsere *D. Clark*, *I. D. Major*, *Fracassatus*, *Elsoltz*; *Hoffmannus*; *Ettmullerus*, aliique recer tes; hæc igitur fit cum in vena ægroti subducta prius aliqua sanguinis portione, liquorem aliquem medicinalem per peculiarem tubulum ad hanc rem fabricatum infundunt Chirurghi, ut ægri hoc modo non solum purgentur, sed, & agonizantes refocillentur, atque morbi curatio tali arte magis reddatur expedita; Medicina enim sanguini contribuenda immediatè, absque ullis, & longis ambagibus venam penetrans, cruori amico maritatur connubio; quam operationem summis extollit laudibus *Ettmullerus* ait enim iste Vir, infusoriam Chirurgiam legitimè administratam semper utilem esse, tempore tamen debito applicatam; idcirco liquor infundendus pro vario scopo est variandus: præ cæteris tamen salinus volatilîs temperatus, seu oleosus videtur utilis, & hinc opiatus; Probatque citatus *Ettmullerus* in affectibus subitaneis, nihil promptius auxiliari posse infusoria; V. G. in Syncope, Vertigine, Apoplexia &c. liquor enim medicatus infusus citò ad cor transit, & deinceps arterias universumque corporis habitum perambulans suos producit effectus, sed breviori tempore, ac si ore haustus, ut ante dicebam, in ventriculum fuisset demissus; Experta est hæc operatio à multis, & præcipuè a *D. Fabricio Med. Dantiscano*, qui referentibus *Actis Philosophicis* magno desiderio tenebatur experiendi; quales effectus secum ferret Chirurgia hæc enematica; tribus idoneis subiectis in Xenodochio se offerentibus (sunt *Theoph. Boneti* verba) tentamina hæc instituit; primò infudit per siphonem duas Drachmas liquoris laxativi in Venam medianam brachii dextri; Erat Miles robustus, infectus sævo morbo venereo, & sufferens horrendas exolitosos ossium in brachiis; ille, liquore cathartico infuso, conquerebatur de in-

gentibus doloribus in cubitis, & valvulæ brachii adeò sensibilibiter tumebant, ut necesse esset leni compressione digiti stringere tumorem illum versus ægri humeros; post horas circiter quatuor Medicina operari incipiebat, non cum grandi molestia, & in operatione persistebat, proxima die sequente, adeò ut quinque sedes post infusionem habuerit, easque non leves; sine ullis aliis remediis adhibitis exostoses illæ abibant, nec morbi supra memorati ul a sunt relicta vestigia; plura experimenta de hac re vide apud *Mercur. compitalis. Boneti. lib. 19. pag. 801.* In Cane ego autem facta scabie correpto, clysmaticam hanc operationem feliciter Anno 1689. Mense Martii expertus fui, cum enim parvam quantitatem anti-scabiferi Liquoris nostri in venam injecissem; vomere canis incepit frequenter; at brevi tempore cessato vomitu, animal comedit; atque observavi quindecim dierum spatio canem omnino a Scabie liberum; ut etiam nunc est, & sanus vivit. Unde hanc operationem difficilem quidem esse, ac ferè periculosam prima facie, asserendum est, sed non absurdum, non impossibile, non fugiendam, ut multi aiunt, putantes remedia omnia, quæ apud eos non sunt in usu, esse absurda, ac impossibilia; novitates enim fugientes isti, & jurantes in verba Magistrum, calcata ab aliis solummodo vestigia calcant, & more Pecudum eunt quo igitur, non quo eundum.

Antequam verò hanc de Clysteribus dissertationem claudamus, nonnulla curiosa, ac rara è clysteribus orta symptomata videamus; Bis enim ego observavi in iliaca passione affectis, clysmata per anum injecta, sursum attracta, intus retenta, ac tandem per vomitum ejecta; non sine adstantium admiratione.

Adnotavit *Borellus*, Mulierem abstemiam clystere è vino injecto inebriatam fuisse; quod ignorantes proximi errorem a Medico, vel Pharmacopola commissum crederunt.

Injectum clysterem vidi in quodam Milite, nec inde sursum, nec deorsum unquam excretum; & legisse recordo apud *Graafium* suppositoria quoque aliquando vomitu fuisse rejecta.

Agyra quidam, in illaca passione affecto duodecim Clysteres imposuit unius diei spatior; post autem duodecimum Ager expiravit.

Et hæc sunt, quæ de Clysteribus dicere compendii lex permisit in presenti Dissertatione, Ista qualiacumque sint, læta fronte accipe, *Lector Amice*, ac pro solita humanitate conatibus meis fave, nec non benignè suscipe, quæ animo benevolo largior; Vale.

Faxit interim Divina Clementia, ut omnia cedant in Nominis sui Gloriam, Proximi sanitatem, & nostri Emolumentum.

F I N I S,

JOSEPHI
LANZONI
DISSERTATIO
DE
LACHRYMIS.

ILLUSTRISSIMO VIRO

Genere Nobilissimo,

• Virtute Clarissimo,

& Fama celeberrimo

D. LUCÆ SCHROCKIO

Luc. fil. Med. Doctori præstantissimo

Reipublicæ Augustanæ Physico insigni

Sacræ Cæsar. Majestatis Archiatro Sapientissimo

COM. PALAT. CÆSAR.,

Illustris Academiæ

LEOPOLDINO-IMPERIALIS

Nat. Cur. Ephemeridum Directori,

ac Famigeratissimæ Patavinæ

RECUPERATORUM ACADEMIÆ

Collegæ honoratissimo

hanc de Lachrymis

Dissertationem

humiliter dedicat

Author.



DISSERTATIO

DE

LACHRYMIS.

PROPRIAM, imò frè connaturalem Hominis passionem Fletum esse ait & benè *Cardosius* ; Homo enim inter lachrymas oritur , quas testes humanæ miseriæ dicit *D. Augustinus* ; inter lachrymas vivit, inter ipsas moritur , ac tandem comite fletu deportatur ad tumulum ; Quin, & lachrymas in sepulcris docta servavit Antiquitas ; Hinc rectè cecinit suavis *Marini* musa

*Umano ufficio è veramente il Pianto ,
E più proprio dell' buon forse , che il riso ;*

Merito igitur humanas considerans calamitates lachrymis undequa-

dequaque perfusas continuo lugebat *Heracitus*; dolebat enim ille Philosophus monente *Laërtio*, nihil sani esse in vita, & nihil in homine non caducum; Undique luctus, ubique Dacryon

..... *mæstus* que per omnes
it gemitus

Mirum ergo non sit, dum lachrymis assidue madidus, fletuque atramento parato de lachrymis in præsentī dissertatione ruditer scribere aggredior.

Lachrymæ igitur ab aliquibus Dacryon; seu Dacrymæ dictæ sic vocantur à lacerando, quoniam ex animi laceratione cidentur, & communiter definiuntur humores ex oculis flentium manantes. De harum autem origine, causis, ac materia, cum variæ sint opiniones, antequam id, quod ego de his sentio, exponam, aliorum Authorum opiniones breviter examinare non inutile putavi: *Empedocles* enim Philosophus ille, qui oratoriae invidetur fuit si *Aristoteli*, & *Laërtio* credamus, lachrymarum generationem haberi scripsit, ex attenuato, & eliquato cruore; Ast quia aliqui homines citò, sæpè, ac ad lubitum lachrymas effundunt, probabile non est sanguinem tam citò, ac ad lubitum colliquefcere posse; *Georg. Nyssenius*, & *Conringius* lachrymas generari putant ex multis vaporibus per aliquam conturbationem viscerum ad caput delatis, ibique ob Cerebri frigiditatem in aquam densatis, quæ ut excrementum postea inutile per oculos expellitur; at cum multi re tristi, aut visa, aut audita illicò lachryment, nulla præcedente viscerum conturbatione, ideo hanc tanquam legitimam fletus causam non agnoscendam censet *Diemerbroeckius*; Lachrymas gigni ait *Job. Baptistæ Scortius* ab animali spiritu, qui in oculi angulo compressus liquatur, & profluit in undas; Vapores in aquam condensatos esse lachrymas docet *Cartesius*; fletum ex sudore fieri ait *Aristoteles*. Excrementum tenue oculorum lachrymas esse putant *Casseri*, & *Aquapendens*, cum *Septalio*, qui scribit lachrymas esse serosum humorem assidue in oculis genitum; *Franc. Baco de Verulamio*, anglicus ille Seneca, docuit lachrymas oriri ex contra-

contractione spirituum in cerebro . quam consequitur humoris ibidem adstrictio , & sic lachrymarum ad oculos transmissio ; *Willisius* scribit , quod è sanguine ad utramque glandulam per arterias advecto humor aquosus , tum perpetim prò oculo irrigando , tum occasionaliter prò lachrymarum materia requisitus secernitur ; *Zypæus* lachrymas prò materia habere ait evaporamentum , & serum sanguinosum per arterias cum sanguine ad glandulas lachrymales advectum ; *Casspar à Reies* putat à copioso seroso humoris ad oculos confluxu sletum enasci ; *Steph. Blancardus* superabundantiam humoris oculum irrigantis lachrymas efficere autumat ; *Glaferus* serum dicit ; *Diemerbroeckius* ex pituitoso humore in cerebro collecto lachrymarum materiam haberi cogitat , unde *Platerus* sletum à cerebro provenire ait , hinc optimè *Clariss. Augustin. Costellinus* , sub nomine Anagrammatico *Ostillii Contalgenii* , Dominus meus semper colendus cecinit .

Si piange ; ma dal cerebro distilla.

Lachrymas serum esse quoddam è coagulato phlegmate preparatum credit *Plato* ; Ex portione potulentæ materiæ plantum fieri volunt multi ; alique ex excrementis vitrei , & crystallini humoris ; Ego verò cum *Wartbono* , *Stenonio* , & aliis assero , lachrymas ex arterioso sanguine in glandulis oculorum secretam lympham suppeditare , ad cujus sententiæ intelligentiam advertendum est , revera oculum binis glandulis tanquam pulvinari globo ejus molliter substratis incumbere ; Una harum juxta canthum oculi majorem sita vulgò lachrymalis dicta (licet monente *Blancardo* hoc nomen altera potius mereatur) Dura hæc arteriis , venis , & nervis instruitur solidioribus ; Porro vasis excretoriis , quæ duplicis sunt generis , gaudet scilicet è glandula hac duo , aut tres lymphæ ductus in palpebræ superficiem internam dehiscunt , ut docet *citatus Blancardus* è quibus humor aquosus super oculi globum extillatur , præterea item duo meatus in canthi interioris scrobem dehiscunt , qui non aquam , ut quidam opinati sunt , illuc deferunt .

Jos. Lanzoni Opera. Tom. I.

O o o

runt ,

runt, sed quæ à vasis excretoriis ibidem deposita, & ^{superflua} exundat ab iis suscipitur, ac deinde per canalem unicum, qui naris osse trajecto ductum ejus pertransit, foras deferitur; de qua re plura vide apud *Blancardum*, & alios recentes Anatomicos; Nec obest id, quod multi aiunt, nempe glandulas illas huic mun-ri non satis idoneas esse; non enim credunt posse ex tam parvis glandulis tantam lachrymarum copiam prodire; Verùm si guttarum magnitudo cum tempore, quo colliguntur conferatur, nulla apparebit difficultas; nec enim tempus adeo breve, quin per plura vasa tantum humoris affluere possit quantum ad guttam constituendam requiritur, nec qui ex oculis emanat humor totus in glandulis antea fuit coacervatus, sufficit ex eo, qui singulis pulsibus appellit, arterioso sanguine celeriore in glandulis fieri secretionem, de qua re plura apud *Stenonem in Appendic. ad Wesling. Anatom.*

Lachrymatur autem à cinere, festuca, cepis, quas lachrymarum esse hieroglyphicum testatur *Pierius*, à tabaco, corticibus aurantii pressis, fumo, aliisque corporibus, quæ sale volatili abundant, quia per ea dolore in oculis excitato, habetur solito major cruoris ad eos affluxus, similique ratione lachrymatur in aliis doloribus, in tubæ inflatione, in tussi, sternutatione &c., & ob eandem causam manant lachrymæ in tristitia, ac gaudio; causa ergo efficiens lachrymarum erit temperies, ac glandularum dictarum dispositio; quæ lachrymæ rectè hinc definiri possunt; Liquor excrementitius lymphaticus ex oculorum glandulis prorumpens occasione magnorum animi pathematum v. g. doloris, gaudii, commiserationis &c. quæ spiritus animales, & æuorem ita agitant, ut portionem lymphaticam largius deponant; Salsæ ut plurimum sunt lachrymæ, & sæpe ita acres

. *largo bument flumine vultum,*

ut genas erodant, & hoc evenire puto ob vitium sanguinis, qui tunc nimis acribus scatet particulis; Lachrymarum finis
com.

communiter putatur , ut fit affectionum animi index , & ut per eas à superflua lymphâ cruor etiam saltem in parte exonetur ; Quare autem solus homo inter Animalia maximè lugeat ? queritur , cui quæstioni occurrit *Diemerbroeck* dicendo , quia solus homo , utpotè ratione præditus luctum , tristitiam , dolorem &c. magna cum animi attentione percipit , unde humorum expressiones , ac concitationes solus maximè patitur ; Me tamen non latet Crocodilos , ac Cervos flere , ac Canes heris mortuos plorasse , nec non teste *Suetonio* mortem Cæsaris equorum fletum præcessisse ; istæ autem in brutis lachrymæ accidunt ob lymphaticum humoris copiam , & ob foraminis lachrymalis detectionem propter carunculae canthi majoris constrictionem ab aëre frigido , aliaque causa inductam , propter quas duas causas etiam in homine sæpè lachrymæ fluunt absque ullo Animi motu , aut organi vicio ; Cur vero fletus diu perseveret , quàm risus ; est quia risus fit ab inani lætitia , & re ludicra , fletus verò à re gravi , & dolorifica ; Cur mulieres , pueri , & senes proclives sint ad fletum ; est quia humore lymphatico abundant ; Cur *Amasis* cum ad necem filius duceretur non plorasset , & cum vidisset Amicum mendicantem lachrymas uberrimè effudisset , est quia hoc miserabile erat , illud verò terribile , cujus ratione non planctus , sed ingens excitatur terror.

Hinc quærent multi, an Virum fortem deceat lachrymari, plures enim affirmant nequaquam eis convenire, unde *Plato* lachrymas à viris claris auferendas esse monet: Ast cum interdum lachrymarum in dolore profusio sit magnum solatium, ut monent *Seneca Plusaricus*, & *Pbilip. Bervaldus com. ad Apuleium*, unde *Ovidius*

. est quædam flere voluptas ;
Et Euripides

Afflictis hominibus suaves sicut lacrymae

igitur hoc voluptatis genus in doloribus convenire viro forti
putandum est, lachrymæ enim mansuetudinis, & pietatis testes
O o o 2 exiunt

exsunt monente *P. Franc. Mendoca* ; Quocirca Viros fortes , ac prudentes interdum lachrymasse compertum est : Flevit Abraham Uxoris mortem , David Filii necem , Alexander Macedo funeri Conjugis Darii illachrymavit , Ploravit denique *B. Virgo* ; ploravit & *Christus* ; concludat ergo Græca Paræmia *Viri boni multum lachrymabiles.*

Dividuntur autem lachrymæ in naturales , & præternaturales , primæ sunt , de quibus supra diximus , secundæ , quæ vel invito homine effluunt , involuntariæ dictæ quæ in febribus malum præbent signum teste *Hippocrate* , vel sanguineæ , quæ sunt , cum gutturæ sanguinis lachrymarum instar ex oculo disfluunt ; Improprie etiam hæc vox lachryma usurpatur de succis plantarum spontè emanantibus , & in resinam , vel gummi concrecentibus , sic opium lachryma dicitur &c. De his autem aliquid in præsentī dicamus ; & primò quod attinet ad præternaturales lachrymas notandum est , quod cum quotiescunque lachrymarum proventus ab oculo emanare prospicitur , anastomoses vasorum lymphaticorum oculi , de quibus antea dixi , aperiuntur , ideo quando prædictorum vasorum Anastomoses continuò sunt apertæ , tunc assidue illachrymat oculus , & affectus oritur vocatus a Practicis involuntaria , & assidua oculi illachrymatio , neque nego ab acredine lymphæ posse stimulari anastomoses ad lachrymas effundendas ; De hac autem re plura , videantur *meæ Animadversiones* de hujus cura *Sennertus* , aliique : Hinc observavit *Borellus* nobilem quandam mulierem tantâ melancholia conturbatam , ut perpetuo fletu desiderio teneretur , quæ sola gestatione croci supra cordis regionem curata fuit ; sanguineæ quoque lachrymæ sæpè observatæ sunt ab Authoribus ; sic ex mensibus retentis in foeminis lachrymas sanguineas erupisse narant *Schenckius* , *Brasavola* , *Dodonæus* , *Mercatus* , à *Reis* , & alii ; imò *Zacutus* refert de Juvene , qui singulis mensibus sæva vertigine præmebatur , quæ sola evacuatione à Natura facta quiescebat ; hæc verò erat cruoris emanatio per oculorum canthos rivuli instar ; In undecimestri Puella lachrymas sanguineas vidit effluere *Hochsteterus* ; Amicum habuit *Borellus* qui ad

ad sanguinem fiebat ; De lachrymis sanguineis in B. M. V. narrat *Theophilactus* , & de muliere Lusitana *Conimbricensis Episcopus* ; unde oculorum usum illi deperditum fuisse ait *Thom. Barbolinus in lib. de Cruce* ; insuper *Drexelius* scribit ; mulierem fuisse , qui Mariti mortem , eo lachrymarum imbre profecuta fuit (exemplum quidem rarum ,) ut lachrymis deficientibus , cruoris guttas oculi stillaverint : lachrymasque virides , ut & virides sudores in Rustica Fœmina observavi ego Anno 1690.

Non tantum autem homines , & animalia plorant , verum statuas etiam flevisse legitur apud multos inter quos præcipue *Jul. Obsequens est lib. de prodig.* , hinc *Tibullus* cecinit

Et simulacra Deum lachrymas fudisse repentes.

Et *Lucanus*

Indigetes flevisse Deos.

Et *Silius* quoque lib 8 de bell. punic.

. lachrymaque vetusta

Effigie patris largè fluxere Quirini.

Relictis autem hîc lachrymis propriè dictis , ad lachrymas improprie dictas calamus vertamus oportet , verum quia hoc ad Pharmaceuticos spectat qui ex professò de gummatibus & resinis tractant , ideo curiosum lectorem mittimus ad *Mess. med. Spagyric* , ad *Hoffmannum* , *Etmullerum* , *Charra* , *Donacellum* , & alios. Nos autem verba solummodò faciemus de Cervi lachryma , ejusque virtute , ne aliquid , quod curiosum simul , & utile sit , in hac Dissertatione deficiat. Lachryma igitur Cervi sunt sordes , quæ in oculorum angulis reperiuntur , velut cera indurata , odoris fragrantis cujus nullas esse virtutes ait *Etmullerus* ; attamen si *Horstio* , *Schrôdero* , *Zacuto* , *Hoffmanno* , & aliis credamus cervi lachryma siccant , adstringunt , corroborant , sudorem movent , contra Venena morbosque contagiosos celebrantur , has in difficili partu prodesse ait *Horstius* de qua re plura in mea *Zoologia* jam dixi. Hujus remediû dosis est ad iij. grana & iv. Generantur autem istæ

O o o 3 cervi

cervi lachrymæ monente *Job. Agrícola* sic, nempe ait iste Auctor, Cervum postquam cum serpentibus congressus illos devoravit, siti correptum in regionibus præsertim orientem versus, stagnum mox, aut flumen aliquod quærere in quod se immergens, velut Tantalus in mediis sitiens fluctibus, natura ita docente nihil bibit, concideret quippe mortuus, si aquam gustaret; erumpere, tunc ait, *Cass. à Reies* lachrymas, quæ paulatim crassescunt, & congelantur in castaneæ magnitudinem, & hanc autem sententiam ex autoritate *Theonesti* antiqui scriptoris refert *Aldrovandus* cum *Ang. Abbatio*, *And. Bellunensi*, & *Sylvatico*: Contraria autem huic opinioni est sententia *Ferdin. Ponzeti Cardinalis*, qui nulla de serpentum esu mentione habita, Cervos ait ætate infirmos, flumen quoddam in oriente ingredi, & tandiù immersos stare, donec lachrymam illam emittant, quæ aëre, & frigore coagulata in lapidem evadat avellanæ magnitudine, colore citri, odore vini; Et *Scaliger* non accrescere ait ad oculi canthum, nisi post 100. annos, indeque ad talem duritiem pervenire, ut cornu superet, illam rotundam esse ait, nitore insignem; colore fulvam, non sine atriorum venularum vestigiis, tanta levitate, ut penè tactum effugiat; Plura apud citat. *Scaligerum*; Cervorum autem lachrymam salisam esse, Aprorum verò dulcem monet *Cel. Rodiginus* tom. 1. pag. 438.

Improprie etiam lachrymæ quædam Vina dicuntur, unde *Clariss. Poeta Testinus* cecinit

..... ô le sanguigne
lagrime di *Vesuvio* ora non chero.

Et Doctissimus *Franciscus Redi* non tantum medicus Celebrissimus verum quoque Poëta suavissimus Patronus meus in æternum colendus in suo eruditiss. libro cui titulus *Bacco in Toscana* scripsit

Il sangue, che lagrima il Vesuvio.

& in:

& in ejus annotationibus egregiis legitur *le lagrime d'Isobea*, Poasulo, Nola, Ottaviano, Novella, & della Torre del Greco, son tenute in minor preggio, hinc Clariss. Cbiabrera.

*Lachryma dunque apellerassi un vino
Parto di nobilissima vendemmia.*

Et in secundo libro Anthologiae, Vinum lachryma vitis dicitur; imò non tantum vinum lachryma dicitur, sed pater lachrymarum in potatoribus nuncupari potest, nam quando bibunt lachrymantur oculi undè citatus Illustriss. Redi.

ò come in lacrime gli occhi disciogliemi !

Et Sebast. de Rubeis scripsit, *quel saporito, odorifero &c.*

il quale si faccia bevendo la lagrimare per dolcezza.

Amorem etiam sub lachrymae nomine venire dixit Eruditiss., ac nunquam satis laudatus Poeta D. Franciscus de Lemesne Patronus meus maximus in Baccanali suo, dum cecinit

*Anzi lagrima è Amore,
che distrugendo il cuore
sempre dagli occhi altrui stillar si vede ;*

Hinc de semine oblongo saxeo lachryma S. Jobi dicto mentionem facit *Julius Cæs. Scaliger de subtil. ad Cardan. exercit. 98. distinct. 2.* Quin, & lachryma Vitis vocatur ea lymphæ, quæ à sexta vite Veris tempore profilit; *Plinius* tandem de herba lachryma meminit, & *Chabreus* eam sub nomine lachrymae Jobi describit dicendo, Culmis donatam esse hanc plantam cubitum unum, aut alterum altis, cujus folia similia sunt illis turcici frumenti, ex ramorum alis emicant petioli, quibus singulis transfadiguntur grana, ut plurimum singula, rarius;

rarius bina , lævoris politissimi nitida , ante maturitatem flavescencia , matura verò ex candido rubescencia , duritie lapidea , cicer æquantia ; superiore parte turbinata , undè exit innanium glumarum spica murica ; In hortis cultioribus plerisque omnibus habetur peregrina hæc planta ; quam ad calculum renum valere ait *Lobelius*.

Et hæc sunt quæ de lachrymis dicere compendii lex permisit in præsentì dissertatione ; Hæc , qualiacunque sint grato Animo accipe , Amice Lector , ac prò solita humanitate conatibus meis fave , nec non benignè suscipe , quæ animo benevolo largior ; Vale diù felix.



JOSEPHI
LANZONI,

DISSERTATIO MEDICA

DE

FEBRE QUARTANA.

ILLUSTRISSIMO VIRO
GENERE NOBILISSIMO, VIRTUTE CLARISSIMO, ET
FAMA CELEBERRIMO

D. CAROLO PATINO,
EQUITI DIVI MARCI,

Medicinæ Doctori Parisiensi,
in perantiquo ARCHILYCEO Patavino
Primario Practicæ Professori,
Famigeratissimæ S. R. I.

ACADEMIÆ CURIOSORUM,

necnon florentissimæ

RECUPERATORUM

Collegæ splendidissimo

Tenuem hanc de

FEBRE QUARTANA

Dissertationem humiliter dedicat
Auctor.



DE

FEBRE QUARTANA,

DISSERTATIO MEDICA.



GROTA^t assidue humanum Genus, & non-
nisi morbus est Vita hominis super terram;
Ægrotare enim incipimus mox ubi nascimur,
ait *D. Augustinus in Psal.* Hinc Xenophi-
lum musicum jam centum, & quinque an-
nis vixisse sine ullo corporis incommodo,
tanquam prodigium notat *Plinius lib. 7. cap.*
50. Nunc verò, nullum sine morbis vivere experientia testa-
tur; modò enim Apoplexiâ, nunc Paralyfi vexatur; hic ex-
urgunt Tumores, illic aperiuntur Ulcera; huc cruciant Dolo-
res, & Cardialgiæ, illuc surgunt Vomitus. & Colicæ; in uno
calculi generantur, & Lumbrici, in alio fluctuant Hydropes,
& Empyemata; hos necant Pleuritides, illos suffocant Angi-
næ; istos perdit Epilepsia, eos occidunt Malignæ Febres. mul-
tos possidet Phthisis, alios tenet Asthma; nonnulli Vertigine

P p p 2

affici-

afficiuntur; omnesque tandem immanes adoriuntur febres, quarum multæ pertinaci odio ad Menses, & ad Annos homines misère torquent, talesque Quartanæ sunt, de quibus in præfati dissertatione dicendum.

Quartana igitur Febris à latinis sic dicitur, quia de quarto in quartum diem inclusivè supervenit. *Plinius* hanc Febrém quadrinam vocavit in lib. 7. *Lucillus*, & *Plautus* dixerè *Querqueram*, ab eo videlicet tremore, & frigore, quod vehemens sustinent Quartanarii. *Octavius Oratinus* Medicus vetustate commendabilis Saturni Prolem esse scripsit Quartanam, non ut *Pythagorici*, qui eam sic appellabant, quod scilicet ejus causâ ab Intelligentia quadam non errante dirigi videatur, ut notat *Mercurialis*; sed ob tarditatem, & contumaciam malignam, ut tradit *Dyslecampius ad Plinium lib. 7.* movente *Gasp. à Reies camp. Elis.* Hinc versipellis, pertinacis, & refractariæ nomine eam meritò insignivit *Clariss. Dolens* hodiernæ medicinæ Splendor, ac Patronus, & Collega meus semper colendus; undè postea proverbium in Carmine.

Hydrops, Quartana, Medicorum scandala plena.

Quapropter *Ricardus Medicus*, se Deum testari ait, & Numina Cœli, quod non potuerit cognitionem sufficientem habere, nec morborum epidemiorum, nec conceptionis Forminarum, nec quartanæ.

Definitur, ac describitur, ista Febris, quod sit cruoris effervescentia præternaturalis de quarto in quartum diem ægrum affligens cum horrore eximio, siti, & calore magno à vitiosa sanguinis diathesi orta &c.

Alia autem est Febris quartana simplex, alia composita. Simplex est ea, cujus nonnisi unus de die ingruit Paroxysmus. Composita, in qua binæ die quartâ exurgunt accessiones. Composita etiam quartana dicitur, quæ in intermediis accidit diebus: istaque, vel duplex, vel triplex est: duplex, quæ unum habet bonum diem, duos verò malos; triplex, quæ singulis exasperatur

ratur diebus ; cum hoc tamen , quòd in utraque quarta semper sit major , adeoque Quartana meritò dicatur :

Cor , utpote Vitæ , & Caloris fontem , multi affectam partem in Febri quartana dixere , ac causæ subiectum mesenterium , multi lienem , ventriculum aliù , lymphatica vasa nonnulli , & pancreatis glandulas non pauci.

Diagnostica Signa hujusce febris alia communia sunt , alia propria. Communia , quæ omnibus competunt Febribus . ut V. G. , sitis , capitis dolor , oscitatio , frigus &c. Propria autem dicuntur ea , quæ soli Quartanæ competunt , quorum primum est Circuitus quartanarius , qui verè pro signo pathognomonico haberi debet ; hinc Quartanæ paroxysmus incipit cum oscitatione , pandiculatione , & totius corporis gravitate , quæ sequitur frigus cum stridore dentium , ac talis , qualis iis , qui hyeme rigent præ frigore ; pulsus rarior , & tardior , quàm in reliquis Febribus ; hinc calor paulatim succenditur , ut loquar verbis *Clariss. Laurent. Bellini Patroni , ac Amici mei Colendissimi , Præstantiss. Medicinæ Professoris Fisan* in tract. de Febrib. non adurens , & æstuosus , ut in tertianis ; sed submissus. De „ clinatio est cum perfecta , & longa apyrexia , pulsus toto „ Febri progressu rarus , tardus , parvus , & in principio val „ de rarus supra omnes febres , & hæc raritas in augmento „ quoque & statu servatur comparatione factâ ad frequentiam „ in augmento , & statu aliarum febrium : Primis diebus nul „ lus sudor ; succedentibus copiosissimus : Sitis media inter si „ tim quotidianæ , & tertianæ ; minor quàm in tertiana ; „ major quàm in quotidiana. *Hæc Bellinus.* Urinæ variant quoad consistentiam & colorem ; modò enim , & in principio maximè albæ sunt ; tenues , & aquosæ ; modò ad rubiginem vergentes , & modò nigre , ut ego observavi elapso autumno in milite quartanario. Dejectiones paucissimæ sunt ; & quæ dejiuntur , nigre sunt , & aridæ : Frequens expunitio quemadmodum etiam suis temporibus adnotarunt *Galenus , & Averroës* : In declinatione apparent sudores pauciores , quàm in tertianis , quod etiam antiquitus observavit *Rhaser*. Colorem cor-

poris lividum, & ferè plumbeum, quartanarii proprium esse docet *Mercurialis tract. de Febr. lib. 5.* Periodi Febris quartanæ longiora habent intervalla.

Diagnosi visa, ad causam gradum faciamus oportet, causam enim morbi cognitâ tutò, citò, & jucundè morbus ipse superatur.

Qui duce *Galeno* in Medicinæ castris ad Praxim medicam exornandam militant prò immediata hujus Febris causâ humorum in corde accensionem agnoscunt, quam accensionem à vaporibus putridis ex humore melancholico exhalantibus haberi volunt. Hiuc quicumque Galenicum gerit nomen, quartanam ab humore oriri melancholico, tanquam infallibile axioma deprædicant. Fermentum acidum, fixum, tartareum causam quartanæ dicit *Jo. Michaelis*.

Chymicorum multi, impuritates nitro-sulphureas accusant; alii terræ elementum inculpant, nonnullique cum *Quercetano*, tartarum communem naturæ humanæ hostem prò quartanæ causâ dignoscunt. *Waldschmidius* intemperiem acidam Massæ Sanguinis causam dicit.

Helmontiani Quartanæ Febris Originem ex acido chylo in splenem delato deducunt; & hinc est, quòd ait *Helmontius*, quartanæ ansam dare chylum acore peregrino infectum.

Lazar. Meyssonnerius Quartanam, ut & Febres quascunque intermittentes gigni, ait, ex impedimento spiritus vitalis ab interna cacochymia extra venas per radios astrales commota.

Anglicum illud Medicorum lumen *Willisius* proximam hujus Febris causam esse dyscrasiam sanguinis acidam, & austeram, instar vini acescentis, ait; cùm adsit enim (dicit ipse) spirituum. „ penuria in quartanis, atque sanguinis pars terrestris, seu tar- „ tareæ (quæ constat in primis sale, & terrâ) nimis exaltatur, „ & in fluorem evecta, acorem cruoris massæ inducit, non fe- „ cus, ac cùm cerevisia à tonitru commota, & facie turbidâ „ infecta acescit &c.

Charleton, acidam cruoris dyscrasiam accusat prò quartanæ causa; quæ chylum in liquorem extraneum corrumpens eum febrile

brile Fermentum constituit. Hæc autem Opinio una, & eadem est cum *Willisiana*: Verùm liceat hic mihi veluti per tranſennam cum *Eruditiff. Luca Tozzio Medico Neapolit. celeberrimo, Amico meo maximo, ac in æternum colendo*, apertè hanc opinionem negare; non enim ſatisfacit *Charleton*, qui ſuccum alibilem è cibis ſuggeſtum, & ſanguini jam vitiato commixtum, adeòque depravatam hujus Febris cauſam refert; hac enim ratione cibo priuſus abſtinendum eſſet, ut Febris repetentes acceſſiones deſinerent; cùm tamen extremâ ſervatâ inediâ, adhuc ingruant, & aliquando deſierint, cùm graviter in victus genere ægrotantes erraverint &c.

Petr. Job. Faber cum aſſectis excrementum tartareum productum in renibus, liene, & hypochondriis materialiter, & occasionaliter quartanam producere ait.

Chriſtianus Langius ſic loquens de quartanæ cauſa ſcribit, ſi ſuſci alibilis, & per conſequens, etiam ſanguinis liquor à natura dulci, ſpirituosa, baſamica in acidam, & ponticam, & auſteram (aceſcit enim chylus non difficulter, ſi debito tempore non diſpenſetur, ſed præter naturam in ventriculo, ac in teſtiniſ detineatur) tranſierit, atquè degeneraverit, quartanæ genuina cauſa ſtatim in promptu eſt.

Franc. de le Boe Sylvius hanc Febrem oriri aſſerit à pituita glutinoſiore facta in pancreatis ductibus ſtagnante.

Ego autem cum *Clariff.*, ac nunquam ſatis laudato *Doleo Collega ſemper amando* aſſero quartanam oriri, quando fermenta prava in majori quantitate viſcidiora ſunt unde non tantùm obſtructiones contumaces fiunt, ſed etiam cruoris mixtio turbatur: hinc fermentatio præternaturalis oritur, quæ febris eſt; quòd verò tam tardè inturgat paroxyſmus, hoc adſcribendum eſt, ait *citat. Doleus*, fermento viſcidiori tubulis, tum lienis, tum pancreatis, aliorumque viſcerum firmiùs adhærenti, item chylo tenaciori; hinc tardiùs ſanguinem alluenti: huic autem humori valde viſcido aliquid acre admixtum eſt, ut patet ex productis oſcitationibus, frigore, rigore, capitis dolore, inquietudine &c.

Cauſæ autem antecedentes poſſunt eſſe, quæcunque atrum, ac melancholicum.

melancholicum humorem generant, ætas suprâ. 40. annum; autumnus, corpus frigidum, & siccum, lien tumidus, obstructus, & imbecillis, crassorum ciborum usus (sunt verba *Illustriss. L. Bellini Domini mei in æternum colendi*) ut carnes bubulæ, cervinæ, aprugnæ sale conditæ, pisces ex limosis aquis, olera, legumina, panis non fermentatus, vinum crassum, ac sæculentum, curæ, studia, tristitia, suppressæ purgationes, faciei, totiusque corporis color fuscus, & nigricans &c.

Si verò quartana tempore autumnali adveniat longissima est, & ut plurimum totâ hyeme perseverat, nec nisi accedente vere finitur; imò nonnullæ ad annum unum, vel plures extenduntur. Hinc est, quod *Hagendornius* quartanam triennem observavit; *Mena* per Annos. 7. durantem quartanam vidit in Catherina de Cavalos sororis Philippi Regis famula; *Fernelius* ad annos. 9. eandem extendi vidisse ait; *Forestus* idem confirmat; *Wierus*, D. de Role Cæsaris Maximiliani Oeconomum narrat. 18. annis hac febre laborasse, à qua tamen liber ultra annum non vixit. *Rhodiginus. lib. 22.* ait, Vidum Grammaticum Trasumenum annis 24. quartanâ infestatum fuisse. De his historiciis autem curiosis simul; ac raris vid. *Gaspar. a Reies camp. Elys. quæst. 71.* Æstivæ autem quartanæ breviores sunt; Quartana legitima longior est spuria, monente *Riverio*.

Ex pertinaciori hac Febre sæpe oritur Cachexia, hydrops, scorbutus &c. Senes, qui sexagesimum ætatis annum superant, febre quartanâ affecti ut plurimum moriuntur; Quartana intermittens in continuam mutata, ut plurimum lethalis est; Quartana Epilepsiæ superveniens eam solvit juxta *Hippocratis aphor. 71. Sect. 5.* Narium hæmorrhagiâ quartanæ superveniens mala est, e contrâ verò Dysenteria salutaris.

Infantes facilius ab ea liberantur, quàm mediæ, & decrepitæ ætatis viri. Si hæc Febris invadit illos, qui sanis visceribus, & integris viribus pollent, secura res est. In colicam sepius per metastasim hanc febrim transmutatam observavit *Illustr. Doctus*; Egoque bis in arthritidem quartanam mutatam fuisse adnotavi.

Pro-

Prognosi visâ reliquum est, ut ad curationem Quartanæ gradum faciamus; morborum enim fugatio præcipuus Medicorum finis esse debet; & quia triplex Practicæ Fons ad morbos curandos insurgit, Diæta nimirum, Pharmacia, ac Chirurgia; ideò seorsim summa hæc Medicinæ instrumenta pro cura quartanæ nunc breviter examinabimus.

Quod autem primò attinet ad Pharmaciam notandum est, quòd cum per Galenicos quartanæ causa sit humor frigidus, & siccus, crassus, & terrestris; ideò isti calefacientia, humectantia, & attenuantia adhibent remedia, tum quoque materiam peccantem opportuno tempore evacuant. Primas igitur vias Clysteribus expurgandas esse moneant Galenici, vel quoque lenientibus medicamentis alvum laxandam, inde venam aperiendam esse volunt, & si hepar sit affectum in brachio dextro, si verò lien in sinistro phlebotomiam instituunt, si sanguis sit niger copiosè evacuandus est, dicunt ipsi, innixi præcepto *Galenii ad Glaucon*. Sanguine missò materiam peccantem præparant, corriguntque humorem vitiosum. Hic notat *Zacutus Galenicorum* insignis, venæ sectionem in plenilunio celebratam plurimum conferre, & *Botallus* asserit, phlebotomiam frequenter iteratam quartanam fugare, & hoc contra opinionem serè omnium Galenicorum suorum Collegarum. At ne à Pharmacia pedem dimoveamus, de Venæ sectione, utpote remedio Chirurgico, nunc silentium facere oportet. Attenuantia, & incidentia remedia Galenici volunt esse borraginem, buglossam, endiviam, fumariam, cichorium, agrimoniam, carduum Sanctum, radicem altheæ, polypodii, Cortices tamarisci, flores Genistæ, & ex his varias concinnant compositiones, ac *Ægris* exhibent, prout Morbi peccantis natura postulat. Purgantia desumunt à Polypodio Epithymo, Senna, Helleboro nigro, &c. hinc Eleætuarium diacatholicum, Confectionem Hamech, pilulas tartareas; &c. exhibent;

Tandem sudorifera propinant Galenici, & appropriata, ut sunt Absinthii succus, verbena, Imperatoria, plantago &c.

..*Paracelsus*, ac *Helmontius* sua adhibent arcana pro curanda hac febre & præcipuè Mercurium diaphoreticum internè, & ex-

Jos. Lanzoni Opera. Tom. I.

Q q q ternè

ternè emplastrum , cujus descriptionem optimè tradit *Grembſius*.

Willifiani emetica , ac ſalivantia ſuadent , necnon pulverem Chinæ Chinæ.

Sylviani remedia omnia pituitam glutinoſam incidentia , ac minuentia laudant. •

Carteſius , atque *Doleus* , ad alvum reddendam liberam vel Clyſterem , vel blandiora cathartica adhibent , vina medicata exhibent , pulverem Chinæ Chinæ commendant , ſudorifera laudant , acidulas martiales Swalbacenſes extollunt &c.

Quod ad Chirurgicas attinet operationes, Galenici , inter quos præcipuè *Riverius* , commendant excitationem fluxus hæmorrhoidalis ; nam cum venæ hæmorrhoidales , aiunt ipſi , ſint rami venarum meſaraicarum , in quibus morbi cauſa continetur , ideò earum apertio juvabit. In his verò , in quibus hæmorrhoides nunquam fluere conſuevere , malleoli Venam utiliter aperiunt Galenici ; vel ſalvatellam ſcindunt ; cucurbitulas ſcarificatas imponunt , aliasque huiusmodi crudeles operationes commendant. Verùm *Paracellſus* , *Helmontius* , *Sylvius* , *Willifius* , *Carteſius* , *Doleus* , alique Recentes Sanguinis miſſionem nullo modo admittunt.

Hinc ego ſubneſto mea pharmaceutica præſidia pro curatione quartanæ à Clariff. Authoribus deſumpta ; omninò enim damno miſſiones ſanguinis , quia per has , cum ſanguis ſpiritibus depauperetur , hinc eſt quòd vigor ægri labalcit. Pro domando ergo acido præternaturali fermento , expiationem primarum viarum per lenientia laudo ; poſtea decoctiones aperientes ; hinc vinum chinâ chinæ medicatum continuè adhibitum optimum eſſe experienciâ ductus aſſero ; ut & pulveris chinæ chinæ 3. ij. cujus remedii tanta eſt efficacia , ut multos ſolo hoc præſidio in vino Malvatico ſumpto ante acceſſionem à quartana etiam incipiente liberaverim ; de cujus pulveris operandi modò fuſè , & egregiè tractat *Willifius* in tract. de Febris. cap. 7. Mixtura ſequens ad *Sylvii* mentem parata optima eſt , quam expertus feliciter fui in Moniali quartanaria : R. Aquæ Fœniculi , Fumarie , ana , ʒ. j. tincturæ cinnamomi 3. ij. olei caryophilorum gutt. ii. Spiritus ſalis ammoniaci , gutt. XII. Syrupi cardui benedicti ʒ. vj.

Miſce

Misce. Curatam quartanam medio Vini veterissimi haustus, fuisse, ait *Barclaius in Argenid.*

Plures sanasse Quartanas asserit *Riverius* ope sui febrifugi ad grana xx. exhibiti; cujus remedii descriptio habetur apud ipsum *Riverium*, apud *Fr. Bernardinum Christinum*, apud *Pharmacop. Scbrédéro - Hoffman. Rolfincium*, *Charras*, aliosque.

Nimias purgationes in curanda quartana vituperò, quas etiam nocivas esse notavit *Petr. Borellus in Observat.* scribit enim hic Auctor D. Masnavium Tholosanum Senatorem, non semel ipsi patris sui mortem enarrasse, qui Medicorum nimis purgationibus, dum quartanâ laboraret, periit; quare à violentia purgantium medicinarum abstinere fas est, ac ad specifica recurrere, velut ad sacram Anchoram.

Multi Practici multa, ac Varia commendant amuleta, quorum aliqua hîc adnotabo, antequam diætâ pro sanandis quartanariis instituam. *Platerus* araneam in nuce avellana collo appensam laudat; *Trallianus* scarabæum vivum fulvo linteo firmiter alligatum collo suspendit; Dextrum oculum lupi alligatum, febres non tantum quartanas, sed alias quoque discutere scribit *Thom. Bartholinus*, cum *Sexto Philosopho Platónico*. Lardum salitum intrâ digitos pedum ligatum optimum fuisse demonstratur in *Miscellan. nostr. curios. dec. 1. ann. 3.*

Ranas Virides in Quartanis pro amuleto adhibent multi; de similibus verò curiosis remediis vid. *Jacob. Wolff. in suo scrutin. amuletorum cap 2. sect. 1. pag. mibi. 147.*

Exteriùs etiam pro curatione febris quartanæ possunt variâ topica linimenta, ac emplastra spongi; & hinc est, quòd peculiari laude suum Emplastrum in quartana potens esset *Helmontius tract. de Febrib.*, cujus descriptio per multos sequens est. R. Ceræ ꝑ. j. agarici, styracis calam. ana. 3. ij. ladani liquidi ꝑ. v. assæ dulcis, olibani optimi ana 3. iij. Misce. Fiat Emplastrum. S. A. pulibus manuum applicandum. Aliud emplastrum pro quartanæ cura componit *P. Joh. Fabri*: Emplastrum de cicuta multi laudant; alii illud de hyosciammo extollunt; nonnulli balsamum *Minsitibi* commendant; oleum scorpionum non pauci; & aliqui tandem oleum sequens optimum esse volunt, quo inungi debet tota spina dorsî à nucha incipiendo, & ad os usque sacrum procedendo. R. olei Vulpini, Spicæ, Euphorbii, laurini, terebinthinæ, nucis moschatæ ana 3. ij. m.

Specifica remedia medicorum multi proponunt, ut sunt Radix tapfi barbati, decoctum Genistæ, radix Imperatoris, Ungulæ Phocæ, Castoreum, Cor Salamandræ, Ova Aranci, Jecur Delphini, Cor leporis, quod

quidem specificum ego bis expertus fui sine ullo fructu; nil enim contra quartanam egit. Alia multa specifica ab animalibus potissimum desumpta contra Febrem hanc adnotavi in mea Zoologia.

Nunc diæticum medicinæ fontem videamus. Utatur igitur *Æger* cibis boni succi, & facilis coctionis, ut carnes sunt juniorum animalium; commendantur borrago, buglossum, pimpinella, petroselinum, fœniculi radix, & rapa, de qua multa refert *Crato apud Scholtzium*. Fructus boni sunt poma, passulæ, ficus pingues, amygdalæ, dactyli &c. Pro potu sit vinum album optimè defæcatum, & etiam medicatum. Acida fugiat *Æger*, ne morbi causa augeatur; Die paroxysmi æger cibandus est quinque saltem horis ante illius invasionem; Aër sit temperatè calidus & purus, imò commendatur à multis mutatio regionis; Vitetur crassius aër, nubilosus, & marinus, nam hinc est quòd Maritimis Quartanæ sunt familiares; suadendus est motus, & *Æger* sæpè se movere debet; Somnus, ac Vigilia mediocres sint; Si alvus sponte non fluat, arte excitetur; Si excretiones assuetæ cessent, procurandæ sunt; Hilaritas denique concilietur, & mœstitia arceatur.

Antequam autem hanc de Quartana tenuem meam dissertationem claudam, liceat mihi eruditionis gratiâ nonnullas historias afferre rariores de quartana Febri; *Clariss. Hagendornius* enim narrat, se observasse quartanam singularem in tribus fororibus, quæ uno, & eodem tempore ægrotabant, istarumque natu Major quartanâ simplici, Media duplici, Minorque triplici laborabat.

Q. Fabium Max. Cons. apud flumen Isaram prælio commisso adversus Allobrogum, Arvenorumque gentes à febre quartana in ipsa acie liberatum fuisse, Author est *Plinius*; Idemque refert *Pareus* de Capitanæo pugnante cum Hispanis. De Quartana certæ Familiæ peculiari mentionem facit *Jo. Rhodius*; & *B. Silvaticus*, se observasse ait Cænobitam cucullatum quartanâ correptum, quæ scabie solvebatur, quod idem ego adnotavi in quodam milite. Quartanas tertio, vel quarto paroxysmo terminatâs vidisse, dicunt *Jo. Speronius*, ac *Rhodius*. Albas Maculas in hac Febri semel observasse scribit *Carol. Piso de Seros. colluv.*, nigrasque maculas in Querquera adnotavit *Silvaticus*, monente *Rhodio*, qui scribit etiam observationem curiosam, de quartana pertinaci imaginationi cedente. Hanc Febrem bis ego ebriatæ fugatam vidi; Terrore subitaneo, ac improvise quartanarios liberari posse aiunt multi, & ego vidi mulierem ab aquæ frigidæ perfusione inopinatè oppressam, quartana febre feliciter fuisse spoliatam.

Et hæc sunt, *Benevole Lector*, quæ de Quartana brevis dissertationis lex dicere permisit. Hæc qualiacumque sint, affectu bono tibi donata grato animo excipe; si quid boni in istis reperias, frui, ubi erravi excusa; & si quid inter excudendum errati irreperit, benignè corrige. Laudem à te pro brevi hac Dissertationi non postulo, mihi enim propositum est non plausum legentium, sed fructum proficientium quærere: qui enim hunc plausum sequitur ait *Seldenus de libris.*, planctu prosequendus est, & incipit laude indignus esse, qui legentium laudem ambit. Vale diu felix.

JOSE-

JOSEPHI
LANZONI,

PHILOSOPHÆ AC MEDICINÆ DOCTORIS
FERRARIENSIS,

Nec non S. R. I. Academiæ Leopoldino - Carolinæ Naturæ
Curioforum Socii &c.

EXERCITATIO

MEDICO - PHYSICO - ANATOMICA

DE

SALIVA HUMANA.

Ejusque

NATURA, USU, PROPRIETATIBUS &c.



LAUSANNE,

Sumptibus MARCI-MICHAELIS BOUSQUET ET SOCIOR.

MDCCXXVII

THE UNIVERSITY OF CHICAGO
LIBRARY

1911

1911

1911





REVERENDISSIMO
P. MAGISTRO

VINCENTIO CORONELLI,

ARTIUM, & SACRÆ THEOLOGIÆ DOCTORI, SERENIS-
SIMÆ VENETORUM REIPUBLICÆ COSMOGRAPHO,
AC TOTIUS SERAPHICI ORDINIS MINORUM
CONVENTUALIUM MINISTRO
GENERALI
MERITISSIMO.

JOSEPH LANZONUS

Salutem, & Felicitatem.



*Vetusta rerum memoria nos receptus ad nos us-
que pervenit, ut illi omnes, qui libros suos
publici juri facere decernant, unum, aut virum Dignitate conspi-
cuum,*

cum , vel heroiciis virtutibus illustrem , aut eruditione celebrem , vel tandem Amicum eligant , cui librum donent. : Ità sapientissimus Peripateticorum Pater Aristoteles Eudemo , Nicomaco , & Alexandro Magno , Elegantissimus Poetarum Catullus Cornelio Nepoti , Lyricorum Phœnice Horatius Mecenati , Incomparabilis Valerius Maximus Tiberio Cæsari , Illustris Flavius Vegetius Valentiniano Augusto , & magnus Naturæ Bibliotecarius Plinius Vespasiano opera sua dedicarunt ; Longum hic foret , & epistola minime conveniret ad inferiora descendere tempora , & plura exempla , quæ passim extant , undique velle conquirere ; Itaque quaecumque meum Opusculum in lucem edendo , antiquum morem sequi decerno , nec diu deliberandam fuit , cui potissimum meam hanc dedicarem , opellam , REVERENDISIME PATER , si enim Dignitatem quero , pauci Dignitatis gradum tuo æqualem obtinent , si heroicas virtutes ; quis istis te fulget præstantior , si Eruditionem , quis te dignior ob tot egregia Edita opera , si denique benevolentiam erga me tuam cōsidero , quis tibi est præferendus , qui suavi comitate semper soles.

Meas esse aliquid putare nugas.

Hanc ideo Exercitationem meam de Saliva sub tuum conspectum venire sino , Reverendiss. Pater , Protectorem non habituram , quin potius suslīnuerit judicem.

Quò nil exactius , eruditiusque ;
Sed nec candidius , benigniusque.

Accipe igitur bilari vultu , & exporrecta , lætaque fronte hoc quaecumque munusculum , tanquam specimen , & testem meæ ergà te observantiæ , idque si dignum tua protectione videatur , tuere : Ego interim D. O. M. enixè rogo , ut gloriam tuam augeat , tua vota secundet , & ad tuæ Illustrissimæ , ac semper Venerabilis Religionis perpetuum splendorem , & utilitatem , te servet incolumen. Vale.

Ferrariæ die 27. Febr. 1702.

AD



A D

LECTOREM.



Tantum in me potest blanda vis Amicorum,
 ut tenuem hanc ingenioli mei opellam pu-
 blici juris facere sustineam, & vadum hoc
 tentare publicæ Famæ; Nihil enim mi-
 hi minus in animo erat, quàm huic me de-
 vovere curæ fastidioso hoc, ac delicatioris
 palati sæculo, quo plures sunt Aristarchi,
 quos hodie alit obtræctatio, ut verbis utar *Stobæi*, & plures
 Sycophantæ, qui jejune malevoli, nihil præter odium Litte-
 rarum profitentur, & ut nihil sciunt, ita omnia carpunt acu-
 endo linguas suas sicut serpentes, omnia Theoninis dentibus
 dilacerando, ad vituperandum procliviores, ut ait *Plutarchus*,
 quàm ad laudandum, & quia quot homines, tot sunt senten-
 tiæ, ideò stat pro certissimo, quod scribendi modus, qualif-
 cumque sit, voluntates omnes explere nequit, omnibus enim
 placere difficillimum est: Vicit nihilominus Amicorum impor-
 tunitas, quibus me totum debeo, & licet mihi plus discendi
 incumbat necessitas, quam suppetat docendi facultas, ut loquar

R r r 3

verbis

verbis *Illustris Boylei in Tent. Physiol.*, attamen *Exercitatio* hæc de Saliva humana respicit lucem; cujus evolvendo pagellas, ut te benevolum Lectorem præbeas enixè rogo, & hunc qualemcumque ingenii mei foetum, æqui bonique consulas oro; Observabis autem perlegendo, me multos passim Authores, & plures forsàn, quam par esset adjecisse, quod tamen haud iniquo, ut spero, feres animo, necessum enim duxi verbis meis Doctorum Virorum testimoniis in medium allatis fidem conciliare; nec per hoc, quod aliorum sententias transcripserim, me damnes velim, nam rectè in sui Eunuchi Prologo cecinit Terentius.

*Nullum est jam dictum, quod non dictum sit prius,
Quare æquum est, te cognoscere, atque ignoscere.*

Plura quidem circa Salivam addere potuissèm, ast cum non voluissèm, sed tantummodò *Exercitationem* parvam conscribere decrevissem, nolui iusta mole eandem excedere, præceptorum memor *Stobæi* lectione; & doctrina mirabilis, *ne verbis multà pauca comprehendat, sed paucis multa*, & antiqui Athenjensis Comici *Menandri*.

Impudentes sermones hoc solo juvantur, si fiant breves,

nec non Lyricorum Phœnicis *Horatii* in gremio Musarum educati

*Quidquid præcipies, esto brevis, ut citò dicta,
Percipiant animi dociles, teneantque fideles.*

Nonnulla forsàn irrepsere in hujus Opusculi impressione Menda, & Sphalmata, tum ob oculi mei prætervolantis indigentiam, cum ob Typographi incuriam, quæ juxtà rei sensum facilius apparentem, ut emendes rogo; commata verò, & distinctiunculas alias, quæ hinc inde negligenter impressa invenies crisi tuæ, & arbitrio committo; Interim Vale, ac me ama.

HIERO.



HIERONYMI BARUFFALDI
PH. D. FERRARIENSIS

In Undequaque Clarissimi VIRI, & Amici Candidissimi

JOSEPHI LANZONI,

Med. Ferrariens. , in Patr. Lyc. Lectoris.

O P U S

D E

SALIVA HUMANA.

P H A L E U C.



Vid. LANZONE, tot editis libellis,

Quos non Occidui invident Eois.

Quas nec postera pejerabit atas

Hinc nostro decus attulisse sacro

Quid LANZONE novum voves

Minerva

Phæbeæ Artis Opus BONÆ SALIVÆ?

Non sã Potonia quot Arte claros

Regali

Regali Padus educavit unde
 Charta vivere ? non sat orbe nosci
 Condiri queat Arte qua Cadaver ?
 Non sat Citria , non satis Corollas
 Æternam ingenii olere Famam ?
 Sunt hæc crede mihi , satis superque ;
 Ut doctum queat usque ad astra Nomen ,
 Vel visu invidiæ probante , tolli ;
 At perge , & nova semper Eruditis
 Mentis prome penu diu reposta ,
 Quò , si plus nequeat , nitere nomen ,
 Saltem nomine Res tuo nitescant.
 Ipsa , dic rogo , quid fuit SALIVA.
 Olim sordidiusque , viliusque ?
 Quid nunc nobilius , salubriusque ?

Canebam in meo Museo Ferrariæ Kal. Febr. 1702.



JOSE-



JOSEPHI LANZONI,
 PHILOSOPHIÆ AC MEDICINÆ DOCTORIS
 FERRARIENSIS,
 EXERCITATIO
 MEDICO - PHYSICO - ANATOMICA
 D E
 SALIVA HUMANA.

C A P U T P R I M U M.

De Salivæ Natura, & causis.



VT à nomine incipiam, & rem ab ovo;
 ut dici solet exordiar, Saliva dicitur,
 quod salis saporem habeat juxta *Perro-*
tum, & *Laurentium*, vel à saliendo, quod
 in ore saliat, & crescat, ut *Rob. Stephano*
 placet, sive à salvando salvia, quasi sa-
 livâ nuncupatur, eo quod multos mor-
 bos sanet; ac salvet, ut cum *Galeno*,
Plinio, *Martinio*, & aliis *Cornelius à Lapide* scribit; Varias hic
Jos. Lanzoni Operæ. Tom. I. S s s humor;

humor fortitus est definitiones, ac nomina juxta varias Doctorum sententias; nonnulli enim salivam, tanquam inutile corporis excrementum considerarunt, qui tamen à *Galeno* admonentur; salivæ generationem inter ea esse, quæ providè à Natura fiunt; undè merito alii velut utilissimum machinæ humanæ laticem salutarunt; hinc cum *Jungkenio*, & *Bobnio*, *Zypæus*, salivam, humorem serosum ex ductibus salivariis extillantem definivit; primum Naturæ menstruum in humano laboratorio vocavit *Waldschmidius*; Liquorem à sanguine separatam per proprias glandulas *Tauroy* dixit; Principale chylicationis menstruum *Georgius Baglivus*; primariam alterationis alimentorum causam de *le Boë Sylvius*; humorem præparatum à parotidibus glandulis *Saccius*; Simplicem lympham *Paulus Ammannus* in sua parænesi; humiditatem ex sero à sanguinea massa segregatum *Gerardus Blasius*: Vaporem e ventriculo per œsophagum in os ascendentem, ibique condensatum *Cartesius*; Excrementum glandularum, quæ sub lingua reperiuntur *Zacutus*; Spumam fermenti *Grebnerus*, & humorem aquosum planè insipidum *Wartbonus*: Relictis autem hisce variis salivæ nominibus, ac definitionibus, ego salivam definio, liquorem limpidum, ex arterioso sanguine à glandulis propriis separatam, & per salivales ductus in oris cavum ad usum varios effusum; limpidum dixi liquorem, colori tamen, & perspicuitati aquæ aliquantulum cedens, cum lucis radii in saliva, quam in aqua paulò majorem subeant mutationem quod autem spumosa expuatur, non sibi, sed linguae, & oris motui hoc debetur; hinc optimè asserit *Anton. Nuckius*, spumosa ordinariò, & tenacem salivam reddi, quia linguae, musculorumque maxillam inferiorem moventium motu variè agitur, undè sal, quod in salivali continetur liquore, fortè lixiviosum, unà cum spirituosis acidis, & oleosis partibus, dum spiritus volatilis dissipatur in auras, in spumam abit, nivis modo albicans, quæ varietas ex eo provenit, quod radii lucis tum temporis majorem, quam ante subeant mutationem, magis tamen spumosa saliva apparebit, si longiori sermone humor salivialis agitetur; Accedit quod aër assidue inspiratus, & expiratus,

ratus, multum ad id contribuat, potissimum si salivæ diutius maneat permixtus, uti hoc videre est in his, qui apoplexia afficiuntur, in quibus, dum liber aëris exitus denegatur, talis spumosa saliva ordinario conspicitur; Dixi à sanguine separari, quia arteriæ glandulis præter calorem, nutrimentum quoque, simulque salivæ materiam suppeditant, quod probant magnæ salivationes, vel spontè subortæ, vel arte procuratæ, quæ sæpè crassam sanguinis vitiatam corrigunt, ac affectiones cruoris tollunt, quod sanè non fieret, si à nervis, vel aliundè salivæ materia deveniret: Negat autem *Helmontius*, salivalem liquorem à sanguine sequestrari, oriri statuens à suo latice humoralis neglecto; & cum *Bilfo Denfingius*, eum à rorifero succo statuit provenire; Ast non tantum sanguinem arteriosum ad salivam construendam concurrere tradit *Paul. Ammannus*; verum spiritus etiam animales per nervos in glandulas salivales derivatos: Effluit autem per proprios ductus salivæ lymphæ, de quibus singulatim scribam in secundo capite hujus meæ Exercitationis. Nominè verò salivæ hîc non intelligo; quemadmodum confundunt aliqui, crassum illud, viscidumque liquamen, quod è tonsillis, tussî, aut screatu exprimitur, quodve sputum nuncupatur, de quo tamen nonnulla in ultimo capite disseram, cum varia circa sputum, & salivam enumeravero, ne forte aliqua in præsentî meo tenuissimo opusculo deficere videantur; Notanda hîc solummodò venit differentia, quæ inter sputum, & salivam procedit; per sputum enim intelligunt prudentiores Physici, humorem tenacem in ore cum molestia redundantem, atque vel ex catharri defluxu collectum, vel ex salivæ corruptione genitum, sive cum tussî à pulmone rejectum; per salivam autem liquorem naturalem in sanis intelligunt, non superfluum, sed ad oris humectationem, ciborum masticationem, concoctionis præparationem, & ad alios usus necessarium; Pariter notanda est diversitas, quæ intercedit inter salivam, & illum mucum, qui è cerebro per os cribriforme delabitur & partim per nares evacuat, partim per palati posteriora ad fauces descendit; non quod hîc humor ratione originis multum diffe-

rat à saliva, sed quod mucus ratione longioris moræ in via, sæpè alienam adipiscatur qualitatem, antequam ad os perveniat; Sanè liquor iste in homine sano in cerebri ventriculis satis fluidus, ac tenuis existit, non tantùm verò instar salivæ oris; propter quam tenuitatem per minima foramina ossis cribriformis facilius in spongiosa narium ossa elabatur, in quibus per moram, & per transitum aëris, crassitiem, colorem, aliaque à saliva alienas qualitates acquirit: Verùm quia de muco sermo intercidit, opere pretium existimo, nonnulla obiter juxta mentem *Clariss. D. Raymundi Vieussens* in sua *Neurographia generali lib. 1. cap. 16.* de membrana pituitaria adnotare; hæc enim membrana est pars fungosa, spongiosa, & glandulosa, plurimis diversi generis instructa vasis, quæ propriè, ac primariò ascendentis ad caput sanguinis, aquosis, lentisque succis excrementitiis excipiendis, & excernendis apta comparata est; dicitur autem pituitaria, quia, aquosæ, crassæ, & viscidæ ascendentis ad cerebrum sanguinis partes, ad illam amandantur, ac in ea à sanguine secernuntur, & deinceps vel sreatu, vel narium emunctione extruduntur; ex quo etiam patet, quanta sit, à me jam dicta diversitas; ac differentia inter mucum, sreatum, & salivam; Talis verò membrana exiguis foraminibus distinguitur, & si digito comprimaturn mucum confestim emitit; & si è capite exempta in aquam immittantur, spongiæ ad instar illius partes absorbet, quod oculari inspectione observavit *Excellentiss. D. Franciscus Justinus Medicus, Chirurgia Professore expertissimus, nec non Anatomicus diligentissimus* in sectione capitis unius Militis sæva peripneumonia extincti in Magno nostro *D. Annæ Xenodochio*, cui felicissimè operam suam chirurgicam præstat; Hinc in ea membrana observantur quamplurima vascula glandulis intertexta, ac nerveæ propagines à nervis conjugationis quintæ derivantes, & arteriæ innumeræ suis comitatæ venis; & notandum cum Citato *Vieussens*, hanc membranam pituitariam, multò pluribus arteriarum propaginibus, quàm reliquas oris partes irrigari; siquidem ea, ubi spatium posti-

cæ

cæ ossis vomeris parti, & maximo ossis occipitis foramini interjectum occupat, & ubi tum os, quod *Vomer* nuncupatur, tum narium; tum meatuum duorum, qui à naribus ad fauces tendunt, interiora obducit, numerosissimis vasibus sanguiferis intertexta apparet, quæ in plexulos hepatis, uterinis plexibus non absimiles abeunt, unde postea nihil mirum, si lentis, & aquosis succis excipiendis, & excernendis aptam esse jam dixerim; nam non tantum vasa cruoris in hac membrana observantur, verum plures breves ductus, quos officii respectu muciferos nominavit *D. Raymundus Vieussens*; Mucifera autem hæc vasa setam facillimè admittunt & in illa præcipuè ejusdem membranæ pituitariæ parte conspiciuntur, quæ posticæ ossis vomeris, & utriusque ossis palati parti appenditur; hæc igitur membrana prædicta munera præstat, & ab hac mucosus humor derivat; nullus enim est homo; licet perfectè sanus, qui sæpè, vel narium emunctione, vel scretu, excrementitium pituitosum quendam humorem, non extrudat; Cum ergo differant vasa salivalia, ab his mucosis ductibus, cum differant glandulæ, & membranæ, dicendum pariter erit, essentialiter differre salivam à muco, qui à membrana pituitaria originem trahit; de qua membrana plura cupientibus dabit in loco supra citato *Clariff. Vieussens Medicus Monspelienfis præstantissimus*; Differt pariter saliva à lymphâ, & Succo pancreatico, quamvis, & illa, & iste à glandulis elaboretur ex sanguine arterioso, quia in saliva non est manifesta aciditas, ut in succo pancreatis, nec talis tenuitas, ut lymphâ; sed est crassior, & manifestè insipida, ideòque cum sit in essentialibus qualitatibus pituitæ similis, ita non differre salivam recentiorum ab antiquorum pituita docent *Pomp. Saccius*, & *Daniel Becherus*. Hanc non esse corpus simplex, sed compositum assero, varii generis enim particulas in se continet, salinas nempe, acidas, oleosas, insipidas &c. unde difficile judicat *Dimerbroeckius* singularem ejus compositionem exactè describere, quam tamen admirabilem esse testatur; omnibus siquidem alimentis facillimè admiscetur, siccis, humidis, oleosis, aquosis, salis, sulphureis &c.; nul-

lum enim ingeritur , cui non associetur , imò extrà corpus nostrum etiam cum argento vivo misceri , eique associari queat , cum alioquin alii simpliciores heterogenei humores , aqua , spiritus , oleum , sal , alique simul mixti à se mutuò recedant , cum quibus tamen omnibus saliva unitur , quæ sua mediacione , omnia illa non modo miscere , sed etiam inter se unire valet ; ità ut videatur , inquit *citatus Diemerbroeckius* mercurius quidam humoralis , seu menstruum internum universale , quo quælibet ore assumpta mòx junguntur , & cum eo ad ventriculum descendunt , ut in eo omnium exactior dissolutio promoveatur ; Ex quibus omnibus iudicavit *Sapientiss. D. Job. de Muraltio Acad. Curiosus & Collega meus eruditissimus* , una cum *Silvio de le Boë* , ac *Doleo* , illam in se continere multum aquæ , parùm spiritus volatilis , & minimum salis lixiviosi , cum olei , spiritusque acidi tantillo inter se commixtis , ac temperatis ; Ab hac tamen recedentes hypothesi *Jacobus Lemort in Cbimia* , *Ettmullerus in Schröd. Dilucid. Gulielminus de nat. sanguin.* , *Baglivus in Epist. ad Pascolum* , & *Craanen de homine* , salivam ex aliis constare partibus asserunt ; *Lemort* enim acido-salvas tantum particulas in ea esse contendit expertus ; *Ettmullerus* spiritu acido ammoniacali turgerè scribit ; *Gulielminus* ex glutinoso liquore multis salibus solutis præsertim tartareis imprægnato , multoque aëre , constata esse ait ; *Baglivus* sal nitro-salinum universali analogum sali in se continere salivam edocet ; *Craanen* verò , hanc ex particulis tam acidis , quàm salinis aqua mixtis componi asserit ; & quod mera aqua non sit eò probat , quod igni imposita , & in vaporem acta relinquat in fundo corpus album salso-acidum : Hanc autem post levem suarum particularum inter se agitationem , cum plurimis liquoribus tum acidis , tum alkalibus , variisque spiritibus sese admisceri salivam observavit *Clariss. Nuck* ; sive enim cum urina , cum sale absinthii liquato , liquore tartari , aqua forti , spiritu salis , spiritu nitri , oleo sulphuris , Spiritu urinæ , Cornu Cervi , sanguinis humani , sive horum aliquo admisceatur saliva , expertum novissè fatetur , post lenem luctam , se se omnibus , & singulis associare , & de colore parùm tantum mutare ; hinc multa
&

& varia experimenta chymica circa salivam à se facta refert citatus *Nuckius*, quæ curiosus lector videre poterit in *cap. 2. suæ Dialographiæ*: Solummodò verò ex dictis mihi liceat colligere, quod licet inter salivam, & nonnullos alios liquores, aliqua lucta observetur, atamen cum plurimis tamen exactè se miscet, idcirco concludendum, quod ori excepta, aut ventriculo tradita, cum esculentis, & potulentis jungi commodè possit, quibus inservit pro menstruo fermentativo, quam fermentandi virtutem in se continere, præter dicenda in *cap. 3. ubi de salivæ usu loquar*, experientia comprobatur; nam si panis frustulum optimè teratur, multæque salivæ admisceatur, deindè in massa farinæ competenti indatur, & hanc fermentare faciet, pari pacto, ac fermentaretur ab ordinario panis fermento; hinc *Kergerus tract. de Fermentat.*, salivam fermenti naturam habere colligit, eo quod pulmenta cochleari facta, quod ex hominis ore trahuntur facilè, ac brevi tempore funduntur, & fermentescunt, cujus fermentativæ virtutis causam, ex salina ejus natura deducit *Magnif. noster Præses D. Lucas Schroekius Dec. 2. Misc. A. N. C. An. 6. schol. ad observ. 62.* imò plures alimentorum antè assumptorum particulas salivam retinere docuit *Dan. Tauvry in Anatomia*, ideòque aptissimam esse ad dissolvenda alimenta, utpotè illis valdè homogenea quoniam particulæ hujus solventis, rei dissolvendæ particulis eò faciliùs adhærescere possunt, undè *Galenus* vires rebus masticatis præbere salivam scribit in *5. de comp. medic. sec. loc.* Hinc de natura pariter, hujus liquoris, an scilicet menstruum acidum sit? an sulphureum? saliva dubitant multi; quisquis autem consideraverit, salivalem humorem ex sanguine suam habere originem, cum mercurio misceri, naturam aquæ referre, & omnia dissolvere corpora, illum esse universale quoddam menstruum dicet, ab alimentis acidis, salis, sulphureis alkalium natura gaudentibus proveniens, undè postea omnia alimenta valeat dissolvere; Proindè figit mercurium instar menstrui acidi, dissolvit sulphura instar alkalium, inviscat in morem sulphuris, necnon dissolvit quoquè salia ad modum aquæ, atque ad instar spirituosi, & salino-volatilis corporis excitat

excitat fermentationem, undè *Clariff. Tawery in cap. 1. Anat. falivam* nominat *Alchæst Helmontii*, cùm solvens existat univerſale, quod omnes alimentorum ſpecies ſolvere poteſt, ac debet; hinc reſert *Tackius* Nobilem quendam in ſaliva quaſiſſimè materiam univerſalem, indeque liquorem rubicundum impetraſſe, ſed ad ſcopum ſuum nihil; nec me latet, alios aſſerere in ſaliva ſolummodò, acidum quoddam occultum eſſe, hoc rationibus ſequentibus probando. I. Quia mercurium figit. II. Addita farinæ fermentat. III. Corrodit vaſa cuprea, præſertim ſi ſit ſaliva ſcorbuto, & ſyphilide affectorum. VI. Candenti ferro admota relinquit maculam, quam ſimplex aqua non facit. V. Impetiginem ſanat illita. VI. Viſcoſa eſt, atque. VII. In veſtibus maculas tollit; verùm ut hiſce difficultatibus reſpondeam, conſiderabo. I. Corpora quædam quæ non ſunt acida, & mercurium figunt, ut Terebinthina, quæ ope ſuæ viſcoſitatis tantùm hoc facit. II. Dico, non eſſe opus, ut acidum ſit illud, quod farinam fermentat, ſufficit enim, ut ſit ſpirituolum, vel ut obſtruat poroſitates, per quas materia ſubtilis motum ante liberum obtinebat. III. Concedo in lue venerea, & ſcorbuto, illam acidam eſſe, imò corroſivam, ſed per hoc non inferitur eam talem eſſe in ſtatu ſuo naturali. IV. Nullus ait eam ſimplicem aquam eſſe, ſed ſalibus onuſtam, acidam ſolummodò ſimpliciter eſſe nego. V. Dico reperiri multa alkalia efficacia, & fortia, ut V. G. oleum tartari, &c. quæ impetiginem curant, quare neque ex hoc deducendum, ſalivam tantummodò eſſe acidam; ſed ob mixturam ſuam ſalino - ſulphureo aqueam, & conſequenter abſterſivam, talem virtutem habere ait *Wedelius in Phyſiolog. reform. cap. 9.* VI. Terebinthina licet etiam viſcoſa, tamen non eſt acida. VII. tandem, multa ſalia, quæ ſunt lixivialia, maculas à veſtibus tollere compertum eſt; undè concludendum ſalivam humanam menſtrum tantùm acidum non eſſe, verùm ſolvens quoddam microcoſmicum pro omnibus eſculentis; potulenta enim menſtrum ſuum jam penes ſe tenent, adeoque non indigent alieno, ſcilicet ſalivali, cujus energia præcipuè habetur a ſale, quod in ſaliva tenet imperium,

rium, & à particulis aëreis, quibus specifico modo ipsam condiri asserit præclarissimus *D. Aloysius à Fabra nunc in patrio Archi Lyceo Ferrariensi celeberrimo eruditissimus Lector ordinari. in Diopt. Phys. Med. de Nutrit. cap. 14.* quas particulas aëreas ipsæ salivæ tribuit quoque magnus ille Philosophus, & Mathematicus *Dominicus Gulielminus exercit. de sang. nat. pag. 102.* his verbis: *Saliva glutinoso liquore, multis salibus solutis præcipuè tartareis imprægnato, multoque aëre componitur.*

Quare autem magnus fiat salivæ proventus in ore ex solo cibi grati aspectu, vel etiam ejus audita descriptione, quærunt nonnulli curiosiores Physici, fierique hoc putat *Craanenius*, quatenus conspectus, & imaginatio cibi grati causât in nobis affectum animi; Verùm supposito, aliquos nervos ad salivales glandulas pervenire, ipsasque, ut docet *Stenonius*, motu posse gaudere, dicendum est tale phænomenon ad glandularum motum salivalium spectare, ex illa enim visione, aut descriptione grati edulii fit motus in spiritibus animalibus, undè major pariter motus in glandulis salivalibus habetur, ex quo motu copiosus salivæ proventus per proprios ductus in os extillat, hinc movere salivam aiunt *Seneca in Epist. 79.* & *Perfius in satyr. 6.*, super quem locum ita scribit eruditus *Casaubonus*: *quando anima movetur appetitu aliquid edendi propter partium sympathiam statim saliva in ore nascitur, tanquam supplente pro sua virili natura defectum rei optatæ, quod etiam in aliis affectibus simili ratione potest observari; præ libidinis etiam furore, & concubitûs desiderio, salivam in homine abundare, ac uberius effluere notavit Lubinus in Juvenal. satyr. 9. hinc Perfius cecinit,*

Nec gluto sorbere salivam mercurialem;

Libidinis ergo impatientiam exprimit talis salivæ copia, qualis erat in Pathicis illis, qui ut refert *Martialis* Draucos, vel benè a Natura instructos in balneis nudos videntes, oculis devorabant; Imò habet fames vehementior imprimis sibi frequens hoc, ut uberiore, ac tenuiore saliva os scateat, quod evenire putat *Clariss. Johan. Bobn. Circ. anat. pag. mibi 128. pro Jos. Lanzoni Opera Tom. I.*

T t t

gym.

gym. verò 8. a causa-famem intendente, quia fluiditas hæc salivalis emergere videtur aquosior ob nutritiarum molecularum depositionem, undè saliva uberiùs ad glandularum ejus colatoria permeat; & in os deponitur; Sic ubi aliquid grati olfactus copiosè in os suscitatur saliva, quia nervi paris vagi non tantum propagines ad ductus, & salivales glandulas demittunt, sed etiam aliquos ad nervos olfactorios, undè factò in hos influxu fortiore, augetur & ille in nervis paris vagi, quo ulterius fibrillarum contractione, ductus salivæ angustantur, & sic salivam ipsam ejiciunt, ità explicante *Præstantiss. Francisco Zypæo Fundam. Med. part. 2. cap. 3. artic. 12.* Vomitu verò instante abundat pariter salivalis humor in ore, quia ventriculus, cum glandulis maxillaribus participationem habet operamorum nervi sexti paris, continuando secundum suam tunicam interiorem, cum ea, quæ in faucibus, & palato existit, ac sic sympathicè contrahuntur, & liquorem suum eructant illæ glandulæ, eodem penè pacto, quo irritata Membrana, quæ reperitur in œsophagi principio vomitus succedit; Cur autem glans plumbeus, sive cerasi nucleus in ore detentus, ac rotatus sitim sedet, facîle colligitur ex linguæ motu, quia linguam movendo, ductus angustantur salivales, & ita latex salivalis exprimitur, undè copiosus emannans sitim arcet.

Hæc verò de natura, & causis salivæ usque adhuc dicta sint satis; nunc ejus vasa lustremus.

C A P U T II.

De Ductibus Salivalibus, & de secretionem Salivæ.

NON omnia apud priores meliora esse inquit *Tacitus lib. 3. Annal.* sed nostra quoque ætas multa laudis, & artium imitanda polteris tulit

Laudamus veteres, sed nostris utimur annis.

Sapien-

Sapientiam sibi ipsis adimere scribit *Lactantius lib. 2. divin. instit. cap. 8.* qui sine ullo judicio majorum probant inventa, & ab aliis pecudum more ducuntur, nec quia nos illi temporibus antecesserunt; sapientia quoque pariter antecessere; veterum enim opiniones parum exactas, ac rudes esse ait *Seneca*, undè optimè Poeta cecinit

*Vilia sunt nobis, quaecunque prioribus annis
Vidimus, & sordet quidquid spectavimus olim.*

Fatendum quidem reor in majorum nostrorum scriptis non contemnenda extare fundamenta artis nostræ, verùm omnia veteres scivisse, & quaecumque præcipuè in Anatome observasse, nihilque nobis perpendendum restare nequeo concedere; multa enim adhuc restant in Microcosmo, semperque restabant videnda, quæ tamen à nostris erunt speranda Nepotibus; quamvis enim plurima, qui ante nos fuere, ingeniosi, ac curiosi Naturæ scrutatores, ut *Hippocrates, Democritus, Aristoteles, Galenus*, & alii plures, egerint, non tamen, ut ait Romanæ Scholæ Princeps, omnia peregerunt, multumque ex veritatis inquisitione etiam futuris relictum est, quod sedula investigatione è Naturæ abyssu protrahi potest in lucem, undè *Hippocrates* ipse hanc veritatem confirmans exclamavit, scribendo ad *Democritum*; *Ego ad medicinæ finem non perveni etiamsi jam senex sim*, & *GALENUS 14. Meth. cap. 17.* *Plurima bodie inveniuntur, quæ apud majores nostros non fuere inventa*: Eandem esse Philosophorum, ac Anatomicorum rationem in peragratione microcosmi inquit optimè *Celeberrimi Mangetus, & Clericus in Præfat. Bibl. Anat.*, quæ Geographorum, & Viatorum in itineribus terrarum orbis lustrandi causa susceptis; novas terras per intenta olim maria postrema aperuerunt sæcula, & quantæ adhuc supersunt ignotæ terræ? Multa viderunt recentiores in humano corpore ignota veteribus, at quam multa relictæ sunt posterorum industriæ, quæ nos adhuc fugiunt! In Patria cerrè adhuc Hospites sumus; At quemadmodum verè vaticinatus est, qui temporibus Neronis dixerat

Venient Annis

*Secula feru , quibus Oceanus
Vincula rerum laxet , & ingens
Pateat Tellus , Tiphysque novos.
Detegat orbes , nec sit terris
Ultima Thule.*

Ita sperandum est : In præsentiarum autem mihi sufficiat de novis ductibus salivalibus , & de secretionem salivæ secundum modernorum inventa differere ; quamobrem variè disputarunt Anatomici de origine salivalis humoris ora rigantis ; Multi enim salivam à cerebro per occultas vias provenire dixerunt , alii à nervis , & succum esse nerveum putarunt ; à rorifero quodam succo per lymphatica vasa eo destinata oriri salivam credidè nonnulli : aliqui per chylicos ductus advenire voluerunt ; non pauci demùm illam à sanguine per proprias glandulas separari , & per proprios ductus in oris cavitatem demandari docuere : Ast qui per occultas vias salivam provenire contendunt , anatomes imperitos , se manifestè declarant , cum hæc vasa , non occulta , sed aperta in ore consistant ; quæ fuere quoque adnotata ab eruditiss. Cælio Rhodigino lib. 3. antiq. lect. cap. 30. sub his verbis ; *in linguae radice duo sunt orificia , quæ salivæ fontes dicuntur* ; neque à nervis prodire dicendum est , cum nemo , quod sciam , adhuc succum nerveum aspexerit ; sed quoque nervo talis non effluat liquor , quemadmodum experitus est oculatiss. Graaf. de succ. pancr. cap. 2. neque in nervis sint idoneæ cavitates ob transitum salivæ , cum sanè hæc constet è particulis crassioribus , quam ut per angustissimos nervorum porulos pergat , per quos tantummodò spiritus animalis non verò saliva transire potest ; imò addit Clar. Diemerbroeck Anat. lib. 3. minimum etiam liquorem visibilem in poros nervorum incidentem paralyfim inducere ; quare nequeo me subscribere opinioni Celeber. Malpighii cap. 3. de Cereb. cortic. , scribentis hæc verba ; *inter vasorum genus reponendas esse nerveas fibræ , vulgatum illud indicare videtur his scilicet sectis copiosum quandam succum , ovi albumen referentem igneque concrecibilem emanare* ,

nare, ut in secto brachii nervo observavi; hanc enim *Malpighii* sententiam, & experimentum *Graafii*, & aliorum, necnon rationes superius dictæ jam satis evertunt; succus autem ille observatus à *Malpighio* in nervo brachii secto nutritivus succus non fuit, sed aqua, ut dicunt glarealis, vel articularis, qui est humor circa articulos, ad eorum humectationem, & lubricitatem subsistere solitus; de quo plura apud *Liemerbroeck. Anat. lib. 3. cap. 11.*, optimè igitur in hac re eruditiss. *Sbaragli*, ait succum nerveum in mente hominum esse, sed non in natura; Nec magis autem saliva à lymphaticis vasis expectari posse asserit *Nuckius*, cum hæc vasa à partibus lympham cor- versus vehant, non verò e contrà; valvulæ enim in his ubique obstant, præter quàm quod ligaturæ contrarium satis manifestè demonstrant; neque à chyloferis ductibus deduci potest salivæ aqua, quia chylofera vascula eo usque non excurrunt, & quia chylus, si eò deferretur ad majorem perfectionem deberet excoqui, sicut fit in mesenterii glandulis, non verò in alium minus alimentarem, & solummodò fermentaceum salivalem humorem ibi immutari deberet; igitur à sanguine arterioso provenire est fatendum; omnes enim liquores in humano corpore, exceptis quibusdam stercoribus, ab illo proveniunt: Verùm antequam vasa salivalia describam, ac modum salivæ secretionis exponam opere pretium existimo, hîc p. imò respondere *Eruditiss. D. Theodoro Janssonio ab Almeloveen* in suo libro cui titulus *Inventa novantiqua*, qui

Laudat præteritos, præsentis despicit annos,

ut loquar verbis *Corn. Galli eleg. 1.* laudi, & gloriæ Novatorum invidens, ut verbis utar *Illustriss. D. Ant. Mar. Salvini in eruditiss. sua 2. Acad. lect.*, & nimis fortassè indulgens Veterum auctoritatibus, vel potius felicitatem, ac ingenii sui acumen ostentans, omnia penè inventa neotericorum, ut & vasa salivalia, antiqua esse documenta contendit; *Hippocratemque, Galenum, Avicennam*, aliosque veteris Medicinæ Proceres, omnia scivisse, recentioresque Physicos, Anatomicos, ac Medicos ab

T t t 3

illis

illis mutatis verbis inventa sua mutuari ; cui autòri adhæret
 Famatiss. Jo. Hieron. Sbaragli Bononiensis Medicus exercit. phys.
 anat. pag. 92. scribendo ; vasorum salivalium notitiam vetustissi-
 mam esse ; sicut & multarum allarum rerum , quæ pro novis impo-
 nuntur , quamvis sæculis elapsis fuerint à viris præclarissimis
 cognite , & publici juris factæ , & solum ab illis , qui ultimos
 libros , ultimosque Authores legunt , & adorant ignoratæ ; quod pe-
 jus est calumniis , & contumeliis illos à quibus acceperunt grã-
 tis prosequuntur ; De salivalibus ergo vasibus sic ait citatus
 JANSONIUS ; „Adest Galenus de usu part. lib. 9. cap. 3.
 „ loquens per palati foramina , & paulò ulteriùs in palatum cœu in
 „ os foraminibus desinentibus ; & lib. 11. cap. 1. continens jam in
 „ se se meatuum cerebrum purgantium foramina ; sic iterum Gale-
 „ nus quid igitur natura non ut palati os , ita , & capitis tenuibus
 „ foraminibus , quasi cavernulis quibusdam pertudit ; quæ si justè
 „ perpendantur verba , hisce Galenum illa foramina descripsisse
 „ mihi facile persuasero , & ut absolvam ita Oribasius ad hoc
 „ vinculum utrimque ex obliquis partibus ora vasorum , quæ sali-
 „ vam excipientia dicuntur , invenies , in quæ descendere stylus pos-
 „ set nobis hæc abundè satisfaciunt , tribuat jam quicumque vo-
 „ luerit diligentiss. Warthono horum ductuum inventionem ,
 „ quod ad me , ego Galenum , Oribasium illos vidisse lubens ag-
 „ noscam ; Hæc , & alia plura habet clariss. Janssonius loc cit.
 ut credere faciat vasorum salivalium inventionem antiquam
 fuisse ; Quibus tamen omnibus ritè , & rectè examinatis , luce
 meridiana clarius pateſcet , aut circà structuram , aut situm An-
 tiquos graviter erravisse ; nam licet dixerint , duo ostia sub
 lingua conspici , attamen nimis latè hoc sumptum est , per hoc
 enim non ostenditur præcisus ostiorum locus , idemque est ,
 ac si aliquis diceret , in duodeno est ostium pancreatici duc-
 tus , quis mortalium sciendi cupidus per hoc fidem conceder-
 et , tale ostium dari , nisi accurata demonstratione constaret
 ejusmodi ostium in duodeno inveniri ; imò addo , adsunt viæ
 breves , quæ à ventriculo tendunt recta ad vesicam , ut patet
 ex acicula deglutita , & per urinas emissâ sinè ulla noxa , quæ
 sanè per renes transire haud potest ; ergo per hoc inferitur ,
 quod

quod viæ istæ clarè sint demonstratæ, quod tamen sperandum ab oculatoribus Anatomicis; sanè quod non, alioquin quod est tantummodò conjectura diceretur inventum; Deindè salivam excipientia non sunt dicenda, quemadmodum facit *Oribasius*, quandoquidem experimentis certis sit manifestum, eadem ostia magnam salivæ vim eructare, ex quibus sanè constat in usu partium assignando maximè antiquos erravisse, nec Lector salivæ fontes

Ex ipsis veterum poterit cognoscere chartæ.

Quatuor igitur jure meritò sunt dicenda salivalium vasorum genera, a quatuor pariter recentioribus Anatomicis adinventata; Primus in hac re glaciem fregit *Clariss. Wartbonus*, qui in sua *Adenographia* cap. 21. primum salivæ ductum detexit è glandula maxillari interna immediatè proveniente, præsentè collega suo *celeber. Glissono*, qui ductus radices suas capillares in omnes glandulæ istius partes æqualiter spargit, & in aliquibus geminum ramum, in aliis plures ramulos emittit, anterior autem ramus mox ab egressu extrorsum fertur versùs glandulam quandam minorem sitam intra intimam maxillæ partem, & hanc glandulam majorem; estque diversi generis, cineritii coloris, substantiæ compactioris, minusque granulatæ, figuræ ovalis, quæ interno latere impressura lævi, & rotunda excavatur, è qua prodit vas peculiare, quod recta fertur, & in glandulam hanc maxillarem distribuitur (sunt verba præcisa clariss. Inventoris *Wartboni*) circà locum dictum; Posterior ramus spatio trium, vel quatuor digitorum è glandula egreditur priusquam cum anteriore caudice conjungitur; simul ac verò è glandulæ substantia prodiit, fertur sub musculo maxillari tereti, biventri, vel digastrico, qui eidem ramo, quasi trochleæ vicem præstat: Exindè reflectitur ferè ad glandulæ medium, ubi cum anteriori ramo descripto, & pluribus ramis eidem quasi sociis unitur, & indè canalis communis ex horum concursu aliquantò auctior redditur; hinc canalis dictus recta antè tendit, & à linguæ lateribus nimirum in inferio-

re

re ejus parte , cute , & pinguedine glandulosa tectus , ductu tredecim pollices longo provehitur , & inter gingivas in maxillæ extremitate , inter ipsam , & papillas quasdam compressas , & rigidas ei pertinaciter adhærentes in os aperitur , eidemque , quoties usus postulat humorem salivalem impertit . In Equo circa mediam linguæ longitudinem utrinque aliæ glandulæ conspicuæ in ductum salivalem sese exonerantes occurrunt ; & notat citatus *Wartbonus* hanc glandulam , prout variatur in junioribus , & senioribus Animalibus , diversam servare sibi metipsi proportionem , diversam , inquit , & quodammodo contrariam illi , quam thymus in iisdem animalium ætatibus obtinet ; nam quo junius est animal , eò minor hæc glandula , & major est thymus , & contrà , quò ætate grandius , nisi in extrema senectute eò major hæc glandula , & minor thymus .

Secundus aliorum vasorum salivæ inventor *Nicol. Stenonis* dicitur , eò quia præter dictos salivales *Wartboni* ductus adhuc alii duo utrinque unus Anno 1661. Mense Januario ut refert *Diemerbroeck* , à *Job. van Horne* in publico Leidensi anatomico Theatro demonstrati fuerunt , quos ille tunc appellavit ductus *Stenonios* à *Nicolao Stenone* Dano , qui illi primus eos demonstraverat ; in eorumque cognitionem casu inciderat , dum Amstelodami aliquandiù antè cum Hospite , & Præceptore suo *Gerado Blasio* , caput ovillum diligenter perlustraret , unde postmodum inter *Blasium* , ac *Stenonem* ortas esse lites ait in sua *Medic. defens. Eruditis. D. Ant. Franc. Bertini vir omni scientiarum genere instructus* , ac *Amicus meus semper colendus* , & primæ inventionis gloriolam editis libris sibi singulis vindicasse . Originem habent hæc vasa à maxima glandula ad radicem auris sita , quam *Stenonis* parotidem conglomeratam dicit , è qua diffecta multi ramuli conspiciuntur , & extra maxillam decurrunt ad centrum musculi buccinatoris , & sic terminant in oris cavitatem ; observavit autem citatus inventor in his ductibus præter propriam tunicam varios nerveos funiculos medium ductum amplexantes . •

Tertius vasorum salivalium adinventor extitit *Caspar Barabolinus*

tholinus, qui Anno 1682. ob'curam novi ductus viam manifestavit, dum glandulam protulit sublingualem ductu quodam peculiari ductui Warthonis adsito prodeuntem; ante autem illud tempus anno scilicet 1679. sub præsidio *Aug. Quirini Rivini Lipsiensis* quidam Doctor post Dissertationem medicam de Dyspepsia, nonnulla corollaria addit in quibus distinctissime de his vasis, eorumque origine, decursu, & orificiis loquutus est; quidquid autem de hac sit lite, videant ipsi, credere interim mihi liceat *Casp. Bartholinum Thomæ Filium*, utpotè experientissimum & diligentissimum Anatomicum ductum suum invenisse nihilo prorsus audito priùs de illa Dissertatione sub præsidio *Augusti Quirini Rivini* habita Lipsiæ Anno Christi 1679.

Sed neque tertius Arti Anatomicæ inventor salivarium vasorum sufficiebat; vel hic postea fuerit *Bartholinus*, aut ut alii dicunt *Rivinus*; Quartus enim occurrit *oculatiss.* nempe *Antonius Nuck*, qui alia duo vasa salivæ, utrinque intra orbitam cranii sita detexit è pluribus surculis in unum truncum coeuntia ad secundum dentem molarem à posterioribus numerando superioris maxillæ, descendencia, ibique orificiis, in suprema utrimque gingivæ parte conspicuis manifesta, cujus inventi occasionem narrat his verbis citatus Author. „Cum „antè tres circiter annos ductus salivales; tam superiores, „quam inferiores, ductus itidem lachrymales, & vas ex- „cretorium naribus proprium examini meo subjicerem, „tùm temporis in subjecto, quod præ manibus habebam canino, Stenonianos ductus examinandi causa potissimum intentus; ecce præter expectationem, aliud ostiolum, „non nisi ad distantiam duarum, vel trium linearum mathematicarum à Stenoniano dissitum, in altero se prodit latere, „stylum immissum non nisi in ipso principio admittens; incertus itaque viam ulteriorem variè exploro, modò sursùm, „modò deorsùm, mox iterum antrorsùm, & retrorsùm, tandem recta quasi linea obliquè sursùm tendere, stylumque „ad latitudinem pollicis admittere observavi: Rei novitatem tamen non admirabar, & Naturam, sit venia verbo, quæ „in variis ludere solet, ludentem confidero, minimè cogitans,

Jos. Lansonii Opera. Tom. I. V v v quod

& sine ea sâpores deficere scripsit *Zypæus Fund. med. part. 2. cap. 3. artic. 12.*, hancque operationem salivæ per dissolutionem salis alimentorum haberi vult *Clariffi Pomp. Saccus in System. med. cap. 8. sect. 1.* Quapropter linguam salivario rore debere maderè ait *Illustris. Lucas Tozzi in med. theur. cap. de gust.*, quo ciborum talia exfolvantur, & faciliùs in ejusdem papillas inserantur, ac sensum pariant suavem, vel insuavem prout linguæ adaptantur texturæ; hinc est quòd ipsè *Aristoteles lib. 2 de Anim.*, gustum esse tactus speciem sentit, & hoc idem innuit *Archigenes* apud *Galenum*, sâporem explicans nomine doloris; multum ergo contibuerè dicendum sensui gustus salivalem liquorem, imò tantæ ac talis esse necessitatis, ut pro varia ejus habitudine, affluxu, defectu, aut dispositione, quævis assumpta alimenta, modò insipida, modò sapida, modò peregrini sâporis appareant; modificatæ namque partes alimentorum à saliva juxta ordinem naturæ se habente, transeunt ad papillulas nerveas, quæ in lingua, & præsertim ejus apice, numerosiores sunt, & se se in illas subtilissimè immittendo, spiritus animales diversimodè excitant, & afficiunt. quâs nerveas linguæ papillas, seu fungulos, gustûs esse instrumentum docuit *Academ. Pisana Decus Laurentius Bellini Med., & Anatom. Clariff.*, atque *Dominus meus semper colendus*; in cap. 14. de organ. gustus, quem formaliter consistere, ait *Petrus Dionis in Anatom.*, in tremulis motibus, quos alimentorum salia excitant in spiritibus, dum nervos, in quibus continentur, feriunt; adeò ut salinæ particulæ ciborum, quæ salivâlis humoris ope linguam tangunt, eminentias papillares feriendo undulationes ibi excitant, quæ eodem momento, spiritus afficiunt in nervis contentos, qui easdem deferunt ad corpora striata, cum quibus continuitatem habent; hæc verò eas animæ repræsentant, quales exceperunt, atque ita gustus tantummodò est tactus corporum papillarium, quæ constant ex extremitatibus nervorum linguæ, excipientium impressiones à corporibus sâpidis, quæ propriè sunt alimentorum salia, à quibus eminentiæ illæ nerveæ afficiuntur; hinc *Clariff. Malpighius d. ling.* ait, fusâ illa salia, salivæ commixta proprio se immitti pondere in papillas, vel ope aëris premensis;

delatus, vel à partium ambientium pressione, vel à subsequen-
tis sanguinis protrusione ulteriùs impellitur, donec perveniat
ad angustissimos glandularum canales, ubi poruli adsunt diversæ
figuræ, quorum aliqui, unius generis particulas, alii alterius
generis sunt apti suscipere, undè salivalis liquor porulos duc-
tum salivalium ingreditur, lymphaticus autem ductus lymphaticos
subit; reliqua verò massa, cujus particulae ejusmodi condi-
tionis non tenent, per patentiores vias, venas scilicet trans-
mittitur, non tamen quod sit putandum, salivam, & lympham
omnem tunc à sanguine separari, nam mediante rapido sangui-
nis mòtu, multum lymphatici, & salivalis humoris cruori re-
manere permixtum, & cum reliquo sanguine cor versùs per
venas tendere, ut sic iterum circulando, nova salivæ materia
glandulis possit communicari, dicendum est; Quod ut clarè pateat
exhibet nobis experimentum apertissimum *Celebria Nuck*; ait
enim, hoc ex eo constare, quod venarum glandulis salivali-
bus contiguarum ligatura, nobis copiosiore affert salivæ secre-
tionem, sanguis enim tunc circulo impedito à sanguine retr. fluen-
te, plures, ac ferè omnes tali modo figuratas particulas deponit,
in salivales ductus mittendas; Requiritur ergò legitima partium
pororum, & particularum proportio ut salivæ separatio pro-
cedat; sanguis enim cùm constet, ex corpusculis quantis, &
figuratis, quæ per proportionata tantum foramina possunt tran-
sire, non autem per illa, quæ diversa gaudent configuratio-
ne, hoc illudve fluidum in cruore contentum, vel excipie-
tur, vel excludetur, juxtà diversam figuram recipientis poro-
sitatis, & ingredientis particulae; quod etiam docuit Clariss.
Jo. Bapt. Scaramuccius in Theor. 16. idque manifestè jam constat
ex observatione sudoris, per cutis enim foramina, seu porosi-
tates sudorem tantummodò, non reliquas sanguinis partes, e-
manare conspicimus, sic pariter in hepate separatur bilis, in
renibus serum. &c.

Antequam verò caput hoc de salivæ ductibus, & secre-
tione claudam, nonnulla quæsitæ solvenda restant, *primò* ni-
mirum, cur noctu talis secretio minor fiat? cùm tamen cir-
culatio sanguinis procedat, ac diù, *secundò*, quo tempore sa-
livæ

livæ secretio copiosior fiat? *tertiò*, quantam salivæ quantitatem homo uno die secernat? *ultimò* autem, quare saliva, cum ex particulis salinis constet, salivalem, non impediat secretionem? Ast ut ab ultimo hoc exordiar dubio, nimirum, cum saliva modicam salis quantitatem in se contineat, quare isti sales suis non hærent aciculis, & obstructionem non efficiant, & sic impediant salivalem secretionem? cui pro me responderit *Nuckius* dicendo, materiam salinam optimè suo liquori misceri, eodem modo quo videmus per carniū poros æquali facilitate aquam inspidam, & salsam penetrare, cum tamen aliæ iuncturæ non penetrent; Ad tertium verò, nimirum ad petitam quantitatem diurnam in humano corpore salivæ humoris, dico in viro adultæ ætatis, in statu naturali duodecim horarum spatio uncias decem, aut libram unam integram salivæ secerni, cujus tamen salivæ humoris pars expuitur, & alia pars deglutiendo, ventriculo traditur, atque cum cibis miscetur, ut suo loco videbimus; Ad secundum autem dubium, scilicet quo tempore major secretio salivæ fiat? notandum est secretionem talem copiosè fieri, cum homo cibum sumit, post cibum assumptum verò in minori copia; nocte quidem omninò non cessat salivæ proventus, licet minor evadat, pro raro tamen observavi aliquandò tantam, ac talem de nocte factam salivæ secretionem, ut dormienti molestiam ferret, ita quod fuerit necesse, ut subitaneo modo expergestus suffocationi proximus exceptam ore salivam expueret; Ad primum denique propositum quæsitum, nempe, cur nocte naturaliter salivæ secretio sit minor? hoc à variis dependere causis assero; cruoris enim motus tunc minor sit, ac tardior, & consequenter secretio sit minor; in super cessante oris partium motu, salivæ exitus retardatur, & cum animi motus, ut plurimum tum temporis cessent, ita & latex salivæ moram concipit: hæc verò de ductibus salivalibus, ac de salivæ ipsius secretionem usque adhuc, quantumvis ruditer dicta sufficiant.

„ quod in opposito latere simile conspiciendum foret ostiolum;
 „ in quod uti in priori, ubi stylum immitto, ad eandem etiam
 „ distantiam subsistit stylus; interim occupationes aliæ aliò me vo-
 „ cabant; quapropter in inquisitione horum; tum temporis
 „ ulterius non insudavi, verum in proximè subsequenti subjec-
 „ to canino, attentiore mente illa examini subijcienda æquum
 „ duxi; in cane itaque majori, primo statim intuitu, ductus
 „ hujus osculum in uno, & altero latere se prodit, haud absi-
 „ mili modo; ut in priori subjecto: stylum tamen paulò altius,
 „ quàm quidem in priori, canis enim erat major, admittebat;
 „ postmodum in aliis subjectis caninis horum osculorum duc-
 „ tumque inventio adeò facilis fuit, ut primo statim intuitu
 „ illa apparuerint; idèoque necessum non habeo plurimis sub-
 „ jectis illud confirmare, nec etiam opus fuisse putabam, ocu-
 „ latos adduxisse testes, cum ipsa autopsia, cuique curioso ma-
 „ nifestum esse possit; nec etiam primo inventionis tempore
 „ aliis communicavi, quòd, uti sæpius jam vidimus, aliorum
 „ plumis superbire plurimi soleant. Præter autem quatuor hæc
 „ vasorum salivæ genera, nimirum præter duo interiora *War-
 „ thoni*, quæ à *Pet. Dionis* inferiora vocantur, & duo exteriora
 „ majora *Stenonis* quæ à *cit. Dionis* superiora dicuntur, atque
 „ duo alia juxtà *Warthoniana* sub lingua aperta, & observata à
 „ *Bartolinò*, ac *Rivino*, ut diximus, necnon alia duo ultimo lo-
 „ co detecta à *Nuckio*, innumera minima reperiuntur in toto pa-
 „ lato, faucibus &c. in quibus partibus innumera pariter sunt
 „ glandulæ salivales, quæ vascula per compressionem facillimo
 „ demonstrantur negotio; dum sic scilicet per ea omnia, inquit
 „ præclarissimus, & nunquam satis laudatus *D. Job. Jacob. Man-
 „ getus* in *Append. ad oper. Paul. Barbetæ*, liquoris salivalis in glan-
 „ dulis subiectis; undè producuntur, contenti, & expressi gut-
 „ tulæ emanantes conspiciuntur, undè glandulas omnes, quæ o-
 „ ris cavitati salivam subministrant, ejusdem generis vasa excre-
 „ toria in os emittere docuit *Blancardus*, quam tamen humoris
 „ expressionem in os fieri per poros membranæ investientis oris
 „ internas partes existimant alii. Quomodo autem salivalis iste
 „ liquor secernatur, nunc videndum restat, quia de re plures à
 „ pluribus

pluribus Authoribus habentur sententiæ ; antequam verò magis receptas opiniones de secretionē salivæ exponam , cogitatum circa salivalem generationem *Michaëlis Doringii* , *Sennerto* communicatum , Lectori hic priùs exhibere non incongruum puto , utpotè quia curiosum inventum esse mihi videtur ; coctionem igitur , ait ille , non quæ fit in ventriculo saltem , sed in omnibus corporis partibus elixationi respondere arbitror ; elixationem verò destillationi , quæ per cucurbitam fit , similem esse reor , & ut in hacce sub cucurbita resolutæ rerum destillandarum partes subtiliores vaporum forma in impositum alembicum feruntur , in eoque in fluidam substantiam coagulantur ; ità in elixatione ; tam quæ arte in culinis fit , quam quæ à natura in animalium corporibus perficitur , idem quodammodò spectare fas est : Etenim in arte quidem coquinaria olla cucurbitam , operculum , alembicum ? in animantibus verò ventriculus , pulmones , & reliquæ substratæ partes cucurbitam , caput alembicum perbellè repræsentant ; Quando igitur ventriculus ciborum concoctioni incumbit , eosque connata sua proprietate resolvit , ac in chylum convertit , evaporationes multas oriri , atque id , quod volatilius in eis existit , salisque volatilis subdulcis naturam participat , ipsis permisceri , hæcque invicem , vel in oris cavitate , vel cerebro ipso crescere , ac humoris specie in faucibus cumulari , à vero non est alienum . Verùm enim verò relicta hac inaudita *Doringii* de saliva opinione , aliorum sententias de ejusdem secretionē videamus . Nonnulli à facultate quadam salivatrice , vel à proprio glandularum salivalium temperamento hoc opus fieri in ore statuunt ; Alii mediante quodam fermento hoc peragi putant , quod fermentum à succo nerveo deducunt , eò quod nervos plures glandulis illis se inferentes aspexerint ; Multique à varia particularum , & porositarum proportionē hanc operationem deducunt ; Ego verò circa salivæ secretionem sentio , hanc salivares glandulas filtrare , & à sanguine separare ; quemadmodum enim partes diversis à se invicem gaudent poris , ità quoque diversi generis liquores filtrant ; hinc sanguis arteriosus , ex variæ figure particulis constans , in salivales glandulas dela-

dicis praxim exercentibus observatur; hinc rectè salivam extinguere sitim scripsit nuper in sua erudita lectione *Physiocratica de salivali hominis liquore Excellentiss. D. Joseph Rocchi Florentinus Doctor egregius*; quæ lectio impressa videtur in tom. 4. part. 6. lib. edit. Venetiis apud Albizzi, cui titulus est *Galeria di Minerva*.

Quartò, oris interiora, fauces, loquelæ organa, & œsophagum lubricat, & ita sermonem vocemque faciliat, & licet commune assertum sit, humidiora minus sonare, adeoque ionum habitare in sicco, hinc & glottis moderata, & proportionata siccitate gaudens magis sonat, quam causâ tussis, & ræcedinis vitiosa lymphæ obsessa; unde in blæsitæ humidum vitiosè excedens non sine causa accusat Vedelius: Nihilominus tamen in humano corpore ita comparatum est, ut humido convenienti vocis instrumenta egere sit opus, maximè quia ad linguæ volubilitatem, & assiduum motum in sermocinando tam necessarium; salivæ humiditas requiritur, quibus enim arent fauces *Vox faucibus heret*, nec illi sine maxima difficultate loqui possunt; hinc cantores sæpè os sibi abluunt emulsionibus, aliisque liquoribus, imò etiam aqua, vel vino simplici, ut vocem edant clariorem; Egoque sacrum Oratorem novi, qui sermonem cum animi fervore vix pergere poterat, nisi paulisper biberet; Advertendum tamen cum *Blasio com. ad Vestling. cap. 11* si nimium abundet viscosus, pinguis, ac tenax humor super organa vocis, planè mutos fieri, & repentinè voce privari, quæ rursus redit absumpta hac humiditate, quod fieri potuit in Filio Croci muto de quò *Herodotus*, & in *Ægle famio Athleta muto*, qui narrante *Valerio Maximo lib. 1.* indignatione accensus vocalis evasit, cum ei victoriæ, quam adeptus erat, titulus, & præmium eriperetur.

Quintò demùm in Ventriculo alimentorum assumptorum fermentationem promovet; imò primarium eorum fermentum existit, ut innui quoque in primo capite, ubi de natura salivæ sermonem habui, quamobrem optimè asserit *Doctissimus Vir magni Parentis non minor filius Franciscus Maria Nigrifolius Medicus noster Ferrariensis præstantiss. in not. & obs. ad Jo. Corn Weber*
Jos. Lanzoni Opera. Tom. I. X x x liq.

liq. *styp.*, masticatione preparari cibos ad meliorem in ventriculo coctionem, cum enim hæc sit fermentatio, nec ista ritè fieri possit, nisi fermentanda sint benè priùs comminuta, & humido salivali permixta, sic necessarius erit salivæ proventus in alimenta, adeoque optimus ejus usus; Chylificationis autem in ore ponit exordium humor hic, salivæ, multumque illi, prodesse docuit *Medicorum maximus Ludovicus Testi Amicus meus singularis in Def. Aer. Venet. prop. 1. cap. 2.*, cum participet de natura fermenti quod in ventriculo reperitur; habet enim particulas quasdam salino-volatiles, quæ faciliter chylum efficiunt; ideoque bolus panis masticati soli expositus chylefcit nōtante *Zyæo*, & reliquæ ciborum in dentium intercapedinibus remanent per salivam chylificantur advertente *Sapientiss. Luc. Tozzi Amico meo semp. recolendo Comment. Aphorism. Hippocr. lib. 2. Aphor. 11.* quod etiam cognovisse *Avicennam* colligitur ex *lib. 1. sen. 1. doct. 4. cap. 2.* Hinc duo fermenta ad chylificationem requiri dixit egregie *Vedelius*, extraneum nempe, & ventriculi domesticum: extraneum est, quod extrà ventriculum, ad eum defertur, ut saliva; domesticum verò est succus à glandulis in ipso ventriculo positis preparatus, quæ duo fermenta similia sunt, eandemque habent essentiam, & qualitatem, quia eadem à sanguine arterioso origo est, glandulæ tam unum, quam alterum secernunt, & finis utriusque est idem; imò addit citatus *Vedelius in Physiolog. reform.* talem esse acorem in fermento ventriculi, qualis est in saliva, lenem enim existere, & insipidum ait, ad sensum, acido-salinum verò in recessu; nam si acidum esset explicite potius præcipitaret nec quadraret concoctionis, & chylificationis negotio; licet verò in longa abstinentia, aliquando liquor hic fermentaceus Ventriculi ascendat per œsophagum in oris cavum, ibique à gustus sensu judicetur acidus, per hoc tamen dici non debet, illum sua propria natura acidum esse; adsunt enim glandulæ plurimæ miliares in Ventriculo, non alio fine fabricatæ à Natura, nisi ad secretionem liquidi ciborum fermentatoris quæ glandulæ in longa abstinentia, & jejunio, corrugatis plicis Ventriculi, minus liquoris secernunt, & consequenter liquidum fermentativum jam secretum, & in cavo ventriculi otiosè habitans

bitans aciditatem contrahit ad acrimoniam majorem inclinando, sicque pungendo, & irritando fibras Ventriculi, ad appetendum magis occasionem largitur, & famem excitat; quamobrem ex salino sulphureis particulis, tam salivæ, quam succi Ventriculo proprii, fermentationem ciborum fieri judicamus; cum prima emotio sit à sulphure, sed primaria acrimonia à sale, sulphur enim dissolvit salem, eumque ad fusionem deducit; hic solutus, & attenuatus acrimonia sua omnes alimentorum particulas corrodit, pervadit, atque dissolvit, quæ operatio fermentatio dicitur, sine qua homo vivere nequit, & qua debili, ac vitiata homo miserè vivit; undè optimè docet *Diemerbroeck Anatom. lib. 1. cap. 17.* chylificantem operationem adjuvari à saliva, quæ desuper ab ore fluit in ventriculum; quo circa *Job. ait, ut glutiam salivam meam*, illam enim fermentacea donari virtute demonstravi in cap. 1. Dixi superius, salivam in Ventriculo promovere ciborum fermentationem, & licet per consuetudinem; multum salivæ ab ore sputi nomine projiciamus, attamen plus alimentis commixtum, vel sine his ad ventriculum homine haud cogitante traditur; sic, & bruta cum nihil expundo rejiciant, omnem salivam deglutire videntur; observandum tamen, ad hoc, ut talem edat operationem, salivam; nec nimis crassam esse debere, nec nimis aquosam, tunc enim, nec alimenta macerare valet, nec eorum fermentationem procurare, eò quod ejus spiritus, & salia, vel implicentur liquori nimium crasso, vel obruantur nimia phlegmatis affluentia: De hac vero salivæ necessitate, ac ciborum in ventriculo fermentatione, plura cupienti dabit *illustris ille Romanæ Sapientiæ Anatomicus Alexander Pascoli Perusinus Amicus meus semper colendus in sua Anatom. par. 1. lib. 2. cap. 10.* imò talis necessitatis ad chylificationem peragendam esse salivam volunt aliqui, ut salivalem oris solum humorem agnoscant pro fermento ventriculi; Hactenus verò dicta de usibus salivæ sint satis.

CAPUT IV.

De Salivæ proprietatibus , ac virtutibus.

USIBUS, ac necessitate salivæ in corporis humani œconomia pro viribus delibatis in capite antecedenti, nunc petit ordo propositus, ut nonnulla colligam in præsentī capite circa salivæ humanæ virtutes medicas, atque proprietates, quibus scilicet scatens salivalis humor, modò aliquas morbosas tollit affectiones, modò ad varios à variis adhibetur usus, ut sic Medicorum non tantum, & Anatomicorum, sed Curiosorum quoque obtemperem genio, salivam enim humanam ad plures ægitudines remedium esse ait *Calcagninus* noster quantum commendatus à *Gyrardo*, tantum fœdatus à *Jovio*.

Hominis itaque saliva contrà serpentes eorumque morsus valet, si *Pierio Valeriano*, & *P. Zaccbie* credamus; hinc *Aristoteles de hist. Animal.* ait *adversatur plurimis eorum hominis saliva*, plurimis verò inquit, non quia verum non sit in cunctis, sed quia nondum de omnibus constaret, ut notat *Vossius de Idolatr. gentil. lib. 4.* Utcumque hoc est saltem omnibus hoc præsidii datum *Plin. lib. 7.* & tamen omnibus contrà serpentes inest venenum, feruntque i&u salivæ, ut ferventis aquæ fugere contactu; hanc salivæ vim agnoscit quoque *Galenus*, & *Scaliger*, quam tamen negare videtur *Severinus de viper. cap. 15.* Ast imprimis intelligenda illa hominis jejuni, quæ si in serpentem ceciderit fugere jam dixi, velut ad contactum aquæ ferventis; quod si in ric-tum ejus incidat etiam mori ab *Opbilio* traditum est, indeque *Plinio hist. lib. 28. cap. 4.* ac similiter in *lib. 4. Poëta Physicus* cecinit

*Est utique, ut serpens hominis qua tacta salivis
L'isperis, ac se mandendo conficit ipsa.*

Etiam morsus à Serpente, si confestim salivam illeveris vul-neri, cohibebis venenum, ne ultrà se diffundet, hinc egregius ille Bellorum civilium descriptor *Lucanus in lib. 9. ait*

Nam

*Nam primum tacta designat membra saliva
Quæ cobibet virus, retinetque in vulnere pestem.*

hoc remedio soliti etiam fuerunt uti *Opbiogenes in Helleſponto* circa *Parium*, de quibus *Varro*, *Plinio* teste; scripsit, suo etiam tempore fuisse istos paucos eorum, quorum saliva contra ictus serpentum medeantur, ac colligo inde, salivâ prius imbuere manus solitos fuisse, quandò ut ibidem ex *Cratete Pergameno* refertur, serpentum ictus contactu levare solent, & manu imposita venena extrahere corpori. Admiratur autem *Jo. Bapt. Sitonius Miscel. tract. 20.* hanc vim humanæ salivæ contra serpentes, aitque, hoc fieri ob dissimilitudinem formalem, & specificam, qualis, & quanta est inter unum, & alia. Perscrutantes verò alii Philosophi causam, dixerunt, hoc fieri ob magnam inter utrumque animal contrarietatem (sunt verba *Pierii Valeriani lib. 14. hieroglyph.*) serpens siquidem frigida, & sicca est temperaturæ, homo autem, tem calidæ, & humidæ, hinc alterum alterius, visu, tactu, que exhorrescere, humanoque sputo tactum anguem aequè fugere, ac si ferventem in aquam incidisset, id si penetrarit, in fauces extingui; quod verò aiunt pollere ad hoc jejuniis hominis salivam, sciendum, & ab jejunio quoque morsum esse pestilentem; hinc fortis operationis esse illam salivam, quæ est famelici, & jejuni scribit *Grebnerus in Med. vet. rest. cap. 4.*, imò ipse addit, se abique incantatione à sola hominis saliva occisum vidisse scorpionem, idque celeriter à saliva esurientis, ac sitientis, tardè autem ab ea illorum, qui cibo, potuque fuerant impleti, quod idem legitur apud *Galenum*, & *Aldrovandum de insect. lib. 5.*, insuper cujusque viri salivam, viperæ, scorpionis, ac venenatis omnibus exitialem esse non tacuit in *Theriac. Nicander*, cum quò sentiunt *Plinius, Leu. Lemnius, & Casp. à Ries in camp. Elys. jucund. quæst. n. 24.* Hinc Venatores Serpentum, eos captos, isticò saliva perfundi scribit *Aldrovandus de insect. lib. 1.*; cujus contactu vilesce, & violentiam veneni deponere creduntur, de hac autem re audiendus *Marc. Aurel. Severinus de Vipera*, scribens sequutus *Ælianum*, quod si viperæ collum summa cautione contineas, in osque

Xxx 3.

illius

illius diductum expuas, sputum in ejus ventrem delatum tantæ ei perniciæ est, ut inde vipera contabescat; Alia per *Matthiolum* est observatio, quam lib. 6. notavit, viperas, capite per venatorem saliva perfuso, nec manibus contactas adhuc non parum vilesce, ac veneni feritatem perdere; Privilegium autem hoc antipharmacæ salivæ tribuerunt multi Pysyllis, aut his, qui carnes viperinas esitaverint, nihilominus tamen, omnes uno ore prædicarunt prerogativam hanc hominibus fuisse à D. O. M. inditam, non Marforum, & Pysyllorum privatam; & sicut serpentes conterit humana saliva, sic, & ipsorum venena pariter fugat, ut monet *Cardanus lib. 2. de Venen.*, cui adstipulantur *Franc. Valesius in Sacr. Philosophia*, *Ferd. Ponzetus lib. 1. de Venen.*, & *Petr. Job. Faber Myroth, lib. 1.*: At de salivæ vi contra serpentes jam satis.

De *Vespasiano* narrat *Suetonius*, eum quendam è plebe lumine orbatum propria saliva applicita, luci restituisse, cujus rei fides sit penes citatum *Suetonium*, ac *Tacitum*; quod ad me firmissimè autem credo Jesum Christum, Redemptorem nostrum, non tantum Mutum, tangendo linguam, & aures salivæ suæ, de quò *D. Marcus cap. 7.* sed cæcæ, cujus meminit *D. Joannes cap. 9.*, oculorum foveas tangendo luto confecto ex pulvere, & suæ propria saliva, in integrum sanitati miraculosè restituisse.

Nutrices puellorum lichenas saliva curant, parùm nempe ea digitum rigantes, ac inde cutem affectam confricantes, idquè faciunt subindè, tanto scilicet intervallo, dum salivæ vires in lichene perdurent, & nondum sint extinctæ, ipsamque salivam ob suam subtilem, & attenuantem naturam tumores discutere ait *Cornelius Hogbelande*. Triticum mandentes Rustici aliqui, illud trituratium, ac saliva permixtum ex ore trahunt, atque surunculis imponunt, celeriter eos digerendo, ac concoquendo, ut advertit *David. Grebnerus loc. sup. cit.* Salivam contra cancrum mammarum utilem, esse docet *Paul. Ammannus med. critic. cap. 37.*, illamque vi cosmetica pollere tradidi ego in mea *Zoologia part. 1. cap. 23.*, & in ulceribus prodesse scribit *Jo. Schröderus*.

Jeju.

Jejuni, ac sani hominis salivam illitam herpetem curare ait incomparabilis *D. Lucas Schröeckius addit. ad Helwig. obser. 38.*, hocque facere scribit: per hoc, quod *Tachenius in Hippocr. chim.* latens in ea agnoscat alcali, acido istius morbi contrarium, quod ipsius vim pungentem infringit, atque absorbet, unde legitur apud *Lev. Lemmian de occult. nat. mir.* salivam jejuni hominis, mentagram, impetiginem, Variolas, serpiginem, omnisque generis pustulas abstergere, & si cui parti corporis virulentæ bestiolæ insederint, crabrones, Scarabei, bu-fones, araneæ, tum aliæ, quæ suo contactu, tumores dolorificos, atque inflammatorios inferunt, illius salivalis liquoris confricatione, omnes illæ prævæ affectiones discutiuntur, quod idem *Ant. Mizaldus* confirmat. In oculorum morbis valere aiunt *Vedelius in Miscel. A. N. C. dec. 2. ann. 6.*, & *Henric. Salmuth comm. in Pancirol rer. deperd.* & tubercula ex tuberantium hæmorrhoidum salivæ jejuni ægri ipsius inunctione fuisse coercita in eodem loco fatetur *cit. Vedelius*; De vulnere pariter oculi saliva humana curato in puero 12. annor. expertus notat in *Miscel. Acad. Curios. decur. 2. Ann. 3. Excellentiss. Jac. Aug. Huner-wolfius*, & salivam in quâ sal dissolutum, ad glutinanda vulnera commendat *Veslingius obser. 13.*

In parte arthritide affecta contra novos insultus munienda, saliva infricata manè commendatur à *Franc. de Le Boë Sylvio lib. 1. prax. medic.*, quia, ait ille temperat utrumque acre, & roborat partes. Ganglia, seu nodos in corpore existentes frequenti salivali frictione, absque aliorum usu medicamentorum curavit *Cbalmeteus*, ut ipse refert in *Enchirid. Chirurg. lib. 1.*

Se notasse scribit *Maidalchinus* in suo libro, cui titulus *De lizie historiche*; Rusticum in Apulia contra febres, & venena usum fuisse saliva aquæ commixta, & armentis quoque morbos, & canibus rabidis aspersam salutem intulisse. Curiosum quidem remedium ad menstrua evocanda docetur à *Clariss. Petro Romelio in Misc. Ac. Nat. Cur. An. 8. dec. 2. obs. 181.*, ait enim, si Virgo, vel Mulier menses suppressos pristino fluiori restituere, seque ab inde promanantibus, & pullulantibus valde molestis,

molestis, ne dicam periculosis symptomatibus liberam cupiat, Emmenagoga tamen, sive medicamenta quaecumque fluxum lunarem ciere solita respuat, illa missis aliis, cibum aliquem duriorum, vel saltem panem, à virgine, vel muliere reipsa tum menstrua patiente præmansum, & masticatum, probèque salivæ menstruatae imbutum, & madidum ex ore illius immediatè ore suo proprio accipiat, & extemplò quasi voti sui compos fiet, mensesque ritè denuò fluere incipient; nec omni prorsus ratione destitutum esse videtur, hoc sit venia nomini, Euporiston, quia cibus, vel panis probè masticatus salivæque menstruatae copiosè subactus, ori, salivæ, & fermento ventriculi ægroantis communicatus, & commixtus particulis suis salinis, & fermentativis facillimè, etiam magneticè orgasmum aliquem, & sanguinis fermentationem, indèque obstructions deopillantem, motum concitare potest, Symbolum suum etiam conferre hic poterit in corpore, & mente ab inconsueta hac cibatione, & ut mihi videtur non sinè aliqua horroris nota, excitata alteratio; Verendum tamen, ne si curatio per foeminam minus bona valetudine præditam, & morbosam instituatur, simul etiam morbosum miasma, & principium alteri, curam sustinenti per transplantationem communicetur, Charybdimque vitans in Scyllam incidat, seròque cum Phrygibus sapere discat. Ad tollendas cicatrices propriam salivam affricari jubet *Platerus*. Daucum salivali menstruo madefactum uteri strangulatum juvare aïserit *Mullerus*. Ammoniacum à Matre jejuna masticatum, & in puelli oculo albugine laborantis immisum optimum esse ait *Petr. Bayrus*, imò livorem sub oculis à percussione factum emendare Cuminum probè masticatum, & impositum docet *Daniel Becherus*; Quin, & cuminum quoque sic masticatum contra culices valere ait *Sangallo*.

Salivam robur asferre infantibus inquit *Mattbiolus in 2. lib. Dioscorid.*, cum puerorum corporibus mollibus panem ori imponunt Nutrices ore proprio priùs commansum, sic enim masticata alimenta facillimè digerunt; observandum tamen, nutrices sanas esse debere in hoc casu, nam morbum à saliva nutricis inductum notavit *Sam. Ledelius Misc. Ac. Nat. Cur. An. 6. dec. 2. observ.*

obfero. 62 in puero vegeto, & sano, qui derepentē correptus est fingultu, calore, vigiliis, inquietudine, & crebra sternutatione; ac inquisita causā, hæc fuit Vetula quartanaria pulmentum infanti subministrans, quæ priù ori proprio ingesserat, & singulum præbium degustarat, dein ori infantis immiserat fermento febrili inquinatum; tutius ergo est, ut sanæ Matres prægustent infantum cibos, eisquæ ministrent, potius quam hoc faciant Vetulæ edentulæ, quæ hircum olent, & mephitim spirant.

Si intra aurem vermis devenerit, accipi salivam propriam & eā aurem inungi vult *Poppius in Thes. med.*, & ita aut morietur vermis, aut egredietur; Ad vesicæ calculum, & renum pellendum componitur emplastrum ex saliva, & Bdellio à multitudine commendatum. Contrā convulsionem salivam hominis applicitam laudat *Franciscus Joel Pract. lib. 1.* Ad prohibendum ne crescant capilli refert citatus *Becherus* sumi ferri rubiginem, testas marinas ustas, & cum saliva permixtas adhiberi. Optimam à contagiosis morbis præservationem, salivæ esse expuitionem monet *Clariss. D. Jo. Jacob. Wencesl. Dobrzensky de Negroponte*, imò pestis præservativum optimum esse ait non deglutire salivam, maximè si cum pestiferis agatur, ut faciunt Medici, Chirurgi, omnesque alii, qui peste affectis appropinquant: Ego verò Medicos omnes hortor, ut quandò conversantur cum ægrotis qualicumque morbo affectis, nunquam, quamdiù intrā sphaeram vicinitatis talium morantur, salivam deglutiant, sed semper eandem expuant, quicumque enim homo sanus ab homine infirmo facillimè per salivam infici potest, nam ab ægris tam per halitum, quam per excretionem sensibilem, & insensibilem, emittuntur particulæ, miasmata, seu effluvia apta ad inficiendum aërem ambientem, undè cubacula infirmorum communiter quodammodò foetent, ut & Xenodochia; Medicus igitur loca talibus effluviis infecta intrans, infectum aërem in suum corpus attrahit, & sic præsertim salivam inficit, & dum ægrum invisit, & loquitur inadvertenter salivam deglutit, quæ deglutita chylum, ex quo sanguis conficitur coinquinat, à quo morbus, imò mors ipsa causari potest: his de causis putat *Celeberrimus GEORG. BAGLIVUS in Romano Archi-Lyceo Pro-*

Jos. Lazzoni Opera. Tom. I.

Y y

fessor

„*seffor Medicinæ sapientissimus*, atque *Amicia meus semper colendus*,
 „morbos epidemicos, & contagiosos mediante saliva ab insecto
 „aëre conspurcata communicari, cui pariter experientia suffra-
 „gatur, nam in hujusmodi affectibus ex contagione, ægro-
 „tantes statim, atque primo conqueri incipiunt de nausea, sa-
 „pore linguæ mutato, & ad vomitum propensione, primaque
 „contagiosorum malorum symptomata circa ventriculum, &
 „hypochondria, per anxietates, vomitus, cardialgias, ca'ores
 „viscerum &c. manifestantur & quoniam eadem est tunica,
 „quæ os, œsophagum, & ventriculum ex interna parte in-
 „vestit, præter salivam, illa etiam summopere facit, ut magnus
 „sit consensus linguam inter, & ventriculum, ipsorumque mor-
 „bi, & morborum causæ facili, & ad invicem mutantur, quare
 „illi, qui pestilentium curationi inserviunt, si velint esse à con-
 „tagio immunes, procurent quantum possunt, ut nunquam sa-
 „livam deglutiant, cum qua morboſi, ac peregrini sales in-
 „fecti aëris intimè mixti in ventriculo vires suas explicant, &
 „morbum necessariò inducunt; De hac autem re legi meretur
 ab omnibus Practicis erudita *observatio* 170. Anni 9., & 10. *primæ*
Decurie Miscellan. Acad. Leopold. Imperial. Nat. Curiosorum,

Saliva tandem Microcosmi admirando naturæ miraculo Mer-
 curius figitur, quo sic extincto in casibus variis utuntur Medi-
 ci, ut contrà Scabiem *Mesues*, contrà Scophulas *Hildanus*, ad-
 versùs Morphoicam faciem cum levi tumore, & pustulis *Crato*,
 ad luem veneream *Roder. Fonseca*; quin & ad Alchymiam quo-
 que salivam hominis facere ait *Jo. Baptista Birellus* Orichalcum
 enim fulgidum, aurique instar reddit ope salivæ, modo sequen-
 ti; Salem ammoniacum cum saliva conterit, & exactè permi-
 scet, ut fiat linimentum, quo perungit vasà ex orichalco con-
 secta, & prunis ferventibus imposita resiccat, denique abster-
 git, & pannis lineis perfricat, & unum, alterumque Alchymi-
 cum se vidisse ait *Clariss. D. Ambros. Stegmanus Medicus Islebien-
 sis præstantiss.*, & *Acad. Curios. Lumen*, qui menstruum, vel
 solvens catholicum ex saliva sibi promittunt, qua cum non so-
 lum sanguinem humanum in famosum Philosophorum lapidem
 mutare, sed, & quævis metalla radicaliter solvere putant; ista
 verò

verò somnia , ac Alchymistarum vanitates , quilibet homo prudens meritò ridet ; Audit quidem saliva , citatus scribit Doctor , menstruum universale microcosmicum , utpotè quæ particulis suis salinis spirituosis sulphureis a calore vitali in actum deductis nihil indissolutum mittit , quod proportionatum est corpori , ut faciliè hinc alimenta fermententur , digerantur , & faciliùs concoquantur ; Insuper quòd aurum , cum rutilante eximio nostro sanguine videatur sympathiam indicare , analogiam potius , quam veritatem physicam sapit ; Lubens etiam , concedit ipse Auctor , quòd saliva ob sal Volatile , seu mercurificans , quod vocant , & sulphur suum viscosum in liquorem rubicundum verti possit ; num verò menstruum universale metalla solvens ex saliva sit sperandum , credat quis velit , cras ego , hodie non ; cum saliva ; experientia teste , nec sufficit mercurium vivum mortificare , quia solummodò viscositate sua illius particulas disgregat , exutus enim mercurius salivali humido totus in se redit , & vivus exurgit : At si sani hominis saliva ad multa percipitur efficax ; quid de his statui debet , qui Elephantiasi , Hæctica , Scorbuto , Lepra , Morbo Neapolitano , aliisque contagiosis affectibus sunt contaminati ; equidem novit *Levin. Lemnius de occ. nat. mirac.* , plures qui pustulas , & exanthemata contraxerunt admotis solummodò ori cyathis , quibus infectorum adhæserat saliva , hinc ego Ægrorum domesticos moneo , ut abstineant ab usu vasorum , cochlearium , poculorum , nitellarum , patinarum , strophilorum , phialarum &c. quibus ægroti utuntur ; hæc verò pauca , ac incomptè exposita sint satis de proprietatibus , ac virtutibus humanæ salivæ .

C A P U T V. ¶

De Morbis salivæ , ac de Mercuriali salivatione.

SALIVAM rectè constitutam nostræ sanitati maximè conducere optimè ait in *sua Prax. med.* Jo. Bernard. Gladbackius ,
 Y y 2 eam

eam enim fovet, tuetur, optimique fermenti officio fungitur; si verò præternaturalis effecta sit, pessimos effectus in œconomia animali disseminat, sicut igitur, dum in naturæ statu existit, quamplures optimos effectus in solvendis digerendisque humoribus parit, ut inde principalem locum inter omnia corporis humani menstrua meruerit ita è contrà dum ab illo statu recedit, morbosis infecta particulis, est morborum plurimorum origo; hinc modò fit salsâ, magis, quam par est, modò amara, nunc acida, nunc dulcis, modò verminosa, nunc mutat colorem, nunc excedit in copia, nunc minuitur in quantitate; De præcipuis ergo salivalis hujusce liquoris affectionibus à Practicis observatis nonnulla in præsentî capite dicamus.

Immoderata, & frequens salivæ excretio ptyalismus nuncupatur à Medicis, & à *Sennerto* definitur crebra, & involuntaria sine tussi, & screatu expuitio à nimia salivæ copia proveniens; & etsi enim ex mala consuetudine quasi nonnulli hanc expuitionem familiarem sibi reddant, dum inter loquendum, ac perorandum toties, quoties sententiam abolverunt, expuunt, & ex medicaminum sputum provocantium usu quoquè hoc provenire potest, tamen de ea hic non est sermo, sed de præternaturali, cum objectum præternaturam, seu saliva copiosior ad expuendum invitat; hinc summopere decipi, ait *Clariss. atatis nostræ decus* BAGLIVUS, illos, qui salivam pro inutili excremento habentes ferè continuò spuunt, & ita magno cum vitæ discrimine ventriculum hoc naturali, & maximo necessario sapone privant quo non solum ejusdem sordes mundantur, & diluuntur; verum quamplurimæ ipsius plicæ blanda salivæ, salsedine confirmantur, & in debito tono, sive necessaria crispatura contractioneque continentur, lymphæ gastricæ fermentivæ sales acuuntur, & excitantur, aliique plures effectus optimi à deficienti saliva produciuntur, ut non mirer si tales homines siccitate laborent, imò etiam pallore vultûs, & urinæ cruditate, quorum nonnulla vidi in Puella propè suburram, in Presbytero juvene ad forum piscium, & in aliis, hoc tamen intelligendum velim de saliva sanorum, non autem

„ tem si scorbutica , gallica , aut simili lue laboraverint ægrotan-
 „ tes , in quo casu , quoniam ipsa saliva morbosâ est , si fre-
 „ quenti sputatione nimium eliciatur , ad salutem potius ipso-
 „ rum erit , quam ad perniciem .

Ptyalismus dicitur à nonnullis salivatio ; quæ tamen dupliciter considerari potest , uno modo videlicet pathologicè , ut in nostro hoc casu , altero vero modo Therapeuticè , & est remedii genus , quando nempe virtute alicujus medicaminis salivæ affluxus ad os promovetur , inter quæ medicamenta pyrethrum propterea herbam salivarem nuncupant aliqui teste *Rbodio ad Scribon.* imprimis cura per salivationem inunctione mercurii in gallica lue à nonnullis laudari solet , quamvis periculo non carere monuerit *Hildanus* præsertim in *Arthriticis* ; de qua mercuriali salivatione etiam nonnulla in hujus capitis fine dicemus .

Duplex autem quoque est pathologica Salivatio , alia nempe essentialis , alia symptomatrica , & accidentalis ; Essentialem definio per crebram sputationem à copiosa salivalium glandularum humiditate ortam , ductusque salivales patentiores reddentem : Fit iste morbus secundum *Sennertum* , aliosque veteris Medicinæ Proceres „ dum pituitosus humor à capite ad os , & „ fauces defluens salivæ se commiscet , eamque auget , atque „ tunc ptyalismus , & catharrhi eadem generatio , & causa est , „ & solet ptyalismus , & catarrhus nonnunquam epidemicus esse , „ id quod Anno 1565. accidisse refert *Forestus* , eadem de cau- „ sa cum columellæ laxatione plerumque sputatio multa con- „ juncta est ; Accidit eadem in inflammatione , & ulceribus o- „ ris ; deinde , dum ex ventriculo humidior , & pituita abun- „ dante ea sursum in os exurgit , sputoque se miscet , quod „ manè seu jejuno ventriculo accidere solet , idque sæpè post „ morbos chronicos accidit ventriculo debilitato , & non rectè „ concoquente ; neque tamen semper primario è ventriculo „ aquosa illa pituita ad os confluit , sed nonnunquam ex inte- „ stinis , ut in vermibus accidit , nonnunquam ex liene , undè „ lienosi , & scorbutici Sputatores , & salivatores sunt . Juxta verò Neotericos Ptyalismus ortum habet à copiosa glandula-

rum salivalium humiditate, & excedente, ductusque salivales patentiores reddente; sicque saliva plus æquo per os excernitur; de hac salivatione morboſa longè clariùs diſtinctiusque hoc tempore nos pronunciare poſſe ait Sylvius de le Boë, quam olim, poſtquam non tantum viæ, vaſaque ſalivam in os deferentia innotuerunt Anatomicis, non ita pridem, verum partes quoque in quibus præparatur eadem, vel ſecernitur à ſanguine, glandulæ puta, & quidem non conglobatæ, ad quas, & à quibus feruntur vaſa lymphatica, verum conglomeratæ, viis certis, & ductibus, per quos in cavitatem determinatam ſuos liquores corpori utiles effundunt, donatæ: Quemadmodum igitur in ſtatu hominis naturali, & ſano deferitur ſaliva ſola ex glandulis maxillaribus conglomeratis in os, ita non rarò in ſtatu ejuſdem præternaturali, deferitur una cum eadem ſaliva humor, vel pituitoſus, & viſcidus, vel ſeroſus, ac tenuis. Quod ad diagnofiſim ſpectat morbus iſte per ſe notus eſt, & qui tali affectione laborant coguntur ſinè tuſſi, ob ſalivæ copiam aſſiduè expuere, quod ſi ſaliva copioſa excernatur poſt cibum, indicat ventriculum malè affici, & alimentum corrumpi teſte Sennerto; De curioſa ſalvatione morboſa deglutitionem liquorum tantum prohibente meminit *Car. Raygerus Miſc. A. N. C. dec. 1. An. 4. & 5. obſ. 10.* in quodam Senatore, qui ſolida facillimè deglutiebat, liquida verò neutiquam, ita ut ſitim intenſam, abſque tamen calore febrili, nunquam potuerit potu reſtinguere, ſed aquam cochleatim tantum ut, & alia medicamenta liquida ſorbere debuerit, ſtatim ſuperveniente enormi quadam ſalivatione, quæ deſcenſum liquorum impediit, quamvis, & fluxus hujus pituitæ lentæ, ac viſcidæ ſemper, & per totum morbum uſque ad finem vitæ duraverit, ut quandoque ſingulis diebus aliquot vaſcula hæc materia impleverit; tandem ex vehementia morbi ita contabescens, ut cutis oſſibus hæreret, circa initium Maii anni 1672. placidè expiravit. De perpetua ſalivatione ex ruptura vaſorum ſalivæ mentionem fecit *Ant. Deuſſingius*; de ptyaliſmo in Sene lethali *Helwigius*; de diuturna ſalivatione cum metu Gangrænæ *Job. Mackius*, ac de Formina, quæ

quæ limpidam aquam copiosè ex ore rejecit, sic scribit in *Ann. 4. dec. 2. M. A. C. Excellentiss. Dom. D. Jo. Ludovic. Hannemannus Germanic, & sue Academiæ Kiloniensis, & nostræ Leopoldinæ Societatis maximum ornamentum curiosiss.* Quædam Matrona honestissima magna cum virium debilitate, insignem aquæ limpidissimæ copiam ejecit; similemque casum in sua dilectissima Matre vidisse ait; illa jam bis isto fluxu, & quidem summa cum virium prostratione laboravit; & quod mirum fuit, humor erat limpidus, omnis odoris, & coloris expers, totoque cœlo ab urina differens; putavit ipse *Hannemannus* vasa lymphatica aperta talem evacuassee materiam; Ast *Sapientiss. & nunquam sinè laude nominandus D. Lucas Schroëckius* in illius observationis Scholiis a Salivalibus ductibus talem emanasse laticem docuit. E contrâ verò saliva potest deficere, quando, vel non separatur ob vitium glandularum, aut obstructionem ductuum salivalium, vel non generatur talis substantia in cruore sive generata absûmitur, ut in febre ardenti, longo sermone &c. de quibus affectionibus curatio videatur apud Præcticos; Symptomata autem salivatio est illa, quæ accedit morbis, imò aliquandò critica evadit, cum nempe ipsius ope Morbus aliquis sive acutus, sive chronicus terminatur; De symptomatico ptyalismo in Variolis plura collegit *Riccard. Mortonus de Var. & Morbil.*, ac de quotidiana febre uretico-sputatoria meminit *D. Benjamin. Scharfius Misc. Ac. Nat. Cur. An. 2. dec. 2. observ. 104.* narrando de quodam Juvene 24 Annorum, qui quotiescumque febris incipiebat salivam, & urinam reprimere vix poterat, sed continuè jam urinam, jam salivam in magna quantitate egeribat, ut ne momentum quidem ab hac urinam, & salivam egerendi irritatione liber esse posset, Critica verò salivatio illa est, quâ mediante exoneratur natura, & salutis æger restituitur; natura enim morborum vera medicatrix in debellandis morbis varias sæpe vias admodum insuetas prò evacuanda causâ morbifica invenit, sic ductus salivales ex glandulis hiantes eligit prò sanguinis depuratione, humorisque pravi evacuatione, & ita morbos feliciter proffigat, talemque criticam

criticam morborum solutionem, & quidem febris ardentis exhibet *Guern Rolfincius ord. med. lib. 3.* Vertiginis salivatione solutæ meminit *Nicol. de Blegny Zod. Med. Gall. An. 1.* Salivationem in Phthisi criticam, & salutarem exponit *Clariff. Dom. D. Job. Paul. Wurffbain Med. Norimbergensis præstantiff.*, *Archibater*, & *Comes Palatinus Cæsareus, Nobilis, & Acad. nat. Curios. Ephem. director diligentissimus in dec. 2. Ann. 1. Miscel Nat Cur. obs. 122.* Ptyalismum in variolis lethalem refert *Bonetus in Merc. compit. lib. 19.* Et ego Anno 1699 Mense Septembris scabiei fœdam in Milite quodam observavi, & mecum notavit *Eruditissimus D Hieronym. Baruffaldus Philosophiæ Doctor. egregius, & Amicus meus suavissimus*, quæ scabies salivatione sponte orta spatio novem dierum perdurante, nulloque alio adhibito auxilio sanata fuit. Non tantum verò critica potest esse nimia salivæ effusio, & symptomatica, quatenus saliva potest peccare in quanto, verum etiam in qualitate, sicque morbos inducere varios, prout variis odoribus, coloribus, atque saporibus imbuta apparet; observavit enim *Borrichius* salivam, quæ cum saccharo poterat comparari in Ecclesiastico Hafniensi, illamque dulcedinem non fuisse laudabilem, quoniam oriebantur ulcuscula in lingua ex illa, ut legitur in *Misc. Ac. Curios. Ann. 3. Decur. 1. observ. 237.* Salivam ad nauseam usque dulcem in se ipso, & in aliis notavit *Clariff. D. Salomon. Reifelius Dec. 2. An. 8.* cujus rei causam explicare difficile judicat idem Autor, cum non facile sit omnes in humano corpore secundas qualitates humorum, eorumque mutationes animadvertere, cum ignoremus plerumque quibus qualibusque alimentis ægri fuerint usi, & inprimis à quibus, qualibusque tam mire alterentur sapes, odores, colores, ac ceteræ humorum nostri corporis qualitates, & quidem meo judicio propter neglectam à plerisque chymiam, cuiuslibet Medico summoperè necessariam; Hinc pariter salivalem humorem dulcem cum nausea se vidisse fatetur *D Job. Burgius in Ephem. Ac. Nat. Cur. decur. 2. Ann. 3. observ. 172.* atque in Cive quodam se observasse similem casum narrat *Jo. Mat. Fabri Dec. 2. An. 9.* qui cum per scalas ruens sibi occi-

occiput vehementer concussisset, curatus tamen nullum aliud patiebatur incommodum insolitum, præterquam quod saporem nullum nisi dulcem; Similiter de Matrona quadam sputatione dulci correptam meminit *Theoph. Bonetus in Medic. Septentrion. tom. 1. lib. 2.*

Curiosam, & Eruditam Gustus depravati observationem Medicam, à salivæ vitio, mihi communicavit *Excellentiss. D. Octavianus Capellus Medicus noster Ferrariensis præstantissimus*, quæ talis est.

Uxor carissima mei ætatis annorum 58., temperamenti secundum totum calidi, & humidi, capitis tamen calidioris, & valde ficci ut ex capillorum penuria, ex cute ejusdem capitis, in quæ æstivo tempore rimulæ apparent, ut in terra ex ariditate, nec non muci ex naribus, & sputi insuetudine ferè totali liquet, ex tribus maritis unicum partum foemineum adhuc viventem decimo septimo suæ ætatis anno parta, laudabilem nacta valetudinem, quamvis non omninò inculpata ex intercalatis non tamen longis febribus, doloribus, faucium inflammationibus, levi hæmophyti, aliisque rarò tamen occurrentibus morbis; alacri animo in rebus quibuscumque domesticis, quamvis laboriosioribus etiam me invito obeundis, optimis viribus prædita, atque promptissima, menstruas purgationes statim temporibus semper, copiosè, ac feliciter habuit usque ad annum suum 52. quibus ratione ætatis deficientibus, cœpit levibus, vagisque dolorificis fluxionibus modò genua, modo brachia, nunc intrà, nunc extra articulos, pedum polices, & manuum indices frequentius instantibus torqueri, à quibus verò nunquam lecto incumbere, nec domum custodire fuit coacta, ab hisque opportuno tempore purgata ope aquæ stibiata convaleuit, quamvis duo ab hinc annis illæ denuò recruderint Tandem anno 1698. circa dimidium mensis Novembris queri cepit de quadam ingrata dulcedine, quam continuò ejus lingua, & os percipiebant adeò, ut nedum comedens, vel bibens, sed tacita, loquens, vel orans omnia ipsi dulcia extremè viderentur; octo; vel decem ab hinc diebus dulcedini huic se se conjunxit austeritas ab ea non dissimilis, quæ musto, vino,

Jos. Lanzoni Opera. Tom. I.

Z z z aceto,

aceto, vel hujusmodi liquoribus ebullientibus in vasis æreis, vel ibidem diutius immorantibus, æreamque tincturam austeram attrahentibus accidere solet, ita ut omnia, & singula comesta, & epota ipsi dulcia, ac austera saperent. Dulce austum paucis post diebus in amarum cessit, amarum in acuti piperis saporem est immutatum, sapor hic in acidum spiritus vitrioli æmulum, acidum in intense salum, hoc in acre veluti aceti, in quo diu pisces frixi fuerint conditi, hoc rursus in dulce, salitum, amarum &c. tandem, uno verbo, per octo menses circiter, modò intensius, modò remissius omnes, & singuli præfati, vel si qui alii dantur, sapores, nunc brevius, nunc diutius uno eodemque die, immò quandoque una, & eadem hora perdurantes, se seque alternatim immutantes miseram Uxorem affligebant, adeò ut ad mensam accedebat sæpius lachrymatura, quàm ut victu necessario, quem stomachus alioquin sanus appetebat, frueretur. Plerumque dimidiam linguæ partem, sinistram nempe, magis affligi, & pravius degustare sentiebat.

Saccharum, & saccharata omnia illi non minùs succo limoniorum acida videbantur, decoctum hordei lixivium sapiebat, liquiritiæ radix ore detenta acetum, ubi fuerint pisces conditi æmulabatur, si aceto os collueret sapores omnes depravati instar incantamenti torpescabant, & obtusè, ac obscurè ab eadem paucis momentis percipiebantur, immò ab usu aceti, vel acetarii, quandoque, non semper, aliquem bolum comestibilium suo naturali sapore præditum percipiebat, donec à ductibus salivalibus nova superveniente supra linguam saliva diluere-tur acetum, & hinc molestiores repullulabant depravati gustus sapor s.

Ab ardore doloroso præsertim in parte læsa ejusdem linguæ quandoque divexabatur veluti si aphtas, vel ulcuscula ibidem pateretur, vel sicuti, si ab aliquo esculento nimis fervido, & ebulliente offensa fuisset, immò impatiens mihi, & domesticis sæpè linguam inspiciendam, ac explorandam exposebat, quæ semper incolumis, nulloque visibili defectu læsa conspiciebatur.

Vinum;

Vinum, aqua simplex, brodium, & potulenta omnia quamvis depravatè gustaret, minùs autem insuavia eidem apparebant, quam res dentibus manfæ. A somno expergetacta nihil molestum in lingua sentiebat, sed ea mota, & infra os agitata sensim præfati saporès excitabantur. Spiritum vini si assumebat, hic magis depravatòs saporès suscitabat, & adhuc suscit.

Sensum gustus depravatè læsum, symptoma scilicèt linguæ non legitimè saporès sentientis, molestam hanc Uxorì meæ affectionem esse unicuique patet, quam *Galenus lib. primo de symptomatum causis cap. 40.* de sympt. causis in gustu, & odoratu elegantissimè sic descripsit. „ Monstratum enim est linguam eo „ quod duabus facultatibus sensui, voluntatique subservit, duas „ quoquè actiones habere. Nunc autem eam veluti sentientem „ consideramus. Odoratus verò sensorium ipsos cerebri esse „ ventriculos indicavimus. Ac gustandi quidem sensus sympto- „ mata sunt, tum omninò nihil saporum sentire, tum non legiti- „ timè sentire. Cum autem non vitiosè: diminutè quidem gu- „ stare, in visu amblyopiæ, id est visus hebetudini, in auditu „ barycoiæ, id est audiendi difficultati portione respondet. Vi- „ tiosè autem gustare, est veluti cum oculis, colore, figura, „ magnitudine vel situ mutata videntur. Hoc in auditu obau- „ ditio nominatur. Porro morbi prædictorum symptomatum, „ vel quæ in gustandi actione, vel quæ in potentia incident, par- „ tim in similari linguæ substantia, & tunica qua involvitur „ sunt, partim in nervis mollibus, partim in loco cerebri, illo „ præsertim, undè hi nervi originem habent. Ac reliqui qui- „ dem prædictorum omnium morbi in manifesto sunt. Lingua „ verò vitiosè saporès sentire solet, cum extraneo humore est „ impleta. Quo casu quæ gustantur omnia vel salsa videntur, „ vel amara, vel alia quapiam aliena qualitate dicibili, indici- „ bilive affecta. Tanquàm enim in suffusis visiva vis foris se „ cernere judicabat ea, quæ in ipsis oculis inerant: itidem „ gustandi facultas ea quæ sunt in lingua, sensibilibus imputat. „ In arquetis quidem bilis amarorem non linguæ esse ipsius, sed „ eorum quæ gustat deputans: in aliis verò quibusdam affecti-

„bus falsuginem, acoremve edullis ipsis inesse imaginans: scilicet succo, qui extrinsecus accessit, vitiosum linguae succum, qui prius quieverat, excitante moventeque, gustandi autem vi non eum qui accessit, sed eum qui in se redundat, sentiente. Raro sane accidit, sed tamen aliquando, ut lingua ex gustandi perfectione priusquam aliquid gustet, succos quos in se habet, sentiat. Simile huius symptoma est, ubi in stomachicis affectibus, suffusionis imaginatio oculis incidit, vel sonitus auribus cum nihil extra sonet, sed motus ipse circa cerebri membranas imaginationes creat, vel odoris in naribus, ab succo aliquo in his contento. Hæc *Galenus*: ex quibus elicitur talis symptomatis causam esse, per eundem, succum quemdam extraneum partim similari linguae substantiæ & tunicæ linguam involventi, partim nervis mollibus, partim illi cerebri loco undè hi oriuntur nervi impacto.

Pro majori autem præfati symptomatis, juxta *Galen*i mentem, dilucidatione necesse esse disquirere prius an gustus fiat in linguae carne, vel ejusdem membranis, nervis, vel glandulis, sed brevitatis gratia cum plerisque recentiorum satius sit credere gustum fieri, cum corpuscula salina insita rebus sapidis communicantur nerveis linguae papillis ope humidi eadem salia dissolventis, sive humidum istud sit corpus per se sapidum liquidum, ut fructuum, vel olerum succus, vel vinum, aqua saliva, vel liquor, in quo res solidæ contritæ, incoctæ, vel dissolutæ salia sua sapida dissolvant, quæ salia ope hujusmodi liquoris linguae papilla is imprimuntur, ex quorum salium diversâ, suarumque minimarum particularum configuratione diversimodè per porulos linguae prædictæ nerveæ papillulæ alterantur, ac afficiuntur, quæ diversa alteratio, seu imprelio, quælibet juxta suam naturam, ac indolem, proprii saporis ideam producit, quæ idea per nervorum quarti paris fibri las linguae implantatas ad commune sensorium translata, menti saporem unumquemque juxta speciem suam repræsentat. Citior autem, vel tardior saporis perceptio ex majori, vel minori fluiditate corporis sapidi dependet, fluidius enim corpus citius per

per linguæ poros ad papillas penetrat, ibidemque suum gustum imprimit, tardiùs verò quo minus fluidum, vel minus humidum existit, idque linguæ agitatione, ac ope salivæ dissolvitur, aptiusque redditur ad penetrandum per poros ad papillas, qui pori ex motu linguæ, & ejusdem humectatione magis ampliantur, salinæque particulæ comesti ex tali motu, & agitatione sic meliùs per porulos penetrant, subjectisque nerveis papillis infiguntur, quod nullatenùs contingit, vel saltem tardè, & obtusè immota manente lingua præsertim si huic res solidæ, & humido destitutæ imponantur

Sic gustum contingere non longè a præfata *Galen*i sententiâ recentiores Medici, atque Anatomici ostendunt, & experientiæ videtur consonum in sanis; in infirmis verò puta febricitantibus res diversimodè se habet, vel ob defectum salivæ ab æstu febrili consumptæ, vel ipsius organi id est linguæ præternaturaliter constitutæ, & quamvis in sanis etiam nonnullis quandoque pororum linguæ tunicæ insitorum diversitas mutet sapores, adeò ut ob prædictorum pororum diversam structuram, & configurationem dulcia V. G. insuavia videantur, & amara, suavia, immò, & aliis quibusdam ingrata & elitiosa appareant ob eorum particularem imaginationem talia grata, vel ingrata judicantem, nostro tamen in casu rem diversimodè se habere arbitror.

Salivam ergo ex glandulis sublingualibus, aliisque in faucibus, palato, totoque ore dispersis continuò linguam humectantem, hujusce depravati gustus præcipuam esse causam in Uxore mea dilectissima semper animo habui, & quamvis organum ipsum non videatur omninò inculpandum, forsàn ex vitio nerveis papillis, vel linguæ porulis, quod ipsis totum fortè imputare posset aliquis, nihilominùs tale vitium majori ex parte salivæ adscribendum censeo pluribus ex causis.

Primò, quia si vitium tale inesset organo, potulenta æquè displicerent, ac res solidæ dentibus mansæ, & saliva humectatæ, ac dissolutæ, nam hæc semper magis depravato gustu, & sapore præternaturali à Matrona fuisse dijudicatæ, quàm epota,

ta, vel succosa, & liquida, undè patet, quod saliva dissolvens salia rei manse imprimit iisdem salibus quid magis sapidum præternaturale, ac imprimat corpus fluidum, & humidum non indigens saliva pro suarum salinarum partium dissolutione.

Secundò, liquet hujusce vitii causam insitam esse salivæ, quia absente cibo, ac potu adhuc extranei, præternaturalesque saporès diversi ab ægra percipiuntur, & quo magis ipsa movet, & agitat linguam loquendo, vel orando, deterius se habet, quam si linguam immotam teneat, quòd magis constat statim ac à somno eadem expergiscitur, in quo sensus omnes sopiuntur, à somno verò reviviscunt, & per consequens reviviscit, & in lingua gustus, cujus vitium si insitum esset soli linguæ hæc sola etiam immota suos pravorum gustus saltem obtusè, & obscurè redderet sensibiles, sed statim ac ea commota madefit à saliva illic extranei saporès excitantur, ergò isti potiùs à saliva dependent, quàm ab organo, vel saltem majori ex parte.

Uterius cum id non contingat in sanis, & naturali gustu præditis, quorum saliva insipida absente cibo; ac potu nullum edit in ore saporem, ratur idcirco manere debet in nostro casu salivam hanc heterogeneis, minimisque corpusculis salinis, iisque sylvestribus copiosissimè esse imprægnatam, à quibus modò intensius, modo remissius, nedum cibo, potuve præsentibus, verum etiam iisdem absentibus linguæ poruli alterantur, ac feriuntur, nerveisque papillis imprimuntur, & juxta eorundem salium prædominantem symmetriam hujus vel alterius saporis idea ibidem impressa per quarti paris nervulos linguæ insertos ad sensorium commune deferitur, undè mens talis vel talis alterius saporis, juxta obviam ideam, judicium facit.

Ab ejus sanguine arterioso præcalido, multaque acredine, atque fædine in hac muliere familiaribus in laboribus quandoque vilioribus (me incassum prohibente) nimis sollicita, producta fuisse præfata saliva heterogenea, illaque totam salivalem massam (arteriosi sanguinis recrementum) infecisse pro certo habendum, cujus sanguinis arteriosi non solum, sed & venosi

acido-salinam indolem indicant dolorosæ, & semiarthriticæ fluxiones, quibus ratione senii à mensium defectu obnoxia est, necnon rimulæ in capitis cute æstivo tempore apparentes cucurbitularum incisionibus similes; & quamvis aliquis posset inferre eam in tanta acido-salinarum particularum copia, quibus ejus scatet sanguis, cutaneis affectibus scabie videlicet, & hujusce generis morbis, potius quàm aliis prædictis correptam rationabilius esse debuisse: respondere possem ex hujusmodi salibus ipsam in scabiem, vel alios hujus generis morbos non incidisse; quoniam credere fas est talia salia esse summè fluida, & volatilia, ideòque neque in scabiem, nec alios cutaneos affectus fixantur, immò nec in veram arthritidem, quippe salia hæc lentoris, vel coaguli sunt nescia, si enim patientis nostræ sanguis lymphæ crassæ scateret solita prædicta salia irretire, ac fixare, sputo, mucosque non esset hæc Matrona destituta ut superius descripsi.

Rato igitur per me hoc fundamento judicavi pro hujusce molestissimi symptomatis curatione opus esse præfata heterogenea salia è tota sanguinea massa eliminare, u'u absorbentium; edulcorantium, & eorundem salium insensa spicula retundentium, in quem finem postquam hyberno tempore ad eam exacte purgandam improprio, inaniter gargarismis, & apophlegmatismis penè innumeris, diversæque naturæ plurium, ac plurium Excellentissimorum Virorum mei familiarium Comproffessorum adjutus prudentissimis consiliis u'us fuerim, circa finem mensis Aprilis anni 1699. præscripsi universalem purgationem, levioribus, ac benignioribus insistentibus lenientibus potius, quam purgantibus, alterantibus ex succis cichoreaceis, & vaccino ferro depuratis; phlebotomiæ ex partibus superioribus, ac inferioribus plures celebratæ, toto tandem expurgato corpore ad Aquam Stillatam Pomponacii dictam tanquam ad sacram anchoram confugi per dies circiter 30. copiosè de more propinatam; ast omnia hæc exiguo cum levamine fuere perpetrata, unde locale remedium tentavi venarum sublingualium incisione, à parte affecta è directo humores ibidem (si qui forent) impactos detractu-

tracturus. Apertis ergo raninis venis effluxit sanguis intensè rubicundus, aliquantulum crassus ad uncias novem circiter, & quòd ex hac operatione valdè proficuum expectabam, fuit, ipsam Uxorem dum sanguis ex ore profluebat omnes sàpores quosunque extraneos eodem tempore confusè, & indiscriminatim autem adjuncto calore persensisse, quasi tunc temporis gustus depravati minera tota exhauriretur; ast neque id nisi leviter profuit, nam pràterquamquod pluribus diebus ob inflammationem circa incisàs venas, & ibidem sitas glandulas subortam, difficulter cibum, potumque admittebat à calore, & frigore actuali eduliorum valdè molestata, sedata postea inflammatione gustus perseveravit depravatus licet parùm remissus.

Cum itaque tot rationabilia tentamina ex plurium Amicorum Collegarum assensu, & consilio irrita, & inania fuisset expertus, ad famatissimum, & sapientissimum Dominum, nostri Almi-Collegii Ferrariensis vetustiorè, ac verè venerandum Virum accessi, cui enarrata molestiæ hujus affectionis historia, & omnibus administratis præsidiis, ejus Oracula imploravi, qui humanissimè confirmavit tam insensì symptomatis causam inesse patientis fluidis heterogeneis salibus, iisque sylvestribus heu nimium scatentibus; quare cum jam Caniculares imminerent dies potandis mineralibus aquis peropportuni, suavit Villensem aquam eidem copiosè de more propinarem, huic dumtaxat innixus fundamento verè rationali, solam aquam salia dissolvere, & ad nihilum reddere, Villensem ergo aquam copiosè usurpavit primis diebus cum vehiculo dejectorio, reliquis verò usque ad quindecim cum succo limoniorum, & quandoque cum spiritu salis, sed nec prospero eventu, nam nec illam totaliter ejeciebat, unè paucum fuit experta etiam ab hoc præsidio levamen, quare tam longa diætà, tantisque incassum fatigata medicamentis, iisdem omninò abrenunciavit.

Jam quartus excurrit annus hujus vitiosi gustus, qui quamvis ab anno circiter valdè, & sine comparatione eam remissius affligat; cum ferè omnes sàpores in præsenti naturaliter sæpè degustet, attamen plerumque de duobus solummodò saporibus prater-

præternaturalibus quasi continuò conqueritur salito nimirum , & acri , & præsertim imminente , vel præterente aëre humido , ac pluvioso , sicuti in simili acris constitutione ab arthriticis doloribus , levibus tamen , citò advenientibus cum tumore in extremitate digiti indicis utriusque manus , & pollicis utriusque pedis , paucis horis , vel ad summum infra duos dies evanescentibus , & pro aëris mutatione citò recurrentibus. Hactenus *Excellentiss. Capellus* supra laudatus.

De Amico suo quodam refert *Ros. Lentilius Ann. 4. Dec. 2. M. A. N. C.* qui dum loquebatur , salivæ guttas , quasi per syphonem eructabat , quæ continuò in albißimam calcem concredebant , si quid autem circa hoc conjiciendum , putat citatus Doctor , particulas alkalicas terrestres à spiritu salivæ nitroso solvi , quo spiritum exhalante in calcem coagulari , unde *Excellentiss. Thesem noster* , salivam in orbem stanneum eructatam concrevisse in calcem albißimam , quatenus magnam continebat falsedinem , notavit. Salivam verminosam concedit *R. P. D. Anton. Alberghebus C. R. S.* nostræ Urbis ornamentum in *Gen. Spont. cap. 22. part. 2.* & in quodam Hamburgensi vidit *Clariss. Job. Dolæus Misc. Acad. Curios. Decur. 1. An. 9. & 10. obs. 131.* similemque salivam minutissimis scatentem vermiculis se vidisse pariter affirmat *Leuwenhoeckius* ; & licet *Rever. P. Philip. Bonnani Sacerd. Soc. Jesu* , vir magnæ eruditionis in suis *observ. de Animal. vivo. cap. 64.* asserat , se nunquam potuisse in saliva optimis , perfectèque elaboratis microscopiis examinata , nec unicuique vermiculum deprehendere ; hoc tamen non evincit , talem morbum salivæ verminosum dari non posse , quem etiam ego pro rarissimo concedo , enim quia multa sunt , quæ ab uno observantur , ab alio non ; absurdum siquidem esset dicere plicam polonicam non dari , per hoc quod ego talem morbum usque adhuc non viderim , nec quia unus non videt , alius videre nequit ?

A saliva morbosa & præternaturali sordidi evadunt dentes , maximè quando tenacitatem majorem acquirit à cibo , vel à calida expiratione , quæ eam . dum ore clauso dormiunt exsiccando amplius inkrassat ; sic autem dentes obliuuntur , cum otiosi

Jos. Lazzoni Opera. Tom. I.

A a a a

sunt

sunt nec mandunt & proin à cibo à quo solidiore præsertim ut pane, inter masticandum, aliàs abstergi, & poliri solent, non repurgantur, undè iis, qui in uno oris latere cibos tantum conterere solent alterius dentes hisce sordibus inquinatos plerumque esse, ait *Platerus prax. tom. 3.* limoque obductos, qui limus tandem in tophum conversus, dentes non solum discolorat, sed & inæquales reddit; verum, & saliva putris, & maligna in lue venerea, ex hydrargyri usù reddita, dentes inquinat, & denigrat, simulque, ut vacillent, efficit; Non tantum verò in qualitate, sed etiam in defectu peccare potest humiditas salivæ, quemadmodum accidit in *Antonia Drusi*, quæ si fides habenda est *Solino*, & *Sim. Majol. in Canic.*, fortè ob inopiam salivæ nunquam spuit. Hæc autem de naturalibus salivæ symptomatibus dicta sint satis.

Nunc ad artificialem salivationem deveniendum, qua mediente, & multi morbi sanati, & plurimæ exortæ ægritudines, atque mors ipsa aliquandò sequuta est; Notabo igitur primò quomodò peragenda, & quid sentiendum de salivatione præsertim usuali ex Mercurio; secundò morbos nonnullos per eam sanatos enumerabo; tertio ægritudines ab illa ortas enunciabo; quartò demùm casus exponam, in quibus causa mortis fuit mercurialis salivatio.

Primus itaque inventor Mercurialis salivationis, si *Gabr. Fallopio de Morb. Gallic.*, & *Clariss. Bernard. Ramazzino*, credamus, fuit *Jacobus Berengarius Carpus* à Patria dictus Professor Chirurgiæ Ticinensis, qui floruit circa Annum 1522. teste *Mercklino Viro de Republica Med. optimè merito, in suo Linden. renovat.*; hic cum solus secretam hanc medicinam calleret, ita opulentus redditus est solo isto quæstu, ut testatus fuerit numeratam pecuniam 40000. scutorum præter argenteam materiam, quæ omnia Serenissimo Ferrariæ Duci reliquit; Alii verò nostri scriptores hoc remedii genus ex Arabum schola deduxerunt. Diversimodè in usum ducitur mercurius ad salivationem; nonnulli enim frictione unguento mercuriali facta salivam movent; suffitu pauci, alii emplastri, aut cinguli forma mercurium adhibent; & aliqui ad ptyalismum movendum per os assumendum exhibent

exhibent mercurium. Mercurialis inunctio autem talis est per *Pareum*; Sumitur, ait ipse, mercurius clarus, tenuis, albus, & fluidus, & quò purius sit per pellem arietinam colatur, conclusum enim si comprimatur tenuitate sua penetrat, fordesque suas, & plumbeas admixtas faeces in interiore superficie relinquit; elixatur indè in aceto cum saliva, roremarino, thymo, chamæmelo, meliloto, iterumque colatur, & tot artibus excultum in unguenta venit, & admiscetur; ut extinguatur certius, diù est agitandum, & veluti tribulandum in mortario, ut in tenuissimas partes frangatur; linimenti ergò mercurialis hæc erit forma \mathcal{R} . Argenti vivi præparati, ut supra \mathfrak{z} . vj. sublimati \mathfrak{z} . β . Sulphuris vivi, \mathfrak{z} . β . axungiae porci salis expertis \mathfrak{t} j. vitellorum ovi sub cineribus coctorum num. iij. olei terebinthinæ & laurini ana, \mathfrak{z} . ij. theriacæ veteris & mithridatii ana \mathfrak{z} . β . Fiat linimentum, ut artis est; modus verò faciendi erit ejusmodi imprimis; sublimatum, sulphurque in pollinem rediguntur, tum affundetur argenti vivi portio, simul, & axungiae, mox, & vitellorum induratum, continuo omnia, & diligenter agitando; his omnibus fideliter concorporatis tantundem rursus affundetur argenti, vivi, axungiae, & vitellorum, ac priori massæ incorporabitur, extremo loco affundentur olea, mox theriaca, & mithridatum, simulque omnia per diem integrum tundentur, hacque arte parabitur laudabilis consistentiæ unguentum, quo ipse *Pareus* multoties feliciter usus est de qua re plura apud eundem Autorem *lib. de lue vener. cap. 10.*

Nonnullos autem ut hoc remedio absque purgatione prævia, & venæ sectione ait *Jungken in Prax. med.* ut sic nullis evacuationibus infirmati salivationis impetum multò melius sustinere queant infecti, quod tamen vituperant *Lemery*, & *Frid. Hoffmannus*; Formula autem desumpta à nuper citato *Jungkenio* talis est. \mathcal{R} . Mercurii crudi \mathfrak{z} . j., Axungiae porcinae \mathfrak{z} . ij. m. Juxta Dolaum verò sic se habet; \mathcal{R} . Mercurii vivi saliva hominis, vel oleo terebinthinæ, vel liliorum, vel lumbricorum, extincti \mathfrak{z} . ij. Unguenti de Althea Fernellii, \mathfrak{z} . β ., olei Succini \mathfrak{z} . j. misce fiat Unguentum S. A., & secundum

Nicol. de Blegny ꝑ. Mercurii crudi, & puri ꝑ. j. terebinthinæ venetæ 3. iij. diutissimè simul conterantur in mortario æneo, quousque mercurius extinctus sit, postea paulatim admisce Axungiae suillæ insulsæ ꝑ. ij., diutissimè omnia conterantur, & ad usum servantur, quam formulam etiam commendat *Lemery*; Cum unguento autem pomato permiscet mercurium *præclarissimus D. Olier Jacobæus* in *Comp. Instit. med.* sicque unguentum conficit; linimento verò tali, sive postea sit *Parei*, vel *Jungkenii*, vel *Dolci*, vel *Blegny*, aut *Jacobæi*, aliorumque descriptionis, universum corpus uogi debet à pedis planta ad caput, præter abdomen, & pectus, nè fortè lædantur partes in illis cavitatibus contentæ; ut verò litus suum forciatur effectum æger igni luculento exponatur, vel si debilis fuerit in cubile illinatur.

Unaquaque frictione, unguenti unciae quinque, vel sex absumendæ sunt, in corporibus verò delicatis, prima vice unciae quatuor sufficiunt, iidemque plantæ pedum, crura, femora, nates, & brachia tantum sunt inungenda; hæc tamen frictio iteranda est sæpe

Quotidiè verò unica ad summum vice facienda, manè jejunio stomacho, vel sub vespere duabus horis ante coenam.

Si post tertium illitum salivationis nulla appareant indicia bis in die instituatur, mane, nempe, & vespere, dummodò æger robustus sit

Hoc tamen notandum, non ultra septem, aut octo illitus progrediendum, & omnino ab his abstinendum statim, ac salivatio se se exerere incipit; cujus imminentis indicia sunt, cum caput dolere incipit, gingivæ, & lingua intumescunt, vultus rubore suffunditur, & paucos post dies os ulceribus obsidetur, sputum multum, & frequens prodit, exactique aliquot diebus os aphthis scatet, tunc loquela impedita est ob insignem palati, & linguae ardorem, quæ nisi crebrò abluantur tepida, dolores intensi accidunt, eoque tempore indefinenter fluit saliva, comite intolerando foetore. Qui levis veneræ capiunt curam per mercurii fumum, vel ex cinnabari vulgari prunis injecto, ut *Olier. Jacobæo* placet, colligunt, vel immittunt sex drachmas mer-

mercurii crucibulo ab igne candenti, quod prunis imponunt, ut æger perforatæ cathedræ insidens, aut sub conopæo commodè collatus illius fumum excipiat; interim ne hic caput feriat collum linteo, aut panno cingitur quoad totus mercurius exhalarit, aut tabellas parant ex mercurio cum terebinthina extincto, aceto stillatio, bolo vulgari, & carbonum pulvere, ex cunctis his massam conficiendo, quam chartæ superinducunt, & inde sub umbra exsiccamdam reponunt; Hæc tamen debet esse proportio, ut in compositione mercurius tertiam partem tabellarum constituat, cujus paulatim 3. s. imponunt, vel 3. ij. carbonibus ardentibus, vel crucibulo, cujus fumum æger excipiat; Suffitus hic bis in die solet fieri, continuando donec ptyalismus advenerit; Silvius de le Boë autem asserit, talem fumum, aut toto corpore excipi, aut solum ore, talique fumo per corporis poros penetrante ad interiora, humores ubivis existentes glutinosi, & acres paulatim solvuntur, & ad vasa salivalia deducuntur, undè instituitur ptyalismus; per infundibulum verò ab ore assumptum mercurii fumum salivationem excitare brevi tempore quam habet citatus Autor proutissima mercuriali salivatione, qua via feliciter perficitur, quando in partibus externis ulcera existunt, quæ fumo viam concedunt magis patentem, atque ita citius curantur sine ullo metu suffocationis, tantum enim salivæ singulis elicitur vicibus, quantum videtur posse commodè ferre quivis æger; quin æstate, aliave aëris tempestate calida instituta, concedit ægris exitum, adeò ut vix, nec nisi ab huius rei peritis deprehendi queat; parùm nempè cinnabaris, cum mastiche, thure, benzoino, myrrha, succino, laudano, aliisque junctæ, prunis quotidie, aut diebus alternis injicitur, mox imposito infundibulo fumus ore excipitur, uti antea dixi levisque salivatio excitatur, quæ post à renovatur, nisi spontè ipsa continuet; Admonet tamen *Vedelius in Amen. mat. med. lib. 2. sect. 2. cap. 16.* Medicos ut abstineant à tali mercurii suffitu; quia hoc pacto fumus magis pulmonem ferit, quam partes extimas afficiat, undè facilior læsio, quam utilis, licet talia suffumigia ex

mercurio in Gallia frequentia esse, & præmissis præmittendis etiam non sine notabili successu, usurpari asserat *Frider. Hoffmann. com. in Jo. Schröder. Pharm. lib. 3. cap. 25.*

Superius dixi, esse aliquos, qui emplastrorum ope salivam movent in Syphilide eliminanda, & ii hac via procedunt. Telle tenuissimæ inducunt quantitatem sufficientem Emplastri de Vigo quadruplicato mercurio ex cujus massa effingunt emplastra admovenda pedum plantis, tibis, femoribus, natibus, lunibis, dorso, scapulis, collo, brachiis, præcipientes ægro decubitus, donec in facia salivationis se prodant, id quod nonnunquam post tridie accidit, alias tertio, quarto, sexto die, sin spatio illo temporis salivatio non successerit recentia admovent emplastra, & aliquas adhibent frictiones; Sic loco Emplastri de Vigo, sequens commendat *Pareus*, & comode posse usurpari asserit R. Massæ emplastri de Meliloto, & Oxycrocei ana. ʒ. vj. argenti vivi extincti pariter ʒ. vj., & olei laurini, & de spica reducti ad formam emplastri, quod extendatur super alutam, imponendum articulorum locis; Ast consultius est duo loca tantum seligere, pro emplastris nucham, & pro unctione articulos extremos; In cingulo autem, vel minor, vel major apparatus adhibetur; ille, si solum extinctus, viscido quovis, cum gossypio in cinguli modum suendo redigatur; hic verò, si alia addantur, quale est cingulum Sapientiæ *Rislandi*, innoxium ut alii dicunt, medicamentum *Mindererus* verò castigat empyricos, scabiosis audacter hoc applicantes, & *Philip. Hachsteterus* damna eorum recenset, qui cingulo mercuriali ad scabiem temerè sunt usi; Verum hic metus de nihilo esse ait *Clar. Frid. Hoffman. clav. in Schröder.*, si universalibus præmissis, topica mercurialia rectè præparentur, & applicentur, undè *Petreus in Nosolog. Harmonic. tom. 1.* unguenta mercurialia, inquit, in contumaci scabie tuto, ac utiliter adhiberi posse, si universalia prius præmittantur, & inutilis, ac nocivus latex, antea è corpore exterminatus sit; hinc Rusticus quidam apud *Thom. Bartholinum cent. 3. hist. 79.*, omnes eos cingulo mercuriali feliciter restituit, qui pura corpora crebro medicamentorum à

Practi-

Præticis præscriptorum usu; obtinuerant, cacoehymos autem exitio eripere haud potuit.

Multi postremò mercurio ore assumpto salivationem sollicitant, quatenus mercurium præcipitatum, album, aut rubrum, ore assumptum ad quantitatem duodecim, aut quindecim granorum per sex, octo, aut duodecim dies exhibent, donec prodeat salivalis excretio, quam extimulat tamen relicto præcipitato, granis viginti mercurii dulcis *Job. Helfr. Jungken*; Ad modum verò operandi circa salivationem à mercurio, quod spectat, me brevi expediam, verbis egregiè ad hanc rem prolatis ab *Illestriff. D. Job. Ludov. Hannemann* Acad. Curios. maximo Lamine, cum enim argentum vivum, ait ipse in *Ephem. Cur. dec. 2. An. 8.* habeat in se, aciditatem summam, & penetrantissimam, & cum hæc aciditas insuper gaudeat intensissimo æstu; proindè quando argentum vivum assumitur ab homine, tunc archeus humani coporis nexum frigoris, & caloris (nam uterque in summo gradu inest mercurio) solvit, hinc diversæ naturæ particulæ in luctam concitatæ nostri corporis humores liquant, qui liquati, ac pressi à Mercurii ponderositate exitum quærunt, & a calore mercuriali sublimati per os effluunt, quod autem calor, & frigus simul hic in ætû existant, probant symptomata, quæ comitantur salivationem, ipsique succedunt, scilicet dentium vacillatio, intumescencia gingivarum, oris fœtor &c., frigori enim vacillatio, & tumor, calori autem oris fœtor debetur, nec mirum si vitali nostro calori communicatus mercurius, ad ossa quasi usque penetret, & poris omnibus corporis insinuatus, efficaciam suam manifestè admodum prodât, nam leni tantum calore idem cum metallis libenter amalgamatur mercurius, eorundemque porositates pervadit; rectè igitur scribit *Clariss. Bonetus* in hoc reperiri partes salinas, & sulphureas volatiles, quæ receptæ, à calore nostro actuantur, & in sero, lympa, & saliva vehiculum quasi acquirunt, & ad motum magis illas incitant, secernunt, ac fundunt, ut irrequieto motu exitum sibi quærant in faucibus potissimum, utpote quia ibi maximæ glandulæ salivales excretoriae,

&c

& ductus patentiores existunt ; In hoc ergo præcipuè tota salivationis ratio versatur , teste *Mart. Listero apud Bibliot. Medic. à præclariss. Mangeto* concinnatam , nimirum intra sanguinea vasa lympham cohibendo , quæ jugi circuitu , assiduè , & necessariò separari , & denuò inferri debet ; ab artuum verò inundatione propter vasorum lymphaticorum torpidorum tenuissimæ texturæ depravationem , & ineptitudinem , ejus reditus eò præpeditur , venisque adeò sanguineis usque circuire cogitur , ad gravem cordis , arteriarumque inundationem , per emissaria salivæ ductuum tantum deplendam ; neque enim arteriis , se exonerandi alia ratio , nisi ductibus excretoriis relinquitur , quemadmodum , si fortè à frigore , mutilatione alicujus membri , vel à ligatura , mensura , & modus venarum diminuitur , pulmo à catharris infestari , & hæmorrhagia , hydropsve oriri solet ; *Nicolaus Lemery* tandem supponit in suo *Curs. Chim.* Mercurium esse Alkali volatile , quod insinuatum per porositates in corporis humani fluida intricare valet partes salino - acidas peccantes in lue venerea , & simul cum eis sublimari , atque à calore , & ab humorum motu deferri ad caput , velut ad vasis summitatem , ibique condensatum cum illis particulis salino - acidis irritantibus vasa salivalia ptyalismum inferre . Porro quod attinet ad salivationis mercurialis usum , quædam observanda esse judico primò nempe , quod æger non sit in totum debilitatus , ita ut calor nativus omninò fatiscere , vel extingui videatur , tunc enim vires adimit , mortemque accelerat ; Secundò quod æger non afficiatur paralyti , tunc enim ob suam frigiditatem magis nocebit mercurius ; Tertiò quod non abhorreat æger ab ejus usu , cæterum illam abhorrescentiam valdè obesse notavi ; Quartò quod argentum vivum benè sit purgatum , habet enim particulas pravas admixtas , quæ valdè nocent ; Quintò , quod non adhibeatur in nimia Dosi , nam tunc ob suam ponderositatem , nimium comprimet viscera , frigore suo flammam vitalem extinguet , & particulis suis arsenicalibus acidis , partes corporis , quas inhabitabit , mortificatas reddet , ex quibus mors accidere poterit : Hæc autem curatio per salivationem mercuria-

curialem juxtà multos peccare videtur in leges ab *Asclepiade*, & *Galeno* promulgatas, nequè enim est cita, tuta, neque jucunda; non cita, quia ad plures dies protrahitur, non tuta ratione materiæ, & effectûs, quia mercurius venenatus est, ut & medicamina ex eo parata, præcipitatus enim corrosivus est; non denique jucunda, quia symptomata gravia sequuntur, in ore, & faucibus salivationes, in palato, & lingua erosiones, in corde anxietates &c. Quibus tamen respondetur, concedendo primò deficere quidem brevitatem in curando, verùm festinatio nimia periculosa esse solet; hinc legitur apud *Bonetum Merc. compit.*, non celeritatem attendendam esse, quando perfectè curandum est, & in curatione luis gallicæ, non semper esse respiciendam securitatem absolutam, sed interdum cum periculo junctam; qui enim securitati nimis studet, deficit in generositate, difficillimum autem est reperire remedium generosum, quod nihil lædat, & magnificè profit; periculosum medicamen esse Mercurium conceditur aliquo modo, non simpliciter; assumptum crudum in substantia innoxie testantur plurimi: periculosa esse omnia ex eo parata, si debita accedat præparatio, negatur: Symptomata sequuntur gravissima, quid ita? Lues inveterata mitioribus remediis nequit eradicari; ergo patiantur fauces, palatum; & gingivæ, ne totum pereat corpus, & ut aliæ partes cujuscumque sint generis a sarcina liberentur; aliquando enim est postponenda jucunditas; Ità multos curatos à lue venerea ope salivalis excretionis à mercurio excitata colligit à variis Medicinæ Magistris *Tom. Burnet. in suo Thesaur. med. pract. lib. 10.*, idemque confirmant *Forestus; Greg. Horstius, Lotichius, Doleus, Sim. Pauli, Vedelius, Mangetus*, quare hic rectè quadrat id, quod scripsit *B. Rhenanus in epist. ad Philip. Puchaimerum Medicum*, nempè, *salivare esse sanum facere*; Non unum, sed plures epilepticos inunctione mercuriali sanatos refert *Bonetus in Iud. med. pract. lib. 19.*, idemque narrat de scabie contumaci, de mania, Febre ardenti, Cephalagia immani, vertigine diuturna, ulcere antiquo, & lienis obstructione, imò se observasse scribit *Vedelius* podagricum à mercuriali

Jos. Lanzoni Opera. Tom. I.

B b b b

riali

riali salivatione liberatum, durante solatio per tres annos continuos, postmodum verò rediisse morbum, sed mitiorem. A nimia corpulentia, atque obesitatis incommodo salivationem mercurialem liberaffe Tribunal quendam Militum ait *Ol. Borrichius in Act. Med. Hafn. tom. 1. observ. 74.* Fœminam hydrope laborantem salivali effusione arte procurata sanatam vidisse meminit *D. Andr. Ernius Misc. A. N. C. Dec. 2. An. 4. obs. 36.* Plicæ polonicæ curatæ prædicto remedio pariter recensentur in *An. 2. Dec. 1. Misc. A. N. C.* quin, & scorbuticam affectionem per mercurialem salivationem fugatam fatentur *Job. Burgius in Dec. 2. An. 3. Job. Accolatus in Dec. 2. An. 9 & Ros. Lentilius in append. An. 10. Dec. 2.* Suffusiones curatas hoc eodem remedio tradunt *Riverius, Fonseca, Schenckius*, & pertinaces ophthalmias scribit *Zacutus*, unâ cum capitis sævo dolore: Multi verò sunt in ambiguo, an prægnantes, & pueri sinè discrimine vitæ per illinitionem mercurialem curari queant; Nodum hunc solvit *Massa de lue vener.*, qui id sinè periculo fieri posse ait, idque verum esse *Jungkenii* observatio confirmat; Mulier enim gravisda infantem 20 mensium lactans lue gallica inficitur, huic præscripsit ipse Doctor apozema alterans, & syrupum purgantem, quò dum utebatur, infans simul purgabatur; satis purgato corpore, etsi hoc non opus fuisset ut constât ex suprà dictis, articulos semel in diè, ad salivationem usque, sed leniter inungere iussit, unde infans, etsi non inunctus, multum pituitæ expuebat, quare ablactari mandavit, ne amplius mercurium à matre susciperet; Sic feliciter mater, & infans convalescere, & post sex circiter menses infantem sanum peperit.

Verumenimverò, licet morbos nonnullos sanaverit tale ex mercurio remedium, & mediante salivatione therapeutica, multæ profligatæ sint affectiones, non putandum tamen, aliquid mali argentum vivum in corpore humano asserre non posse, tam enim innocens non est Proteus iste, ut non possit morbos alios pro salute tribuere; maximè quando animi inquietudo, vel fortis accedat timor, ut mihi nuper per litteras suas humanissimas communicavit *Excellentiss. D. Job. Massonneau Medicinæ,*

ac Chirurgie Professor Gallus, Amicus meus singularis, narrando de viro quodam, qui anno 1699. mense Maii salivationem mercurialem patiens, timore mortis aggressus, infortem incidit melancholiam, cui successit delirium, & furor, cessante omnino salivatione; Absque etiam animi pathematibus potest morbos excitare, & de hac re testis sit Adam. à Lebenwald. *Misc. A. N. C. Ann. 8. Dec. 2. obs. 122.* qui refert, virum quendam generosum ex unctiōe mercuriali in Arthritidem dolorosissimam, & contumacissimam incidisse; Ex imperfecta inunctiōe mercuriali in lue gallica intensissimas ortas. cephalalgias narrat *Pbil. Jac. Sachs, cum Laz Rivorio cent. 2. obs. 91.* Hydrargyrum admoto emplastro, inhaerens magno aegroti damno observavit *Job. Rhodius*, una cum fæda scabie cum motus impotentia ex mercuriali salivatione; Mirum est, inquit *Job. Schenckius lib. 6. observ.* quendam, qui ter dumtaxat secundum brachia unctus fuerat, per aliquot dies, pondus, & angustiam in ventriculo sensisse, deinde cum latrinæ semel insideret, argenti vivi pateram, non sine gravi periculo vomuisse, Stabiem ab illito mercuriali unguento retrogredientem observavit *Clariff. Schrockius Germanie Portentum Schol. ad obs. 16. An. 4. Dec. 2. Misc. Curiosorum*, ex qua orta sunt summa pectoris angustia, & totius corporis intumescencia; insignem inflammationem ex unctiōe mercurii vidit *Job. Georg. Laibius*, ut ipse ait in *Miscell. Ac. Cur. An. 2. Dec. 2. observ. 157.* Hæmorrhagiam ex mercuriali salivatione ortam observavit *Clariff. Nicol. Lemery in suo Curs. Chymic. part. 1. cap. 8* in quodam gallo naturæ robustæ, ac validioris, qui post unctiōnem mercurii, unius semî horæ spatîo duodecim libras sanguinis per os emisit, ac quasi vitam cum sanguine fudit, & quod notabilius est narrat *Clariff. vir Bernardin. Ramazzinus in Diatr. de Morb. Artific. cap. 3.* casum Mulieris, quæ cum in hypocausto marito suo assideret, dum unguento ex mercurio inungeretur, solo aëre illo mercuriali per os suscepto, talem salivationem passa fuerit, ut ulcera in faucibus eidem supervenerint.

Ad mortem deniquè ab argenti vivi inunctiōe, & per con-

B b b b 2

sequens

sequeus à mercuriali salivatione causatam nunc accedamus oportet, ut sic dictis facta respondeant, & stemus promissis; quare; me legisse recordeor apud *Philip. Hæchstetterum obs. Dec. 3.* cinguli mercurialis usum in Sene mortiferum extitisse, cujus pariter cinguli infelix usus notatus fuit à *Gul. Fabr. Hildano*, & *Job. Rhodio cent. 3. obs. 86.* Hinc quendam Gallicum à curatione per hydrargyrum in periculosam Anginam incidisse, quem imperitus tonsor, repetita mercuriali inunctione infami errore necavit, asserit cum *Fernelio Schenckius lib. 6. obs. 17.* Duos puellios mercurio inunctos mortuos se vidisse ait *Daniel Crugervus observ. 16. An. 4. Dec. 2. Misc. Ac. Curios.* De alio Barbitonfore imperito, quorum infinitus est numerus, quibus virtus turpis est arrogantia, ac peritia, temeraria existit ignorantia, narrat *Illustriss. Collega noster Doleus loc. nuper citato*, qui Militem arthritide laborantem unguento mercuriali, inunxit, & quidem totam spinam, & omnes articulos, à qua inunctione miserrimus miles adeò largam sustinuit salivationem, ut omnes dentes eximere potuerit, dein aliquot post dies, accessit sphacelus, à quo lingua, gingivæ, fauces, maxillæ, imò tota facies cum maximo fectore, absumebantur, & sic æger tristi spectaculo vitam miserè amisit: inunctionem pariter Mercurii lethalem fuisse in Juvene viginti annorum fatetur *D. Salomon Reifelinus Misc. A. C. An. 10. Dec. 2. obs. 23.* qui mercuriali unguento, non solum carpum, sed totum inunxit corpus, undè non tantum orta salivatio, sed tumor manuum, & pedum, & capitis, cum spirandi difficultate, liquatis scilicet, & fufis à mercurio humoribus; hinc convulsionibus accedentibus, pariter mors accessit,

Sicque rapit juvenem prima florente juventa;

Pariter ex mercurii inunctione in Scabioso mors sequuta, cujus cadavere aperto, coagulatum in corde sanguinem observavit *Sigismundus König*, cum *Job. Conrad. Peyero obs. anat. med.* referente *Boneto in Sepulchr. Anatom. lib. 4. sess. 10.* Tandemque scio, Pharmacopolam Venetiis hoc Anno 1701. Mercuriali

riali inunctum linimento vitam terminasse brevi temporis spatio. Hactenus autem dicta, quantumvis incomptè de salivatione sufficiant; nunc varia-circà salivam, & sputum à sacris; & prophanis Scriptoribus desumpta in Curiosi, ac eruditionis cupidì Lectoris gratiam exponamus; & sic ad finem hujus Exercitationis properemus.

CAPUT VI. & ultimum.

Varia circa Sputum, & Salivam exponens.

USIBUS, ac morbis Salivæ humanæ in capitibus antecedentibus explicatis, & juxta tenuitatem meam brevissimè expositis, nunc pro hujus Exercitationis Coronide nonnulla à variis scriptoribus colligenda restant circà sputum, & salivam hominis, quæ inordinatè, ac confuso ordine exponam, utpotè quia, hæc quæ dicturus sum plus sapiunt eruditionis, quam Medicinæ, & magis ad Philologiam, quam ad rem Anatomicam spectant; nec sub aliquo anteriorum capitum, tanquam sub propria classe reducenda esse sum ratus, idcirco tumultuariè adnotabo omnia, & singula, quæ ad salivam humanam faciunt à sacris, & à profanis Autoribus, tum ad Lectoris delectationem delata, cum ad mei genium decerpta siquidem *Venusinus* cecinit *Vates in Arte Poetic. ad Pisones*

Omne tulit punctum, qui miscuit utile dulci.

Quod aureum *Horatii* Carmen more solito egregiè *Sapientissimus* omnique laude dignissimus *J. U. D. Jul. Caesar Græzzinus Ferrariensis* noster, *Patriæ Decus*, & ornamentum, sic *Italicum* fecit.

*Insieme unendo l'utile, e il decoro
Al diletto piacevole, la meta
Intiera conseguir, dà cui riceve
Lode l'opra perfetta, e in cui s'acqueta.*

Bbbb 3

Relictò

Relicto itaque proemio ad rem nostram nunc accedamus. Defluxio igitur salivalis in barbam, stultitiæ signum existit, quem admodum observatur defluere in epilepticis, paralyticis, stupidis &c. undè *eruditissimus Cornel. à Lapide sup. 1. Reg. cap. 21.*, ait. *Defluabant salivæ in barbam Davidis, ut ipse se fingeret stultum.*; Hinc salivam in alium immittere, atque alterum inspuere maxima injuria semper fuit, ut colligit ex sacris paginis *Origenes in Matth. tract. 35.* Ex hoc more inquit *Francisc. Pitheus*: Romani milites Jesum Servatorem nostrum, cum omni genere ludibrii adficerent, conspuerunt, quare cecinit *Gbelfucius Ros. cant. 21.*

*L'urtaro, il calpestar, grafiargli il crine,
Bruttargli il volto di saliva imonda.*

Undè *Isaias cap. 50. faciem meam non averti ab increpantibus, & conspuentibus in me.* Injuriam hanc conspuendi in alium præter illud quod habetur in *Deuteronom. cap. 25.* suprâ quem locum nonnulla eruditè habet *Cornel. à Lapide*; adnotant veteres scriptores profani; sic enim *Tullius* celebrans patientiam cujusdam inquit, *qui consputatus ab alio verbum reddidit, non omnino contumeliosum*, & *Lucianus* expuit in *Zonotemim jam jam maxillam percussurus*; hinc solitos fuisse nonnullos Antiquos in faciem spueri ad ignominiam inferendam nautis illis, qui negligerenter navim gubernassent, colligitur ex *Stobæo sermon. 44.* his verbis; *Cereeta* illos, qui crimen quodcumque commiserunt, sacris interdunt; si quis autem navim gubernans aberraverit, singuli accedentes in faciem ejus inspuunt, & rationem hujus vituperii assignat *Picinellus in lum. reflex. part. 5.* scribendo, salivam in faciem injicere injuriam maximam esse, quia sputum ab omnibus in locum viliorē emittitur; Quamobrem *Aristippus* referente *Laertio*, ingressus cubiculum solemnī pompa exornatum expuit in Heri faciem, dicens *opportuniorem locum non habui.* Hinc spueri non licebat in dolo in Vico Romæ, quod ibi defossa sacra invadentibus Gallis Senatoribus Urbem, ut meminit *Laurentius*

in

in *Polymat. lib. 5.* Spuere procul in conviviis, aut aliis congressionibus signum eminentiæ fuisse testatur *Clem. Alexandrinus*, imò eminentis vanitatis indicium potius *Philip. Pareus in elect.*; itemque procul spuere, & multum tullire, arrogantiam signare docuit *Laurentius*; hinc e contra in sinum proprium spuere posuit in *Emblem. 111. Alcivatus*, & hoc pro signo humilitatis ait *Claud. Minors in ejus Commentario*; cum ex *Casaubono in Theophrast.* notaverit, procul spuere eminentiæ esse signum, ut etiam ego suprâ ex *Clement. Alexandrino* collegi; undè etiam apud *Plautum in Persa* ad exprimendum gestum gloriosum quidam ait *Magnificè conscreabor*: Ast redeamus in viam, & insputationis contumeliam sequamur, cujus speciem notavit impurus ille, licet puræ latinitatis Autor *Petronius in Satyric. cap. 92.*, imò in faciem conspui fuisse signum repudiî apud sacras paginas notavit *Origenes in cap. 12. Numer. Homil. 7.* ac despui illos, qui à nobis dimoventur, ait eruditus noster *Franc. Bernius Ferrariensis. Comes in Moralit. Arcan.*, undè Constans Imperator suam relinquens Metropolim eam conspuit; hinc legitur apud *Leviticum cap. 15.* Si Salivam homo jecerit super eum qui mundus est lavabit vestimenta sua, & lotus aqua immundus erit usque ad vesperam.

Immundissimo conspuere basio dicuntur illæ vetulæ edentulæ, quibus involuntariò emanat ab ore Saliva; sic *Catullus* cecinit

Suavia comminxit spurca saliva tua

& alibi

Tanquam comminxi spurca saliva lupa.

quæ Catulli carmina egregiè castigata explicavit *Joseph Scatiger in suis notis super Catullum &c.*, & eruditè more solito exposuit *Clariss. Alexander Guarinus Ferrariensis noster in suo opere super citatum Poetam*; Talia oscula fugienda, & expuenda sunt, quemadmodum fecit apud suavissimum nostrum *Fabularum pastoralium*

ralium Principem *Baptistam Guarinum*, Amarillis pudica, dum ait

*Bocca baciata à forza ,
Se il bacio sputa ogni vergogna amorza.*

quæ elegans sententia desumpta fuit à *Theocrito* Poeta vetustissimo, qui Nympham pariter vi osculatam canentem introduxit, cujus verba è græco in italicum carmen translata sic sonant

Jo mi lavo la bocca , e sputo il bacio.

Cautè igitur istæ virgines osculum expuerunt, nè scilicet fortassis ab orium connexione, coinquinata saliva deglutiretur, & intrò luxuriei venenum penetraret, quod idem ipse advertit *Guarinus citatus*, canendo

*Ne lasciai, che corresse
L' amoroso veneno al Cor pudico.*

hinc suavissimus, omniumque Poetarum cultissimus *Albius Tibullus Eques Romanus* lib. 1. eleg. 9. cecinit

..... *humida linguis*
Oscula

Ethac de causa hortatur *Kempius* Gallos ut in actu osculandi ratione consuetudinis urbanæ, non apponant os ori, ne halitus, & saliva commisceantur, sed potius ore genas contingant, hoc enim modo consuetudini satisfaciunt, & infectionis periculum evitabunt; similiter *Lucretius* lib. 4 scripsit

..... *Junguntque Salivas*
Oris, & inspirant, pressantes dentibus ora.

Ad quæ *Lucretii* verba notat *Job. Bapt. Pius*, Salivam Puellæ amatæ venenum esse transfunditur enim, ait ipse, in corpus
Amav-

Amantis, ita ut recrudescat luxuries; hinc *Tertullianus de Virg. veland.*, inter oscula concallescere scripsit, & *Clem. Alexandrin.* de his osculis loquendo in *Pedagog.* ait, *oscula sæpe immittant viri impudicitiae*; de talibus osculis plura dabit *Kempius de osc.* dissert. 19.

De sputando non tantum osculo, sed morbo pariter, nonnulli verba faciunt, ut *Plautus in Captiv.*, canendo

Et cum morbum mihi esse, ut qui me opus sit insputarier.

super quem locum *Lambinus* ait, Morbum illum, qui sputatur interdum venire pro morbo Comitiali, qui oris saliva, & spuito aliquando levatur, imò potius cujus contagium sputando prohibetur; *Plinius lib. 10. simulque comitalem propter morbum despui. suetum.* & in lib. 28. *despuimus comitiales morbos, hoc est contagia regerimus*; quoad me pluries observasse fateor præsertim mulieres, quæ vel aspectu epileptici alicujus, vel etiam sola talis morbi descriptione, aut nomine tantum audito, statim bis, terque expuunt; quare autem hoc faciant? si interrogentur, nesciunt.

Fascinationes jejuna saliva repelli docuit olim *Alexand. ab Alexand. gen. diar. lib. 5. cap. 27.* Ad veneficia expellenda valere ipsam tradidit *Mart. de Roa Soc. Jesu Sacerd. singul. lib. 6. cap. 8.* undè pro fascinis infringendis ter in sinu expuere, optimum fuisse, antiqui nimis creduli, ac superstitiosi putabant narrante *Jacobo Wolfio in scrutin. amulet. med. sect. 1. cap. 2.* Sic sputum, ait *Erardus super Petronium*, fronti illinebatur lustrale infami digito, & expuebatur ad fascinum avertendum; item sequitur ipse, ter spuebant in sinum, aut superior palpebra tangebatur, quod idem mutatis verbis scribunt *Clariss. Pignorius com. in Alciat. emblem.*, *Plinius lib. 28.* & *Scaliger ad Petron.*, hinc *Bucolicorum Princeps Theocritus Idil. 6.* canit

Ter secreta sinus tetigi sputamine nostri,

Sicut anus docuit.

& gravissimus morum censor *Persius in satyr. 2.* scripsit.

Jos. Lanzoni Opera. Tom. I.

C c c c

Ecce

*Ecce Avia, aut metuens divum matertera cunis
Exemit puerum, frontemque, atque uda labella
Infami digito, & lustralibus ante salivis
Expiat urentes oculos inbibere perita.*

Super quæ carmina scribunt *Anton. Foquelinus, Martin Kempius, & Thom. Farnabius*, salivam purgatoriam vim habere creditum fuisse ab antiquis, & ad fascina inhibenda valere; exprimere enim tales *Persii* versus superstitionis illos ritus ait *Eilard. Lubinus in cit. loc. commentario*, quibus vetulæ in precibus, & lustrationibus suis super nepotes, & natos, utebantur, nempe licio varii coloris, cervicem illorum ungebant, postea turbatum sputo pulverem medio tollebant digito, & eorum frontem, ac labella signabant, ex quo notandum cum *Casaubono sup. citat. Persium*, non meram Salivam veteres ad expiationes adhibuisse, sed lutum ex saliva, & pulvere, unde *Petronius Arbiter*; *mox turbatum sputo pulverem medio sustulit digito, frontemque signavit*; nec hic aliter potest interpretari saliva lustralis, nam sine luto expiationes non peragebantur, ideòque lutum inter genera catharmorum, quos superstitionis homines stultè excogitaverant, ponit *Plutarchus*, cum *Kempio*; lutum autem, quo vanæ illæ aniculæ, ac nimis credulæ piatrices utebantur, vel proprio conficiebant sputo, ut supra dixi, vel è balnearum cellis petebant, autore *D. Chrysostomo*, qui in *prim. ad Corinthios*, ejus meminit vanitatis; *solent enim, ait ipse, Nutricule, aut ancillule, vel aliæ Mulieres luto è balneis sumpto, digito infantem linere, & illius frontem signare*; hæc autem omnia sunt Antiquorum superstitionis vana deliramenta; verum tamen est in Baptismatis Sacramento apud nos Catholicos, saliva liniri pueros ad aures, & ad nares, & hoc fieri propter Fidei receptionem, quantum ad aures; & propter aptitudinem ejus contra dæmoniâs pugnas, quantum ad nares, legitur in *Sacerdotali Romano*. Non tantum autem saliva utebantur Antiqui; sed ejus quoque nomen ad significationem aliarum rerum adhibebant; unde hoc nomen salivæ frequenter usurpari à *D. Hieronymo* pro dicendi genere, ac stylo-
&

& prò orationis gustu asserit *Marianus Schol. ad epistol. 61.* ejusdem Doctoris Maximi, & prò gustu pariter intellexit salivam *Perfusus*, cujus Poetæ carminibus vir ille sanctus plurimum delectabatur, ut ait *citatur. Marianus*, & ratio esse potest fortassis, quòd saliva, vel sputum, ea quæ à capite descendat, sapiat, & qualia illa sint, ex gustu suo nobis referat; supponebat enim magnus ille doctor, salivam à cerebro provenire, quemadmodum docebant multi Antiquiores Medici; Eleganter igitur, & proverbiali figura dixit, & à saliva, quam semel imbibit, id est ab illo gustu, quo puer imbutus est, ut optimè advertit *Paul. Manutius in Adag.*, sumpta metaphora ab infantibus quibus præmansum cibum nutrices in os inferunt, non sinè saliva, cui, cum assueverint, nihil jam illis sapit, quod ab illius primæ salivæ gustu diversum sit; proinde modis omnibus curandum, ut optimis assuescamus; idem solet accidere plerisque nostrum, ut quidquid dissideat ab iis, quæ primis illis annis imbibimus, protinùs displiceat; Multi aiunt, & canes eos amare, quorum gustarunt salivam. Hinc tantæ, ac talis deniquè dignitatis saliva semper extitit apud bonarum litterarum Cultores, ut non tantum ejus nomen ad alia significanda in homine usurpaverint, quin etiam ipsam salivæ nomenclaturam ad mixta inanimata transtulerint, sic ad Vinum transfert salivam *Suavissimus Propertius*, dum canit lib. 4. eleg. 8.

*Itydamus ad cyathos, utrique æstiva supellex
Et Methymnæi græca saliva meri.*

hanc autem vini salivam, esse ipsius vini saporem, inquit Rex Criticorum *Turnebus in lib. 30. Adversar. cap. 7.* una cum *Rever. P. Martino de' Roa in lib. 6. singular. cap. 8.*

Sycerum salivam ad mel significandum dixit *Plinius lib. 11. cap. 12.*, & cum eo *Aldrovand. de insect. lib. 1. cap. 2.* Tandemque de sputo Cuculino salivæ speciem in nonnullis herbis collecto meminit *Franc. Baco de Verulam. in Sylv. Sylvat. centur. 5.* ex quo sputo nasci cicadas credidit *Isidorus orig. lib. 12.* quod

C c c c 2

tamen

tamen apertè negat *Aldrovandus de insect. lib. 2.* in hoc autem cuculino, seu herbarum sputo vermes se observasse scribit in suo eruditiss. Dialogo primo de insectis diligentissimus Philosophus, & Medicus insignis *D. Anton. Valisnerius* Amicus meus singularis, Archi Lycei Patavini Lector dignissimus, & insectorum generationis exactissimus Scriptor.

Hæc autem de salivæ natura, causis, virtutibus, morbis, ac significationibus laconicè à meo rudi calamò exarata, grato animo ut accipias, Lector Amice, rogo, ampliora suis loco, & tempore expectaturus; in his conscribendis, si quid interspersum notaveris, quod sapiat Gentilium mores, hoc eruditio- nis gratia tantummodò dictum scias velim; pro sacrosancta enim Fide nostra, non tantum qualescunque labores meos libenter tribuerem, sed puriorem cordis mei sanguinem alacri animo, ac læto spiritu effunderem; Sin verò, quid pro- bis, doctisque Viris, ac veritati consentaneum protuli, hoc primo à bonorum omnium Largitore D O M., secundò à doctorum virorum monumentis, acceptum referatur; Interim si in aliquo erravi, humanum scias esse labi; Scripsi hæc non, ut contentiones sererem, aut hostes in me concitarem, sed, ut nudam veritatem indagarem, ac tibi, Lector Amice, pla- cerem; Si finem hunc obtinuerim, benè jacta est alea, & *summa stat anchora puppis.* Suficiens laborum meorum merces erit, si conatus mei tuæ curiositati satisfecerint. Plura istis, & me- liora fortè addet alius; Scriptionis hujus metam attigisse mihi videbitur, si alios excitaverim ad ea circa salivam humanam investiganda, quæ diligentiam meam fugerunt, Si alicui vero tantillum utilitatis attulerim, tunc gaudebo, & cum Eruditis- simo viro Ferrariæ nostræ ornamento maximo, *Lilio Gregorio Gyrardo* canam

..... non fuerit noster labor irritus omnis
Quod sic accendat nostra lucerna suam;
Sic jecus acciderit, fructus, nec carperit ullos
Gaudeo sic etiam, nam voluisse sat est.

hinc

hinc soli Deo , unico , & trino Honor , & Gloria.

Scribebam in meo Musæo Ferrariæ die 20. Decembris Anni
1701.

F I N I S.

*Jamque opus exegi , prorsus nunc carbasæ nostræ
Tollere , nunc placido fas est requiescere portu
Sed Tu , magne Pater , nutu qui regna gubernas
Cuncta tuo , magnisque vales dare jura Monarchis
Aspice , quam moveat diros Europa tumultus.
Vulnera quæ patitur lugens nunc Itala tellus :
Fac peto discordes coeant , dextræque , fidemque
Christicolæ jungant omnesque in barbara ferrum
Corpora transadigant , infidæque pectora frangent.*



CATA-

C A T A L O G U S

Illorum Doctorum Virorum, quorum in hac Exercitatione de

SALIVA HUMANA

fit mentio.

A B Alexandro Alexander.
 Elianus.

Alciatus Andreas.

Aldrovandus Ulisses.

Alberghettus Antonius.

Alexandrinus Clemens.

Ammannus Paulus.

Andriolus Michael Angelus.

Arbiter Titus Petronius.

Archigenes.

Aristippus.

Aristoteles.

Asclepiades.

Avicenna.

Baco Franciscus.

Baglivus Georgius.

Barbetta Paulus.

Bartbolinus Caspar.

----- Thomas.

Baruffaldus Hieronymus.

Bayrus Petrus.

Becherus Daniel.

Bellini Laurentius.

Berengarius Jacobus.

Bertini Antonius Franciscus.

Biblia Sacra.

Bibliotheca Anatomica.

----- Medica.

Bilsius Ludovicus.

Birelus Jo, Baptista.

Blancardus Stephanus.

Blasius Gerardus.

Blegry Nicolaus.

Bobn Joannes.

Bonannus Philippus.

Bonetus Theophilus.

Borrichius Olaus.

Boyleus Robertus.

Burgius Joannes.

Burnetus Thomas.

Calcagninus Caelius.

Calpurnius.

Calmetheus Antonius.

Capellus Octavius.

Cardanus Hieronymus.

Cartesius Renatus.

Casaubonus Isaach.

Catullus C. Valerius.

Cicero Marc. Tullius.

Clericus Daniel.

Craanen Theodorus.

Crathetes.

Crato

Crato Joannes.
Crugerus Daniel.
Crysoſtobomus Joannes.
Democritus.
Deuſingius Antonius.
Diemerbroeck Isbrandus.
Dionis Petrus.
Dioſcorides Pedacius.
Dobrzeſky Jo. Jacobus
 Wenceslaus.
Doleus Joannes.
Doringius Michael.
Ernius Andreas.
Ettmullerus Michael.
à Fabra Aloyſius.
Fabri Jo. Matheus.
Falopius Gabriel.
Farnabius Thomas.
Fernelius Joannes.
Firmianus Cœlius Lactantius.
Flaccus Horatius.
Fonſeca Rodericus.
Foquelinus Antonius.
Foreſtus Petrus.
Fraccaſſatus Carolus.
Gallenus Claudius.
Gallus Cornelius.
Gbelſucius Capoleo.
Gladback Jo. Bernardus.
Gliffonius Franciſcus.
Graaf Regnerus.
Grazzius Julius Cæſar.
Grebnerus David
Guarinus Alexander.
 - - - Baptiſta.
Gulielminus Dominicus.

Gyraldus Lilius Gregorius.
Hannemannus Jo. Ludovicus.
Helmontius Jo. Baptiſta.
Herodotus.
D. Hieronymus.
Hildanus Gul. Fabricius.
Hippocrates.
Hoefſtetberus Philippus.
Hogelande Cornélius.
Hoffmannus Fridericus.
Horſtius Gregorius.
Huneruswolfius Jacob. Auguſt.
Janſſonius Theodorus
D. Joannes Evangeliſta.
Job.
Joel Franciſcus.
Jovius Paulus.
Iſidorus.
Juſtinus Franciſcus.
Jungken Jo. Helfricus.
Juvenalis D. Junius.
Kempius Martinus.
Kergerus Martinus.
Königb Sigifmundus.
Laertius Diogenes.
Laibius Jo. Georgius.
Lambinus Dionyſius.
à Lapide Cornelius.
Laurentius Joſephus.
Lebenwaldt Adam.
Ledelius Samuel.
Lemery Nicolaus.
Lemnius Levinus.
Lemort Jacobus.
Lentilius Roſinus.
Löwenock Antonius.

Lotichius

Lotichius Jo. Petrus.
Lubinus Eilardus
Lucanus M. Anæus.
Lucianus.
Lucretius Titus.
Lyster Martinus.
Maidalcbinus.
Maiolus Simon.
Malpighius Marcellus.
Mangetus Jo. Jacobus.
Manutius Paulus.
D. Marcus Evangelista.
Martialis M. Valerius.
Martinius Martinus.
Massa Nicolaus.
Masseneau Joannes.
Matbiolus Petrus Andreas.
Menander.
Mercklinus Georg. Abraham.
Mesius Joannes.
Mindererus Raymundus.
Minoes Claudius.
Miscellanea A. N. C.
Mizaldus Antonius.
Mortonus Riccardus.
Mullerus Philippus.
Muralto Joannes.
Nichander.
Nigrifolius Franciscus Maria.
Nuck Antonius.
Ophilius.
Oribasius.
Origenes Adamantius.
Pancirolus Guidus.
Pareus Ambrosius.
..... Philippus.

Pascoli Alexander.
Pauli Simon.
Peyerus Jo. Conradus.
Persius Aulus.
Perotus Nicolaus.
Petreus Henricus.
Picinellus Philippus.
Pignorius Laurentius.
Pitbeus Franciscus
Pius Jo. Baptista.
Platerus Fœlix.
Plautus M. Accius.
Plinius Caius.
Ponzetus Ferrandus.
Poppius Hamerus.
Possidonius.
Propertius Sextus Aurelius.
Puchbaimerus Philippus
Ramazzinus Bernardinus.
Raygerus Carolus.
Reies Caspar.
Reiseliuss Salomon.
Rbenanus Beatus.
Rbodius Joannes.
Riverius Lazarus.
Rivinus Aug. Quirinus.
Roa Martinus.
Rochi Josephus.
Rodiginus Cælius.
Rolfincius Guernerus.
Romellius Petrus.
Rulandus Martinus.
Sacerdotale Romanum.
Sachius Pompeius.
Sachs Philip. Jacobus.
Salmuth. Henricus.

Salvin.

Salvini Antonius Maria.
Sangallus Petrus Paulus.
Sbaragli Jo. Hieronymus.
Scaliger Josephus.
 ----- *Julius* Cæsar.
Scaramuccius Jo. Baptista.
Scharsius Benjaminus.
Schenckius Joannes.
Schneiderus Conradus Victor.
Schoeckius Martinus.
Schröderus Joannes.
Sbrookius Lucas.
Seneca Philosophus.
 ----- *Tragicus*.
Sennertus Daniel.
Severinus Marc. Aurelius.
Silvius Franciscus de Leboe.
Sitonius Joannes Baptista.
Solinus Julius.
Stephanus Robertus.
Stenonius Nicolaus.
Stobæus Joannes.
Tacbius Joannes.
Tacbenius Otto.
Tairy Daniel.
Terentius Publius.
Tertullianus Quint. Septimius.

Testi Ludovicus.
Theocritus.
Theophrastus.
Tibullus Albius.
Tillingius Matthias.
Tozzi Lucas.
Tranquillus Suetonius
Turnebus Adrianus.
Valerius Maximus.
Valerianus Pierius.
Valesius Franciscus,
Valisnerius Antonius.
Van Horne Joannes.
Varo.
Victorius Marianus.
Vigo Joannes.
Waldschmidius Jacobus.
Wartonus Thomas.
Wedelius Georgius Wolfan-
 gus.
Weslingius Joannes.
Wienussens Raymundus;
Wolffius Jacobus
Wolffius Gerardus Joannes.
Zacchias Paulus.
Zacusus Lusitanus.
Zypæus Franciscus.

I N D E X
C A P I T U M.

C A P U T I.

De Salivæ Natura, & causis. pag. 491

C A P U T II.

De ductibus salivalibus, & de secretione salivæ. 500

C A P U T III.

De usibus salivæ humanæ. 512

C A P U T IV.

De salivæ proprietatibus, ac virtutibus. 518

C A P U T V.

De morbis salivæ, ac de mercuiali salivatione. 525

C A P U T VI.

Varia circa sputum, & salivam exponens. 551

JOSE-

JOSEPHI
LANZONI,

DE

MEDICI OFFICIO

AC MUNERE

EPISTOLA

Ad Excellentissimum Dominum

D. NICOLAUM FACCINUM

PHIL. & MED. DOCT. FERRARIENSEM.

Medici nomine multi, re autem, & opere valdè pauci.

Hippocrat. in Lege.



FLAGITASTI a me, Excellentissime Domine, ut tibi conscriberem aliquid de Medici officio, ac munere. Expleo nunc quod petisti, ut possum; non fortè ut cuperes; attamen me excusatum habeas, nam Praxis medica, & Lectiões quotidianæ, ut tu benè noscis, meis Discipulis faciendæ, parum otii mihi relinquunt, & præsertim quia in crastinum Lauream Doctoralem Domino *Benedicto Lollio* publicè in nostro Collegio conferre debeo. Utcumque tamen, ad rem venio.

Magnus Medicorum Princeps *Hippocrates* in *Epist.* ait: *Porrexit mihi manum Deus, quam ubi libentissime apprehendissem, rogabam, ut simul mecum pergeret, & ne me in medendo destitueret:* ex quo liquet, qualis debeat esse Medici religio, ac pietas; videlicet, ut sit pius erga Deum, honestus erga Proximum, & religionis exercitia frequenter. Debet esse temperans præcipue in gynecæis, unde apud *Lacedæmones* *Æsculapii* simulacrum ex agno-casto construebatur. Sit Sobrius, sit taciturnus, & occulta artis nostræ mysteria, nec non secretiores ægrotantium morbos evulgare scelus putet, quandoquidem *Ægytii* in Medicinæ templis *Harpocratem* silentii Deum labia digito comprimentem adorabant. Erga omnes sit comis, cunctis officiosus, Sociis amabilis, reliquis urbanus, nemini onerosus, ægrotantibus placidus, facilis, blandus, suavis, siquidem *Hippocrates lib. 7. Epidem.* ægris gratificandum esse nos monet;

D d d d 3

neque

tram momenti : Consultationes autem jussu *Hippocratis*, absque contentione, & altercatione fiant, ne derisui se exponat Medicus ; discordia igitur inter Consultantes semper est damnanda, quia privati odii pertinacia stimulat in publicum exitium, ac plerumque laborantium salutem præcipitat : Scorsim autem ab ægris consilia medica facienda sunt, ut liberius quid sperandum, vel metuendum proponatur. Non improbos medicos imitetur, qui famam, quam virtute nequeunt, fraude, doloque comparare nituntur. Ne se collaudet, aut morbum parvum magnificat. Non accedat ad ægros, nisi rogatus, quod præceptum maxime observandum ait à *Calvo* : & hic risum retinere nequeo, dum Medicum Senem sed sordidè avarum novi, qui sæpè Monasteria petit non vocatus, & poscit, an aliquis de Familia suæ operationis indigeat ; quod certè ineptum, ac ridiculum est : In odoribus minimè sit affectatus, præsertim cum Virgines non omnes bene ferant odores : ungues abscondat, manus nitidas ferat, munditiei studeat, luxum tamen vitet : Vocatus veniat tempestivè, salutet ægrum, & condolentiam testetur, quærat an longo tempore decumbat, observet ætatem, blandè prius colloquatur, indè pulsum tangat bis modeste ; examinet hypochondria, tangat partem affectam, ægro- tantis linguam exploret, & nihil omnino omittat eorum, quæ ad exactam morbi cognitionem facere possunt ; nec cum ægris bibat, ac comedat, nam nimia familiaritas parit contemptum, ut ait *Riolanus*. Simplicibus cum possit mederi, à compositionis se absteineat ; in compositione enim medicamentorum fugienda est illa theriacalis, & nauseabunda variorum simplicium commistio, quæ non est necessaria, sed inutilis, incerta, & sumptuosa, natura quippè paucis contenta simplicibus gaudet, & sæpè unica herbula appropriata morbus citius, ac felicius proffigabitur, quam prodigiosis illis compositionibus : Audiat quæso, *Dom. vestra Excellentiss.*, id, quod de hac re scribit *Clariss. Georg. Baglivus de morb. success.* „eruendo morem, & „consuetudinem vulgarium medicorum, qui alia ratione curare morbos nesciunt, quam satiendo stomachum syrupis, con-

„conservis, & mille nugivendulis pulveribus, *Tyrones mei*, „*quam paucis remediis curantur morbi; quamplures vita tollit remedia, diorum farrago*, &c. idemque mutatis verbis innuere videtur in suis Epistolis Sapientissimus *Redi*. In morbis autem curandis, & in sanitate custodienda, non semper auxiliis utendum, sed oportet interdum quiescere, hoc est nihil prorsus, præter commodam victus rationem, instituere; sic fieri oportet in iis, qui perfectè judicantur, vel judicati sunt, ut in morborum statu; sic jubente *Hippocrate in apborism*. Medici enim, ait *Livius*, plus interdum quiete, quam movendo, & agendo perficiunt; ità Naturæ sæpè multorum affectuum curatio est committenda, ut docuit *Sydenhamius*. Die decretorio, ac critico nunquam evacuatio instituatur, quando necessitas non urgeat, ac cogat. Esto in arte nostra generalis regula, semper blandè, ac lentè procedendum in omni cura ægrorum, uti etiam docuit *Franc. Sylvius de le Boe*. De mercede non paciscatur, hoc enim proprium est Agyrtarum, non sapientum virorum. Nec semper ægris severè deneganda, quæ natura summè appetit; vidi enim Mulierem à pertinaci vomitu liberatam nucibus edendis concessis, quas enixè postulaverat. Morborum incurabilium curam non suscipiat Medicus, ut præcepit *Hippocrates lib. de Arte*: morbi enim in triplici sunt classe; Leves, quos natura sanat; Mediocres, qui à Medicis tractantur; & Incurabiles, qui linquendi, ne cum promiserimus sanare, ignominiam, pro Gloria, referamus. Amuleta ne spernat, & medicamentis occultarum qualitatum, ut dicunt, multam non adhibeat fiduciam, inquit enim *Galenus* „qui volet esse præclarus Medicus, iis medicamentis, quæ ægros juvant a qualitate occulta, rarò uti debet. Quidam Medici remedia omnia chymica negligunt, & formidant, alii e contrà illa suprà modum extollunt; sed medium tenere beati: Mercurius porrò in usum non est ducendus, & non loquor de præparato, sed de crudo, qui anxietatem inducit, monet enim *Waleus in Meth. med.* se novissè melancholicos, qui se lue venerea laborare putarent, Medicumque tandem eo persuaderent, ut ad Mercurii usum deveniret, unde sequenti

quenti die moriebantur. Neque laudare possum nonnullos nostros Medicos, qui pilulis mercurialibus utuntur, cum sanè tutioribus, mitioribus, ac salubrioribus remediis uti possent, ut Salsaparilla optima: Post usum Mercurii (sunt verba ejusdem *Walei*) facile sequitur dysenteria, obstructio, & nervorum debilitas; hinc Mercurio inuncti incidunt in paralyfim; & vidi tumores, cœcitatē, & surditatē à Mercurio sumpto induētā; quo circa legi meretur erudita Epistola lib. 14. Clariss. nostri *Jo. Manardi*, in qua multa contra Mercurii usum in re medica inveniuntur egregiè a tanto Viro exarata, prodit enim malignitatē hydrargiri, & inscitiam illorum accusat, qui tali utuntur remedio. Caveat insuper Medicinæ Professor, ne artem nostram turpiter servilem faciat, quemadmodum quidam medici, qui ter, quaterque in die ægros invisendo, propriam inscitiam sedula officiositate compensant, & nisi doctrina illustres, saltem sunt blanditiis insignes, à *Galeno* ipso derisi, dum quidquid eis adulantibus jubetur (ait ille) mancipiorum more faciunt, ideoque à cordatis Viris, tanquam turpes Agyrtæ, & pedilsequi rudes irridentur; ex quo artis apollinæ vilipendium oritur, & ars omnium præclarissima (sunt verba præcisæ Clariss. *Lancisi*) omnium vilissima existimatur; unde plus præmiū datur Coquis ad crapulam, quam donetur Medicis ad salutem; quod etiam tempore suo innuit *Galenus* ipse, dum scripsit, *Divites Medicis coquos præferre*. Insuper Medicus sit imprimis erga Collegas sociabilis, nec arceat alios à visitatione Ægrotantium, nec politicè, ac studiosè Medicos sui æquales, imò doctiores ab infirmis amoveat; privat enim alieno consilio Ægrotantes, lædit amicos, atque ne prodat suam inscitiam, morbo affectos suæ curæ commissos prodit, ac fallit. Sit Medicus conversatione affabilis, non garrulus, nec maledicus, quales sunt Parabolani, & Circulatores; non sit blasphemus, neque aleator, nec rixarum, & contentionum cultor, nec jura spernens, ac Principis Edicta contemnens, ne incidat in Apparitorum manus, hoc enim summi dedecoris est, & totam Medicorum familiam infamat. Summopere execratur *Job. Bobnius*

Jos. Lanzoni Opera. Tom. I.

E e e e

illam

illam nonnullorum Medicorum imprudentiam, aut mavis animi malignitatem, per quam præ aliis emergere, hosque subigere, seu supplantare moluntur; philautia nimirum, ambitione, & vana gloria inflati, eos parvi faciunt, irrident, convitiis incessunt, cavillant, ab Eruditorum candore abhorrent, sola sua ipsis arident, ac aliena semper despiciunt, quam quidem amarulentiam, modò coram, & palam, modò clam, & à tergo spifant; utrumque variis artificiis, imò aliquandò sub blanditiarum, & collaudationum singulari specie occultant; laudant alterius Medici Eruditionem, & dolent ejusdem in Praxi infelicitatem, & ut opprimant ejusdem virtutem, dicunt, multum valere in Poësi græca, & latina, ac italica, in Sanctorum PP. monumentis, in sacra, & prophana eruditione, parum verò in praxi medica administranda, quasi quod diversa essent instrumenta Sapientiæ, alia Medicinæ, alia Philologiæ &c.; verùm cum eadem sint in homine instrumenta sciendi, ideò si bonus erit Philologus, Eruditus, Poëta, erit etiam Medicus illustis, Anatomicus insignis, & Practicus celebris, si hæc Artes coluerit, quemadmodum fuere antiquis temporibus *Galenus*, *Celsus*, *Fernelius*, *Fracaflorius*, recentibus autem *Malpighius* *Torrei*, à *Capua*, *Redius*, *Bellini*, alique plures, in quibus enumerandis tota non sufficeret dies: Absint Medici illi, qui favorem quærunt Muliercularum, Barbitonforum, Obstetricum, & per harum commendationes, ac ut ita dicam, patrocinia, praxim quærunt, & ægrorum visitationes comparant, hoc enim ignorantia est signum, siquidem *Plautus in Amphib.* ait *Virtute ambire oportet, non favoritibus; Sat habet favoritarum semper; qui recte facit.*

Nefas ferme esset credere, Medicum aliquando colludere cum Pharmacopæis, questus reciproci, atque sordidi causa sancta, ita ut in Ægrotantis damnum, medicinas præter necessitatem, & majoris pretii præscriberet, quod tam iniquum est, ut nefas quoque sit hoc de veris Medicis cogitare. Vitium sequens nonnullos Medicos vexat, quod sanè fugiendum, nempe si à Medico morbus gravior, & periculosior fingatur, ac re-

verà

verà sit, eum in finem, ut si æger moriatur, erroris suspicio à se declinetur; sin reualescat stipendium augeat, & magis ægrotans Medici decantet laudes; hoc enim histrionis esse, ait *Celsius*, parvam rem attollere quo plus præstitisse videatur. Medicus in diæta præscribenda ne sit rigidior; in medicamentis non excedat, in remediis administrandis à virium proportionem nunquam recedat. In uno tantum remedio spem omnem non collocet, veluti si esset *Panacea*; nihil intermittat calumniæ metu, nec sit timidus, nec pertinax, non sit assentator, non jactabundus, non malignus; juxta conscientiam deponat, ad medendum vocatus sit promptus: ægros pietatis admo-
neat, confessionem sacramentalem inculcet, agat secundum rationem, & experientiam, consuetudini indulgeat, ac semper Deum, tanquam Medicinæ Authorem cognoscat; ait enim *Marsilius Ficinus*, Medicinam sine cælesti favore, sæpius esse inanem, sæpè noxiam: Tutò autem curabit Medicus ægrotantes artis nostræ beneficio, convenienti qualitate, commoda mensura, & tempore opportuno exhibendi remedia. In Morbis verò debilibus medicinæ sortes non sunt præscribendæ, in debilibus debiles, valentibus valentia pharmaca conveniunt, & quæ longo tempore sunt contracta, lentè curare oportet, quæ brevi, breviter. Advertat igitur Medicinæ Professor, semper utenda esse medicamenta suavia, & quoad colorem, odorem, & saporem, ut fieri potest, grata, & jucunda, quod etiam supra innui. In prima Infirmi vilitatione inquirat Medicus, quid doleat, ex qua causa, quot diebus, an alvus secedat, quo victu utatur; consideret ætatem, sexum, temperiem, consuetudinem, anni tempus, aëris constitutionem, loci ac regionis rationem, vires, & an aliquid divini insit in morbo examinet: In Fœminis sciscitetur, an mulier sit gravida, & quot mensibus utero gerat; an menses in virginibus, vel non gravidis, vel lochia in puerperis ritè fluant. Quærendum insuper an, & quibus hætenus usus fuerit Infirmus remediis, an parentes tali morbo laboraverint, & an sæpe, vel rarò morbo tentetur. Præter omnia observet Medicus Egri

loquelam, faciem, oculos, linguam, decumbendi modum, inspiciat urinam, & alias, si adsint, excretiones observandas. Officium autem Medici est, morbos sanabiles sanare, & insanabiles prædicere, ne, si fortè Ars a vi morbi victa fuerit, vel ignorasse, vel errasse videatur. Audiendus est *Weinbartus*, qui agitudine incipiente docuit, medicum debere judicium suum suspendere, atque Oraculi more ambigüe de morbi exitu pronunciare; *satis enim* (sunt verba *Galen*i, *de dieb. decret.*) *est tacere, quam teneè promanciando falli.* Poësis commodè interfuit Medico, quatenus eum divertit, præcipuè horis succisivis, eamque non quidem, ut civem, sed peregrinam tractare licet, hæc enim erit pulchrum Medici ornamentum; sicuti eloquentia eruditione munita erit quodammodo necessaria, tum in Cathedris ad Artis decorem ostentandum, cum ad Juvenes erudiendos, Conclusiones publicè defendendas, ac Tyrones Laurea Doctorali donandos, nec non lectiones, tum publicas, tum privatas exornandas. Anatomix, Botanicæ, Chymix, Physicæ, Pharmacix, atque Chirurgix incumbat, nullus enim bonus est Medicus, nisi qui illis artibus imbutus sit. Vitet Medicinæ Professor avaritiam, superbiam, & arrogantiam, nec alios suos collegas, tanquam volitantes umbras ex alto despiciat, ac se solum (*ut verbis utar Weinbarti*) cæterorum medicorum exemplum, Artis Hippocraticæ canonem, & archetypum vana ostentatione arbitretur, sicque nimium sibi fidens etiam in gravibus periculis alios sibi adjungi, non modo non postulet, verum etiam oblatos repudiet.

Ingratos etiam, qui jam olim e vitæ discrimine erepti, de-testanda ingratitude, beneficentiam Medici contempserunt, nec præmiati sunt, cum denuo ad opem ferendam impudenter accersunt, quamvis medica ope non digni esse videantur, attamen omninò hos negligere non oportet, ne avaritiæ ac crudelitatis accusetur Medicus, cujus suprema debet esse cura, ut nihil unquam committat, quod, vel christianæ charitatis jura frangere, vel nobilem, & præc'aram, ut ait præallegatus Auctor, facultatem nostram turpi pecuniæ exactione fœdare possit;

sit ; humanus enim , & misericors ex propria natura , & Medici munere , Medicus esse debet , ut de ipsius parente *Ausonius Gallus* cecinit.

*Obtuli opem cunctis poscentibus artis inempta ;
Officiumque meum cum pietate fuis.*

Medicus per Epistolas curare potest aliquos morbos chronicos , longos , & contumaces , non autem acutos , qui ingentes mutationes brevi tempore subeunt , & in eodem statu nunquam permanent , de quibus dicit *Hippocrates* , difficilem esse prænunciationem salutis , aut mortis : *Galenus* tamen acutos morbos per epistolas se curasse ait , uti fecere *Manardus* noster , *Langius* , *Mercurialis* , *Job. Fortis* , *Redius* , *Malpighius* , & alii plures. Monitos volo Medicos in morbis gravibus , ac præsertim in illustribus viris , semper debere vocare alios Medicos , nec facere , ut quidam Professor octogenarius nimis in se , ac sua ætate confidens , qui ab ægris suis arcere studet Medicos Collegas , ne fortassis inficitiam suam palam faciat , & nomen boni Practici arte acquisitum amittat ; nam plus vident oculi , quam oculus , & juxta proverbium , *unum nihil , duos verò plurimum posse* ; hinc *Homeri* illud quadrat.

Conjuncti pollent etiam vebementer inertes.

quod agnoscens *Aristoteles* , in medicina necessarium esse plures vocare Medicos , ait , & *Alexandrum Magnum* in quadam epistola sic alloquitur : *ne uni fidas Medico , potest enim tibi detrimentum asserre , quare si quod pharmacium tibi accipere expediat , id facito consultatione multorum.* Graviter insuper peccaret Medicus , qui abortiva medicamenta utero gerentibus exhiberet , nam sæpe non solum foetum perdunt , sed matrem ipsam in exitii periculum ponunt. Medici prudentis est , consilia salutaria sanis hominibus dare , quibus scilicet imminetia mala præveniat , sicque ab ægritudine præserventur. Segnities autem in Medi-

Eccc 3

co

co increpatur ab *Erasmo* ; occasio enim cum sit præceptum, non tardandum, sed in medendo festinandum esse commendo, maxime quando urget necessitas. Observandi sunt in Medicis, ut ait *Tholosanus lib. 17. de repub. cap. 7.*, pudici mores, nam si luxuria sunt putidi, multa possunt ad corrumpendam pudicitiam Mulierum, aut sui, aut alterius gratia meditari, quod quam malum sit quisque sapiens cognoscere potest, hoc enim a Christianis moribus alienum est, & divina Lege damnatum. In plebeis verò curandis interrogare oportet, quam artem exerceant, ex diversarum enim artium exercitio morbos oriri docuit *Clariss. Ramazzinus*.

Advertat insuper Medicus non frequentibus medicinis uti, sæpè enim impediunt criticos motus, ut ait *Luc. Tozzi in com. Aph. 1.* unde *Galenus* inquit. „ Quædam peccata a Medicis committuntur, putantibus nisi quis ingressus ad Ægros, deinde succingens se, vel cataplasma imposuerit, vel perfuderit, adusserit, vel Clysterem indiderit, vel venam inciderit, vel cucurbitulas adjunxerit, vel confricuerit, vel nutriverit, aut hujusmodi aliquid fecerit, nihil ab ipso gestum esse artificiosum; ii enim, quoties ad ægrum accedunt toties peccant: an ii Medici sint, an Carnifices cæteri judicent.

Peccat etiam Medicus utendo pharmacis antiquioribus, ac ob longum tempus rancidis, ætatis enim injuria amittunt vires suas medicamina, ut innuit *Cl. Redi in suis Consult.* Nihil æque, censente *Seneca Ep. 2.*, impedit Sanitatem, quam remediorum crebra mutatio; adde, & Medicorum; recte enim non minus quam verè canit *Ovidius*.

*Nunquam crede mihi a morbo curabitur æger ;
Si multis Medicis creditur una febris.*

Eorum enim copiam semper fuisse damnosam, ait *Frider. Hoffmannus in not. ad Poterium*.

In reconvalescentibus respiciat semper Medicus, non ad appetitum, sed ad vires, lentè enim reficere oportet. Medici autem

tem tenentur gratis curare pauperes ægrotantes , ut ait *Tiraquellus de nob. cap. 29.* In nonnullorum porro morborum cura, melius erit a medicaminibus abstinere , ne exasperentur , & majores fiant , velut irritati , ut evenit in cancri : ait enim Hippocrates : *cancro curati facilius pereunt , quam non curati* , unde recte *Ovidius.*

*Curando fieri quedam majora videmus
Vulnera , quæ melius non tetigisse fuit.*

Varietatem vocabulorum scire Medicum oportet , veteres enim horum sunt prodigi , & qui non patitur prodigalitatem istorum ineptè doctus est : ita sentit *Casp. Hoffmannus de med. offic. lib. 2. cap. 91.* Sicuti etiam scire cosmetica ad illum pertinet , quatenus ea possunt humanam lædere naturam. Ego autem commendare non possum Medicos illos , qui licet habeant in pharmacopæis tot , ac tanta Medicamenta , attamen a rebus sordidis remedia volunt desumere , ut a lotio humano , stercorebus caninis , pavonis , & aliis hujusmodi , quæ nauseam movent : & propterea deridentur a *Clariss. D. Luca Schroekio in Miscell. Curios. An. 1. dec. 2. pag. 192.* , ideo Medicus a sordidis medicinis quantum potest abstineat. In morbis difficilioribus debet Medicus aperire cadavera , ad eruendas morborum sedes , ac rimandas affectionum difficilium causas , & ita dare operam , ut ægrotantibus profit , si queat , si verò nequeat , saltem ulteriorem prohibeat lapsum ; Medicus enim solers , ait *Job. Bapt. Sitonius* , non tam artis medicæ augmento , & medicamentorum inventioni studere debet , quam veritatis studio flagrare , & methodum habere expeditam , qua vera a falsis discernat , juxta *Galenum.* Dixi supra ægris a Medico gratificandum esse ; nunc moneo non tantum hoc ratione remediorum , verum quoque ratione ciborum , & potuum , in iis quoque quæ vident , aut tangunt , cæterisque , modò non multum noceant ; nec hoc ad gratiam solum , ait *Manardus noster* , & docet *Galenus* , sed veluti ejus utilitati consulendo ; quia quæ cum voluptate suscipiuntur ,

untur, ventriculus amplexari confuefcit, & facilius concoquere, atque contrario quæ difplicent, refugere, ceu nauféas, inflationes, & fluctuationes inferentia, indeque fieri magna ex parte, ut cibus, qui erat paulo deterior, non talis maneat, fed interdum melior evadat: ex quo patet, bene agere illos Medicos, qui voluntati ægrorum obfervientes, in iis, quæ nocere non poffunt, adulatoribus benevoli apparent: Medicus autem ad Senium deductus, & defectum interiorum fenfuum jam habens, puta octogenarius, medendi artem non debet exercere, ut fenfit *Paul. Zaccbiæ Quæft. med. leg.*; ne fcilicet, in artis noftræ dedecus in ægrorum vifitationibus obdormiat, obmutefcat, non memoretur de fymptomatibus antea paffis, ac de medicamentis nuper præfcriptis, & ridiculoſè loquendo adftantes moveat ad rifum, & familiares ægrotantium provocet ad cachinnos. Advertat porro Medicus, ne injuriam afferat alicui, quarum maxima creditur, quæ famam deturpat, rapit honorem; multò namque major exiftimationis, & famæ, quam rei, commodique, viro bono habenda eft ratio, unde *Flaccus fat. 2.* cecinit.

Fama malum gravius quam res trahit.

hinc meritò imperialibus fancitum eft legibus, eos eligi Medicos, qui præter artem apprime morum polleant probitate. Præterea, cum multa, ac difficilia in Medicina inveniantur, prudens, & cordatus Medicus vires fuas metiatur, ne plus operis unquam fuis imponat humeris, præfertim fi plures eodem tempore ægrotantes invifere oporteat; ideoque *Clar. Gaſp. a Reies* conſulit, ut Medicus ſolùm octo ægros curandos ſuſcipiat, vel ad ſummum duodecim; aliter autem ſi faciat, dubium non eft, quod in multis deficiet; & multa illum præteribunt, quæ advertere, & prævidere oportebat; rectè ſiquidem dictum eft; *in multitudine operum confunditur Artifex*; quia verò ægri non omnes convaleſcunt, non ideo nullam Medicinam eſſe, ait *Cicero 2. de Nat. Deor.*

Medici, ac Judices ſimilitudinem habere non tantum profeſſione

feſſione ipſa, ſed etiam munere docuit *Sebaſt. Foxius ſup. Platon. de republ.* Medicus enim morbos corporis, Judex animi vitia curat, ille morborum peritus, & intelligens conſtitutionis cujuſque eſſe debet, hic ingeniorum, & morum civilium doctus; uterque probus, & diligens; uterque ſenex, aut ſaltem experimento peritus: Benè igitur in *Symp* aiebat *Plato*, Medicinam eſſe ſcientiam amorum corporis ad repletionem, & evacuationem, & qui cognoscit in his honeſtum, & turpem amorem, hic præ maximo Medico habendus eſt, & qui tranſmutare poteſt, ut pro altero amore alterum adipiſcatur, & ut quibus amor non ineſt, cum tamen ineſſe oporteat, illic inducatur, & ut quibus ineſt, eximatur, is proſectò bonus fuerit opifex; oportet enim, quæ inimiciſſima ſunt in corpore, quantum fieri poteſt, amica facere, & ut ſe mutuò ament efficere; inimiciſſima ſunt quæ ſunt maximè contraria, frigidum calido, amarum dulci, ſiccum humido, &c. unde Medici boni dant operam, ut ægrotantibus proſint, ſi queant, ſi nequeant, ulteriorem prohibere lapſum debent, ut ægrotantibus proſint; Animadvertat inſuper Medicus in curandis morbis debere proximum ſuum tanquam ſe ipſum tractare, ac familiam ſuam; ne fortasſe quod ipſe non vult, alteri faciat, nec prodigus remedium in aliis appareat, cum in ſe ſit avarus, *Oroenius* enim de illo cecinit.

Pharmaca dat Medicus, non ſolet accipere:

Medicus tria non ignorare tenetur, præterita, id eſt, unde infirmitas originem traxerit; præſentia, in quo ſcilicet gradu, & ſtatu ægritudo exiſtat, & futura, id eſt utrum curabilis, ac mortalis ſit, quin imo; ait *Brancacinnus de Jær. Doctör. lib. 4. cap. 11.* peccare Medicum. qui ſcienter applicat infirmo dubia medicamenta, cum melius ſit Ægrotum relinquere in manu ſui Creatoris, & beneficio naturæ, quam periculo exponere, eundem ſupponendo dubitabili medicinæ. Ulterius boni temperamenti, & ſanæ corporis habitudinis eſſe debet Medicus, boni

Joſ. Lanzoſi Opera. Tom. I.

FFF

colo-

coloris, elegantis figuræ, nec deformis, ut pueros terreat; turpe enim semper judicavi videre Medicinæ Professorem gibbum, claudum, surdum, monoculum, ore distorto, oculis perversis, gena turpiter attracta, strabismo, vel lue gallica affectum, vel scabiosum, ne forte possit de illo dici *Medice cura te ipsam*: Nullus sit ergo Medicus vel colore rufus, vel fistulosus, ac densa ignaviæ caligine obductus, nec oris foetore nauseosus, nec tremore correptus, & veluti paralyticus, qui nec arteriæ motum colligere, neque formulam remedii præscribere nervis impotentibus valeat, nec sit ventricosus, ac tumidus, *cui satient vasti spatiosa volumina ventris*, nec physiognomiam Judaicam præferat; isti enim, ne quidem minima Æsculapii vestigia incerto pede signantes, in sacram Apollinis ædem, ac Hygiæ Fanum non vocati, sed fraudolenter intrusi dicuntur: præterquam quod vulgus pluri existimat eos, qui bene dispositum corpus habent, sicque, ut opinionem captet, Medicus vestitu decoro utatur. Memor semper esto illius, quod scripsit olim *D. Thomas in 2. de anim*; nempe, Medicum nihil aliud facere, quam auxiliari naturæ ad expellendum morbum, quo auxilio non egeret Natura, si esset fortis; quis ideo, ait *Ang. Politianus lib. 2. Epist.* non videt, plus esse a Medico, quam a morbo periculi, siquidem & morbus alius pro alio curetur, & alia pro aliis remedia afferantur. Et quia in omnibus penè rebus præsens sæculum abusum facit, sic evenit in magno illo medicinæ practicæ auxilio a Venæ sectione petito, cum enim Medicinæ Magistri phlebotomiam introduxissent, veluti remedium extremum in magnis morbis solummodò concedendum, paulatim talis accessit nonnullorum temeritas, & audacia, ut in qualibet vel minima vertigine, dolore, tristitia, febre depuratoria, *quæ alternis fit rediviva diebus*, sanguinis missio celebratur magno cum naturæ detrimento; sicque, quod olim summa præmeditatione faciendum erat a veteribus Medicinæ Magistris, nunc inconsultò, & veluti per jocum a nostris Medicis exercetur; & Sanguis; qui est Naturæ thesaurus, velut aqua fluminis disperditur; de quo solemnè abusu fusè scripsi in *meis Consultationibus num. 124.*

Animi;

Animi, & Corporis colligatio, & connexio summopere animadvertenda, cum animi motus, & affectus, quoad fieri potest, à medico pernoſcendi erunt, unde legendus liber *Pauli du Bè*, cui titulus *Medicina animi, & corporis*. Abſtineat a Veficatoriis, & ab omnibus ſuperſtitionibus, ac veneficiis in curatione enim morborum, a Dæmonum arte longè ſtare oportet; ad corpora quippe curanda, medicamenta, non verba, non ſigilla, non veneficia adhibenda ſunt, & eſſet pluſquam palmare crimen, ait *P. Maraviglia leg. var. doctrin.*, rebus ad curandum ſuperſtitioſis uti, eaque adhibere; quorum uſus ratione naturali minimè probatur, licet, quod rariffimum eſt, fauſtus ea probaret eventus.

Moderandam cenſeo audaciam nonnullorum noſtrorum Medicorum, qui in tenellæ ætatis, & penè lactantibus puellis a venæ ſectiōne non abſtinent, quod ſanè ægerrimè admittit earum tenuis natura, leve alimentum, ac virium languor, neque ullis a Sapientibus Scriptoribus) ſunt verba *Riverii*) patrocinio defendi poteſt nova hæc mittendi ſanguinis licentia; Venæ ſectio enim, ut etiam ſupra dixi, eſt extremum, & magnum remedium, &, ſuadente *Ceſſo*, ſæpe vel occidit, vel liberat. Præceptum eſt *Clar. noſtri Ant. Muſæ Braſavoli*, non poſſe conſueti diætæ uti in prægnantibus, nec illis exhibere pharmaca potentia, ac fortia, ne abortus accidat. Advertendum porro noſtram ætatem bonis non abundare ac ſapientibus Medicis, & rationem dat *Ariſtophanes* canendo

*Quis hac in urbe ſit Medicus? ubi Medicus
Neque præſentium eſt nullum, neque magni ars ipſa ſit.*

unde *Juvenalis in Satyr.*

*Quis enim virtutem amplectitur ipſam
Præmia ſi tollas*

Dolendum enim profeſſò, in noſtris Urbibus doctos Viros neque laudem, neque lucrum acquirere, cujus rei forſitan in

FFFF 2

cauſa

causa est ipsorum Medicorum dissensio in omnibus Medicinæ operationibus, non tantum in tot morborum diversitate, ac totius Medicinæ partibus, in quibus ratio, & judicium exercetur, sed etiam, quod mirum est, in ipsis anatomicis, in quibus oculi, & manus operantur. Cum autem Morbi verbera Dæmonum sint, teste *Barthio in advers. lib. 42.* veniunt enim ob peccata; unde in *Ecclesiastico c. 38. v. 15.* habemus: *Qui delinquit in conspectu ejus, qui fecit eum, incidet in manus Medici*: sic junguntur in Apostolorum potestate à Deo traditâ morborum curationes, & fugæ malorum Spirituum; sicque alibi morbi Satanae vincula appellantur: idcirco semper pius, & in Dei gratiâ debet esse Medicus, & nunquam laqueis peccati irretitus, ut permittente Deo valeat feliciter ægros curare. Deum denique timeat Medicinæ Professor, Regalis quippè Propheta nos monuit, initium veræ Sapientiæ timorem Domini existere. Et hæc sunt *Excellentissime Domine*, quæ ruditer, inconditè, & currenti calamo meditari, & scribere tempus permisit. Habes hîc, si non quod optabas, saltem quod potuit sexagenarius tuus Præceptor *Lanzonis*, & quod ab homine, qui te valde diligit, ut desideratur, recipies. Vale.

Ferrariæ Decim. Cal. Maii 1727.



DE



DE ALLIO.

*Hæc J. LANZONUS olim scripsit ad Clar. MANGETUM
ut patet ex hujus Bibliotheca Pharmaceutico Medica
Tom. I. pag. 41.*



ALLIUM inter Deos jurejurando habuisse olim Ægyptum refert Cæl. Rhodiginus *Antiq. lect. lib. 22. cap. 2.* ex quo multi nonnulla encomia Allio tribuunt: *Galenus* autem Allium rusticorum Theriacam appellat, & *Plinius* ad multa rusticorum medicamina aptum esse Allium putat, & ego juste fateri possum solo allio manducato, Rusticum ferè mortuum a Fungorum Veneno liberatum fuisse, ac omnino sanatum hoc solo medicamine; imò ipse Rusticus postquam fuit sanatus mihi retulit se olim Patrem suum ope Allii sanatum vidisse a morfu viperæ; ex quo deducere fas est, Allium inter remedia, Alexipharmaca dicta, locum habere, & forsan hanc ob causam inter cibos militares Allium referebant Antiqui, ne scilicet veneno milites perirent, unde in obsidionibus urbium olim in magno pretio allium fuisse testatur *Suidas*, cui alludit illud: *Allium perdo in obsidione*; Sic miles mihi
F f f f 3 jam

jam retulit, qui trium annorum spatio militavit in castris. Serenissimæ ac semper Gloriosæ Venetorum Reipublicæ, se à veneno ab alio milite impio, propinato, liberali ope succi Allii ad pondus unciarum duarum assumpti, ex quo multam nigricantem & foetidam evomuit materiam, inde superveniente Ictero, & Diarhœa sanatus est; Allium quoque præstare adversus lumbricos pluries notavi; Mulierculæ enim nostræ Ferrarienses filios suos ope aceti, ac succi Allii exhibiti a vermibus liberant, & unam præcisè nosco Adolescentulam annorum ætatis quindecim valde vermibus obnoxiam, quæ ex quo sæpè in cibis utitur allio, ac ex quo semper secum gerit allium, non amplius a lumbricis tentatur, atque ut solebat antea torquetur; hinc Galliarum Populos allium pueris exhibere ad ventris animalia pellenda monet *Clar. Job. Brægerinus de re Cibaria lib. 9. cap. 12. pag. mibi 415.* Sileat ergo Horatii musa, quæ allium carmine suo mirè detestatur; quod hic appofuisse non erit alienum, eruditionis gratia.

Parentis olim, si quis impia manu;

Senile guttur fregerit,

Edat cicutis allium nocentius

O dura messorum ilia!

Allium enim multoties humano corpori juvat, ac multis medetur morbis, imo in deliciis apud quosdam esse solet, maximè elixatum; elixatur enim, ut acrimoniam deponat, & succi sit melioris, unde Allio magnam in cibis auctoritatem apud quosdam semper fuisse testatur *citatus Brægerinus loco cit.*, ait enim, hodie Galliarum illam portionem, quæ ad Pyreneum, Hispaniasque spectat, allio liberalissimè vetci, & inter pulmentaria nautarum, atque navigantium eximiè commendant; hinc ob suum salem volatilem acrem appetitum conciliat atque cruditates acidas acrimonia sua alcalina corrigit; egregium est diureticum, & in affectibus colicis usitatum remedium,

medium, quod etiam commendat *summus ille Medicorum antesignanus Galenus*. Umbilico illinitum hystericas etiam passiones sedare scribit *Clar. Ettmullerus in Schröderum dilucid. part. 1.* Lac in Stomacho coagulatum dissolvere allium ego notavi in *Miscellar. Academiae nostrae Leopold. Naturae Curiosorum Decur. 2. Ann. 8. Obs. 202. pag. 505.* Quæ omnia breviter ad laudem allii dicta sufficiant ad præsentem exornandam observationem: Plura verò de Allio optanti dabunt *Schröderus, Hoffmannus, Traugus, Paulli & alii* plures tam Antiqui quam recentes Botanici.





D E
D E N T I B U S
DISSERTATIO ANATOMICA.
A D
D. JOHAN. JACOBUM MANGETUM
Medicum Genevensen.



ENTES quasi edentes dicuntur, & definiuntur
officula sui generis minuta dura, alba, &
polita per ~~superficiem~~ maxillarum alveolis inar-
ticulata, quæ cibis confringendis & commo-
liendis primò dicata sunt, secundò verò
pronuntiatoni vocabulorum sunt destinata;
dixi sui generis ossa esse quia periostio ca-
rent, hinc quærent multi an *dentes* sentiant, quam quæstionem
ad calcem hujus Dissertationis videbimus.

Durio-

Duriora sunt quàm alia ossa, nec facilè ignis vi cremantur, & in sarcophago ad longum tempus manent immunes a læsione undè *Tertullianus* ait in dentibus latere semina resurrectionis futura. Substantiam nati sunt durissimam, & quia quotidie comminuantur manducationis causa idèò quotidie augescunt, & si dens aliquis decidit, & non renascitur, oppositus tantum crescit, donec spatium vacuum prioris dentis deficientis impleat; hinc putat *Fallopianus*, semper in dentibus restare vim formatricem vivificam usque ad extremum senium; Ex semine in utero generantur dentes, ut aliae partes in prima hominis conformatione; unde in alveolorum cavitatibus etiam infantum non adhuc novimestrum dentes exiguos ego notavi, meisque Auditoribus, atque discipulis demonstravi; verum quidem est, eos suam non habere perfectionem, attamen observabiles sunt.

Erumpunt citius extra gingivas in brutis, quia citius cibum solidum capiunt; in homine autem erumpunt septimo, aut octavo mense post nativitatem, quod tempus dentitionis appellatur; primo exeunt acuti incisores, nam magis acuti sunt, minores reliquis, & eorum major est necessitas, ultimo loco molares, & isti magno cum dolore; Notandum autem, eo tempore quo erumpunt dentes in Pueris, oriri febres & alvi profluvia; & hoc, ait *Bartolinus* in *Anatom. lib. 4.* quia dentes gingivas perforantes, plus quam stimuli in carne affligunt; Circa septimum verò annum permutatio dentium fieri solet, decidunt enim priores, & in eorum locum alii adveniunt; Non semper tamen omnes dentes decidunt, & permutantur, sed ut plurimum incisores, canini, & ex molaribus illi, qui proximi caninis sunt; ego autem observasse recordeor juvenculam quandam Annorum 21. quæ nondum dentes permutavit; & de puello, qui in ætate Annorum IX. constitutus omnes dentes, tum molares, tum caninos, tum incisores mutavit. Circa hanc dentium permutationem quæstionem agit *Diemerbroekius* *Anatom. lib. 9.* An scilicet primi dentes fuerint veri dentes? de qua quæstione ad calcem istius dissertationis, unà cum aliis quæsitis aliquid scribemus. Siti sunt dentes in ambitu

utriusque maxillæ, & circa vigesimum primum, aut sextum, aut trigesimum ætatis annum, magno cum dolore duo extremi dentes erumpunt; qui communiter appellantur *Dentes sapientia*. In hominibus triplicis sunt figuræ dentes, incisores, canini, ac molares; incisores anteriores sunt, & sic dicuntur ab incisione ciborum quam illi faciunt, Canini sic vocantur ob acutiem, duritiem, ac usum, nam ea quæ incisores scindere nequeunt, ipsi confringunt; & à multis dicuntur *oculares*; & sunt tantum duo in qualibet maxilla; Molares sunt magni, & obtusi, molitores appellati, quia cibos conterunt, & ipsi plures sunt, quam incisores; Numerus generalis dentium non idem est in omnibus, plerumque vero quindecim, aut sexdecim in singulis maxillis reperiuntur; Rarissimum est quod de Pyrrho ait *Plutarchus*, nempe cum pro dentibus unum continuum os habuisset lineis solummodò distinctis; simileisque historias narrant *Plinius*, *Diemerbroeckius*, *Tbom. Bartolinus*, & alii recentes Anatomici; Duplicem dentium ordinem notavi ego nuper in Juvene nostro Cive Ferrariensi; de triplici ordine in Ludovico XIII. Magno Galliarum Rege refert *citat Bartolinus in Anatom. reformat. lib. 4. cap. 12.*

Superficies Dentium lævis est, ac æqualis, color candidus, nisi senectus, morbi, ac negligentia impediunt; dentes caninos superiores, viridis coloris in quodam Hebræo Annorum ætatis 33. fuisse notavi ego Anno. 1685. cum Lauretum petebam mense Maii in Urbe Anconitana. Majorem numerum dentium vitam longam promittere volunt *Hippocrates, Galenus & Aristoteles*: hoc autem falsum esse ostendit historia de Augusto, qui annos 76. vixit & dentes raros, scabros, ac paucos habebat. Recipiunt singuli dentes arteriam à carotidibus; venulas à jugularibus, nervos à ramo quarti paris, à quibus, quod radices dentium intus cingit subtile periostrium, ipsique adeò dentes exquisito valdè sensu perfunduntur; cavitatem exigua in dentibus esse ait *P. Dionysius in Anatom. Demonstr. 4.* in quam interdum defluit serositas quædam acris, quæ dentem erodit tanto cum dolore, ut multos ad desperationem portaverit, &

& ægri cogantur eundem sibi evellendum curare ; hallucinantur autem illi qui vermes quosdam intra dentes generari autumant ; Hinc triplex est dentium usus primus ad masticationem ciborum ; secundus ad vocis articulationem , unde fit , ut qui dentibus careant male pronuncient aliquot litteras ut C. D. L. T. X. Z. Tertius denique est ad ornatum , venustissimum enim est , & ad faciem valdè condecorandam habere dentes ritè formatos , benè dispositos , ac candidos unde suavis nostri *Guarini* Musa cecinit in laudem oris , & dentium.

*Conca d' Indo odorata
di Perle orientali , e pellegrine*

& noster Divinus *Ludovicus Aræostus* in suo Poemate

*La bocca sparsa d' natio cinabro ,
Quivi due filze son' di perle elette.*

Plura de dentium laudibus apud Poëtas ; nunc quæstiones aliquas circa dentes videamus ; videlicet primò an dentes sentiant ; secundò an primi dentes in Pueris sint veri dentes ? tertio an dentes sint partes nostri corporis ? quartò ex qua præcisè materia fiant ? quintò cur decidant circa septimum ætatis annum ? sextò cur semper dentes augeantur ? septimò cur ipsi à cæteris ossibus discrepent ? octavò quoniam sint dentium differentie ? nonò tandem an præter supra dictos usus , dentes alios usus habeant ?

Circa primam ideo notandum est , nonnullos dentium substantiam non sentire contendere , sed illos sentire censere ratione membranarum dentibus circumjectarum ; At verò dentes , eorumque substantiam sentire , docere possumus tum auctoritate cum experientia ; *Hippocrâtes* enim dolore dentes affici tradit 5. lib. de morb. popular. ubi declarando dentium uxoris Aspasii dolorem nonnulla scribit ; igitur , & sentire dentes oportet , cum nihil dolore divexitur , sensu tactus orbatum ; Auctoritate etiam *Aristotelis* , qui in problemat. idem tradit , nam

G g g g 2 tertio

tertio problemate, quærit, cur caro citius & promptius sentiat calorem, ob illumque doleat magis quam dentes, ex quo habetur dentes sentire. *Galenus* insuper lib. 5. de *Anatom. administrat. cap. 3.* hæc ait, ab iisdem nervis; & gingivæ, & ipsi dentes, & membrana sensum accipiunt, nunc verò experientia id planum facit; nam si ferrum, vel gelu frigidissimum dentibus admoveas, statim, eo frigore obrigescunt, similiter rem calidam admotam sentiunt, quanquam citius frigidam quam calidam; quia, ait *Archang. Piccolomineus noster Anatomicus Ferrariensis Celeberrimus*, cum dentes natura sint frigidi, quod sui generis est promptissimè admittant, calori verò tanquam rei contrariæ obsistunt, nec ita facile admittunt, ideòque calorem, & minus, & tardius sentiunt; Cæterum cum calor, & frigus sint primæ qualitates activæ quæri etiam potest an sentiant duritiem, mollitiem, asperitatem? sunt qui pugnaciter contendunt, dentes non sentire asperitatem quia limantur, & franguntur sine dolore; sed hi hallucinantur, quoniam non est necesse, ut id quod sentit statim doleat; dentes enim sentientes primas qualitates vehementes idcirco dolore afficiuntur, quoniam primæ qualitates vehementes existentes, quum tangunt detestantur dentium substantiam propter maximam illarum afficientiam vires suas etiam effundunt in radices dentium, in quibus fons sensus horum inest, cum in eas nervuli penetrent; ast aliæ qualitates ut asperitas, durities ipsos dentes frangentes, & limantes, illis dolorem non afferunt, quoniam vires suas non effundunt in dentium radices in quibus est sedes tactus; quare secundas qualitates quidem sentiunt, sed ob illas non dolent; cæterum dentes non solum dura, & aspera sentiunt, utrum etiam saponem dijudicare scribit *Galenus* de qua re plura apud citat nostrum *Piccolomineum Prælect. Anatom.*

Secundò quæritur an primi dentes sint veri dentes, & qui elapsis primis postea erumpunt sintne planè novi dentes, an verò novi rami ex eadem radice succrescentes? & circa hanc quæstionem audire liceat *Diemerbroeckium Anatom. lib. 2. cap. 10.* sic differentem; Absurdum videtur, ait ipse, statuere novam aliqua-

aliquarum partium generationem post nativitatem fieri ; cum in prima formatione omnes partes sua perfecta delineamenta , suaque principia adeptæ sint , è quibus postea ad justam magnitudinem paulatim succrescunt ; hoc cum multi observassent , ut in hunc scopulum non impingerent , dixerunt primos dentes non fuisse veras corporis partes , sed tantum varias quædam particulas è superflua materia genitas , & dentium munere fungentes , quousque ipsi dentes perfectè prodirent , alii dixerè priores , ac posteriores dentes simul in utero generari , sed priores citius absolvi , atque hinc septimo mense prodire , posteriores autem tardius perfici , atque septimo anno erumpere , tuncque priores è suis alveolis ejicere . Verum duas hæc opinioniones veritatem non attingere ait *citæ* . *Diemerbroeckius* l. c. nam si negotium hoc permutationis dentium accuratè perspiciamus , videbimus , non opus esse ambagibus ad evitandas istas difficultates ; primi siquidem dentes circa septimos annos vacillant , & decidunt , sed eos non radicitus elati , sed superiorem tantum partem radici insistentem decidere observatur ; dicendum igitur est primos dentes esse veros dentes , & secundos pariter , istosque ex eadem radice enasci , uti plantæ faciunt , & Cornua in Cervis , præciduntur enim plantæ , sed è relicta radice novæ plantæ succrescunt ; & cadunt cornua in Cervis , sed è radice denuò resurgunt ; de hac quæstione plura apud *Columbum* , *Rolfincium* , *Eustachium* , *Riolanum* , & alios tum antiquos , tum recentes anatomicos .

Tertia quæstio est , num dentes sint partes corporis ? ego igitur breviter dico illos esse veras partes corporis nostri , cum *Hippocrate* , *Galeno* , & *Aristotele* ; nam dentes sunt ossa , sed ossa sunt corporis partes , ergo dentes sunt partes corporis ; ulterius Pars definitur quod sit corpus toti coherens , communi vita conjunctum , & ad aliquam functionem comparatum , sed hæc definitio verificatur de Dentibus ; ergo isti sunt corporis partes ; Contrariam autem tenentes sententiam , duo sequentiæ argumenta proponunt ; nempe Partes procreantur ex semine , quæ semel abscissæ non regenerantur amplius ; sed dentes ex-

G g g 3. empti

empti regenerantur, ergo dentes non sunt corporis partes; secundum argumentum est hoc: Partes definitam incrementi legem habent in omni ætate grandescunt, igitur dentes non sunt veræ partes corporis; hæc autem Argumenta, unica partium distinctione adhibita ab *Aristotele lib. 2. de gener. Animal.* diluuntur sic; Partium aliæ gignuntur in prima corporis constitutione, aliæ post primam constitutionem, quales sunt dentes; de illis autem, quæ in prima constitutione Corporis generantur argumenta sunt intelligenda non verò de his.

Quartò quæritur à multis, ex qua materia fiant dentes? ego ex semine generationem dentium haberi volo mediâtè, immediâtè autem procreari à materia præparata à maxillis; istæ enim proferunt alimentum crassum, pingue, & viscosum, ex quo alimento maxillis ad nutritionem superfluo producantur, quod alimentum spermaticum quoddam, & spermatis vicarium esse tradit *Piccolomineus noster l. c.* quod etiam intellexit *Hippocrates*, quando dixit semen excidere ab omnibus corporis partibus, unde cum dentes immediâtè procreentur ex tali alimento, procreabuntur etiam mediâtè à semine, uti antea dicebam.

Qui ita proposita quæstio est, cur decidant circa septimum annum, & renoventur? cui quæstioni, ut breviter satisfaciam, dico, maxillas primò tenui lacteo, & molli alimento enutriri, sit tenues dentes, ac labiles gigni; ad septimum autem annum alimentum crassum & à primo diversum sumere; idcirco mutare dentium extrema necessarium ducunt; & radicem, uti vidimus, elongando duriorum dentium substantiam substituere; & hoc necessarium esse puto, quia dentes primi à tenui alimento producti ad tenuia alimenta comedenda sufficiebant; circa septimum annum autem homo, crassa, & dura comedere incipit, idcirco, dente pariter duro, ac firmo vice primi uti natura debet.

Sextò quæritur, cur semper dentes augeantur, & incrementum, reliqua verò ossa definitam habeant incrementi metam? hinc *Aristoteles 2. de Gen. Animal. cap. 4.* perpetuum dentium incrementum refert in id, cujus gratia facti sunt dentes, nempe
ut

ut cibos possint incidere , & frangere , & sic cum assiduè comminuantur , assiduè pariter crescere debent ; imò possumus quoque perpetuum dentium incrementum referre in necessitatem materiæ alentis , nam cætera ossa , cum debitam magnitudinem fuerint adepta , in ea quiescunt , persistuntque , at verò dentes habent alimentum perpetuum à maxillis præparatum ; ergo semper dentes augeri , & crescere debent.

Septima quæstio est , quid dentes à cæteris ossibus discrepent ? circa quod dico , dentes tribus distare modis à cæteris ossibus , primò sensu , ut supra est demonstratum , secundò quia illi sunt duriores quam reliqua ossa , Tertiò denique , quod dentes semper augentur , & increscunt , reliqua verò ossa definitam tenent incrementi legem ac metam.

Octavò quærent multi , quotnam sint dentium differentiæ ; ego huic petitioni respondeo , septem observari differentias ; Prima est à numero dentium ; nam in aliquibus sunt duo dumtaxat , unus in superiori , alter in inferiori maxilla , ut in Pyrrho Epirotarum Rege monente *Plutarcho* ; in aliis viginti sex numerantur ; in multis 28 ; in aliis 32 ; imò 34. numerantur. Secunda sumitur à numero ordinum ipsorum dentium. Tertia à situ , & productione deducitur ; Quarta à similitudine , sic ferrati dentes Vocantur , qui pectinatim coeunt , de quibus videatur *Plinius & Aristoteles*. Quinta sumitur à similitudine rerum incidentium de quibus legatur curiosissimus *Piccolominus noster. in Anat. Praef.* Sexta ab ætatibus , ut dentes ignorantia in Pueris , & sapientia in Adultis ; septima demum à radicibus , alii enim præditi sunt unica tantum radice , ut Canini , alii duabus , alii tribus , aliique quatuor , ut molares.

Nona denique quæstio à me super proposita est , an præter supra dictos usus , dentes alios habeant usus ? Tres usus dentibus supra assignavi ; primus ob masticationem ciborum secundus ob vocis articulationem , tertius ob ornatum faciei ; nunc verò præter dictos usus , ut quæstioni satisfaciam dico cum *Laurentio Anatom. lib. 2. cap. 20.* dentibus etiam præter dictos usus , duos alios posse assignari usus ; nempe ad compescendam

garrulū

garrulitatem, uti olim putavit *Homerus*, sunt enim veluti muri linguæ oppositi; & secundò cum *Aristotele* dentes ad pugnam constructos esse dicere possumus; dentibus enim loco armorum nonnulla animalia se defendunt, ut Canes, Lupi, & sic, si fortassis homo dentibus in defensione uteretur, vel ut alium quempiam offenderet, hic tunc usus dentium esset, licet improprie; nam manibus est homo munitus, quibus se tueri potest, & quæ ei sunt loco armorum omnium; Hæc autem de Dentibus usque adhuc dicta sufficiant; plura de his cupienti, dabunt *Vesalius*, *Pareus*, *Laurentius*, *Columbus*, *Gagliardus*, *Bartolinus*, *Blancardus*, *Dionis*, *Diemerbroeckius*, *Piccolominius*, *Fuchsius*, & alii plures, tum antiqui, tum recentes Autores Anatomiae.

Scribebam raptim Ferrariae in meo museo die 3. Junii 1697.



DE



D E

P E R I C A R D I O
DISSERTATIO ANATOMICA.
A D
D. JOHAN. JACOBUM MANGETUM
Medicum Genevensem.



Ora, nobilissimum illud Viscus, in homine primum vivens, ac ultimum moriens, membrana quadam obvolvitur *Pericardion* dicta, ab aliis cordis involucrum, capsula, arcu'a, vagina quæ nihil aliud est, quam involucrum membranofum cor undique cingens, cujus basi, atque vasis firmiter annectitur, ejusdem ue figuram imitatur, ast magnitudinem superat, tantumque ab ipso corde distat, quantum satis est pro motu cordis, & humore in hoc sacculo cordis contento.

In hominibus semper reperitur, licet *Columbus* defuisse pericardium in uno suo Discipulo fateatur, cui forte cordi firmiter annexum potius fuisse, ait *Thom. Bartholinus Anat. lib. 2. cap. 5.* Talisque necessitatis est hoc involucrum, ut in avibus, serpentibus, ranis, & in omnibus pariter licet minimis animalculis nunquam desideretur referente *Lowero*; solummodò cit. *Bartholinus Jos. Lanzoni Opera. Tom I.*

H h h h

deesse

deesse in Echino terrestri ait ; de hujus defectu in variis Animalibus plura apud *Stephan. Blancardum*.

Ortum agnoscit suum à vasis quatuor , nempè arteria magna , arteria venosa , vena cava , & vena arteriosa , à quarum membranis nascitur , idcirco quinque foramina tenet pro venæ cavæ introitu , ac exitu , & pro aliorum trium vasorum egressu ; situm eundem , quem cor obtinet , ideòque medium thoracis occupat , & ita protenditur in interiora , ut sternum tangat , quin quoque alligatur diaphragmati.

Superficie est fibrosæ externè , internè autem lubricæ , & aliquando in pinguibus corporibus pinguedine ornatum pericardium observatur ; quemadmodum notavit *Lindannus*. Substantia dura est , unde marsupia à multis confecta vidisse ait *Blasius* ; Venas , & arterias minimas habet non tamen faciliè apparentes ; hîc autem notandum cum *Diemerbroëckio Anat. lib. 2. cap. 5. Riolanum* , duplicem pericardio membranam adscripsisse , earumque anteriorem esse sobolem mediastini dixisse , anteriorem vero produci à tunica vasorum cordis , sed illam duplicitatem ostendere nimis difficile judicat *Diemerbroëckius* ; Præterea tunica exterior vasorum cordis desumpta est à pleura , quemadmodum quoque mediastini membranæ : atqui absurdum foret , ait citatus Autor , ex una pleura duas tunicas concurrere ad efformandum pericardium , unam à tunica vasorum , alteram à mediastino , & interim mediastinum manere peculiarem membranam , pericardio extrinsecus circumjectam ; Idem *Riolanus* sibi inconstans *animadvert. in Laurentium* , ait satius esse , dicere pericardium oriri à pleura , in cujus duplicatura continetur , & *Animadvert. in Baubin*. bene probat , non duplicatam , sed tantum unam simplicem esse pericardii tunicam , forte immemor eorum , quæ de ejus duplicitate scripserat in *Antropograph. lib. 3. cap. 7. Nervos* exilissimos habet à recurrente sinistro , antequam ascendat , & septi ramulis ; idque sive sensus gratia , sive , si *Williso* fides danda , ut se contrahat , & noxia expellat in tremore Cordis. Lymphatica verò vasa huc sparguntur ex trunco ad cor desinente ; de quibus vide *Burtholini Anatom.*

Duplex usus est Pericardii , alter ut cordis sit involucrum , ne vicinas tangat partes , nec ab iis ullum patiatur incommodum ; alter

ter verò, ut liquorem contineat, cor assidue humectantem, unde *Galenus* cor quasi in vesica esse dixit.

Hic humor in omnibus Animalibus invenitur tam vivis, quam mortuis; unde autem hæc proveniat humiditas, & quid ista sit, nunc quæramus oportet, antequam ipsius usum exponamus; Nonnulli hunc humorem ex cordis vasis emitti aiunt; alii cum *Hippocrate* ex potu esse volunt, cuius pars roris adinstar per asperam penetret arteriam ad pericardium; Multi à materia aquosa seminali produci dicunt; Varii, cum *Jasolino* scribunt esse perfectam portionem humoris serosi ab ipsa natura transmissam per venas, & arterias; Nonnulli ab excrementis aquosis tertiæ coctionis hunc humorem gigni statuunt; alii curiosiores, ut novî quid pronuncient, illum ex delabente saliva deducunt; Multi ex aëris inspirati portione in aquam conversa hanc humiditatem haberi scribunt; alii ex cordis adipe ipsam agnoscunt; *Bartholinus* verò, & *Diemerbroëckius* asserunt, ex vaporibus, & exhalationibus humidis ex corde protrusis, ac in pericardio condensatis, humorem dictum fieri; *Stenonius* verò cum *Barbette* illum extillare à lymphaticis vasculis in pericardii cavitatem suspicatur; Ego autem cum *Clariss. Lowero de corde*, *Blancardio in Anat. reform. cap. 1.* Et aliis assero, hanc humiditatem esse laticem quandam lymphaticum, è glandulis suprâ basim cordis jacentibus, (aut etiam) ex Illustriss. *Malpighii* Demonstratione * per totum Pericardium respersis, extillatum, qui ignis calore, albuminis ovi instar concrevit, uti cæteræ lymphæ, etiam hydropicorum contingit, quemadmodum ego non semel notavi, meisque Discipulis ostendi; in hoc autem sacculo continuo manere haud debet, ut docet citat. *Blancardus*, sed ex eodem per vasa lymphatica in ductum thoracicum effunditur; si enim ibi semper maneret corrumpere tur; nam vitium capiunt, ni moveantur aquæ, optimè cecinit Vates; consequens igitur est lympham hanc assidue effluere, & refluere; quando autem nimium abundat, cordis palpitationem causare ait *Clariss. Petr. Dionis Anat. demonstr. 5.*

Liquor autem iste extrinsecus cor humectans, & lubricum faciens, illius motum faciliorem reddit, nimiamque prohibet siccitatem;

* De hoc vid. in Traſſatu de Glandulis ubi *Marcell. Malpigh. de Structurâ glandular. onglobar. C.*

tem; ejus verò diuturniorem defectum tabem inducere posse scribit *Diemerbroëckius in Anatom. lib. 2. cap. 5.* Inservit quoque hæc Pericardii lymphæ, ut cor innatando minus grave fiat; & in nullam partem impingat, adeo ut idem officium cordi præstet hæc aqua (sunt verba Doctiss. *Diurni*) quod præstat illa cui foetus innatat; qui sine hujus ope, sese movendi libertate non frueretur; De hac re similitudinem navis exhibet *Blancardus*, quæ mari imposita facilius ope unius Viri movetur, quam viri centum, quæ adhuc in arido sita quiescat. Ratio autem, quare in mortuis major copia hujus aquæ in Pericardii cavitate invenitur, in promptu est; cum enim Animal moritur, major lymphæ copia colligitur, quam regreditur, quia vasa quo tenuiora, & ab eorum origine longiora, cò citius vita defunguntur, motumque peristalticum perdant; vasa quippe manuum, ait citat. *Blancardus*, ac pedum prius mortua sunt, quam ea quæ cordi proxima, unde Arteriæ omnium primò sanguinem hauriunt; sic etiam de istis censendum est vasculis, quorum ductus adducentes tardius è vivis excedunt, quam abducentes, Quoad quantitatem hujus humoris, dico, me hunc pauciorē semper in Viris observasse, in mulieribus autem copiosiorē, sicut etiam antè me *Vesalius* notavit, eundemque *Riolanus* in senibus uberiorē vidit, quam in juvenibus; hinc mense Februario Anni hujus 1697. in cadavere Plebei cuiusdam pleuritide sæva extincti in meo Xenodochio S. Mariæ novellæ Ferraria observavi in cordis capsula liquorem omninò coagulatum, quemadmodum ovi albumen igni appositum, subviridis tamen erat coloris; in muliere quadam Anno 1691. Iliaca passione defuncta; rubicundam hanc humiditatem fuisse prospexi, ità ut cruorem imitaretur; in Pucro Variolis emortuo Anno 1692. nihil penitus istius lymphæ vidi; sicuti pariter in Adolescentula phthisi confecta; In Ancilla quadam scorbutica, tandemque Angina occisa Anno 1695. ferè plenum pericardium observavi caruleo quodam liquore; qui ignis calori appositus nunquam coagulatus fuit, sed tantummodò in superficie crustam exiguam admisit; In Sacerdote hydropico talein humorem omninò viridem, atque summo opere fetentem notavi Anno 1694. Tandemque Medicus sive dignus mihi narravit; se Anno 1684. observasse in cadavere cuiusdam Mantuani Apoplexia necati, humorem pericardii in magna copia, ipsumque fuisse atrii coloris, in ejus fundo arenulæ quædam nigre apparere. An postea iste pericardii humor fuerit qui è latere J. C. Salvatoris nostri aperto cum sanguine emanavit ob vulnus à Longino infixum, disputant multi; *Andreas Laurentius*, & alii plures affirmant illam aquam pericardii humorem fuisse; contrariam tamen opinionem defendit *Bartholinus de later. Christi aperto cap. 4.* penes quem eruditum Autorem Lector curiosus plura de hac quæstione videre poterit;

Hæc de Pericardio scribebam raptim in meo museo Ferrariæ die 30. Aprilis 1697.

F I N I S.

INDEX



INDEX RERUM AC MATERIARUM

In hoc primo Volumine Contē-
tarum.

A.

A *Scipitzi* descriptio. Unde
sic vocatur. Medicinæ se-
totum præbet, adipem suam
& excrementa, & quosnam
ob usus. p. 413.

Aconitum & *Napellum* pro una
eademque planta sumitur ab
aliquibus; differunt tamen in-
ter se. Quotuplex est *Aconi-*
tum. Descriptio principalis *A-*
coniti *Pardalianches* dicti. p.
181. Quid de *Aconito* Scrip-
sit *Plin.* Quid de eodem *Man-*
get. Quomodo vulgò dividi-
tur. p. 182. *Aconitum* ma-
Josephi Lanzoni opera. Tom. I.

gnum vulgò *Napellum* dici-
tur. *Aconitum* *Platanifolio*
malitiam *Napelli* superat. Sunt
qui *Aconitum*, *Napellum* &
Doronicum confundunt, & u-
num pro alio sumunt, undè
Aconitum non venenosum pu-
tarunt, & quare. Alii verò con-
trà, quod exemplis confir-
mant. p. 183. Succus radices
ejus validissimum est remedi-
um. Symptomata ex ejus as-
sumptione. p. 184. Ex eis col-
ligitur qualitas hujus veneni.
Ejus curatio & remedia. p.
185. *Aconitum* medetur mor-
tui *Scorpionis*. p. 446.

Adamas quid est, & unde no-
men

Iiii

men

- men habet. p. 43. Ejus virtutem diverso modo tractant Autores Veteres ac Moderni. p. 44. Ejus proprietates. p. 45. An sit venenum; nonnulli affirmativam, multi verò negativam tenent. ibid. Quamvis per se & ex natura sua nihil veneni condant, tamen explicatur quomodo potest esse venenum, & sic dantur ejus effectus, Symptomata, & Curatio. p. 46. Adamas orientalis contrariatur venenis. p. 278.
- Aes* quid est, & ex qua materia. Dicitur etiam cuprum, cujus particularum constitutionem demonstrat Aerugo. Quænam est ejus vis & quomodo potest augeri. p. 77. Est venenum & quidem perniciosissimum. Ejus symptomata, & unde emanant. Ex quo metallo conficitur æs, ejus flos, squamma & ærugo. Exemplum plurimorum ab ære necatorum. p. 78. & 273. Modus curandi eos qui quodvis ex eo sumpserunt sive esculentis aut potulentis p. 79.
- Agnus* componitur partibus in usum Medicum venientibus, ut sunt Pulmones ejus, fel, stercus, sanguis, ossa, coagulum & lana, assignanturque Morbi quibus subveniunt. p. 369. 370.
- Alhova* quid est. Ejus descriptio. Quale venenum est. Ejus usus: tamen ignoratur ejus natura, symptomata & curatio. p. 224.
- Alauda* quare dicitur Galerita. Quotuplex est, & quænam prævalet in usu Medico. Quid in eo prodest ejus Caro, Cor, & Sanguis. p. 414.
- Alcedo avis*. Ejus descriptio. Unicam tantum sui partem Medicinæ præbet, & ad quævisum. p. 414.
- Alces* quodnam Animal. Partes corporis ejus ad Medicinam facientes; nec non & Morbi quibus in remedium veniunt, modò convenienter præparentur. p. 370. 371.
- Alexipharmacum* non omne convenit omnibus venenis. Quænam effeaciora sunt. p. 285.
- Allium* habebatur olim inter Deos ab ægyptiis. Quomodo vocat illud Galen. Quid de illo sentit Plin. Inter Alexipharmacum locum habet. Multum præstat adversus vermes. Humano corpori juvat. Imò elixatum in deliciis apud quosdam esse solet. Appetitum conciliat. Multas tandem proprietates habet. p. 583. & 584.
- Alii*

Athercum à diverso vocabulo sic dicitur, & quare. p. 196. vid. Hyosciamus.

Amphisbana & *Scytale* quid est. Vix inter se distingui possunt ob eorum similitudinem. In quo solum differunt. Sunt qui credunt eam habere duo capita. Alii verò negant. p. 97. Habent ambæ idem venenum. Quid evenit ex eorum morfu. Symptomata similia sunt illis ex viperæ morfu accidentibus, ita & eorum curatio. p. 98.

Amuleta adversus venena dantur innumera, alia rejicienda, alia verò admittenda, & quare. p. 277. Quædam Amuleta tam Animalium quàm Gemmarum, Plantarum, Arborum, eorumque fructuum adversus Venena, venenosæ Animalia p. 278. 280. & 281.

Anacardus quid est. De ejus Melle, cortice & fructu. De ejus confectiōe. Quare nocuus dicitur. Mala ex ejus assumptione accidentia, eorumque causæ. p. 238. Eorum Curatio. p. 239.

Anas duplex. Quid ex ea recipit Medicina & ad quem usum. p. 414.

Animalia ex quibus habetur Venenum sunt multa. Eorum

nomina, pro diverso modo secundum quem possunt hominem aut lædere, aut ei venenum inferre, aut communicare. p. 81. & 282. Quomodo nocua sunt quædam illorum in potu aut cibo, deducitur ex exemplis ab Autoribus relatis. Alia sunt ex se venenata, alia ex eorum victu venenato, & quænam sunt. Tamen varia sunt, quæ cibis nobis nocuis vescuntur, quibus etiam vescitur homo, eorumque nomina. Animalia fiunt venenosiora si venenatis victitent, unde non tutum est manducare eorum carnes, quod probatur plerisque exemplis. Signa diagnostica, aliaque Symptomata ex Veneno sumpto. p. 81. 82. & 83. Quare in Hibernia non generantur, nec diu subsistunt Animalia venenata. p. 264. & 284. Animalia quædam dentibus loco armorum se defendunt. p. 594.

Anguilla ad quos usque annos vivit. Quasnam præbet Medicinæ partes & ad quem usum. p. 429.

Anser duplex. Quis prævalet in re Medica. Quid verò ab illo sumitur, & ad quem usum. p. 415.

Aspidotorum ratio explicatur, & Iiii 2 quo-

quomodo præservativa juvare possunt. p. 283.

Antimonium quid est, & ex qua constat materia. Crudum à Doctoribus in numero Venenorum ponitur, sive intra Corpus, sive extra sumptum. Ejus symptomata, & modus eis occurrendi. p. 47.

Aper quid est, & quomodo dictus. De eo multæ in usum Medicum partes veniunt, describunturque singulæ proprietates illarum in diversis morbis expugnandis. p. 371. & 372.

Apes suis aculeis ita nocent, ut & mortem inferunt. Symptomata ex earum ictu. Et Curatio. p. 152. vid. Muscæ.

Apis quomodo inservit Medicinæ, præsertim melle suo. p. 438.

Apium, Quare ei additur risus. Ejus descriptio juxta *Chabr.* & *Jul. Solin.* Quid de illo dicit *Manger.* Mendicis frauduloso est usui. Vescientibus hac Plantâ quid accidit. Symptomata ex illius assumptione, & qua ratione adveniunt. p. 202. Hujus veneni Curatio. p. 203.

Aqua stillatiela foliorum Lauri quid est. Ejus Color, odor, effectus & symptomata. Relatio duorum Mulierum ab hujus aquæ veneno necatarum,

nec non & variorum experimentorum in canibus factorum, ex quibus constat quale sit hoc venenum. p. 286. usque ad 299. Antidotum hujus veneni. ibid. Alia experimenta circa venenosam qualitatem aquæ stillatitiæ ex Lauro-Ceraso in Canibus facta. p. 300. usque ad 306. Altera Relatio experimenti ejusdem aquæ in Cane facti. p. 307. & 308. Aquæ Bezoarticiæ descriptio. p. 322. Ejus miræ virtutes in febribus mali moris. p. 346. Descriptio aquæ Imperialis. p. 355. Aquæ Stygis vis & effectus. p. 271. & 272. A qua Fœmina præparabatur, & ad quem usum. ibid. Aquæ vitæ usus, in qua infusum fuit Sublimatum, est Venenum. p. 273.

Araneus sive Aranea, unde sic cognominatus. Ejus descriptio. Quotuplex est & quomodo dividitur. Ejus nutrimentum æreum esse probat experientia. p. 138. Quomodo vocatur ab *Hanneman.* Quomodo venenum suum infundit. Etiam combustus pestifer est. Symptomata ejus Veneni tam intra Corpus assumpti, quam ictu immissi, & unde oriuntur. p. 139. Curatio utriusque. ibid.

&

& p. 140. Vid. Draco & Mus Araneus. Quomodo Bufoni morrem infert. p. 134. vid. Bufo. Araneus præter se ipsum dat telam suam pro usu Medico. p. 439.

Ardea Piscatoribus maxime nota, Medicinæ tantum præstat adipem suam, sed usus rarus est. p. 415.

Argentum vivum esse venenum multi dubitant, & quare. Circumspectio Medici in ejus usu. Dicitur etiam Mercurius, triplexque nomen habet, crudus, sublimatus & præcipitatus, & quovis hoc triplici modo sumatur venenum esse symptomata probant. p. 70. Quomodo est venenum. p. 71. & 72. Quibus & quomodo noxium est præsertim iis qui illud tractant. Labes quas referunt Aurifices ob Mercurium quo utuntur in deaurandis operibus suis. Qualitates particularum Argenti-vivi, earum effectus & quomodo producuntur. p. 71. Argentum-vivum quamvis sæpe innoxium, tamen noxium evadit & quidem usque ad mortem, sicut & ejus fumus, & quomodo. Ejus symptomata. p. 72. Argentum-vivum præcipitatum perniciosius est quam

crudum. ibid. Quamvis ab Autoribus exhibetur ad curationem quorundam Morborum, tamen ejus internus usus semper periculosus est juxta *Helmont.* Diversi ejus effectus similes illis Mercurii crudi, & quomodo producuntur. p. 73. In quo differt à sublimato. Referunt *Andr. Baccius*, Aliique Autores vim clandestinam Mercurii experti. p. 73. & 74. Argentum vivum sublimatum quid est. Ejus parandi modus videtur apud *Lemery.* Potentissimum, maxime perniciosum & quidem corrosivum est venenum æquè ac Præcipitatum. p. 72. Quomodo ulcerat intestina. Cur tantam accendit sitim. p. 73. Diversi casus ex sublimato sive infuso, sive hausto, sive in unguento redacto à multis Autoribus relati. p. 74. Curatio omnium illorum. ibid. & p. 75.

Armenus lapis penè similis est lapidi Lazuli. In quo solum ab eo differt. Ubinam reperitur, & quare venenum dicitur. Unde nomen Armeni ducit. Ex qua & quotuplici materia constat. Ejus symptomata, & curatio. Quid de illo lapide sentit *Ardoyn.* p. 63.

Arsenicum quid est. Inter venena

quomodo præservativa juvare possunt. p. 283.

Antimonium quid est, & ex qua constat materia. Crudum à Doctoribus in numero Venenorum ponitur, sive intra Corpus, sive extra sumptum. Ejus symptomata, & modus eis occurrendi. p. 47.

Aper quid est, & quomodo dictus. De eo multæ in usum Medicum partes veniunt, describunturque singulæ proprietates illarum in diversis morbis expugnandis. p. 371. & 372.

Apes suis aculeis ita nocent, ut & mortem inferunt. Symptomata ex earum istu. Et Curatio. p. 152. vid. Muscæ.

Apis quomodo inservit Medicinæ, præsertim melle suo. p. 438.

Apium, Quare ei additur risus.

Ejus descriptio juxta *Chabr.* & *Jul. Solin.* Quid de illo dicit *Manger.* Mendicis frauduloso est usui. Vescentibus hac Plantâ quid accidit. Symptomata ex illius assumptione, & qua ratione adveniunt. p. 202.

Hujus veneni Curatio. p. 203.

Aqua stillatitia foliorum Lauri quid est. Ejus Color, odor, effectus & symptomata. Relatio duorum Mulierum ab hujus aquæ veneno necatarum,

nec non & variorum experimentorum in canibus factorum, ex quibus constat quale sit hoc venenum. p. 286. usque ad 299. Antidotum hujus veneni. ibid. Alia experimenta circa venenosam qualitatem aquæ stillatitiæ ex Lauro-Ceraso in Canibus facta. p. 300. usque ad 306. Altera Relatio experimenti ejusdem aquæ in Cane facti. p. 307. & 308. Aquæ Bezoarticiæ descriptio. p. 322. Ejus miræ virtutes in febribus mali moris. p. 346. Descriptio aquæ Imperialis. p. 355. Aquæ Stygis vis & effectus. p. 271. & 272. A qua Fœmina præparabatur, & ad quem usum. ibid. Aquæ vitæ usus, in qua infusum fuit Sublimatum, est Venenum. p. 273.

Ataneus sive Aranea, unde sic cognominatus. Ejus descriptio. Quotuplex est & quomodo dividitur. Ejus nutrimentum æreum esse probat experientia. p. 138. Quomodo vocatur ab *Hanneman.* Quomodo venenum suum infundit. Etiam combustus pestifer est. Symptomata ejus Veneni tam intra Corpus assumpti, quam icu immissi, & unde oriuntur. p. 139. Curatio utriusque. ibid.

&c.

& p. 140. Vid. Draco & Mus Araneus. Quomodo Bufoni mortem infert. p. 134. vid. Bufo. Araneus præter se ipsum dat telam suam pro usu Medico. p. 439.

Ardea Piscatoribus maximè nota, Medicinæ tantum præstat adipem suam, sed usus rarus est. p. 415.

Argentum vivum esse venenum multi dubitant, & quare. Circumspectio Medici in ejus usu. Dicitur etiam Mercurius, triplexque nomen habet, crudus, sublimatus & præcipitatus, & quovis hoc triplici modo sumatur venenum esse symptomata probant. p. 70. Quomodo est venenum. p. 71. & 72. Quibus & quomodo noxium est præsertim iis qui illud tractant. Labes quas referunt Aurifices ob Mercurium quo utuntur in deaurandis operibus suis. Qualitates particularum Argenti-vivi, earum effectus & quomodo producuntur. p. 71. Argentum-vivum quamvis sæpe innoxium, tamen noxium evadit & quidem usque ad mortem, sicut & ejus fumus, & quomodo. Ejus symptomata. p. 72. Argentum-vivum præcipitatum perniciosius est quam

crudum. ibid. Quamvis ab Autoribus exhibeatur ad curationem quorundam Morborum, tamen ejus internus usus semper periculosus est juxta *Helmont.* Diversi ejus effectus similes illis Mercurii crudi, & quomodo producuntur. p. 73. In quo differt à sublimato. Referunt *Andr. Baccius*, Aliique Autores vim clandestinam Mercurii experti. p. 73. & 74. Argentum vivum sublimatum quid est. Ejus parandi modus videtur apud *Lemery.* Potentissimum, maximè perniciosum & quidem corrosivum est venenum æquè ac Præcipitatum. p. 72. Quomodo ulcerat intestina. Cur tantam accendit sitim. p. 73. Diversi casus ex sublimato sive infuso, sive hausto, sive in unguento redacto à multis Autoribus relati. p. 74. Curatio omnium illorum. ibid. & p. 75.

Armenus lapis penè similis est lapidi Lazuli. In quo solum ab eo differt. Ubinam reperitur, & quare venenum dicitur. Unde nomen Armeni ducit. Ex qua & quotuplici materia constat. Ejus symptomata, & curatio. Quid de illo lapide sentit *Ardoyn.* p. 63.

Arsenicum quid est. Inter venena

refertur. Sunt qui Auripigmentum & Arsenicum unum idēque esse dicunt. Dividitur in Nativum & Factitium. Quare dicitur Nativum, & quotuplex est. Eorum genus & facultates eadem sunt, & quare. p. 65. Factitium quotuplex, & ex qua materia conficitur. Quot sunt ergo genera Arsenici. Quid Arsenicum Crystalinum. Ubinam reperitur. Inter venena validissima numeratur: & quare. Symptomata omnium illorum. Multum inter se differunt illa venena juxta *Sennert.* Quædam exempla quibus demonstratur in quantum possit Arsenicum siue extra corpus sumptum. p. 66. Diversi ejus effectus à *Forstio* & *Amato Lusit.* narrati, Præsentaneum postulat auxilium, alias agitur de vita. In eorum omnium assumptione eadem exigitur Curatio, & in quo consistit. p. 67. & 68. Quomodo Turcæ, nec non & Gallici Medici Arsenicum exhibent ac præparant. ibid. & p. 69. Quid observatur in cadaveribus ab Arsenico venenatis. p. 282.

Argem. quid est. Symptomata ex ejus usu. Remedia. p. 260.

Argendo. vid. Canpa.

Ascalabotes. vid. Stellio.

Aselli ubinam oriuntur. Quinam sunt colligendi, & quare. Eorum mira vis. p. 440.

Asinus Animal pigrum, sed multis partibus compositum in quibus singulare detegitur secretum adversus diversos morbos tam internos, quàm externos, & quare reperiuntur in eam salubria remedia. p. 272, 273, & 274.

Aspidis quotuplex est Species, quænam perniciosior, & quomodo. Unde nomen sortitur. Quòdnam vulnus infligit, quid inde sequitur, & unde venit. p. 85. & 86. Ejus Curatio. p. 87.

Asseræ efficaciâ suâ omnes alias Plantas superat adversus Aspidum venena, & quomodo vim suam in Viperis exercet. p. 279.

Assera de ea scribit *Scalig.* Apud verò alios Autores non invenitur *Assera*, sed *Maslach*. Quid de illis nominibus. p. 242.

Aurichalcum & *Cadmia* unum idemque est juxta *Manger.* tamen ab ea differt. Quomodo vocatur, Ex qua materia paratur. Quare eadem habet symptomata, eandemque curationem postulet cum ære. p. 64. vid.

vid. Cadmia.

Auripigmentum vid. Arsenicum.

B.

B *Ara* de ejus radice, ejusque effectibus scripsit Cardan. p. 242.

Barbo magis noxius quam utilis est. p. 430.

Barbus quid est. Parvi æstimatur, & quare: Ejus ova venenata dicuntur, & ad ciendum vomitum à Ruricolis assumuntur. Qualitates particularum quibus talia componuntur ova. Quænam producant symptomata, eorumque Curatio. p. 170.

Basiliscus & *Harmenes* juxta quosdam sunt verba synonyma eandem seram designantia. Sub diversis nominibus *Harmenæ* *Basiliscus* denotatur. Quare à *Discoride* Rex Angium dicitur. Fabula circa ejus ortum. Quid tandem est. Ejus natura comparata cum illa *Catoblebz*. Quomodo suum emittit venenum, sunt qui diversè sentiunt; p. 103. Quomodo suam sententiam firment illi qui dicunt solo ejus intuitu hominem lædi posse. Quid est *Basiliscus*, ejus longitudo, color, forma

modusque movendi. p. 104. *Accidentia* ejus mortum sequentia, ejusque medela. p. 105.

Baxama quid est. Effectus ex ipsius fructus degustatu, sicut & de illius umbra. p. 258.

Belladonna. vid. *Solanum*.

Bezoar Orientale unde habetur. Ejus utilitas. De ejus genuitate tractant plerique Autores. p. 383. *Bezoar* Occidentale quid est. In quo differt ab Orientali. p. 384. *Bezoar* Germanicum quid est, & quare sic vocatur. p. 383. *Bezoar* Equi cujus virtutis. p. 391. Magnam spem habent multi in lapide *Bezoar* adversus venena. p. 279. Datur duplex *Bezoar* animale juxta *Schrod.* ex sale volatili serpentium. p. 404.

Blata Bizantia quodnam est Animal. Quid Medicinæ præstat. p. 430.

Bomlyx se ipsum & texturam bombycinam dat in usum Medicum. p. 440.

Borax quid est, & ex qua materia præparatur. p. 53, & 54. Sunt qui eum inter venena referunt, alii verò contrà. Mala symptomata ex ejus assumptione, & illius Curatio. ibid.

Borraginis curiosa Historia de ejus emetica virtute in Adolescent-

cente ob antipathiam illius cum ea. p. 253.

Bos æquè ac *Vacca* ad quos usque annos vitam ducit. Sub ejus nomine intelligitur etiam *Taurus*. Describuntur partes quibus juvatur Medicina in debellandis humanæ naturæ morbis. Earum proprietates explicantur; indicaturque modus illas præparandi. p. 375, 376, 377.

Brassica, vid. *Calceolus Japonicus*.

Braxera quid est. Ubinam nascitur. Radix ejus lethifera, fructus verò antidotum est hujus veneni. In Africa radix ejusdem nominis est æque noxia, cujus perniciæ aliquid addit ars, & cujus ope. p. 242.

Bubulus quodnam Animal. Quænam partes illius Medicinæ succurrunt, & quomodo. p. 377, & 378.

Bufo quid est. Unde suum ortum habet. Cur sic vocatur. Quare etiam à multis *Rubeta*, aliisque nominibus nuncupatur. Descriptio hujus Animalis, & ejus malignitatis. p. 130, 134. Quomodo, & ex qua parte virus suum exprimit. p. 130. Delectatur habitare cum *Salvia*, unde incautus ejus esus noxius est, quod sinistris probatur exemplis. p.

131. Quanta sit vis & effectus ejus veneni, patet ex multis Historiis à diversis Autoribus relatis. In America veneno caret. ibid. & p. 132. Quare venenum est ejus morsus & pulvis, & quomodo suum infligit venenum. Quomodo Venefici venenum ejus extrahunt. Fibra Jecoris ejus alia sunt perniciofa, alia verò contra venenum. p. 132. & 134. Hujus veneni signa, & malitia. p. 132. In quo consistit ejus energia. *Bufo* combustus non lædit, & quare. Circa ejus Curationem quid notandum. p. 133. Multa curiosa circa ejus venenum ex variis Autoribus collecta. Sunt quid negant, sed malè, cum esse venenosum. De antipathia inter eum & *Araneam* quæ antidotus est veneno *Bufonis*. p. 134. Diversa sententia de ejus lapide. p. 135. & 379. Et quomodo præservat à veneno. p. 277. Historia de pulvere *Bufonis* usti ab *Hydropico* propinata. p. 270. Etiam si Animal illud sit venenosissimum tamen dat quasdam sui partes Medicinæ. Quænam sunt, & quomodo inserviunt. p. 378. & 379.

Buprestis ex ipsius nomine definitionem trahit. Ejus accurata des-

descriptio habetur apud *Aldrovand.* Magnam cum Cantharidibus cognationem habet. Symptomata quæ ex ejus deglutitione tam homini quam Bruto superveniunt, & quid ex illis colligitur. Ejus Curatio. p. 150.

Buxum, ejus mortifera vis. Frondes ejus & Cineres noxiæ. Ejus odor & sapor. p. 257.

C

C*Admia* seu Cobaltum quid est, cujus coloris, quid assimilat, cujus metalli porticeps est, ejus vis & effectus, est venenum, ejus Symptomata & Curatio. Quid de ea sentit *Agricola*. p. 64. vid. Aurichalcum.

Calcarium saxum quid est, ejusque definitio. p. 38.

Calceolus Laponicus quid est. Ubinam invenitur. Describitur à *Joh. Scheffer*. Quare inutilis & nocua creditur. p. 251.

Calx, etiamsi valdè sit utilis in re Medica, tamen ob ejus qualitates & effectus noxia in se ipsa evadit. p. 38. Symptomata ejus assumptionem sequentia, ortaue ab inhabitatione conclavis nuper extructi. p. 39. Ejus curatio. *Josephi Lanzoni Opera*. Tom. I.

ibid. In Civitatibus non debent permitti ejus fornaces. ibid.

Camæleonem & *Ixiā* unum idemque faciunt multi. Alii verò contrà. Quare *Camæleonis* radix à multis *Ixia* vocatur. Qualitas ejus succi. Quare hæc Planta *Camæleo* appellatur. p. 206. Ejus descriptio. Ejus symptomata, & unde oriuntur. Quomodo perficitur ejus curatio. p. 207.

Campana ex quibus metallis contat. Ejus scobina venenum est, juxta exemplum ab *Horsio* allatum, ejusque Curatio. p. 65.

Cancer Fluvialis; Quare vocabulum illud generaliter usurpatur à *Plin.* Quinam sunt Cancris propriè dicti. Cujus sunt naturæ. Quid ex cancro sumit Medicina, & ad quem usum. p. 431.

Canis partes habet quæ Medicinæ inserviunt. Quænam sunt & quomodo in remedium veniunt. Ejus Stercus quomodo honesto nomine vocatur, ejusque virtutes. p. 379. 380. & 381. Canes ut & alia animalia in rabiem aguntur, sed frequentius. Symptomata canis rabidi. p. 153. Ex Veterum monumentis probatur eos hy-

Kkkk

dro-

drophobiam nosse; sunt tamen qui negant. Quibus modis hoc venenum homini communicatur, apud diversos reperitur Autores. p. 154. Quomodo nunc tardius nunc citius suos producit effectus, & quare. p. 155. 157. & 158. Symptomata hominis canina rabie correpti. Diverso tempore se prodit illud venenum, in quibusdam post aliquot menses, in aliis post plures annos, plus minusve, & ad quem usque annum latere potest. p. 155. Essentia hujus veneni, & in quo consistit. p. 156. Explicatur magna illa Antipathia quam à canibus rabiosis demorsi habent cum aqua, & unde virus illud contrarium sit aquæ. p. 157. Quædam notatu digna circa vermes qui reperiuntur in res demorsas à Canis rabioso, & effigiem Canum quæ percipitur in demorsorum urinis. p. 158. & 159. In hujus veneni cura duo observanda sunt tempora: Quid quoad utrumque. Diversa adhibenda remedia. p. 159. 160. & 161. signa veneni per totum corpus sparsa. ibid. De Venæ sectione, & de tempore quo convenit,

vel non, multum disquiritur. ibid. & p. 162. Signa salutis aut mortis in demorso. p. 163. Caput Canis Morbum Regium curat, & quomodo. p. 380. Canis dicitur flere. p. 467. Canes dicuntur amare eos quorum salivam gustarunt. p. 557. Dentibus loco armorum se defendunt. p. 594.

Canis Piscis. vid. *Fel canis* Piscis.

Canna seu *Arundinis* venenum. Ejus vapor quisnam, & cui similis. p. 257.

Cantharides, quomodo à multis nuncupantur. A *Schrodero* in plures distinguuntur species. p. 146. Quænam sunt Animalia, & eorum descriptio juxta *Aldrovand.* Eorum originem habemus in *Genesi* secundum multos. Sed rectius oriuntur ex propriis ovis, quæ in eorum Anatome observantur. Venenosa esse Animalia quomodo certum est. p. 147. Prava eorum Symptomata, sive foris applicata, sive intra sint data. p. 148. & 281. Et unde oriuntur. Cur verò magis insensæ sunt vesicæ quàm aliis partibus corporis. p. 148. & 282. Quidam Autores dicunt *Cantharides* Antidotum secum habere, alii verò

verò contrarium tenent. Hujus veneni Curatio. p. 149. Effectus quidam Cantharidum. p. 272. Ejusque pulveris Tabaci pulveri immixti. p. 273. Ad quid valent pro usu Medico. p. 440.

Caper masculus quomodo dicitur. Quodnam est Animal. Enumerantur partes à quibus Medicina juvamen desumit, indicanturque curationes quas operant. p. 381. & 382.

Capo, de eo habetur Lapis alektorius juxta *Hoffman*, ipsique variz assignantur vires. p. 421. vid. Gallus.

Capra femina quomodo vocatur: vid. *Caper*.

Capreolus quodnam est Animal. Partes illius quæ Medicinæ inserviunt, eorumque proprietates. p. 384.

Capri-cerva Orientalis quodnam est Animal. De eo habetur Bezoar, & ad quem usum. De usu ejus cornuum. p. 383. *Capri-cerva* Occidentalis, quodnam est Animal. In quo differt ab Orientali. p. 384.

Carpio quisnam est Piscis. Quid præstat Medicinæ & ad quem usum. p. 431.

Castor quodnam est Animal. Quid ex eo Medicina pro usu recipit. Quid Castoreum. p.

385.

Carobieba vid. Basiliscus.

Catus Zibetinus quodnam est Animal. Quid ex illo depromit Medicina. Descriptio illius, & Natura. Quomodo usurpatur ac paratur, & ad quem usum. De usu pellis ejus. Quinam ejus carne vescuntur & ad quem usum. p. 385. & 386.

Cedrus fugat serpentes. Quid demonstrat ejus celsitudo. Confunditur cum Citro. Ex eo constructa fuerunt multa ædificia. Aliæ observationes circa eum. p. 328. & 329. Visum acuit. Cadavera condit, & incorrupta servat, viventia verò corrumpit. Odontalgiam tollit. p. 352. Ex ejus ligno Rogus & Pyra parabatur apud Indos. p. 355. & ad plurimos admittebatur usus. p. 356, 357, & 358.

Cenchris quid est. Quare sic vocatur. Varii variè eum denominant, & undè diversa illa nomina trahunt. Quo tempore magis est perniciosus. Differt à Jocolo. Ejus venenum quomodo & cuinam parti corporis humani insensum est. Accidentia ejus ictum concomitantia similia sunt symptomatibus à viperæ morfu proditis;

Kkkk 2

ditis ; sunt tamen quædam specialia. p. 99. & 100. Ejus Curatio. ibid.

Cerastes quid est , & undè sic dictus. Ejus longitudo & color. Quales habet dentes. Ubinam habitat. Quid ex ejus morfu accidit. p. 87. Ejus symptomata, & unde oriuntur. Ejus curatio , maximè verò ea quâ utuntur incolæ Lybiæ. juxta *Sennert.* & *Ælian.* p. 88. & 89.

Cerebrum Felis. vid. Felis.

Cerusa vel *Cerussa* quid est. Quomodo paratur. Eadem habet symptomata cum Plumbo cujus est filia. Quænam sunt illa symptomata. Modus eis occurrendi. Ejus Venenum laudatur à *Frictio.* p. 59. vid. Plumbum.

Cervus quodnam est Animal. Partes magno in numero habet quæ ad usum Medicum veniunt. Quænam sunt. p. 386. Quid cornua profunt. Cur ea deponit. Quid corium, si eo induatur homo. p. 279. & 387. Quid est os de ejus corde , & quid præstat. ibid. Quid oor ipsum. ibid. Quid Priapus, Testiculi, Pulmo, Sanguis. p. 279. & 388. Dicitur flere. p. 467. Quid lachrymæ ejus valent p. 279.

388. & 469. Unde oriuntur p. 470. Quid coagulum & Urina. p. 388. Ejus Dens, & ungula pedis ejus dextri. p. 279. Ejus adeps serpentes fugit. ibid.

Cede, quid nomen illud denotat. De variis Cetorum generibus sermonem habuerunt Autores plurimi. Quid ex illo in usum Medicum venit, sicut & de Manati. p. 432.

Chersidrus quid est , & quare sic vocatur. p. 95. Juxta quosdam ejus venenum ita perniciosum est ut mortuum tangenti mortem inferat. p. 96. vid. Natrix.

Chimanides, quænam sit Herba, non datur. Quare venenositatem dicit *Ardoïn.* p. 235. Mala quæ provocat unde proveniunt ; Eorum Curatio. p. 236.

Cicada quomodo inservit Medicinæ. p. 441.

Cichoreum licet natura suâ innocuum, tamen venenosos producit effectus, diraque suscitatur symptomata. Quomodo & quonam tempore, quod probatur exemplo. p. 252.

Cicindela ad quid prodest , & quam habet vim in usu Medico. p. 441.

Ciconia vim habet Alexipharmacam,

macam, partesque sui totamque ipsam se præbet Medicinæ, & ad quem usum. p. 416.

Cicuta Venenum est homini insensissimum. p. 188. & 189. Ejus ope innumeri sunt necati, ut passim testantur Historiæ. Variè à variis appellatur. Ejus descriptio. p. 188. Duplex est, major & vulgaris. Ubinam reperiuntur. Ejus qualitatem narrant multi, sed diversè. Cum vino pota irremediabilis est. *ibid.* Orta in frigidis Regionibus non tam nocua quàm in Calidis. Symptomata ex ejus haustu. p. 189. 192, & 282. Modus curandi eos qui ab ea venenati sunt. p. 190, 192, & 193. Differt à Toxico *Cicuta*. p. 190. Asinos inebriat. p. 191. & 189. Quo in usu erat apud Athenienses. p. 188. & 190. In qua quantitate potest occidere, vel non *ibid.* Externo illius usu diversi Morbi curantur. p. 191. Quibus particulis præditum est *cicutæ* venenum patet ex ejus affectibus. Botanici diversas *Cicutæ* Plantas agnoscunt. p. 192. Oservationes circa ejus esum. p. 193, 194, & 274.

Cimex ad quid valet. p. 441.

Cinnabaris quotuplex. Quid est

Nativa, & ex qua constat materia. Quomodo vocatur. Usus illius suspectus. Daturne *Cinnabaris* Cruda. Quid factitia. *Cinnabaris* sumptæ Symptomata. Eadem sunt cum illis Argenti vivi. Describuntur effectus illius in duobus Historiis à *Fernel.* & *Schenck.* relatis. p. 60. 61. Curatio eorum qui alterutram sumpserunt. *ibid.*

Citrus diversè à diversis Nationibus ac linguis nominatur, explicanturque diversa hac nomina. p. 315, 316, & 327. Ejus descriptio. *ibid.* & p. 317. Ubinam oriuntur *Citri.* *ibid.* & p. 327. De ejus vi & qualitate non consentiunt omnes, tamen vim Alexipharmacam habere patet ex Historiis allatis, multisque Morbis quibus maximè convenit. p. 319, 320, 321, 353, & 355. Diversis modis præparatur *Citrus*. Ejus poma conduntur & Cortices, quomodo & ad quem usum. p. 321. & 322. Ex ejus Floribus fit conserva duplex, quomodo, & ejus qualitas. Destillatur aqua ex corticibus & ad quem usum. Egregia descriptio Spiritus *Citri.* *ibid.* Ejus proprietates. Fit oleum destillatum, ejusque usus. Syrupi ex eo parantur,

rantur , eorumque descriptiones & proprietates. p. 323. Dantur ex eo Morfili , eorumque virtus & descriptio, ibid. Quid Balsami Citri nomine intelligunt Autores. De ejus Eleſtuario tam cordiali quam ſolutivo, eorum descriptiones & virtutes. p. 324. Eſſentia Citri liquida & ſicca quomodo conficitur. p. 325. & 347. Ejus lac. p. 325. Obſervatio circa duos Citros. ibid. Multæ aliz obſervationes de Arbore Citria , ejusque fructibus. p. 326. De præſtantia hujus Arboris. p. 328, & 354. Fugat affectus capitis, danturque Eleſtuaria adverſus eos omnes. Adverſus frigidam cerebri temperiem. p. 330. Contra Vigiliæ , Paralyſim , Maniam , Melancholiam. p. 332. Pro Catharro, contra convuſiones, Imbecillitatem. p. 333. Et ſalivationem. p. 334. Citrus tollit affectiones Thoracis , omniumque ejus partium ; deſcribunturque Eleſtuaria ſingulis convenientia. Gargarisma in Angina. ibid. Ejus uſus optimus in Aſthmate, ſyncorpe, Pulmonum hydropē. Tollit palitationem cordis. p. 334. Tuſſim fugat. p. 336. Abdomen liberat ab omnibus

affectibus. Optimus eſt in ſingultu. Vomitus ſedat. ibid. Contra choleram , Lienteriam, Dyſenteriam , Diarrhœam , Colicam , p. 337. Stranguriam , Calculos , Scorbutum , Cachexiam, Hæmorrhoidalem fluxum , Melancholiam, Hypochondriacam. p. 339. Alvi fluxionem , Tenefmum. p. 340. Ejus uſus in Morbis Mulierum, ſcilicet ſædo colore Virginum. ibid. Menſium ſuppreſſione , Fluore albo, nimio fluxu Catameniorum , Furore uterino , ad Abortum præcavendum. In uteri prociſſione , p. 341. Paſſione Hyſterica , Malacia & Picâ. Ad Gravidarum vomitus ſedandum. In Hydropē Uteri. Contra Sterilitatem. p. 342. Adverſus omnes alios affectus Virginum , Menſium & Viduarum. p. 343. Ejus uſus commendatur in cruſta lactea, Achoribus, Favisque Puero- rum. In Ani prociſſione. Fugat eorum lumbricos. ibid. Herniam ſanat. Vomitus eorum ſedat. Cicatrices variolarum tollit , variolas quidem expellit. p. 343. Febres omnes debellat, ſive intermittentes, tertianas, Heſticas, Malignas. p. 345. Peſtem fugat. Opti-

Optimus est in Lue Gallica. p. 346. In Gonorrhœa. Ephantiasimque curat. p. 347. Validum remedium est in curatione Arthritidis scorbuticæ & non scorbuticæ. ibid. & p. 348. In Scabie, Aphthis & Plica. p. 349. In ulcere Brachii. In Erytipelate. contra lentigines, volaticas. p. 350. In Gangrænis, Pemionibus, Fistulis, Doloribus dentium, Vulneribus à viperis illatis, Fistula lachrymali. Adversus Varos. p. 351. Liberat à Phlyctænibus. Opitulatur Hæmorrhoidibus. Leporam fugat. p. 352. Citrus convivia condecorat, Dapumque est ornamentum. p. 353. Vestes à tineis præservat. p. 320. & 353. Optimus est pro rubedine faciei. p. 354. In solvendis Margaritis, ac in aliis plerisque œconomicis usibus. p. 355, 357, & 358.

Clyster diversis appellatur nominibus. Quid in genere denotat. Varia etiam nomina trahit à diversis partibus Corporis in quibus injicitur. Quomodo latè & in specie definitur. p. 451. Ejus Origo. Duplici materia componitur. Quid utraque. Quomodo dividitur *Clyster*. p. 452. Singulatim exponuntur quicum-

que, & pro ratione eorum facultatum. ibid. & p. 453, 454, & 455. Quare *Clyster* innocentissimum est remedium. p. 453. An *Clysteres* nutriendes possunt nutrire corpus. p. 455. Modus administrandi *Clysterem*, & eo uti. De tempore quo adhiberi potest. De situ ægri dum recipit eum. De ejus quiete post injectionem. p. 456. Quo tempore abstinendum est ab eo. De illius usu & effectu. p. 457. De novo instrumento ad ejus usum, & à quo inventum. Ut strenuè operentur quid agendum. Quid in eis periculosum. De *Clystere* solvente ex Tabaci fumo confecto. Quid diligenter vitare debent Pharmacopœi in conficiendis *clysteribus*. p. 458. De *clysmatica* & *enemata* Chirurgia. A quibus primò inventa, & quomodo fit hæc operatio. p. 459, 460. Multa Curiosa symptomata à *clysteribus* orta. ibid.

Cochlea quid est. Quænam sui partes exhibet Medicinæ, & ad quem usum. p. 388. & 389.

Cohobba quid & unde est. Cui similis. Ejus effectus p. 242.

Colchici radix juxta peritiores non

non est *Hermodaetylus*, ut & alii volunt. Venenosa est, non verò *Hermodaetylus*. Ejus uirilitas juxta Arabes. Datur varia species *Colchici*, unde multi unam pro alia sumpserunt. p. 194. Vulgò dividitur in venenatum *Ephemeron* dictum, & non venenatum quod propriè *Hermodaetylus* est. p. 195. vid. *Ephemeron*.

Colocynthis quid est. Variè à variis linguis nominatur. Ejus descriptio. Quare veneni naturam redolet. Causa malorum quæ producit, eorumque curatio. p. 244.

Columba Avis secunda Medicinam suis partibus, totoque suo corpore in multum juvat, & quomodo. p. 416. Modus parandi ex ea aquam anticolicam. *Columbæ* sylvestris usus maximus est. Daturque ratio eam præparandi. p. 417.

Concha quid est. Quotuplices sunt. p. 432.

Cor in homine dicitur primum vivens & ultimum moriens. p. 595. Quasi in Vesica continetur. p. 597.

Coriandrum est-ne venenosum. De hoc diversè sentiunt Medici, diversos ei tribuentes effectus, & illud ad varios

admittentes usus, Medicamenti scilicet & Veneni. p. 203. & 204. Sunt qui medium tenent, Sylvestre venenum dicentes, Domesticum verò non. Ast secundum alios veneni naturam redolet in quantitate solum. Descriptio *Coriandri*. Symptomata ex succo hujus Plantæ assumpto, & unde oriuntur. p. 205. & 206. Ejus Curatio. ibid.

Cornix, quid usui Mecico præbet, & quomodo. p. 417.

Corvus non solum sui partes, sed & pullos suos Medicinæ concedit, & ad quem usum. p. 418.

Coturnix duo tantum præbet Medicis. Quænam sunt, & eorum usus. Habetur ejus Historia apud *Franz*. p. 418.

Crocodilus Lacertorum quoddam genus est. Ejus Etymologia. Quodnam est Animal. Ejus Ovum, Ejus Magnitudo, & quousque extenditur. p. 119. Quomodo morsum suum imprimit. Descriptio ab enumeratione partium hujus Animalis. De Lapide qui reperitur in ejus ventriculo. Symptomata ex ejus accerbissimo morsu, & unde oriuntur. p. 120. Quædam notanda circa ejus horribilem morsum obseriem

feriem dentium. Remedia huic
morſui convenientia. p. 121.

Dicitur flere. p. 467.

Crocus à quonam in Claſſe ve-
nenorum reponitur, & quo-
modo. Quare mortifera parit
Symptomata. Ejus Curatio.
p. 235.

Cuculus quid prodeſt Medicinæ,
& ad quem uſum. Ejus Hiſ-
toria apud *Franz.* p. 418.

Cucumer Afininus quid eſt. Ejus
deſcriptio. Ejus uſus. p. 236.
Ex ejus aſſumptione quid ſe-
quitur. Ex ejus Symptoma-
tibus quid colligitur. Hujus
veneni Curatio. p. 237.

Cuniculus quid eſt, & quid ex
eo Medicina trahit. p. 389.

Cyclamen quid de eo dicit *Dioſ-
cor.* Quomodo vulgus hanc
Herbam nominat, & quam
ob cauſam. Ejus virtus, &
ex ea quid colligitur. p. 239.
Ejus curatio. p. 240.

Cynogleſſa quæ & Cynogloſſum
dicitur, unde ſic nuncupatur.
Quid eſt. In quibuſnam locis
oritur. p. 227. In quo conſiſ-
tit ejus venenoſitas. Quomo-
do vitiat ſanitatē hominis.
Ejus ſymptomata & Curatio
habentur in Capite de Opio,
cui ſimilia ſunt. p. 228.

Cynoſbaſti Cornu quid eſt. Ejus
natura, Symptomata, & Cu-
Joſephi Lanzoſi opera. Tom. I.

ratio. p. 248.

D.

Datura à multis Stramonium
vocata quid eſt. Quare
inter venena reponitur. Quid
de ea referunt Autores. Aſ-
ſumpta eadem producit ſym-
ptomata ac Opium, & quare.
p. 220. Curatio illius veneni
convenit cum illa Opii. p. 221
vid. Opium.

Dentes, eorum Etymologia & de-
ſinitio. p. 586. Eorum durities,
generatio & ſubſtantia. Quare
erumpunt citius in brutis. Qua-
nam ætate erumpunt in homi-
ne; quanam primò exeunt. Quo
tempore, & quomodo fit den-
tium permutatio. p. 587. Eo-
rum ſitus. Quomodo vocan-
tur illi qui circa vigefimum
aut trigefimum ætatis annum
erumpunt. Ex triplici eorum
figurâ, tria habent nomina, &
cur ſic vocantur. Non idem
eſt numerus in omnibus. Ma-
jor numerus vitam longam
promittit. De eorum ſuperfi-
cie, arteriâ, venulis & nervis.
Unde provenit dentium do-
lor. p. 588. De eorum uſu &
quotuplex. p. 589, & 593. An
dentes ſentiunt & quomodo.
ibid. & p. 590. Diverſa opi-
LIII nio.

niones circa quæstionem, an primi dentes sint veri dentes, & qui postea erumpunt sint novi. *ibid.* & seq. Sunt ne partes corporis *ibid.* Respondetur contrariis argumentis. p. 592. Ex qua materia fiunt. Cur decidunt, & renovantur. Cur augentur, & crescunt *ibid.* Quare discrepant ab aliis ossibus. Quot sunt differentiarum Dentium. p. 593.

Dipsas unde nomen ducit, & quare sic vocatur. Alii inter speciem aspidis eam adscribunt, alii verò eam ab illa distinguunt, & quare. Symptomata ejus morfus. p. 93. Ejus effectus describit *Lucan.* Origo symptomatum ejus. p. 94. Ejus curatio. p. 95.

Doronic radix, quomodo nocua est. Diversa opinio de illius veneni suspitione. Confunditur cum aconito & napello. p. 183. & 184. vid. *Aconitum*.

Draco duplex est, terrestris & marinus. Quid secundus qui & *Araneus* dicitur. Quid primus. Ejus forma, color, & magnitudo. p. 115. Pro diversitate linguarum diversa nomina habet. De ejus ore & morfu. In qua parte sui corporis vim suam habet, & quomodo. Sunt

qui *Draconem* illum veneno non solum carere, imò remedia ex eo peti scripserunt; Alii verò non, & quare, & in quibusnam Regionibus. p. 116. In quo differt *Mas à Fœmina*. Curiosa Historia de illo. An sunt *Dracones* *Aligeri*. Quid de veneno *Draconis* sentit *Heliodor.* Quid de ejus morfu narrant alii Autores. Quid ex eorum sententia concludendum est. Quid de *Marini Draconis* veneno sentiunt autores. p. 117. Quot sunt genera hujus *Draconis*, & in quo differunt juxta *Salvian.* quomodo venenatus est, an ictu aut morfu, & in quo pender ejus venenum. Hic ipse *Draco* suum est remedium, & quomodo. Alia remedia. p. 118. 119. & 173. De veneno *Draconis* terrestris sive maris sive fœminæ. Ejus symptomata. p. 118. Et unde oriuntur. Ejus remedia. p. 119.

Dracunculus quotuplex. Ejus seminis virtus & efficacia. p. 249. vid. *Dragonæa*.

Dragonæa dicitur *Serpentaria* & *Viperina*. Sunt qui nocuam, alii verò innocuam dicunt. Symptomata ex ejus semine in cibo & potu sumpto. p. 249. Eorum causa & Curatio.

tio. p. 250.

Dryinus quomodo à Latinis vocatur, & unde nomen ejus ducunt. Ejus longitudo, Color & forma. Malitia ejus veneni sive vivus sive mortuus sit. Accidentia ejus morsum sequentia. p. 101. & 102. Ejus medela. ibid.

Dutroa quid est. Ubinam nascitur. Ejus effectus, & quomodo eos producit. p. 258.

Duxumira. vid. Vingofana.

E.

E*Chidna*. vid. Vipera.

Echis. vid. Vipera.

Elephantus quodnam est Animal. Quid ex eo sumunt Medici, & ad quem usum. p. 389, & 390.

Ephemerum quare dicitur Colchicum. Quomodo distinguitur à Croco. p. 194. Diversos producit effectus ac Hermodactylus, unde ab illo differt. Hæc Planta humanæ naturæ inimica est. Sumpta producit gravia symptomata. Ejus Curatio. p. 195.

Equus quodnam est Animal. Quid ex ejus partibus sumitur pro usu Medico. De illo habetur Bezoar, & quale. p. 390. & 391.

Equus Marinus quodnam est Animal. Quid ex illo sumit Medicina & ob quem usum. p. 391.

Erica Baccifera; à quo sic vocata, & quare, Ubinam oritur hæc Planta. Ejus descriptio. p. 219. Effectus quos parit ejus usus. Signum ejus veneni: Curatio illius. p. 220.

Erinaceus quid est. Quænam illius partes Medicinam ingrediuntur, & ad quem usum. p. 391.

Eruca Pini quotuplici modo nocent homini. Symptomata veneni talis insectæ, quoquo modo sit inflicta. Quid ex illis colligitur. Ejus Curatio. p. 151.

Esula pro omni genere Tithymalorum indifferenter sumitur. Tamen species est Tithymali. Non datur ejus Etymologia. In Medicina nullum habet usum. Quare Rusticis magis quam Nobilibus inservit. Quomodo gravia excitat Symptomata. Ejus proprietates. p. 214. Quomodi fraudi Mendicorum inservit. Quænam producuntur Symptomata ex ejus veneno assumpto, & unde oriuntur. Ejus Curatio. p. 215.

Euphorbium quid est. Quæ Planta

ta à quo inventa, & unde nomen habet. Variè à variis describitur Autoribus. p. 209. Quid verò est tanquam venenum. Ejus descriptio juxta Autorem nostrum. Assumptū valdè damnosum est homini. Ejus Symptomata, & Curatio. p. 201. Ejus oleum venenum effedicunt aliqui, alii verò non. p. 273.

Experientia Magistra rerum est, quam ob rem ad eam confugiendum, repugnante etiam ratione. p. 568.

F.

Familiaritas nimia contemptum parit. p. 569.

Febris quartana quare sic dicitur à Latinis. Quid eam dicit esse *Ostavi. Oratinus*. Quid de ea *Ricard*. Ejus definitio, ac divisio. p. 474. In ea quænam pars corporis affecta est. Signa Diagnostica illius. p. 475. Ejus causa & origo juxta diversos Autores. p. 476. & 477. Quandonam fit longissima, & ad quot usque annos perseverare potest. Ex ejus pertinacitate quid oritur. Quinam ab ea facilius liberantur. p. 478. Triplex ejus Curatio. De utraque differitur. p. 479.

480, 481, & 482. Varia remedia tam topica quàm Specifica. p. 481. Quædam Hystorix de illa Febre. p. 482.

Fel Canis Piscis quantum venenatum est. Symptomata ex ejus assumptione. Quid ex illis colligitur. Hujus veneni Curatio. p. 174.

Felis cerebrum æquè ac ejus sanguis inter venena connumerantur. Eorum effectus, si pro cibo sumantur. Causa illius veneni, ejusque Curatio. p. 163, & 164. Ejus anhelitus mortiferus. p. 275. Felis maximè Sylvestris multas Medicinæ præbet partes. Quænam sunt & ad quem usum. p. 392.

Ferrugo. vid. *Ferrum*.

Ferrum, quod etiam Mars dicitur, quare ignobilius est Metallum. Materiam præbet venenis. Cur tardè fuit in igne. Cur promptè ignescit. Cur verò minimè est ductile. Quare particulas habet rigidas. Quomodo fit rigidius. p. 75. Quid accidit cum in corpore hæret, aut ejus scoria, vel ferrugo. Undè oriuntur illius symptomata. Ejusque Curatio. p. 76.

Ficedula unde sic dicta. Ejus usus in re Medica. p. 419.

Ficus Pharaonis quid est. Ejus natura.

natura: p. 248. Symptomata quæ ex ejus esu insurgunt, & quid ex illis colligitur. Signa hujus veneni. Ejusque Curatio. p. 249.

Flos Americanus quomodo vocatur. Quænam est Planta. Ejus odor cui similis. Quid de ea dicit *Dodon.* Symptomata hujus floris assumpti, & Curatio quæ eadem est ac illa Veneni *Cicutæ.* p. 221.

Feniculum quamvis suâ naturâ innocens, tamen ex illius esu pessima posse oriri Symptomata probatur quâdam Historiâ. Quomodo & quo tempore. p. 252.

Formica quid præbet Medicinæ, & ad quem usum. p. 441.

Fraxini Succus antidotum est admirabile adversus serpentum morsus, juxta *Plin.* Item pocula ex eo facta, quod tamen fabulosum habent alii. p. 278.

Fumus venenatus à quadam forma præparatus, ejusque effectus. p. 271.

Fungus unde nomen suum habet, Voluptuarii venenum à *Seneca* dicitur; Sic quidam Fungos cibum & filios Deorum dixerunt. Duplex Fungus, alius optimus, alius perniciosus. p. 279. Descriptio utriusque.

Multa funesta exempla eorum esu. Symptomata Fungorum venenatorum. Eorum causa & Curatio. p. 180.

G.

Gallus usui Medico multas sui partes præbet, sicut & Gallina nec non & Capo. Quænam sunt partes illæ. Singularum earum virtutes indicantur & medicamenta. p. 419. & 420.

Granum Nubiæ quid est. Ejus natura pariter ignoratur ac particulæ quibus componitur. Tamen de eo tanquam venenorum pessimo scribunt Auctores quidam. De ejus curatione tractat *Sennert.* p. 219.

Grus se ipsum integrum Medicinæ tradit, & seorsim quasdam sui partes. Quænam sunt, & cujus utilitatis. p. 421.

Grillus ad quid commendatur in usu Medico. p. 441.

Guaiaicum quid est. Ubinam reperitur. Ejus fructus venenosus est. Quo in usu erat apud Barbaros ejus succus. p. 258.

Gummi Gutta seu Gutta de Jemou quid est. Variæ opiniones de ejus generatione. Assumptio hujus virulenti succi gravissima producit Symptomata,

L I I 3 &

& quid ex illis colligitur. p. 254. Indicationes Curativæ. p. 255.

Gustus depravati observatio. p. 531. Descriptio causarum symptomatum in gustu. p. 533. Quomodo fit gustus. p. 534. Diversè in sanis ac infirmis contingit. p. 535.

Gypsum quid, & ex qua materiâ est. Inter venena recensetur. p. 41. Ejus symptomata, & Curatio. p. 42.

H.

H*æmatogoga* quid est. De ea tractat *Galen*. Quibus constat particulis. Quid mali producit, si assumatur. p. 220.

Hæmorrhous quid est, & unde sic dictus. p. 89. signum ejus veneni illati, ejusque curatio. p. 90.

Halecus, ubinam familiaris est ille Piscis. Quid ex eo in usum Medicum sumunt Medici. p. 433.

Harmenes. vid. *Basiliscus*.

Helleborus est-ne venenum, de hoc valdè dissentiunt Autores. Aliqui illum Medicamentum alii maximè laudant, alii verò rejiciunt. p. 217. & quare. Quomodo à Latinis vocatur hæc Herba, & quare. Quomodo

do ab eis distinguitur. In quo consistit vis hujus Herbæ. Ejus effectus. Symptomata, & unde insurgunt. Ac tandem curatio. p. 218. Ejus oleum venenosum esse dicunt aliqui, alii verò contrarium. p. 273. Ejus radix exanimatos Scorpiones ad vitam revocat, virusque eorum mortificat. p. 445, 446.

Hirudo à quo verbo nomen habet. Ejus usus in re Medica, p. 126. & 442. Quomodo fit nocuus. Laudatur ab aliquibus Nationibus, ab aliis verò culpatur. p. 126. Incommoda quæ ab ejus usu proveniunt, quæque confirmantur multis Historiis. Quomodo Hirudines ulcera & quidem gangrænam excitant. Curatio hujus gangrænæ. Altera Curatio si faucibus adhæreat *Hirudo*, aut per os sit ingesta. p. 127, & 128. signum ejus deglutitionis. ibid.

Hirundo duplex est. Quid utraque. Quænam prævalet, & quid usui Medico præbet. p. 422.

Hiuca quid est. Cui similis. Descriptio radices ejus. In quo consistit ejus venenum. Quomodo salusifera simul & lethalis

lis est. p. 224. Cur succus ejus venenosus est, Farina verò salubris. p. 225.

Homo inter Animalia primus. Innumera ex innumeris partibus Corporis ejus ad usum Medicum medicamenta præbet. Quæ sunt illæ partes, & quomodo præparantur ab arte Medica ad sananda vulnera, morbosque curandos. Morsus hominis quomodo venenosus, & quid inde sequitur. p. 392. usque ad 395. Ejus saliva dicitur scorpiones interimere. p. 445. Ejus vitæ perpetuæ lachrymæ. p. 463. & continuus Morbus. p. 473. Quare solus inter animalia maximè luget. p. 467. Ubi mox nascitur, incipit agrotare. p. 473. Diversi Morbi quibus, experientia teste, obnoxius est. ibid. In patria adhuc hospes est. p. 501. Proprietates ejus salivæ. p. 518. vid. Saliva humana.

Huemberequa quid est. Ejus Symptomata, & quid ex illis colligitur. p. 260.

Husus Ichthyocolle, ubinam familiariter degit ille Piscis. Quid præbet usui Medico. p. 433.

Hydrus quid est, & quare sic vocatur. p. 95. Hydri rare lædunt. Contrarium narrat *Virgil.* p. 797.

Hyosciamus diversis nominibus appellatur. Quare nomine Alterci salutatur. Variæ sunt illius species apud Botanicos, omnes noxiæ juxta *Sennert.* Albus minùs noxius, imò valde utilis in quibusdam morbis. Descriptio nigri. p. 196. Observatio *Clauder.* circa ejus usum. Ejus venenositas experimentis patet. Unde proveniunt prava symptomata ab illius assumptione excitata. p. 197, & 282. Multa de seminis illius pernecie experimenta. Hujus veneni curatio. p. 198. De veneno ex ejus semine & flore confecto, & ejus effectibus. p. 274. Succus ejus quomodo cimices necat. p. 441.

I.

Jaculus. vid. *Cenchrus.*

Juglandis Arboris descriptio habetur apud Botanicos, maximè verò apud *Manget.* Quare inter venena locum habet. p. 213. Datur curatio pro qualitate hujus veneni. p. 214. Pernicies illius umbræ. p. 258.

Juniperi gravis & noxia est umbra juxta *Virgil.* p. 258.

Ixia. vid. *Camæleon.*

L.

L *Ac* coagulatum ex se non est venenum, sed nocere potest, & quare. Præcautio medici in ejus usu. Prava symptomata producere potest. Remedia. p. 165.

Lacerta inter Animalia venenosa numeratur. Quare vulnuscum quod infligit curatu difficile est. p. 121. symptomata ex ejus morfu. Indicatio curandi. p. 122. *Lacerta à Vipera* faucia quomodo curatur. p. 134.

Lacertus, ad quid commendatur in re Medica. De lapide qui reperitur in ejus capite. p. 442 vid. *Crocodilus*.

Lacrymæ quomodo vocantur à multis, & à quo verbo. De earum origine, causis ac materia variæ opiniones. p. 464, 465, & 466. Quare solus homo inter animalia maximè luget. Lugent etiam *Crocodili*, *Cervi* & *Canes*, & quare. Cur fletus diu perseveret, quàm risus. Decet-ne virum lacrymari. *Lacrymæ* sunt magnum solatium. p. 467. Quomodo dividuntur. Impropiè sumitur *lacryma* & quomodo. ibid. & p. 468. De involuntaria la-

crymatione. De *lacrymis sanguineis*. ibid. De *lacrymis cervi*, earum proprietate, & unde oriuntur. p. 469, & 470. De *lacrima vitis* impropiè dicta. p. 471.

Laudanum Opiatum quomodo remedium & venenum dici potest. Ejus effectus. p. 273.

Lazuli lapis, qui & *Armenus* dicitur, quamvis eo durior, ab Autoribus non simpliciter inter venena numeratur, sed etiam inter fortiora purgantia. Qualem vim ei tribuit *Mesues*. Ejus qualitates & effectus præsertim si non præparatus & in nimia quantitate sumatur. Ejus curatio. p. 50. vid. *Armenus lapis*.

Leo plures suppeditat partes quibus adjuvatur medicina in debellandis morbis. Quænam sunt partes illæ, & quomodo sanitati humanæ profunt. p. 396.

Lepus Marinus quid est. Ejus descriptio habetur apud *Rondelet*. non solum venenosus est, sed & ejus visus. Tetrum spirat odorem, & quare. Quid supervenit ex illius usu. Causa datur talium symptomatum. In quo consistit vis hujus veneni. Sunt qui dicunt solum pulmones exulcerare, alii verò omnes alias

lias Corporis partes. p. 169. & 281. Ejus curatio. p. 169.

Lepus quodnam est Animal. Describuntur partes illius quæ artemedica præparatz maximum juvamen afferunt in diversis morbis profligandis p. 397. & 398.

Limem quid est. Quomodo vocabatur olim apud Gallos, & quo erat in usu apud eos. p. 259.

Lingua quomodo, & in quo duas actiones habere dicitur. p. 533.

Lithargirium quid est. p. 61. Quomodo paratur ac conficitur. Duæ sunt Lithargirii species quæ colore solum differunt, unde diversum nomen habet. Causa hujus diversi coloris. Ejus prava symptomata & curatio. p. 62.

Locusla quomodo inservit Medicinæ. p. 442.

Lolium quid est. Ejus descriptio. Circa ejus originem discrepant Autores, varietque de ea scripserunt. Quare dicitur venenosum. p. 222. Ejus facultates & symptomata. Hujus veneni remedium. p. 223.

Lucius quasnam præbet partes Medicinæ, & quid valent. p. 434.

Lues venerea quomodo curatur
Josephi Lanzoni Opera. Tom. I.

per salivationem mercurialem, & quid sentiendum de illa curatione. p. 540. & seqq. Non potest mitioribus remediis eradicari quin totum pereat corpus. p. 547.

Lumbrici quomodo, & ad quid sunt utiles. Ex eis paratur oleum, & ad quid optimum. p. 442.

Lupus cujus naturæ est. Cui similis. Quænam partes illius ad usum medicum veniunt. Et quomodo præparantur ad suos effectus. p. 398.

Lynx quid est, & quomodo vocatur. Medicina ex eo sumit Axungiam, Calculum & unguem, & ad quem usum. p. 399.

M.

M *Agnes* quid est, & ex qua materia conficitur. Ejus proprietas & virtus. p. 42. Estne Venenum, vel non, multi inter se discrepant Autores. Quomodo ejus symptomatibus occurrendum est, si intra corpus sit assumptum. p. 43.

Majores nostri non omnia habuerunt meliora. Eorum opiniones parum erant exactæ. Omnia, in Anatome præsertim, M m m m dili-

diligenter scrutarunt & sciverunt, nihilque perpendendum liquerunt; tamen multa insuper videnda, maximè in Microcosmo, restant, semperque speranda nepotibus nostris restabunt. p. 501. & 503.

Malum Agaricum, tanquam venenum, distinguitur ab *Ardoyn*, in masculum & fœminam. Utrumque describit, eorumque proprietates enodat. Symptomata ex assumptione *Malii Agarici nigri*, & unde oriuntur. Eorum curatio. p. 243.

Manati, vid. Cete.

Mandragora cur sic dicitur. Historia hujus plantæ habetur apud *Raium*. Naturalem illius radicem describit *Francisc. Imperat.* p. 200. Quandonam floret, fructumque suum perficit. Quæstio curiosa circa ejus virtutem ad venerem ac imprægnationem promovendam. Quomodo tanquam venenum porrigi potest homini, cum gustui sit amara. Quare sit ut succus ejus assumptus molesta excitet symptomata. p. 201. 282. Licet tardiùs interimet, tamen matura requiruntur remedia. ejus curatio. p. 201.

Mangas Sylvestris quid est. Quid de veneno ejus incognito scri-

bit *Christoph. à Costa*. p. 224. *Marassus*, vid. *Vipera*.

Marasita quid est. Variè pro varietate metallorum eam nominat *Renald*. Tres tantum admittit *Manget*. triaque nomina ei tribuit. Quid eam esse dicit *Ettmull*. Ex his omnibus patet esse venenum. p. 69. Ejus symptomata & curatio. p. 70.

Mars, vid. *Ferrum*.

Maslach, vid. *Affera*.

Mater Perlarum quid est, & cur sic vocatur. Quid habent ex ea Medici. p. 434.

Meconium, vid. *Opium*.

Medicina quid eam dicit esse *Plato*. & ex illius definitionis cognitione quid sequitur. p. 579.

Medicus qualis esse debet erga Deum, proximum, & se ipsum. p. 567, 571, 573, 574, 579, & 582. Medicorum præcipuus finis, morborum fugatio p. 479. Non eis data est potestas excrucianti ægros, hominesque necandi. Quomodo se gerere debet Medicus in praxi. Quid timiditas denotat in Medico, quid verò audacia. In prognosi instituenda quid observare debet, sicut & in consultationibus. p. 568. De munditie corporis ejus. Metho-

thodus ab eo observanda circa ægrum apud quem vocatus est. p. 569. & 573. a compositis medicamentis abstinere debet ubi simplicia sufficiunt, nec adhibere debet ea quæ qualitatem occultam continent. p. 569, & 570. Non debet instituere evacuationem die critico sine maxima necessitate. ibid. Quomodo cavere debet ne ars sua omnium præclarissima, omnium vilissima existimetur. Ejus officium circa collegas suos, & quid vitare debet erga eos. p. 571. 572. & 574. Signum ejus ignorantie. ibid. Vitium ab eo fugiendum. ibid. Ad medendum vocatus, sit promptus. p. 569, 573, & 576. Quomodo ægrotantes tuto curabit. Quibus medicamentis uti debet. De inquirendis, & observandis ab eo in prima infirmæ visitatione. ibid. & p. 574. Officium Medici circa morbos sanabiles & insanabiles. p. 570 & 574. Quare ingratos quidem infirmos negligere non debet. ibid. Quales morbos per Epistolas curare potest. Non debet nimis sibi fidere, & quibus in casibus alios vocare debet Medicos. p. 574, &

575. Quid agendo peccaret Medicus? ibid. & p. 576. Quid ejus prudentiæ convenit. p. 575. Ejus mores. p. 576, & 578. Quomodo gerere se debet in reconvalescentibus & pauperibus. ibid. & p. 577. Quid scire tenetur, & quare. ibid. Quid *Ricardus* sufficienter agnoscere non potuit. p. 474. Cui bono debet aperire cadavera. Qua ratione ægris à Medico gratificandum est & quare. p. 577. & 578. Quanam ætate prohibetur Medico exercere medendi artem, & quare. Quare non multos ægros curandos suscipere debet. ibid. In quo Medici & Judices similitudinem habent. ibid. & p. 579. Ad quid Medicus in medendo debet attendere. ibid. De elegantia corporis ejus, & quare non deformis ac defectuosus esse debet. De ejus vestitu. In medendis morbis debet solum auxiliari Naturæ. p. 580. Quid observare debet in prægnantibus. In curandis corporibus fugare debet quicquid crimen redolet. p. 581. Non abuti debet Venæ-sectione. p. 580. & 581. Cur ætas nostra caret sapientibus ac bonis Medicis. ibid. & p. 582.

M m m m 2 Mel

Mel venenatum dari tradunt Auctores. Quid de illo dicunt *Galen. Plin. & Dioscor.* p. 225. Unde provenire potest tale mel. signa mellis venenati. Ejus effectus, & curatio. p. 226.

Mel apum. vid. Apis.

Membrana pituitaria quid est. Quare dicitur pituitaria. Quid in ea observatur. p. 494. Quznam munera præstat. p. 495. vid. Saliva humana.

Mercurii effectus in pulmento traditi. p. 271. Quomodo utendum est Mercurio in lue venerea ad excitandam salivationem. p. 540. & seqq. Usus mercurii crudi non est adhibendus, & quare. p. 570. Nec non & pilularum ex eo confectarum. Ex ejus usu quid inde sequitur. p. 572. Vid. Argentum vivum.

Mezeraon quid est. Ejus descriptio. p. 233. Ejus vis. Quare ejus particulæ corpus humanum exulcerant. Ejus curatio. p. 234.

Milvus quid est, & quid ex ejus partibus sumit medicina. p. 422

Minium ex quo & cujus ope fit. Quid in eo considerandum est quoad ejus pondus & rubedinem. Cujus saporis est. Dicitur venenum, & quare. E-

jus symptomata & Curatio. p. 57.

Monoceros quomodo ejus cornu præservat à venenis, illudque indicat. p. 278.

Morbi sunt verbera Dæmonum, Satanae vincula, & pœna peccati. Quomodo curabantur olim ab Apostolis. p. 582. Triplices sunt Classes morborum, quorum unius curatio prohibetur medico, & quare. p. 570 & 574.

Moschi capreolus quodnam est Animal. Ejus magnitudo & color. Ex eo. Medicina recipit moschum. Unde colligitur ille moschus. Datur alius, & quomodo paratur. Quotuplex est juxta *Barthol.* Quomodo depuratur. Ratio parandi illius essentiam. Ejus effectus. p. 399 & 400.

Moracilla quid est. De ejus pulvere multum prædicant aliqui Medici. p. 423.

Mulier mensibus laborans spiritus inquinatos habet, unde speculum intuens sicut & alia mulat vitiat ac corrumpit. p. 104 Vid. Sanguis menstruus.

Muræna quid est. Nullum in eis masculum esse fabulosè dicitur. Ejus descriptio. p. 167. Ejus morsus venenosus est, & sumi-

similis morſui Viperæ, eadem-
que parit ſymptomata, reme-
diaque poſtulat. p. 168.

Murckion aliàs *Mirckion* quid eſt.
Sunt qui naturam ejus, licet
incognitam, enodant; ejusque
ſymptomata, & quid ex illis
colligi poteſt, tradunt. p. 240,
Ejus curatio ad Napelli capi-
tulum remittitur.

Mus Araneus quare dicitur *Mus*
& *Araneus*. Descriptio hujus
Animalis. Differt à mure do-
meſtico & in quo. Occiditur
à ſele, non verò editur. Ejus
morſus quadruplex eſt & per-
niciſoſus. p. 136. Quomodo ve-
nenum ſuum communicat ſi-
ve vivus, ſive mortuus ſit,
Symptomata ex ejus vulnere
inſiſto. Eorum curatio. p.
137.

Mus domeſticus quomodo & ad
quos uſus deſumitur à medi-
cina. Formula cujuſdam un-
guenti ex mure alpino confe-
cti, ejusque efficacia. p. 401.

Musce omnes non ſunt venena-
te. Quænam, & quomodo
peſtifera ſiunt. p. 151 Horum
animalculorum veneni mali-
gnitas ſicut & veſparum & a-
pum colligitur ex ſymptoma-
tibus. Modus curandi iſtum
ab illis inſiſtum, maximè ſi
aculeus in vulnere ſit relictus.

p. 152, & 153. Quid ex illis
ſumit medicina. p. 443.

Musca remedium eſt contra ve-
nenum à tarantula inſiſtum,
ejusque ſymptomata ſedat. p.
142, & 143. Vid. Tarantu-
la.

Musſela quomodo à Buſone oc-
ciditur. p. 134.

Musſela piſcis, quid ex ea ſumit
medicina, & ad quem uſum.
p. 435.

N.

N *Apellam* vulgò dicitur Aco-
nitum magnum. Tamen
differt ab eo. Ubinam creſcit.
Quare non tutum eſt illud in
hortos deferre. Confunditur
cum Aconito & Doſico. p. 183
effectus Napelli. p. 187, &
282. Quid contra ejus viru-
lentiam indicatur. p. 279. vid.
Aconitum.

Natrix quid eſt, unde diverſa for-
titur nomina, tam apud Au-
tores Medicos, quàm Poëticos.
p. 95. ſymptomata ex ejus
vulnere, & unde ſuam habent
originem. Ejus curatio. p. 96.

Natura nobis ingenuit metum ve-
nenatorum animalium. p. 130
Differt à Natura ſicut Ali-
mentum ab Alimento. p. 184
Paucis contenta, ſimplicibus
Mmm 3 gau-

gaudet, & quare. p. 569. Szape ei committenda est curatio multorum affectuum. p. 570. Quæ natura appetit ægris non sunt deneganda. ibid.

Nepa. vid. *Scorpio*.

Nerium multis nominibus appellatur à nonnullis. Descriptio hujus Plantæ. Quare inter venena connumeratur. p. 212. Symptomata ex ejus assumptione, & unde oriuntur. Ejus curatio. p. 213.

Nigella sylvestris, sunt qui eam venenatam esse dicunt alii verò contrà, quomodo & cujus ope potest esse venenum. Symptomata illius assumptæ. Ejus curatio. p. 228.

Noctua quid Medicinæ præbet, & ad quem usum. p. 423.

Nux metella cum nuce vomica confunditur juxta quosdam, juxta verò alios ab ea differt, nisi solo fructu quem similem habent. Sunt qui dicunt esse fructum stramonii. Venenum est medium tenens inter Opium & cicutam juxta *Cardan.* Intra corpus assumptum prava producit symptomata, & unde oriuntur. Ejus curatio. p. 211.

Nux vomica quid est. p. 215. Ejus descriptio secundum *Raium*. Est nō venenum tam Bru-

tis quàm hominibus. Ex illa à Cane devorata quid inde sequitur ac colligitur. p. 216. Symptomata quæ ex ejus assumptione assurgunt, unde c-riuntur. Curatio talis veneni. p. 217.

O.

Oculi plus vident quàm oculi. p. 575.

Oleander. vid. *Nerium*.

Olor qui & *Cygnus* dicitur quodnam est genus avium. Non solum partes illius medicinæ inserviunt, sed & pulli, & ad quem usum. p. 424.

Opium non idem est ac *meconium*, & in quo differt ab eo. quare multi credunt opium esse lac, & lacrymam papaveris. Quare inter calefacientia, non verò inter frigida numeratur. Ob ejus mirandas operationes magna de illo fit inter Medicos alteratio, quomodo dicitur maximum remedium, & è contra quomodo venenum. Diversos producit effectus apud Europæos, & apud Orientales. p. 175. Diversæ Nationes Orientis ad diversos usus sicut & mulieres diversè illo utuntur. p. 176. In quo consilii vis ejus venenata, patet

patet ex variis symptomaticis. p. 177. Symptomata ab opio sumpto. p. 178. & 281. Eorum curatio. p. 178.

Oryza. Quare ejus cortex inter venena connumeratur. Symptomata ex ejus assumptione & unde oriuntur. Ejus curatio. p. 223.

Ossa quare sunt corporis partes. p. 591.

Ostrea quid præstant usui Medico. quid singulare habent. p. 432.

Ovis lupo inimica multas partes habet Medicinæ peritiles. Describitur earum usus. p. 401. & 402.

P.

P *Ardaliches*. vid. *Aconitum*.

Passer duplex est. quomodo nuncupantur. Eorum usus & utilitas in arte Medica. pag. 424.

Pastinaca Marina cur sic vocatur. Ejus descriptio habetur apud *Aldovrand*. quomodo animalia, imò Arbores perdere potest. qualitas veneni hujus piscis. p. 171. Signa & symptomata illius. Remedia. p. 172.

Pavo avis Medica. Ejus partes Medicinæ inservientes, & ad

quem usum. p. 425.

Pediculi in quo laudantur à Medicis. p. 443.

Perca quid dat Medicinæ, & cujus pretii. p. 435.

Perdix ad quos usque vivit annos. Partes illius quibus adjuvatur medicina, earumque virtutes. p. 425.

Pericardium quid est. In homine semper reperitur. Ejus necessitas. p. 595. Ejus ortus & situs, superficies & substantia. De duplici ejus usu. p. 596. De humore in illo contento, unde provenit & quid est. p. 597. Cujus utilitatis est liquor iste. quare in mortuis major copia illius aquæ in pericardii cavitate reperitur. De ejus quantitate & colore. Humor qui è latere. Jesu Christi aperto cum sanguine fluxit, Pericardii fuit ne liquor. p. 598.

Persea fructus apud Persas noxius est. Apud Aegyptios verò contrà. Descriptio Arboris & fructus. p. 241.

Pharicon unde sic dicitur. De eo meminerunt *Dioscor.* & *Sennert.* p. 185. De ejus veneno, & ex qua Planta petrum est, non satis expertum est. An simplex vel compositum est. Antiqui ex eo tela inungebant. p. 186. Remedium quo

Hif.

- Hispani* utebantur. p. 188.
Pica ex ea paratur aqua antepileptica. Ejus descriptio. p. 426.
Piper Mexicanum quomodo prava symptomata producit. p. 260.
Pituita vid. Saliva humana. p. 495.
Planta Japonensium quomodo vocatur. Ejus descriptio. Quare magni æstimatur à Japonensibus. Ejus Antidotum. p. 250. In quo consistit causa ejus veneni. Ejus symptomata. p. 251. Quid operatur succus hujus venenatæ plantæ ad radicem alicujus salubris plantæ positus. p. 260. Quædam sunt Plantæ quæ serpentes expellunt. p. 279.
Plumbum quoddam metallum est, & ex qua materia. Quid notandum circa Mercurium ex quo conficitur, & in quo diversus est à Mercurio vulgi. Haustum horrenda producit symptomata. p. 79. Unde deducuntur. Plumbum dicitur Saturnus unde medicamenta ex eo parata parùm tuta judicantur ab *Hoffman*. aliisque auctoribus, ut videre est plurimis exemplis ab illis omnibus relatis. p. 80. Ejus curatio. p. 81.
Poësis in quantum utilis est Me-

- dico. p. 572. & 574.
Pomum mortis esse dicit *Cardan*. illudque describit. Et post eum sunt qui fructus ejus esum lethalem dicunt. Symptomata tamen, nec non particulæ quibus componitur, ignorantur. p. 241.
Porcus. vid. Sus.
Ptyalismus quid est, & quomodo dividitur, ac definitur. p. 527. Unde ortum suum habet. ibid. De Ptyalismo symptomatiko. p. 529. In variolis lethalis est. p. 530. vid. Saliva humana.

R.

- Rana* aquatica multas sui partes medicinæ præbet, maxime vero sperma, miræ virtutis. p. 435. Ranæ virides in quartanis febribus multum inserviunt. p. 481.
Ranunculus Planta. vid. Apium.
Ranunculus quoddam Animal est. Ejus color à quo nomen habet. Eum medicina recipit in usum, & specialiter ejus sanguinem, & quomodo. p. 402. & 403.
Realgar. vid. Arsenicum.
Regula generalis in arte medica. p. 570.
Regulus. vid. Basiliscus.
Remedium; quod spectat usum chi-

chimicorum remedium, medium tenuere beati. p. 570. In uno tantum remedio spes omnis non est collocanda. p. 573. Quare multa sunt homini remedia, quæ venena sunt animalibus, & vice versa. p. 184. & 192.

Rhinoceros quodnam est animal. De ejus vi alexipharmaca. Ex eo paratur oleum haud non rarum. p. 403.

Ricinus planta, inter venena describitur, & quare. p. 246. Dicitur etiam cataputia major, & est de genere tithy nallorum, eademque parit symptomata, quæ pari modo curantur. p. 247. Quare istis Herbis tanquam venenosis abstinendum est. ibid. effectus olei Ricini. p. 272. & 273.

Ricinus, insectum, quid medicinæ prodest. p. 443.

Rubeta, qualis est ejus malignitas. p. 104. & 130. Remedia adversus ejus venenum. Multa curiosa circa illud. p. 133. De lapide qui in ea oriri dicitur. Quisnam ille lapis. Descriptio Rubetæ. p. 135. vid. Basiliscus & Bufo.

Rupi Capra quodnam est animal. Ubi moratur. Ex ea medicina frequentes in usus habet partes. Quænam sunt, & quo *Josephi Lazzoni Opera.* Tom. I.

modo in remedium veniunt. p. 382. & 383.

Ruta sylvestris quid est. Ejus descriptio habetur apud *Matthiol.* Quid de ea narrat *Plin.* Symptomata ex ejus assumptione. Eorum causa. p. 231. Et curatio. p. 232.

S,

Sal ammoniacum quotuplex. Quomodo venenum & remedium est. De eo tanquam veneno tractat *Dioscor.* nec non & *Plin.* ejus originem tradens. p. 51. communis opinio circa illud. Cui alio Sali videatur assimilari. p. 52. & 53. natura illius venenosi salis. Ejus symptomata si assumatur, & præservatio ab illius assumptione. ibid.

Sal commune sicut & saccharum imbutum spumâ Bufonis venenum est. p. 275.

Salamandra. Ejus jocosa etymologia. Quare sic vocatur. Vis veneni hujus Animalis juxta *Isidor.* & *Matthiol.* De ea multa fabulosas omniarunt Majores nostri. Quidam verò rectius senserunt explicando veram ejus naturam & proprietatem. p. 124. & 125. Accidentia supervenientia insectis Nnnn ejus

ejus veneno, & quid ex illis colligitur. Remedia ad ejus curationem præscripta. ibid & p. 126. Ejus proprietates in arte medica. p. 443.

Saliva humana, quare dicitur Saliva p. 491. Variæ ejus definitiones, varique nomina juxta diversas Doctorum sententias. p. 492. Explicatur definitio auctoris nostri. ibid. & p. 493. Differt à sputo, & in quo. ibid. Quomodo differt etiam à muco. ibid. & p. 494. Quomodo differt à Lympha. p. 495. Non differt à pituita antiquorum. Quare descriptionem singularis ejus compositionis difficillimam judicat *Diemerbroeck*. ibid. Cum argento vivo associatur, æque ac cum omnibus heterogeneis humoribus, & quid inde colligitur. Sententia aliorum ple-
rorumque auctorum. p. 496. Ex eorum dictis quid colligit Auctor noster post innumeros Auctores. De ejus natura & origine dubitant multi. p. 497, & 502. Rationes quibus probatur salivam constare ex acido quodam. His difficultatibus respondetur. p. 498. Solvitur quæstio in qua quæritur, Cur in hominis ore abundat saliva ex visione aut descriptione a-

licujus grati cibi, aut ex concubitu desiderio, sicut & ex vomitu. p. 499. & 500. Diversæ modernorum opiniones circa novos ductus salivales. p. 502, & 503. Ab arterioso sanguine provenit saliva. ibid. Antiqua est inventio salivalium vasorum juxta plerosque Auctores. p. 504. Circa eorum structuram & situm erraverunt Antiqui, & in quo. ibid. Tot sunt salivæ ductus, quot sunt eorum inventores, qui quatuor describuntur secundum observationem quatuor recentiorum anatomicorum à quibus ortum ducunt. p. 505, 506, & 507. Dantur & alii minimi. p. 508. Opinio *Doring*. de salivæ generatione. p. 509. Diversæ sententiæ circa salivæ secretionem. ibid. & p. 510. Quædam dubia circa ejus ductus & secretionem, quibus respondetur. p. 511. Diversi salivæ usus. Quomodo deglutitionem faciliat; saporem cibis inducit. p. 512. Quomodo sitim distinguit. p. 514. Partes interiores oris lubricat, & Alimentorum fermentationem promovet. p. 515. 516. & 517 saliva humana ad plures morbos remedium est. Valet contra Serpentes, Viperas, Scorpiones,

nes, eorumque morfus, & quam ob causam. p. 518. & 519. Utilis est contra Mammarum cancrum. p. 520. Saliva jejuni hominis innumeros curat Morbos. p. 521. & 522. Quomodo robur infantibus affert. ibid. Miræ aliæ proprietates salivæ. p. 523. 524. & 525. Saliva malè affecta pessimos parit effectus. p. 526. Immoderata salivæ excretio quomodo vocatur, & definitur. ibid. Multa curiosâ de salivatione morbofa. p. 528. & 529. De critica salivatione. ibid. & 530. Curiosâ observatio depravati gustûs à salivæ vitio. p. 531. & seqq. Aliud salivæ vitium. p. 539. Quomodo saliva morbofa fordidos efficit dentes. ibid. De artificiali seu mercuriali salivatione, & quis primus fuit illius inventor. p. 546. Quomodo peragenda est. ibid. & seqq. Quædam observanda circa ejus usum. p. 546. Quid sentiendum de illa curatione quæ videtur peccare in leges. ibid. & p. 547. Reseruntur nonnulli morbi per eam sanati. ibid. & p. 548. Variæ ægritudines ab illa ortæ. p. 549. Diversi casus in quibus illa salivatio mortem causare potest. p. 550. Innumera significatio-

nes sputi & salivæ homininis à variis scriptoribus tam sacris quàm profanis collectæ ad lectoris declarationem. p. 552. & seqq.

Salvia quamvis naturâ suâ innocua, pessima tamen producere potest symptomata. Quando nam & quomodo, exemplo demonstratur. p. 251. & 261.

Sandaracha. vid. Arsenicum.

Sanguis Felis. vid. Felis.

Sanguis menstruus Mulierum est ne venenatus. Sunt qui affirmant, alii verò negant, & rationes quibus fulciuntur utriusque. Idem dicitur de sanguine Taurino, & de lacte coagulato. p. 164. & 165.

Sapientia, ejus initium, timor Domini. p. 582.

Sardonias Herba, quare sic vocatur. Unde ex illa Herba proverbium invaluit, *Risus Sardonicus*. p. 202. vid. Apium.

Saturnus. vid. Plumbum.

Scammonium, quid nomine suo denotat. Ejus descriptio. Cui assimilatur, & in quo differt ab illo. Ejus effectus, & quomodo illud exhibere debent Medici. Symptomata ex ejus assumptione. Quare Recentiores putant Scammonium esse succum Esulæ. p. 245. Ejus curatio. p. 246.

Nnnn 2 *Sc-*

Scarabæus triplex est. Quid utri-
que valent in arte Medica.
• Descriptio cujusdam Remedi-
dii ex *Scarabæis* unctuosus, ejus-
que proprietas. p. 443. &

444.

Scincus quodnam est Animal.
Ejus usus in re Medica. p.

444.

Scirtus quodnam est Animal.
Quid ex eo sumit Medici-
na, & ad quem usum. p.
404.

Scobina campanarum vid. Cam-
pana.

Scolopendra quid est. Quare dici-
tur Porcus lutosus. Ex qua
parte morsu suo noxia est.
Quid ex illo morsu sequitur.
Mordetne ore, an tactu toti-
us corporis. In quo consistit
virus hujus Animalis, unde di-
versa mala, morsque ipsa in-
ducitur. Modus succurrendi
iis qui ictus *Scolopendræ* pas-
si sunt. p. 129.

Scoria Ferri. vid. Ferrum.

Scorpæna. vid. *Scorpio* Mari-
nus.

Scorpio, pro *Nepa* olim fume-
batur, nunc verò non. Quod-
nam est Animal. Ejus forma.
p. 111. Novem *Scorpionum*
genera numerat *Ælian.* eo-
rumque nomina describit. Tria
tantum admittit autor noster.

De ejus veneno multum du-
bitant Autores. Sunt qui in-
nocuum esse dicunt præter
Africanum; alii verò contrà,
sed tantum in quibusdā re-
gionibus, annique tempesta-
tibus, quod quinque confir-
mat exemplis. p. 112. Traga-
dia *Scorpionis* se ipsum inter-
ficiens. Symptomata ejus
ictum sequentia, & unde ori-
untur. p. 113. Remedia qui-
bus utendum est. p. 114. &
115. Præcipuum & notatu
dignum desumitur ex ipso
Scorpione vivo super vulnus
contrito, daturque ratio &
causa talis effectus. p. 113.
Ridicula curatio pro iis qui
Scorpionis ictum passi sunt. p.
280.

Scorpio Marinus, vel, *Scorpæna*
unum & idem Animal esse
dicunt aliqui, diversum verò
alii, Spinis eorum venenatis
æque vulnerant, sed differunt
numero spinarum. Quomodo
virus suum transferunt in vul-
nera. Symptomata ex eorum
puncturâ insurgentia naturam
hujus veneni demonstrant. p.
172. Eorum curatio. pag.
173.

Scorpio, insectum, quoddam est
Animal. A quo generatur. Ex
eo parantur olea. Eorum vis
&

& usus. De mirabili potentia
cujusdam Herbæ adversus eum
p. 445. Ejus punctura plus nocet
mulieribus quam homini-
bus. Sanat à Viperæ morfu,
pluraque alia medicamenta
medicinæ præbet. p. 446.

Scylla, seu, squilla quid est. Cu-
jus usus. Ubinam oritur. Qua-
re in venenorum numero col-
locatur. Mala ejus assumptio-
nem sequentia. Eorum causa
p. 232. Eorum curatio. pag.
233.

Scytale. vid. Amphibæna.

Sepedon idem ac *Sepes*. Quid ha-
bent inter se commune, & in
quo differunt. Unde nomen
habet *Sepedon*. Venenatissi-
mum esse testant Autores si-
cut & experientia. Sympto-
mata ex ejus morfu. p. 91. ef-
fectus illius morsus describit
Lucan. Ejus curatio. p. 92.

Sepia quid ex se dat medicis, &
ad quem usum. p. 436.

Serpentaria variz sunt species. p.
249. vid. *Dragonæa*.

Serpentes inter Animalia veneno-
sa primi adscribuntur. Quo-
tuplicis sunt generis, & unde
diversa trahunt nomina. p. 83.
Sententia aliquorum de Ser-
pente primævo, de ejus cre-
tione & pœna. Quotuplici
modoe *Srpens* potest venenum

inferre homini. Symptomata
ex ejus morfu. p. 84. Ejus cu-
ratio. p. 85. Lingua ejus of-
tendit præsentiam veneni. p.
277. Ejus oculi præservant à
venenis. p. 278. Lapis ex e-
jus Capite extractus magnam
vim habet contra venenum,
juxta quosdam, secundum al-
ios non. ibid. Exuvias suas bis
in anno deponit, & quo tem-
pore. Ex eo Medici sumunt
totum corpus, Adipem, Exu-
vias, Hepar & Fellis humo-
rem, & ad quem usum. p. 403
& 404.

Solanum, vel, *Solatium*, quare sic
dicitur. Ejus genericæ notæ.
Quotuplex est, eorumque om-
nium nomina. Varias Solani
species admittunt *Batanici*.
Viginti numerantur, quæ om-
nes aquè ac illud hortense no-
xiæ sunt ad mortem usque,
magis autem noxium *Bellado-
na* dicitur. Perniciosissimum
est *Solanum* quod furiosum di-
citur, & quare. p. 199. Om-
nium Solanorum natura vene-
nosa est. Sumptum *Solanum*
multa producit accidentia, p.
200, 275, & 281. Unde ori-
untur, eorumque curatio. p.
200, & 275.

Spica cornu quid est. Cujus odo-
ris. Ejus Natura. Unde ori-

Nnnn . 3 untur

untur symptomata quæ ab ejus assumptione producuntur. Curatio talis veneni. p. 227.

Spodium. vid. Tutia.

Staphisagria quid est. Ejus descriptio. Quare dicitur Uva passa. Signa ejus assumptionis. Quid ex illis colligitur. Curatio illius. p. 237, 255. & 256.

Stellio, quæ & Ascalabotes dicitur, quid est. Quare si vocatur, p. 122. Unde Poëtæ nomen illud deducunt. De morfu & astutia quibus tam Homini quàm Animalibus nocet, & in quibusnam Regionibus sunt pestiferi aut innocui. Symptomata ex ejus carnis sumptione, Dolor quem patitur ab eo demorsus quis est. Ex eo demonstratur istius veneni qualitas & malitia. Remedia quibus utendum est. p. 123. Scorpionibus dicitur contrarius. p. 445.

Stramonium. vid. Datura.

Struthiocamelus, quid de eo narant Autores multi. Partes illius Pharmacopœam intrantes, earumque usus. p. 426.

Sturio quid ex eo commendatur in arte Medica. p. 436.

Sulphur cur sic vocatur. p. 54. Quotuplici substantia compositum est. Quotuplex est sulphur: inter remedia & venena nume-

ratur. Symptomata ex ejus assumptione in corpore humano. Præservatio illius & curatio. p. 55.

Sus, sive Porcus, quodnam Animal. Utilitates partium illius in re Medica, & quid ex illis conficitur ad salutem humanæ vitæ. p. 404, & 405.

T.

T *Alpa* quid est. Quid verò concedit Medicinæ, & ad quos usus, p. 406.

Tamarindus, ejus umbra noxia est dormientibus sub ea. p. 258.

Tarantula cur sic nuncupatur. Ejus descriptio. p. 140. Ejus venenum. Quomodo & in qua tempestate illud infigit. Signa sequentia morsum aut ictum hujus Animalis. Varios producit effectus illud venenum juxta depravatæ demorforum phantasie naturam. p. 141. In quo consistit illud venenum. Symptomata Tarantulorum in genere sumpta quænam sunt & quibus aliis similia. Cur statim à Musica sedantur, ita ut quasi remedium sit ipsis demorsis. p. 142 & 143. Diversi modo diversisque laboribus afficiuntur læsi à

fi à Tarantula, unde quidam Philosophi tot Tarantularum species admiserunt, quot diversa agnoverunt accidentia. Earum morsus comparatur ebrietati quæ in quemcumque operatur pro sua natura. Recrudescit illud venenum, & quo potissimum tempore. Cibi Tarantatis noxii. p. 144. Periculosus & quidem lethalis est Tarantulæ morsus, sed tardi morûs. Quandonam periculosior fit. Ex Symptomatibus illius veneni quid colligitur. Indicationes curativæ, quæ, sublata Musicâ, frustraneæ sunt. p. 145. & 146.

Taxus, Arbor, quibus, quomodo & in qua Regione noxia est. p. 208. Ejus descriptio. p. 243. Habetur etiam prolixa apud *Raium* & *Manget*. Symptomata ex illius veneno. p. 208. quid ex illis colligitur. Hujus veneni curatio. p. 209.

Taxus, Animal, quid ex eo sumit Medicina, & ad quem usum. p. 406.

Teredo, ad quem usum inservit Medicinæ. p. 446.

Terra Melitenensis præstans est adversus omnia venena, maximè verò adversus venenum Vipe-

ræ. p. 109. vid. *Vipera*.

Tessudo Marina, quid sui præstat Medicinæ, & ad quem usum. p. 436.

Thymallus dat tantum Axungiam, & quid valet. p. 437.

Tinca, quid ex ea in usum Medicum venit, & cujus valoris. p. 437.

Tithymallus, ut ex alia similia, ob pessimos suos effectus in numero venenorum meritis ponitur. Omnia ejus genera, maximè verò ejus lacteus succus non sine noxa sumi potest, prudentiamque Medicorum exigit. Signa ex ejus assumptione. p. 246. quid ex illis colligitur. Ejus curatio. p. 247.

Torpedo, unde sic dicitur. In qua parte corporis ejus residet venenum hujus Animalis indicat *Stephan. Lorenz*. Prohibetur venundari in Foro. Tamen à quarundam Regionum Plebeiis expetitur esui. Quomodo suum emittit virus juxta Veteres ac modernos Medicos. Quis est dolor quem producit, & unde provenit. p. 166. Ejus curatio. p. 167.

Toxicum, unde sic dicitur, patet ex verbis *Plinii*. Quomodo vocabatur à Græcis. A diversis vocabulis nomen habet. p. 186.

186. & 187. Venenum est quo Antiqui jacula tangebant. Quid est Toxicum, & quomodo vocatur Arabis. Ejus remedium idem est ac illud Phari- ci. ibid. Vid. Pharicum. Effectus toxici per fumum in corpus admissi, & quomodo mortem infert. p. 273.

Tritia, quid ex ea sumunt Medici, & ad quem usum. p. 437.

Turtur, quasnam partes habet pro Medicina, & ob quem usum. p. 327.

Tutia quid est. Quomodo definitur. Quare dicitur Spodium. Venenum habetur ob ejus originem à Cupro. Illius usus. Prava ejus Symptomata, & curatio. p. 56.

Tyrus. vid. *Vipera*.

V.

Vacca. vid. *Bos*.

Vasa manuum ac pedum prius mortua sunt quam illa Cordis. p. 598.

Vena-sectio magnum & extremum remedium est, quo abuti non licet Medicis. p. 580. & 587. De Vena-sectione in rabie canina. p. 161.

Venena Animalium. vid. *Animalia venenata*.

Venena quædam sicut & Medicamina tacenda sunt, & quare. p. 235. Multa per accidens possunt evadere venena. pag. 253. Venena non omnia pari modo inficiunt. p. 282. Venena mixta dantur innumera. Quare non convenit eorum formulas aperire. Quotuplicis sunt generis. De diversis modis quibus necare possunt. p. 261. quod multis probatur exemplis historiis. p. 262. 263 & 265. Diversi modi quibus confici possunt talia venena. ibid. & p. 264. 266. 267. Formula cujusdam olei venenosi. p. 266. Altera formula cujusdam veneni, ejusque remedium. p. 267. Aliæ venenorum formulæ. p. 268.

Venenum tractare licet ne Medico, sunt qui negant, nonnulli verò affirmant, Diversæ rationes quibus utrique fulciuntur. p. 2. & 3. Veneni nomen, & Etymologia. p. 4. & 5. Ejus definitio. p. 8. & 9. Ejus natura juxta *Platonem*. & *Aristotem*. p. 10. Ejus diversæ qualitates & effectus. p. 11. Utilitates ob quas Deus creavit diversâ ejus genera. p. 12. & 13. Homo non potest nutriri veneno. p. 14. Contrarium experientia docet juxta *Sennertum*. ibid. Datur

Datur duplex distinctio ad dirimendas difficultates. p. 15. Diversæ historiæ ad rem pertinentes. p. 16. Triplex assignatur differentia Venenorum. p. 17. & 18. Varia illorum genera ad duarum tantum classes revocantur à Clariss. D. *Luca Tozzi*. ibid. Pessima venena sunt quæ spiritibus adversantur. ibid. Alia veneni distinctio Clariss. *Friccii*. p. 19. Duae summas omnium venenorum admittit differentias *Joubert*. ibid. Duplex illorum genus esse dicit *Craanen*. ibid. Altera venenorum divisio à *Fromman*. desumpta. ibid. His omnibus venenorum differentiis alias addit *Zacchias* quarum innumera referuntur exempla. p. 20. Altera demum divisio *Zacuti Lusitan*. p. 21. Autor verò noster asserens plures venenorum esse differentias eas omnes singillatim percurrit ac enodat. p. 21, 22, & 284. Explicatur quæstio quæ ex omnibus illis differentiis insurgit erga venenum extra adhibitum & intus sumptum. p. 23. Veneni signa Diagnostica. p. 24. Designantur illa signa à *Cardan*. ibid. Signum commune præsentanei veneni juxta *Sennert*. p. 25. Alia multa *Josephi Lanzoni Opera*. Tom. I.

signa quibus venenum se se prodit juxta diversa symptomata. ibid. & p. 26. An potest cognosci humanum cadaver veneno necatum. p. 27. Sunt qui negant, alii verò affirmant, quod experientiâ & exemplis probant. ibid. & p. 28. Sententia Autoris. p. 29. Diversa prognostica veneni. p. 30. Diversi modi quibus uti possunt homines, imprimis verò Principes ad illud præcavendum. ibid. & p. 31. & 32. Multa indicantur quæ peculiari naturæ dote signis venenum demonstrant. ibid. Venenum quanto citius debet expelli è corpore, & per quam viam. ibid. Quibus utendum est remediis, & quæ vitanda in ejus Curatione, sive per vulnus aut per morsum aut alio quovis modo in corpus immittatur. p. 33. Remedia utilia ad illud extrahendum. p. 34. Deteguntur duæ præcipue fraudes quibus utuntur Circulatores, ut facilius persuadeant adstantibus eorum Antidotum omnium esse præstantissimum adversus venena. p. 35, 36, & 37. Medici in tres partes Venena distribuunt. Autor verò noster in quinque. ibid. easque nominatim

Oooo ex

exponit. p. 38. De quodam veneno Formicarum usu. p. 274. Experientia cujusdam mixturæ venenosæ. Alia mixtura fugans omnia venenorum genera. p. 276 & 280. In Veneficiis prævalet Fœminarum scientia. p. 276. In omni corpore venenoso latet ejusdem veneni Antidotum, probatur exemplis, & indicantur partes in quibus tale Antidotum investigandum est. ibid. & p. 277

Vespa, quando & in quibusdam Regionibus periculosiores sunt earum ictus. Punctio earum ad mortem usque nocua est. Symptomata quibus colligitur veneni qualitas. Ejus curatio. p. 252. vid. Muscæ.

Vingafana, aliàs Duxumira, ejus descriptio juxta *And. Cleyerum*. Ejus natura & effectus non describuntur, idèd remedia ignorantur. p. 257.

Vinum quomodo potest esse homini, modò Alimentum, modò Medicamentum, modò Venenum. p. 6. Diversi ejus effectus. p. 7. Dicitur lacryma Vitis, & pater lacrymarum in poratoribus, & quomodò. p. 471. Vinum Cicutæ est venenum. p. 190. Vinum in quo suffocata est *Vipera* non venenum, sed remedium est. p. 107. Vinum

assumptum in quo infusum fuerit Tabacum, Sal, seu Anguilla pessima parit Symptomata, ut videre est in Historiis ab Autore relatis. p. 270. & 429.

Vipera pro suo sexu diversimode vocatur, diversaque à diversis rationibus nomina trahit. Quare communiter *Vipera* dicitur. Quomodo *Aldrovand* eam vocat. p. 105. Diversa relatio ejus ortus tam quoad coitum Maris quàm Fœminæ partum. p. 106, & 107. Quid est *Vipera*, Ejus color, longitudo & forma. Quem locum habitat tempore hyemali. Quomodo definitur à *Bald.* Observatio circa ejus dentes. p. 106. Circa ejus venenum, partesque corporis illius in quibus constat, necnon & modum quo illud producit ac communicat, diversè sentiunt plerique sicut & Autor noster cum aliis. ibid. & seq. Diversi effectus liquoris venenati *Viperæ*. p. 107. & 108. Ex ejus morfu quid inde sequitur. ibid. In quo consistit ejus venenum secundum Autorem nostrum. Symptomata quibus agnoscitur Mors aut salus ægri. Quo tempore & in quibus Regionibus magis nocuæ sunt *Viperæ*, earum-

rumque virus. Est-ne quædam differentia inter illud Maris & illud Fœminæ. Remedia in ejus curatione adhibenda. *ibid.* & p. 109. Dissertatio de morfu Viperæ in D. Paulo, Terræque Melitensis præstantiâ adversus venenum ejus. *ibid.* & p. 110. & 111. Sunt qui dicunt solo odore Balsami Viperas enecari, alii verò negant. p. 279. Ex ea paratur Balsamum contra venena. Modus curandi leprosos per eas. Ex eis conficitur oleum contra porriginem. Componitur egregius pulvis, cõdunturque vina Viperina adversus venena, aliaque plura. p. 407.

Viscus quid est. Ejus descriptio. De ejus semine genitali variò differunt Autores. p. 229. & 230. Quare inter venena connumeratur. *ibid.* Accidentiâ ejus assumptionem sequentia. Curatio talis veneni p. 231.

Vitriolum quid est. Ejus Etymologia, nomen effectus & curatio. p. 40.

Vitrum, ejus definitio & natura. Quidam inter venena illud ponunt, maximè si intus sit assumptum, quidam verò non, quod curiosi Vitrivororum Historiis probant, p. 48. & 49. Ejus symptomata & l. dicatio-

nes curativæ. *ibid.*

Vitulus Vaccæ proles, quid ex eo sumunt Medici, & ad quem usum. p. 408.

Unicornu quodnam est Animal. Quid de ejus cornu dicit *Er-mull.* Ad quem usum prodest, & quid ex illo paratur. p. 408 & 409.

Urupa quomodo partibus suis Medicinam juvat. p. 427.

Ursus quodnam est Animal. Ejus descriptio. Quænam partes illius Medicinæ faciunt, & ad quem usum. p. 409. & 410. In creta nullus videtur Ursus. p. 412.

Urtica semien inter venena ab Autore quodam annumeratur. Eadem parit Symptomata ac Scylla, & quare. Autor noster contrarium tenens illud pro remedio habet. p. 234. Venenumque non esse mortiferum asserit. p. 235.

Vulpes quid est. Ejus descriptio. Enumerantur partes illius quæ in usum Medicum veniunt, & indicantur morbi quibus profunt. Formula cujusdam aquæ ex ipsius pulmone confectæ. Modus conficiendi oleum ex Vulpe contra Podagram. In Creta nullus adest Vulpes. p. 410. 411. & 412.

Vultur, quibusnam facultatibus

Oooo 2 præ-

praditus est. Quænam partes
ex eo in usum Medicum ve-
niunt, & earum proprietates, p.
428.

X.

X *Agua* quid est. Ubinam inve-
nitur. De ejus venenoso

fructu, Ubinam nascitur. Præ-
sidium adversus tale venenum.
Ejus umbra noxia est, sicut
& ejusdem ligna combusta.
p. 259. Vid. Sequentes Arti-
culos.



FINIS.





